







516. water house

55-11

45





# HIERONYMI FRACASTORII VERONENSIS

Opera omnia, in vnum proxime post illius mortem  
collecta. quorum nomina sequens  
pagina plenius indicat

ACCESSERVNT

ANDREAE NAVGERII,  
PATRICII VENETI,

*Orationes duae carminaq. nonnulla,*

Amicorum cura ob id nuper simul impressa, ut eorum scripta, qui arcta inter  
se uiuentes necessitudine coniuncti fuerunt, in hominum quoque manus  
post eorum mortem iuncta pariter peruenirent.



Cum Illustriss. Senatus Veneti decreto.

VENETIIS, APVD IVENTAS, M. D. LV.



EX OPERVM QVAE IN HOC  
OLVMINE CONTINENTVR.

HIERONYMI FRACASTORII VERONENSIS

Homocentricorum siue de stellis liber vnus.  
De causis criticorum dierum libellus.  
De sympathia & antipathia liber vnus.  
De contagionibus & contagiosis morbis & eorum  
curatione libri tres.  
NAVGERIVS siue de poetica dialogus.  
TVRRIVS siue de intellectu dialogus.  
FRACASTORIYS siue de anima dialogus.  
De vini temperatura sententia.  
Syphilidis siue de morbo Gallico libri tres.  
Ioseph libri duo.  
Carminum liber vnus.

ANDREAE NAVGERII PAT. VEN.

Oratio in funere Bartholomæi Liuiani.  
Oratio in funere Leonardi Lauretani Princip. Ven.  
Carminum liber vnus.



homines opibus ingenioq; validiores supra ciuilis fortunæ cen-  
 sum ædificarunt picturis exornata, sed vno tantum loci genio, ac  
 situs prærogatiua admirabilis) reperitur. Quadrata domus est,  
 ac liberiori vndique præterquam ab aquilone, cœli facie coro-  
 nata: nam qua ab oriente Athesim ad radices montis ex intima  
 Germania propè Baldum rapido cursu defluentem attingit,  
 Veronam urbem & circumfusas innumerabiles in subiecta pla-  
 nitie villas longissime prospectat: atque in his, omnis generis ar-  
 menta errantia, & fumantia sub vesperam tecta intuetur. ab oc-  
 cidente autem Benacum è conuerso latissima facies, excipit:  
 pari hercle occurrentium collium varietate mirabilior ac iu-  
 cundior: quum vel altos interdum Benaci fluctus, & beatam  
 Catulli peninsulam, ac veliferas item classes, & piscantium na-  
 uiculas longè aduenientes perspectare, tum diuersa oppida apri-  
 cis promontorijs exposita lubet contemplari. hinc Bardolinum  
 subiectum: hinc frequenti olea & citrijs colles coronatos, hinc  
 demum nemorosa & læta virentibus pascuis nascentium mon-  
 tium iuga despectantur. noxios ventorum flatus ad meridiem  
 paululum extans ante domum cubitus eminentibus pomi-  
 feris arboribus iucundus, ac Baldus mons ad aquilonem ver-  
 gens, omnem hyemis duritiem procul expellit: ita tamen, vt  
 & in mediâ æstate, quum ex alto Sol vrget, obortis æteliis blan-  
 dissime ventiletur, nec ardere in cœlo Sirium sentiat: &, per  
 hyemem, apricum ferè semper solem & nebule omnis exper-  
 tem diem admittat. Benacus porro, qui maritimi littoris natu-  
 ram æmulatus nunquam gelascit, atque omnem hyemis duri-  
 tiem suauiter frangit, non parum momenti cæteris quoque af-  
 fert commodis. Hic illum interior domus æstiuis hybernisq; cu-  
 biculis atque interioribus conclauijs, vbi amicos benigne atque  
 hilariter excipere consueuerat, perquam commoda, quod ma-  
 gnopere musis expetitur, strepitu vacua, atque alti plena silen-  
 tij, omnibusq; munditijs nitida, ad secretiora accedentem stu-  
 dia comiter accipiebat: quando æditis æternæ famæ carmini-  
 bus, nobile illius caput fertis, & virenti per omnem Europam  
 laurea coronaret. Vitæ genus adamauit quietum, cunctis solu-  
 tum curis & litibus, quum vir minime ambitiosus & paruo con-  
 tentus, honestæ ac iucundæ vitæ ad bonam semper frugem per-  
 cupidus, vnâ tantum studiorum laudem spectaret: hilari ac



frugi mensa exactissima semper ad tuendam valetudinem ratione instructa: tam aperto, liberali, & perblando semper ingenio, vt quum summa esset morum temperie, facilitateq; naturæ, non eloquio, non cultu, fastum vllum ostenderet: nunquam in alieni operis censura amarulentus aut parcus laudator esse consueuisset: vt etiam Ioannis baptistæ Montani medici clarissimi, illius vel æmuli, vel, vt plures iudicabant, principatum in re medica acriter affectantis mortem, nobili epigrammate sit persecutus. Medicinam, ad quam perdiscendam se totum ab adolescentia conuertit, & in qua, nominis celebritate primum inter illustres totius Europæ medicos locum obtinebat, toto vitæ tempore ita exercuit, vt in affectis corporibus sanandis, in quibus illi mirifica quædam & diuina prorsus vis fuit, nullius questus potiusquam officij rationem haberet. & quoniam, hac vitæ ratione multorum amicitiam suo sibi beneficio comparauerat, inimicum vero merito habebat neminem, omnes non Venetiæ tantum, atque illius oræ, sed externi etiam principes & reguli, vt de vel desperata vel dubia vitæ re illum consulerent, maximis ad se conditionibus accersebant: à quibus ille discedens, salute eisdem restituta, nullum prorsus præter amicum animum in patriam referebat. Delectabatur, cum in otio esset, antiquorum historias, & illustria clarissimorum virorum facta perlegere: Mathematicis item scientijs, sed præsertim Musicæ, oblectandi animi causa studium adhibere: sed, ex mitioribus omnibus disciplinis in vnam Cosmographiam incumbere: quam tanto studio quandoque colere consueuerat, vt terrarum omnium ab Lusitanis primum in oriente, mox à Columbo in occidente superioribus annis inuentarum descriptiones & loca, ligneis orbibus ad amussim affabrefactis, altitudinum & latitudinum adhibitis dimensionibus deliniaret. Consuetudo assidua illi erat multum cogitandi, plurima secum animo voluendi, neque enim tempus vllum labi frustra vir nunquam otiosus patiebatur: ideoque & raro admodum & nisi plurimis adhortationibus inuitatus, loquebatur: tristemq; ac seuerum homines existimabant, quum illius sermonibus ad hilaritatem sæpius conuersis, nihil lætius nihil vrbanius posset reperiri. Sed qui herbariæ facultati ac simplicibus medicamentis ex antiquorum libris accurate perdiscendis egregiam pridem operam nauauerat,



1

# HIERONYMI FRACASTORII VITA.



**H**IERONYMVS FRACASTORIVS Veronensis, FRACASTORIA perantiqua Verone ac valde nobili, familia ortus, non autem, utrum modo ciuium suorum Catulli & C. Plinii gloriam æmulari, sed omnes prorsus nostrę, & superioris ætatis homines præstanti omnis doctrinæ laude, & eximia in pangendis carminibus gloria, longo interuallo superare contendit. Is, Paulophilippo Fracastorio, & Camilla Mascarelia summæ probitatis parentibus ortus, atque à patre honeste, ac liberaliter educatus, vt primum per ætatem in luce hominum versari cœpit, tale de se specimen apud omnes præbuit, vt, iam tum ex eo adhuc puero, qui postea vir futurus esset, facile homines conieciarentur. quod Deorum immortalium maturo quoque testimonio pridem fuerat confirmatum, quum penè infantem, & vix cunis egressum, à matre in vlnis blande pertractatum, ipsa fatali de cœlo icta fulmine, incolumis seruaretur. Patauium, ad capiendum animi cultum, adolescens adhuc à patre missus, ingenti cura, atque indefesso labore, iam tum ad summum gloriæ fastigium generosi spiritus indole sibi iter aperuit, quum post omnium bonarum literarum cognitionem ad arcana cuiusque doctrinæ, sed mathematicarum præcipue scientiarum infinita etiam lectione, inusitataq; memoria sibi esse penetrandum iudicasset. Sed quum philosophiæ studijs per multos annos operam dedisset, tanto animi ardore, atque alacritate genio suadente, se totum ad medicinam conuertit, tanta porro contentione in gymnasio per quottidianas medicorum disceptationes se se exercuit, vt doctores ipsi atque æqualis iuuentus, eum ad omnia natum esse diuino quodam consilio faterentur, illiq; maximos suggestus honores tunc detulerint, quod Patauij ante illum nemini, nisi maturo in studijs, & perfectæ demum ætatis viro, contigerat. Studiorum socios & sodales habuit M. Antonium, Ioannem Baptistam, & Rhamundum, Turrianos nobilissimos fratres, quibuscum quottidiano fere in conuictu Patauij versabatur, quum Hieronymus eorum pater



exactæ doctrinæ, & auctoritatis vir, primum inter medicos, in  
 ea ciuitate honestissimis conditionibus suggestus locum obti-  
 nebat. Sed, exorto demum bello, & euerso Patauino Gymna-  
 sio, quum nuntiata esset illi patris mors, & in patriam iter pa-  
 raret, Liuianus Venetarum copiarum Imperator, musarum li-  
 beralis hospes, & ingeniorum censor longe grauissimus, hone-  
 stissimis conditionibus in Academiam ad Portum naonem in-  
 stitutam in Andreae Naugerij Patricij Veneti, & Ioannis  
 Cottæ præcellentium poetarum contubernium euocauit. Vbi  
 cum diu, multumq; versatus esset, carminumq; quæ ab eo quoti-  
 tidie ex nobili semper occasione summæ dignitatis emanabant  
 authoritate vniuersæ Italiæ carus ac iucundus esse cœpisset, illius  
 scripta exinde publico semper excepta plausu, reliquorum ad  
 hanc diem omnium famam oppresserunt. Sed quum pluribus  
 bellis illum aliquandiu secutus esset, eo tum demum ex ipsa Gal-  
 lorum ad Abduam victoria fuso ac capto, se in patriam sero con-  
 tulit, quum omnia penè funditus euersa ac deuastata direptio-  
 nibus & incendijs paterna bona exposita reperisset: Duxit vxo-  
 rem viuo adhuc suadenteq; patre haud parî felicitàte, quum  
 non duorum modo, quos immature sibi ereptos nobili carmi-  
 ne acriter dolet, filiorum funeri interfuisset, nisi præter Paulum-  
 philippum quem hodie Veronæ præclaro florentem ingenio  
 admiramur, tertium quoque annis grauem & consilio matur-  
 um amisisset. Fuit Fracastorius parua quidem sed quadrata  
 corporis statura, latis humeris, nigra coma proluxaq; facie rotun-  
 da, subnigris oculis, naso, ab diutissime contemplandis stellis  
 contracto, simoq; Cæterum totius oris aspectu miram probi-  
 tatem sinceriq; animi candorem referente. Domum habuit  
 Veronæ iuxta ædem D. Euphemiae dicatam, quanquam seces-  
 su Caphio Mellineoq; plurimum oblectaretur. de quo quidem  
 Caphio monte antequam sermo vterius proferatur, pauca ideo  
 dicenda esse videntur, ne, locus toto Veronensi agro hoc tam  
 eximio cultore celeberrimus, quum is, ingenuo pudore de-  
 tentus pauca admodum descripserit, omnino ignoretur. Est  
 CAPHIUS mons ad radices Baldi xx. millia passuum Verona  
 distans, inter Athesim & Benacum medius. ibi, quum paululum  
 ascenderis, villa in collis iugo, in media planitie ad conspectum  
 Benaci ( non eximijs illa quidem vt reguli, ac beatioris fortunæ  
 homines



rent. scripsit de criticis item diebus alterum, contra Galenum. Scripsit grauiori ætate, ac plane senex, de sympathia & antipathia rerum, & contagionibus, & contagiosis morbis pari ingenij splendore libros ad Alexandrum Farnesium Cardinalem, atque inde præclaram nominis famam latissime propagauit. nouissime vero, dum duos dialogos accurate & eleganter de poetica vnum, & de intellectu alterum conscriptos in manibus haberet iam iam æditurus, Tertium de anima, & Iosephi historiam summo vate dignam, fatali morbo properante absolueri non potuit. Carmina quædam ingenij ad maiora tendentis præludia, magni tamen atque ingentis illius spiritus vim referentia extant. Ex ijs, ea præsertim, quibus Cæsar Fregosius Palladis viuenti olea coronatæ caput, nobili gemma vel decenter cœlatum, Margaritæ Valesiæ Nauarræ Reginæ Francisci Gallorum regis sorori, dono misit. Citriorum Epigrammata, & perennis famæ odę, tenera quadam ac prædulci ad Malsesenum suauitate decantatæ, ac nusquam apud amicos repertę, ideo perierunt, quod eruditus vir, atque vna tantum sciendı gloria contentus, omnem qui ex carminibus inani hercle si non ridenda antiquorum comparatione publicatis prouenit fastum ita prorsus contempsit atque despexit, vt quod plerique alij summa ope nituntur ne illorum quidem archetypum apud se in hunc vsum esse vnquam pateretur. vt, hæc etiam qualiacunq; sunt, quæ nunc in lucem emissæ leguntur, non exiguo labore ac cura ab amicis hinc inde collecta, prout dispersa prius quæque reperiabantur, in vnum redacta sint. Fato fundus est septuagenario maior, octauo Idus Augusti MDLIII. dum pranderet, apoplexiā cor reptus in mensa, quum nimio æstu damnatos menses, in suis Caphijs, vrbe secedens, deuitaret, eo quidem tranquilliore vite excessu, quod Paulum philippum filium tanti nominis hæredem relinqueret, cum bona etiam spe posteritatis, quando iam ex eo plures auitæ indolis nepotes non semel aut iterum amplexus esset. Ferunt Hieronymum dum langueret, cognito fatali morbo, post multas amicas sibi herbas in olfactum balbutiente lingua efflagitatas, amisso penitus sermonis vsu, manu sæpius in verticem exporrecta, ijs qui aderant innuere voluisse, vt celeriter cucurbitula affecto & laboranti cerebro, quo ille per oportuno remedio se Deo dicatam Veronę virginem curasse ad

huc



huc meminerat, subuenirent: sed re nequaquã intellecta, quum alij alia adhibenda tum esse remedia predicarent, frustra expectato remedio, leniter sub noctem expirasse. illius ossa Veronam in D. Euphemie templo, honorificentissimo relata funere, sunt condita: flebili id carmine celebrantibus omnibus poetis. Aenea illius & Andreae Naugerij effigies scite expressa Patauĩ in fornice portæ iuxta pontem D. Benedicti, à patauina iuuentute atque vniuerso Gymnasio salutatur: Quam, Ioannes Baptista Rhamnusius supremum amicitie munus persoluens, addita antiquorum Aræ peruetusta dicatione ex ruinis Salonæ vrbis Dalmatiæ eruta, ad posteritatis solatium luculenter exornauit, vt eorum memoria, qui arcta viuentes inter se necessitudine coniuncti fuerant, & quorum ingenij monumenta in lucem ædita coniuncta legerentur, à posteris quoque eodem in loco pariter spectaretur. Quum autem varijs elogijs ab amicis sepulchrum Veronæ ornaretur, Adamı Fumani Veronensis carmen omnium consensu principem locum obtinuit,

## ADAMI FVMANI

### Veronensis.

*Longe vir vnus omnium doctissimus,  
Verona per quem non Marones Mantuæ  
Nec nostra priscis inuident iam sæcula,  
Virtute summam consecutus gloriam  
Iam grandis æuo hîc conditur FRASTORIVS.*

*Ad tristem acerbæ mortis eius nuntium  
Vicina fleuit ora, flerunt vltimæ  
Gentes, perisse musicorum candidum  
Florem, optimarum & lumen artium omnium.*



uerat, non obscuræ laudis compositionem atque aduersus pestilentes febres mirę potestatis antidotũ, quod DIASCORDION <sup>fol.</sup> appellant, medentibus simul & pharmacopolis necessarium <sup>142.</sup> superioribus annis magna hercle nostri seculi vtilitate parauit, quum multis præterea herbis ab antiquis pridem descriptis sed nostro æuo incerta similitudine perobscuris, eruditam claritatem attulerit. Amicos habuit nobiles quosq; totius Europę atq; in omni doctrinę genere præstantes viros: ne vllum aut alterum eorum hoc loco cõmemorem, tam fausto, foeliciq; semper euentu, vt illum omnes, non vt summæ doctrinæ ac probitatis virum adamarent, sed quasi quoddam in terras delapsum numen mirarentur. Sed grassante demum in vrbe pestilentia quum primo quoq; tẽpore in suos se Caphios transtulisset, & multum otij nactus esset, superatis hercle omnibus, quicũq; plurimos ab hinc annos floruisent, poetis Syphilida ad Petrum Bembum Card. Leonis. x. Pont. Max. tunc à secretis missam, perenni atq; eo propè æterno carmine decantauit, tanta omnium admiratione, vt quum mox Neapolim ad Iacobum Sanazarium in lucem ædita deferretur, vir ille omnium nostræ & superioris ætatis disertissimus, & Virgilianæ Maiestatis affectator egregius, atque alieni carminis laudator alioqui parcus atque amarulentus, Hyppolyto Medici Cardinali, qui forte ad eum salutandum, nobili eruditorum corona stipatus, atque adeo ipso Montano acri æmulo accesserat, hunc vnum esse confessus sit, à quo non Iouianus modo Pontanus, sed ipse quoque accurata carminis dignitate, viginti annorum lima ac labore perpoliti, esset victus. In amicis porro alendis ac conseruandis (vt pauci solent) fuit Hieronymus imprimis diligens ac circumspectus. amabat omnes, omnium semper obsequijs, ac commodis erat intentus, vt, vel in media hyeme à Madrutio Principe Tridentino arcto sibi beneuolentiæ, atque amoris vinculo coniuncto, valetudinis causa accersitus, Tridentum magnis itineribus proficisci non grauaretur, eorum vero, quorum fidem beneuolentiãq; in se cognitam atque exploratam habebat, mutuis atque ijs quidem ferè semper maioribus obsequijs prosequeretur, & non viuentes solum, quod magnum est, coleret, sed suam in vita functos etiam, quod præstantius est, beneuolentiã, quantum in se esset, voluerit testatam relinquere. id quod ex postremis illius scriptis facile



cile patet, quibus Turrianorum præsertim fratrum memoriam, cum eorum alterum in dialogo de intellectu acriter disputantem, alterum in dialogo de anima multa differentem & acute percunctantem induceret, posteritati voluit commendare: Andree porro Naugerij Patricij Veneti præaltam ingenij vim atq; eloquentiam, & Ioannis Iacobi Bardulonis Mantuani subtile ac valde acutum in omni philosophia ingenium, quum vel nulla, vel ea certe pauca sui monumenta reliquerint, suo de poetica dialogo Ioanni Baptistæ Rhamnusio, tanquam veteri amico & sodali dedicato, apposite atque eleganter posteris manare definiuit. Sed, quod ad illius gloriam vel maxime pertinet, tanta, vir eximius humilia hæc atque terrena semper despiciens, non apud suos Veronenses, aut in reliquis tantum Italiæ ciuitatibus, sed in omni etiam Europa authoritate fuit: vt ex innumerabili diuersarum gentium & Illustrum alioqui virorum multitudine, quæ Pischeriam ad Carolum V. Cæsarem ex Germania Mediolanum & Genuam proficiscentem, atque inde in Algeriam expeditionem parantem visendum conuenerat, ipse quoq; qui è proximis Caphijs spectatum descenderat, solus demonstrante illum palàm Madrutio Principe Tridentino gressum Cæsaris huc illuc prospectantis tenuerit. Sed postremo, quum christianæ reip. quæ totius orbis Tridenti generale pridem concilium indixerat, suam non semel operam ac fidem præstitisset in patriam eo se animo contulit, vt, abdicata prorsus omni antiquæ medicinæ opera, quæstuq; quicumq; ex ea posset prouenire, Aesculapio sacra factururus, læto animo ad musarum vireta contenderet. quo alacriore mente extremum postea vitæ diem, qui exacte christianam semper pietatem coluisset, quum grauis quotidie ætas præcipitante iam canitiæ properaret, foeliciter clauderet. Scripsit summa ingenij fertilitate nondum senex de stellis, astrologiæ omnis peritissimus, in Ioannis Mathæi Giberti antistitis Veronensis, & gratissimæ Mecenatis gratiam, librum summæ eruditionis Paulo III. Pontifici Maximo dicatum, in quo præter alia multa, quæ de ecentricis orbibus atque homocentricis differit, de duobus illis præcipue motibus à Ioanne Baptista Turrio inuentis agit, quorum ope quum aditus ad multa eorum quæ in natura abditissima sunt pateat, tum via ad ea sine vlla obliquitate demonstranda aperitur, quæcirca stellas appa-



LVDOVICI NOGAROLAE

Comitis

*Ad Paulum Rhamnufium*

Venetum.

FRASTORI monumenta hoc tu dum PAVLE libello

Colligis, è cæcis eripiens tenebris,

Scilicet vt Vates, Medicâq; excelluit arte,

Percurritq; domos ætherias animo,



Ingenteis VERONA refert tibi nunc mea grates

Cum Baldo, Benacoq; suo, atq; Athesi.

Qui tanto assurgent plausu, quantum ipsa labore

Fama sui ciuis se efferet aucta tuo.





L. HELIO CÆSARE IMP.  
P. Cœlio & Albino Vibullio Pio Coss.

VII Idus Octobres

Gn. Domitius Valens II Vir I D  
Præeunte C. Iulio Seuro Pontif.

Legem dixit in ea verba quæ infra scripta sunt

Iuppiter optime maxime quâdoq; tibi hodie hanc Aram  
dabo dedicaboq; ollis legibus ollisq; regionibus dabo  
dedicaboq; quas hic hodie palam dixero vti infimum so-  
lum huius aræ est Siquis hic hostia sacrum faxit quod  
magmentum nec protollat itcirco tamen probe factum  
esto ceteræ Leges huic aræ eadem sunt quæ aræ Dianæ  
sunt in Auentino Monte dictæ hisce legibus hisce regio-  
nibus sicuti dixi hanc tibi Aram Iuppiter Optime Maxi-  
me dico dedicoq; vti sis volens propitius mihi collegisq;  
meis Decurionibus Colonis Incolis Colonæ Martiæ  
Iuliæ Salonæ coniugibus liberisq; nostris.



1

# HIERONYMI FRACASTORII VERONENSIS HOMOCENTRICA

AD PAVLVM III. PONTIFICEM MAX.



**Q**VAE in vita mortales inuenere summe Pont. Beatissime, nec ab vno omnia inuenta sunt: nec in lucem simul omnia prodire, sed hæc vna ætate, illa alia, vt dies & rerum conditio tulit. Fortunatissima autem illa mihi fuisse videntur sæcula, quibus cōcessum fuit in difficilibus ac magnis dignum, quidpiam inuenire potuisse, quod certe fœlicioribus illis priscorum sæculis large donatum fuit. nostram vero ætatem hanc quum mecum ipse considero, equidem non satis scio fœlicem ne an infœlicem hac in re debeam appellare, quando eorum quæ ab antiquis inuenta fuerât, multa quidem aut prorsus interiere, aut vix tenuem sui vmbra nobis relinquere valere. Contra vero multa alia, quæ ne antiqui quidem nouere, perinde ac enascentia ætate nostra comperta sunt: qua in re vel magnum quoddam fatum tempestas hæc habuisse videtur mihi, vt si priscis illis comparanda forte nō sit, multis tamen anteponenda videatur. Maiores nostri (vt alia permulta taceam.) vltra Fortunatas insulas ab occasu, vltra Catygaram ab ortu nihil penè nouere, atque inferioris mundi huius, quem nos mortales colimus, vix dimidium attingere valere: nunc tot Insulæ tot littora tot gentes patent, ac totum quodcunq; Maris Terræq; est, & cognitum nobis & nauigatum fuit. Sed certe & superioris quoq; mundi illius, quod Cœlum dicimus, magnam partem ipsis illis maioribus nostris ignotam fuisse possumus affirmare: nam ij & cœlestem regionem contemplati, nec sanè multos orbis agnouere, & præcipuos illorum motus vix duos deprehendere potuere. Nunc vero (quasi vtriusq; Mûdi cognitio fato quodam referuata fuerit ætati nostræ.) & maiore numero & magis admirando cogniti orbis sunt, & præcipui duo alij motus adinuenti: per quos cum aditus ad multa eorum patet, quæ abditissima sunt in natura: tum via ad ea omnia sine vlla obliquitate demonstranda, quæ circa stellas apparent. qua de re nunc ego (quod tibi in primis tum reliquis omnibus, qui ætatis nostræ inuentis ornamentisq; gaudent, gratissimum futurum sperem.) non nulla scripturus sum. Non te latet quicunq; Astronomica  
Fracastorij, A sunt



funt professi, omnes semp in reddendis eorum causis, quæ circa sydera C  
 apparent, magnâ habuisse difficultatem. duæ enim quû essent viæ eas red-  
 dendi causas, altera per orbes illos, quos Homocentricos vocant: altera  
 per eos, quos appellant Eccentricos, in vtraq; quidê suus labor, suus sco-  
 pulus impendebat. Si. n. Homocentricis vterentur apparêtia non demõ-  
 strabant. si vero Eccentricis, melius quidê demonstrare videbantur, sed  
 iniq; & quodâmodo impie de diuinis illis corporibus sentiebant, situsq;  
 illis ac figuras dabant, quæ minime cœlum deceant. quas ob difficultates  
 Eudoxû ex antiquioribus nec non & Calippû, q; per homocentrica de-  
 monstrare vellent, in multis defecisse accepimus. Hipparchû vero inter  
 primos maluisse Eccêtricos orbes recipere, q; ijs, quæ apparebant, deesse.  
 quem Ptolemæus Phêludienfis & ab eo mox penè oēs, secuti sunt. Verû  
 enim vero aduersus hosce (quantum ad Eccentricos pertinebat) omnis  
 semper Philosophia, imo ipsa Natura magis, ac orbes ipsi semp reclama-  
 uere. nemo. n. qui Philosophus esset, hætenus inuentus est, qui inter di-  
 uina illa & perfectissima corpora monstrosas sphaeras statui audire pos-  
 set. Ea de causa pleriq; diuersis etatibus, quo philosophiæ simul & appa-  
 rentibus satisfacerent, sublatis è cœlo Eccentricis tentarunt alia quædâ  
 moliri, sed alij quû paulisper pcessissent, spe destituti ab inceptis destite-  
 re. Alij quû mala tentarent tollere, peiora multo intulere. Ita nullo hac  
 in re (quod dignû esset) inuento môstrosa quidê hætenus, & magna ex D  
 parte imperfecta permanfit Astronomia, & quæadmodû inferioris mun-  
 di, ita & superioris magna pars mortalibus occulta fuit. Aetate nostra Io-  
 annes Baptista Turrius ciuis noster maximi ac penè diuini ingenij vir, &  
 secretioris cuiusdâ Philosophiæ cultor admirandos duos in Sphæris mo-  
 tus inuenit: Illos (vt arbitror) quos tum Albateticus tû pleriq; alij Astro-  
 nomi latere in stellis vaticinati sunt. per quos sibi ille visus est aditu in na-  
 ctus ad multa esse. præcipue vero ad ea sine vllis eccentricis demonstrâda  
 quæ circa stellas visuntur. quâ rem magna ille spe agitare animo ceperat  
 quû aliter decernête fortuna, sub ipsis initijs imatura inexpectataq; mor-  
 te præuêtus est. Iuuenis etate, ingenio, studijs, virtute, disciplinaq; ferè  
 omni florêtissimus & admirâdus. Moriturus aut quum iam esset, (qualê  
 Trimegistum Mercuriû ferunt morientê astantes amicos rogasse, vt me  
 mores forent illius naus quâ in medio ethere perpetuo ascendere, & de-  
 scêdere docuisset) ita ille ad nos conuersus, qui astabamus amici, quum  
 multa alia dixisset, tû me respiciens quiddâ, inquit, habeo Fracastori, qd  
 te supremum rogem. hortâte vero me vt diceret, memorê inquit te fore  
 velim eorû circularum, quos Timæus ad figurâ X litteræ primum secat:  
 mox ita retorquet, vt linearû capita inter se coeât (Significabat autem à  
 se in-



A se inuētos motus ) tum, qđ mihi nunc inuidet mors, si te pręstaturū sperem, ac cœptum per me negotiū perfecturum, magna moriēti mihi consolatio futura est. cui ego memorē fore me, si opus fuisset, & desyderio illius satisfacturum promisi. Illo igitur (vt Dijs placuit ) vita funēto, quū decedere de animo pietas mihi illa non posset diem vnum tantum ingeniū totq; inuenta condidisse, maxime aut miserandum videretur infractum illud celestium rerū icœptum, mecum ipse agitare animo occepi, num per me forte fieri posset, vt si non omnia, hoc saltē (quod promississem) stellarum negotiū ab interitu defenderetur. quod si pręstare posset, videbar mihi ipse & satis memorię tanti amici fecisse, & non parū dedis- si ætati nostrę, si eo inuento non fuisset frustrata, quod illi fata quodammodo reseruauissent. Ad hoc autē & nō parum impulere me Ioan. Matthæi Giberti religiosissimi nostrę vrbs Episcopi exhortationes, qui quū Ioan. Baptistam Turrium inenarrabili quadā beneuolentia semper profecutus fuisset, magnopere optabat memoriā illius inter mortales viuere. Ego vero desyderium eius adimplere, non solū ob venerationē tanti Episcopi, sed ex debito quodā tenebar. per cuius liberalitatem esset factum, vt quasi manumissus in libertatem, & ocyo frui possem, & omni penē ea cōmoditate, quę ad studia literarum expetitur. Has ergo ob causas, tametsi rei difficultate nouitateq; non parū deterrebar, appuli tamen animū ad totum Astronomicum negotiū omni cura studioq; euoluendum per inuenta à Ioanne Baptista principia. quanq̃ via, quam ille inire cœperat, vti forte secretior, & rarioris cuiusdā intelligentię, ita minime tentanda visa est, sed iter omnino aliud longe planius tenēdum. quo demum effectum est, vt nec mea me (vt arbitror) fefellerit spes: & plane cognouerim, quęcunq; circa stellas apparent, aptissime per homocentricos orbes monstrari posse. Ist hac igitur de re pręsens hoc opus scripsi. ac tum forte absolui, quum te Pontificē Max. magna totius Christiani orbis lætitia factum fuisse nobis allatū est. Quum vero à sanctissimorum tuorū pedum deoscultatione ad nos reuersus esset Ioannes Matthæus Gibertus Episcopus, ego illi quasi fructus nuntiaturus eius ocij, quod ipse peperisset mihi, dixi negotiū de stellis perfecisse me: ac sub eius auspicio dedicationeq; si ita sibi videretur, editurum. qui quū mihi gratulatus fuisset, minime inquit sub nostro, sed sub maiore auspicio ædes. meum. n. si est hoc munus, placet vt nouo Pontifici nouum dicetur opus: qđ cœli ac syderum contēplationem cōplectatur, quorum ille clauēs atq; imperiū gerit. gratisimum. n. illi futurū puto regno suo audire decus dignitatēque suā esse restitutam. præsertim qđ is post religionis, & Christianę Rei publi. curas nullo alio magis tenetur studio, qđ totius Philosophię, præ-



cipue illius quæ circa sydera, & cœlestes orbes versatur. Illi præterea quæ **C**  
 cœli omnes omnis Dei terra gaudeat & gratuletur, fiet quidē hoc pacto  
 vt & cœli quodāmodo ipsi & simul Verona tua, atq; ego pariter congau  
 deamus, gratulatūq; eamus tanto Pontifici. quem Deus optimus suā tan  
 dem Remp. miseratus ecclesiæ periclitanti præfecit. Ergo tantum ego  
 hoc auspicium capiens, et desyderio nostri Episcopi morē gerendum du  
 xi, & plane cognoui nulli conuenientius q̃ tibi deberi stellarum orbiūq;  
 contemplationes, in quibus potestātē tantam vnus ē mortalibus cunctis  
 habeas. Aequissimū præterea est, vt & tu nouis plerisq; orbibus, qui nunc  
 primum cogniti sunt, gratuleris, & illi tibi: quos fata tuū in Pontificatū  
 quodāmodo referuauere, vt patente iam & terra omni nihil in inferiori  
 hoc mundo sit, nihil in superiori, quod tibi non sese aperiat ac gratulef.  
 Quod si & ea quoq; te tenebit tum digna tum necessaria cura, quæ Iuliū  
 Cæsarē Pon. Max. habuit, reformandi anni & solaris cursus ad vera æqui  
 noctia reducendi, succurendiq; lapsis cyclis, hinc te non inuitabunt mo  
 do, sed & apertissimam viā ostendent sydera, quibus cum magna quæ  
 dam esse tibi cognatio videtur. Illa nascenti salutaria foeliciaq; adfuere:  
 Romanū, Frenensemq; familia esse voluere: crescentem fortunæ bonis,  
 virtutibus, disciplinisq; omnibus, ornauere: ac postremo in terris Pontifi  
 cem summū ac Dei Vicarium effecere. Tu igitur opus hoc (qualecunq; **D**  
 est,) quasi eo te stellæ cū reliquis orbis gratulationibus salutatū veniāt, be  
 nignus accipies. ac si quando à Christianæ Reip. curis vacabis, ad remittē  
 dum animū leges. Ceterum non me latet quæ valde noua sunt, præfer  
 tim & maiorum nostrorū placitis aduersantia, ea & odium quoddā se  
 cum afferre consueuisse, & suspicionem temeritatis cuiusdā. Quosdam  
 præterea fore scio, quos nouorū orbium numerus, multiplicitasq; offen  
 dat. alios qui quasi adiecta rebus astronomicis difficultate horum lectio  
 nem refugiant. Verū in ijs quæ noua in lucem veniunt, æquū est non ab  
 authoribus sumendū esse iudicium, sed ab ijs quæ scribuntur. quæ lecta  
 intellectaq; si recte tradita fuerint, delectare potius, q̃ noua sint, q̃ odio  
 haberi debent. Aduersari vero maioribus nostris ea in re liceat nobis, in  
 qua et ipsi maioribus eorū & philosophiæ omni ac ipsi demū naturæ sunt  
 aduersati. Orbium aut nouitatem numerūq; nemo egre ferre debet, q̃n  
 Callippo sphæras quinq; & quinquaginta inducēte neq; Aristoteles ne  
 que totæ Athenæ eum numerū ægre tulere. Porro difficultatem astrono  
 micis rebus additā nemo putet. quandoquidē illud nos vere pollicemur  
 & priori astronomiæ lucem quandā aditūq; perfacilem esse per hæc adie  
 ctum, & longe minus vnum quenq; in homocentricis nostris laboratu  
 rum, q̃ in eccentricis aliorum.





**A**STRONOMIÆ aut sciētia tametsi vna ex ijs est, quæ subiectæ subalternæq; dici consueuere, nobilissima tamen existimanda est, & digna, quæ inter præcipuas censeatur, tū quod circa cœlum & diuina illa versatur corpora, quæ sydera appellamus, tū q̃ mathematicæ disciplinæ subiecta ex certissimis magna ex parte ratiocinatur. Videtur autem & eo super alias admiranda, quod annorum supra mille tum præteritos tum futuros vniuersi cœli motus dicere posse, solisque ac lunæ & aliorum cōuentus, oppositiones, defectus, & quicquid quæque sæcula aspectura in cœlo sunt, nouisse, admiratione profecto dignum est, & cognitio diuinitatis cuiusdam particeps. At vero et non propter se ipsam solum, sed & propter alia multa expetenda atque amplexanda videtur, ad quæ non modo utilis, sed & necessaria quodammodo est. nam quoniā quæ hic sunt à superioribus & reguntur, & varijs afficiuntur modis, superiorum quidem status mutationesq; cognouisse utilissimum certe est, & in vita magnopere desyderandum. quā ob rem & prognosticæ facultati in multis, & medicinali, & nauticæ arti ac rusticæ, & multis alijs sum mopere accōmoda est, tum vero & ad multos vsus ciuitatum idonea, atque in vniuersum ad omnia, in quibus vlla temporis et monumenti rerū ratio est, potissimum autē & ad totam Geographiam necessaria. Præterea et ad cōponendos quoq; animos non parū conducere videtur hæc speculatio, tum quidem quod paruitatem nostrimet & vitæ nostræ non aliter magis cognoscimus, quā eorum immortalium corporum magnitudinem et perpetuitatem admirantes, tū quod animum ab his terrestribus attollentes diuinorum commercijs assuescimus. Hinc primum de Dijs cognitio habita, hinc eorum amor & veneratio. hinc prima æternitatis admiratio fuit. In homocentricis autem nostris non solum ea utilitas inerit, quæ totam sequitur astronomiam, sed et alia quædam magnopere desyderanda. primum enim & ad veritatem ipsam, qua nihil optatius esse debet, & ad proprias cœlestium motuum causas pernoscentas facere videntur satis, deinde & ad qualitates motuū ipsas, quarum multæ hætenus in ambiguo atq; obscuro fuere. quod & in Aplane orbe, & in Sole perspicere satis licet. qualis enim quotusq; sit non errantiū stellarum motus, & quomodo annua mensura tam uaria diuersis temporibus inueniatur, & qua ratione solstitionum diuersitas fiat nulli quidem (vt par erat,) hætenus tradidere. sed ne tradendi quidem facultatem & viam per cognitos hætenus motus vlli habuere, quod ætati nostræ (vt dies et fatū affert,) reseruabatur. Hac igitur de re acturi in primis illud



illud præfabimur, quod Aristoteles monet, in difficillimis & valde abditis in natura satis eum fecisse, qui rem ad id quod esse potest, deduxit. quæ propter & nos qui per homocentricos orbes demonstrare pollicemur, quæ circa stellas spectantur, satis quidē fecerimus, si in tam abdita re tā difficulti nihil impossibile, nihil incōueniens & absonū induxerimus, quod certe ij faciunt, qui per Ecentricos orbes demonstrare hæcenus voluere. de quibus rationem habebimus loco suo. vbi ostendemus nedū necessarios nō esse propter ea quæ apparent, sed ne posse etiā esse in natura. et apparētium multa non demonstrare, pluribus etiā aduersari. Is autē procedendi nobis erit modus, vt in singulis ante omnia præponamus quæcūq; apparent, quæq; obseruata traduntur. mox quo pacto alij ea ostēdere conati sint. tum demum quo pacto eadem nobis demonstranda videantur per ea principia, quæ nuper inuenta sunt. Nunc vero ad rem ipsam accingamur in primis nōnulla ceu supposita præmittētes. quod disciplinæ omnes faciunt, præsertim subalternæ. Quod si quædā à naturali Philosophia nobis petita fuerint, nemo existimet aliena nos psequi. quādo Astronomia partim quidem mathematicæ disciplinæ, partim & naturali subiecta est.

### SECTIO. I. DE PRINCIPIIS.

*Stellas per se non moueri, sed in Sphæris duci.*

Cap. 2.

**I**llud igitur in primis statuendū est nobis, stellas, quas oriri atq; occidere & circūferri videmus, non ex se ac spōte moueri, sed in orbibus inclusas duci. quod quidem etsi ab alijs (quantum esse poterat satis) declaratum demonstratumq; iam diu est, non ab re tamen fuerit & nūc quoq; mōstrari. quandoquidem nonnulli sunt non ex antiquis solum, sed è recentioribus etiā vel magnæ authoritatis viri, qui moueri per sese stellas ac spōte circummagi perinde ac ætheris animalia quædā scripsere. sed certe hi nulla ne dum vera, sed ne versimili quidē ratione adducti ita sunt opinati. quādo & ratio omnis et ipse etiā sensus docet stellas omnes Sphæris affixas vehi. Primum enim si ad eam syderum multitudinē, quæ nō errantia dicuntur, respiciamus, quasi quidem depictam ante oculos formā Sphæræ ea vehentis sydera cōspiciemus. ea enim est Sphæræ ratio, vt quæ in medio circulo partes sunt, eę solæ Sphæra cōmotæ maximū velocissimū & circa centrum describant circulū. reliquæ vero à mediō quanto absunt magis, tanto minores, tardiores, & à centro remotiores circulos ducant vsq; ad polos. vbi minimi, tardissimi, & à centro remotissimi circuli fiunt. ita tamen vt omnes inter se cōparati circuli æqualiter circumeant, atq; orbē expleant. Hæc autem omnia plane præstare stellas videmus, quæ inerrantes dicuntur. nam quæ in vocato æquinoctiali circulo sunt, eæ solæ maximum



**A** mum velocissimū & circa centrum circulū signant: ab eo vero deinceps quanto aliquē recedunt magis, tāto minores, tardiores, & à centro remotiores circulos obeunt vsq; ad polos. Circa quos quæ sunt stellæ & minimos, & tardissimos & à centro amotissimos agunt. qui tamen omnes circuli, si inter se comparentur, æqualiter quidem orbem peragāt, & ad idē reuertantur. quæ omnia quum in tota illa multitudine syderū in vtraq; cœli medietate è libella respondeant, dubitare nemo debet in Sphæra aliqua constitutas coaffixasq; esse, quæ ita feruntur stellæ, præsertim quòd si sponte moueri possent, nulla profecto esset, quæ non circa centrum verteretur. ea enim natura superiorum corporum est, vt circa centrum conuertatur. Ad eos porro, qui Planetæ dicuntur, si quis respiciat, & ipsos cōsimiliter videbit non ex se moueri, sed in orbibus insitos ferri. nā eos modo ante, modo retro, & nunc dextra, nunc sinistra, & modo tardius modo velocius agi constat, quæ diuersitas ab animali fortasse & composito aliquo corpore, quod instrumenta plura & principia mouēdi diuersa habeat, fieri per se posset. a simplici autem & immortalī corpore, nō, quale est cœlum & cœlestia omnia. quod enim simplex est, vnum omnino est. vnum autem vnus est nature, vna vero natura, vnus tātum effectrix per se est. ex se igitur tam diuersa obire planetas impossibile est, in Sphæris autem delatos non impossibile, vt in sequentibus ostendemus. At vero

**B** & alia etiamnum ratio monstrat in orbibus rapi, quæ circumagūtur stellæ. si enim non sunt in orbibus, sed sese agitant, oportet quidem aut in vacuo moueri, aut in alio corpore, quod ijs cēdat. quemadmodum aer & aqua consueuere. ac nec vacuum esse, nec tale potest corpus, quod cedat, vbi enim corporum cessio vlla est, illic & rarefactionem esse & addensationem necesse est. alioqui moto quolibet totū moueri oporteret, quod intra mundum est, at certe rarefieri non potest corpus in quo ferūtur stellæ. tum quòd summam raritatem sortitum rarefcere nō vltra potest: tum quòd corruptibilium affectio quēdam est rarefactio addensatioque, & in ijs semper violentia versatur, cœlestia vero nec corruptibilia sunt, nec violentiæ vlli obnoxia. atque ex his quidem & alijs multis non moueri per sese sydera vnusquisque, qui non sit pertinax, potest existimare.

*Non vnam tantum Sphæram esse, sed plures. Cap. 3.*

**H** Oc quum ita se habeat, sequi & illud videtur, vt non vna tantū sit Sphæra, sed plures. Stellarum enim, quas videmus, aliæ semper eundē inter se situm, eandem rationē seruant, aliæ continenter euariant. quæ ergo ad alias situm rationemq; euariant, esse eadē in sphæra non possunt, nisi per se mouerētur. at non per se moueri dictū est, quotquot ergo

rationem



rationē ad alias mutant, tot oportet & sphaeras esse, quę illas ferāt quę ve  
 ro nō mutant, in eadē esse sphaera oēs consentaneū est. in pluribus enim si  
 essent, sitū profecto respectumq; ad alias cōmutarent, earū orbibus diuer  
 simode euariatis. Septē igitur quū sint stellę, quę perpetuo errātes sedē ad  
 alias mutant, reliquę vero oēs, quarū infinita penē multitudo est, semper  
 inter se eadē rationē conseruēt, octo ad summū cogniti orbes fuere, qui  
 bus stellę sunt a Dijs datę. quorū vnus assignatus ijs fuit, quę nūquā ober  
 rant sydera, qui & ob id Aplane fuit appellatus, quod in eo infixā sydera  
 nunquā errent. Septē vero tributū sunt ijs, qui ab errore illo perpetuo Pla  
 netę, hoc est Errones sunt appellati. At vero quod & alię quoq; sint sphe  
 re ratione magis, q̄ stellarū aspectu cognitę, in sequētibus ostēdemus.

*Quo ordine se habeant Sphaera notæ.*

*Cap. 4.*

**C**ontineri orbes vnum in alio vti manifestum, recipiendū est, quo  
 autem ordine octo illi se habeant, qui stellis sunt insigniti nō vna  
 apud antiquos opinio fuit. Aplanē tamen omnes vno consensu supra pla  
 netas statuunt. primum quidem ea ratione, quod comparātes Aplanen  
 planetis, viderūt ocys circumuerti Aplanen in occasum, serius autē pla  
 netas. rursus vero & Aplanen viderunt, quāquam citius conuerteretur,  
 minus tamen ostendere motum suum, Planetas vero manifestiorem fa  
 cere. quinimo et Aplanes stellas perspexerunt apparere ne quidem moue  
 ri, nisi loca multi spatij comparassent, planetas vero per minus interual  
 lum motum prodere animaduertēre. Apertissimum id signum fuit non  
 errantia sydera longius abesse à nobis quā planetas, quod iure fit. non  
 cognoscitur enim motus nisi collatis locis, quę successiue post se reliquit  
 id, quod mouetur. in propinquis autem facile est loca cōferre et distingue  
 re, quāquam minimum etiam distent. at in longinquis nō facile. quoniā  
 quod inter vnum & alium locum est interuallū, è longinquo basim nō  
 facit, nec in oculo angulum, si parum sit, propter quod nec moueri appa  
 rent, quę valde distant, nisi loca multi interstitij comparauerimus. quam  
 ob rem Aplanen longissimē à nobis sitam animaduertēre. Esse prę  
 terea remotiora non errantia sydera alio etiamnum indicio deprehen  
 dēre, quod ea scilicet micarēt, Planetę autem non tremulus quidē enini  
 est visus, quod micare dicimus. neque enim ipsę tremunt stellę, sed visus.  
 quod tum fit, quum in magna distantia eundem locum tenere visu volu  
 mus. laborat enim quę sentit pars. Ad hæc autem planetę sæpe visi sunt  
 aliquas non errantium stellarum occultare. Propter hæc igitur supremā  
 omnium Aplanen constituēre. Porro & planetas quoque quum inter se  
 cōparassent, viderunt & illos nō æqualiter in occasum verti. sed Saturnū  
 ocys



**A**ocius circūferri, mox Iouem, mox Martem, tardissimam vero omnium Lunā. Solem vero, Venerem, & Mercuriū inter se quidē æqualiter, at Luna tamen citius, tribus vero reliquis tardius. Saturnū ergo supra alios cognouerunt esse consimili ratione, qua & Aplanē cognouerant. viderunt enim quāquam citius ille in occasum cōuerteretur, tardissimū tamen eo in motu videri, qui & si nō micabat, propius tamē erat, vt micaret quāam reliqui. sub Saturno Iouē collocauere eisdem de causis. sub Ioue Martē. Lunā vero omniū imam cōstituere. tū quod tardissima in occasum acta, velocissima tamē in eo motu videbat. tū quod ab ea planetas reliquos obscurari manifestū erat. in sole autem Venere & Mercurio quum ea ratio non appareret, magna apud antiquos dubitatio fuit, quis eorū supior foret. Venerē tamen supra Mercurium (sensu ita persuadente) collocauere. quis autē locus Soli daretur, non satis liquidū fuit. Plato enim Aegyptios quosdā secutus supra Lunā statim cōstituit Solē. ea fortasse ratione, quod conuenientissime prope terrā ea locantur sydera, quæ maxime beneficio terrarū sunt facta. cum quo & id quoq; accedit, quod si Sol supra Venerē & Mercurium foret, oporteret ab ijs aliquantisper obscurari, quū suppositi soli essent. nihil autem quum pati ab ijs videatur Sol, existimare aliquis potest non supra esse. Prisci vero ante Platonē omnes & recentiores oēs post ipsum, supra Venerem & Mercurium Solem locāt. quod paruā satis distantiam a cētro terrę ad Lunę globum viderent. magnā vero ad Solē. quare tantum quum intersit inter vtrunq; conuenientissime medijs Venus Mercuriusq; cōstituentur. Verū tam hæ quāam oppositæ rationes ex ijs certe sunt, quæ communia dici solent, necessarium nihil continentes. Nos in ambigua re maiorem hominū partem atq; ipsum Ptolemęum secuti ita spherarū ordinē statuemus, vt prima supremaq; omniū sit Aplane, secundus Saturnus, tertius Iuppiter, quartus Mars, quintus Sol, sexta Venus, septimus Mercuri⁹, octaua & vltima omniū Luna, ad nos prima.

*Vnum orbem non nisi vnum motum habere. Cap. 5.*

**R**ecipendum præterea est vnū orbem non nisi vnum motū habere, atq; eum simplicem & vniformem. Simplex autem est motus, qui super duobus polis per se immotis ab eodē in idem redit. Ita autē esse necesse est propter prædictā causam, quod simplex est orbiū vnusquisq;. simplex autem omne vnum est, & vnus naturę. Siue igitur orbis a seipso moueatur, siue a mēte aliqua & vocata intelligentia, vno tantum modo moueri necesse est. quoniā vnum & naturæ vnus est principium, quod mouet. a duabus enim intelligentijs vnū orbē moueri nemo est, qui dixerit. vna igitur si est quæ mouet intelligentia, nec duos quidē præbere mo-

tus potest, nec vnū diuersimode se habentē, si simplex est & vnū. Per voluntatē autem & ex libito mouere (tametsi pius nemo simpliciter negare debet) at in orbibus tamen induci non potest, quorum motus naturales omnino sunt. omne enim corpus naturalē sibi aliquē motū poscit. Igitur si intelligentia eo semper motu mouet, quā orbi pro natura debetur, vno quidē semper mouebit motu; si vero nō eodē semper motu mouet, sed quandoq; & contrario, incōueniens certe erit pugnatia vimq; intercedere inter mouentem intelligentiā, & motum orbem, diuinū corpus & imortale.

*Superiorum orbium motu agi & inferiores, ab inferioribus  
vero nihil superiores pati. Cap. 6.*

**A**D hæc autem recipiendum & illud est superiorum orbium motu simul & inferiores agi, inferiores vero nihil in illos facere, qui supra sunt. vtrunque autem & ex signis probari, & ex suis causis potest. Primum enim quod inferiores nihil in eos operentur, qui supra siti sunt, ex eo manifestum est, quod superiores nihil in suis motibus immutatur: oporteret autem & tardari sæpe, & citari, & retro etiā duci, si quicquam ab inferioribus, paterentur. quare videremus & primum orbem modo tardiozem, modo velociorem agi: Aplanē a Saturno retroferri, ab Ioue Saturnum. quæ quum minime videantur, manifestum indicium præbēt inferiores motus nihil in superiores efficere. quod vero inferiores orbes **D** ijs agitentur motibus, quibus & superiores, videre licet in primo orbe, cuius motu & reliqui quoq; circumferuntur. Idem & in Aplane spectatur, cuius conuersione constat inferiores omnes circumduci. at vero circa Lunam idem spectare possumus in eo orbe, qui deferēs Draconis vocatur: secum enim ille vehit, quicunq; sub ipso orbes sunt. quod quum in prædictis appareat, & in omnibus consimiliter esse cēsendum est: eadem enim omnium ratio. quod vero in quibusdam non idem spectetur, accidit quidem propter quosdā contrauectos orbes (vt in sequentibus aperiemus.) Causa vero cur horum vnūquodq; sit, manifesta fiet, si illud iam inquiretur, quo pacto orbis mouere orbem possit: quod quidem & non paruam habet difficultatem, & non vnā opinionem.

*Vtrū plures orbes ab vna cōmuni intelligentia duci possint. Cap. 7.*

**F**Vere in primis, qui putarint non a primo orbe moueri ab ortu in occasum inferiores reliquos, sed esse communem vnā intelligentiā, quæ vniuerso cōlo per se applicita ipsum totum, quatenus totum, primo mouet atque agit, partes vero quodāmodo per accidens. sicut enim anima ipsum animal primo ceu totum motat, membra vero deinceps ita & intelligentia



**A** intelligentia quæ cœli totius anima est, ipsum vniuersum primo impellit, mox & sphaeras omnes, ceu membra, ab ortu in occasum uertit. quam ob rem nō ita esse, vt vnus orbis alium trahat, sed simul omnes eodem motu duci. Verum enim vero quod cōmunis hæc intelligentia effingi nō possit, ex ijs fortasse poterit aliquis existimare. primum quidem quia quæadmodū motu primi reliqui alij aguntur, ita & motu Aplanes ferri omnes alios cōstat, qui infra illam sunt. aut ergo & hic necessaria erit alia cōmunis intelligentia, quæ omnes simul moueat: aut sufficiet Aplane ipsa reliquos alios ducere, qui infra sunt. quod si alia cōmunis intelligentia requiritur, iam igitur tres erunt intelligentiæ, quæ orbem vnum moueant, vt Saturnum, aut Iouem, duæ quidem cōmunes, & vna ppria. imo in Luna quatuor requirentur, quæ penè ridicula sunt. Si vero in Aplane necessaria non est cōmunis intelligentia, sed ipsa sufficiens est inferiores orbes ducere: pari ratione nec in motu primi orbis necessaria erit intelligentia cōmunis: quando sat erit primus ipse, qui reliquos omnes trahat. Præterea coniunctū è sphaëris oībus nihil certe aliud est quàm sphaëre ipse, è qui bus nihil vnum conflatur, quod vnus nature & rationis per se sit. non potest igitur cōmunis illa intelligentia esse illius forma, quod vnū per se nō sit. at certe intellectum omnem alicuius formæ esse necesse est. quam ob causam singulis tantum orbibus singulæ intelligentiæ sunt datæ. Ad hæc

**B** autem impossibile est intelligentiā vnā plures sphaëras mouere: aut enim vna habitudine, atq; vna ratione mouebit, aut pluribus. at pluribus quidē si moueat, iam simplex & vnū non erit. vna autem habitudine & ratione mouere, quæ plura sunt, quatenus plura specie, mole, & natura differētia impossibile est. vnum enim quatenus vnum ad plura proportionem habere nō potest, nec plura ad vnum. indigere autem diuersis proportionibus diuersos orbes, illud indicat, quod alij pro natura tardius, alij velocius mouētur. Postremo quod (vt opinor) conuincit, illud est, quod pprij motus orbium oppositi sunt cōmuni: vt qui Saturni, aut Solis est motus, illi contrarius est, qui ab ortu in occasum sit. impossibile autem est in eodē duas esse formas, quæ in opposita per se moueant. nam & quod mouetur duas habebit oppositas inclinationes (ad vtranq; enim formam inclinare necesse est) & mouentium aut vtrunque aut alterum frustrari accidet, quoniam circa idem operantur, & alterum in oppositum alteri mouet, quare vtrunque frustrabitur, si vtrunq; validū sit: aut alterum, si alterum longe potentius fuerit. oppositos autem esse motus illos statim ostēdemus, quāquam obliquifint, & non super eisdem polis. Ex his igitur quod non sit vlla communis intelligentia in vniuersum monstratum sit, in parte autem demonstrabitur & in sequentibus.

**R**ectius ergo illi ( vt mihi videtur ) existimant, qui orbem moueri ab orbe, quatenus corpus a corpore, putant: verú & hoc suas quoque difficultates habet. primum enim illud in dubio est, vtrum vltimo modo resistat orbis, qui ab alio trahitur, an non. resistere enim debere videtur quoniam nullum est corpus, quod vim renitentiamq; non faciat, quum in contrarium illi parti trahitur, in quam per naturam inclinatur. videntur autem planetæ omnes in ortum per se eniti. quare & primo orbi resistere, a quo in occasum retrahuntur. at si resistent, quomodo fit vt non labore qui trahit, & non retardetur a resistente? Præterea & illud simul quærendum est, quis nam motus sit ille, quo orbis orbem ducit, tractio'ne, an impulsio, an vectio, an aliud. Ad priorem igitur difficultatem passim dici consuevit non resistere tractum orbem, nec contrarios esse planetarum motus cum primo: quoniam non super eisdem polis fiant, nec per eandem lineam, sed per obliquam. qualis est c d cum a b. contrarij autem forent, si per eandem lineam vterq; fieret vt per a b. sed certe hi neque difficultatem euadunt: neque recte illud dicunt, contrarios fore motus si super eadem linea fierent. non euadunt quidem difficultatem, quia obliquus omnis motus partim longitudinis, partim latitudinis particeps est, signum cuius illud est, quòd si Sol aut alius planeta nihil a superioribus impediretur, vtique simul & in orientem, & septentrionem, vel meridiem versus moueretur. nunc autem motum in longitudinem simpliciter non operatur, raptus a primo continente in occidentem, sed solum eum quòd in latum fit, quique cum alio stat. si igitur cōtrarij essent planetarū motus cū primo, si vtriq; per eandem lineam forent, ita profecto & contrarij sunt, quum per obliquā aguntur. nā quāquam nō opponatur obliquus motus quatenus in latum fit, at opponitur tamen quatenus & in longū ferri nititur. demonstrant autem hoc grauiā & leuiā. quorum hæc si deorsum, illa fursum trahantur siue per rectam, siue per obliquam lineam, semper trahenti resistunt. quapropter difficultatem non euitant. Sol enim & si nō vim patitur a motu primi, qua in latum sese mouet, at pati tamen videtur, qua in longitudine impeditur. nec impeditur solum sed prorsus eū amittit motum. nam simpliciter Sol in orientem motu proprio nō fertur, sed solum secundum quid. vt statim declarabitur.

C A




B D

D



**A** Nos autem dicimus motus orbium qualescunq; sint siue in idem, siue in opposita, siue per eandē lineam, siue per obliquam, nullā vnquā contrarietatem inter se habere, nullā resistantiam facere qui trahuntur, nihil laborare qui trahunt. superiores itē dicimus retroducere alios posse. hos autē nihilominus semper motus proprios efficere, qui nec vnquā vllō pacto, vllō casu tolli, aut impediri possint, ne fiāt, quāquam etiā retroducat aliquis orbis per eandē & rectam lineam ac super eisdē polis. Quare omnia vt commodius ostendamus, in primis illud supponamus mediū circumlum qui per naturā semel factus est in aliquo moto orbe, ipsum nūquam mutari orbe illo quocunq; lubet modo mutato.

vt si eius orbis qui est a b c d medius circulus semel per se factus sit a c, ille quidem nūquam mutabitur, quāquam orbis ipse diuersimode varietur. si enim polus d transferatur vbi e, remanebit tamen idem medius circulus a c, qui per e f agetur. medium autē circumlum voco, qui moto orbe, medius inter polos & maximus omnium ac velocissimus designatur. causa autem quod is nūquam mutetur, iccirco est, quod



**B** ea orbis pars per naturam medium describit circumlum quā in eo orbe ceteris per se praestantior ac pollentior est. si enim nūc primum moueri aliquis orbis inciperet, vtique per naturam pars illa prius motum inchoaret, quā praestantior ac valentior esset. quare & ab illa medius describere tur circulus. nihil autem refert siue incipiat moueri orbis, siue etiam æterno tempore dimotus sit. idem enim omnino pro natura fit. hac de causa Planetæ semper in medijs circulis locum habent. quoniam stella præstantissima est in toto orbe pars, & ab ea ille producitur circulus, qui medius ac maximus est. Igitur semel facto per naturam circulo medio in aliquo orbe, idem ille semper manet, quoniam eadem natura semper perstat, & partes eadem semper sunt, quanquam orbis ipse varie commutetur & transferatur. Ex his sequitur vt quædam accidant orbibus & aduentitia sint, quædam vero per se insint. accidunt quidē vniuersi partes oriens, occidens, septentrio, & meridies. quod enim aut in occasum aut in ortū ferantur, per accidens habēt, & forinsecus aduenit. si enim per se inesset certam in partem moueri, mutato quidem orbe & polis eius, mutaretur & medius circulus. si quidem oporteret moueri orbem eam in partē, quæ per se et pro natura indita foret. quod quidem per alium mediū circumlum eueniret. vt si orbis a b c d per se haberet moueri ab occasu in ortum per lineam certam, ceu per æquinoctialem, trās lato quidem polo d vbi c, mutaretur

taretur, & medius circulus qui prius fuit, vt a c, fieretq; alius nouus, qui C  
per æquinoctialem protèderetur. hoc autem quum fieri nullo pacto pos-  
sit, vt mutetur medius circulus pro natura semel factus, mutantur autem  
orbes ipsi diuermoside, & poli eorū, necesse est vniuersi partes omnes ac-  
cidere orbibus, neq; eos hanc magis quàm illam per se respicere, sed indif-  
ferètes ipsos per sese existere, quocunq; vertatur, quod cū in planetis alijs  
tum in Luna videre manifestissimū licet. nam quāquam qui Draco in ea  
vocatur, perpetuò quodāmodo varietur, & nunc caput in vno signoha-  
beat, nunc in alio: ipse tamen Lunæ orbis per eundē semper mediū circu-  
lum circumuertitur: vt accidit modo in hanc, modo in illam partem agi.  
Idē & in planetis reliquis euenit: ac in primo etiānum orbe cōtingeret, si  
supra haberet aliquid, quod dimouere ipsum de situ posset: nihil autem  
quū supra habeat, a quo dimoueatur, vt pote primus, inde obtinet vt vnā  
in partem feratur semper. tamen si Aristoteli videtur finē quendā habere  
hoc in natura. Vniuersi igitur partes quum aduentitiæ sint orbibus, atq;  
illis accidant, tum id solum per se inesse ijs videtur, vt per medium circu-  
lum suum certo partiū ordine conuertantur. sicut enim quædam partes  
per naturam medium circulum faciunt, ita & quædam certum ordinem  
in motu præbēt, vt ab hac et in hanc solum fiat. at hoc vnum per se & (vt  
aiunt) essentiale est, reliqua omnia accidunt: siue enim in ortum siue in  
occasum vertatur orbis, siue dextra siue sinistra, indifferens ipse est, & na- D  
tus verti in omnia, dum suo sese et per naturam indito motu agitet. si qua  
igitur oppositio inter orbes versatur, in eo certe est, quod per accidens di-  
ximus, hoc est circa vniuersi partes, in quibus & tardari, & sisti, & retro  
duci, & citari orbes, vnus ab alio potuere. verum contrarietas, & vis dici  
hæc non potest: si quidem violētia tum solum fit, quum quid contra na-  
turam propriam torquetur. in eo autē quod per se diximus, nulla vis, nul-  
la contrarietas accidit: quoniā in eo nihil pati orbes possunt, non tardari,  
non citari, non sisti, non retroduci, & ad summū nihil impediri vllō pa-  
cto: quādo motus ille, qui per se inest ac proprius orbibus, idē semper ma-  
net, & eodē modo fit semper, quocunque in vniuerso per accidens or-  
bis vertatur. qua de causa nec laborat qui trahit, nec resistit qui trahitur,  
quoniā in contrarium non nititur, quum ad vniuersum nō in vnā magis  
quàm in aliam partem inclinet. Dubitabit autem fortasse aliquis in ijs  
orbibus, qui retroducuntur, (præsertim si qui per eandem lineā retroagā-  
tur) quo modo fieri possit, vt retro aliquis orbis ducatur, propriū tamen  
ipse motum conficiat. primum enim mutari videtur nō solum quod per  
accidēs est, partes, scilicet vniuersi, sed & id quod per se dictum est, ordo  
scilicet partium in medio circulo. quæ enim præcedebat prius nūc sequi-  
tur,



**A** tur, & è contrario. Præterea & qui retroducitur orbis, prorsus proprio motu priuari videtur: nō enim cognoscitur motus vllus nisi per fixū aliquid in vniuerso, ad quod vel accedit vel recedit, si quid moueri debet. at retroductus orbis ad nullū fixum in vniuerso accedit, vel recedit per motū proprium, sed per raptum solū. Porro nec moueri is orbis dicitur, qui non circa centrū conuertitur: at retroductus circa centrum non vertitur alio motu quàm raptu, per se igitur non videtur vllō pacto moueri.

Distinguendum ergo est de eo, quod moueri dicitur & quiescere. est enim & per se moueri, & per accidens: similiter & per se quiescere, & per accidens. per se id mouetur, quod ratione sui partes cōmutat in eo, quod coextenditur sibi: quiescit autem per se, quod ratione sui partes non mutat in eo qđ coextenditur sibi. per accidēs autem mouetur, qđ partes mutat in vniuerso & in cōmuni loco, verum non ratione sui, sed ratione coextenti. per accidens vero quiescit, quod per se motum in loco proprio, partes in loco cōmuni & in vniuerso non mutat, nō autē ratione sui, sed alterius, in quo est. Per se igitur in opposita moueri impossibile: & per se moueri & quiescere, impossibile. similiter & per accidens in opposita moueri, aut moueri, & quiescere impossibile. per se autem moueri in vnā partem, per accidens in aliā: aut per se moueri, per accidens quiescere nō impossibile. similiter per se quiescere, per accidens moueri non impossibile. Qui igitur aduerso amne tm̄ in naui currit, quantū amnis cōtrafert, & mouetur, & quiescit. sed non scđm idem: mouetur quidē per se in naui ceu in pprio loco, quiescit aut per accidens: in vniuerso. n. quiescit, & non rōne sui, sed naui & amnis, qui contraferunt. Idem si minus currat, q̄ naui cōtrauehat, in opposita quidē mouebitur, nō aut scđm idem, sed per se in occidentē in loco pprio, in orientē vero per accidens, in vniuerso, quo naui ducit. Idē & de orbibus dicēdū est: nā Saturnus quidem, & Sol & orientē versus mouet, & versus occidentē. sed p se in orientē: signato in certo puncto in loco, in quo est, vt in Aplane, ab eo semp magis & magis orientē versus recedit, per accidens autem in occidentē fertur si enim ad vniuersum cōparetur, & ad cōm locū, partes quidē cōtinenter mutabit versus occidentem, verum non ratione sui, sed alterius, in quo est: ex vehente enim orbe & vecto vnum totale motum fit, quod in loco vtriq; communi, & in vniuerso versus occidentem transfertur. Idem Saturnus si per se tantum moueret in orientem, quantum per accidens retrahitur in occidentē, & moueretur, & quiesceret. sed per se quidē moueretur in loco suo, per accidens autē quiesceret in vniuerso. Ad obeundū igitur propriū motum nō necesse est in vniuerso moueri (per id enim non meretur proprius motus) sed satis est per se moueri, & in loco proprio par

tes mutare, penes quod proprius motus & attēditur & mēsurat̃. atq; hoc C  
 nec īpediri vllō pacto potest, nec vlla ratione mutari. nā quāquā retrodu-  
 catur orbis siue per eandem lineam siue per obliquā in vniuerso, per se ta-  
 men & ad propriū locū comparatus semper eodē modo mouebitur: sem-  
 per suū atq; innatum motū conficiet: qua de causa nulla vis nulla contra-  
 rietas in eiusmodi motu versatur. in eo vero quod per accidens diximus,  
 & impediri orbes possunt, & tardari, & citari. sed neque in hoc violentia  
 & labor est. quoniam orbis non in vnam magis quam in aliam partem  
 inclinatur in vniuerso. Si igitur ordo partium mutari videtur in retrodu-  
 cto orbe, hoc certe est in eo, quod per accidens diximus, ratione ad vni-  
 uersum habita, non in eo quod per se est. quare & proprius motus nihilo  
 secius fit ac prius, & eodem partium ordine per se, quāquam retro orbis  
 ducatur. per fixum vero aliquid in vniuerso, non mensurari nō cognosci  
 oportet proprium motum, sed per fixum aliquid in loco proprio. à quo  
 vel ad quod semper recedit vel accedit orbis per se. Idem & semper circa  
 centrum per se cōuertitur, quāquam per accidēs retrorsum circa idē cen-  
 trum ducatur. quod satis est ad eū exercendum motum, qui proprius est.  
 Dupliciter autē quum Sol & alij planetę moueri dicantur & per se in or-  
 tū, & per accidens in occasum, si quærat quis simpliciter quorsum moue-  
 tur Sol, in occasum fortasse dicendū est: secundum quid autē in ortū. sim-  
 pliciter enim est, quod ad vniuersum est. secundum quid vero quod ad lo-  
 cum proprium cōparatur. hic tamen & motus est, & per se motus ac pro-  
 prius. Quod igitur nulla vis, nulla resistantia inter orbes per se versetur,  
 & quomodo retroduci orbes possint, at proprios tamen motus efficere,  
 & quid sit per se, & quid per accidens in orbium motu, hactenus dictum  
 est. vnus quis motus ille sit, quo orbis orbem ducit, expediāmus.

*Quod vectio quædam sit, qua orbis orbem ducit. Cap. 9.*

**D**ifficillimum autem a me semper habitū illud fuit, quis nā motus  
 ille sit, quo vnū orbem alium secum ducere videmus, utrū tractio  
 an pulsio, an vectio, an aliud quid. ac primum quidem tractio non vide-  
 tur, quoniam quæ sese trahūt omnia aut per asperas & inæquales superfi-  
 cies trahuntur, aut alligata nexu aliquo. alia quidem continuitate com-  
 muni ob vacuum, alia vinculo aliquo, alia spiritali specie, quali ferrum  
 ad Magnetem trahitur. at in cœlo inæquales superficies non sunt, sed  
 planissimæ & læuissimæ omnes ( alioqui vacuum inter ipsas intercidat )  
 neque orbis orbi succedit ob vacuum. nec vinculo vllō colligati sunt in-  
 uicem. sed nec spiritali specie ( quod maxime dicendum videretur ) si  
 enim superior inferiorem duceret. quod illi esset alligatus ea specie, uti-  
 que




**A** que & inferiores in opposita acti eadem alligatione resisterent, impedirentq; trahentes, & tardarent, ac retro etiam ducerent, quoniam multi inferiorum velociore multo sunt: constat autem inferiores nihil in eos facere, qui supra sunt, vt declaratum iam est. Eisdem de causis neque impulsio videtur esse motus ille: nam & ipsa aut per inæquales superficies fit: aut mole, qua impellit, quod sibi obuiat corpus: aut spiritali specie (vt antiparistasi multorum patet) at nullo horum cælum pellere cælum potest. At vero nec vectio videtur esse, quod enim vehitur alligatum semper est cum vehente, & semper attractio aliqua fieri in vectioe videtur: aut enim simul defertur vectum, ob inæquales superficies attractum, aut innititur atque infidet in vehente: hoc autem est illi alligari: pondere enim fit ne diuelli possit, quod vehitur: at cælum cælo non innititur, nec villo alligatur modo. Propter hæc quibusdam neq; attractioneq; impulsio neq; vectio videtur is motus, sed opus virtutis & spiritalis speciei a superiori orbe demissæ, nõ quidem quæ orbes alliget, sed quæ eo motu inferiorem moueat, quo & superior agitur: quæ proprie neque tractio, neq; pulsio est, neque vectio, sed naturalis motus ceu a forma datus. verum & hoc cõsimiles habet difficultates: si enim superior orbis speciem in inferiorem dimittit, vtique & inferior speciem mittet in superiorem: Circulo enim & in orbem diffunduntur spiritalia hæc, vt in lumine, & sono, & alijs patet: quare & superiores impediri & transmutari accidet ab inferioribus. Præterea si a primo orbe species dimittitur, quæ reliquos omnes mouet, fortius quidem eos mouere necesse est, qui propinquiore sunt primo. quo igitur modo Sol, Venus, & Mercurius æqualiter moueri poterunt Sole propius existente? Item & illud quæri potest, nunquid quæ reliquos mouet species, & ipsum etiam primum moueat, an non. si quidem nõ mouet: mirum certe videtur mouere alios, ipsum autem in quo est, non mouere: at si mouet: si quidem & intelligentia etiam ipsa mouet, duo erunt vnus mouentia præter necessitatem. si vero sola species mouet, erit igitur primum mouens natura posterius primo mobili, & in magnitudine, & diuisibile.

Videtur igitur mihi vectioe species quædam esse, qua orbis orbem ducit. Omne enim contentum in alio, natum est cum eo atque in eo conuehi, nisi resistantiam faciat, & in oppositam partem inclinēt: at cælum cælo nihil resistit (vt dictum est) neque in vnā partē magis, quā in aliam inclinat. quid igitur prohibet continente moto ne simul & contentum quoque commoueatur, quando simul sunt, & alterum in altero? Neque illud verum est vectioem omnem cum attractione fieri, nisi in his quæ hic sunt, & contrarietatem inter se habent, atque oppositas

inclinationes: in ijs enim alligatio quædam requiritur, si vehi debent. **C** at in quibus resistentia, & contrarietas nulla versatur, nec opposita inclinatio, nihil aliud requiritur, quàm simul esse, & alterum in altero. propter quod primus orbis reliquos omnes vehit: nec solum illos, sed & ignis sphæram, atque aeris, quàm diu resistentia non fit: verum vbi ad eas partes aeris ventum est, quæ aliquo pacto resistunt, tum circunductio aeris celsat, atque in his solum corporibus sphæricis & diuinis vera vectio inuenitur, quia contrarietatem nullâ inter se habent, in alijs autem non proprie vectio est, sed tractio quædam magis. Nos autem propter consuetudinem eorum, quæ hic videmus, non plane possumus cœlestem illam ac simplicem orbium vectiorem imaginatione comprehendere. Si igitur hæc ita se habent, iam tandem & illud manifestum esse potest, cur superiorum orbium motu circunducantur & inferiores, hi vero nihil in superiores efficiant: siue enim motus ille sit vectio quædam (vt par est credere) siue fiat ab intelligentia communi, clarum est motu superiorum agi & inferiores, horum vero motu nihil superiores pati.

*Si duo orbes in idem mouentur, minorem semper velocius moueri. Cap. Io.*

**A** D hæc & illud supponendum est, si duo orbes in idem ferantur, minorem ac contentum semper velocius moueri, tum autem maxime quum subalterni fuerint, mox quanto anguli minores, atque acutiores extiterint. dico autem subalternos orbes, quorum circuli medij **D** alter sub altero est, & poli sub polis. necesse autem est minorem orbem, contentumque velociorem reddi, quàm continentem, quoniam in eo vehitur. quare omnem in primis velocitatem acquirit, quam habet continens, deinde & suam ipse, ac propriam superaddit, non aliter quàm qui in naui vehitur, si in idem cum naui ipse sese agat, quâquam tardissime, semper tamen velocius omni puncto feretur, cum quo moueri capit. tum autem velocissimus fit orbis minor, quum subalterni fuerint, quoniam subalterna linea rectæ similis est, quæ omnium est breuissima, & totus motus in rectum fit. quum vero subalterni non sunt, sed sese intersecant, totus quidem motus non in rectum est, sed & in latus: quæ linea similis est curuæ in spatium. n. e c citius peruenitur per lineam b c, quàm per b e: & per b e citius quàm per b d: quia trianguli b e c maius **D** latus est b e, opponitur. n. maiori angulo.



& simili




A & similiter trianguli b d e maius latus est b d. Non existentibus autem subalternis tanto velocior est motus, quanto anguli acutiores sunt, quoniam motus subalterno propinquior est, & plus recti habet: vbi vero anguli maiores sunt, motus magis a subalternatione remotior est.

*Si duo orbes in opposita ferantur, minorem semper impediri. Cap. II.*

**S**I vero duo orbes in oppositas ferantur partes, minorem semper impediri necesse est, & aut tardari solum aut sisti, aut etiam retroduci. causa autem est, quod vectio in vnam partem fert, proprius motus in aliam. si igitur æquales fuerint vectio, & motus proprius, sisti minorem continget: neq; enim in hanc, neq; in illā ageť partē, æquatis potentijs in diuersa mouentibus. at si maior sit vectio, retroducetur minor superante vectio: si vero minor vectio fuerit, præualebit quidem proprius motus, ne aut sistatur aut retroducatur orbis, at tardabitur tamen. maxime autem fient hæc, quum subalterni orbes erunt, mox quanto anguli minores atque acutiores extiterint. Intelligenda autem sunt hæc ratione ad vniuersum habita, quod per accidēs inesse orbibus dictum est. sic enim nihil inconuenit & tardari, & sisti, & retroduci etiam orbes, quum nihilominus per se ipsi semper suos motus efficiant.

*In natura sphaerarum non solum esse motum in longitudinem, sed & in latitudinem factum. Cap. 12.*

**I**LLud præterea nobis ponendum est, in natura sphaerarum non solum esse eum motum, qui in longitudinem agitur, sed & alios quoq; qui in latitudinem. dico autem aut longitudinem ab oriente in occidentem vel è contrario: latitudinem vero à Septentrione in Meridiem, vel contra. Principalissimi autē motus, qui in ea natura esse possint, tres tantum videntur esse, non plures, nec pauciores, illi scilicet, qui sese inuicē secant ad rectos angulos: hi enim soli (quē admodū & axes super quibus fiunt) determinati ac certi sunt, reliqui vero indeterminati & infiniti sunt: propter quod nec in natura esse per se possunt: si enim vnus eorum esse posset per se in natura, pari ratione et omnes possent: at infinitum nullum & indeterminatum per se esse potest in natura: qua re nec plures axes per se, nec plures motus esse possunt, q̃ tres illi, qui sese ad rectos secant angulos. sed nec pauciores quidē contingit esse: quoniā si is est, qui super a b fit, cur non sit & ille, qui super c d? & si hic, cur nō et qui super e f? Eo-



rum autem motuum, qui in latitudinem fiunt ad rectos angulos cū equi noctiali, ab Hipparchi quidem temporibus vsque ad nostra aut nulla cognitio fuisse videtur, aut nulla opinio. si quidē Ptolemæus inter primas suppositiones recipit, non esse alios in sphaeris motus, q̃ duos, alterū qui ab ortu in occasum per æquinoctialem fit, alterum qui ab occasu ad ortum oblique per zodiacum contragatur. ante Hipparchum vero quandam de ijs motibus opinionem fuisse apud Eudoxum, & Callipum cōiecturā licet ex ijs accipere, quæ Aristoteles circa primam philosophiam reliquit: refert enim eos sphaeram quandam posuisse, cuius poli in zodiaco siti essent. At vero & antiquiorem de his motibus opinionem extitisse apud vetustissimam illam Aegyptiorum gentem, fidem quandam præbent ea quæ, Pomponius Mela ex Herodoto accepta, de ea gēte scribit his verbis. mandatumq; literis seruant, ex quo Aegyptij sunt, quater cursus suos vertisse sydera, ac Solem bis iam occidisse, vnde nunc oritur, atq; ortum, vbi nunc occidit. Atqui occidisse vnquā Solem, vnde nunc oritur, nulla prorsus via alia intelligi potest, quàm per prædictos motus: de quo in sequentibus non nulla dicemus.


Primus ætate nostra Ioan. Baptista Turrius inter alia multa, quæ diuino penē ingenio inuenit, vidit in sphaerarum natura oportere tres illos motus per se esse, reliquos autem alios omnes per accidens inexistere. p se autem dico esse nō vna in sphaera, sed in vniuersa ea natura, in qua principales etiam naturales sunt tres illi prædicti motus. oportere autem ita esse, verisimiles quidem rationes satis habet. primum quidem quia ijs ascitis, & facillime & regulariter ea omnia monstrari possunt, quæ circa sydera apparent: non ascitis autem, non possunt, nisi per absurda, & incōuenientia plurima. at vero & propter bonum ac finem necessarij in natura sphaerarum videntur. sic enim non solum perfecta erit sphaeræ ratio, sed & alia perficiet magis. per hosce enim motus fieri paulo post ostendimus, vt punctus omnis qui in sphaera est, quandoque vbiq; fiat, & ad omnia & vnde quaq; sese conuertat. quod necessarium quidem videtur, quo virtutes, quæ ab orbibus huc demittuntur, vndiq; & ad punctum omnem impartiantur, & quæcunq; possibilia sunt in natura fieri, quandoq; etiam fiant. aliæ profecto generationes in mundo fierent, si forte fortuna Sol per æquinoctialem (vti per Eclipticam) iter teneret. Futurum igitur est, vt Sol quandoq; viam illam teneat, quo fiant illæ generationes. in natura enim quod possibile est, necessarium etiam est. ad ipsas præterea insularum montiuq; generationes si quis respiciat, videatq; tempus illud fuisse, quum ē mari facti, & olim mari contacti fuerint, futurūq; rursus, vt quā mare nunc integit, habitabile olim fiat, quodq; habitatur, accolitur,



**A** colitur, condendum quandoq; Oceano fore: tum videat maximas illas terræ mutationes, eluuiiones, exarſiones, magnasq; æſtates illas, atq; hyemes, quas Ariſtoteles refert: agnoſcet quidem in Cœlo mutationes eſſe oportere, quæ tanta efficiant longe alias, & maiores, q̃ illæ ſint, quas quotidie videmus in anguſto admodum conſtitutas. atq; equidem crediderim hoſce motus eos ipſos eſſe, quos in ſtellis latere primum vaticinatus eſt Albatenius: mox & ſummus vir Ioannes è Regio monte quodâmodo eſt auguratus, quum ſcripſit. Siue igitur inſtrumentorum incertitudo hanc varietatem immiſerit, ſiue motum quendam adhuc nobis occultum ſtellis fixis natura indiderit, difficile admodum eſt, & erit, huius motus qualitatem metiri.

*Si duo orbes ſeſe ad rectos angulos ſecet, minorem motu ſuo in omnia oppoſita ſucceſſiue mouere. Cap. 13.*

**S** Vpponendum deinde & illud eſt, duorum orbium ſi mediꝝ circuli ſeſe ad rectos angulos ſecent, minorem motu proprio ſucceſſiue in oppoſita omnia mouere. vt ſi orbis maior a b c d habeat medium circulum b d. qui ſecet medium circulum alterius orbis a e c f ad rectos angulos, primum quidem circunducetur orbis minor in latitudinem. quoniam motus qui in latuſ ſiunt non ſeſe impediunt, & maiores ducere minores, & contentos dictum eſt. quo fiet vt minor circunductus in latitudinē motu proprio in oppoſita oīa ſucceſſiue p ſe moueat in occidentem, in Oriētem, in Septentrionem, & Meridiē. cuius cauſa eſt, q̃ circunducto orbe in latitudinē partes permutantur, & quæ ſupra erat, ſit infra: & è contrario. permutatis autē partibus neceſſe eſt & motum propriū permutari. vnꝝ. n. circuli ſi ſuperior pars in occaſum, inferior in ortum mouet. Si igitur partes illę permutētur, totus motus cōmutabitur. quod facile eſt ſic videre. intelligatur minoris motus eſſe a c in a per f ab oriēte ſcilicet in occidentem in vna medietate: in alia vero eſſe ab a m c per e. ab occidente in orientem. quoniam igitur circulus hic a e c f circunducitur à maiore orbe in latitudinem per b d, palam q̃ f quandoque fiet vbi d, quandoq; vbi e, quandoq; vbi b, & poſtremo iterum vbi f. Ergo ſi nunc mouet ab oriente in occidentem, quū erit vbi d, fiet motus a ſeptentrione in meridiem: quum vero erit vbi e, motus erit ab occidente in orientem: quum autem vbi b, motus agetur a meridiē in ſeptentrionem: ac poſtremo redeunte ſad primum locum motus redibit ab oriente in




te in occidentem. Consideranda autem sunt & intermedia loca. Horū C autem duorum orbium maiorem illum, qui circūducit, vocemus Circūducentem, minorem vero, qui circūducitur, ac proprio motu successiue in omnia opposita mouet, vocemus Circitorē: vt enim his nominibus necessarium sæpe nobis erit: quare vt q̃ facillime intelligamur, legētes rogamus, vt ad hæc nomina bene ac memoriter aduertant, vt si quando à nobis adducentur, planè intelligamur, quid per ea significemus.

*Si Circitori alicui alius orbis contraferatur in latitudinem super polis Circunduentis, hunc contrauectum moueri à Circitore motu trepidationis. Cap. 14.*

**P**ostremo & illud nobis recipiatur, si Circitori orbi alius inferior contraferatur in latitudinem, & super polis Circunduentis, contrauectum hunc à Circitore eo admirabili motu, aut consimili moueri, quem trepidationem, vel accessum & recessum vocant. Est autem motus is, quem trepidationem appellāt, vt duo puncta è diametro opposita (qualia essent æquinoctia) ita agantur, vt paruos describant circulos latioribus semper oppositis.

Punctus autem medius, qui tropici vicem supplet, modo versus vnum eorum punctorum duorum, modo versus alium accedat in eadē semper linea manens: vt si a & b sunt æquinoctia, c tropicus, parui quidem circuli erunt a d e f ex parte a: ex parte b autem b g h k. verum perfecti circuli non sunt hi, sed ouales quodammodo: perfecti autem solum sunt duo alij, quos describūt duo pūctā ab æquinoctijs distantia, quanta est semidiameter circulorum priorum, circa a quidem l m n o, circa b vero p q r f. Hoc ergo motu agi necesse est, si aliquis orbis minor Circitori contraferatur in latitudinem. quoniam enim omnis Circitor duos habet motus, vnum datum a Circunducēte, quo circūferatur in latitudinem, alterum proprium, quo successiue mouet in omnia opposita, p priorē quidem motum nihil mouebit contrauectum hunc tertium in latitudinem, quo-




niam




**A** niam illi contrafertur æqualiter, per proprium autem motum mouebit, trepidationem vocatam afferens. nam quoniam Circitor per motū suū mouet in omnia opposita (vt dictum est) fit quidem, vt æquinoctia puncta contrauecti orbis, quæ potissimum Circitor respicit vti polos circunductionis, motu suo & ipsa in opposita omnia successiue ducantur, ante, retro, dextra, & sinistra, & in intermedia, atq; in summa taliter, vt ab ijs parui circuli describantur, quorum semidiameter tanta erit, quantum Circitor mouere potest in vna quarta circunductionis in latitudinem suā. erunt autem oppositæ semper lationes æquinoctiorum, quoniam vnus circuli si vnus punctus mouetur in vnam partem, oppositus in oppositā semper agitur. quum igitur a ante ducetur, b retro ferri necesse est: & quum a dextra, b sinistra flectere. Sit medius circulus contrauecti orbis u z t y, per quem in latitudinem contrafertur, diuidaturq; circunductio Circitoris in quatuor quartas, moueat autem per quartam u z, quæ sit septentrionalis inferior, palam q; partim in longum, partim in latus mouebit: quare polos cōtrauecti, quos potissimum respicit, & in longū, & in latus aget lationibus semper oppositis: atq; a quidem in latus mouebit versus meridiem, in longum vero versus orientem. quocirca ab a describetur arcus a d: c vero in latus quidem versus septentrionem, in lōgum versus occidentem ducetur, describeturq; ab ipso arcus b k. Rursus **B** vero moueat Circitor per aliam quartam circunductionis z t, quæ est inferior meridionalis, d quidem mouebitur in longum versus orientem, in latus vero versus septentrionem, duceturque ab eo arcus d e: k vero oppositus in longum versus occidentem agetur, in latus versus meridiē, designabitq; arcum k h. Porro Circitore mouente per aliam quartam t y, quæ est meridionalis superior, e in longum versus occidentem flectet, in latus versus septētrionem, facto arcu e f: at h oppositus arcum trahet h g. Postremo per vltimam quartam y u, quæ est superior septentrionalis, f a Circitore mouebitur in longum quidem versus occidentem, in latus versus meridiem: fietq; arcus f a, peracto circulo a d e f a, g vero oppositus describet arcum g b, facto circulo b k h g b. Non sunt autem hi perfecti omnino circuli, sed oblongi magis, quàm lati, quoniam linea a c b quandoq; fit m c f, quādoq; o c q, & latitudo maxima est m o, quæ continenter versus punctum medium angustatur: vnde fit, vt diameter longitudinis a e maior sit, quàm diameter latitudinis d f. Perfecti autem circuli soli sunt ij duo, quos describunt l ab vna parte, & p ab alia, horum enim tanta est diameter longitudinis, quanta & latitudinis, quoniam circa maximam latitudinem fiunt. ab ijs vero omnes alij quales sunt, & tanto oblongi magis quàm lati, quanto pūcto medio p-

ximiores sunt. Dubitet autē fortasse aliquis circa ea quæ dicta sunt. C videntur enim contrauecti orbis poli debere à Circitore moueri, nō ita vt circulos faciant in idem redeuntēs, sed helices magis, & vmbilicos, qui ab angusto sese continēter magis, & magis expandant, qualis est a b c d e f. ita autem esse oportere videtur, signato medio circulo contrauecti orbis, quem Circitor motu proprio de puncto in punctum successiue secat, atq; eleuat. videtur enim continue magis & magis tollere eum debere. quod si fiat, necessē est & polos continue magis & magis per vmbilicum actos expandi, non autem per paruos circulos in idem reuerti, (vt dictum est.)



Ad quod dicimus falli nimirum, si quis ita existimet contrauectum orbem moueri, vt per vmbilicos agatur: neq; enim id accidit, vt medius circulus eius continenter magis & magis tollatur. quandoquidem nihilo plus eleuari ille potest, quo Circitor tollere in vna quarta circunductionis valet. vt si medius circulus contrauecti sit a b c d e. Circitor autem in vna quarta suæ circunductionis nō plus tollere ipsum possit, quàm sit b g, dico q̄ medius circulus ille nunquam eleuabitur supra lineam g f h. sit enim q̄ in vna quarta Circitor elcauerit b vsq; ad g facto semicirculo a g c. tunc fiet, vt punctus omnis post g successiue tollatur in g f h. D



in fine autem quartæ & ipsum e inuenietur vbi f, facto alio semicirculo b f d. supra f autem non tollitur c, quoniam si supra tolleretur, vt in k, sequeretur quidem, vt Circitor plus mouere posset in vna quarta, & eleuare, quàm esset b g, quod est contra suppositum. similiter & d tollitur vsque ad h, non vtra propter eandem rationem. & ita de alijs omnibus punctis successiue dicendum est. nullus enim supra lineam g f h eleuabitur, sed omnes successiue illam tangent de puncto in punctum. vnde & successiue noui, & noui semicirculi fient alijs punctis sublatis, alijs subsiditibus in coronam, & quodam quasi tripudio. qua re & motus iste, si recte consideretur, tripudiatio magis vocari, q̄ trepidatio mereretur, eo q̄ puncta omnia ceu tripudiantia vnum post aliud, hæc quidē tolluntur, illa subsistūt. hac de causa quantum medius circulus eleuari potest




**A** potest à Circitore in vna quarta, tanta & diameter est paruorum circulo-  
rum, qui describuntur à polis contrauecti orbis. De principijs igitur,  
ac suppositis hætenus determinatum sit satis.

## S E C T I O S E C V N D A.

*De ijs quæ apparent in motu ab ortu in occasum.* Cap. 1.



**V**NC autem quæ circa sydera visuntur, & eorum causas  
prosequamur à primis, & vniuersalissimis incipientes. Eo-  
rum autem, quæ apparent, alia vel omnibus manifesta es-  
se possunt, alia nō nisi Astronomis notā obseruataq; sunt:  
quibus adhibenda videtur fides, ijs præsertim, qui tū ma-  
gni circa disciplinas fuere, tum Philosophiæ, & veritatis amatores: qui  
quidem neq; falli, neq; fallere nati sunt: qualis Ptolomæus diuinus certe  
vir, & cæteris anteponendus: tum & Hipparchus, & pleriq; alij egregij:  
quos ad tantū laboris, ac studij nihil certe aliud potuit impulsisse, q̃ amor  
veritatis, & eorum diuinorum corporum, circa quæ mentiri nefas, atq;  
impium sit. Ex omnibus autem quæ apparent, ille & primus, & com-  
munissimus sese offert motus, qui ab ortu in occasum tanta celeritate cō-  
uertitur: eo cōstat circumagi stellas omnes, atq; orbis qui manifesti sunt  
nobis: verum non æqualiter iter omnes, sed alios citius, alios tardius: ci-  
tissime quidem omnium Aplanen, mox Saturnum, mox Iouem, deinde  
Martem, tardissimam vero omnium Lunam: Solem autem, Venerem,  
ac Mercurium æqualiter quidem inter se, superioribus vero tribus plane-  
tis, & Aplane tardius. Hęc igitur ita se habere illis credendum est, qui  
cuncta diligentissime obseruauere. Adhæc autem, & illud in hoc motu  
constat, circulos qui describuntur à stellis, tum inerrantibus, tum plane-  
tis in idem nō redire: vt si ab a inceperint, nō  
redibunt quidem per b in a sed in c: & rur-  
sus non in c per d, sed in e: quare nō veros  
fieri circulos manifestum est, sed helices, ac  
spiras magis: non quidem quæ cōtinenter p-  
cedant, sed quæ intra certos terminos cōclu-  
dantur hinc quidē in meridie, inde in septē-  
trione cōstitutos. Porro & circa conspectū  
ortūq;, atq; occasum syderū differētia morta-  
lium nō parua est: alij stellas oēs quæ in vniuerso sunt cœlo circūspicere  
possunt: alij quasdam solū: quibusdā certa sydera nunquam conduntur:  
certa nunq̃ spectātur, certa oriuntur, & occidunt: & quæ oriuntur, & oc-  
cidunt, alijs citius, alijs tardius, quanq̃ sub eodem meridiano degant.





*Fracastorij.*

*D*

*De*

**N**obis igitur de apparentium causis agentibus quædam cum alijs communia erunt, quædam non communia: in multis enim, illis debendum est, qui primi de rebus Astronomi cis tractauerunt: in multis vero si & nos principium demus, nobis illi gratias habere poterunt, qui ea à nobis acceperint: in primis igitur ea mortalium differentia, quæ circa conspectum syderum, ortumq; atq; occasum eorum versatur, è diuersitate horizontum pendet: quorum alij recti sunt: qualis c d ad æquinoctiale a b: alij obliqui, qualis e f. qui igitur rectum habent Horizontem, ij stellas omnes quæ in vniuerso cælo sunt, videre possunt: quoniam in æquinoctiali habitant, & æqualiter ad Polum vtrunq; spectant. Eorum vero, quibus obliquus est Horizon, nulli stellas omnes videre possunt: sed quasdam nunquam vident, quasdam semper in conspectu habent: quædam ijs oriuntur, & occidunt: quoniam obliqui Horizontis semper vna pars supra alterum Polorum eleuatur, vt k e, alia infra alium deprimitur, vt k f, Poli sunt c & d, Horizon obliquus e f. quæ igitur stellæ intra Polum c & circulum e g ab e descriptum continentur, illæ nunquam ab ijs videntur, quibus obliquus Horizon est e f: quæ vero continentur intra Polum d, & circulum f h descriptum ab f, illæ semper in eorum prospectu sunt, & nunquam occidunt: reliquæ omnes & oriuntur, & occidunt. ita & de alijs obliquis Horizontibus dicendum est. Qui vero sub polis degunt, neq; ortum, neq; occasum vllius stellæ habent, sed stellas vnius medietatis omnes semper vident, alterius nullas spectare possunt, quoniam eorum Horizon est æquinoctialis: vltra quam, quæ sunt stellæ semper conduntur, quæ citra, semper in propatulo sunt. Porro quæ sunt in ea medietate, in qua sub Polo Horizon premittitur, illæ citius ijs oriuntur, qui depressiorem Horizontem habent: citius enim redeunt stellæ in k d, quàm in k f, & k h. quæ vero sunt in medietate illa, in qua supra polum eleuatur Horizon, eę citius ijs oriuntur, qui minus eleuatum habent Horizontem: citius enim perueniunt in k g, quàm in k e, & k c. Cur autem circuli qui hoc in motu describuntur à stellis nō





**A** in idem redeant, sed spiras trahant, causa non alia esse potest, nisi q̄ motus ille, quo stellæ in occasum circumferuntur, vnus & simplex non est, sed compositus è duobus. dictum est enim in suppositionibus primis motum simplicem esse, qui ab eodem in idem redit: hic ergo, quum in idem non reuertatur, simplex & vnus esse nõ potest, sed duo commisti simul, quorum vnus in longum, alius in latus fit: eiusmodi autem motum nulli orbi proprium esse posse manifestum est è suppositis à principio: diximus enim vnum orbem non nisi vnum motum per se habere posse, & eum simplicem. duo igitur quũ sint motus, si alter per se vlli orbi inerit, alter de necessitate per accidens erit, & ab alio dabitur. ergo de vtroque quærendum est, qualis quisque sit, & cui orbium per se, cui per accidens insit: prius autem de eo agamus, qui in longitudinem fit, quo orbes omnes, & stellæ circumaguntur in occasum, medius autem circulus est æquinoctialis, poli vero vniuersi. hoc ergo motu quum omnes circunducantur orbes, necesse est, aut omnes per se eum motum habere, aut omnes per accidens, aut aliquos per se, aliquos per accidens: nam, qui horum vnum quodque dixerint, inuenti sunt.

*Quòd motus in longitudinem per se insit primo orbi, alijs per accidēs. Cap. 2.*

**B** Vere in primis non nulli, qui putarint omnibus orbibus innatum, fac per se inesse ab ortu in occasum in longitudinem ferri: quare nõ solum primum orbem hoc motu agi, sed & Saturnum, & Iouē, & alios: videri autem in orientem per se ferri, non quidem q̄ ita sit, sed q̄ appareat solum, quoniam serius aliquantisper planetæ, q̄ Aplane in occasum redeant: & inter ipsos, alios etiam tardius, alios tarde minus. quo fit, vt redeunte ad occasum Aplane diebus singulis paululum quid derelinquantur ab occasu planetæ: quod in dies repetitum facit, vt quotidie magis & magis fecedere ab occasu orientem versus videātur, quum nihilominus per se semper in occasum ferantur: sed certe vel magnopere fallūtur hi: primum quidem quia si motus iste rectus in longitudinē factus ab oriente in occidentem per se planetis inest, vt proprius, per accidens certe inerit obliquus ille alius, quo totum zodiacum obeunt, Saturnus quidem annis 30, Iupiter annis 12, Mars duob⁹, Sol Venus, & Mercurius vno, Luna diebus 27, horis 8. quare motus hi ab alio dabuntur planetis. at certe si hoc dicatur, magna nimirũ incōueniētia, atq; absurda consequentur: im possibile enim est in aliquo orbe hæc duo simul esse, vt motus in longitudinem per se sit, motus vero in latus insit per accidens, & à superiori alio detur: tum quia orbis dans motum in latus semper obliquabit motum in longum factum, & medium circulum flectet, vt nõ per æquinoctiālē

feratur, ac si eueniet, vt motus rectus, & in longum actus nunquam per C  
 æquinoctialem agatur, cuius contrarium apparet: tum quia sequeretur So-  
 lem, & Planetas alios non in eadem medietate oriri, atq; occidere: sed si  
 in Septentrione oriantur, accidet in meridie occidere: quod apertissime  
 falsum est. sequitur autem hoc, quoniã flexo medio circulo Solis, & alio  
 rum ab eo orbe, qui motum in latus præbet, pars eius erit in septentrione,  
 pars in meridie: quum autem per posita percurratur quotidie à Sole, &  
 alijs per se circulus ille, qui fert in occasum, fiet quidem, vt si in septentrio-  
 ne oriatur Sol, occidat procul dubio in meridie (quod plane falsum est.)  
 Constat enim in eadem parte & oriri, & occidere. Præterea si obliquus  
 motus ab aliquo superiori datur, coguntur quidem hi fateri superiores  
 orbes ducere & inferiores: quod si sit, frustra quidem est dicere planetas  
 per se moueri ab ortu in occasum, quando sufficit superior orbis, aut cõ-  
 munis intelligentia, qui eum motum dent. ac postremo impossibile est  
 planetas in idem cum Aplane, & primo orbe ferri, serius autem circũuer-  
 ti, & derelinqui quotidie ab occasu, (vt ipsi aiunt:) dictum est enim si vl-  
 li orbes in idem feruntur, inferiores semper velocius agi, q̃ superiores.  
 quum igitur illud manifestissimum sit planetas tardius in occasum ver-  
 ti quàm Aplanen, & primum orbem, impossibile est ipsos per se motum  
 illum habere, qui in occasum fert.

Alij vero sunt, qui penitus contraria opinantes dicant nulli orbi per se D  
 inesse in occasum moueri, sed per accidens omnibus. ponunt autem hi  
 communem (de qua supra diximus) intelligentiam, quæ per se nulli seor-  
 sum orbi applicita totum ipsum primo mouet, ceu animal vnum, cuius  
 partes sunt orbes, ipsa vero ceu anima: de quo, quoniam satis dictum est  
 supra, nihil in præsentiarum videtur aliud dicendum: non enim vt exi-  
 stimamus, effingi potest communis vna forma, quæ id moueat, quod  
 vnum per se non sit.

Rectius ergo est existimare motum in longitudinem, qui per æquino-  
 ctialem fert, primo orbi proprium esse, & illi per se competere, reliquis  
 vero per accidens, & à primo illis dari: q̃ enim is motus primo orbi de-  
 beatur, ex his manifestum esse potest: qui enim primo debetur, simplicis-  
 simum esse oportet, cuius neq; poli, neq; circulus medius mutatione vn-  
 quam recipiant: talis autem solus ille est, qui ab ortu in occasum per æqui-  
 noctialem fit: etenim nec poli eius, nec circulus medius hoc est æquino-  
 ctialis mutationem vnquam recepere: quandoquidem in quo situ nunc  
 sunt, in eodem semper, & patres nostri, & nationes omnes obseruauere:  
 reliquorum vero omnium, tum poli tum medijs circuli mutationem pa-  
 ti, & situm variare cõspiciuntur. Si igitur primo debetur qui in longitu-  
 dinem



**A** dinem motus fit, primus autem reliquos vehere potest (vt dictū est,) manifestum quidem est q̄ reliquis alijs per accidens inest, & à primo datur, non quidem immediate omnibus, sed secundo statim, tertio autem per secundum, & ita reliquis, ijs mediantibus qui prope sunt. ita igitur se habet motus qui in longitudinem ab ortu in occasum fit.


*De altero motu, qui in latus fit.*

*Cap. 4.*

**N** Vnc autem de eo motu, qui in latus fit, percurramus. Hic ergo in primo inesse nullo pacto potest, si quidem vnus orbis vnū tantum motum habet, (vt dictum fuit.) at primus alterum illū habebat motum, qui in longitudinem agitur, hunc ergo per se habere nō potest, sed nec per accidēs, quum primus sit, supra quem nullus est alius, à quo per accidens detur: reliquis autem alijs per se inesse omnibus necesse est, quoniam niam alter motus per accidens illis inerat.

De eo igitur querēdum est, qualis nam sit, vtrum simpliciter in latus,

hoc est ad rectos angulos cū alio motu, qualis e d cum a b, an magis obliquus tantum, qualis e f cum a b: non esse autem simpliciter in latus, & ad rectos angulos cū alio motu, è duobus maxime cognitum fuit: primū q̄ motus ille, & latitudinis simul, & longitudinis particeps est: dico autem longitudinis esse participem non solū qua rapitur a diurno motu, sed & qua proprius est: siquidē dato certo puncto in zodiaco continenter ab



**B** eo magis & magis abscedere in longitudinē stellæ videntur: quod fieri quidem non possēt, si motus ille simpliciter in latitudinem foret: possēt enim planeta latitudinem quidem zodiaci mutare, longitudinem autem non. deinde & alio etiamnum indicio cognitum idem fuit: quoniam quæ fiebant à stellis helices in toto eo motu, non continenter procedebant sese augendo vsque ad polos (quod fieri oportuisset motu in latitudinem simpliciter existente,) sed intra certos terminos clauderantur in septentrione conclusos, & meridie. Ex quibus manifestū cuilibet esse potest p̄prios motus planetarū obliquos esse, & secare alterū motū nō ad rectos angulos, sed acutos, qualis est e f ad a b.

*Quòd proprij motus planetarum non sint in idem cum alio motu, sed in opposita.*

*Cap. 5.*

**O** Bliquis igitur existentibus planetarum motibus quæri & illud potest, vtrum in idem fiant cū alio motu, an in opposita: si enim rectus

rectus motus sit à b in a, quæri potest an obliquus sit ab e in f, an econ- C  
 trario ab f in e: non enim desunt, qui putant planetas proprijs motibus  
 non ab occasu in ortum, sed cum primo concordēs ab ortu in occasum  
 ferri: videri autem contraferri, non q̄ ita sit, sed q̄ appareat, propter cau-  
 sam quæ & supra prædicta fuit, q̄ scilicet derelinquatur planetæ aliquan-  
 tis per ab occasu à primo orbe, & ab Aplane. serius enim paululo nescio  
 quo circunvertuntur: vnde fit vt in dies magis & magis derelicti ab occa-  
 su videantur in orientem ferri, quum tamen in occasum agantur. disse-  
 runt autem qui ita dicunt à prioribus, illi enim dicebant planetas per se  
 in occidentem moueri, tardius quidem Aplane: hi autem non per se id  
 planetas habere dicunt, sed per accidens causa raptus. virtutem enim, quæ  
 orbēs omnes in occasum mouet, fortius quidem, ac citius mouere pri-  
 mum, tardius vero alios, & inter ipsos tardius etiamnum, qui longius à  
 primo absunt. Virtutes enim omnes valentius in p̄p̄inquiōra, segnius  
 in remotiora operari, cuius signum & illud afferunt, q̄ Saturnus qui pri-  
 mo propinquior est,ocyus in occasum rapitur, post ipsum Iuppiter, dein  
 de Mars, Luna vero tardissime omnium, quæ remotissima est: quocirca  
 orbēs omnes in idem cum primo ferri, tum proprijs motibus, tum & ra-  
 ptu, videri autem contra moueri, quod tardius, vt dictum est, circūducā-  
 tur in occasum, quàm primus.

Sed certe & hi non minus falli q̄ priores videntur mihi: primum qui- D  
 dem quia quod ipsi signum afferunt, eosdem met redarguit: cōstat enim  
 (vt prius diximus) Solem, Venerem, & Mercuriū æqualiter in occasum  
 verti: quum nihilominus vnus eorum primo orbi propinquior sit, alius  
 remotior: quomodo igitur dicunt virtutem orbēs mouētē fortius mo-  
 uere, qui propinquiōres sunt? Præterea locum nō habet in cōlestibus,  
 quod dicunt, virtutes fortius in propinquiōra, debilius in remotiora ope-  
 rari: Virtus enim, quæ in occasum omnes simul orbēs mouet, aut est itel-  
 ligentia communis, aut vectio, (vt demonstratum est.) si igitur est intelli-  
 gentia communis, illa quidem indiuisibilis est, & æqualiter omnibus ap-  
 plicita, & æqualiter omnes mouens: si autem est vectio, impossibile est  
 tardius planetas circumferri, quàm primum orbem, si in idem mouētur:  
 diximus enim, si aliqui orbēs in idem agantur, minores semper velocius  
 ferri: sequitur igitur proprios planetarum motus non esse in idem cū pri-  
 mo orbe, sed oppositos: atq; hæc quidem sola causa est, cur in occasu dere-  
 linquantur à primo, hoc est, cur tardius in occasum circunvertantur, &  
 eorum alij tarde magis, alij minus. Tres enim tantum possunt assignari  
 causæ, cur illi derelinquantur à primo, quarū vna esset, si planetæ per  
 se in idem mouerentur cum primo orbe, tardius autem illo, & inter se  
 alij



**A** alij tardius, alij minus tarde: quod supra improbatum à nobis fuit. Alia causa esset, si raptu fieret, quod omnes tardius primo circumferrentur, & inter se alij magis, alij minus tarde, quod pariter falsum est demonstratū à nobis. Tertia vero causa est, si proprii motus planetarum in contrarium primo orbi agantur: igitur quum è tribus his causis, duæ primæ reiectæ sint vti irrationales & falsæ, superest vt sola tertia recipi possit, hoc enim solum, quod motus planetarum proprii oppositi ferantur primo orbi, facit, vt diebus singulis derelinquantur ab occasu planetæ, & tardius diem obeant. quoniam enim obliquus omnis motus partim & recti particeps est, fit quidem vt contrauecti planetæ contra raptum quotidie aliquid de raptu demant, tantū scilicet, quantum quisq; in vna die contraferri potest: vnde & illud pariter euenit, vt inter se alij citius circumducantur ad occasum, alij tardius: citius quidem qui per naturam tardiores sunt, minus enim contraferuntur, & minus de raptu demūt, tardius autem raptantur, qui per se velociores sunt, magis enim contraferuntur, & raptum magis tardant. quædā causa Saturnus, qui per se tardissimus est, citissime omnium in occasum circumfertur, minime enim omnium contra agitur, vnde & rapitur omnium maxime: Luna vero, q̃ per se velocissima fit, tardissime omnium in occasum ducitur, maxime enim contrafertur, & maxime raptum tardat. ex alijs vero Iuppiter citius occidit, quod tardior per se est inferioribus cunctis, mox Mars, Sol vero, Venus, & Mercurius, quoniam proprios motus æquales habent, æqualiter etiam in occasum vertuntur, tardius autem tribus superioribus, quoniam illis velociores per se sunt: Luna autem citius, quoniam illa sunt tardiores. Quod igitur obliqui sint planetarum motus, & quod nō in idem cum primo, sed in oppositum agantur, & qua de causa omnes tardius primo, & inter se alij magis, alij minus tarde in occasum circumuertantur, ac de toto motu, qui ab oriente in occidentem ducit orbes omnes, & stellas omnes, hæcenus dictum fit.

*Cur orbes primo propinquiores non tamen per se velociores sint alijs.*

*Cap. 6.*

**Q** Værat autem ad hæc fortasse aliquis, cur orbes primo propinquiores non tamen velociores sint proprijs motibus, quod fieri debere videtur: si enim velocitas cōsequitur magnitudinem, (vt in primo est videre) cōsentaneum erat & eos, qui primo propiores essent, eadem de causa velociores fore: quod certe non modo non est, sed contrarium magis spectatur: Saturnus enim, qui Aplane propinquior est, tardior multo

multo reliquis alijs in suo motu videtur, deinde Iuppiter, deinde Mars: **C**  
 Luna vero quæ omnium est remotissima, per se velocissima cernitur.

Videtur igitur Aristoteli à primo orbe impediri omnes, qui infra sunt, quiq; in oppositum per se nituntur, ac magis illi impediri, qui primo proximiores sunt: propter quod Saturnum dicit tardissimum omnium, quod maxime impediatur: Lunam vero velocissimam, q; minime. quod certe (si licet de tanto Philosopho dicere,) aut non verum est, aut non ad quæsitum. primū quidem falsum est illud, impediri magis eos orbes, qui primo proximiores sint, cōstat enim (vt diximus) Solem Venerem, & Mercurium æqualiter per se circumuerti, quum nihilominus vnus alio propinquier primo sit. Præterea quod dicit impediri à primo planetas, dupliciter intelligi potest, vno modo q; impediatur in eo quod per se est in motu proprio eorum, alio modo q; impediuntur, in eo quod per accidens est, hoc est ad vniuersum: siquidem intelligit impediri planetas in eo qd per se est, hoc certe verum non est: supra enim ostendimus impediri nullo pacto orbes posse in proprijs motibus per se: cuius signum est, q; si Saturnus nihil traheretur à primo, sed derelinqueretur in natura sua, nihilominus motum proprium perficeret annis. 30. sicut & nunc facit à primo raptus. raptus igitur nihil officit ad proprios motus conficiendos per se. Si vero intelligit in eo, quod per accidens est, impediri planetas ratione scilicet ad vniuersum habita, sic quidem verum dicit: impediuntur. **D**  
 planetæ, & illi magis, qui primo proximiores sunt, velocius enim rapiuntur, q; remotiores: verum hoc non est ad quæsitum: nō. n. quærimus hoc, sed cur proprij motus planetarum nō sint velociores, quāto propinquiores sunt primo: nam derelicti naturis proprijs Saturnus per se tardior est alijs, mox Iuppiter, & Mars: ad hoc autem nihil facit raptus, quoniam proprij motus per se non mensuratur per id, quod in vniuerso est, sed per zodiacum, aut per partes loci proprij, & spherarum in quibus sunt: sic enim & Saturni, & Solis motus mensurantur & aliorum. igitur siue rapiatur, siue non rapiatur Saturnus, annis. 30. motum suum explet, & valde respectu aliorum tarde: quod mirum est, quum amplioris magnitudinis sit, & primo, qui velocissimus est, propinquier. Aliter igitur fortasse dicendum est velocitatem propriam, & tarditatem orbium non solū sequi magnitudinem, sed & quædam alia esse, ad quæ velocitas, & tarditas consequatur, vt densitas molis, & altitudo superficierum. dico autem altitudinem superficierum spatium illud, quod inter concavam, & deuexam superficiem interiacet: potest enim esse orbis aliquis magnitudine quidem amplius, at mole rarissimus, & altitudinis superficierum parua: potest & minor esse, at densissimus, & longe distantium superficierum: potest &



A omnia habere: p̄pinq̄itas autem ad primum vti multum facit ad id, qđ per accidens habent orbes, hoc est quantum ad vniuersi partes, ita ad id, quod per se est, nihil aut conferre, aut officere videtur: hoc enim & non ad vniuersum mensuratur, sed ad locum proprium, & immutabile est, & perpetuum.

*Cur stellæ omnes modo propinquoiores, & maiores, modo minores, & remotiores appareant secundum Astronomos. Cap. 7.*




**P**rosequamur autē & quēdam alia communia, quæ circa stellas apparent: et enim stellis omnibus id videtur accidere, vt modo maiores, & p̄pinq̄iores, modo minores, et remotiores videantur: cuius rei multæ tradūtur ab Astronomis causæ, in quibus partim nobis cum alijs cōuenit, partim non conuenit. ac vna in primis ab ijs assignatur, quā ne dum non verā, sed ne possibilem quidem existimamus: dicūt enim in stellis non apparere, modo vt remotiores, & propinquoiores spectentur, sed & re quoq; ita esse: duobus autem modis euenire dicunt, vt

**B** stellæ modo propinquoiores, modo remotiores à nobis fiant: vno modo per vocatos ab ipsis Ecentricos orbes, alio per Epicyclos.

Ecentricum autem appellant orbem, cuius superficies, aut vna, aut ambæ non æqualiter à centro distant, sed si lineæ rectæ ad eas ducantur à medio, vna longior, alia breuior erit: punctus autem, ad quem longissima pertingit lineæ, Absis ab ijs vocatur, ad quem vero breuissima, Antabsis. Simpliciter autem Ecentricum vocant, qui vtraq; superficie cōcaua, & deuexa inæqualiter à centro distat: qualis a b c d ad centrum e, lineæ longior e a, breuior e c: non simpliciter autem Ecentricū vocant, qui altera solū superficie extra cētrum vniuersi est: qualis a f c g ad cētrum b, qui deuexa solum superficie Ecentricus est: aut qualis a h c k ad cētrū b: qui concaua solum superficie à centro exit.

orbes igitur in quibus infixi sunt planetæ, simpliciter Ecētricos statuūt


*Fracaſtorij.*



E

circa

circa quos duos alios locant, quos deferentes appellant, non quidem simpliciter Ecentricos, sed altera solum superficie, superiorem concava, inferioriorem deversa: deferens maior, vbi a, minor, vbi b: Ecentricus simpliciter vbi c. Epicyclum autem vocant parvā



quandam sphaeram intra orbem sitā, quales sunt nodi in tabula, verum non continuam cum orbe, sed contiguam solum: propter quod moveri Epicyclus potest in seipsum reuolutus: in cuius superficie est planeta stella, veluti gē ma in anulo. Epicyclus, vbi d e, stella vbi d. His igitur duobus orbibus fieri dicunt, vt planeta modo al

tior, modo depressior sit: nam in Abside quidem Ecētrici, & remotior à centro terræ, & sublimior fit, præsertim si & in summo Epicyclo sit: in A ntabside vero ppinquior redditur nobis, et magis si in imo Epicyclo extiterit: quæ autem propinquiora, omnia & maiora apparent, quæ vero remotiora minora simul videntur.

*De causis eius apparentiæ alio modo.*


*Cap. 8.*

**N**Os autem vtranque dictarum causarum, prius auferimus, & planetas nunquam altiores nunquam depressiores re ipsa fieri asseueramus, videri autem propter alias causas, quarum vna è medio pēdet: dico autem medium, perspicuum illud corpus, per quod vocata rerū sensibilibus species ad visum venit: constat enim si tenue hoc mediū sit, minora & remotiora videri omnia, si crassum densumq; maiora & propinquiora, quod in ijs patet, quæ per aquam, & vitrū, & cristallum cernuntur: vnde & specillorum, quæ ocularia vocantur, vsus compertus est: propter qđ, quæ partim in aqua, partim in aere sunt (vt remi) fracta apparēt, pars enim, quæ in aqua est, ppinquior videtur, quare nec directe illi supposita, quæ in aere est: vnde & res fracta iudicatur. Hæc autē causa, quæ è medio pendet, non satis perspecta ab authoribus Ecentricorum fuisse videtur: nam ij non aliud medium considerarunt, q̃ aerem & aquam, & eiusmodi. ac Ptolomæus, quum vidisset quorūdam apparentium causas in aerem referri non posse, existimauit causam medijs omnem exclusam fuisse. Nos autem dicimus non solum aerem, et aquam, et id genus esse medium specierum, quæ à stellis veniunt, sed & cœlum ipsum, & cœli partes: q̃ enim cœlum perspicuum sit, manifestum est satis, q̃ autem et alicubi densius, alicubi rarius, indicant stelle, & Lunæ corpus: sunt igitur in orbibus partes quædam rarissimæ tenuissimæq; per quas species transit nihil refracta: quædam vero densissimæ, per quas nullo modo pertran-

sit




**A** sit species, sed tota retro reflectitur, quales sunt stellæ: quædā porro sunt mediæ, per quas partim quidem pertransit species, partim vero reflectitur, quam aliqui refractionem appellant, ea differentia refractionem separantes à reflexione, q̄ in reflexione non pertransit vlllo pacto species, sed tota resilit retro, in refractione vero, quāquam reflexionem quandā patiatur, at pertransit tamen, & directè visum mouet: igitur quæ orbium partes refringere species aptæ sunt, illæ & maiora, & propinquiora reddere omnia sunt idoneæ. Ergo q̄ eiusmodi nonnunq̄ appareant stellæ, causa interdum in aere est, interdū non in aere, sed in cœli partibus: quæ modo crassiores, modo tenuiores quibusdā stellis subiciūtur: pp̄ causam igitur in aere, per hyemes in serenitate, & per austros maiores reddūtur stellæ, per æstatem, & Boream minores: per partes autem orbium quomodo etiam idem contingat, in sequentibus ostendemus. Sicut autem, si crassum medium sit, maiora & propinquiora videri facit, ita et si idem multum fuerit, idem facit: quæ enim per plus densi mediij veniūt species, illa maiora omina representant: qua de causâ in eadem aqua, quæ in summo cernuntur, minora apparent, quæ in fundo, maiora. & per duo specilla ocularia si quis perspiciat altero alteri superposito, maiora multo, & propinquiora videbit omnia: hac de causâ quæcunq; stellarum prope Horizontem sunt, maiores, & propinquiores videntur, in medio cœli mino-



E ij la

la in septentrione, vbi e, in meridie, vbi f, æquinoctialis k l. stella igitur C in meridie prope Horizontem est nobis, & videtur per lineam f a: in septentrione vero est in medio cœli, et videtur per lineam e a, quæ minor est. Eadem de causa quibusdam planetis tum maiores videri accidit, quum in quadraturis ad Solem sunt: quoniam species plus orbis tum refrangitur: de quo posterius agemus. At vero & situs medij plurimum rem visam euariat, quod in specillis ocularibus manifestum, ac mirum est: si enim specillum in medio



ponatur inter rem & oculum, multo maiorem eandem refert, si vero aut prope oculos, aut prope rem statuatur, longe minorem reddet: interdum vero quæ res maiores, & minores appareant, causa neque in propinquitate & distantia est, neque in medio, sed in vicina specie alterius lucidi, maius enim omne, & intensius lucidum aut occulit, aut minora videri facit alia lucida: quæ de causa lucentia per diem minora, per noctem maiora videntur omnia: per noctem enim tenuiores etiam radij, & iubar totum videri potest, quæ per diem ne visum quidem mouent propter præsentem Solis lucem: vnde & prope Solem quum sunt stellæ, aut non videntur, aut tenuiores videntur: quod & prope Lunam etiam planetæ sustinent.

Quæcunque igitur maiora, aut minora videntur, propter aliquam harum causarum talia certe apparent, in quibus exerceri debent, quibus nostra hæc fidem factura sunt. ac de his determinatum in vniuersum sit, in alijs autem, quomodo vnumquodque fiat, sigillatim aperiemus.

## DE APLANENE

*De ijs, quæ circa Aplanen apparent.*

Cap. 9.



VNC quæ circa vnumquenque orbium apparent, & quo pacto omnia, & quibus de causis fiant, prosequamur, præmittentes, quæcunque obseruata traduntur: primum autem ab Aplane ordiemur, quæ planetis omnibus, & ordine & natura prior est, quæ omnes continet, ac vehit. Quæ igitur primi antiqui circa Aplanen cognouere, non multa certe fuerunt: præter enim eum motum, qui ab ortu in occasum fit, nihil ferè aliud nouere: quippe præcipue ijs cura fuisse videtur, vt stellis nomina darent, stellationesque, hoc est stellarum figuras, atque earum quoque fabulas fingeret: tum & ortus, atque occasus earum edocerent: & vt paucis dicamus, primi illi Poetæ magis circa sydera, quàm Astronomi visi sunt: quam ob rem, quum



**A** non multa de eo orbe nouissent, existimarunt etiam primum omnium esse, supra quem nullus alius foret, illiq; vti primo deberi motum, qui ab ortu in occasum fit. quæ opinio vsque ad Platonis, & Aristotelis tempora sese etiam propagauit: videbatur autem & eo quoque consona, q̃ pulcherrimus omnium, & tot syderibus clarus ille orbis spectaretur, conuenire autem primo ornatum illum, præsertim quod non sine fine quodã à Dijs factus, ac primo datus à Dijs optimis videretur. quoniam enim remotissimus omnium ille orbis erat, ac propter distantiam non commodè poterat virtutes suas huc demittere, equum fuit, vt stellis pluribus abũdaret, vt quod distantia demebat, syderum multitudo suppleret. Mox vero studio circa stellas maiore adhibito, perspecta in Aplane quædã alia fuere: deprehensum enim fuit circulos, qui ab ijs stellis fiebant, nõ in idẽ redire, nec veros circulos esse, sed helices, & spiras magis, quemadmodũ & in planetis spectatum fuerat prius. Mediam Pleiadum scripsit Thymocaris suo tempore declinare ab æquinoctiali gr. 14, m. 30 septentrionem versus. Hipparchus vero post Thymocarim annos Circiter 150, eandem suo tempore declinare gr. 15, m. 30 retulit. Ptolemæus vero ab Hipparcho annis ferè 260, obseruauisse scripsit eam stellam gr. 16, m. 15 declinare, quæ nunc ab æquinoctiali gr. circiter 25 distat. Igitur quũ inerrantes stellæ perpetuo in alio, & alio latitudinis situ sint, circumducãtur autem quotidie ab ortu in occasum, necesse est ab ijs non veros circulos, sed spiras magis describi. Ex quo & illud simul manifestũ fuit Aplanes motum simplicem, & vnum non esse, sed cõpositum è duobus: quorum alter in latitudinem, alter in longitudinem, more planetarum, ageretur. Vter autem illorum proprius esset Aplane, non satis liquido expressisse videntur: quum enim primo orbi deberi illum, qui in longitudinem fit, & ipsi existimarent, primus autẽ crederetur Aplane, prima fronte proprius videbatur, qui in longitudinem fiebat: verum alia tum parabatur difficultas: quandoquidem non constabat plane, à quo alter ille daretur, qui in latitudinem agebatur, primo existente Aplane. ea igitur re in ambiguo ab ijs relicta, quũ considerassent motum, qui in latitudinem fiebat, viderunt non simpliciter in latitudinem esse, & ad rectos angulos cum alio, propter causas superius, & in planetis dictas: etenim & factæ helices intra certos terminos clauderantur, & motus ille in latus, nõ solum in latus fiebat, sed & in longum etiam simul fieri spectabatur: signato enim in zodiaco certo pũcto, in quo stellam aliquam è non errãtib; vnã cum Sole, aut alio planetarum annotassent, videbant ab eo puncto stellam & latitudinem simul, & longitudinem quoque mutare. scripserat Thymocaris spicam stellam tempestate sua situm habere ante autũ-

nale

nale æquinoctium gr.8, qui est Virginis gr.22. Hipparchus vero post ipsum eandem dixit obseruauisse ante idem æquinoctium gr.6, qui est virginis gr.24. quam mox Ptolemæus notauit in gr. virginis 26, m. 30. tempestas autem nostra videt in libra gr. circiter 17: adeo in longitudinem se se agunt Aplanes stellæ. Ex quibus manifestum fuit earum motum non simpliciter in latus fieri, sed obliquum ad alium motum protendi. Ad hæc & illud quoque cognitum fuit obliquum illum motum non in idem cum alio ferri, sed in oppositum: si enim in idem fuisset, oportuisset spicam stellam non pro signorum ordine in longitudinem progredi, sed contra magis: de quo & supra satis dictum à nobis fuit. Ergo quum motus hic æquinoctialem secaret (utpote obliquus) quæsiuere deinceps, quibus nam in punctis eam secaret, & quantum ab ea maxime declinaret, ac postremo quanto tempore reuolutionem totam Aplane expleret. obseruantes igitur stellarum progressum, viderunt earum circulum mediū secare æquinoctialem in æquinoctijs punctis, in quibus & Sol illam secat: declinare porro ab ea, quantum & Solis tropicos, atque in summa per Eclipticā protendi, & eundem esse tramitem Solis, & Aplanes. quā rem duobus præcipue signis deprehendere, primum quidem, quia stellæ, quæ erant in prima quarta zodiaci ab Ariete ad Cancrū, videbantur omnes ab æquinoctiali recedere versus Boream: quæ vero erant in secunda quarta à Cancro ad Libram, omnes ad æquinoctialem appellere videbantur: rursus quæ in tertia erant à Libra ad Capricornum, recedere omnes ab æquinoctiali versus austrum: quæ vero in vltimæ erant à Capricorno ad Arietē, omnes ad æquinoctialem accedere: qui certe zodiaci progressus est. Deinde viderunt latitudinem, & distantiam earum stellarum ab Ecliptica nunquam mutari, sed in eodem semper persistere. Spicā comperit Thymocaris ab Ecliptica abesse per gr.2: per duos & Hipparchus vidit: per duos & Ptolemæus: quod & posteriores quoque similiter comperere. nam & Albatenius vir in Astronomia clarus stellas ab Ecliptica nihilo immutatas ab eo, quod antiqui tradiderāt, scripsit obseruauisse: ita & Alphonsus Rex: ita & ætate nostra spectatur. ergo quum non mutetur stellarum latitudo ab ecliptica, necesse est medium circulum Aplanes subalternum esse cum Solis circulo. Porro vidit Ptolemæus ab Aplane pagi gr.1: in annis 100: quare totam eius reuolutionem expleri annorum millibus 36: quam rem antiquorum obseruationibus multis, tum proprijs diligentissime animaduertit. atque hæc quidem sunt, quæ de Aplane cognita, & scripta videntur quæ ad Ptolemæi tempora fuere.

Post Ptolemæum autem, qui circa sydera philosophati sunt, alia quedam circa hunc orbem obseruauere longe alia ab ijs, quæ Ptolemæus tradiderat:



**A** diderat: inter quos Albatenus annotauit Aplanes motum suo tempore multo velociorem, quàm suo Ptolemæus adinuenisset: siquidem stellas accuratissime speculatus vidit gr. 1 peregrisse illas non in annis centū, (vt Ptolemæus tradiderat) sed annis circiter 66. Septentrionalem quidē, quæ est in fronte scorpion, comperit Albatenus in gr. 17, m. 50 Scorpion, quam Ptolemæus in gr. 6, m. 20 deprehenderat. Fluxere autem à Ptolemæo ad Albatenum anni circiter 749: quapropter in annis 749 peregit stella illa gr. 11, m. 30. manifestum igitur fuit multo plus obijisse stellas, quàm gr. 1 in annis 100, quod & nostro etiam tempore videre manifestissime licet: spica enim stella, quæ à Ptolemæo visa fuit in gr. 26, m. 30 virginis, nunc in libra gr. circiter 17, m. 30 spectatur: quare à Ptolemæo ad hæc vsq; tempora confecit spica gr. circiter 21, quum tamen fluxerint anni solum 1395. Ex quibus alterum duorum statuere ratum licet, aut Aplanes motum non vniformem, & æqualem perpetuo esse, sed modo tardiozem, modo velociorem, quemadmodum & planetarum orbes se habent, aut Ptolemæum, & Hipparchum deceptos in syderum obseruatione fuisse. Atqui hoc non solum dicere, sed suspicari quidem nefas esse videtur: si enim decepti illi sint, equidem nescio, quid de alijs sperandum, quid de nobis promittendum sit: præsertim q̃ nec satis difficile est hæc obseruationes recte facere circa stellas. Ptolemæo vero vel facil-

**B** limum fuit, cui non regionis æterna ferenitas, non instrumenta infallacia, non experientia plusquàm humana, non summum ingenium, & doctrina consummatissima defuerē. facillimum pariter & Hipparcho, quē nunquam satis laudatum omnis antiquitas dixit. superest igitur vt alterum illud pro constanti indubitatoq; constituamus inæqualem esse, & non vniformem Aplanes orbis motum, sed modo tardiozem, modo velociorem spectari, quod omnibus quidem orbibus Dij ipsi certa lege indidisse, ac statuisse videntur. atq; hæc quidem sunt, quæ circa hūc orbem apparent, atque vti vera obseruataq; recipi à nobis debent.

*De causis eorum, quæ in Aplane apparent.*

Cap. 10.

**I** Am igitur eorum, quæ circa Aplanē visuntur, causæ à nobis quærendæ sunt: ac primum quomodo fiat, vt compositus, duplexq; sit illius motus: quando constat circulos, qui ab ea describuntur, nō in idem redire. Necessarium igitur est aut vnum orbem duos motus habere per se posse, aut vnā intelligentiam duobus mouere motibus, aut duas intelligentias inesse vni orbi, aut supra Aplanen esse alios orbes, à quibus ea multiplicitas fiat. At certe vnum orbem duos per se motus habere posse impossibile.

impossibile demonstratum est in suppositis primis: similiter & vnam intelligentiam duos sufficere motus posse, præsertim qui & oppositi sint. C  
 Duas vero intelligentias proprias vno in orbe esse, nemo est, qui dixerit: vnam autem communem, alteram propriam in vno esse orbe quidā ausi sunt dicere: ij quidem, qui communem intelligentiam inducunt, quiq; defendere student Aplanen primum omnium orbem esse: à communi enim intelligentia dari dicunt motum, qui ab ortu in occasum communis est omnibus, à ppria vero dari eum, qui per zodiacum in Aplane fit.

At vero communem illam intelligentiam poni non oportere, supra quidem demonstratum est communibus ad omnes orbes rationibus, nūc vero & proprijs in Aplane demonstratur. Primum quidem quia positis duabus illis intelligentijs nunquam illud monstrari potest, quo pacto in æqualis, & multiformis sit Aplanes motus, modo velocior, modo tardior inuentus: quandoquidem intelligentiarum illarum vtraq; semper æqualiter & vniformiter mouet: quare nec illarum altera, nec ambæ eā dare inæqualitatem possunt. Præterea si communis illa ponatur intelligentia, necessārio illud sequetur, vt illa nunquā pro natura mouere possit: quod inconueniens certe est cum in omni virtute, tum præcipue in ea, quæ æterna & diuina est. sequitur autem hoc, quoniam assignata certa illa velocitate, qua pro natura & per se mouere debet, nunq̃ tamen illa mouebit, impedita semper ab alia, quæ in oppositum mouet, & circa D  
 idem operatur: vtraq; enim vnūmet orbem mouet, sed hæc in ortum, illa in occasum: nec quicquam refert quòd alter motus obliquus sit: diximus enim obliquos motus rectis opponi, si non quatenus in latus fiunt, at quatenus in longitudinem & ipsi contraferuntur. propter hæc igitur, & ea, quæ supra de communi intelligentia dicta sunt, nemo (vt arbitror) ponere potest Aplanen orbem à duabus intelligentijs moueri. superest igitur, vt existimemus alios orbes supra Aplanē existere, & maiores illa, & natura priores, à quibus & alter motus, & inæqualitas illa immittat.

Quòd vero aliqui orbes sint, ad quos sensu non pertingamus, nemo mirari debet: nam & illi aut suas habent stellas non sensibiles nobis, aut propter habētes stellas sunt facti. eiusmodi autem orbes Astronomi omnes tum antiqui, tum recentiores semper recepere: quos Theophrastus Anastros, hoc est instellatos appellare consueuerat. conuenire autem ornatum illum stellarum primo orbi, nullam habet necessitatē, perfectio .n. eius non in illo ornatu est, sed eo magis, quòd magnitudine, & virtute omnibus alijs præstat: qui si non stellarum multitudine, at mole, magnitudineq; & vi distantiam satis compensat.



## A De causis inæqualitatis Aplanes secundum Astronomos. Cap. II.


**Q**uo autē modo, et quibus de causis ea in Aplane inæqualitas fiat, vt modo tardior, modo velocior ab occidente in orientem vertatur, magnam diu difficultatem peperit inter Astronomos, neq; hæctenus quicquam aliud fuit, quod tantam perplexionem in eorum animis implicarit: nam neq; quomodo per se fieret, neq; quomodo per accidens, apparebat. per se quidem, quia vnus orbis vnum tantum per se motum, atq; eum vniformem habet (vt supra monstratum est.) per accidēs autem quo pacto daretur ea inæqualitas, videre quidem non poterant p cognitos hæctenus motus, quanquam plures etiam supra Aplanen orbis posuissent. sed neq; ad Ecentricos confugere hac in re poterant: quoniā si in vna medietate vidissent stellas tardius ferri propter Absidem, oportebat in alia medietate oppositas videre velociores propter Antabsidē: hoc autem non spectabatur. in tanta igitur ambiguitate plerique occultum quendam in stellis latere motum confesi sunt, quasi nuper inuentos vaticinātes: qualis autē esset occultus ille motus, diu dubitatum fuit: donec quidam ausi sunt dicere moueri Aplanen admirabili motu illo, quē alij

**B** accessum & recessum, alij trepidationem appellauere. viderunt enim diuersitatem omnē quæ in eo orbe apparet, demonstrari posse, si supra Aplanen alium orbem statuissent, qui motum diurnum daret: ipsa vero Aplane per se ita moueretur, vt puncta in ea sub æquinoctijs constituta paruos describerent circulos cōtrarijs semper lationibus: circa vero hæc æquinoctia duo alia pūcta, distantia gr. 4. m. 18, paruos & ipsa describerent circulos, ac perfectos: Tropicus vero modo versus vnū æquinoctium, modo versus aliud accederet, recederetq; perpetuo. Vt si æquinoctialis sit a b c: medius circulus Aplanes Ecliptica a d c: pūcta sectionum siue æquinoctia a et c: Tropicus d equidem describet circulum a g f e oualem: c vero describet c u t f. porrò ex parte e h describet circulum perfectum h m l k: n vero designabit n q p o. Tropicus autem d modo versus c accedet, quū medius circulus a d c fiet, vel g d u, vel f d t;

Fracastorij.

F


modo



modo recedet versus a, quum medius circulus e d s, vel c d a fiet. si igitur ita moueri Aplanen ponamus, omnia demonstrari posse videntur, quæ in ea apparent. primum quidem moueri in longitudinem stellas, deinde & inæqualiter moueri: verum in longitudinem dupliciter, vno modo secundum rem, alio modo per apparentiam: secundum rem quidem, quum totus semicirculus a g f describetur: sic enim stellæ in orientem re ipsa ferentur: per apparentiam vero, quum punctus sectionis a versus septentrionem secedet: accidit enim mutari sectionem & æquinoctium: & si prius erat in primo arietis fixi, nunc in ultimo piscium erit: si igitur simul cum Sole prius erat aliqua stella in a, reuertens post annum Sol ad æquinoctialem nõ inueniet in eodem puncto stellam, peruenit enim ad æquinoctialem prius propter mutationem sectionis, quæ non in primo arietis iam est, sed in ultimo piscium: quare videbitur stella mota fuisse p signorum ordine gr. x: cum non ita sit: sed id contigit propter anticipationem Solis, qua ad æquinoctialem redijt vno gradu prius. q̃ si punctus sectionis a non in septentrionem sed in meridiem secedat, contrarium huius eueniet, non enim reditus in æquinoctialem anticipabitur, sed postponetur: & stellæ videbuntur contra signorum ordinem retroferri. At vero & inæqualiter moueri Aplanen accidit per paruos circulos, quoniam motus per ipsos factus alicubi multum recti, parum lateralis habet: alicubi parum recti, multum lateralis, vnde & quandoque retrogradas ferri stellas necesse est. Hoc igitur tanto motu demonstrare ea, quæ circa Aplanen apparent, sibi visi sunt: quod & eo etiam consonum habitum est, q̃ per eadem putarunt posse ostendere, quo pacto & Solis maximæ declinationes in dies corripiantur. Quoniam autem ad positionem paruorum circularum sequebatur stellas etiam quandoq; retrogradas fore, aucti sunt etiam dicere Aplanen modo directam, modo retrogradam agi: ac eorum alij dixere annis noningentis directam, noningentis retrogradam ferri: quorum opinio successu ipso sublata est, quando annis iā pluribus quàm noningentis peractis nunquam tamen retroagi stellæ visæ sunt. Alij vero dixere paruos circulos annis septem millibus compleri: q̃ si retrogradatio nulla, quam nos viderimus facta est, futuram tñ quandoq;. Ad positionem vero hanc sequitur stellas re ipsa non posse plus elongari ab æquinoctio primi orbis, quàm sit diameter parui circuli: per apparentiam vero aliquanto plus posse elongari, non multo tamen. quã rem suspectam habentes posteriores astronomi quædam addidere priorum opinioni: quum enim priores tantum vnum cælum poneret supra Aplanen, duosq; illi tantum motus daret, diurnum scilicet, et trepidationem, posteriores vnum aliud cælum superaddidere, et alium motum in Apla



**A**ne. ponūt ergo hi in primis primum mobile, à quo motus diurnus datur, qui ad nos decimus orbis est: deinde sub ipso nonum ponunt, cuius medius circulus est subalternus eclipticæ, à quo & Aplane per eclipticā mo- uetur, gr. 1. m. 28 in annis 200 peragens: sub eo Aplanen sta- tuunt, quæ per se motu trepidationis agitur. à nono igitur orbe fit, vt ab æquinoctio primi secedere possint stellæ, quanta est zodiaci longitudo tota, quod primi dicere non potuere. cæterum & posteriores isti paruos circulos asserūt septem millibus annorum, vti primi tradiderunt, expleri. Verum enim vero si motum hunc Aplanes, quo pacto po- steriores assignant, consideremus, videbimus paruos circu- los non esse veros circulos, nec in idem redire, sed magis p- helices quasdam agi progressu anticipantes, regressu vero deficientes: qualis est a b c d e, et e f g h k, & reliqui. at- que hæc sunt, quæ hæcenus de Aplane & tradita, & existi- mata fuere.



*Quòd trepidatio nulli orbi per se inesse possit.*

*Cap. 12.*

**B****O** Peræpretium autem est de inducto trepidationis motu rationem habere: est enim, quomodo esse in sphaeris possit, est auté & quo- modo non possit. per se enim & proprium vlli orbi esse hunc motū im- possibile est, si vera sunt, quæ à principio recepta fuere a nobis: diximus enim vnum orbem vnum tantum motum, & eum simplicem per se ha- bere: simplex autem est, qui super duobus polis per se immotis in idē re- dit, omnis autem alius simplex & vnus non est, sed compositus & plures motus. at certe inducta trepidatio non solum simplex nō est motus, sed vel omnium compositissimus, quippe qui è quatuor motibus constet: quorum vnus est ante, alius retro, alius dextra, alius sinistra: qui nec me- dium circulum, nec polos per se immotos habet, nec circa centrum fit. Præterea si tali motu moueri per se aliquis orbis posset, diuersissimæ qui- dem naturæ à reliquis esse eum oporteret, quod in coelestibus illis sphæ- ris inconueniens profecto est: omnes enim illæ in sphæræ simplicitate cō- uenientes, etiam in motibus, qui sphæræ naturam insequuntur, conue- nientiam habent. quas ob causas inducta trepidatio per se nulli inesse or- bi potest, per accidens autem in aliquibus inueniri non solum impossibi- le non est, sed & necessarium esse videtur, vt ostendemus.

*Si Aplane per trepidationem mouetur, quo pacto primi dixere, quo pacto esse possit.*

Cap. 13.

C

**Q**uoniam autem de Aplane nihil certi hactenus compertum est, utrum semper directa feratur, an & quandoq; retrograda per paruos circulos, nec nos quicquā affirmare quidem ea de re possumus, nec debemus. Verūtamen quicquid detur, quicquid ponatur, siue per trepidationem Aplane agatur, ut primi dixere, siue ut posteriores voluere, siue non agatur per trepidationem, sed semper directa incedat, viam quidem nos, facultatemq; pollicemur demonstrandi vnumquodque, quomodo fiat: quod quidem præstare ij non possunt, qui hactenus de Aplane scripsere. si enim forte fortuna directæ semper feruntur stellæ, (ut par est existimare) illis nulla via relicta est demonstrandi, quō eueniat. Sed iā ad oīa ea, quæ ponuntur, ostendenda accingamur incipientes ab ijs, quæ primi scripsere: ostendamusq; si ponatur Aplane per trepidationem, & per paruos circulos in idem redeuntis moueri, quo pacto fieri possit. meminisse autem oportet eorū, quæ à principio dicta sunt de Circitore orbe, hoc est de eo, qui circumductus in latitudinem, motu proprio successiue in opposita omnia mouebat. item & illud in memoriā est reuocandum, quod dicebamus, si alicui Circitori alius orbis contraferatur in latitudinem, hunc quidem contrauectum motu trepidationis agitari: quæ **D**

Ergo supra Aplanen non vnum, ut primi dixere, sed tres orbes poni necesse est. Primum mobile, Circunducentem, & Circitorem, sub quibus statuatur Aplane, quæ per se Circitori contraferatur in latitudinem super polis Circunducentis orbis. à Primo igitur mobili motum recipiet ab oriente in occidens communem omnibus sphaeris, à Circunducente autem secundo, qui in latitudinem ducit, nihil recipiet, quoniam illi contraferatur æqualiter: similiter nec à Circitore, quatenus & ipse in latitudinem circumducitur: at vero ab eodem, quatenus motu proprio successiue mouet in omnia opposita, motu quidem trepidationis agetur. quoniam enim Circitor in latitudinem per colurum superiorem circumferatur, palā est, q; proprio motu æquinoctia puncta maxime respicit, uti polos circumductionis: atq; ita in opposita omnia agit, ut paruos describant circulos latioribus semper oppositis. quorum semidiameter gr. 4. m. 18 erit, si ponatur Circitor non plus posse mouere in vna quarta circumductionis. si igitur circumductionis medietas fiat in annis noningentis, eueniet quidem, quod quidam è primis dicebant, ut annis 900 directæ, 900 retrogradæ stellæ ferantur. si vero circumductionis medietas fiat in

annis



**A** annis tribus millibus & quingētis, eueniet, quod alij è primis tradidere compleri paruos circulos annis 7000: & dimidio temporis directas, dimidio retrogradas stellas agi. si igitur mouetur Aplane per paruos circulos, qui perfecti sint, & in idem redeant, vti primi dixere, ita fieri et nō aliter censendum est.

*Si Aplane mouetur per trepidationem per helices factam, vti posteriores dixere, quo pacto fiat.* Cap. 14.

**S**I vero Aplane per trepidationem quidem mouetur, sed eo modo quo posteriores scripsere, per helices & paruos circulos nō in idem redeunt, necessarius erit nobis alius orbis præter prædictos: non enim in tribus, sed in quatuor monstrari potest, quomodo fiat. nihilo autē mutato ordine prædictorum trium, loco Aplanes, alius orbis Circitori supponatur, qui (sicuti prius de Aplane dicebatur) ipsi Circitori contraferatur in latitudinem: sub eo loco quarto ponatur Aplane, quæ per se moueatur in longitudinem per zodiacum, singulis 200 annis gr. 1. m. 18 periciens, totam autem reuolutionem annis 49000. superadditus igitur tertius orbis contrauectus mouebitur quidem à Circitore motu trepidationis perfectio, sicuti prius & Aplane dicebatur. Aplane vero orbis quartus, & ipsa quidem per trepidationem agetur, sed non perfecte, neq. n.

**B** parui circuli eius in idem redibunt, sed helices magis describent progressu anticipantes, regressu vero deficientes: quod euenit propter proprium Aplanes motum, qui per se continenter in longitudinem fit versus orientem, ac helices ipsas producit. Cæterum à Circitore, mediante tertio, ante, retro, dextra, & sinistra agitur per paruos circulos circa æquinoctia. oportet autem Circitoris motum proprium velociorem esse, quàm proprium Aplanes, sic enim retroducere illam potest. Accidit autem modo tardius, modo velocius agi Aplanen, quoniam Circitor modo in idem cum ea, modo in oppositum mouet: in duabus enim quartis circūductio nis in idem cum ipsa fertur, in duabus in oppositum. igitur in idem cum vertitur, citat quidem ac velociorem illam reddit: quum vero in oppositum, tardat, atque etiam mox retroducit, quoniam velocior est. Si igitur per trepidationem mouetur Aplane, vt posteriores existimant, ita fieri rationabiliter putandum est.

*Si semper directæ est Aplane, quomodo fiat.* Cap. 15.

**A**T vero, si non per paruos circulos Aplane agitur, nec vnquam retrograda fit, sed semper directæ incedit, & hoc quoque iā demonstrandum est, quomodo fiat: quod facere illi quidem non possunt, qui so lam


lam trepidationem nouere. Dupliciter autem directæ esse Aplane potest, vno modo sectionum punctis seu æquinoctijs simul mutatis, aut in septentrionem, aut in meridiem, alio modo ijs nunquā mutatis, sed ecliptica Aplanes semper sub ecliptica primi orbis fixa manente. plurimum autem refert vtro modo fiat: si enim mutantur sectiones, dupliciter mensurare Aplanes motum oportebit, & per longitudinem secundum rem, & per longitudinem secundum apparentiam: si vero non mutantur sectiones, vno tantum modo moueri, & mensurari stellas in longitudine opus erit. quid autem in re sit, non satis exploratū habetur, sicut nec vtrū directæ semper ferantur stellæ: vtrunque tamen quomodo fieri possit, de clarandum est: primum autem si sectionum puncta mutantur. Ergo quæ de Circitore orbe superius dicta sunt, & hic quoque præsupponantur. quatuor quoq; orbes illos & ad hæc demonstranda recipimus, qui & modo recepti sunt, quorum neq; ordo, neque numerus est immutandus, vna tantum differentia in ipsis adiecta, quòd supra Circitor ponebatur velocior Aplanes motu, hic autem non velocior ponendus est, sed tardior solum: sic enim non retroducere Aplanen poterit, sed tardare solum. vn de fit, vt stellæ, quæ priore in casu helices illas, et circulos non in idem redeuntés describebant, hic non helices, sed flexus quosdam, & sinus more anguis designent, quales sunt a b c, & c d e, & e f g, & reliqui. sit ecliptica a g o, Tropicus g, æquinoctia a et o: Circitor autem moueat per quartam suæ circunductionis australem inferiorem: mouebit ergo Aplanen circa æquinoctia, quæ maxime respicit motu proprio, & in longum, & in latus: in longum quidem in orientem, & in idem cum Aplane, in latus vero versus septentrionem: a igitur motu veloci describet flexum a b. Rursus agatur Circitor per aliam quartam, quæ est inferior septentrionalis, in longum quidem mouebit, & nunc in orientem in idem cum Aplane, in latus vero versus meridiem: quare b motu adhuc veloci describet flexum b c. Porrò Circitor obeat aliam quartam, quæ est Septentrionalis superior, in latus quidem versus meridiem pellet, in longum vero, quantum ex se est, in oppositum ipsi Aplane: & si velocior illa foret, etiam retroduceret: at vero quoniam tardior illa est, non retroducit quidem, sed tamen tardat, motu continenter in orientem facto: quare c describet motu tardo flexum c d. Postremo Circitore acto per vltimam quartam, quæ est meridionalis superior, d quidem in latus






**A** latus ducetur septentrionem versus, in longum vero in orientem quidem, sed motu tardo, ac fiet flexus  $d e$ , peracta vna reuolutione Circitoris: atque ita & alij deinceps fient. Flexus autem, & sinus, qui describuntur à stellis, latiores quidem sunt, quo æquinoctijs sunt proximiores, angustiores vero, quo Tropico propinqui magis: cuius causa est, quod Circitor per motum proprium æquinoctia maxime respicit, atque illic maximam latitudinem operatur: medius enim circulus Aplanes, qui modo in  $b$ , modo in  $d$ , in puncto medio, vbi Tropicus est, in conum definit. Hoc igitur pacto mota Aplane manifestum est motum eius modo tardiozem, modo velociorem reddi, velociorem quidem, quum Circitor in idem cum ea fertur, tardiozem vero, quum in oppositum: in vna igitur medietate circūductionis suæ Circitor velocem illam facit, in alia tardam. Atque in citante medietate primum fit motus velox, augens continenter velocitatem, vsquequo subalternus fiat Circitor cum Aplane, quod fit in prima quarta. mox fit motus velox, minuens continenter velocitatem in alia quarta, in fine cuius Circitor solum in latus mouet ad rectos angulos. Mox fit oppositio in alia medietate: & in prima quarta fit motus tardus, augens continenter tarditatem, vsquequo iterum subalternus cum Aplane Circitor fiat. ab inde vero fit motus tardus, minuens tarditatem in alia quarta, vsque ad finem eius, vbi rursus Circitor solum in latus mouet. sunt igitur in toto hoc motu puncta quatuor è regione opposita, vnum maximæ velocitatis, aliud maximæ tarditatis, & duo neutra. Ecliptica  $a c$ , circunductio Circitoris  $b e d f$ , maxima velocitas, vbi  $e$ , maxima tarditas vbi  $f$ , puncta neutra  $b d$ . si igitur directæ semper feruntur stellæ, mutantur autem sectiones, & æquinoctia, hoc certe pacto fieri putandum est.

At vero si non mutantur sectiones, nec latitudo circa æquinoctia, sed per Eclipticam quasi fixam Aplane solum in longitudinem fertur, necessarium quidem est nobis prædictis quatuor orbibus duos alios addere supra Aplanen, si eius inæqualitatem monstrare volumus.



Ergo nihil mutato prædicto ordine Circunductis, Circitoris, & Contrauecti, sub Contrauecto hoc ponimus alium orbem, qui ab ipso Contrauecto circumferatur in latitudinem, sed ita, vt quantum Circitor circunducitur in vnâ partem, tantum hic nouus orbis in oppositam à Contrauecto trahatur: propter quod placet & orbem hunc Anticircitorem vocare. His ita ordinatis contingit quidem proprios  
motus

motus Circitoris Anticircitorisque in latitudine semper contraponi, in C  
 longitudine vero conuenire semper, & modo vtrunq; ab oriente in occi-  
 dentem mouere, modo econtra vtrunque ab occidente in orientem pel-  
 lere. æquales igitur et pares si velocitate per se  
 ponantur, fiet quidem vt Aplane in latus ne-  
 que in hanc, neque in illam mutari partē pos-  
 sit, contranitentibus inuicē illis duobus æqui-  
 potentibus: in lōgitudine vero modo ab vtro-  
 que simul citabitur, modo ab vtroque retar-  
 dabitur simul. sit ecliptica a e c: Circitor &  
 Anticircitor cum ea subalterni, & vterq; mo-  
 ueat versus a: deinde Circitor in f circundu-  
 catur, Anticircitor in g: circulus Circitoris  
 sit a f c, Anticircitoris vero a g c. palam q̄ alter alteri opponetur, ne  
 aut in hanc, aut in illam agatur partem. similiter et si Circitor in b duca-  
 tur, anticircitor in d. Verum sub hoc, quem Anticircitorē vocauimus,  
 oportet & suum contrauectum in latitudine, collocare: alioqui & Aplane  
 cum ipso circunduci poterit in latitudinē. sub his omnibus si ipsa con-  
 stituatur per se motum habens in longitudinem per eclipticam, fiet qui-  
 dem, vt sectionibus nihil mutatis ipsa modo citetur à Circitoribus, mo-  
 do tardetur: citetur quidem quum in idem vterque Circitor & anticirci D  
 tor mouent, tardetur vero, quum vterq; in oppositum contraferuntur.



Quærat autem fortasse aliquis è prædictis modis omnibus, quis ratio-  
 nabilior existimandus sit, quo Aplanen moueri putemus. Ad quos dici-  
 mus (quantum quidem nobis videtur) rationabilius esse nunquam retro  
 gradas agi stellas Aplanes existimare: quare nec moueri per trepidatio-  
 nem, nec eo modo, quo primi tradidere, nec quo posteriores. quoniam  
 à Metonis & Eudoxi temporibus vsque ad Hipparchum, & Ptolemæū,  
 & ab his vsque ad Albatenium, & Alphonsū, ac demum vsque ad hæc  
 tempora nemo est, qui non directā semper sydera viderit atq; audierit.  
 quare verisimilius existimandum est directā semper Aplanen ferri: di-  
 rectā autem non per flexus, & sinus illos, qui dicti sunt, sed nulla mu-  
 tatione circa sectiones facta subalternā semper eclipticæ primi orbis p-  
 cedere. cui rei satis ea consonant, quæ Ptolemæus scribit, quum inuesti-  
 gat, an latitudo inerrantium stellarum ab ecliptica Solis mutetur: quòd  
 enim non mutetur, inter alia & hoc signum ponit, q̄ stellæ ad æquino-  
 ctialem comparatæ ita progrediuntur, vt processus eclipticæ designetur  
 ad æquinoctialem: in tanta enim & tanta amotione ab æquinoctijs eam  
 proportionem seruari scribit ad æquinoctialem, quam & ipsa ecliptica



**A** in eadem amotione reddit. videtur ostendere hoc non mutari sectiones Aplanes in latitudine, nec fieri aut vlllos paruos circulos, aut vlllos flexus, vel sinus: si enim fierent, vtique proportionem eclipticæ ad æquinoctialem non seruarent Aplanes stellæ.

*Quantus sit Aplanes motus.*

*Cap. 16.*

**S** Vpposito igitur hoc pacto moueri Aplanen, donec p̄babiliora sese offerant, reliquum esse videtur & illud demum ostendere, quantus sit eius motus, & quantum ipsa recipiat à Circitore, quantumq; amittat: & qualis sit Circitoris ipsius motus: & quomodo obseruata de tempore in tempus correspondeant ijs, quæ dicemus.

In primis autem dicamus, quæ obseruata sunt, si non omnia, at saltem præcipua, & fide digna, & ad nostrum hoc institutum pertinentia. Primum igitur illud certum esse debet per id tempus, quod inter Hipparchum & Ptolemæum interfuit, stellas Aplanes motas fuisse tarso motu ita, vt non plus peregerint in annis centū, quàm gr. 1, vt recte Ptolemæus animaduertit: neque enim deceptos in obseruationibus tantos Astronomos audendum est dicere. Deinde & illud etiamnum clarum est à Ptolemæo ad Albateniū vsq; auctum fuisse earum stellarum motū: quod Albatenij obseruationes superius assignatæ demonstrāt. mox vero ab Albatenij temporibus vsque ad nostra motum quidem velocē fuisse dicimus, sed continenter minuentem velocitatem: quod paulopost apparebit ex obseruatis. Existimamus igitur proprium motum Aplanes per se talem esse, vt gr. 1 in annis 100 perficiat, verum à Circitore modo velociorem, modo tardiozem reddi: in eo autem tempore, quod fuit ab Hipparcho ad Ptolemæum, versatum fuisse Aplanen circa medium motum ac proprium: à Ptolemæo autem ad Albatenium motum dicimus factum fuisse velocem augmentem: ab Albatenio vero motum fuisse velocem minuentem, in quo & nunc summus: mox fiet motus tardus augens primo tarditatem, ac deinde tardus minuens tarditatem. Videtur igitur mihi tum forte medius ac proprius in Aplane motus fuisse, quum filius Dei CHRISTVS in lucem venit, ante quem Hipparchus fuit annis circiter 142, Ptolemæus vero post, annis fere 143: quantum enim deficiebat motus à medio, Hipparchi tempore, tantum excedebat Ptolemæi tempestate. quam ob causam mensurans ille motum, reductis defectu & excessu ad mediū, vidit in annis 100 ab Aplane confici gr. 1. si igit à CHRISTI Natali medium motum Aplanes auspicemur, certum erit motum velocem augmentem, qui ab inde subsecutus est, durasse per noningentos annos ad Albateniū vsq; & non vltra q. n. vsq; ad ipsum motus factus fue-

*Fracastorij.*

G

rit

rit velox obseruationes eius demonstrant:quòd vero & ab eo mox cēpē C  
 rit velocitas minui,ex sequentibus apparebit. à C H R I S T O autem ad ip  
 sum anni fuere 900: à C H R I S T O enim ad Ptolemæum anni fluxere  
 143, à Ptolemæo autē ad Albateniū anni 755, quare 900 à C H R I S T O  
 ad Albatenium. ex quo conijcimus inæqualitatem Aplanes procedere  
 de 900 in 900 annos, totam autem reuolutionem confici annorum tri  
 bus millibus sexcentis: ita vt in primis 900 annis fiat motus velox au  
 gens, in alijs 900 motus velox minuens, in alijs vero 900 motus tardus  
 augens, ac postremo in vltimis 900 fiat motus tardus minuens. inter ve  
 locem autem & tardum motum est medius, qui & Aplane proprius est:  
 inæqualitas autem datur à Circitore, qui modo citat, modo tardat (vt di  
 ctum est.) In Natali ergo Domini mouebat Circitor à puncto neutro,  
 hoc est eo puncto, qui est inter quartam iuuantem & cōtrariam, in quo  
 solum in latus mouet: quare & Aplane motu proprio agebatur, quo gr.  
 1 peragit in annis 100. mox per primam quartam iuuantem, quæ est me  
 ridionalis inferior, cēpit Circitor citare Aplanen, ac supra medium mo  
 tum dare velocem augmentem vsque ad Albatenium per annos 900, in fi  
 ne cuius quartæ subalterno existente Circitore cum Aplane in medietate  
 iuuantē velocissimus ac summus motus fit. mox per secundam quar  
 tam iuuantem, quæ est inferior septentrionalis, factus fuit motus velox  
 quidem, sed minuens continenter, in quo & nunc sumus, erimusq; per D  
 annos adhuc 265: à quo rursus medius motus redibit.

Quantum vero addat Circitor supra medium motum in vna quarta  
 Circunductionis annorum 900, possumus rationabiliter ex obseruatis  
 excipere. à Ptolemæo enim ad Albatenium constat motas fuisse stellas  
 gr. 11, m. 30: (vt supra diximus) à Christo autē ad Ptolemæum pegerūt gr. 1,  
 m. fere 30: qui ad summum sunt gr. 13, peracti in annis 900. si igitur per se  
 Aplane gr. 1 perficit in annis 100, certum erit in his 900 annis stellas per  
 se & motu proprio gr. 9 confecisse ex illis 13. Relinquitur ergo gr. 4 addi  
 tos à Circitore fuisse in vna quarta annorum 900, quare & tantum per  
 se ipsum Circitorem mouere in quarta vna. quòd si gr. illi superadditi à  
 Circitore diuidantur per annos 900, ita vt motus supra medium conti  
 nenter à non gradu augeatur vsque ad gr. 4, videbimus in primo cente  
 nario addi m. 5, sec. 20: in secundo mi. 10, sec. 40: in tertio mi. 16: in quarto  
 mi. 21, sec. 20: in quinto mi. 26, sec. 40: in sexto mi. 32: in septimo mi. 37, sec.  
 20: in octauo mi. 42, sec. 40: in nono mi. 48. quæ omnia mi. & sec. simul si  
 componamus, resultabunt gr. 4, qui additi gr. 9 medij motus conficient  
 gr. 13, quos stellæ à Christo ad Albatenium peregere. videns autem Alba  
 tenius à Ptolomæi temporibus vsque ad sua stellas perfecisse gr. 11, mi. 30,  
 dixit



A dixit non in annis 100 gr. 1 ab Aplane peragi, sed in annis circiter 66: sic enim comperiebat diuisis illis gr. 11, mi. 30 per annos 755. Nec Ptolemæus igitur, nec Albatenus in obseruationibus decepti sunt, sed in eo magis vterque, quod id perpetuum putarunt, quod in parte & certo tempore viderant: atqui nō ita futurum erat, nā nec quale suo tempore Ptolemæus inuenit, annis sequētibz tale fuit, nec quale Albatenus, quum inæqualitas motus Aplanes non dū manifesta illis foret.

gr.	m.	sec.
0	5	20
	10	40
	16	
	21	20
	26	40
	32	
	37	20
	42	40
	48	
4	0	0

Post Albatenum autem motus secutus est velox minuens Circitore à secunda quarta iuuantium præbente motum. in primo igitur centenariio post ipsum addita stellis fuere mi. 48: in secundo mi. 42, sec. 40: in tertio mi. 37, sec. 20: in quarto mi. 32: in quinto mi. 26, sec. 40: in sexto mi. 21, sec. 20: in septimo addentur mi. 16: in octauo mi. 10, sec. 40: in nono mi. 5, sec. 20. Huic autem rationi & ea quoq; respondent, quæ successiuis temporibus sunt obseruata post Albatenum. Alphonsus. n. Rex, qui anno à Christo 1251 stellas digessit, post Albatenum annis circiter 350, annotauit inter alias Spicam stellam in libra gr. 13, mi. 50, quæ ab Albatenio reperta fuerat in gr. 8. peregit igitur spica in annis 350 gr. 5, mi. 54: ac tantundem quoque peregisſe per assignatam rationem debere videtur: nam in primo huius quartæ post Albatenum cētenariio diximus addi motui medio m. 48: in secundo mi. 42, sec. 40: in tertio mi. 32, sec. 20: in sequentibus 50 annis mi. fe


gr.	m.	sec.
re 16: quæ omnia simul conſtant gr. 2, mi. 19: quibus si addas medium motum, qui sunt gr. 3, mi. 30, fient omnino gr. 5, mi. 49. quare ratio hæc obseruatis recte respondet. Post Alphōsum quoq; omnia prædictæ rationi congruunt: accepimus enim Abranium zacutum, qui perpetuas ephemeridas cōdidit, eandem Spicam comperisse annis post Alphonsum 216 in libra gr. 17, mi. fere. 10: quam & nos annis post Zacutum 69 inuenimus		
	48	
	42	40
	32	20
	16	
2	19	0
3	30	
5	49	0

in libra gr. 17, mi. fere 47. ab Alphonso autem ad hoc tempus fluxere anni 280, in quibus spica à gr. 13, m. 50 repertis ab Alphōso, pgressa est ad gr. 17, mi. fere 47, qui sunt gr. 3, mi. 57: ac tantundē quoq; è nostra rōne pactū fuisse oportet, siquidē eo in tpe annorum 280 motus medij facti sunt gr.

2, m. 48: additi vero à Circitore fuere primum in 50 continuis m. fere 13: in sequenti centenariorum, qui est quintus huius quartæ, addita fuere m. 26: in alio ceterario, qui est sextus, addita sunt m. 21, sec. 20: in reliquis annis 30 m. circiter 8: quæ omnia in summa sunt gr. 3, m. 57, quæ peracta fuere in annis 280. ex quibus patet & obseruata conuenire rationi huic, & motum post Albateniū

gr.	m.	sec.
2	48	
	13	
	26	46
	21	20
	8	
3	57	0

procedere minuendo velocitatem, & annis nostris tendere versus tardū: nunc enim debent stellæ in annis 100 peragere gr. 1, m. circiter 16. Placuit autem totam inæqualitatis Aplanes reuolutionem per hanc subscriptionem designare, quam diuissimus in quartas quatuor, quamlibet autem quartam in annos 900, annotantes quid in vnoquoque centenariorum addatur supra mediū motum, & quid mox ab eo dematur. In prima igitur quarta est motus velox augens, qui supra medium motum addit singulo centenariorum mi. & sec. descripta. in secunda quarta est motus velox



minuens velocitatem, addens & ipse supra medium in quolibet centenariorum mi. & sec. descripta. in tertia vero est motus tardus infra mediū motum,



A tū, & in primo centenariio demunt mi. 5. sec. 20: quare Aplane in eo cetero nario nō plus peragit q̄ m. 54. sec. 40, & ita deinceps de alijs. in vltima aut quarta est motus tardus minuens tarditatem. tota igitur reuolutio huius inæqualitatis annis tribus millibus & sexcentis expletur.

*De ordine orbium seruientium Aplanæ.*

*Cap. 17.*

**D**E ijs autem orbibus, qui quodammodo famulantur Aplanæ, quoniam nondum omnia dicta sunt, dignum erit postremo exponere, quo pacto sese habeant omnes, & quanto tempore quisque circumferatur. Omnium autem (vt diximus) primus & supremus est ille, quem alij primum mobile vocant, qui tanta celeritate conuertitur, vt horis 24 ab ortu per occasum ad idem rediens circumferatur, reliquos omnes, qui intra continentur, secum vehens. est autem motus eius per æquinoctialem circulum simplicissimus, immutabilis, & æternus, nisi quum eius conditor aliter forte volet. Sub eo est, quem Circūdūcētem appellauimus, qui per colurum superiorem à septentrione in meridiem annis tribus millibus & sexcentis in latitudinem circumagitur & ipse secum vehens omnes, qui subsunt orbis, nisi quantum aliqui contrauēcti impendant. quoniam autem hic à primo vehitur in longitudinem, palam q̄ medij circuli vtriusq; sese inuicem ad rectos angulos secant. igitur quum duplici agatur motu, altero in latitudinem per se, altero in longitudinem per accidens, tardissimus autem sit, qui in latus est, velocissimus qui in longum, fit quidem, vt quæ puncta raptu velocissima sint, per se sint tardissima, quæ vero per se velocissima, raptu tardissima fiant: alterius enim poli in medio circulo alterius sunt: tardissimi autem semper poli sunt, velocissimus medius circulus. quo tandem fieri necesse est, vt tardissimus quisq; punctus velocissimus olim fiat, & velocissimus quisque, tardissimus.

Tertius autem orbis est, quem diximus Circitorem, cuius medius circulus subalternus est inferiori coluro æquinoctiorum, cæterum in latitudinem circunducitur à prædicto annis 3600, per se vero in opposita omnia mouens, ac gr. 4 peragens in vna quarta circunductionis. agitur autē hic tribus motibus, qui sese omnes ad rectos angulos inuicem secant, & in eo expleti sunt tres illi principalissimi motus, qui in natura sphærarū per se esse possunt. omnis quoque velocissimus in eo punctus, tardissimus olim fiet, & tardissimus quisque, velocissimus, ita prouidentibus Dijs, vt virtutes cœlorum omnes vndique, & ad partem omnem impartiantur. quartus orbis est Contrauēctus Circitori, & Circunducēti in latitudinem, qui per Colurum superiorem duplo velocior Circūdūcēte à meridie fertur in septentrionem: sub quo est quintus Anticircitor appellatus,

pellatus, qui à prædicto in latitudinem circunducitur in oppositam semper Circitori partem ac proportionalem: vnde fit, vt proprio motu semper opponatur Circitori in latitudine, in longitudine vero semper conueniat, & in idem pellat. ergo hic si in latitudinem duci debet tantum in vnā partem, quantum Circitor in aliam, oportet cōtrauectum quartum duplo velociorem esse Circunducente secundo, & Circitore, quatenus in latitudinem agitur etiam ipse: verum motibus proprijs æquales sunt Circitor & Anticircitor iste. sub Anticircitore oportet & suum Cōtrauectum statui illi æqualem, aut insensibiliter cædentem, alioqui continget & Aplanen simul in latitudinem circunduci, quod quidem non apparet: aut, si forte contingit, insensibiliter quidem accidit, & post longa secula. Postremo sub his omnibus est Aplane orbis tot luminibus clarus, & lacteo distinctus circulo, quæ per se gr. i in annis 100 obit, totā autem reuolutionem annorum millibus triginta sex, modo tardior, modo velocior: medius autem circulus eius per eclipticam Solis protēditur, quem situm per se, & per naturam habere non est censendum: quoniam (vt supra diximus) qui in natura sphaerarum per se sunt motus, omnes se se secant ad rectos angulos. quapropter credendum est Aplanes circulū non eodem in situ manere semper, sed & ipsum in latitudinem duci aut à Contrauecto vltimo, qui non omnino æqualis sit Anticircitori, aut à Circunducente primo, qui Contrauectum quartum orbem superet paulillo aliquo: vnde nec circunductio Aplanes in latitudinem depræhendi, nisi post longa annorum curricula potest. Inæqualitatis autem Aplanes reuolutio annis 3600 expletur, vt dictum est. Ac de Aplane hæctenus, & quæ circa ipsam appareant, & quibus de causis fiant, probabiliter dictum sit.

## D E S A T V R N O

*De ijs, quæ circa Saturnum apparent.*

*Cap. 18.*



VNC ad eos orbes descendamus, in quibus vocati planetæ in circulis eorum medijs circunferuntur, soli ipsi spectabiles & insignes in sphaeris suis. Ordinem autē à Saturno, qui ab Aplane statim sequitur, præmittentes in primis, quæcunq; circa ipsum apparent. Quod igitur & ipse diebus singulis ab ortu in occasum vertatur à primo mobili, tum & quod proprium ipse motum habeat huic obliquum atq; oppositum, dictum est in vniuersum prius, nunc propria magis recenseamus. videtur igitur propriū ille



**A** ille motum annis ferè 30 explere, tardissime quidem oïum aliorum: quæ cā facit, vt citissime oïum in occasum ducatur, q̃ quàm minimum primo contrahatur. Aequinoctialem autem non fecat eisdem in punctis, in quibus Aplane & Sol, sed in alijs: quare neq; subalternus cum ecliptica fertur, sed & illā quoq; fecat. sectiones eclipticæ (nam illæ maxime considerantur in planetis) altera in cancro traditur, altera in capricorno, variabiles singulis centum annis gr. 1.

Medius motus circutionis.

Gr. m. se. ter. quar. q̃n. sex.

0	0	5	1	23	48	42	hor.
0	2	0	33	34	28	51	dies
1	0	16	41	44	25	30	mēf.

Circuitio tota

Annis 29, Diebus 162, ho. 12.

Sunt præterea in eius motu inæqualitates non paucae, tum in longitudine, tum in latitudine: atque in primis illa, quæ & in Aplane dicta est, quod in vna medietate circutionis suæ tardior, in alia velocior spectatur. quippe in ea medietate, quæ est à virgine ad pisces per sagittarium, aliquanto tardior incedit: in ea vero, quæ à piscibus est ad Virginem per Geminos, velocior properat: punctus autem maximæ tarditatis nunc in Sagittario traditur gr. 13, maximæ vero velocitatis in geminis, variabiles quidem & ipsi, vti & sectiones.

**B** Præter hanc autem inæqualitatem est & alia etiam, cuius periodus annis pene singulis paulo plus iteratur, nō magis quidem in vna medietate quàm in alia, sed successiue in omni parte. est autem hæc, quod planeta modo directus & velox, modo tardus tantū, modo stans, modo etiam retrogradus spectari solet: per quam inæqualitatem certa periodo atq; ordine continenter pergit. reuolutiones autem huius inæqualitatis 57 obseruantur in annis 59, die 1, horis ferè 18 fieri, quas si inter se compares, id etiam mirum habent, quod vna non est æqualis alteri nec tota, nec earum partes, nam nec velocitates æquales sunt, nec status, nec retrogradationes.

Medius motus inæqualitatis.

gr. m. sec. ter. qua. quin. sex.

0	2	22	49	19	14	19	hore.
0	57	15	27	23	27	20	dies.
18	33	51	50	51	50	0	mēf.


Tota reuolutio inæqualitatis

Diebus 378, hora 1, mi. 30.

Illud porrò in hac inæqualitate magnopere admirandum est, q̃ tum velocissimus directissimusq; planeta cernitur, quum Soli cōiunctus est, tardissimus vero, & maxime retrogradus, quum oppositus è regione sit Soli. atque hæc quidem in longitudine apparent.

At vero & in latitudine sua quoque inæqualitas inuenitur, nam planeta,

neta, vbi à sectionibus eclipticæ digressus est, in eo quidem spatio, quod est à sectione ad punctum medium, & à puncto medio ad aliam sectionem, diuersimode quidem, & valde inæqualiter ad eclipticam sese habet: nam modo ad ipsam accedit, non quidem vt tangat, modo ab ea recedit: accedit autem directus, & velox, ac Soli coniunctus, recedit vero tardus, retrogradus, & Soli oppositus. quem motum si recte consideremus, videbimus per helices quasdam fieri progressu quidem anticipantes, regressu vero deficientes, minimas item prope sectiones, maximas circa punctum medium. vt si ecliptica sit a d c, medius circulus Saturni a b c, prima helix erit a e f g h, minima omnium, quæ à sectione vsque ad punctum mediū sunt: secunda erit h k l m n, maior quidem priore, reliquis vero minor, & ita de alijs. per has igitur actus planeta, ad Eclipticam quidem accedit directus, & velox: ac velocissimus in e, & k, & o, ac Soli coniunctus: recedit autem tardus, & retrogradus: maxime autem retrogradus, & Soli oppositus in g, & m, & q.




*De causis apparentium secundum alios.*

*Cap. 19.*

D

**A**stronomi igitur suppositis ijs, quæ supra secundum eorum placita declarauimus, prædicta omnia demonstrant partim quidem per Ecentricum, partim per Epicyclum: quod enim in vna medietate tardior, in alia velocior planeta feratur, Ecentrico ascribunt: faciunt enim orbem, in quo stella ipsa defertur, Ecentricū, quare in ea medietate, in qua est absis, tardiozem planetam incedere, in qua vero Antabsis, velociorem agi, in hac enim arcus, per quem transit minor est, in illa maior. si enim totus zodiacus diuidatur in duas medietates in a d c, & c b a, Ecentricus autem sit f g h k, manifestum est, quod planeta transitorius medietatem zodiaci a d c, transibit quidem per arcum f k h: transitorius autem alterā zodiaci medietatem c b a, transibit per arcum h g f: at multo maior est f k h, in qua est absis, q̃ h g f, in qua est Antabsis: plus igitur





**A** tur moræ trahet in medietate, in qua est absis, quàm in alia. secundâ autem inæqualitatem directionis, status, & retrogradationis epicyclo donant, qui in medio circulo Ecentrici reuolutus, ac planetam infixum gerēs superna parte versus ortum, inferna versus occasum vertitur: quo fieri dicunt, vt planeta delatus ab Epicyclo modo in idem cum Ecentrico, modo in oppositum agatur, in idem quidem, quum superna in parte est, in oppositum quum in inferna: quare & velocem planetam fieri, quum in idem cum Ecentrico fertur, tardum vero, stantem, & retrogradū reddi, quum in oppositum retrahitur, retro enim ab Epicyclo ducitur, qui ecētrico velocior est: Circa Absidē vero tardiora fieri omnia, circa antabsidem velociora: vnde accidit reuolutiōes huius inēqualitatis nō ēquales esse inter se, Plurimum enim interest, in qua medietate fiant, in velociori ne, an tardiori: ea vero proportionē ad Solem, planetam moueri, vt tum sit in summo Epicyclo, quum coniunctus est Soli, in imo vero, quū oppositus, quare hic maxime retrogradum, illic maxime directum esse.

Eam vero inæqualitatem, quæ in latitudine apparet, Epicyclo rursus ascribunt, cui duos motus dant, præter eum, quo vehitur ab ecentrico, alterum in longitudinem, alterum in latitudinē: signato enim medio circulo Epicycli, item centro eius, centrum dicunt semper per ecentrici circulum ferri, medium autem circulum epicycli non semper per ecentrici circulum subalternum verti, sed diuersimode agi: siquidem centro Epicycli in sectione existente medius circulus eius semper eclipticæ subalternus est, & quasi supinus, verum vbi centrum à sectione digredi incipit, nō amplius supinus, & eclipticæ subalternus fertur medius circulus Epicycli, sed inclinatur summo eius versus eclipticam, imo versus oppositā partem flectente: quæ inclinatio maior & maior continenter fit, donec centrum perueniat ad punctum medium, in quo maxima ea fit, non tamen vt eclipticam vnquam attingat: abinde vero resupinari quodāmodo, ac sensim erigi incipit medius Epicycli circulus, donec in aliā sectionem perueniat, in qua rursus supinus, ac eclipticæ subalternus reddatur. sicigitur moto Epicyclo fieri dicunt, vt stella modo ad eclipticam accedat, modo ab ea abscedat: accedat autem directā, & velox, quoniā superna pars, quæ inclinatur, & in qua est planeta, ad eclipticam accedit, recedat autem retrogradā, quoniam tunc est in ima Epicycli parte. Quod igitur ita fiat, astronomi omnes dicunt, quo autem modo fiat, & à quo tot motus Epicyclo dentur, nemo ostendit: de qua re posterius inquiremus.

*De causis apparentium per nostra principia.*

Cap. 20.

**T** Entandum est autem aliter prædictorum causas per nostra principia

*Fracastorij.*

H

pia

pia demonstrare, ac primum quòd in vna medietate tardior, in alia ve- C  
 locior planeta agatur, causam ipsi non Ecentrico, sed Circitori orbi da-  
 mus: habet. n. Saturnus Circitorem suum, quèadmodum & Aplane, Dijs  
 ita disponentibus, vt orbes & in longitudinē, & in latitudinem diuersi-  
 mode moueri possent. Quoniam aut̃ omnis Circitor in latitudinem qui-  
 dem circunducitur, proprio aut̃ motu in opposita omnia mouet, palam  
 q̃ & hæc omnia circa Saturni Circitorem contingunt, verū in latitudi-  
 nē circunductio par est circuitiōni Saturni, hoc est annis 29, diebus 162,  
 horis 12 fit: proprius autem Circitoris motus tardior Saturni motu est.  
 Quoniam autem & modo in idē cum Saturno, modo in oppositum fer-  
 tur Circitor, inde quidē fit, vt modo planetā citet, modo ēt retardet, nō  
 nunq̃ autem retroducatur, quoniam tardior Saturno est. ea autem Circito-  
 ris huius ad planetam p̃portio est hoc nostro tempore, vt tum subalter-  
 nus cum eo Circitor sit in medietate contraria, quum planeta in gr. 13 fa-  
 gittarij peruenit, subalternus vero fiat in medietate iuuante, quum pla-  
 neta in gr. 13 geminorum perductus est: quare hic est p̃ctus maximæ ve-  
 locitatis, illic maximæ tarditatis, quæ puncta alij absidem, et antabsidem  
 vocant: vbi enim est maxima tarditas, illic maximam putant à centro di-  
 stantiam esse, vbi vero maxima velocitas, illic maximā centro propinqui-  
 tatem existimant. Nos aut̃ tarditatem, & velocitatem non à distantia,  
 & p̃pinitate, sed à Circitore dari arbitramur, quum subalternus plane- D  
 tæ fit modo in contraria, modo in iuuante medietate.

Secundam autem inæqualitatem directionis, status, & retrogradatio-  
 nis non assignamus Epicyclo, sed alteri Circitori: duos enim Circitores  
 habent planetæ omnes, qui retrogradationem nouere, à quibus prædictæ  
 duæ inæqualitates contingunt, communes planetis illis.

Ergo quum prior Circitor in latitudinem circunducatur per p̃cta me-  
 dia, sectionesq̃ ipsas respiciat vti polos circunductionis, tum secūds hic  
 Circitor per sectiones in latitudinem circumfertur, puncta autem media  
 respicit vti circunductionis polos: quare hic puncta media maxime in op-  
 posita per se mouet, ille sectiones: est autem secundus hic tum circundu-  
 ctione, tum & proprio motu multo velocior Saturno, siquidem diebus  
 378, hora 1, m. 30 circunducitur in latitudinem, proprio autem motu re-  
 troducere Saturnum potest. Quoniam igitur & hic more Circitorū  
 in vna medietate circunductionis in idem agitur cum planeta, in alia in  
 oppositum, manifestum est, q̃ & ipse modo planetam citat, modo retar-  
 dat: nec retardat solum, sed successiue mox sistit, mox etiam retroducit:  
 in contraria enim medietate si Circitor velocior planeta sit, primū qui-  
 dem tardat solum, à principio scilicet primæ quartæ contrariæ, quū ad-  
 huc




**A** huc parua est oppositio, & anguli maiores, motusq; multum lateralis, parum recti habet: procedente vero motu, & crescente oppositione continenter, ad acutiores angulos peruenitur ad certū pūctum, in quo vectio, & planetæ motus æquantur: ac tum planeta sistitur. mox crescēte adhuc oppositione, & superante vectioe retroductio planetæ fit: quæ cōtinue maior, & maior fit, donec ad subalternationem sit ventū: in qua & oppositio tota recta est, & maxima retroductio. abinde vero cōminuitur rursus oppositio, ac rursus ad alium pūctū consistētiæ deuenitur, ac postremo ad motū solum tardū. oīa igitur hæc potest in Saturnū facere secundus Circitor, qm̄ illo velocior est. Non sunt autem reuolutiones huius inæqualitatis inter se æquales, neq; totæ, neq; earum partes, quoniam multū refert, in qua medietate contingant, an in ea, in qua ratione alterius Circitoris tardior planeta erat, an in qua velocior, præsertim circa pūcta maximæ tarditatis, & velocitatis: propter quæ inæquales redduntur reuolutiones secundæ huius inæqualitatis, verum per accidens hoc est: per se enim æquales omnes sunt, & si mensurentur per motum medium Circitoris primi.

Quod autem in cōiunctione cum Sole velocissimus sit planeta, in oppositione tardissimus, causa est, q̄ hic secundus Circitor tum subalternus est cum planeta in medietate iuuante, quū ille Soli coniunctus est, tum aut subalternus est in medietate contraria, quum Soli oppositus est planeta: quo enim tempore Sol à coniunctione Saturni ad oppositionē trāsfertur, eo & Circitor ab vna subalternatione ad aliam sese agit: verum neq; perpetuum hoc est, vt in omni coniunctione velocissimus, in omni oppositione tardissimus sit planeta, nisi per medium motum primæ inæqualitatis mensura fiat.


Eius autem inæqualitatis, quæ in latitudine apparet, causa est idem secundus Circitor, qui per sectiones circumductus puncta media respicit, vt polos circumductionis, ac in opposita maxime mouet: quoniam autem mouet in omnia opposita, palam, quod & ante, & retro, & dextra, & sinistra torquere potest, atque helices facere (quemadmodum & in Aplane dictum est) maximas quidem circa puncta media, quoniam illic maxima fit latitudo, quæ circa sectiones in conum definit.

Vt autem clariora reddantur omnia, sit Ecliptica a b c: circulus Saturni a d c: pūctus medius d: sectiones a & c:

H ij moueatur



moueatur autem Circitor à prima quarta iuuantium, quæ est septentrio C  
 nalis occidentalis, mouebit quidem & in longum, & in latus, in lógun  
 versus orientem, in latus versus eclipticam, & meridiem. si igitur plane-  
 ta sit vbi a in sectione, sese extra moturus, manifestum, q̃ pulsus à Circi-  
 tore in orientem simul, & meridiem versus eclipticam, describet portio-  
 nem helicis primæ a e, motu veloci ac directo, atq; in e velocissimus  
 erit Circitore subalterno in medietate iuuante, in fine primæ quartæ, cū  
 quo sit & Sol coniunctus in e. Rursus vero moueat Circitor per aliam  
 quartam, quæ est occidentalis meridionalis, in longum quidem pellet  
 orientem versus, in latus versus septétrionem, planeta igitur ab e des-  
 cribet portionem e f, motu veloci minuyente. deinde vero Circito-  
 re mouente à prima quarta contrariarum, quæ est meridionalis orienta-  
 lis, pelletur quidem planeta in longum primo paululum in oriētem di-  
 rectus, mox stabit, mox retroagetur occidētem  
 versus, in latus vero versus septentrionem. desi-  
 gnabit igitur portionem f g, Circitore subalter-  
 no in medietate cōtraria, ac planeta maxime ab  
 ecliptica recedente, ac Soli opposito. postremo  
 si à quarta vltima moueat Circitor, quæ est oriē-  
 talis septentrionalis, agetur planeta in latus qui-  
 dem versus eclipticam, & meridiem, in longum  
 vero retro primum, mox circa finem eius quar-  
 tæ versus orientem paulisper, motu primum re-  
 trogrado, mox tardo solum: quare describet por-  
 tionem g h, peracta vna reuolutione Circito-  
 ris, atq; helice a e f g h, quæ minima quidē om-  
 nium est, quoniam latitudo fit maxima circa pū-  
 cta media, minor vero continenter versus sectio-  
 nes: vnus enim circuli si medius punctus in op-  
 positas partes pellatur, semper latitudo fit in me-  
 dio, et in vtre maxima, minima circa extrema.  
 Vt si circulus a d c ducatur in opposita circa b:  
 latitudo maior erit d b e, versus a autem, & c  
 minor continue. pulso igitur Saturni circulo in  
 opposita circa medium, vbi d, describūtur duo  
 hinc inde circuli a f c, et a u c, in quibus la-  
 titudo fit maxima in f d u. Est autē dubitatio  
 quædam circa sectiones, quoniam in obseruatis  
 apparet planeta circa sectiones in ecliptica nō so-





**A** lum in puncto sectionis, sed modo ante, modo post. vt si ecliptica sit d b c: sectio vbi a: apparet quidem planeta non solum vbi a, sed etiam vbi d, et vbi e, in ecliptica: per traditum autem modum non videtur posse in alio puncto videri, quàm in a, vbi sectio: nullus enim alius est punctus in Saturni circulo, qui eclipticam contingat, nisi sectionis punctus.

Ad quod dicimus, quum circulus Saturni a d c, accedit ad eclipticā a b c, fitq; circulus a e c, tunc ille adeo propinquus eclipticæ fit iuxta sectiones, vt discerni non possit per certum spatium, an planeta sit in ecliptica, an extra: quam ob rem in ecliptica esse videatur: vnde & astronomi subalternum dixere fieri in sectionibus cum ecliptica medium circulum epicycli.

Est autem & alia quædam dubitatio tum circa Circitorem primum, tum & circa secundum: videtur enim vterque tantum debere in latitudinem mouere, quantum in longitudinem mouet: at certe primus Circitor in latitudinem aut nihil, aut quam minimum mouebat, in longitudinem vero multum, modo citans, modo tardans planetam: secundus quoque, & si quandam latitudinem facit circa helices, non tamen tantum in latus mouet, quantum in longum: si quidem Ptolemæus scribit latitudinem maximam, quæ circa puncta media fit, non esse maiorem, q̃ gr. 7, quod vero in longum præstat, longè plus est. Ad quæ dicimus in vtroq; **B** causam esse Anticircitores suos, qui latitudinē minuūt, vt iam dicemus.

*De ordine, & numero orbium seruientium Saturno.*

*Cap. 21.*

**V** Idetur autem, qui ad Saturnum orbes attinet, omnes numero decem: duo enim quum sint Circitores, vnusquisq; autem Circitor, qui non tantum in latus moueat, quantum in longum, quinque orbibus egeat, vt in Aplane monstratum est, fit quidem, vt in Saturno ad demonstranda, quæ apparent, decem orbibus opus sit. Ordo igitur prioris Circitoris in quinque consistit orbibus, Circunducente, Circitore, Contrauecto, Anticircitore, & suo Contrauecto, quorum primus est Circunducens, qui sub Aplane in latitudinem per se fertur per puncta media inter sectiones: circumfertur autē Saturno par, annis 29, diebus 162, horis 12. sub eo est prior Circitor, qui eodem tempore simul in latitudinem ducitur à prædicto, per se autem in opposita omnia mouet Saturno tardior: sub quo est Contrauectus suus, qui super polis Circunducentis cōtraferitur in latitudinem illo duplo velocior: mouetur autem hic à Circitore trepidationis motu (vt in alijs dictum est.) Ab eo sequitur anticircitor, qui, vti & in Aplane diximus, in latitudine quidem semper opponitur Circitori, aut æqualis illi, aut quàm minimum cedens, in longitudinem ve-

ro semper in idem agitur cum Circitore: ex quo fit vt non tantum in latitudo moueatur Saturnus, quantum in longum. sub quo est vltimus Cōtrauectus, à quo fit, vt reliqui qui infra sunt, non circūferātur in latitudinē.

Ab his sequitur ordo Circitoris secundi, in quinq; orbibus pariter cōstitutus circunducente, Circitore, Cōtrauecto, Anticircitore, & vltimo Contrauecto: quorum primum est circunducens, qui nō per puncta media (vti prior) sed per sectiones circumagitur in latitudinem, ac circuitio nem explet diebus 378, hora 1, m. 30 fere: cuius reuolutiones 57 fiunt in annis Aegyptijs 59, die 1, horis circiter 18. Sub eo est secūsus Circitor, qui eodem tempore circunducitur à prædicto in latitudinem, cæterum proprio motu in opposita omnia mouet multo velocior Saturno: sub quo est Contrauectus suus per trepidationem ab eo agitatus, duplo velocior Circunducente: A quo sequitur Anticircitor alter, qui per se semper opponitur in latitudine Circitori, nō autem æqualis illi, sed tamen tantum contranitens, quantum satis est, vt latitudo in Saturno non maior fiat, q̃ gr. 7: ac demum est vltimus Contrauectus: sub quibus omnibus est Saturni orbis planetam ferens, qui ab occidente in orientem actus circuitiōē explet annis 29, diebus 162, horis 12, in vna medietate tardior, in alia velocior, & insuper modo directus, & velox, modo consistens, modo & retrogradus per helices (vt diximus) inæquales circumactus. Ac de Saturno quidem hactenus dictum fit.

D.

## D E I O V E.

De ijs, quæ circa Iouem apparent.

Cap. 22.



**V**IDENTVR Planetę conuenientias inter se partiti, superiores. n. tres Saturnus, Iuppiter, & Mars cōmunia fere omnia habent, & magnopere vnus cum alio cōsentit: Venus vero cum Mercurio, Sol cum Luna. quapropter, quæ de Saturno dicta sunt, eadē quasi repetētur & in Ioue, de quo consequēter agēdū est, qm̃ à Saturno inter planetas statim sequitur. Ergo q̃ & Iuppiter ab ortu in occasum feratur diebus singulis à primo mobili, tardius q̃ de Saturno, ceteris citius: tū & q̃ proprium ipse motū habeat huic obliquū, declaratū satis est supra. obseruant autē circuitiōē suā ipsum obire annis circiter 12, hoc est annis 11, diebus 313, horis

Medius motus circuitiōis.

gr. m. sec. ter. quar. quin. sex.

0	0	12	25	6	6	56	hore.
0	4	19	14	26	46	31	dies.
2	29	37	13	23	15	30	mēses.




**A** horis 20. Secat autē tum equinoctialem, tum & eclipticam. sectiones eclipticæ altera nostro tempore in cancro traditur gr. 23, altera in capricorno. Illud vero mirum fortasse videri hoc in orbe potest, quod quum superiores, ut dictum est, trahant inferiores, Iuppiter tamen à Saturno minime trahi videtur. Sunt autē in eius motu inæqualitates non paucae, in primis illa, quæ & in Aplane, & Saturno dicta est, quod scilicet in vna medietate tardior, in alia velocior spectatur: tardior quidem in ea, quæ est à cancro ad capricornum per virginē, velocior vero in ea, quæ à capricorno ad câcrum per pisces: punctus autē maximæ tarditatis in virgine, maximæ velocitatis in piscibus gr. 23. Sed nec minus secundam inæqualitatem directionis, status, & retrogradationis habere cernitur, siquidem singulis 13 mensibus diebus 8, horis ferè 21 certa periodo modo directus, & velox, modo tardus tantum, modo stans, modo retrogradus apparet: cuius inæqualitatis reuolutiones 65 annotantur fieri in annis Aegyptijs 71: quas item reuolutiones, si inter se compares, æquales non reperiās.

Ad Solem quoque eandē habere rationem cōstat, quam & Saturnus habuit, ut in coniunctione velocissimus, in oppositione tardissimus videatur.

**B** At vero & in latitudine eadem quoque sortitus est, quæ Saturnus, in omni enim reuolutione inæqualitatis secundæ ad eclipticam modo accedere, modo abscedere spectatur, accedere directus, & velox, & Soli coniunctus, abscedere vero tardus & retrogradus, totum vero motum per confimiles helices obire, quarum, quæ prope sectiones sunt, minimæ, quæ circa puncta media, maximæ sunt. prima helix a e f g h, secunda h k l m n, & reliquæ.

Latitudo autem, quæ circa puncta media fit maxima, gr. 4 tradi solet.



*De causis apparentium in Ioue.*

*Cap. 23.*

**H** Orū igitur causas astronomi per ecētricū atque epicyclum reddūt, primā inæqualitatem eccentrico, scđam epicyclo assignātes, & itē eā, quæ in latitudine fit: modus autē idē, qui & in Saturno dictus est. Cur autē non simul cū Saturno trahatur Iuppiter, nulli quidē dixere, quod cerē iniuste neglectū videtur: si. n. in alijs multis videbant inferiores orbes à superioribus trahi, debebāt saltē dubitare, cur idem & in Ioue nō fiat.

Nos autem ab hoc primum incipientes dicimus ob id contingere, quod sub Saturno alius orbis fit, qui in longitudinem illi contraferatur.

Ad

Ad ea vero, quæ in latitudine apparent in Saturno, Contrauectos po A  
nere non est nobis necessarium visum, q̃ confundi ea accidit cum Circi  
toribus Iouis & Circuudentibus: quanto enim pauciores inducere or  
bes possumus, tanto gratius & planius futurum existimamus. Quod  
autem in vna medietate tardior, in alia velocior agatur Iuppiter, causam  
primo Circitori damus: habet enim & ipse, quæadmodum & Saturnus,  
Circitores duos, quorum prior in latitudinem circumducitur Ioui tem  
pore par, proprio autem motu tardior, cæterum modo in idem cum Io  
ue, modo in oppositum fertur: quare & modo citat, modo retardat: ea ve  
ro proportionem ad planetam se habet, vt tum subalternus sit in medietate  
contraria, quum planeta in gr. 23 virginis inuenitur, vbi est maximæ  
tarditatis punctus: quum vero planeta in gr. 23 piscium versatur, tū Cir  
citor in iuuante medietate subalternus fit Ioui: quare & illic punctus ma  
ximæ velocitatis enascitur. Commodissime autem fit hæc proportio,  
quoniam circumductio Circitoris æqualis est motui Iouis: variantur aut  
puncta hæc ob Aplanes motum, vt & in Saturno dictum est.

Secundam autem inæqualitatem directionis, & retrogradationis al  
teri Circitori ascribimus, qui tum circumductione, tū proprio motu ve  
locior multo est Ioue: siquidem circumducitur anno vno, mense vno, die  
bus 3, horis fere 15: vnde reuolutiones 65 in annis 71 conficiuntur; p  
prio autem motu retroducere planetam potest. ergo et hic, quoniam mo D  
do in idem, modo in oppositum fertur, nunc quidē planetam citat, nūc  
retardat pro natura conditione q̃ Circitorum, nec tardat solum, sed & si  
stit, atq; etiam retroducit, quoniam velocior est Ioue.

Quod vero velocissimus sit, quum Soli coniunctus est, tardissimus,  
quum opponitur, causa eadem est, quæ & in Saturno dicta est: commune  
enim habuere tres superiores planetæ, vt quo tempore Sol à coniunctio  
nibus eorum ad oppositiōes sese traducit, eodem et Circitor ab vna sub  
alternatione ad aliam sese conuertat. oportet autem mensurare per mo  
tum medium quod dictum est, alioqui perpetuum non erit, vt Iuppiter  
in coniunctione velocissimus sit, in oppositione tardissimus.

Porrò quæ in latitudine in Ioue apparent, eodem modo contingunt,  
quo & in Saturno dicebatur: Circitore. n. secundo p sectiones in latitudi  
nē acto puncta media maxime in opposita ducuntur, vnde & consimiles  
helices fiunt nullo alio ab ijs, quæ in Saturno fiebant, differētes, nisi q̃ Io  
uis helices productiores sunt, & directionem longiorem habent.

*De ordine orbium Iouis.*

Cap. 24.

**Q** Vi vero ad Iouem orbes pertinet, vnde decem ad summum omnes  
sunt: quorum primus est solitarius ille Contrauectus, qui statim  
sub



**A** sub Saturno subest. Reliqui vero decem sunt, quinque ad priorem Circitorem attinentes, & quinque ad secundū. In primo ordine est primus Circunducens, qui per puncta media in latitudinem sese conuertit Ioui par: secundus est Circitor primus, qui circunductione & ipse Ioui par est, proprio autem motu tardior: sub quo est Contrauectus suus duplo velocior Circunducens: ac sub eo Anticircitor, qui Circitori semper opponitur in latitudine, aut par illi, aut modicum quid cedens: nam & in prima inæqualitate quandam insensibilem latitudinem diligentiores notant: sub eo est suus Contrauectus. Secūdi autem ordinis primus est Circūdūcēs, qui per sectiones in latitudinem agitur mensibus 13, diebus 8, horis circiter 21: sub quo est secundus Circitor, per easdem sectiones circūdūctus, proprio autem motu puncta media in opposita maxime mouens: ac sub eo est Contrauectus suus: & sub ipso Anticircitor alter, qui in latitudine sese eatenus Circitori opponitur, vt latitudo, quæ in punctis medijs maxima fit, non maior inueniatur q̃ gr. 4: à quo postremo est Cōtrauectus suus, & sub ipso Iuppiter, qui per tot inæqualitates actus orbem demum obit annis 11, diebus 313, horis ferè 20: ita igitur se habet & Iuppiter.

## DE MARTE.

**B** De ijs, quæ in Marte apparent.

Cap. 25.



**MARS**, qui proximum locum inter planetas Ioui tenet, communia, ferè omnia cum prædictis habet. Motum ipse suum annis fere duobus explet, hoc est anno 1, diebus 321, horis circiter 23. medius autem circulus eius tum æquinocialem, tum & eclipticam secat: sectiones eclipticæ altera in Tauro gr. 15, altera

in scorpio tēpestate nostra traduntur: puncta media in aquario & leone. Habet itē Mars,

vt nec ipse cum Ioue rapiatur. Porro & primā quoq; inæqualitatem sustinet, vt in vna medie

tate tardior, in alia velocior feratur, tardior quidem in ea, quæ est à Tauro ad scorpionem per leonem, velocior in alia, quæ est à scorpio ad Taurū per aquarium: quare hic est pūctus maxime velocitatis, illic maximæ tarditatis. coincidunt autem puncta hæc maximæ tarditatis, & velocitatis cum punctis medijs.

At vero & secūdam quoque inæqualitatem directionis, status, & re-

Medius motus circuitionis.

Gr. m. sec. ter. quar. quin. sex.

0	1	18	36	32	51	39	hore.
0	31	26	30	53	51	36	dies.
15	43	18	26	55	46	30	mens.

Fracaſtorij.

I

trogra-

trogradationis habet, cuius reuolutiones 37 fieri in annis 79, diebus 3, C  
horis fere 8 Ptolemæus tradit:

quæ quidem reuolutiones nec  
æquales quidem inter se sunt.

Ad Solem præterea eodem  
se habet modo, quo & prædi-  
cti duo, nam & ipse in coniu-  
ctione velocissimus, in opposi-  
tione tardissimus cernitur.

Gr. m. sec. ter. quar. quin. sex.

0	11	9	14	10	48	22	hore.
0	27	41	40	19	20	58	dies.
13	50	50	9	40	29	0	mēses

Tota reuolutio.

Diebus 779. horis 5.

Ad hæc autem & in latitudine quoque easdem inæqualitates patitur,  
nam aliorum more per helices modo ad eclipticam accedit directus, &  
velox, modo recedit tardus, & retrogradus.

Quod autem mirum videri potest in hoc planeta, illud est, q̃ maxima  
latitudo, quæ circa puncta media fit, maior quidem in parte australi, q̃ in  
parte septentrionali annotatur, quando in parte australi gr. circiter 7 mé-  
suratur, in septentrionali gr. 4. m. fere 20: quum in alijs æqualis vtrin-  
que sit, quâquã et in Saturno paruum nescio quid difformis latitudinis qui-  
dam conspexerint.

*De causis apparentium in Marte.*

*Cap. 26.*

**H**Orum igitur omnium causas Astronomi per Ecentricū, & Epicy **D**  
clum assignant eo pacto, quo & in prædictis dictum est, quanq̃ nō  
parum in eo laborent, cur latitudo in vna parte maior, q̃ in alia sit.

Nos è Circitorum ratione causas omnium reddemus: primam autem  
inæqualitatem facit Circitor primus, qui per sectiones circumductus in  
latitudinem puncta media maximæ in opposita per se mouet: est autem  
circunductione Marti par, proprio motu tardior: hic ergo quandoq; pla-  
netam citat, quandoque tardat, ea proportionem, vt quum planeta ad gr.  
15 leonis peruenit, tum Circitor subalternus sit in contraria medietate,  
subalternus vero in propitia, quū planeta ad gr. 15 aquarij perductus est:  
quare hic punctus maximæ velocitatis, illic maximæ tarditatis inueniunt.

Eius autem inæqualitatis, quæ directionem, & retrogradationem facit,  
causa est secundus Circitor, qui & ipse per sectiones circumductus in  
latitudinem puncta media in opposita potissimum agit: verum circūdu-  
ctione tardior Marte est, proprio motu velocior: circumducitur enim an-  
nis duobus mense 1, diebus fere 19: vnde & reuolutiones 37 fiunt in an-  
nis 79, diebus 3, horis fere 12: quo tempore modo in idem cū planeta,  
modo in oppositum fertur: quare & modo concitat, modo retardat, ac si  
fluit, & etiam retroducit, quoniam Marte velocior est: velocissimus autē  
est



**A** est in coniunctione cum Sole, tardissimus in oppositione propter superius, & in alijs dictam causam, q̄ in coniunctione subalternus est Circitor in medietate iuuante, in oppositione subalternus est in contraria: qđ per se intelligi debet, & in medio motu respectu primi Circitoris: Similiter & q̄ diximus motum explere Martem anno 1, diebus 321, horis 23, per se intelligendum est, nam interdum fit, vt citius eum motum obeat, interdum vt tardius: cuius causa est, quòd in circuituione planetæ quādoque intercidit solum motus iuuans absque retrogradatione, interdum intercidit & retrogradatio aut tota, aut in parte: quæ fieri iccirco possunt, quòd circumductio Circitoris longe tardior & diuturnior est, quàm planetæ reuolutio.

Eorum vero, quæ in latitudine apparent, causa est secundus Circitor, qui in opposita omnia mouens per helices Martem agit: nihil enim in hoc ab alijs differt, nisi quòd helices Martis quàm longissimam habent directionem.

Illud vero dignum est postremo inquiri, cur fiat, vt maxima latitudo, maior tamen in parte australi sit, quàm in parte septentrionali, quod vel facillimum visu est, quo pacto fiat. Facit autem hoc Circitor primus, qui in parte septentrionali latitudinem impedit, ne maior fiat, in australi vero adiuuat, vt expandatur: quoniam enim ille circumductione æqualis

**B** Marti est, dum planeta à sectione transit ad punctum medium in parte septentrionali superiori, Circitor ipse per secundam quartam iuuatium mouebitur, quæ est septentrionalis occidentalis: pellet igitur planetæ circulum in latitudinem versus eclipticam, & meridiem, ac impedit, ne maximam acquirat latitudinem in ea parte. Porro planeta à puncto medio in aliam sectionem delato, Circitor obibit aliam quartam, quæ est septentrionalis orientalis: deinde vero dum planeta à sectione in aliud punctum medium transibit in parte inferiori australi, Circitor aliam quartam percurrent, quæ est meridionalis orientalis, à qua mouebit planetæ circulum in superiori parte versus septentrionem, in inferiori versus meridiem: in qua quum & planeta sit in puncto medio, vbi latitudo fit maxima, clarum est illic dilatari latitudinem versus austrum, & ab ecliptica magis, quàm fieret in superiori medietate in puncto medio: hoc igitur facit primus Circitor, quando secundus alter Circitor per se vtrinque æqualem latitudinem operatur. In alijs autem planetis idem non eueniebat, aut saltem manifeste non eueniebat, quoniam in ijs Anticircitor adhibebatur, hic autem Circitor Anticircitorem non habet, quare in latus mouere potest.

**O**Rbes autem, qui Marti quodammodo famulantur, nouem numero omnes sunt: quorum primus est solitarius ille Contrauectus, qui statim sub Ioue subest, à quo fit, ne reliqui circumducantur ab orbe Iouis. Ab hoc sequitur ordo Circitoris primi, in qui in tribus tantum consistit, Circunducète, Circitore, & Contrauecto, Anticircitorem autem non habet. Circunducens autem per sectiones in latitudinem per se fertur Marti æqualis, sub quo est Circitor primus, ac sub eo Contrauectus suus. Hos sequitur ordo Circitoris alterius, qui in orbibus quinque consistit, Anticircitorem enim hic habet, quoniam non tantum in latus, quantum in longum mouet: primus horum est Circunducens, qui etiam per sectiones in latitudinem circumagitur annis 2, mense 1, diebus 19, horis 5 ferè: sub eo Contrauectus suus, ac sub ipso Anticircitor, qui eò vsque Circitori in latitudine opponitur, quo latitudo per se non maior gr. 5, & medio fiat: cui demum suus quoque Contrauectus subijcitur, ac sub omnibus Orbis Martis, qui per varias helices totum zodiacum obit anno 1, diebus 321, horis 23.

## S E C T I O T E R T I A.

D

## D E S O L E.

De ijs, quæ circa Solem apparent.

Cap. 1.



**M**ACTENVS de Aplane, & superioribus tribus planetis, quibus ferantur motibus, & quo pacto, & quibus concurrentibus sphaeris, dictum est: nunc prosequamur de Sole, qui veluti cor, ac decus vniuersi coeli, mediū inter planetas locum tenet, ad quem cæteri omnes quandam certe relationem habere manifestum est. Præmittantur autem & circa ipsum in primis, quæ apparent, quæq; obseruata traduntur: mox de causis eorum dicemus. Primum ergo illud constat non rari ipsum ab orbe Martis in motu eius proprio:

q̃ vero ab ortu in occasum diebus singulis circūferatur, tum & q̃ proprium ipse motum huic obliquum habeat, superius declaratum est satis. Medius autem circulus eius

Medius motus circuitionis.

Gr. m. sec. ter. quar. quin. sex.

0	2	27	50	43	3	1	hore.
0	59	8	17	13	12	31	dies.
29	30	8	36	36	15	30	mēses.

æquino-



**A** æquinocbialem fecat in eisdem punctis, in quibus & Aplane, quæ æquinocbia pūcta vocantur, quare & subalternus cum Aplane per medium zodiaci circulum fertur, qui eclipticus vocatur: totam vero circuitiōē conficit diebus 365, horis fere sex. per motū igitur, qui ab ortu in occasum ducit, dies & noctes facit, per propriū autem annos, & anni tēpora.

Sunt autem & circa Solem diuersitates non paucae tum in motu, quo dies & noctes facit, tum in eo, quo annos, tum & circa maximā ab æquinocbiali declinationem, vbi Tropici vocati sunt.

Diem autem quandoq; appellant id totum tempus, quo Sol supra horizontem est, noctem vero id totum, quo sub horizonte conditur, qui ciuilis dies & nox ab aliquibus vocatur, ab aliquibus dies, & nox artificialis: quandoque autem diem vocant integram Solis conuerſionem ab ortu ad ortum, vel ab occafu ad occafum, vel à meridie ad meridiem, vel à media nocte ad mediam noctē, vt cuiq; libet diei initium auſpicari: qui ſolet dies naturalis appellari. Eſt autem conuerſio hæc Solis eo ſerior cōuerſione primi orbis, quo Sol per ſe poteſt primo orbi in vna ſui conuerſione contraferri, quod ferè eſt id paululum temporis, quo m. 59, ſec. 8 cōfici à Sole per raptum poſſunt.

**B** Sunt ergo circa dies tum ciuiles, tum naturales diuerſitates plurimæ, de quibus omnibus agere ſi ſtudeamus, curioſi fortasſe videamur, & circa puerilia verſari: at tamen ſi quàm breuiſſime & non affectate de præcipuis egerimus, nulli quidem moleſtum (vt arbitramur) pluribus autem gratum futurum exiſtimamus. Ergo circa ciuiles dies id primum apparet, q̃ dies quandoq; nocti æqualis eſt, quandoq; maior, quandoq; minor: æqualis quidem, quū Sol in æquinocbiali circulo eſt, quod bis in anno contingit, quo tempore æquinocbium in toto orbe ſpectatur: maior autem fit nocte dies, quum Sol ab æquinocbiali recedit, in ea enim parte, in quam ſeſe ipſe transfert, maiorem ſemper apportat diē, noctem minorem: quod eo uſque fit, quo Sol ad Tropicum peruenit, in quo dies cōtingit omnium aliarum maxima: inde vero rediēs ſenſim comminuit diē, donec rurfus in æquinocbialem reuerſus nocti eum cōæquet: in oppoſita vero parte contraria operatur, ac noctes illic die maiores producit.

Non eſt præterea eorundem dierum quantitas eadem ſingulis terrā incolentibus, exceptis æquinocbij diebus: quippe qui ſub æquinocbiali degunt, æquinocbium ſemper habent, reliqui omnes inæquales dies habēt, qua enim in parte eſt Sol, tanto maiorem diem omnes habent, quāto ab æquinocbiali diſtat magis, noctem minorem: in oppoſita vero contrariū accidit. Horum igitur quibuſdam ciuilis dies ſemper minor eſt naturali, quibuſdam æqualis, quibuſdam ſemper maior: etenim aliqui ſunt, qui  
dies.

dies naturales duas semper Solem in conspectu habent, alij tres, alij quatuor, & ita deinceps: quinimo & quibusdā vnus cōtinuus mēsis est dies, quibusdā duo menses, quibusdā tres, alijs quatuor, alijs quinque, ac deum & non nullis sex menses diem vnum cōtinuum traducunt.

At vero & circa dies, quas naturales vocant, diuersitates quædam videntur: nam primum si Solis cōuersiones inter se compares, æquales quidem non reperiās, sed alias longiores, alias breuiores: breuiores obseruāt, quæ fiunt Sole in septentrionali parte versante, longiores, quæ in parte australi: breuiores item in vtraque parte cæteris paribus, quum Sol circa sectiones degit, longiores quum circa Tropicos. Sunt ergo naturalium dierum alia longissimæ, alia breuissimæ, alia mediocres: atque in mediocribus obseruant die vna peragere Solem motu proprio m. 59, sec. 8 fere, in minimis m. 57, in maximis gr. 1, m. 1 ferme. Ad hæc breuiores, & citius ad ortus suos redeūtes videntur conuersiones illæ, quas Sol obit à capricorno ad cancrum per arietem, tardiores vero, & productiores, quas agit à cancro ad capricornum per libram: atque hæc quidem circa dies tū artificiales, tum & naturales spectantur. nunc de annua diuersitate dicamus.

Annum autem appellamus id totum tempus, quod Sol per proprium motum absomit, dum ab eodem in idem redit: id autem, ad quod redit, esse potest vel stella aliqua è non errantibus, vel certus punctus zodiaci designatus, qualia aut æquinoctia, aut solstitia sunt. Antiqui igitur annum metiebantur per reditum Solis ad certam stellam, ac tunc completum annum intelligebant, quum Sol ad eandem stellam rediisset, à qua prius recesserat. Posterioribus vero visum est non à stellis annum dimetiendum fore, sed aut ab æquinoctio puncto, aut solstitio: quod conuenientius iudicatum iccirco fuit, quod annus sequitur proprium Solis motum, peractus autem circularis motus vnusquisque, quum circulum per se cōfecit, quod in Sole habere locum potest vel per æquinoctium punctum, vel per solstitium: per reditum autem ad certam stellam locum non habet, quoniam (vt diximus) stellæ proprium & ipsæ motum habent, quare reuertente Sole ad punctum, in quo stellam reliquit, non tamē illic eam offendet, vtpote aliquanto inde digressam, cui si se coniungere debet, plus circulo conficiat, necesse est: non igitur recte annus is dicitur, qui plus circulo continet: cui rei aduersantur, qui trepidationem induxere, sicut enim annus recte non is dicitur, qui plus circulo continet, ita nec, qui minus circulo continet, annus recte dicitur: at per ea, quæ supra sunt demonstrata, si A plane per trepidationem mouetur, sequitur Solem redire prius ad æquinoctium punctum, quàm ad punctum eum, qui circulum præcise claudit, à



**A** dit, à quo recesserat prius: qua de causa & hi annum per certam stellam dimetiendū voluere, quod certe rectius est, si per trepidationem Aplane mouetur: at si nō per trepidationem agitur, rectius est ab æquinoctio, vel solstitio annum metiri: rectius etiānum est ab æquinoctio, quoniā solstitij punctum exacte habere difficilius multo est, quando circa solstitium vmbra per tres & amplius dies nullam sensibilem mutationem facit.

Sunt autem & in annuo motu diuersitates non negligendæ, tum in vno anno, tum & in pluribus inter se collatis: ac primum in vno anno ea quoq; in Sole inæqualitas obseruatur, quā prædicti omnes habuere, nā & ipse in vna medietate tardior, in alia velocior ferri cōspicitur, tardior quidem in septentrionali, velocior in australi: siquidem australem perfici diebus 178, septentrionalē 187 scribunt: quinimo & plus moræ trahere Solem in prima quarta zodiaci ab ariete ad cācrum Ptolemæus tradit, minus in alia. punctum autem maximæ tarditatis Ptolemæi temporibus scribunt fuisse in geminis, maximæ velocitatis in sagittario. Verū duo hæc nostris annis immutata videntur, nam nec pūctus maximæ tarditatis in geminis est, sed in cancro, gr. fere primo, nec prima quarta tardius obitur, quā secunda.

**B** Circa plures autem annos collatos inuicem multa etiamnum diuersitas inuenitur, ac primum in ratione mensuræq; annui temporis, quæ certe varia admodū & diuersa diuersis tēporibus est obseruata: prisca enim annum inuenere ex diebus constare 365, & quadrante præcise, hoc est horis sex: tanto enim tempore ab æquinoctio ad æquinoctium redire Solem obseruauere. Posteriores vero non plane eam mēsuram compere-re, deesse enim quadranti paululum nescio quid, quod Ptolemæus dixit esse vnam tercentesimam diei, quæ sunt m. circiter 4, sec. 12 horæ: quam rem cognouit videns Solem in annis 300 redire ad æquinoctium vna die prius, quā computatio facta per quadrātem integrum daret: signū id fuit singulis annis ex ijs 300 deesse vnam tercentesimam diei partē, ac mensurā per quadrantem factam in annis 300 vnam diē plus apportare, quā in re esset. Verum, tametsi ita suo tempore Ptolemæus inuenit, perpetuum tamen deinceps non fuit, quādo Albatenius post ipsum accuratissime annuū tempus metitus vidit tempestate sua quadrāti plus etiam deesse, q̃ Ptolemæus animaduernerit, non enim vnam tercētesimā diei, sed vnam centesimam deesse, quæ sunt m. 15, sec. 12 horæ fere: quod & ipse eodem modo cognouit, quo & Ptolemæus, videns in annis 100 anticipari æquinoctium à Sole vna die prius, quā ratio per quadrantem posceret. Sed neq; hoc etiam, quod Albatenius inuenit, ratum multo post fuit, siquidē alij obseruauere non vnam centesimam, sed vnā cen-

tesimam

tesimam trigessimam sextam deesse quadrantem, quòd singulis 136 annis præueniret æquinoctium prius vna die, quàm ratio quadrantis expositularet. Quod quidem neque ipsum diu firmum fuit, quando alij aliter etiam deprehendere: qua in re non fuere quidem variæ opiniones, sed variæ magis obseruationes, & diuersis temporibus diuersæ annui temporis mensuræ compertæ.


Ad hæc autem & circa Tropicos Solis, hoc est circa maximam ab æquinoctiali declinationem spectatur etiamnum diuersitas sua, quando declinationem illam per diuersitates annorum mutari constat. tradidit Ptolemæus per ea, quæ suo tempore obseruauit, declinationem Solis maximam esse gr. 23, m. 51. Albatenus vero post ipsum comperit eam gr. 23, m. 35. Nostri autem annis Ioannes à monte Regio retulit annotasse Solis declinationem gr. 23, m. 28. quod & nos quoque diligenti obseruatione comperimus, neque enim eiusmodi obseruatio difficilis admodum est. quam Tropicorum inæqualitatem & antiqui quoque ante Ptolemæum animaduertisse videntur.

Postremo & illud in Sole apparet, quod existens in septentrionali parte & minor, & remotior videtur nobis, in australi vero maior, & propinquior. Eclipses quoque Solis, quæ fiunt in septentrione, maiores multo conspiciuntur, quàm quæ in meridie. Atque hæc ferè sunt, quæ circa Solem spectantur, quibus & illud addere dignum est, quod Pomponius Mela de Aegyptijs refert, fuisse olim, quum inde oriretur Sol, vnde nunc occidit, atque inde occidisse, vnde nunc oritur: cuius rei bene erit rationem habere, & videre, verum ne esse possit, & quomodo.

*De causis diuersitatis dierum ciuilium.*


*Cap. 2.*

**H**Orum igitur omnium causas tentantes reddere quædam quidem cum alijs communia recipiemus, quædam vero non communia afferemus. Quoniam igitur medius circulus, quæ est ecliptica, æquinoctialem fecit in duobus illis punctis, quæ æquinoctia vocantur, hinc vero ad æstiuum inde adhibernum pertingit circulum, necesse est Solem circulum suum anno vno totum percurrerem, bis in æquinoctiali videri, bis quoque in omni parallelo, qui intra Tropicos continetur: in ipsis autem Tropici semel in æstiuo, semel in hiberno. Aequinoctialis a b: Tropicus æstiuus c: hibernus d: ecliptica a c b d: æquinoctium verum a: autumnale b. ergo in æquinoctiali quum Sol est, æqualem






**A** lem necesse est fieri nocti diem: quoniam horizon cuiusque terram inco-  
lentis æquinoctialem diuidit in duo æqualia, transit enim per centrum:  
quare arcus, qui supra horizontem est, æqualis est illi, qui infra: dies autē  
fit in arcu supra horizontem, nox in arcu in-  
fra horizontem: dies ergo nocti æqualis fit.  
Sit æquinoctialis a b: horizon rectus c d: Sol  
in æquinoctiali, vbi a: palam quod dies erit in to-  
ta h a, nox in tota h b: sed h a æqualis est h  
b, quia exeunt à centro ad circumferentiam  
circuli a d b c: dies ergo erit æqualis nocti.  
Rursus horizon obliquus habitantis, vbi g,  
fit e f, dies consimiliter erit in tota h a, nox  
in tota h b: quare & æquales.




**B** Sed habet dubitationem, quod dictum est omnem horizontem seca-  
re æquinoctialem in duo æqualia, sic enim oporteret nos è centro terræ  
videre, sola nanque ea linea, quæ per centrum terræ pertransit, diuide-  
re in duo æqualia æquinoctialem potest, quum autem non à centro, sed  
à superficie terræ fiat visus, non videtur horizon æquinoctialem diui-  
dere, si enim per lineam equidistantem lineæ  
centri aspectus sit, vt per b c, tunc minorem  
sphæræ portionem videbimus c h k, si vero  
fit per lineam secantem centri lineam, vt per  
b f, tum maiorem sphæræ portionem aspici-  
mus f h l: terra sit a b, linea centri a d.




Dicendum aspectum nostrum fieri per li-  
neam æquidistantem lineæ centri, vt per b c,  
sic enim Astronomica instrumēta omnia in  
vfu sunt, quanquam enim videatur fortasse  
aspectus esse debere per lineam secantem centri lineam, vt per b f, quo-  
niam terra, mareq; sphærica sunt, in sphæra autem summus punctus non  
impeditur ab alijs, non tamen ita est, vt per lineam secantem, vt per b f,  
videamus, quoniam non impediri summum punctum in sphæra locum  
habet in Mathematica sphæra, in naturali autem non, quia ne dum ter-  
ra, sed & mare veluti planam superficiem per multum spatij habet: vnde  
fit, vt non per secantem lineam, sed per æquidistantem videamus: distan-  
tia autem huius lineæ à linea centri tanta est, quanta est semidiameter ter-  
ræ: sed certe spatium hoc semidiametri terræ in zodiaco propter immen-  
sam distantiam basim in aspectu nostro non facit, neque in oculo angu-

lum : quare neque pars vlla è notis est in vniuerso non gradus, non minutum, non secundum, non tertium, non denique aliud è nominatis: quam ob causam quantum ad visum attinet, æquales dicendæ sunt sphæræ partes, quas horizon vnusquisque secat. atque hoc pacto æquinoctiũ accipiendum est.


Ab æquinoctiali vero quũ digreditur Sol, in eam partem, in quam diuertit, maiorem semper apportat diem vsque ad Tropicum, quoniam obliquus est illis horizon omnis, & semper deprimitur sub recto horizon te: maior igitur semper est arcus qui supra horizonem est, quàm qui infra: in opposita vero parte oppositum. Sit æquinoctialis a b c, horizon rectus p q, obliquus d e, Sol in parte septentrionali, vbi f, palam quòd dies erit in tota f g, nox in tota g h: maior autem est f g: in opposita vero parte dies erit in tota m n, nox in tota n o: maior autem est n o.



Maior item fit dies, quanto Sol magis ab æquinoctiali recedit, vt si sit, vbi i: dies enim erit in tota k i, nox in tota k l: maior autem est k i non solum k l, sed & f g: quam ob rem in Tropico, vbi maxima est amotio Solis ab æquinoctiali, maxima etiam omnium aliarum dies producit: propter eandem causam & quanto aliqui longius siti sunt ab æquinoctiali, tanto maiorem diem habent, maior est enim dies ijs, qui sunt, vbi i, quàm ijs, qui sunt, vbi f, quoniam his horizon minus depressus est, vt d e, illis depressior, vt m n: qui igitur sunt, vbi i, diem habent in tota k i: qui vero, vbi f, diem habent in tota g f: maior autem est k i, quàm g f.




Ergo qui sub arctico circulo degunt, ijs ciuilis dies æqualis est naturali, vnum enim diem habet integrum ex horis 24, & in opposita parte noctem vnã horarum 24: quod iccirco fit, quia horizon eorum extremas zodiaci declinationes attingit.




Vt si æquinoctialis sit a b c, æstiuus circulus e g, hibernus d f, arcticus circulus l m, horizon quidem eorum erit d e: Sole igitur existente in Tropico, vbi g, dies illis erit in to-



**A**ta g e: quare noctis vix punctum habebunt, reliquum, quæ sunt horæ 24, diem continuam videbunt. Sole vero existente in alio Tropico, vbi d, vnam ducent noctem continuam ex horis 24, & diem vix in puncto, ac Solem cernent. Qui vero intra arcticum circulum, & polum habitant, ijs dies ciuilis maior est naturali, longiorem enim habent omnes diem, quàm horarum 24, & tanto magis, quanto ad polum propinquo res sunt. Sit arcticus h l, polus n, habitent aliqui, vbi k, palàm quòd Horizon eorum erit f g: Sole igitur existente in Tropico, vbi o, diem semper habebunt: nec solum in Tropico, vbi o, sed etiam existente ante Tropicum, vbi p, diem habebunt. Alij igitur habebunt vnus mensis continui diem, alij duorum, alij trium, alij & plus vsque ad polum, sub quo qui degūt, diem vident continuum mensium sex, quoniam horizon eorum est æquinoctialis: quandiu igitur Sol erit aut in æquinoctiali, aut citra, semper eum in conspectu habebunt: quādiu vero vltra æquinoctialem erit, tandiu noctem perpetuam sex mensium traducent. At qui intra arcticum circulum & æquinoctialem sunt, omnibus ijs semper minor est ciuilis dies, quàm naturalis, hoc



**B**est minor, quàm horarum 24: vnde & omnes diem & noctem habent, & ortum & occasum Solis, quoniam eorum horizo vltra extremas zodiaci declinationes protenditur, & arcum facit diei, & noctis in omni parallelo, in quo fit Sol. Habitatio fit, vbi f, horizon erit d e, supra quem (vbicunque fit Sol) semper arcus diei fit, & arcus noctis. At qui sub æquinoctiali degunt, ij semper æquinoctium habent, quoniam rectus est eorum horizon, vt h k, supra quem semper qui est arcus, æqualis illi fit, qui infra est.




*De causis diuersitatis naturalium dierum.*

*Cap. 3.*

**S**Vnt autem & circa naturales dies, Solisque conuerfiones integras suæ etiam diuersitates: quarum aliæ ex ipso Sole sunt, aliæ respectu incolætiū terram, & horizontum eorū: quum .n. alijs recti horizontes

k ij sint

sint, alijs obliqui, quibus quidē recti sunt, ijs omnes naturales dies æqua C  
les sunt, quantum ex horizonte est: at quibus  
obliquus est horizō, ijs & dies inæquales sunt,  
& ortus solis. Sit horizon rectus d e: in hoc  
igitur omnes dies ab vno ortu ad alium æqua  
les erunt, quantum in horizonte est: tempus  
autem, quod absumit sol ab ortu ad ortum in  
hoc horizonte, sunt horæ 24. Horizon vero  
obliquus sit f g: si igitur sol hodie oriatur in  
æquinoctiali vbi b, eras quidem in horizon-  
te recto redibit sol ad b horis 24: at vero si redeat ad horizontem obli-  
quum vbi k, breuior erit illa reuolutio solis, & ortus correptus magis: q  
si redeat ad eundem horizontem obliquum, vbi h, longior erit reuolu-  
tio solis, & ortus productior. Hac de causa quum sol est in signis, quæ ob  
lique oriuntur à capricorno ad cancrum per Arietem, semper ortus cor-  
ripiuntur, reuertitur enim sol ad horizontem veluti occurrentem sibi, p  
pter depressiōem eius sub recto: quum vero est in signis, quæ recte oriū  
tur à cancro ad capricornum per Libram, semper ortus producitur, &  
reuolutio solis fit ferior, quoniam reuertitur ad horizontem veluti fu-  
gientem, propter eleuationem eius supra rectum. verum diuersitates hæ  
dierum non è sole ipso dependent, sed causa horizontum & eorum si- D  
tuum. At vero & ratione solis ac motus eius secundum se reuolutio-  
nes solis, & naturales dies valde diuersæ conspiciuntur: causa in vniuer-  
sum est, q Sol non equaliter contrafertur raptui primi orbis, sed interdū  
magis, interdum minus: igitur quum magis contrafertur, tum minus ra-  
pitur, vnde dies fit longior, & reuolutio Solis tardior: quum vero minus  
contrafertur, tum magis rapi accedit, & celerius verti in occasum, vnde  
& dies minor fit, & reuolutio citatior. Duabus autem de causis euenit in  
æqualiter contraferri Solem primo orbi: altera est inæqualitas motus So-  
lis, diximus enim id habere Solem, quod & alij, vt modo tardior, modo  
velocior feratur in suo circulo: altera pendet ex obliquitate circuli sui,  
qui alicubi multum lateralis, parum recti habet, alicubi multum recti pa-  
rum lateralis. Propter causam igitur inæqualitatis motus, in septentrio-  
nali parte accedit dies minores videri, quoniam in ea parte dictum est tar-  
dius moueri Solem, quare minus contrafertur raptui primi orbis, vnde  
accidit magis rapi, & celerius in occasum verti, & diem breuiorem fieri:  
in australi verò parte, quod illic velocior feratur, & magis contraferatur  
raptui, inde fit, vt dies pductior sit. Propter circuli autem obliquitatem  
cæteris





**A** cæteris paribus minores circa sectiones facit dies Sol, quoniam illic multum lateralis, parum recti habet circulus, quare minus contrafertur, unde & magis rapitur, ac citius in occasum: circa Tropicos vero maiores producit dies, quoniam illic plus recti habet circulus, parum lateralis, unde & magis contraferri accidit, & diem tardari, ac raptum. Verum hæc due causæ in septentrionali parte circa Tropicum opponi videntur, ratione enim tarditatis motus minus contrafertur Sol, ratione vero rectitudinis circuli, magis: at in australi medietate circa Tropicum utraque causa concurrat, nam & Sol illic velociter mouetur, & rectitudo circuli est maxima: qua de re, si exactissime mensurarentur dies, in australi quidem plus adderetur in velocitate supra medium motum, quàm in septentrionali demeretur in tarditate.

*De æqualitate, & inæqualitate horarum.*

*Cap. 4.*

**N**on æqualibus igitur existentibus diebus, necesse est & horas inæquales etiam ipsas esse, maiorum enim dierum maiores sunt partes in quatuor & viginti diuisæ, quæ horæ dicuntur, minorum vero minores, non solum autem, si dies inter se compares, inæquales sunt horæ, sed & in eadem etiam die inæquales sunt, si exactissime metiaris, neque enim est eadem velocitas, & tarditas solis mane & vespera, nec eadem rectitudo & obliquitas circuli: qua de causa fit, ut, si dies metiaris per æquales temporis partes 24, quales sunt horæ Horologiorum, spatia ipsa à sole percursa æqualia ipsa non sint: si vero mensura fiat per æqualia spatia, partes quidem temporis æquales ipsæ non erunt: solent tamé tam horas horologiorum, quàm horas quibus æqualia spatia percurruntur, æquales appellare, verum non simpliciter æquales sunt, sed secundum quid solum, illæ quidem æquales tempore, hæ æquales spatijs solum: facta autem mensura per æqualia spatia singulis 15 gr. vnam horam assignât, sic enim horæ 24 totam explent æquinoctialem in gr. 360. diuisam.


Est autem & alius modus, quo horæ æquales, & inæquales dici consuevere, qui maxime apud antiquos in vsu erat, diuidebant enim tum diem, tum noctem omnem in horas 12, ita, ut tot horas contineret nox omnis; quot & omnis dies, & semper numero horarum par esset nocti dies: unde fiebat, ut horæ illæ quantitate temporis valde inæquales redderentur, in æstiuus enim diebus, si nox diuideretur in tot horas numero, quot & dies, oportebat quidem horas illas noctis valde angustas, & breues esse, quum & noctes breuissimæ essent, dies vero longissimæ qua-

re æstate horæ dierum quàm longissimæ ducebantur, contra hyeme die-  
rum horæ quàm breuissimæ, noctium quàm longissimæ trahebantur: so-  
læ autem illæ vere æquales erāt, quæ fiebant Sole in æquinoctiali existen-  
te, nam pares erant horæ diei & noctis non solum numero, sed & tem-  
poris quantitate: has igitur solas æquales vocabant, quas & aliæ æqui-  
noctiales appellabant, quarum proportionem & nunc quoque æquino-  
ctiales illæ appellantur, quæ æqualibus spatijs commensurandis sunt  
attributæ.

*Cur Solis motus sit inæqualis.*

Cap. 5.

**N**Vnc, cur & annuus Solis motus sit inæqualis, expediāmus. Astro-  
nomi quidem causam in Ecentricum orbem referunt, nam  
quemadmodum omnium aliorum planeta-  
rum, ita & Solis orbem Ecentricum sta-  
tuunt, cuius absis nunc in cancro gr. 1, olim  
in geminis esset, Antabsis in Capricorno  
nunc, olim in sagittario: mutata autem pro-  
pter Aplanes motum. Ergo si zodiacus in  
duo æqualia diuidatur a b c, & c d a, E-  
centricus autem sit e h g f, cuius absis h sit  
in septentrione, vbi d, antabsis f in meri-  
die, vbi b, palam quòd plus moræ trahet Sol  
in prætereunda medietate zodiaci a d c, quàm in prætereunda c b a,  
quoniam priorem medietatem transibit obiens arcum e h g, secundam  
per arcum g f e: maior autem est e h g, & plus temporis exposcens. de  
quo & supra dictum est.



D

Nos rationem eius inæqualitatis Circitori orbis damus, nam & Sol  
quemadmodum & prædicti, Circitorem suum habet: habet autem vnū  
tantum, quoniam in Sole secunda inæqualitas non inuenitur, quæ retro-  
gradationem faciebat, nunquam enim retrogradus Sol fit, sed semper di-  
rectus progreditur. Ergo & in Sole oportet tarditatem & velocitatē in-  
esse, si eorum recordamur, quæ de Circitorum ratione dicta sunt supra:  
quoniam Circitor omnis modo in idem cum stella, modo in oppositum  
fertur, quare & modo citat, modo retardat, tantum si non velocior sit.

Ergo Solis Circitor proprio quidem motu Sole tardior aliquanto est,  
circunductione autem par, cuius ea est cum eo proportio, vt tum subal-  
ternus sit in medietate contraria, quum planeta ad gr. 1 cancri peruenit,  
subalternus




**A** subalternus vero in medietate iuuante, quum ad gr. 1 Capricorni : quare hic est punctus maximæ velocitatis, illic maximæ tarditatis, mutabiles autem propter Aplanes motum, vti & in alijs. Qua de causâ & à Ptolemæi tempore à geminis & sagittario mutata sunt in cancrum, & capricornum, & non iam prima quarta tardius obitur, quàm secunda, quoniam tarditatis punctus iu prima quarta tempestate nostra non est.

*Quomodo in annis pluribus collatis inuicem diuersitas etiam sit. Cap. 6.*

**Q**Vo autem modo, & qua causâ fiat, vt & inter plures annos collatos inuicem inæqualitas etiam non parua inueniatur, iam dicendum. prædicta enim inæqualitas anni quidem vnus partes inæquales inter se facit, totos autem annos non : quare quum nihilominus & ipsi anni integri inæquales inter se sint, & alij maioris mensuræ, alij minoris, operæpretium est diuersitatis huius rationem adinuenire: neq; enim dicendum est Astronomos, qui diuersis temporibus diuersam annui temporis mensuram annotauere, deceptos fuisse (vt diximus) sed magis id pro comperto constituendum est diuersâ diuersos comperisse, & sine menda vlla diligentissime obseruasse. Quoniam igitur supra demonstratum est Aplanes motum inæqualem ad modum esse, & modo tardio-  
**B**riorem, modo velociorem pergere, item & illud in obseruatis constare Aplanes motu reliquos orbes, qui infra sunt, pariter agi, ac rapi, hinc fieri necesse est, vt & Sol mutationem, alterationemq; aliquam recipiat ab Aplane, ipse quidem aliorum maxime, quoniam subalternus est eius motus cum motu Aplanes. Igitur, quo tempore Aplane velocior ipsa fit, quod accidit per annos mille octingentos, tum & simul citari Solem censendum est, quo fiat, vt citius solito reuertatur ad æquinocti-  
& quanto velocior redditur, tanto etiam velocius reuertatur: ex quo accidit & annos inæquales fieri, & mensuram annui temporis variari.

Quæ vt manifestiora nobis fiant, ac simul & illud ostendatur, quâ-  
tum Sol ab Aplane recipiat, subiiciemus totum Aplanes motum secundum superius traditam subscriptionem, quâ per suas quartas diuisimus: quarta autem qualibet annos noningentos continet, quos de centum in centum digessimus. In prima autem quarta est motus velox, augens continenter velocitatem: in secunda velox minuens: in tertia tardus, augens tarditatem: in quarta tardus, minuens tarditatem: inter velocem autem & tardum consistit medius motus, qui & Aplane proprius est, quo in annis 100 gr. vnum peragit.

Tempus



Tempus igitur fuit, quum Sol ab æquinoctio ad æquinoctium rediret diebus 365, & quadrante præcise, hoc est horis præcise sex, quemadmodum antiqui recte annum suum dimetientes adinuenere: quod ante Natalem Dñi annis quadringentis contigisse cẽsendum est, quum Aplane motu tardo minuente perageret m. 38, sec. 40. Hoc enim constituto cuncta optime respondere videbunt ijs, quæ de diuersitate mensuræ annuæ à diuersis sunt obseruata: quæ ut manifeste conspici possint, bene erit recensere, de centum in centum annos, quantum Aplane addere Soli potuit. Supponamus igitur eo tempore, quo Aplane m. 38, sec. 40, in annis 100 peragebat, annis scilicet ante Christum 400, annuam mensuram ex quadrante præcise constasse. in sequenti igitur centenariorum auctus fuit Aplanes motus, & addita Soli m. 5, sec. 20:

	m.	sec.
ob quæ captum est anticipari æquinoctiũ	5	20
in annis 100 per tantũ tẽpis, quãto m. 5, sec. 20 pagi à Sole pnt, quę sunt horę 2, m. circiter 15 horę: ac tunc & mẽsura annua cępit ex quadrante præcise non cõstare, sed minus continere. in scđo vero sequenti centenariorum addita Soli fuere m. 10, sec. 40: in tertio m. 16: in quarto m.	10	40
	16	
	21	20
	53	20



A 21, sec. 20: quo tempore & Natalis Domini fuit, & Aplane habuit motū medium ac proprium. Si igitur omnia  $m$  illa et sec. coniungamus, fient  $m$ . 53, sec. 20: quæ à quadrante, hoc est à tēpore, quo annua mensura præci se ex quadrante constabat, vsq; ad Natālē Domini addita Soli fuere: qui fuerunt anni 400 ante. Præuenit igitur in ijs 400 annis æquinoctium horis fere 22, & media, priusquam ratio per quadrantem facta daret.

Recenseamus autem & quæ à Christi Natali addita Soli sunt vsq; ad

Albatenij tempora, quæ fuit quarta vna, anni videlicet noningenti. in primo igitur centenariio addita sunt  $m$ . 26, sec. 40: in secundo  $m$ . 32, in tertio  $m$ . 37, sec. 20: in quarto  $m$ . 42, sec. 40: in quinto  $m$ . 48: in sexto  $m$ . 53, sec. 20: in septimo  $m$ . 58, sec. 40: in octauo  $m$ . 64, in nono  $m$ . 69, sec. 20: quæ omnia sunt in annis 900  $m$ . 432, gr. autem 7,  $m$ . 12: qui sunt dies circiter 7, horæ 7. Quibus positis videamus nūquid Ptolemæi, & Albatenij obseruata rationi huic nostræ respondeant. at certe respondere videtur, differentia solum

$m$ .	sec.
26	40
32	
37	20
42	40
48	
53	20
58	40
64	
69	20
432	0

B paucorum minorum intercidente, qd̄ vel instrumenta ipsa ingessisse potuere, vel difficultas æquinoctij ad vuguem in

Gr. 7,  $m$ . 12.  
dies 7, hore 7 ferè.

ueniēdi, præsertim si per motum medium computatio facta fuisset, non autem per verum. Existimauit igitur Ptolemæus singulis 300 annis præueniri æquinoctium vna die prius, q̄ ratio quadrantis posceret, quod ita opinatus est videns primum in annis 285 (qui inter obseruationes Hipparchi, & suas interfluxere) anticipasse æquinoctium die vna, minus vna vigesima, quod ad annos 300 proportionem vnus diei habet. E nostra autem ratione sequitur anticipasse æquinoctium in annis illis 285, qui in

ter Hipparchi & Ptolemæi obseruationes fluxere,  $m$ . circiter 66, differentia intercidente  $m$ . 10 in annis 285, ita autem sequitur è nostra hac ratione, quoniam in annis 100 post Natalem Christi addita Soli fuere  $m$ . 26, sec. 40: in annis vero 43, qui fuere ab hoc centenariio ad Ptolemæum,

$m$ .	sec.
26	40
10	
21	20
8	
66	0

adiecta sunt  $m$ . circiter 10: In centenariio autem ante Natālē addita fuerant  $m$ . 21, sec. 20: in annis porro 42, qui an-

*Fracastorij.*

L te

te hunc centenarium fuere vsq; ad Hipparchum, adiecta sunt m. fere 8, C  
quæ ad summum sunt m. circiter 66. potuit igitur aut Hipparchus, aut  
Ptolemæus, aut vterque differentiam illam m. 10 casu aliquo intulisse.

Fecit deinde & aliam Ptolemæus supputationem annorum 571, qui  
fuere à suis vsque ad Mentonis, & Euctemonis obseruationes, in quo tē  
pore vidit anticipasse æquinoctia duobus dieb<sup>9</sup>, minus vna duodecima,  
qui ad annos 600 proportionem habent dierum duorum. E nostra au  
tem ratione sequitur anticipasse æquinoctia in annis illis 571, m. 90, quo  
niam in annis 400, qui præcessere Natalem Domini, addita fuere m. 53,

sec. 20: in annis vero 100, qui secuti sunt

Natalē, addita sunt m. 26, sec. 40: in an-

nis 43 ab his, sequentibus vsq; ad Ptole-

mæum addita m. 10: in annis porro 28,

qui fuere ante 400 illos, qui præcessere

Natalem Dñi, vsq; ad Mētonem & Eu-

ctemonem nihil additum fuit, quia tūc

mensura annua ex quadrante integro constabat: quæ omnia in totum

sunt m. 90: ex quibus manifestum est rationem hanc parum abesse ab ob-

seruatis à Ptolemæo. Post Ptolemæū Albatenius longe diuersa visus est

obseruasse circa anni mensuram, & æquinoctiorū anticipationes, si qui-

dem ab obseruatis Ptolemæi per annos 743, annotauit ipse eo temporis D

spatio anticipasse æquinoctium diebus circiter septē prius, q̄ ratio per in-

tegrum quadrantem postularet. E ratione autem hac nostra sequitur an-

tipicasse dies sex, horas circiter 15, & mediā, in nono enim centenario,

q̄ ad tēpora Albatenij terminauit, addita fuere Soli m. 69, sec. 20: in octa-

uo ante illum addita m. 64: in septimo

præcedente m. 58, sec. 40: in sexto m. 53,

sec. 20: in quinto m. 48: in quarto m. 42,

sec. 40: in tertio m. 37, sec. 20: in annis

vero 43 continuatis tertio centenatio

addita fuere m. circiter 20: qui omnes

sunt gr. 6, m. 33, sec. 20: dies autem 6,

horæ 15 cum dimidia fere. quapropter

merito existimauit Albatenius longe

magis anticipare æquinoctia, quàm Pto-

lemæus scripsisset, & quadranti plus de-

esse, q̄ vnā tercentesimā, qđ ex obser-

uatis ab eo dixit esse centesimā vnā. Ne

que igitur Ptolemæus, neq; Albatenius in obseruationibus decepti sunt,

quod

m.	sec.
53	20
26	40
10	
90	0



A quod momenti alicuius esset, sed in eo magis vterque, q̄ perpetuum existimarūt, quod in parte t̄pis solum viderāt: manifestum autē est, q̄ aliter futurū erat, ac Ptolemæus opinabāt, q̄n̄ à Christi ortu ad annos nostros intercessere anni 1535, in quo toto t̄pe tercenteni anni solum quinquies interfuere: oporteret igitur ex eius opinione à Christo ad nostra tempora anticipasse diebus solum quinque, quum tamen cōstet anticipasse diebus circiter 13, siquidem circa Natalem Domini erat æquinoctium die 24 Martij labente, nunc vero labente vñdecima Martij spectatur. Similiter neq; quod Albatenius in septingentis annis perspexit, idem in sequētib; erat futurum, si. n. singulis 100 annis vna die præueniret æquinoctium, oporteret à Christo ad nostra tempora iam diebus 15. præuenisse, at solū dies circiter 13 enumerantur, quibus æquinoctia rationē quadrantis præuenerūt: nihil igitur firmum, perpetuumq; in hoc æquinoctiorum præuentu sperandū, atq; attendendū est, quando nec Aplanes motus, à quo inæqualitas hæc dependet, vnus & certus est: bene autē erit, si & reliquos annos, qui post Albatenium fluxere vsq; ad hæc tempora recenseamus, & p̄ ratione hac nostra videamus, quātū ab Aplane additū Soli sit.

	m.	sec.
In primo igitur centenariio post Albateniū adiecta fuere mi. 69, se. 20: in sc̄do mi. 64: in tertio mi. 58, sec. 40: in quarto mi. 53, sec. 20: in q̄nto m̄.	69	20
B 48: in sexto mi. 42: sec. 40: quæ sunt oīno m. 336, videlicet gr. 5, mi. 36: quibus si iūgamus addita à Natali Christi ad Albateniū, q̄ erant gr. 7, m. 12, fient gr. 12, mi. 48, dies vero circiter 13: manifestū igitur est in annis 1500 t̄m̄ anticipasse æq̄noctia s̄m̄ rationē hanc nostrā, & nihilo plus.	64	
	58	40
Quippe t̄pe Iulij Cæsa. æquinoctium spectabatur die 25 Martij labente, circa initia eius: annis vero Natiuitatis Christi die 24, circa finē eius cadebat: quū vero anno 1500 æquinoctium habitū fuerit die 11, circa finē eius, palam q̄ aptissimi me dies 13 anticipatiōibus æquinoctiorū dantur à Natali Dñi ad annum 1500. Manifestius autē (vt arbitror) eadē rō in annis sequētib; appebit, in quibus quū æquinoctiorū anticipatio minor continenter, & minor fiat, tēpus illud veniet, vt nulla tandē anticipatio eorū fiat, sed annua mēsurā rursus è quadrante integro cōstituatur, quū transacta quarta hac, in qua Aplane motu veloci minuēte agit, post annos 400 rursus mi. 38, sec. 40 p̄aget in annis 100: à quo t̄pe mox fiet, vt iā nō anticipēt æq̄noctia, sed post ponāt, & annua mēsurā plus ēt quadrāte reqr̄at: atq; his vicissitudinibus	53	20
	48	
	42	40
	336	0
	Gr. 5 m. 36	
	7 m. 12	
	12	48
	Dies 13	
L ij	agetur	


agetur Sol, vt modo anticipent æquinoctia, modo postponāt, interdum C  
etiam stent, sed pauco tempore: maius vero est tempus, per quod anticipare contingit æquinoctia, quàm postponere: ex his igitur existimandū est ea contigisse, quę diuersis temporibus diuersa sunt obseruata circa annum mensuram, & inconstantiam æquinoctiorum. Vtrum autē fiant hæc per eam præcisē rationem, quam nos tradidimus, equidem non aſſim affirmare, sed certe aut per eam fit, aut per valde proximam, quam rem alij fortasse ratione magis exacta absoluēt, nos enim vniuersalia magis percurrimus: ex his quoq; & mutationes punctorum maximæ tarditatis, & velocitatis dependent.

*De alia causa, cur annua mensura varietur.*

*Cap. 7.*

**E**st autem fortasse & alia causa, cur annua mensura euarietur, quam aliqui forte nimis affectatam dicent, nos negligēdam ducimus: supra enim diximus medium circulum Solis continenter versus æquinoctialem appellere, ac maximā eius declinationem in dies corripere: ex hoc sequitur eundem circulum contraferri in dies magis & magis motui primi orbis, quoniam continenter plus recti, minus autem obliqui habeat: vnde accidit & minus rari, Solisq; conuersiones productiores esse. Ex diebus vero quum anni constent, dies ex horis, horæ è minutis, hæc ex alijs, hinc & annos quandam diuersitatem recipere censendum est, & an D  
nos nostros constare è paucioribus aut horis, aut minutis, aut alijs partibus: nō solum autē naturales dies, sed & ciuiles

RO A GD



TQ C K F

Sit æquinoctialis a b c, declinatio So maior d e f, & r f t, minor g h k, & o p q, horizō l m: nobis igitur in maiori declinatione dies erat in tota e d, australibus in tota r f: in minori vero declinatione dies est nobis in tota h g, australibus in tota o p: nobis ergo dies fit continenter minor, quoniam h g minor est, quàm e d. Nobis item temperatior contingit tum æstas, tū hyems, æstate enim Sol à nobis magis amouetur in dies, vtpote ad æquinoctialem accedens, in hyeme vero propinquior nobis fit, vtpote ab austro versus æquinoctialem appropinquans. Sed certe diuersitas hæc rectitudinis, & obliquitatis circuli Solis tam pauca est, & adeo sensim accedit, vt ab vna etate nec perci



A pi, nec dijudicari planè possit, siquidè in annis 1385, qui à Ptolemæo ad hoc vsque tempus interfuere, declinatio Solis correpta est m. circiter 23 de quo iam superest dicendum.


*Cur Solis declinatio minuatur,*

*Cap. 8.*

**Q**ua autem causa contingat, vt maxima Solis ab æquinoctiali declinatio continenter comminuatur, nunc expediendum est, non enim quod omnes hactenus arbitrati sunt, in causa esse potest: quicunq; etenim hactenus ea de re scripsere, omnes trepidationem Aplanes causam assignât: factis siquidem paruis circulis per eum modum, qui dictus est, mutari & puncta declinationum necesse est, & modo versus polos expandi, modo versus æquinoctialem contrahi, expandi quidem, quum medius circulus k e m aut versus d, aut versus g agitur, contrahi vero, quû contra aut a d versus l, aut a g versus k idem regreditur: atque ita fieri dicunt, vt puncta solstitia possint euariari.

Sed certe neq; necessarium est huius rei causam in trepidationem referri, neque ijs consonû quæ obseruata sunt, fortasse autem & impossibi-

**B**le, si semper directæ feruntur stellæ. Primum autem causâ hæc, quam è trepidatione assignât, obseruatis aduersâ, duo enim sunt obseruata, quorum alterum cum assignata causâ stare minime potest: obseruatum quidem est à Ptolemæi temporibus vsque ad nostra correptam semper fuisse Solis declinationem. Item & illud etiamnum obseruatum fuit, à Christo vsque ad Albateniû per annos 900 motum Aplanes semper fuisse velocem, atq; augẽtem, vt dictû est: si igitur motus per id tempus fuit velox augens, oportet medium circulum k l motû fuisse versus d, ac sic nõ correptio tropicorum, sed dilatio facta fuisset: si vero correptio eorum est facta, oportuit aut d motum fuisse versus l, aut g versus k: at in neutro horum fit motus velox augẽs, in altero enim fit motus velox minuens, in altero motus tardus, & retrogradus: quare p id tempus aut motus non fuit velox augens, aut correptio Tropicorum non fuit, aut causa eius correptionis nõ est trepidatio, aut duo illa prima vti vera obseruataq; sunt recipienda. sequitur igitur vt trepidatio causa non sit correptionis Tropicorum.



Quòd

Quòd vero neq; necessarium etiam sit ad eam recurrere, è principijs G  
 nostris manifestum iam fiet: quoniam autem multipliciter contingit id  
 fieri, bene erit modos omnes referre, quibus ea correptio possit accide-  
 re. Primum igitur, quod antiquos Aegyptios existimasse credere possu-  
 mus, si quis arbitretur, primum mobile non ab ortu in occasum ferri, sed  
 à septentrione in meridiem, videtur quidem demonstrari posse, quo pa-  
 cto Solis declinationes corripantur: quoniam. n. tum Aplanes circulus,  
 tum & Solis per medium zodiacum protenditur in lōgitudinem, si qui-  
 dem supra ipsos ponatur primum mobile in latitudinem per se ferri, sed  
 q̃ tardissime, manifestum fiet, quomodo circulus ille Solis possit continē-  
 ter circa solstitia variari: quinimo & illud quoque simul videtur ostendi,  
 quod ab Aegyptijs mandatum literis Herodotus & Mela scribunt, fuisse  
 olim, vt Sol inde oriretur, vnde nunc occidit, & è cōtrario: primo enim  
 mobili circūa cto in latitudinem, & secum ferente cum reliquis circulū  
 Solis, necesse est eius circuli partes successiue permutari, vt, quę superior  
 prius fuerat, mox inferior fiat, & econtra: permutatis autem partibus, &  
 illud necessarium est, vt totus motus permutetur: & si prius erat ab oriē-  
 te in occidentem, nunc contra ab occidente in oriētem feratur, vt à prin-  
 cipio diximus. Hęc igitur existimasse antiquiores Aegyptios fortasse cre-  
 dendum est, quum scripsere, ex quo ipsi essent, quater cursus suos obijssē  
 sydera, ac Solem bis iam occidisse, vnde nunc oritur. Quę vero ipsos ad D  
 hęc existimanda impulerint, equidem non alia fuisse arbitror, q̃ quę &  
 mox à posterioribus visa sunt, solstitia scilicet mutari: sed certe iniuste vi-  
 dentur ob eam causam putasse primum mobile non in lōgitudinem ab  
 oriente in occidentem, sed in latitudinem à septentrione in meridiem p  
 se ferri: duobus. n. modis quum immutentur tropici, vno respectu habi-  
 tationum; à quibus plus, aut minus amoueri accidit, alio respectu eclipti-  
 cę, ac vnius ad alterum, per assignatum quidem motum primi orbis in la-  
 titudinem demonstrari fortasse potest, quo modo respectu habitationū  
 immutari contingat tropicos, at, quomodo respectu æquinoctialis, &  
 ad se inuicem immutentur, & corripantur, demonstrari minime potest,  
 quoniam moto in latitudinem primo mobili accidit quidem vtrunque  
 Tropicum simul cum sua æquinoctiali in latitudinem circūduci, eadem  
 inter se, & ad æquinoctialem, distantia, & mensura remanēte: quòd si &  
 ad eclipticam, & ad se ipsos inuicem mutari debent, necesse est eclipticā  
 ipsam immutabilem, fixam, atq; æternam statui, ad quam accedētes vter  
 que magis, continēter, & magis, arcum simul, qui, inter ipsos interiacet,  
 vtrunque contrahant: hoc autem esse non potest, nisi primus orbis in lon-  
 gitudinem per se actus eclipticam ipse æternam & inuariabilem inter po-  
 los



**A** los vniuersi perpetuos atque immotos trahat: quod si & nunc (vti primis à nobis est constitutum) confirmetur, ac sanciat, impossibile nimirum illud erit, vt olim Sol ortus fuerit, vbi prius occiderat, & è contrario, vt Aegyptij literis mandauere, si de ortu & occasu diurno intellexere: nam quoniã diurnus motus, ortusq; & occasus à primo mobili datur, impossibile est aliunde oriri Solem, quàm ab ea parte, vnde & nunc oritur, quocunque in situ ponatur circulus eius, quicunque illi locus in vniuerso detur: quòd si non de diurno ortu atque occasu intellexere, sed de annuo, sic verum (vt arbitror) & opinari & mandare literis potuere: quod simul manifestum fiet, vbi causam assignauerimus, cur solstitia còtinenter corripì conspiciantur. Meminisse autem oportet eorum, quæ circa Aplane supra commemorata sunt, supra ipsam enim contrauectum orbem vltimum ponebamus, à quo fiebat, ne simul cum Circunducente ipsa èt Aplane circuntraheretur in latitudinem: si igitur Contrauectum hũc ponamus non omnino æqualem Circunducenti, sed cædentem aliquantisper, verum adeo parum, vt non nisi multo post depræhendi possit, tunc fieri necesse est, vt & hic Contrauectus, & cum eo Aplane circunferatur in latitudinem, sed sensim, & quod non nisi post multa secula cognoscatur: quoniam autem ab Aplane trahi omnes orbes inferiores constat, inde etiam & illud fiet, vt & Solis circulus, & aliorũ planetarum simul in latitudinem quoque circunducantur, sed tarde admodum, & quod longe post agnoscatur. Videtur autem (nisi fallimur) necessarium ita fore, vt Solis circulus in latitudinem circũagatur, quo omnia, quæ possibilia sunt in natura fieri, quandoq; etiam fiant, & vt virtus omnis, quæ à Sole huc demittitur, & impartitur in terras, ad omnia successiue & vndeque sese conuertat. Futurum igitur existimamus, vt, quemadmodum à Ptolemæi temporibus vsque ad nostra Solis circulus ad æquinoctialem appulit m. circiter 23, ita deinceps annis labentibus continenter magis ac magis ad eandem appropinquans, tandem (quum Dij volent) per ipsam æquinoctialem iter teneat, æquinoctiumque mortalibus per multum temporis apporet: mox parte illa, quæ nunc in septétrione est, permutata in meridiem, & è contrario, magis in dies & magis ab æquinoctiali sese amoueat, donec eisdem Dijs ita prouidentibus, Solis circulus per vtrunq; polum atq; æquinoctia protendatur, subalternusq; fiat coluro æquinoctiorum, ac tunc quidem per helices à polo ad polũ actus Sol anno vno omnes mundi partes circunuiset: mox vero partibus permutatis, ac ea, quæ nunc supra est, facta infra, & è conuerso, motus etiam ipse permutabitur, & non iam ab occasu ad ortum feretur per se Sol, sed ab ortu in occasum maiori etiam velocitate, quàm orbis primus, annũq;

non

non ab ariete, sed à libra reportabit nobis. Quod si significare voluerunt C  
Aegyptij, non de ortu & occasu diurno intelligentes, sed de annuo, & re  
cte quidem tradidisse videntur, & secretius quoddam monumentum in  
arcanis eorum literis mandauisse. vtrum autem hæc circa Solem futura  
sint, nepotes nostri videbunt. Quæ Solis mutationes si forte fortuna in  
natura sunt, iam non admirabimur montium insularumque generatio-  
nes, non eluuiiones, non exarsiones, & id genus alia, quorum causas in  
eas syderum mutationes (quas nunc videmus) referre cum satisfactio-  
ne non possumus.

*Cur Sol in septentrione minor, & remotior videatur. Cap. 9.*

**C**Ur vero Sol in septentrione existens minor nobis, & remotior vi-  
deatur, causam superius diximus, talem enim fieri solem in septen-  
trione, qualis est in medio cœli, in meridie autem, qualis prope horizon-  
tem est: cuius signum illud est, q̃ australibus contra accidit, minor enim,  
& remotior ijs videtur, quum in meridie est, maior vero et propinquior,  
quum est in septentrione. Non solum autem id in Sole accidit, sed & in  
Luna, & alijs, vt dictum est, maxime autem id in Sole apparet circa solsti-  
tia, quoniam illic est maxima ab æquinoctiali declinatio, & tunc maxime  
nobis in medio cœli est. Si autem eccentrici essent, oporteret & extra sol-  
stitia idem visum fuisse, vbicunque absis fuisset, quod à nullo traditum le- **D**  
gimus: in ea quidem maximam tarditatem fuisse scribunt, minimum ve-  
ro & remotissimum illic videri Solem nemo (quod nos viderimus) tradi-  
dit, nisi forte in abside, quæ nunc in cancro est, quod quidem non ratio-  
ne absidis, sed ratione maximæ declinationis contingit. De Solis aut  
eclipsibus, & cur maiores fiât in septentrione, in ijs, quæ de Luna, dicemus.

*De numero orbium Solis.*


*Cap. 10.*

Vatuor autem videntur orbis, qui famulantur Soli, quorum pri-  
mus est solitarius ille, qui statim sub Marte subest, à quo fit, ne si-  
mul cum Marte & Solis orbis rapiatur: post quem est ordo ad Circitorẽ  
pertinentium orbium, è quibus Circunducens est primus, qui in latitu-  
dinem per colurum superiorem à meridie in septentrionem vertitur So-  
li par: sub eo est Circitor eodem tempore circumductus, cæterum motu  
proprio tardior Sole, cui subest Cõtrauectus suus: à quibus omnibus est  
orbis Solis, qui tametsi vero motu inæqualiter circuitionem suam obit,  
modo tardior, modo velocior, at motu tamen medio m̃. 59, sec. 8 fere sin-  
gulis diebus peragit. Dubitet autem fortasse aliquis, quoniam sic vidẽ-  
tur sectiones circuli Solis in latitudinem mutari debere, quoniam Circi-

tor



A tor in opposita omnia mouet, & tantum in latus, quantum in longum, nisi illi Anticircitor contraponatur. Ad quæ dicimus nos anticircitorem non posuisse, vt euitaremus ingratham orbium multitudinem: videmur autem & sine illo posse conuenienter facere, si ea pportione ad Circitorem planeta moueatur, vt, quû Circitor à prima quarta contrariarû mouet, quæ est superior meridionalis, pellendo sectionem versus septentrionem, tum & Sol per se eâdem in partem à sectione flectat: inde enim fit, vt discerni non possit illius sectionis motus in latitudinem, quoniam è toto orbe nihil sensibile est nisi stella: per flexus autem & sinus non accidit ipsam stellam moueri, propterea quòd quartæ circunductionis Circitoris, & quartæ motus planetæ æquales sunt, sed solum illud euenire videtur, vt prima & vltima quarta planetæ in maiorem latitudinem flectant, quàm aliæ duæ. Vt si æquinoctialis sit a c, prima quarta a d maiorem latitudinem & flexionem faciet, quàm d c: similiter & b a maiorem faciet, quàm c b. quæ si minus facere satis videntur, nihil prohibet & ipsi Soli Anticircitorem contraponere, qui sectionum latitudinē B impediatur, ac per sex orbis demonstrari contingeret, quæ circa Solem apparent. ac de Sole satisdictum iam sit.



## DE VENERE

De ijs, quæ circa Venerem apparent.

Cap. II.



V NC ad Veneris orbem transeamus, quam omnes supra Mercurium & Lunam locant. habet autem Venus cum Mercurio conuenientiam non paruam, quædam tamen propria, & magnopere admiranda sortita est. igitur q, & ipsa diurno in primis agatur motu, sed tribus superioribus tardior, æqualis autem cum Sole, vt obseruatum recipiendum est. Habet itidem & proprium motum ab occasu ad ortum Soli æqualem: quâquâ enim interdum citius, interdum tardius Sole orbem perficiat, at per se tamen, & motu medio, qui & proprius est Soli, æqualiter cum eo vertitur, & anno vno cursum cum eo explet. illud quoq; manifestum esse debet non rari Venerem ab orbe Solis, si enim raperetur, æqualiter cû eo ferri non posset: diximus enim duorum orbium, si vterque in idem agatur, minorem semper velociorem reddi. Medius autem circulus Ve-

Fracaſtorij.

M

neris

neris, tum & æquinoctialem, tum & eclipticā fecat: sectionum altera in C ariete traditur gr. I, altera in libra, mutabiles, vti & in alijs planetis.

Habet porro & Venus primam inæqualitatem medietatum, nā in ea, quæ est à piscibus ad virginem per geminos, tardior aliquāto incedebat Ptolemæi tempore, punctumq; maximæ tarditatis in geminis faciebat, in illa vero, quæ est à virgine ad pisces per sagittarium, velocior cernebatur, ac punctum maximæ velocitatis faciebat in sagittario gr. 15, nunc vero in primo gr. cancri maxima spectatur tarditas, maxima in capricorno velocitas.

At vero & secundam quoq; in æqualitatem directionis, status, et retrogradationis sustinet, cuius reuolutiones quinque in annis 8 fieri obseruantur: quæ item reuolutiones neq; æquales inter se sunt.

Medius motus inæqualitatis.

Gr. m. fec. ter. quar. qn. sex.

0	1	32	28	34	44	18	horæ.
0	36	59	25	51	11	28	dies.
18	29	42	56	15	44	0	menses.


Ad Solem vero eam relationem habere noluit Venus, quam tres superiores habuere, vt velocissima esset in conjunctione, in oppositione tardissima, imo (quod alioqui mirum sit) nunquam opposita Soli spectatur, quippe quum nec ab eo vnquam maiore interuallo distet, quàm gra. 47, minu. 32, nunc cum eo coniuncta, nunc præcedens, nunc sequens. præcedere autem aut sequi quum dicimus, in eo intelligimus motu, qui diurnus dicitur, nam & signorum ordine modo præcedit, modo et sequitur: verū, quum signorum ordine præcedit, diurno sequitur, quum vero diurno præcedit, ordine signorum sequitur. igitur quum Solem anteit diurno in motu, tum in exortu matutina spectatur, appellaturq; à nobis Lucifer, quum vero Solem sequit, vespertina in casu apparet Hesperus vocitata: vtraq; autem vicissitudo præcedendi insequendiq; Solem mensibus nouem fit, diebus 23, horis circiter 4, ac dimidia: maxima vero vtrobique elongatio à Sole gr. 47, mi. 32 esse conspicitur: quo quum peruenit, rursus ad Solem remeat nunc præuia, nunc af secla, & modo affuturum nuntians Solem, modo affuisse: atque his vicissitudinibus nunq̃ adeo à Sole abscedit, vt opposita illi fiat, siquidem oppositio gr. non pauciores, q̃ 180 exposcit: videtur autem matutina elongatio in medietate tardiori adiuuari, vespertina impediri: contra autem vespertina elongatio iuuari in velociori medietate, matutina impediri. quum autem elongationes hæc impediuntur, nunq̃ ad id summum pertingunt, quod est gr. 47, mi. 32, sed solum ad gr. 45 mi. 30 perueniūt. Qualiscūq; autem in maxima elongatione inueniatur Venus, siue præcedēs, siue sequens, semper medium motum habet, in conjunctione vero cum Sole



**A** Sole semper est aut in tardissimo motu, aut in velocissimo: matutina aut, si recedit à Sole, tardo semper recedit motu, si accedit, veloci: vespertina vero, si recedit, veloci semper recedit motu, si accedit, tardo.

In latitudine vero maiorem etiamnum admirationem præbent, quæ circa Venerem conspiciuntur, nam, quum tres superiores planetæ pexiguum circa sectiones latitudinem ducerent ab ecliptica, maximam circa puncta media, tum contra Venus circa puncta media quæ minimam latitudinem facit, utpote mi. 16, circa sectiones vero maximam, & gr. 7.

Sed & illud quoque non parvam affert admirationem, quod Venere duobus in locis latitudinem faciente, parvam quidem in punctis medijs, magnam circa sectiones, in punctis tamen medijs semper septentrionalis ab ecliptica spectatur, nunquam australis, in sectionibus vero tum australis, tum septentrionalis videri solet: australis vero quum videtur, in superiori quidem parte semper directa & velocissima est, in septentrionali tarda & retrograda: in inferiori vero parte è contrario, Sit ecliptica a b c, medius circulus Veneris a d c, sectiones a et c, punctus medius in superiori parte d, in inferiori m, vterque septentrionalis: in sectionum igitur loco maiorem latitudinem habebit Venus, fiet enim quandoque vbi f, quandoque vbi h, similiter & vbi g, & vbi k: in punctis autem medijs minorem multo latitudinem trahet, ex b non ultra e & d digressa in eisdem præterea punctis medijs semper erit septentrionalis, in superiori quidem parte in d, in inferiori in m, nunquam autem in e, aut in p directa autem & velox per f k, tarda & retrograda per h g. cæterum & stella ipsa per helices motum explet, sicut & tres superiores planetæ.



*De causis secundum Astronomos.*

*Cap. 12.*

**Q** Vi igitur de syderibus hætenus tractauere, in prædictis omnibus ad eccentricum, atque epicyclum confugiunt. Ecétrico primam dantes inæqualitatem, epicyclo secundam: absidem autem ponunt, vbi nos punctum maximæ tarditatis, Antabsidem, vbi nos punctum maximæ velocitatis: nunquam autem opponi Venerem Soli, sed semper aut


M ij

coniunctam

coniunctam esse, aut præcedere, aut sequi interstitio nunquam maiore C  
gr. 47, mi. 32: iccirco dicunt contingere, q̃ epicycli centrum æqualiter, &  
coniunctum cum cetro Solis semper feratur: qua è re fieri, vt planeta, qui  
in circumferentia epicycli circunducitur, non plus distare à Sole possit,  
quàm sit semidiameter epicycli, quæ gr. 45, mi. 30 traditur: quòd si plus  
etiam distare videatur, id ab ecentrico dari: q̃ enim centrum planetæ cū  
centro Solis semper coniunctum procedat, id in medio motu intelligen  
dum est, vnde fieri potest, vt vero motu propter absidem & antabsidem  
seungi etiam plus possit, q̃ gr. 45, mi. 30, ac abesse etiam 47 gr. mi. 32.

In parte autem absidis iuuari matutinam elongationem, quoniam ea  
fit per tarditatem epicycli, in parte vero antabsidis vespertinā iuuari, quo  
niam fiat per velocitatem epicycli, quæ ab ecentrici velocitate iuuatur.

Quæ vero in latitudine apparent, partim epicyclo, partim ecentrico  
donant, Ecentrico quidem eam latitudinem dantes, quæ in punctis me  
dijs fit, Epicyclo autem eam, quæ circa sectiones: cui tres assignant mo  
tus, vnum in longitudinem, quo directionem, statum, & retrogradatio  
nem facit, duos vero in latitudinem, quorum alterum inclinationem vo  
cant, alterum reflexionem: protractis enim duabus Diametris per epicy  
clum, altera per altitudinem sursum & deorsum, altera per longitudi  
nem, ante & retro, inclinari dicūt diametrum altitudinis in sectionibus  
summo puncto versus eclipticam, imo versus septentrionem flectente: D  
inclinari autem eousque, quo fiat latitudo gr. 7. Recedēte vero epicyclo  
à sectione paulatim releuari iniquiunt diametrum altitudinis, ita, vt in  
puncto medio erectissima sit, & cum ecentrico sub  
alterna: quod si fieri debet, simul & alteram diame  
trum reflecti oportet, ac punctum, qui antè erat, se  
ptentrionalem fieri, qui retrò, australem. Quòd vero  
semper septentrionalis planeta sit in punctis medijs,  
inde esse dicunt, quòd ecentricus modo vltra eclipti  
cam in e, modo citra in d deuiet per mi. 16, ea ppor  
tione ad epicyclū seruata, quòd, dum epicyclus à se  
ctione ad d punctum medium peruenit, tunc & ecē  
tricus à linea a b c mouetur in d, & fit linea a d c,  
ac tunc in d planeta est septentrionalis. rursus moto  
epicyclo à puncto d in c alteram sectionem, ecentri  
cus a d redit in b, & fit iterum linea a b c. Dein  
de vero in parte inferiori epicyclo moto à c in f pū  
ctum medium, ecētricus in parte superiori mouetur  
à puncto b in e: quæ pars quoniam australis est, & superior, necesse est  
inferiorem





A inferiore fieri septentrionalem, in qua est planeta in f puncto medio. igitur tam inferiori in parte, q̃ in superiori, semper septentrionalis est planeta in puncto medio. Hæc igitur fieri Astronomi dicunt: quo autem modo fiânt, & quo pacto ecentricus modo in d, modo in e feratur, & vnde vnus epicyclus tot motus habeat, nemo dicit. de quibus omnibus accurate rationem habebimus in sequentibus.

*De causis per nostra principia.*

*Cap. 13.*

**N**Os autem per pauciora, & simplicia magis vnūquodq; eorum, quæ in Venere apparent, possumus demonstrare, ea in primis omnia confirmantes, quæ de medio circulo eius, & sectionibus dicta sunt. q̃ autem non trahatur ab orbe Solis, id fieri dicimus, quemadmodum & in alijs, à Contrauecto orbe, qui solitarius statim subiacet Soli.

Tardiorem vero in vna medietate, velociorem in alia ferri, à primo Circitore dari dicimus, qui circunductione in latitudinem par est Veneris motui, per se autem & proprio motu tardior: ceterum more Circitorum, modo in idem, modo in oppositum illi agitur, vnde & modo planetam citat, modo retardat, non autem retroducit, quoniam tardior illo est. Ea autem est proportio eius ad Venerem, vt, quū subalternus est Circitor in medietate contraria, tum planeta in puncto maximæ tarditatis inueniatur, quum vero Circitor subalternus est in medietate iuuantē, tū planeta sit in puncto maximæ velocitatis, qui olim in geminis, nunc in Cancro est, propter Aplanes motum. Circūfertur autem Circitor hic per sectiones, ac puncta media maxime respicit vti polos circūductionis: quare et illa maxime in opposita mouet, atq; in ijs operatur latitudinē mi. 16.

Secunda vero inæqualitas directionis, & retrogradationis à secundo Circitore provenit (nam, et Venus Circitores duos habet) quoniam & ipsa retrogradationem nouit, hic autem Circitor circunductione quidē tardior multo est planeta, proprio autem motu velocior, siquidem circūducitur in latitudinem mensibus 19, diebus. 16, horis circiter 9. Igitur, quoniam & hic pro Circitorum natura modo in idem cum planeta, modo in oppositum agitur, palam, quod & modo eum citat, modo retardat, & quia velocior est, interdum etiam sistit, interdū retroducit: cuius reuolutiones scilicet in annis 8 fiunt: quæ quidem ne æquales etiam sunt inter se, nisi medio motu mensurentur, propter velocitatem & tarditatem superadditam ab alio Circitore, vt in alijs dictum est.

Cur autem non semper anno vno orbem expleat Venus, sed modo citius, modo tardius, causa est in Circitore secundo, qui circunductione multo

multo tardior est planeta: quare fit, ut dum planeta circuitiões suas obit, C  
in aliquibus nulla intercadat retrogradatio, in aliquibus aliqua intercadat,  
aut tota, aut in parte: in his ergo cunctum retardat, in illis concitat. non ni  
hil etiam ad hoc facit prior Circitor, at per se tamen, & motu medio æqua  
liter cum Sole orbem peragit.

Ad Solem vero nunquam opponi Venerem, sed semper aut coniun-  
ctam feri, aut præcedere, aut sequi interuallo non maiore quam gra. 47,  
m. 32, causa præcipue pendet è Circitore secundo, quando planeta ipse p  
se, & proprio motu æqualiter cum Sole semper progreditur, & si nihil à  
Circitore reciperet, æquali semper passu cum Sole, & coniuncta cum eo  
ferri videretur: verum, quoniam ab eo modo citatur, modo tardatur, ac  
etiam retroducitur, inde fit, ut non semper pari passu cum Sole incedat,  
sed interdum præuolet, quum citatur, interdum ponè sequatur, quum tar  
dior redditur: quare quoniam alternatim fiunt, alternatim quoque modo  
præcedit Solem, modo consequitur: per tantum autem & præcedit, & se  
quitur, quantum Circitor & addere supra medium motum Veneris, &  
demere potest per vnam quartam circunductionis: videtur autem & ad  
dere, & demere gr. 45, m. 30, addere quidem in medietate iuuante, deme  
re in contraria. Statuatur igitur Venus cum Sole cōiuncta Circitore sub  
alternō in medietate iuuante, manifestum quidem est tunc habere Vene  
rem velocissimum motum: si ergo obeat Circitor quartam illam, quæ à D  
subalternatione sequitur, addet quidem planetæ supra eius motum gra.  
45, m. 30: quare prægredietur Venus ante Solem signorum ordine gr. 45,  
m. 30, ac vespertina apparebit post ipsum diurno in motu: fit enim, ut di  
ximus, ut quum signorum ordine præcedit, diurno sequatur, & è cōuer  
so. Rursus vero, si Circitor moueat per aliam quartam, quæ est prima cō  
trariarū, demet quidem de motu planetæ gr. itidem 45, m. 30: quare quum  
prius ante Solem esset signorum ordine gr. 45, m. 30, nunc fiet, ut iterum  
coniunctus cum eo redeat totidem amissis gradibus, quot superacquisi  
uerat prius Circitore subalternō in medietate contraria. Porro si & aliā  
quoque quartam obeat Circitor, quæ est secunda contrariarum, demen  
tur iterum de motu planetæ gr. 45, m. 30: unde interea præibit Sol, ac pla  
netam retrò relinquet signorum progressu gr. 45, m. 30: quare matuti  
nus videbitur ante Solem diurno in motu, quoniam signorum ordine  
sequebatur. Postremo si quartam vltimam peragret Circitor, quæ est pri  
ma iuuantium, citari rursus planetam continget: quam ob rem quum  
iterum gr. 45, m. 30 acquirat, in fine quartæ illius Soli iungetur Circito  
re subalternō in medietate iuuante, ac peracta vna reuolutione inæquali  
tatis secundæ. Manifestum igitur est, quoties coniuncta est cum Sole Ve  
nus,



- A** nus, semper aut velocissimum, aut tardissimum habere motum, quonia semper eo tempore subalternum Circitorem habet modo in iuuante medietate, modo in contraria: quum vero est in maxima elongatione Venus à Sole, medium semper habet motum, quoniam tunc mouet à punctis neutris, hoc est medijs inter iuuantem medietatem & contraria. Vespertina vero quum recedit à Sole Venus veloci semper recedit motu, quia Circitor tunc mouet à secunda quarta iuuantium, accedit autē motu tardo, quia hoc dat Circitor à prima quarta contraria: Matutina vero si accedit ad Solem, veloci accedit motu, quoniam id præstat Circitor iuuans: tarda vero recedit, quia eum recessum Circitor contrarius facit. Quoniam vero & illud interdum accidit, vt elongatio à Sole maior etiā fiat, quā gr. 45, mi. 30, quippe quū saepe gr. 47, mi. 32 spectetur, quæ omnium maxima est, hoc quidem addi à primo Circitore debemus existimare, nam & ille supra medium motum Veneris & addit, & demit: vide tur autem addere gr. 2, mi. 2, ac tantundem etiam demere, addere in velociori medietate, demere in tardiori. Quam ob rem si velocitas huius cū velocitate alterius concurrat, tunc maxima fit elongatio planetæ à Sole, quæ esse possit. gr. 47, mi. 32: ac vespertina tūc apparet Venus quā maxime à Sole distans: si vero tarditas cum tarditate iungatur, tunc iterum maxima fit elongatio gra. 47, mi. 32, sed matutina est ea elongatio, Sole
- B.** ordine signorum longe præcurrente: at si velocitas vnus cum tarditate alterius concurrat, elongatio semper minor est, q̃ gr. 47, mi. 32. atq; hæc quidem sunt causæ eorum, quæ in longitudine apparent.



## Cap. 14.

**Q**uæ vero in latitudine tam mira spectantur, à duobus illis Circitoribus fiunt, quorum prior per sectiones actus in latitudinem p se puncta mediā maxime respicit, atque in opposita mouet: secundus vero p puncta media circumductus sectiones ipsas respicit, ac in opposita cō similiter agit: velocior autem hic erat, quā prior, quare & latitudinem circa sectiones maiorem ipse operatur, quā prior circa puncta media, quippe quum hic mi. solum. 16 latitudinem expleat, ille gr. 7. Sit ecliptica a b c, punctus medius b, sectiones a & c, medius circulus Veneris, subalternus Eclipticæ. manifestum igitur quòd prior Circitor per sectiones circumductus pellet b punctum medium in opposita, modo in d; modo in e: ipso enim mouēte à quarta occidentali Septentrionali agef b in e, ac fiet circulus a e c: mouente autē à quarta occidentali australi e repellef in h, ac redibit circulus prior a b c. Rursus Circitore acto p quar  
tam.

tam australem orientalem b ducetur in d, fietq; circulus a d c: postremo à quarta orientali septentrionali d reducetur iterum in b, facto circulo a b c: tota autem latitudo erit aut b e, aut b d, non maior, q̃ mi. 16. At vero secundus Circitor p p̃ta media circumductus sectiones ipsas respicit, ac in opposita mouet: mouente igitur illo à quarta inferiori septentrionali a pelletur in f, c in k, ac fiet circulus f d k: mouente autem à quarta inferiori australi, reducetur f in a, k in c, ac redibit circulus iterum a b c: à quarta vero superiori australi ducetur a in g, c in h, facto circulo g d h: postremo à quarta superiori septentrionali restituetur g in a, h in c, redibitq; circulus primus a b c, peracta vna reuolutione secundæ inæqualitatis: latitudo autem tota erit ab a ad f, vel ad g, maior multo, q̃ in punctis medijs, vtpote. gr. 7.

Quòd vero in punctis medijs septentrionalis semper spectetur Venus in d & l, nunquam autem australis in e aut o, in causa est Circitor primus, qui, q̃ circumductione æqualis est planetæ, tali proportionem eius circulū mouet, q̃ semper septentrionalis inuenitur planeta in punctis medijs: dum enim stella à sectione a fertur in punctū medium b, tum Circitor mouet à quarta australi orientali, pellitq; b in d, in quo & planeta inuenitur septentrionalis: rursus dum planeta à puncto medio d in c, alteram sectionem graditur, Circitor à quarta orientali septentrionali reducit d in b: mox planeta à sectione c transeunte ad alium punctum medium l, Circitor à quarta septentrionali occidentali pellit b in e, in parte superiori circuli, in parte vero inferiori pellit p in l: si enim vnus circuli superior pars australis est, inferior septentrionalis necessario redditur: punctus igitur medius in parte inferiori septentrionalis est, quum planeta in eo inuenitur: quam ob rem tam in superiori medietate, q̃ in inferiori semper septentrionalis inuenitur planeta in punctis medijs respectu eclipticæ, in d et l.

In sectionibus vero tam australis, q̃ septentrionalis esse solet, quoniam secundus Circitor eam latitudinem operatur, qui eam





**A** eam proportionem non habet ad circulum planetæ, quam prior habere dictus est. Est autem Circitoris huius ea proportio ad Venerem, vt, quū australissima est illa, vti in f, tum Circitor à quarta prima iuuantium septentrionali inferiori moueat, ac directam & velocissimam reddat subalternus factus in fine quartæ illius. quum vero borealissima est, vt in g, tum Circitor mouet à prima quarta contrariarum australi superiori, tardissimamq; ac maxime retrogradam illam facit in fine subalternus cum illa: at vero & per helices mouet, quoniā in opposita omnia ipse agitur, & in hoc ab alijs Circitoribus prædictis in nullo differt.

*De numero orbium Veneri seruientium.*

*Cap. 15.*

**V**identur autem, qui Veneri quodammodo famulantur, orbes omnes vndecim esse, quorum primus est solitarius ille Cōtrauectus Soli, à quo fit, ne simul & Venus ipsa trahatur: reliqui decem continent ordines Circitorum duorum: ordo autem vterq; quinque orbibus constat, quoniam vterque Circitor plus addere in longitudine videtur, q̄ in latitudine. Ordo igitur primus Circunduentem, Circitorem, Contrauectum, Anticircitorem, & vltimum Cōtrauectum habet, quorum primus est Circunducens, qui anno vno, Veneri par, in latitudinē per se fertur, per ipsas sectiones circumactus: secundus est Circitor primus æqualiter circumductus à prædicto, proprio autem motu tardior planeta, à quo circa puncta media latitudo fit mi. 16: sub eo est Contrauectus suus, duplo velocior, ac sub ipso Anticircitor, qui in latitudine eò opponitur Circitori, quò latitudo in punctis medijs nō maior fiat, q̄ mi. 16: sub quo subest Contrauectus suus. Ordo vero secundi Circitoris & ipse in quinque consistit orbibus, quorum primus est Circunducens: qui per puncta media in latitudinem circunducitur mensibus 19, diebus 16, horis fere 9: sub eo est Circitor secundus eodem tempore Circunductus & ipse in latitudinem, cæterum proprio motu planeta multo velocior: qui sectiones in opposita agens latitudinem circa ipsas operatur gr. 7, additq; Veneri per quartam quamlibet gr. 45, mi. 30, vel demit. sub quo est: Contrauectus suus duplo velocior, cui Anticircitor suus subest non æqualis per se Circitori, sed tantum solum impediens, vt latitudo circa sectiones nō maior fiat, quàm gr. 7: à quo postremus est Cōtrauectus vltimus. sub omnibus autem planetæ orbis locatur, qui per tot inæqualitates actus motū suum anno vno per se cum Sole cōficit, modo anteambulo illius, modo affleat. atque hæc de Venere satis dicta sunt.

*Fracastorij.*

**N**

**DE**

H O M O  
D E M E R C V R I O .

C

*De ijs, quæ circa Mercurium apparent.*

Cap. 16.



M E R C V R I V M diximus affinitatem, cōuenientiamque habere cum Venere maximam, paucis quidem enim exceptis omnia fere cum illa communia habet. Illud autem in primis constat nō rapi ipsum ab orbe Veneris, alioqui æqualiter cum ea verti non posset, (recipi autem debet inter obseruata, æqualiter ipsum verti) quod in medio motu intelligendū est, nam motu vero modo citius, modo tardius obire orbem constat. Secat autem medius circulus eius tum æquinoctialem, tum & eclipticā. sectiones eclipticæ annis nostris in aquario leoneq; tradunt gr. 1 vtriusq;.

Ad Solem porrò neq; Mercurius eam habet relationē, quam tres primi superiores habuere, vt in coniunctione velocissimus, in oppositione tardissimus foret, quinimo Venerem imitatus nūq̃ adeo à Sole abscedit, vt ad oppositionem veniat: siquidem neq; vnq̃ interuallo maiore, q̃ gra. 26, mi. 30 remouetur à Sole, modo & ipse præcedens, modo consequens Solem, quasi hi duo planetæ perpetuo quodam famulatu semper concomitentur Solem nunc præuij, nunc affecutores. quā ob rem & ipse Mercurius modo matutinus ante Solem in exortu spectatur, modo vespertinus post ipsum in occasu, quæ alternatio diebus 57, horis circiter 23 conficitur, cæterum ipse inter planetas rarissime videri solet.

Sunt autem in Mercurio diuersitates non paucae, et maxime etiam ad mirandæ in motu eius, quas, quoniam maxime Ptolemæus animaduertit, referemus etiam, prout illius temporibus inuentæ sunt. Tres igitur ille diuersitates in Mercurio annotauit in velocitate, & tarditate, prima fuit in duobus punctis è regione oppositis, in libra scilicet, & Ariete gra. vtriusque decimo: in libra quidem tarditatem comperit, in Ariete velocitatem. Rursus consimilē diuersitatem animaduertit in duobus alijs punctis, verum non è regione oppositis, sed distantibus solum per signa 4, in aquario scilicet, & geminis: in aquario enim gr. 9 velocitatem notauit, in geminis tarditatem: quod valde mirum videri potuit, quoniā puncta tarditatis, & velocitatis inter se correspondentia semper è diametro opposita esse consueuere, vt in alijs monstratum est, hæc autem nō è diametro sese respiciebant, sed solum per signa 4. Præter has autem diuersitates, & tertiam quoque vidit in Mercurio inesse, quæ directionem, statum, & retrogradationem facit, quæ certa sibi puncta non exposcit, sed successiue vbique fieri potest: cuius reuolutiones 145 obseruātur in annis.



Anis 40 fieri, Vna autem reuolutio diebus 115, horis fere 22.

Primam autem diuersitatem, quæ in Libra & Ariete visa est, animaduertit ex duabus Mercurij elongationibus à Sole æqualibus, altera vespertina, altera matutina: Vespertina fuit Sole inuento in gra. 9, mi. 45 Aquarij, stella vero in gra. 5, mi. 0 Piscium: Matutina vero fuit stella in gra. 18, mi. 45

Medius motus inæqualitatis.  
Gr. m. sec. ter. qu. qu. sex.

9	7	46	0	27	28	19	horæ.
3	5	24	6	59	35	51	dies.
93	12	3	29	47	55	0	mēs.

Tauri inuenta, Sole vero in gra. 10, mi. 0 Geminorum. Ex his sequi videtur, vt maxima, & minima longitudo,

hoc est absis, & antabsis essent in Libra, & Ariete: quum enim hæ duæ elongationes æquales essent, & altera vespertina, altera matutina, necesse erat maximam, & minimam longitudinem esse in medio vtriusque: puncta autem inter illas media erant gr. 10 Libræ & Arietis: qua de causa in ijs statuit absidem & antabsidem, in Libra quidem absidem propter alia quædam obseruata, in Ariete vero antabsidem. quod & traditis quoque antiquorum valde cõsonum videbatur, eo etiam maxime, quod secundam diuersitatem demonstrare non poterat, nisi ita positis abside & antabside, vti prædictæ elongationes ostendebant.

☉	gr. 9.	m. 45.	☿
✳	gr. 1.	m. 0.	♊
✳	gr. 18.	m. 45.	♊
☉	gr. 10.	m. 0.	♊

B Secundæ vero diuersitatis necessitas visa est in Aquario & Geminis propter alias duas elongationes, quas Ptolemæus obseruauit: fuit autem vtraque maxima, hoc est gra. 26, mi. 30, altera vespertina, altera matutina: matutina fuit Sole viso in gr. 10, m. 0 Aquarij, stella vero in gra. 13, mi. 30 Capricorni, vespertina vero fuit Sole in gra. 10, mi. 30 Geminorum, stella in gr. 7, mi. 0 Cæcri. Quum igitur centrum epicycli per Astronomorum principia nunquam dissocietur à centro Solis, oportuit in his duabus elongationibus cẽtrum epicycli fuisse in aquario & geminis. rursus vero & illud fuit necessarium in ijs duobus punctis epicycli centrum habuisse maximam tarditatem & maximam velocitatem, quoniam duæ illæ elongationes erant maxime, quæ esse possent: ad quas conficiendas non satis est motus proprius epicycli, sed necesse est illũ iuari in vespertina per velocitatem superadditã, in matutina per tarditatem adiunctam, siquidem elongatio, quæ merito

☉	gr. 10.	m. 0.	☿
✳	gr. 13.	m. 30.	♊
☉	gr. 10.	m. 30.	♊
✳	gr. 7.	m. 0.	♊

N ij epicycli

epicycli per se fit, non maior est, q̄ gr. 22, mi. 30: prædictæ autem erant gr. C 26, mi. 30. oportuit igitur puncta illa aquarij, & geminorum addidisse tarditatem, & velocitatem, quod magnam peperit admirationem, quū nō essent è regione opposita, sed distantia solum per signa 4. Tertia vero diuersitas vnique in propatulo satis erat. atque hæc quidem sunt quę in longitudine fuere obseruata.

At vero & in latitudine quoque suæ diuersitates spectantur, illæ fere, quæ & in Venere visæ sunt: nam & Mercurius duobus in locis latitudinem ab ecliptica facit, in sectionibus, & p̄ctis medijs: maior autem multo est, quæ in sectionibus fit, vtpote gr. 4, mi. 5, minor, quæ in punctis medijs mi. 45. Verum illud in Mercurio & Venere differt, q̄ Venere in punctis medijs semper septentrionali existente, Mercurius contra in eisdem punctis semper australis spectatur.

*De causis secundum Astronomos.*

*Cap. 17.*

**Q**Uod igitur à Sole nunquam elongetur Mercurius interuallo maiori, q̄ gr. 26, mi. 30, iccirco fieri Astronomi dicunt, q̄ centrū epicycli semper coniunctum per se incedit cum centro Solis, quare quū stella in circumferentia epicycli vertatur, amoueri à Sole non potest lōgius, q̄ sit semidiameter epicycli, modo ante, modo retro, vti & in Venere cō D tingeat: semidiameter autem tradunt gr. 22, mi. 30. quam ob rem nec causa epicycli amoueri à Sole longius potest stella, q̄ gr. 22, mi. 30: q̄ si nō nunquam ad gr. 26, mi. 30 pertingat amotio, id fieri dicunt, q̄ epicyclus alicubi velocitatem & tarditatē recipiat, quod in quatuor locis vltra tertiam diuersitatem fieri comperēre, in libra & ariete, in aquario, & geminis, per tarditatem autem, matutinam elongationem iuuari, vespertinā per velocitatem, vt in Venere monstratum est.

Primam autem, et tertiam diuersitatem, quomodo vtraque fiat, haud magno cum negotio demonstrant, ecentrico dantes primam diuersitatem, epicyclo tertiam: in secunda autem plus laboris inuenere. Ordine tñ suo dicamus, quomodo vnamquāq; ostendant. In prima igitur de monstranda ad ecentricum confugiunt, cuius absidem in libra ponunt, antabsidem in Ariete, quare & hic punctum velocitatis, illic punctū tarditatis maioris tradebant: quæ puncta non alium haberent motum cum suo orbe, q̄ Aplanes motum.

In secunda autem plus negotij habuere, nam quum viderent in aquario & geminis addi velocitatem, & tarditatem, non tamen satis apparebat, quo pacto fieret, ad ecentricum enim sese conuertere non poterant,


tum



**A** tum q̄ per ipsum primam diuersitatem demonstraerāt, tum q̄ absis & antabsis semper opposita è diametro sunt: sed neque ad epicyclum confugere poterant, quando tertiam diuersitatem videbant illi ascribi oportere: igitur tertium quiddam imaginati sunt, hoc est cētrum epicycli bis in anno propinquiorem terræ fieri, semel in aquario, semel in geminis.


Tres enim viæ solæ sunt apud Astronomos, per quas velocitas & tarditas stellis detur, prima est per absidem & antabsidem, secunda est p̄ motum & conuersionem epicycli, tertia vero per approximationem epicycli ad terram. quum igitur sola hæc tertia superesset, qua vt possent, opinati sunt centrum epicycli bis terræ proximior fieri, ac sic tum in tarditate, tum in velocitate iuuari: facto enim terræ proximo epicyclo & velocitas, & tarditas maior fit, quoniam minoribus angulis prope cētrum maiores partes in zodiaco corresponsdeant, quare si directus, & velox p̄ se planeta sit, factus propinquior centro, velocior etiam & citatior redditur respectu zodiaci, si vero tardus etiam fit, & retrogradus, pari modo citatior fit retrogradatio. Ad monstrādum autem, quomodo bis terræ propinquior fieret epicyclus, magnam quandam imaginationem cōmenti sunt: ac circa Ecentricum Mercurij orbē quatuor Deferentes ecētricos collocauere, duos extimos & maiores, duos intimos & minores, in quibus medijs ipse orbis Mercurij verteretur. primi igitur duo extimi

**B** Deferentes ceu per se immoti & stabiles absidem habebant & antabsidē è regione oppositas, absidem in libra, antabsidem in ariete, mobiles solū Aplanes motu, cæterum firmas & immutabiles. Intra hos duos immotos, duos alios collocant non quidem stabiles, sed motu continuo actos, verum in oppositum orbi Mercurij: quum enim hic ab occidēte feratur in orientem, illi contra ab oriente pari conuersione in occidentem voluuntur, quo fit, vt Mercurij epicyclus bis terræ propinquior in anno fiat: nam Deferentes hi, quum ecentrici sint, & absidem habeant, & antabsidem, agantur autem contra motum planetæ, necesse est totos percurrere, & lustrari à planeta, quare & bis eum recipere in abside, bis in antabside, quare & ipsum bis terræ propinquiorem fieri. Sic enim motis in oppositum Deferentibus oualis à planeta describitur circulus, qualis e f g h, in quo bis terræ appropinquat in f & h. Sit enim linea absidis longior d g, linea antabsidis breuior d a, epicyclus in abside vbi g, qui in oppositum deferentibus agatur. dum igitur linea absidis describet arcum g b, linea antabsidis describet arcum a f, epicyclus autem ex g mouebitur in f, & ex abside in antabsidem



antabfidem transferetur, vbi terræ propinquior inuenietur. Rursus dum C  
 linea absidis ducit arcum b e, antabsis ducit arcum f k. epicyclus autem  
 ab abside f, mouetur in antabfidem e. Porro linea absidis describente  
 arcum e c, antabsis describit k h, & epicyclus ab e in h perducitur, vbi  
 rursus terræ propinquior fit in antabside h. Postremo linea absidis des-  
 gnante c g, antabsis describit ipsa h a, epicyclus autem ab h feretur in g,  
 descripto ouali circulo e f g h, in quo bis fuit terræ propioquior in f &  
 h, bis remotior in e & g.

His quatuor deferentibus ita constitutis viam quoque habere sibi visi  
 sunt ad ostendendum et illud, quomodo epi-  
 cyclus terræ propinquior fieret in Aquario  
 & geminis, & non in punctis diametro op-  
 politis. Oualis enim circuli e f g h vna lon-  
 gitudinis est propinquior terræ, quàm alia: si  
 terra sit vbi q, zodiacus sit a b g d, o vero  
 Aquarius, p Pisces, a Aries, m Taurus, n  
 Gemini. si ergo protrahatur linea à q ad n  
 per k, & alia à q ad o per l, l quidem respō-  
 debit Aquario, k vero geminis, quare epicy-  
 clus in k & l propinquissimus erit terræ, quoniam nulla alia breuior est  
 ab ouali circulo ad q, quàm q k, & q l. Causa vero, quòd oualis circuli D  
 ab epicyclo descripti vna longitudo sit terræ propinquior, alia remotior,  
 est absis & antabsis deferentium maiorum, quum enim epicyclus est in  
 abside minorum deferentium, illi vero in abside maiorum, tunc remo-  
 tissimus est epicyclus à centro q, quàm maxime potest esse: quum ve-  
 ro epicyclus est in abside minorum deferentium, hæc autem absis est in  
 antabside maiorum, minus quidem abest epicyclus à centro, non tamen  
 propinquissimus est, quàm in omni alio puncto, quoniam est in abside  
 deferentium paruorum. Porro nec quum est in antabside eorum, pro-  
 pinquissimus etiam est, quando k & l propinquiora sunt puncta terræ,  
 quàm f & h. in Aquario igitur & Geminis propinquissimum terræ epi-  
 cyclum fieri per hanc magnam imaginationem sunt arbitrati, ac per  
 hæc quæcunque in longitudine circa Mercurium apparent, demon-  
 strasse sibi visi sunt.



Quæ vero in latitudine visuntur, eodem ostendunt modo, quo & in  
 Venere dictum est, epicyclo circa sectiones sese inclinante, mox sensim  
 se releuante ita, vt in punctis medijs circulus eius subalternus sit cū ecen-  
 trico, ad quod conficiendum etiam reflecti opus est diametrum longitu-  
 dinis, vti & in venere.




**A** Semper autem videri australem Mercurium in punctis medijs opposito modo, ac in Venere se habebat, inde fieri dicunt, q̃ eccentricus modo citra, modo ultra eclipticam agatur, sed ea proportionē, vt planeta in superiori medietate transeunte in punctum medium circulus ille australis sit, contrarium vero accadat planeta in inferiorem partem trāslato, vt in Venere dictum est, modus enim idem est, sed proportio diuersa. atque hæc sunt quæ de Mercurio Astronomi tradidere.

*De causis per nostra principia.*

Cap. 18.

**N**Os è Circitorum ratione omnia q̃ facillime demonstrabimus, siue diuersitates, quæ in Mercurio apparent, tres sint, vt prædiximus, siue tantum duæ. fortasse autem tantum duæ sunt, quoniam prima, quæ in libra & Ariete tradebatur, nullam habet necessitatē per illas duas elongationes Mercurij à Sole æquales, neq; enim necessario sequitur, si duæ elongationes æquales sint, altera matutina, altera vespertina, vt in medio earum sint puncta tarditatis & velocitatis, sed solum id sequitur, vt puncta tarditatis & velocitatis æqualiter ab illis distent: vt si in e & f sint duæ elongationes æquales, hæc matutina, illa vespertina, non necesse est maximam tarditatem, & velocitatem esse in a & c, sed possunt esse & in b, & in d.



Secunda autem diuersitas necessaria quidem videtur, & recipienda est, quòd autem tarditas & velocitas in Aquario esset, & geminis, sequitur quidem ad eos, qui epicyclos ponunt: ijs enim suppositis licet stella fuisset in capricorno & cancro, sequitur tamen centrum epicycli fuisse in Aquario & Geminis, vbi & Sol erat: Ad nos autem non sequitur, qui epicyclos auferimus. quare tarditatem & velocitatem à Ptolemæo inuentam, dicimus in Capricorno & cancro fuisse, atque in ijs planetam receperisse tarditatem & velocitatem.

Tertia vero diuersitas & ipsa necessario ponenda est propter directionem, statum, & retrogradationem in Mercurio manifestam. Primum igitur, si duæ tantum sunt in hoc planeta diuersitates, dicamus quo pacto fiant, deinde, & si tres ponantur, referemus nihilominus, quomodo & id quoq; contingat. si igitur duæ tantum sunt, duo similiter Circitores ponendi erunt, quorū alter per sectiones circumductus in latitudinem puncta media in opposita maxime mouet, alter circumductus per puncta media sectiones.

sectiones ipsas in opposita præcipue agit: prior igitur, cum circunductione par Mercurio fit, tum motu proprio tardior aliquantisper est, propter quod non retroducere ipsum, sed tardare solum potuit: tardat autem, quum in oppositum illi fertur, citat vero, quum in idem: puncta autem maioris tarditatis & velocitatis erant in capricorno, & cancro Ptolemæi tempore, in capricorno tarditatis, in cancro velocitatis: ea enim proportionem mouetur hic Circitor, ut tum subalternus sit in medietate contraria, quum planeta inueniebatur in capricorno, subalternus vero in iuuante, quum planeta in cancro sedem habebat. porro & Circitor hic latitudinem operatur circa puncta media non maiorem mi. 45 propter Anticircitorem, de quo dicemus. ille idem & Mercurium in punctis medijs semper australem facit, quoniam opposito modo mouetur, ac Venus: etenim, dum planeta in parte superiori fertur ad punctum medium, Circitor hic non a quarta australi pellit circulum Mercurij, sed à septentrionali, quare australem eum punctum facit in superiori medietate: quum vero planeta in inferiori parte graditur in punctum medium, tum Circitor partem superiorem circuli Mercurij pellit in septentrionem, inferiorem in meridiem, in qua erat planeta: qua è re fit, ut semper ille australis conspiciatur in punctis medijs.

Secundus vero Circitor tum circunductione, tum proprio motu multo velocior est planeta, siquidem circunducitur mensibus tribus, diebus 25, horis ferè 22, proprio autem motu retroducere planetam potest. ab hoc igitur fit, ut Mercurius non plus à Sole elògetur, quàm gr. 22, m. 30: modo præcedens, modo sequens: in hoc enim Mercurius, & Venus còcordant, ut per se & motu suo semper concomitentur Solem pari gressu, cæterum à Circitore modo velocitatem maiorem recipiunt, modo tarditatem. quod autem addit Circitor suus Mercurio, & demit, sunt gr. 22, m. 30: quod quum per vicissitudines fiat, inde fit, ut vicissim planeta modo præueniat Soli, modo præueniatur gr. 22, m. 30: quod si quandoque etiam plus elongatur, id præstatur ab alio Circitore, cuius si velocitas cum velocitate huius iungatur, remotissimus fit, & ad gr. 26, m. 30 pertingit, ac tum planeta vespertinus in occasu apparet, vespertina enim elongatio per velocitatem fit, & iuuatur: si vero tarditas vnus cum tarditate alterius concurrat, tum maxima fit elongatio matutina gr. 26, m. 30, fit enim illa & iuuatur per tarditatem. Facit præterea secundus Circitor latitudinem circa sectiones maiorem, quàm ea esset, quæ in punctis medijs fiebat, quoniam velocior hic Circitor multo est, & plus mouet tum in longitudine, tum & in latitudine: ille idem & directionem & statum & retrogradationem operatur, per eum modum, qui & in Venere, & in alijs dictus est. Si igitur due tantum



**A**rum sunt diuersitates in longitudine circa Mercurium, his certè modis contingunt, & non alijs. Si vero & prima illa diuersitas superaddenda videatur, quam Ptolomæus in Libra & Ariete statuebat, nihil nobis negotij est demonstrare, quomodo & illa fiat, sed prius de ordine & numero orbium Mercurij agamus, inde enim manifestius monstrare dabitur, quo pacto & prima illa diuersitas in Mercurio fiat.

*De numero, & ordine orbium Mercurio seruientium.*

*Cap. 19.*

**V**identur autem, qui Mercurio ministrant orbés, numero oēs vnde cim esse, quorum primus est ille Contrauectus, qui statim sub Venere locatus facit, ne Mercurij orbis simul cū Venere rapiatur: ab ipso sequitur ordo Circitoris primi, qui in quinq; cōsistit, Circunducente, Circitore, Contrauecto, Anticircitore, & suo Cōtrauecto: quorum primus est Circunducens, qui in latitudinē anno vno par Mercurio circunducitur sectiones: sub eo est Circitor primus eodem tpe circunductus & ipse, cæterum motu pprio Mercurio tardior, & puncta media in opposita p se mouens: sub quo est Contrauectus suus, duplo velocior Circunducente, & super illius polis motus: Cui subest Anticircitor primus, qui, si tantum sunt duæ diuersitates, in oppositum semper circunducitur Circitori, & quantū Circitor in vnam partē, tantum hic Anticircitor in oppositam ducitur, ita vt in latitudine semper opponantur inuicē: per se autem non æqualis est Circitori, tantū tñ opponitur, vt latitudo in punctis medijs nō maior fiat m. 45. Si vero & prima diuersitas addatur, oportet hūc Anticircitorē ita statui, vt à Circitore distet per vnā quartā circūductio nis ita, vt, quū Circitor in Ariete erit, hic in Cancro inueniatur, &, quū Circitor in capricorno, hic in Ariete sit, & ita successiue. his ita constitutis duæ primæ diuersitates demonstrari facillime possunt. Statuatur planeta in Libra, Circitor aut subalternus in medietate contraria, Anticircitor aut in puncto neutro, vt in capricorno, manifestum quidē q planeta in Libra maximā tarditatem recipiet Circitore subalterno in contraria medietate. Moueatur mox planeta à Libra in capricornum, Circitor p vnam quartam à subalternatione ad punctū neutrum, puta in cancrum, Anticircitor vero subalternus fiat in medietate contraria, clarū est q planeta in capricorno tarditatē quoq; recipiet Anticircitore subalterno in medietate contraria. Rursus vero planeta à capricorno in Arietem gradiatur, Circitor subalternus fiet in medietate iuuante, Anticircitor autē erit in puncto neutro, quare in Ariete planeta velocitatem recipiet Circitore subalterno in medietate iuuante. Postremo, si planeta in cancrum pducatur, Circitor in pūcto neutro iuenietur, Anticircitor subalternus

*Fracaſtorij.*

*O in*

in medietate iuuante, quam obrem & in cancro velocitatem superacqui- **C**  
ret planeta. Manifestum igitur est in quatuor punctis velocitatem, & tar-  
ditatem inueniri, in duobus velocitatem, in duobus tarditatem. In latitudi-  
ne quoque circa puncta media videri potest, cur non maior fiat, quam in. 45: dum  
enim vterque Circitor scilicet, & Anticircitor in eadem parte sunt (ut septen-  
trionali) pellunt punctum medium ultra eclipticam versus meridiem in. 45:  
mox altero existente in septentrione, altero in meridie opponuntur in-  
uicem, & latitudo non mutatur: deinde vero utroque, rursus in eadem me-  
dietate existente meridionali repellunt punctum medium versus septentrio-  
nem in. 45. si igitur tres sunt in Mercurio diuersitates, per hunc modum  
fieri censendum est. Sub Anticircitore est suus Contrauectus: sub quo est  
ordo secundi Circitoris, qui & ipse in quinque consistit orbibus, quorum  
primus est Circunducens, qui per puncta media circumactus mensibus  
tribus diebus 25, horis fere 22 Circitorem simul circumducit eodem tem-  
pore: sub eo est Circitor secundus, qui simul per eadem puncta media cir-  
cunlatus sectiones ipsas suo motu in opposita agit, verum motu suo velo-  
cior multo planeta est, additque in vna quarta circumductionis, ac demit  
gr. 22, in. 30. Sub eo est Contrauectus duplo velocior Circunducente, ac  
sub ipso Anticircitor alius, a quo fit, ne latitudo circa sectiones maior eu-  
adat quam gr. 4, in. 5. ac postremo est sub ipso Contrauectus vltimus. a quibus **D**  
omnibus orbis Mercurij sequitur per tot diuersitates orbem obiens an-  
no vno motu proprio, citius tamen quandoque, quandoque tardius propter  
accidentia, quae cum annuo suo motu iunguntur. Sepe enim plures retro-  
gradationes intercidunt, saepe pauciores. atque haec quidem ea sunt, quae  
de Mercurio dicenda visa nobis fuere.

DE LVNA.

De ijs, quae circa Lunam apparent.

Cap. 20.



**D**E Luna postremo superest, ut agamus, quae vna omnium  
vltima sedem habet. Sicuti autem superiores planetae tres mul-  
ta inter se conuenientia habuere, tum multa Venus, & Mer-  
curius, ita & Luna plurima cum Sole affinia sortita est. ergo  
et ipsa in primis diurno ver-  
titur motu, verum ceteris multo tardior, si  
quidem paulo minus hora vna serius, quam  
alii, ad occasum ducitur. proprium vero mo-  
tum reliquis velociorem habet, quando die-  
bus septem & viginti, horis 8. orbem ambit totum. Eius autem medius circulus  
eclipticam

Medius motus circuitiois.  
gr. in. se. ter. qu. qn. sex.

0	32	16	27	26	23	46	horae
13	10	34	58	38	30	30	dies.



**A** eclipticam fecat, vtpote ad illā obliquus. Sectiones alij nodos vocant, alij caput & Caudam Draconis, Caput quidem eam sectionem, vnde incipit in septentrionem ferri, Caudam illam, vnde in meridiem. Sunt autē sectiones illæ instabiles variabilesq; diebus singulis, siquidem obseruant mutari eas aduersus signorū ordinem quotidie mi. 3. Mutantur quidem & aliorum sectiones ob Aplanes motum, sed in ijs non apparet nisi post annos plurimos, at in Luna ea sectionum inconstantia singulis etiam diebus manifesta fit. Declinatio vero circuli Lunæ ab æquinoctiali, vbi maxima est, maior multo fit, q̃ maxima Solis declinatio: Siquidem vltra tropicos Solis, & æstiuum circulum gr. circiter. 5. recedit: quare maxima Lunæ declinatio gr. octo & viginti ferè traditur. Habet præterea Luna eam tarditatis & velocitatis inæqualitatem, quam Dij omnes habere orbes voluere, verū non in vna magis medietate q̃ alia illam habet (vti Sol) sed vbiq; successiue, & ad punctum oēm. Porro quemadmodū & Sol, neque ipsa Luna retrogradationem vllā nouit, sed semp̃ directa fertur, quāquam modo tardior, modo velocior, modo medium motū agens, qui & proprius illi est: velocissima aut̃ quum fertur, gr. ē. 15. in die vna conficit, tardissima vero, vix 11, medium autem motum agens gr. 13, m. ferè 10.

Inæqualitatis aut̃ periodus nō oīno æqualis est periodo circuitiōis, q̃n circuitio diebus 27, hor. 8 p̃ficiť, inæqualitas aut̃ diebus 27 horis circiter 13.

**B.** Ad Solem porro relationem nō paruam habere Lunam constat, nam modo illi cōiungi ac subijci, qđ interluniū vocant, modo illi è diametro opponi, quod plenilunium appellant, modo in quartis aspectibus esse, quas quadraturas dicunt, græci dicothomō, modo in locis inter hæc medijs. coniuncta aut̃ quum est, nihil luminis ad nos demittit, remota aut̃ à coniunctione saltem gr. 14, videri vespertina incipit in occasu, at exigua, & cornuta, quod nouilunium dicūt, greci minoyden. mox ēt magis à Sole recedens plus luminis continenter monstrat, donec dicothomos fiat: deinde transacta quadratura circa 12 diem, quū plus dimidio lumine profert, Amphicyrthos appellatur: ac mox pleno sese orbe ostēdit Soli opposita. Ab oppositione porro cōminuere orbē incipit, & matutina in exortu cōspicitur: tū rursus Amphicyrthos fit: mox & rursus Dicothomos: ac demū ēt minopydes exiguo lumine et corniculari, donec iterū ad coitū cū Sole redeat. Cornicularis aut̃ quū sit Luna & ante oppositionē, & post, tū illud iter est, q̃ ante oppositionē cornua semp̃ in ortū spectant, post oppositionē autem in occasum. Ab vna vero cōiunctione ad aliam est periodus sua, tēpusq; intercidit dierum 29, horarum 12, m. 44.

Medius mor⁹ inæqualitatis.  
gr. m. sec. ter. q̃r. q̃n. sex.

0	32	39	44	50	44	40	horæ
13	3	53	56	17	51	59	dies.

Per nouilunia præterea quum videri à nobis incipit, non æqualiter sese terris no-  
uā ostendit, sed qñq; prima die à coniun-  
ctione, quod rarius fit, qñq; secūda, quod  
vt plurimum accidit, qñq; non nisi tertia,  
quod item rarius euenit. Multa item ac varia tum in coniunctionibus,  
tum in oppositionibus, tum & in quadraturis accidunt circa Lunam,  
nam in coniunctionibus non solum ipsa lumen amittit, sed quasi iniu-  
riam vlta erepti luminis Solem ipsum obscurat, ac demit nobis, quæ So-  
lis eclipsis dicitur, quod nec alibi euenire, q̃ in cōiunctionibus potest, aut  
propè: in oppositionibus vero deficere, eclipsariq; ipsa sæpe solet Luna,  
quod & in ijs solis contingit, aut prope. At vero & circa quadraturas  
magnam quandam accidere diuersitatem obseruant: eo enim tempore  
& maiòr multo, & terræ propinquior apparet, vnde & non parum aspe-  
ctum nostrum respectu zodiaci euariat, & loca in cœlo eludit.

Alia præterea, & valde admiranda diuersitas in Luna apparet, quum  
velocem habet motū, & quum tardū: nam velox quū est, tum & maior  
& terræ p̃pinquior videtur, quum vero tarda incedit, tum minor & re-  
motior apparet: quippe maior & p̃pinquior duobus in temporibus spe-  
ctari solet, & quum in quadraturis est, & quum velocē agit motum.  
Eclipses quoq; Lunæ si tū fiant, quum velox est, maiores obseruātur, & **D**  
in maiori vmbra, minores vero & in minori vmbra, quū tarde graditur.  
Sol quoq; si tū eclipsatur, quū Luna in veloci est motu, maiore eclipsim  
sustinet, si vero, quum in tardo Luna est motu, minorem. Ad hæc si defi-  
ciat in meridie Luna, maiore apud nos eclipsim patitur, si in septentrio-  
ne, minore. Cōtra Sol, si ī meridie ipse deficiat, minore ipse eclipsim fert,  
si in septentrione, maiore. atq; hæc ferè sunt, quæ circa Lunam apparent.


*De causis secundum Astronomos.*

*Cap. 23.*

**A**D hæc animaduertentes Astronomi Lunæ orbem in primis ecen-  
tricum statuunt. Quòd vero eius sectiones cū ecliptica diebus sin-  
gulis mutantur aduersus signorum ordinem m̃. 3, inde fieri dicunt. Su-  
pra orbē Lunæ, ac supra Deferentes eius, orbem alium ponūt, qui super  
polis zodiaci diebus singulis m̃. 3 contra signorum ordinē mouetur, ac  
secum & sectiones trahit. Orbem aut hunc Deferētem Draconis vocāt.  
Addidere præterea orbi Lunæ & epicyclū, cuius medius circulus subal-  
ternus semper est cum medio circulo eccentrici, in cuius circūferentia Lu-  
næ stella vertitur, ima parte epicycli pro signorū ordine oriētem versus,  
suprema contra signorum p̃gressum in occidentē, opposito quidē mo-  
do,





Ado, ac aliorum epicycli agebantur, ij. n. superna parte in ortū, inferna in occasum voluebantur: in Luna vero cōtra fit, ima. n. in ortum, summa in occasum fertur: qua è re fieri dicunt, vt cum Luna velocē habet motum, tum maior & p̄pinquior videatur, tunc. n. in ima epicycli parte est, quæ in idem cū ecentrico agitur, ac nobis p̄pinquior est: cōtra vero quum superna in parte, & remotior est, & minor apparet, et tardum habet motū, qm̄ in oppositum ecentrico vertitur. Retrograda autē nūquam fit Luna, quoniam epicyclus tardior est ecentrico, quare & si retro respectu epicycli ducit̄, simpliciter tñ non retro, sed tardius solum mouetur. Eclipses quoq; Lunę minores fiunt, quum tarde graditur, qm̄ tunc est in summo epicyclo, & à terra remotior, maiores vero quum velociter fertur, quoniam in imo tunc epicyclo est, & terræ propinquior. Sit Sol a b: terra c d: Luna e f: vmbra terre c d: Luna in imo epicyclo, & terræ p̄pinquior, h k: in summo epicyclo, & remotior, l m. manifestū igitur q̄ in imo epicyclo Luna in maiori vmbra versatur, in summo in minori: maior enim est h k, q̄ l m. Qd̄ si Sol ipse eclipsetur Luna in imo epicyclo existente, maior eclipsis fiet, qm̄ illic Luna est propinquior terræ, & maioris basis. Sit Sol a b: vi



B. fus vbi c: Luna propinquior terræ, d e, remotior f g. palàm q̄ maior basis est d e, & plus de Sole adimit, q̄ f g, à quo solum h k demitur de Sole.

Diuersitatem autē aspectus, quæ in quadraturis apparet, inde fieri dicunt, q̄ Lunæ ecentricus in vnam partem, Deferentes in aliam & oppositā agunt, Ecētricus quidem pro signorū ordine in ortum, Deferētes cōtra in occasum: vnde euenire necesse est, vt planeta in omni reuolutione sua bis in abside sit, bis in




antabside, vti & in Mercurio diximus. Sic enim cōtra actis Deferentibus oualem describi circulū

necesse est, cuius longitudo multo maior sit latitudine, qualis a g h e: in quo planeta bis in abside sit in a, & h, bis in antabside in g, & e: quare bis cētro vicinior sit, bis remotior.

In coniunctionē igitur, & oppositione semper in abside est Luna, in quadraturis vero semper in antabside: quare, quū

in his terræ propinquior fiat, diuersitatē quidem in aspectu maiorē illic **C** facit, & maior ēt apparet, hoc quidem, quia terræ propinquior est, illud, quia sola Luna inter planetas diuersitatē aspectus facit in cœlo, propter eius propinquitatem: quare quanto propinquior erit, tanto maiorem illā diuersitatem reddet: propinquissima igitur cū fiat in quadraturis, maxime quidem in illis aspectum variabit, & loca in zodiaco eludet. Si vero quispiā illud mōstrari cupiat, cur sola Luna diuersitatē in aspectu faciat, dicimus idcirco contingere, quod nobis non ē centro terræ, sed ē superficie videntibus linea cētri in zodiaco in vnū locum incidit, linea visus in alium, inter quæ loca spatium quidem, quod intercidit, in Luna quidē est sensibilis basis propter propinquitatem Lunæ, in alijs autē planetis propter distantiam sensibile non est illud spatium, nec loca distincta apparent: quare in idē videtur in ijs ferri centri linea & visus, in Luna autē nō in idem, sed in diuersa. Sit zodiacus a b c d: terra e g: linea centri per Lunam f l: linea visus per Lunā e k. Luna vbi s, propinquior alijs planetis. manifestū igitur quod centri linea in zodiaco in alium locū cadit, vt in l, linea visus in aliū, vt in k: inter quæ spatiū quod intercidit sensibile est, & loca diuersa referēs: quod in ijs planetis non accidit propter distantia. Sit enim Sol, aut Iuppiter, vbi p, linea quidē centri per Iouem cadet in q, linea visus per Iouem in r: at spatium quod est inter q, & r, sensibile non est, & loca illa, vt vnum, representantur. Quam ob causam in planetis aspectus non diuersificatur, in Luna autē, quod propinquior cæteris sit, diuersificatur, & tanto magis, quanto propinquior terræ fiat, quod in quadraturis cōtingit. Atq; hæc quidem sunt, per quæ astronomi ea de monstrant, quæ circa Lunam apparent.



*De causis per nostra principia.*


*Cap. 22.*

**Q**Uum autem inter diuina illa & perfectissima corpora eiusmodi monstrosi orbes esse non possint, tentandum est per alia principia prædictorum omnium causas assignare. In primis igitur, quæ dicta sunt de sectionibus eius cum ecliptica, & nos affirmamus, ac confitemur, eundemq; illum orbē ponimus, qui super polis zodiaci aduersus signorum ordinē diebus singulis in 3 mouetur, à quo & sectiones Lunæ simul quoq; trahuntur: potest autē et idē orbis in causa esse, cur lunæ sphaera non simul à Mercurij sphaera circunducatur. Quòd vero modo tardior, modo



**A** modo velocior feratur luna, Circitori suo ascribendū est, qui tum circūductione, tum & proprio motu tardior Luna est: circunducitur autē nō præcise eo tempore, quo Luna circuitionem facit, sed paulo tardius: Luna siquidem diebus 27, horis 8 orbem peragrat, at Circitoris circunductio diebus 27, horis ferē 13 fit: quo euenit, vt periodus circuitionis non omnino æqualis sit periodo inæqualitatis. Quoniam autem modo in idē cum orbe Lunæ, modo in oppositum fertur Circitor, hinc accidit, vt modo velocior, modo tardior conspiciatur Luna. nunquam autem retroducitur, quoniam tardior illa est Circitor. non est autem inæqualitas hæc in in vna medietate magis, sed successiue vbiq; quoniam non æquantur periodus inæqualitatis, & periodus circuitionis.


Ad Solem autem relationem nō paruam habere Lunam necesse est, Sole iter per eclipticam habente, Luna vero per circulum suum, qui eclipticam secāt: nec ab ea plus recedit, q̄ gr. 5: aut enim alter sub altero est in eadem linea, aut erunt ē diametro oppositi, aut in aspectibus alijs. Esse autem in eadem linea nō vno modo dicitur, sed multipliciter, vna enim est interdum linea respectu centri, quæ per vtrūq; transit, vna interdum est respectu visus, neq; n. in idem cadit centri linea, & visus (vt dictū est.) interdum vna dicitur linea respectu gradus, quum enim vterq; sub vno gradu sunt, in vna esse dicuntur linea, protracta scilicet linea à polis zodiaci ad gradus eius, quæ per vtrumq; Solem scilicet & Lunam pertranseat. In vniuersum igitur cum Sole cōiuncta Luna dicitur, cum sub vna linea cum Sole fuerit, quocunque contingat modo: simpliciter autem, et proprie coniuncta est, quum sub linea centri vterque cadit: ad nos autē coniuncta dicitur, quum aut sub linea visus, aut sub vno gradu coniunctio fit. Si qui igitur intra zodiacū habitāt, ijs oībus modis esse vna linea, & coniunctio potest, quū supra eorū verticem coniunctio fit, tunc n. & cētri, & visus, & gradus esse vna linea pōt: at quibus extra zodiacū est habitatio, ijs nunq̄ est vna linea centri, & visus: si n. coniunctio fiat in medio cœli, centri linea superius, visus inferius cadit: at si ante medium cœli coniunctio accadat, tunc semper coniunctio visus præcedit, centri sequitur: si vero accadat post medium Cœli, semper centri præcedit coniunctio, visus sequitur. Sit linea centri b d, & b e: linea visus f d, & f e: visus vbi f: coniunctio ante mediū cœli f d, post medium cœli f e. Coniunctio aut gradus & centri esse vna potest, quum in sectionibus cōiunctio fit, quum vero fit extra sectio




nes, tunc semper diuersa est linea gradus, & centri: visus quoq; & gradus **C**  
coniunctio esse vna in sectionibus potest, extra sectiones non. Ex his  
multa eorū contingunt, quæ in coniunctionibus & oppositionibus ap-  
parent: quotiescunq; enim talis est coniunctio, vt visus per Lunæ, Solisq;  
centrum pertranseat, tunc eclipsis fit Solis maxima, quæ esse possit, quod  
in sectionibus solis habere locum potest: q; si tunc maioris etiam diame-  
tri appareat Luna, quod sæpe accidit (vt dicemus) tunc obscurari etiā to-  
tū Solem contingit, non quidem terris omnibus, sed quibusdā. extra  
sectiones autem eclipsis Solis non fit, nisi forte pp̄ ipsas, quæ eclypsis in  
parte est solum. In coniunctionibus vero lucere desinit Luna, quoniā  
ex se quidem lumen ipsa non habet, sed totum, quicquid demittit lumi-  
nis, à Sole recipit: superiore igitur existente Sole, neq; pars Lunæ, quæ So-  
lem spectat, videri à nobis potest, neq; quæ ad nos obiecta est: hæc, n. illu-  
minata non est, vtpote auersa à Sole, illa vero illuminata quidem est, sed  
auersa est à nobis. Obscuratio vero hæc in Luna eclipsis nō appellatur,  
quoniam inter nos & Lunam interponitur nihil, quod requiri videtur  
in ea, quam eclipsim appellare Astronomi voluere. Non solum autē in  
coniunctionibus lucere desinit Luna, sed etiā post, donec interuallo gra-  
saltem 14 amota à Sole sit, quod breui conficit propter celeritatem. Qd̄  
autem quandoq; citius, qnq; tardius sese nouam terris ostendat, causā in  
vniuersum est, q; modo citius sese à Sole amouet, modo tardius, citius q; **D**  
dem, quum velocē ipsa motum habet, Sol tardum, item quum & in rectū  
amouetur, tardius vero, quum tardum ipsa motum habet, Sol velocem,  
aut cum in obliquum amouetur. Igitur si causæ omnes concurrant, quæ  
celerem amotionem faciunt, prima etiam die sperare nouam Lunā pos-  
sumus: si vero omnes conueniant, quæ tardam amotionē apportant, non  
nisi die tertia expectare debemus Lunam. Extrema autem rarius q̄ me-  
dia contingere solent, quare secunda vt plurimū die sese nobis noua ostē-  
dit Luna. Apparet aut̄ primum figuræ, quæ inde Lunarī dicta est, quo-  
niam spherica est Luna: omnis aut̄ circulus in spherico corpore arcualis  
est, nisi subalternus sit visui. quoniam igitur semper secundū sui mediū  
illuminatur à Sole Luna, circulus quidem ille terminans illuminatā me-  
dietatem à principio subalternus visui non fit, quare arcualis videtur.  
Exiguū aut̄ est, quod apparet per nouiluniam, qm̄, & si Sol semper me-  
dietatem illuminet, nō tñ tota pars illuminata videri potest à principio,  
quia maxime auersa est à nobis: mox vero, quanto abscedit à Sole magis,  
tanto plus eius partis, quæ auersa erat, sese ostendit. Cornuum vero, quæ  
in Luna apparent, ea ratio est, q; semper pars Soli obiecta v̄trem seu de-  
uexam in luna facit, opposita concauum, vbi cornua sunt. quoniam igi-  
tur



**A** tur ante oppositionē Sol semper præcedit, Luna sequitur in diurno motu, inde fit, vt ante oppositionem cornua semper orientē respiciant, quoniam deuexum & venter occasum respicit, vbi Sol: post oppositionē autem contrarium fit, qm̄ Luna præcedit, Sol sequitur: quare tunc venter respicit orientem, vbi Sol, concuum & cornua occidentem respiciunt. ea dem de causa, q̄ ante oppositionem Sol præcedit, Luna vespertina in casu apparet, post oppositionē vero q̄ Luna ipsa præcedit, matutina in exortu spectatur. In oppositionibus vero sæpe ipsa eclipsatur luna mō tota, modo in parte, & nō alibi, q̄ in oppositionibus aut pp̄e, qm̄ obiectus terræ non potest vmbra in Lunam iacere, nisi quum planeta vterq; è diametro oppositi sunt, aut prop̄e. Sunt autem eclipses Lunæ maiores Luna in meridie existente, Sole in septentrione, q̄ econtra, quia Sol in septentrione minor apparet (vt dictum est) quare vmbra longiorem à terra iacit & latiore, vbi eclipsis fit. Existens vero in meridie maioris diametri fit, quare & vmbra angustior & breuiorem producit. Sit Solis diameter in septentrione a b, in meridie c d, terra sit e f, luna vbi g k l h. manifestum igitur q̄ à diametro a b vmbra à terra fiet e f o, lata, vbi luna per totam g h: à diametro vero c d vmbra à terra producet e f n, lata, vbi Luna, quantum est tota k l:



**B** at multo maior est g h, q̄ k l. in septentrione igitur existente Sole eclipsis maior & diuturnior lunæ est. Eclipses autem Solis, quæ in septentrione fiunt, maiores videntur, q̄ quæ in meridie, quoniam in septentrione tum Luna, tum Sol minoris diametri redduntur, in meridie vero maioris. Crescentibus igitur in meridie vtriusq; proportionaliter superat quidem Sol Lunam maiori excessu, q̄ in septentrione se habebat, quare minus eclipsatur in meridie. Si enim 2 & 4, p̄portionaliter crescant, 2 quidē ad 4, 4 autē ad 8, tunc 8 maiori excessu superabit 4, q̄ 4 superet 2: proportio quidem eadem manet, dupla scilicet in vtroq; at excessus est in altero maior, 8. n. superat 4 per 4, 4 vero superat 2 per 2. solum: p̄pter quod minor in meridie Solis eclipsis videt̄. sed de eclipsibus multa fortasse dici possent, quæ ad præsens institutum non pertinent.



*De diuersitate aspectus in quadraturis, & in motu veloci & tardo. Cap. 23.*


**N**unc de diuersitate aspectus, quæ in Luna apparet, prosequamur, quæ duplex erat, altera in quadraturis, altera in veloci Lunæ motu:

*Fracastorij*

*P*

*tu:*

tur in utroque. n. Luna & maior, & propinquior apparere dicebatur, & loca aspectus maxime euariare. Necessarium autem est autem ita re esse, ut propinquior fiat, aut apparere tantummodo. Astronomi igitur, quum non viderent, quomodo contingere posset per apparentiam, existimassentque causam omnem exclusisse, quæ ad medium reduci posset, ita esse re ipsa dixere. at vero non ita certe fuit, ut causam omnem excluderint, quæ è medio pedere posset, nam tametsi causam ex aere omnem, & ex aqua, & eiusmodi excludere, non tamen, quæ ad cœli partes referri possent, animaduertere. diximus. n. supra non solum aerem, & aquam, & id genus posse esse medium specierum, quæ à stellis veniunt ad visum nostrum, sed & cœlum ipsum, & cœli partes, quarum alie sunt specula reflexionis tantum (ut stellæ) alie mediū refractionis esse possunt eo pacto, quo aer, & aqua, & vitrum, & in summa diaphana omnia corpora densiora. Hæc igitur omnia in memoriam reuocanda sunt, necnon & illud quoque repetendum est, ac supponendum nobis non solum maiora propinquioraque videri, quæ per densum mediū species mittunt, sed & illa etiam, quæ per plus densi mediū veniunt: quo pacto ea, quæ in fundo aquæ cernuntur, maiora apparent & propinquiora, & ipsa etiam Luna talis sit propè horizontem, & in septentrione, ut supra monstratum fuit. Quod igitur in quadraturis maior appareat Luna & propinquior, causam esse dicimus, quod species Solis in Lunam incidens per plus orbis refringitur in eo loco, quàm in omni alio extra quadraturas. Sit orbis lunæ g f d h, tantæ crassitie, quanta est k h: Sol vbi a, superior enim est: Luna in quadratura, vbi c, vel vbi e. manifestum igitur quod species Solis seu radij ad Lunam veniunt alij per lineam b c, alij per l c, illi scilicet, qui in summo refranguntur, vbi l: similiter in alia quadratura alij veniunt per d e, alij per l e: nullæ autem longiores lineæ esse possunt posita Luna in omni alio loco, quàm sint prædictæ, quod satis manifestum est: quare per plus orbis accedit refrangi speciem Solis in quadraturis, quàm in omni alio loco, unde & maiorem et propinquiorem videri Lunam accedit non aliter, quàm ea, quæ in profundo aquæ cernuntur. Quinimo quædam specilla ocularia fiunt tantæ densitatis, ut si per ea quis aut Lunam, aut aliud siderum spectet, adeo propinqua illa iudicet, ut ne turres ipsas excedat: quare nec mirum videri debet si per orbium partes idem quoque cōtingat. Cuius rei & illud quoque signum est, quod & planetæ reliqui eo etiam maiores apparent, quo ad quadraturas accedunt. ipsi etiam obseruauimus





**A**mus Iouem in quadratura multo maiorem solito. Maior igitur & p̄pinquior quum appareat in quadraturis Luna, magis etiā eo tempore aspectum euariabit, & loca in zodiaco eludet, ad aspectū enim euariandum nihil refert, siue re ipsa propinquior sit, siue appareat, idē. n. omnino fit.

Nunc autem & quo etiam modo maior, & p̄pinquior videatur, quū motu veloci fertur, expediāmus. Verum nobis vnum licere, ac concedi rogamus, quod alijs Astronomis nemine aut admirante aut reclamante semper licitum, ac cōcessum fuit: oēs. n. sub Luna vnum orbem statuūt, quē Deferentē vocāt: id ēt nobis licere existimamus: vt nemo turbari debeat, si sub Luna orbem aliū ponamus, eo rectius, q̄ alijs, q̄ non ecentricū ponimus. hoc, si vlli incōueniens videtur, illi nolumus hęc fuisse scripta.


Porro & si orbi huic partes non vniformes demus, sed alias rariores, alias densiores, nunquid & hoc inconueniens existimabitur? at certe neminem aut tamignarū, aut tam iniquum fore existimamus, cui hoc inconueniens videatur, quando & in Luna ipsa, & in tota Aplane ea partium diuersitas manifesta omnibus esse potest.

Ergo sub Luna orbem vnum ponimus, qui partibus quidem magno pere difformis & inæqualis sit, alibi quidem densior, alibi rarior, perspicuum tñ vndequaq; & transparens corpus. videā aut densitas eius per lōgitudinem media protendi, quasi zona quēdā dēfior totā mediam lōgi-

**B**tudinem ambiat, partibus alijs succēsiue magis & magis rarefcentibus:

vt si orbis hic sit a b d e, zona dēfior erit a c d f, reliquæ vero partes rariores erunt, præsertim vbi b & e. Huius igitur orbis motū esse dicimus in latitudinem à meridie in septētrionē per b e, ea ad Lunā proportionē, vt, quum velocissimū illa motum agit, tum orbis hic subalternā cum Lunę circulo zonam densiorē habeat, quum vero ipsa tardissimo incedit motu, tum & orbis hic subalternam

hēat rariorē partē b aut e. Videtur igitur motus eius duplo tardior esse circunductione eius Circitoris, qui velocitatē & tarditatē Lunæ præbet, etenim quū Circitor subalternus est Lunæ in medietate iuuante, tunc et zona quoq; ipsa densior subalternā Lunæ fit: quū vero subalternus Circitor est in medietate cōtraria, tunc zona p̄ quartā solum vnā distat à subalternatione, ac rarior pars b aut e subalternā ipsa Lunæ fit. Hinc ea oīa contingunt, quæ in Lunæ velocitate diuersitatē faciunt in aspectu. Subalternā. n. existente zona illa densiore' necesse est maiorem, p̄pinquiorēq; nobis Lunā videri, refracto plurimū Sole, nihil enim est aliud Luna visa,



P ij quàm


quàm Solis species in Lunam incidens ceu speculum, & inde ad nos reflexa: quæ quum per mediū densius defertur, maius quidē ac p̄pinquius speculum ipsum offert, non aliter, q̄ si idem Sol per aquam aut cristallū reflectatur ad visum nostrum. Inde & eclipses illas maiores videri accidit, quæ Luna motum velocē habente contingunt: si enim Solis eclipses sint, accidit maiores quidē videri Luna maioris diametri apparente, plus .n. de Sole obscuratur à Luna: si vero sint eclipses ipsius Lunæ, maiores etiam apparent, qm̄ & vmbra, quæ à terra in Lunā iacitur, maior etiā ipsa redditur per mediū densius transiens, idem .n. & Luna, & vmbra, quæ in eam cadit, sustinet: qua de re, quū Lunæ centrum in latiori vmbra versetur, eclipsis maior & diuturnior fit: cuius rei si quis cupit similitudinem quandam atq; exemplum recipere, facillime quidē poterit ad Lucernæ lumen idem coexperiri: si .n. inter lucernam & parietem globulū aliquē sistat, cuius vmbra in parietem cadat, tum super vmbra illa vel cristallū, vel vitrum, vel densum aliud corpus, sed diaphanum statuatur, videbit quidem vmbra multo maiore latioremq; factam: solet enim idem & vmbra à medio pati, quod & color & lumen. p̄pter hāc ergo causam Lunę eclipses maiores vidētur Luna motū velocem agēte, in maiori .n. vmbra versatur Luna. Est autē & maior vmbra alio pacto: Lunā .n. propinquiorē terris apparentem accidit in maiori, latioriq; vmbra versari, qm̄ pyramidalis est vmbra terræ, & latior semper, quo terræ propinquior est. Sit Sol a b: terra c d: vmbra terræ c d k: Luna propinquior apparens e f, remotior apparens g h: palam igitur est e f in maiori vmbra versari, q̄ g h. ad apparentiam autem faciendam nihil refert (vt diximus) siue Luna p̄pinquior sit, siue appareat.

Propter has igitur causas, quæ circa Lunam visuntur, contingere existimandum est. De eo autē orbe, quem nos sub Luna ponimus, operæpretium erit, si quædam dicantur, quo nemo existimet nos rem & valde nouā, & valde irrationabilem induxisse: neq; .n. nouum inuētum est nostrum hoc, neq; extra rationē appositum: nouum quidem non est, tum q̄ (vt diximus) & idem astronomi faciunt, tū q̄ philosophi multi orbē vnū sub Luna esse opinati sunt, inter quos & Seneca fuit, qui non quidem p̄pter causam in Luna, sed p̄pter cometas eiusmodi orbem posuit. Rationabile porrò videtur aut saltem non prater rationem esse orbē sub Luna, qui in latitudinem circumuertatur, cū p̄pter bonum ac finem in natura, tum p̄pter quædam, quæ circa cometas apparent vltra ea, quæ & circa Lunam videntur. Primum .n. si eius modi






- A** modi orbis sub Luna sit, qui in latitudinem circumagatur, recte puidisse naturam censebimus, quo partes illæ damnatæ ignis & aeris, quæ sub polis sunt, quandoq; inde abductæ in æquinoctialem trahantur, ac contra, quæ sub æquinoctiali ac sub Tropicis sunt, qñq; sub polos ducantur, atq; ita tota ea sublunaris regio contemperetur. At vero & talem esse orbem, qui motū sub Luna habeat in latitudinem, præter ea, quæ in Luna apparent, sunt & signa quædā alia circa cometas visa: nam, quos aut legimus, aut vidimus cometas, omnes constat motum vel notabilem in latitudinem egisse. Legimus aut cum alios multos tales fuisse, tum eū, qui 1472 visus est mēse Februario, Sole in Aquario gr. ferè 11 existente: fuit autem pogonias, qui quum prius australior fuisset, q̄ libra, mox adeo septentrionalis factus fuisse legitur, vt ultra æstium Tropicum spectaretur. Nos vero tres illos cometas, qui annis superioribus apparuere, diligentissime obseruauimus, ac omnes miro quodam motu in latitudinem non parum actos conspeximus, circa quos si paulisper digrediamur, motusq; eorum admirandos recenseamus, & gratum & optabile cunctis fore arbitramur. Ergo anno 1531 primus cometa visus est die 8 & 9 septēbris: apparuit aut primum matutinus ac valde septentrionalis (vt pote q̄ æstiuo circulo borealior multo esset, idē mox circa 13 diem vespertinus emerfit circa æstium circulū: sequentibus vero diebus longitudine parū mutata, in latitudinem adeo sese egit, vt ultra æquinoctialē spectaretur non longe à Ioue, qui tum in gr. 13 Scorpij vertebatur, circa diem autē 18 senfim absumptus fuit. Huius igitur motū si recte consideremus, videbimus certe factum per talem arcum fuisse, qualis est d e f ad æquinoctialem a b c: matutinus. n. erat in d ante Solem, qui erat vbi b, mox vespertinus apparuit retro à Sole ab e vsq; ad f. Secundus autē visus fuit anno 1532 semper matutinus ante Solem: stella erat triplo maior Ioue, Coma autem seu barba longitudinis brachiorum duorū. videri autem cepit die 22 Septēbris, ac perdurauit vsq; ad diem 8 Decēbris, qui fuere dies circiter 71. Ex quo aut nos obseruare p instrumenta cæpimus, erat primum cometa in Virgine gr. ferè 5, australis ab æquinoctiali gr. circiter 6, ab ecliptica gra. 15; mox in Virgine visus est gra. 7, australis ab æquinoctiali gr. 3, ab ecliptica gra. 14: deinde & in Virgine gr. ferè 11, ab æquinoctiali australis gr. 1, m. 31, ab ecliptica gr. 12: ab inde vero & in Virgine gr. 12, & mox 17 visus est septentrionalis ab æquinoctiali gr. 4, ab ecliptica australis gr. 3. die vero 12 Octobris fuit in Virgine gr. 21, septētrionalis ab æquinoctiali.



noctiali gr.3, m.30, ab ecliptica gr.0. die 24 fuit in libra gr.12, septentrionalis ab ecliptica gr.2, australis ab æquinoctiali gr.2. die 4 nouembris visus fuit in Scorpio gr.8, australis ab æquinoctiali gr.6. erat aut tenuis & penè euanescens. ad diem vero 3 Decēbris absumptus omnino fuit. Eius autem motus, si recte confideretur, videbitur factus fuisse per arcū g h k, ad æquinoctialem a b c, tres aut habuisse motus, vnū ab ortu in occasum consequentem raptū vniuersi, alium sequentem Solis motum scđm successiōnem signorum in longitudinē à gr.5 Virginis vsque ad 8 Scorpj, tertium in latus. Tertius vero cometa sequenti anno 1533 ab aliquibus visus fuit die prima Iulij inter pleiades & stellas, quæ sunt in cornu Arietis, à nobis nō nisi die 7. oriebatur aut hora ferè 2 noctis, stella erat paulo maior Io-




ue, verū caudæ aut barbæ tam longæ, vt militaris hastæ longitudinem in cœlo æquaret. erat aut, quum prima visus à nobis fuit, in capite Gorgonis, ac triangulum penè faciebat cum duabus illis stellis, quæ supra lucidam sunt: sequenti nocte elongatus ab illis fuit septentrionem versus gr. ferè 2. die vero 21, hora circiter 8 noctis visus fuit, ppè stellā, quæ est in dextra Persei manu, vbi est ensis, quare gr. ferè 15 abscefferat in latitudinem à loco, vbi primū visus à nobis fuit. die 27 apparuit, ppè stellā, quæ est in cathedra Antiopes, septētriōalis gr. ferè 30 à prima die, qua eū vidimus, in latitudinem actus, à prima autem die, qua alij eum uidere, gr. ferè 65.

Obiter aut nec filebimus vnū, quod cōe fuit his tribus cometis, dignū (vt arbitror) relatu: oēs. n. comam seu barbam p̄icere è directo semper in oppositā Soli partem, ut si Sol in æquinoctiali fuisset uersus oriētē, barba in æquinoctiali uersus occidentē protendebatur, & quantū Sol vnā in partem deflexisset, tm̄ in oppositam barba illa semper & ipsa sese vertebat: quod & ille etiā cometa fecisse legitur, qui anno 1472 apparuit.


Horum igitur cometarū motus in latitudinem factos cōmode quidem demonstrare poterimus, si sub Luna ille orbis sit, qui in latitudinē motū habet: si uero nō sit sub Luna orbis ille, difficulter quidem rationem assignare poterimus, cur fiat, ut comete oēs motū illum in latitudinem habeant: Quod. n. consequantur pabulū, nō satis verisimile videtur, primū q̄ valde mirum esset oēs cometas pabulum illud habere in latitudinē ita p̄tentum: deinde & magis mirum videretur per tm̄ spatij, tanto ordine, & æqualitate constitutum illud esse, quum in alijs eiusmodi accensionibus, quæ pabulū insequuntur, videamus ipsas inordinate, & per quosdā quasi



**A** quasi saltus ferri, tum & figuras earum pro pabuli diuersitate mutari, & colores, & reliqua, at in prædictis cometis idem ordo, eadē figura, & color immutata oīa permansere. Adde q̄ rationabile non uidetur, ut idem modus adustiois & hipercaumatis in æquinociali & circa Tropicos fiat, qui circa septentriones & arcticum circulū, quam ob causam, si quis etiā bene notauit eos cometas, manifeste illos vehi deferriq̄ una cum aere, in quo sunt, diiudicare potuit: nam sicut à motu raptus uniuersi coeli in longitudinē feruntur ab oriente in occidentē, ita & in latitudinem portari consentaneū est existimare. quapp nec longe abest, quin arbitrari de beamus à sublunari illo orbe hunc transuersalē motum cometis dari, cuius si polos statuamus in Virgine & Piscibus, medius autem circulus per Geminos & Sagittarium feratur, intelligere forte poterimus, quomodo prædicti tres cometæ in latitudinem acti sint. Circūducto enim summo aere cum eo, & una ijs accensionibus, quæ in aere sunt, circa polos quidem eius orbis plures est circulos itelligere, alios maiores, alios minores, quales sunt circa b polum, fg hk minor, & a d c, maior. si igitur æquinocialis sit a b c, primus cometa motus fortasse fuit per circulum a e c d. septentrionalis autem erat à principio & matutinus vbi e, Sole existēte vbi h: mox vespertinus factus fuit per arcum e c l, ac simul australis uisus est ubi l.



**B** Secundus autem in minori circulo actus primum australis fuit, ubi g, mox & in æquinocialē perductus in f, atque inde etiam factus septentrionalis in k, ac postremo rursus australis reductus, per se quidem descripsit circulum f k h g, per accidens autem protraxit arcum oblongum g f k h ad æquinocialē a b c, propter motum in longitudinem, quem insequendo Solis motum habuit. Tertius autem Cometa per circulum adhuc maiorem & forte per medium circulum sublunaris orbis tantum latitudinis obijt. Verum de motibus horum cometarū ita verisimiliter dictum à nobis sit, neque enim in omnibus certæ demonstrationes sunt expectandæ, sed pro materia, si quæ possibilia sunt, induxerimus, satis quidem,



dem, quantum attinet ad institutum nostrū, fecisse dici debemus.

C

*De orbibus Lunæ seruiantibus.*

*Cap. 24.*

**V**identur autem, qui Lunæ orbis seruiunt, omnes numero septem esse, quorum primus est, quem alij Deferentem Draconis vocāt, qui sectiones Lunæ mouet diebus singulis m̄ 3 aduersus signorum ordinem. Secundus est Circuducens, qui in latitudinem circūfertur diebus 27, horis circiter 13. sub eo est Circitor eodem tempore circunductus & ipse, cæterum pprio motu Luna tardior, qui modo citat, modo eā tardat. sub quo est Cōtrauectus suus, & sub illo Anticircitor, per quem fit, vt in latitudine Luna à Circitore non in opposita agi possit. sub eo est Contrauectus suus, ab his lunæ orbis sequitur, & sub ipso sublunaris vltimus orbis, qui in latitudinē circūfertur mō subiectus Lunæ per densiorem partem, modo per rariorem. Atq; hæcenus de sphæris omnibus, quæ sint, & quibus ferantur motibus, & quæ sint eorum, quæ circa ipsas apparent, causæ, p conditione materiæ dictum sit.

Videntur autem p assignatam rationem sphære omnes numero septem & septuagita, 8 quidem earum, quæ stellas habēt, reliquarum vero 69: quarum 6 sunt supra Aplanen, supra Saturnum 10, supra Iouem 11, supra Martem 9, supra Solem 4, supra Venerem 11, supra Mercurium 11, supra Lunam 6, infra 1, omnes omnino 77: q̄ si Soli quis addat duas, erunt ad summum 79.

*Quomodo antiqui Eudoxus & Callippus apparentia in stellis demonstrabant.*

*Cap. 25.*

**Q**uod superest, illud non ingratum existimamus futurum, si cum his annectamus, quod plerique audire desiderant, quæ nam astronomiæ ratio temporibus antiquorum fuerit, Eudoxi præsertim, & Callippi, quorum placitis visus est Aristoteles acquiescere: quanquam non me latet eam rem coniectura potius, quàm certa ratione complecti posse, quādo nihil nostris temporibus de eorum opinionibus extat, præter paucissima quædam, quæ circa primam philosophiam Aristoteles reliquit: verum etiam illa cum per se multa in difficultate posita sunt, tum ab expositoribus varijs modis interpretata. si qua tamen licet de ijs conijcere, hæc ferè esse existimanda sunt.

Eudoxus igitur, qui ante Callippū res astronomicas pertractauit, primum, quæ circa Solem & Lunam apparebant, in tribus sphæris ostēdit: nam & motus tres in vtroque cōspiciebantur, quorum primus est, qui

ab



**A** ab ortu in occasum fit, secundus est, quo vterque videtur per zodiacum ab occasu in ortum agi, tertius erat, quod declinationes eorum maximæ ab æquinoctiali variari percipiebantur. Luna enim secundum maximæ declinationis punctum nunc in vno signo, nunc in alio cernebatur, Sol vero in maxima sua declinatione, videbatur nunc magis ab æquinoctiali distare, nunc minus. Ad hæc igitur demonstranda primum sphaeram vnā ponebat, quæ vicaria Aplanes motum diurnum daret: suam Soli, & suam Lunæ: sub hac aliam vtrique ponebat, cuius motus per medium zodiaci, hoc est per eclipticam erat, à qua dabatur motus, qui per zodiaci longitudinem protenditur: tertia vero, in qua astrum ferebatur, erat obliqua secundæ, hoc est eclipticæ: & declinabat ab ea, Lunæ quidem sphaera magis, solis minus. Hæc igitur à secunda per zodiaci longitudinem ducebatur, motu autem suo faciebat, ut stella non in eadem maxima declinatione semper maneret, sed Luna modo in vno signo, modo in alio videretur, Sol magis & minus declinaret ab æquinoctiali. atque hæc significauit Aristoteles scribēs, Eudoxus igitur Solis & Lunæ vtriusque lationem in tribus posuit sphaeris, quarum primam esse non errantium stellarum, secundam autem per eum circulum ferri, qui per medium zodiaci est, tertiam autem per obliquum circulum ad latitudinem signorum: in maiori autem latitudine esse eum, per quem Luna fertur, quam eum, per quem Sol.

**B** In planetis autem alijs quinque, qui retrogradationem sustinent, quatuor sphaeris in singulis utebatur, quarum primæ duæ eadem erant cum ijs primis, quæ in Sole & Luna positæ fuerant, & propter eandem causam: prima erat vicaria Aplanes, & motum diurnum dabat, secunda per medium zodiacum mouebat, duas autem reliquas ponebat ad demonstrandam directionem & retrogradationem. Tertia igitur polos in zodiaco habebat supra & infra, vertebatur autem in latitudinem per æquinoctia, cui quarta obliqua erat, & in contrarium mouebatur. poli autem huius quartæ à polis tertiæ per tantum distabant, quanta erat retrogradatio. Ut si ecliptica fuisset a b c, poli erant tertiæ b, quartæ vero d. Si igitur stella fuisset vbi d, oportebat circūacta tertia sphaera in latitudinem per a m c, d polum quartæ & stellam ipsam describere paruum circulum d e f g, quare & modo directam ferri, modo retrogradam. quoniam vero quarta sphaera super polo d habet proprium motum, & in oppositum tertiæ mouetur, siquidem ponatur duplo velocius ferri, accidet d in eadem



*Fracastorij.*

Q

linea

linea semper stantem, modo ante, modo retro agi: si vero non duplo velocior fuerit, accidet d quidem & ante, & retro agi, sed non in eadem linea, sed latitudinem quandam trahere. Quos motus quidam recentiores animaduertentes putarunt viam nactos se esse ad ostēdenda omnia, quæ circa stellas apparent. ita igitur Eudoxus de planetis existimabat, de quo sic Aristoteles scribit. Planetarum vero aliorum cuiusq; in quatuor sphaeris, quarum prima & secunda eadem est, quæ & Aplane ferēs omnes, & quæ sub ea posita est, quæ per medium zodiaci motum habet communem omnibus: tertiæ vero omnium sphaeræ polos esse in eo circulo, qui per medium signorum transit: at quartæ conuersionem esse per circulum, qui obliquus est ad medium circulum huius. dupliciter igitur possumus imaginari circulos quartæ, & tertiæ sphaeræ secare sese inuicē, vno quidem modo, q̄ fecent se ad rectos angulos, poli aut̄ vnus sint sub polis alterius, stella vero à polis distet quanta est retrogradatio: ac sic quidē sequetur planetam modo directū, modo retrogradum agi per circulū à se descriptū. verum circulus ille in Venere, & Mercurio, tam immēsa, & tam manifestæ latitudinis fiet, vt credendum non sit hoc voluisse Eudoxum. Alio modo putare possumus circulos illos sese inuicem secare ad angulos acutos, ac obliquos solum esse, polos autem inter se distare, quanta est retrogradatio planetæ, ac in polo quartæ planetam esse, vt supra diximus. Si igitur ita existimemus Eudoxum voluisse, euitabimus D immensam illā latitudinem dictā, sed planeta ante retroq; agetur per eandem lineam, si circulus quartæ in oppositum tertiæ feratur, duplo autem velocior sit: aut ante & retro ducetur non per eandem lineam, si nō sit duplo velocior. ita igitur Eudoxus de planetis opinabatur.

Callippus aut̄ partim cum Eudoxo cōueniebat, partim ēt discrepabat. Conueniebat quidē in ordine situq; planetarū, tum & in interuallis eorum, hoc est in ijs sphaeris, quæ inter vnum planetā & alium ponebātur. itē & in Saturno ac Ioue concordabat contentus quatuor illis eisdē sphaeris, quas Eudoxus posuerat. Dissentiebat autem primum in Sole, & Luna, deinde & in tribus alijs planetis Marte, Venere, & Mercurio. quippe in Sole & Luna addendas duas alias sphaeras cuiq; tribus autem illis planetis vnam, supra eas, quas Eudoxus posuerat, existimabat. In Sole igitur & Luna primū tres illas, quas Eudoxus statuerat, necessarias putauit & Callippus propter dictā superius rationem: verum quum alia quædam circa Solem & Lunam animaduertisset, quæ Eudoxo nota non fuerant, ad ea demonstranda vidit vltra prædictas opus esse duas alias sphaeras cuique illorum addere: animaduertenter enim, quod mox clarissimum fuit, Solis & Lunę cursum æqualem non esse, sed modo velocem, modo tardum



**A** dum procedere: ad hanc igitur inæqualitatē ostendendam illas duas sphæras superaddidit, quas Eudoxus in tribus planetis posuerat vltimas, tertiam scilicet, & quartam, quæ sese interfecant ad obliquos angulos. Verum in planetis illis retrogradis oportebat motum, quo ante & retro ducebantur, velociorem esse secunda sphæra, quæ per zodiacum mouebat, sic enim retrogradatio fieri poterat: at in Sole & Luna tardiores oportet illum motum esse, sic enim non retrogrados agi Solem & Lunā, sed modo tardos solum, modo veloces. Ceterū omnia eadem sunt. Tribus autem planetis reliquis Marti scilicet, Veneri, & Mercurio vnā solā cuique sphæram addendā putauit: nam primum cuiq; illorum necessarias esse illas tres vidit, quæ ab Eudoxo positæ in Solæ & Luna fuerant: de prima enim, & secunda dubium non erat, at & tertia necessaria videbatur, quoniam & in ijs maximæ declinationes ab æquinoctiali variari percipiebantur, quemadmodum in Sole & Luna. in Saturno autem, & Ioue nondum hoc constabat propter tarditatem motus eorum, at in his tribus, quorum conuersio brevis est, melius animaduerti poterat. Necessariæ igitur quā essent tres primæ sphære, tum & duæ reliquæ necessariæ erāt ad demonstrādā directionem et retrogradationem earum per eundē modū, quo & Eudoxus vsus fuerat, quā ob rem quinq; in ijs tribus planetis sphæris vti Callippo placuit, quum Eudoxo solū quatuor placuissent.

**B** Aristotelis autem verba de his sunt hæc.

Callippus autem positionem quidem sphærarum eandem cum Eudoxo posuit, tum & interualla eadem: porro ei, quæ Iouis, & quæ Saturni, eandem sphærarum quantitatem dedit: Soli vero & Lunæ duas insuper adijciendas existimauit, si quis præstare debet, quæ apparent. Reliquis vero planetis vnicuique vnā.

Porro Callippus in alio etiamnum ab Eudoxo discrepauit, quod ille non animaduertat. quoniam enim omnes superiores sphære secum ducunt & illas, quæ infra sunt, oportebat quidē per preassignata, quot motibus superiores planetæ agerentur, totidem & inferiores trahi, quum autem hoc non appareret, necessarium vidit Callippus esse, vt contrauectæ sphære ponerentur, quæ reuoluentes seu restituentes appellantur: quarū officium est tantum restituere sphæram aliquam, quantum superior in oppositam partem duxisset. Sphærarum igitur aliæ Ferentes appellātur, quæ sunt supra planetā, & ipsum aliq; in partem ferunt ac mouēt: aliæ Restituentes dicuntur, quæ Contrauectæ Ferentibus sphæram restituunt. in omni igitur ordine planetarū vidit Callippus vnicuiq; Ferenti oportere suā Restituente opponi, excepta vltima sphæra, in qua est stella: hæc. n. Restituente non indiget, quæ sibi opponatur, quā hæc tā in Sole & Luna,

Q ij quā

quàm in alijs planetis vnum solum habet motum resultantem ex quarta & quinta, quare illis vtrisque vna sola Restituens satis est, quæ opponatur, ex quo fit, vt Restituentes in vno quoq; ordine pauciores sint, quàm Ferentes, pauciores autem vna tantum, quando vltima, in qua est altrû, Restituentem non poscit.

Incipiētibus igitur nobis à Saturno palam est Ferentes illius esse quatuor (vt dictum est.) ne igitur ab illis Iuppiter simul trahatur, opus est sub Saturno Restituentes collocare vna pauciores, q̃ sint ferentes Saturni, 4 autem quum essent Ferentes eius, restituentes quidem 3 tantum erunt, quæ non solum supra Iouem sunt, sed supra globum omnium Ferentiũ eius. illæ igitur Restituentes primam Ferentem Iouis, & cum illa omnes alias, ac simul & Iouem ipsum restituant. porro & Iouis Ferentes erant 4: tres igitur erunt Restituētes sub eo, quæ Martem restituant. At vero Mars quinque habebat ferentes: erunt ergo

sub ipso restituentes 4, quæ restituant Venerē. Venus quoq; & ipsa 5 Ferentes habebat: quatuor igitur sub se restituentes tenebit, quæ Mercurium restituant. sed et Mercurius Ferentes habebat 5: poscet ergo restituentes 4, quæ Soli seruiant. at & Sol 5 ferentibus tenebatur: volet igitur restituētes 4, quæ restituant Lunam. Luna postremo tametsi ferentes 5 habet, nullam restituentē sortita est, quum sub ipsa nulla alia sit sphaera. erunt igitur ferentes omnes numero 33: 8 quidem Saturni & Iouis, aliorum vero 5, 25. Restituentes autem omnes erunt 22: 6 quidem Iouis & Martis, aliorum vero quatuor sedecim: oēs autem tam ferentes, q̃ restituentes ad summum erunt numero 55. q̃ si quis in Sole & Luna demat illas duas ferentes, quas Callippus superadiecit, vt forte curiose additas, vt Aristoteli videbatur, necesse erit & simul demere duas restituentes: demptis autem sex è toto numero sphaerarum 55, remanebunt omnes 49, vt veriores textus in Aristotele habent: non enim si duæ ferētes in Sole, & duæ in Luna demantur, necesse est 4 restituentes demi, quoniā sub Luna nulla restituens est. de his igitur ita Aristoteles scribit.

Si autem omnes simul positæ debent apparentibus satisfacere, necesse est secundum vnumquenq; planetā esse alias sphaeras vna pauciores, quæ reuoluant, & ad idem restituāt semper primam sphaeram stellæ infra ordinatæ: hoc enim pacto solum cōtinget planetarum motus præstare omnia,

	Ferentes		Restituētes.
Saturni	4	Iouis	3.
Iouis	4	Martis	3.
Martis	5	Veneris	4.
Veneris	5.	Mercu.	4.
Mercurij	5.	Solis	4.
Solis	5.	Lunæ	4.
Lune	5.		
33		22	
55			



**A**nia, quæ apparent. Quoniam igitur ferentium sphaerarum alia 8 sunt, alia 25, & harum non necesse est habere restituentem solam illam, quæ astrum ultima fert, restituentium quidem sex erunt duorum primorum, sedecim vero posteriorum quatuor, quare omnium numerus & ferentium, & restituentium erunt 55. Si vero Soli & Lunæ non addiderit quis, quos diximus, motus, omnes sphaeræ erunt nouem & quadraginta.

Videtur autem Eudoxus & Callippus noluisse Aplanen orbem vnicuique planetæ motum diurnum dare, sed Soli Saturno, in reliquis voluisse esse in singulis sphaeram, quæ vicem Aplanes suppleret: alioqui sphaeræ omnes 55 non fuissent, si Aplane, quem primum orbem censebant, sphaeras omnes ab ortu in occasum mouisset. Causam vero, cur ita opinarentur, ego inde fuisse existimo, quod planetas viderent inæqualiter ad occasum duci, alios citius, alios tardius, quod posse contingere propter obliquum eorum motum atque oppositum non credebant, quum viderent ipsum in latus solum ferri. quum ergo in occasum ducerentur planetæ inæqualiter, ab Aplane autem hoc dari non posset, putarunt vnumquenque illorum habere suam sphaeram, quæ motum diurnum daret, alijs citius, alius tardius: propter hoc ipsi Aplanæ, quæ erat vna ferentium Saturni, opponebant suam restituentem supra Iouem, deinde sub omnibus restituentibus ponebant vicariam Aplanes sphaeram, quæ ab ortu in occasum

**B** Iouem duceret certo & statuto tempore. similiter & in Marte aliam ponebant, & ita in reliquis. atque ita quidem antiqui videntur de planetis existimasse, & causas eorum motuum per Homocentricos orbis reddidisse, defectuose quidem in multis; propter quod Hipparchus (vt Ptolemæus refert) opus ædedit, in quo placita Callippi & Eudoxi quum sustulisset, viam Ecentricorum induxit.

*Quod ecentrici orbis, & epicycli in natura non sint. Cap. vltimum.*

**I**llud postremo è toto negotio reliquum, ac supremum esse videtur, vt (quod à principio promisimus) rationem de ecentricis orbibus atque epicyclis habeamus: nam quod (quoniam necessarios non esse propter apparentia ostendimus) simul etiam demonstremus & non posse esse eos in natura, & apparentium pluribus aduersari. Primum igitur statuamus nullam naturam tota specie deficere in eo posse, in quo præcipue ac per se esse perfecta debet, vt si hominis perfectio sit intelligere, impossibile est totum humanum genus insanum esse: & si oculi perfectio est videre, impossibile est omnes oculos cæcutientes esse. Secundum quidem indiuiduum aliquod nihil fortasse prohibet deficere naturam aliquam in ijs, quæ in materia sunt: & casus, & accidentia multa patiuntur: at secundum totam

ram speciem vel in ijs impossibile est. Ad hæc autem & illud constitua- C  
 mus cœlestium corporum vti finis est sphærice moueri, ita & propriam  
 eorum perfectionem in sphæaræ ratione cōsistere. in ea igitur deficere ali-  
 quod vnum illorum impossibile est: si enim vnum deficeret, & tota defi-  
 ceret species aliqua, in ijs. n. idem est indiuiduum, & species tota, quā ob  
 causam illi in primis orbes, quos Deferentes vocāt, ecentricos vna super-  
 ficie, esse quidem in cœlestium natura non possunt, quando à sphæaræ ra-  
 tione longe deficiunt, quæ est circa centrum ytraq; superficie æqualiter  
 verti. At vero nec minus illi esse in natura non possunt, quos simpliciter  
 Ecentricos vocant: quærere enim licet, vnde habeant ij, cur non circa cē-  
 trum conuertantur, num per se & à natura, an per accidens aliquod: at p-  
 se quidē hoc habere non recte dicitur, tum quia ipsi per se sphærici sunt,  
 & nati circa centrum equaliter (quemadmodum & alij) verti, tum quia,  
 si per se aliud centrum habeant, q̄ vniuersi centrum, oporteret duo cētra  
 per se in natura esse, quod esse non posse vel vocabulum ipsum ostendit:  
 vnum enim omnium corporum centrum est, ad quod, & à quo, & circa  
 quod feruntur omnia. Si vero per accidens aliquod habent ecentrici illi,  
 vt non circa centrum agantur, vt quia siti sint inter Deferentes ecentri-  
 cos, tum quidem sequetur aliquid per se natum aliter esse, æterno tamen  
 tempore frustrari: quod certe cum in omnibus, tum præcipue in cœlesti-  
 bus, & sempiternis est impossibile. D

Ad hæc autem, si in natura sint eiusmodi sphæaræ, necesse est eas nō so-  
 lum specie à reliquis, sed tota natura & plusquam specie differre, quod  
 in æternis esse non posset: genus enim si habeant, iam & in materia erūt,  
 & simplicia definient esse:

Propter eandem causam neq; illi, quos epicyclos vocant, esse possunt  
 in cœlestium natura: si. n. non continuus est cum orbe epicyclus, sed con-  
 tiguus solum, & naturam habet non se circa centrum aliorum vertendi,  
 sed circa centrum suū, alienæ omnino naturæ esse necesse est, & quæ ab  
 alijs differat plusquam specie, quod inconueniens certe est, tum quia nō  
 possunt æternā plus, quam specie differre, tum quia irrationabile est par-  
 tem aliquam esse in sphæra, quæ non eiusdem naturæ sit, imo q̄ alienissi-  
 mæ. quapropter magis etiam repugnant naturæ epicycli, q̄ ecentrici.

Illud præterea valde mirum videri potest, q̄ ecentricis orbibus nullū  
 Astronomi proprium motum dent, exceptis Mercurij ac Lunæ Deferē-  
 tibus: sed hæc vniuersalia sunt, nunc sigillatim circa vnumquenq; orbē,  
 quantum absurditatis sit, inquiramus.


In tribus igitur superioribus planetis epicyclum ponunt, cui duos af-  
 signant motus, alterū in latitudinem, quam inclinationem vocant, alte-  
 rum



**A** rum in longitudinem: inclinari autem epicyclum à sectione vsq; ad punctum medium, mox releuari resupinariq; vsq; ad sectionem aliam. quæ omnia ita esse mirandum est ab Astronomis dici, quo autem modo esse possint, non dici. primum enim oppositi motus sunt, quod inclinari epicyclum, mox releuari aiunt: à quo igitur dabuntur oppositi illi motus? p se enim vnum tantum illorum habere epicyclus potest, quanq̃ mirū & illud sit, quī fiat, vt quum inclinari epicyclus cepit, motum tamen nō cōtinuet, ac reuolutionem absoluat: præterea vnde duos illos motus habet in longitudinem et in latitudinem? Vnus enim orbis non nisi vnum motum per se habet (vt à principio dictum est.) nunquid igitur epicycli epicyclus est? an quomodo habet? præsertim quòd si in sectione altera fieri rursus subalternus cum ecliptica debet, reflexione etiam quadā indiget.

In Sole vero, si ecentricus eius orbis ponatur, absurda hæc consequuntur. primum quidem q̃ æstiuus circulus, in quo est absis, multo maior, & ab æquinoctiali remotior erit, q̃ hibernus: quod si detur, oportebit q̃dem, qui æquinoctialem incolūt, remotiorem habere Solem in vna hyeme, q̃ in alia, & septentrionalem hyemem frigidiorē australi, Solem q; minorem ab ijs videri in æstiuo tropico, q̃ hiberno, quæ omnia falsa esse negotiatores affirmant. Deinde oportebit lō

**B** gissimam diem æstiuam esse longiorē, quàm noctem hibernam longissimam, quod pariter falsum est, longissima enim nox longissimæ diei æquatur. sequitur autem hoc, quoniam in parte absidis magis distat ab æquinoctiali Sol circa solstitium, quàm in parte antabsidis, maiorem ergo arcum diei trahet in ea parte in solstitijs, quàm in alia arcum noctis. sit æquinoctialis a b c: Horizon noster l m: Sol distantior ab æquinoctiali in parte absidis, vbi f, minus distans in parte antabsidis, vbi k. manifestum igitur, q̃ in maiori distantia Sol longissimam diem faciet in arcu f g: in minori distantia longissimam noctem faciet in arcu k h: maior autem est f g, q̃ k h.




In Venere autem magis etiā manifesta est epicyclorū vanitas, vt iam sufficere hoc vnū possit: quis. n. non videt epicyclum nullum tantæ magnitudinis esse posse, vt semidiameter eius gr. 43 existat, tota vero diameter gra. 86. q̃ si talis forte fortuna vllus esset epicyclus, oporteret eius circumferentiā penè ad centrū pertingere, quod mathematica demōstratione pbari quā facillime potest. Sit orbis Veneris a b c d: centrū terræ e: sit ergo Diameter epicycli gr. 90, quæ reddat quartam eius orbis,

&

et simul quartam zodiaci: erit illa quidem qualis a d, aut qualis f g, aut qualis h k. sit autē gratia exempli a d: cuius semidiameter sit l d: protrahatur igitur linea l e pertingens ad centrum, deinde protrahatur c d, quæ diuidatur in m, per lineā e m: constituetur igitur quadratum l e m d. latus ergo e l æquale est lateri l d. quare descripta circumferentia epicycli super puncto l manifestum, q̃ pertinget ad e, quod erat centrum. Si igitur existente diametro gr. 90 oportet circumferentiam ad centrum vsque pertingere, palam q̃ & si diameter erit gr. 86, si non ad centrum, at tamen iuxta perueniet. Idem fiet, si & super f g, & super h k demonstratio ducatur, omnes enim illæ diametri quartam cœli reddunt. q̃ si quisque videre potest epicyclum hunc ridendæ magnitudinis esse; quid si cogamur & epicycli epicyclum facere, & huius alterū epicyclū? cogemur autem absque dubio, quoniam epicyclo Veneris motus Astronomi tres assignant, quum etiam quatuor sint ascribendi: vnum igitur potest epicyclus per se habere, reliquos ab alio dari necesse est, quod neque vnum esse potest, sed tria. Addunt præterea & aliud in Veneris Astronomi, quod per eorum principia, quomodo fiat, non potest certe monstrari: dicunt enim ecentricum modo citra eclipticam, modo ultra agi, quo autem pacto agatur, nemo ostendit, sed ne ostendi quidē potest nisi per nostra principia.

In Mercurio vero eadem inconuenientia sequuntur, nam & ecentricum eius modo citra eclipticam, modo ultra dimoueri dicunt. Epicyclo insuper tres illos eisdem motus dant, quos esse quatuor necesse est. tantæ autem magnitudinis & si non faciunt, at tamen tantæ esse constat, vt quisq; videre possit figmentum esse. inconueniens præterea est & illud, q̃ à positione epicyclorum coacti ponunt Mercurium bis centro propinquiore fieri absq; vlla necessitate: quo etiam posito, non tamen demonstrare possunt per hoc, quomodo elongatio matutina maxima fieri possit & gr. 26. m. 30, quoniam per tarditatem matutina elongatio iuuatur: at per appropinquationem ad centrum non tarditas, sed velocitas datur. q̃ si quis dicat retrogradationem etiam citari per appropinquationē ad centrum, non tamen dicere potest, quomodo centrum epicycli tardetur, quod requiritur in ea elongatione, quæ maxima futura est.

Postremo & in Luna manifestissimum est neque ecētricum esse eius orbem, neque ipsam in epicyclo verti, primo enim si ecentricus est eius orbis, in oppositum autem vertitur deferentibus suis, alterum duorum  
sequi





A sequi neceſſe eſt, aut Lunam inæqualiter in zodiaco moueri præter inæqualitatem epicycli, aut inæqualiter ſuo in ecentrico moueri: vtrinque autem inconueniens eſt, moueri enim Lunam inæqualiter in zodiaco contra ſenſus eſt, moueri autem inæqualiter in orbe ſuo impoſſibile eſt, & contra naturam, idem enim orbis per ſe ſemper eundem motum facit: q̃ autem alterum horum ſequatur, mani-



festum ex demonstratione fiet. Sit enim zodiacus a b c d: oualis circulus, quem Luna describit deferentibus in oppositum actis a e c f. si igitur æqualiter mouetur in orbe ſuo Luna, æquales erunt partes a g, & g h, & h i, & i f. at certe his æqualibus partibus inæquales in zodiaco correspondent a k, & k l, & l m, & m d: quare inæqualiter mouebitur in zodiaco Luna, si æqualiter in ſuo orbe mouetur: si vero æqualiter mouetur in zodiaco, æquales partes erunt b p, & p q, & q r, & r c. at æqualibus iſtis partibus inæquales in orbe Lunę respondent e s, & s t, & t u, & u c. quapropter si æqualiter in zodiaco fertur, inæqualiter mouebitur in orbe ſuo, quod nec negari ab Aſtronomis video: quo nihil abſurdius eſſe poteſt. q̃ igitur ecentricus non fit Lunæ orbis, ex his manifeſtum eſt.

At vero, q̃ nec in epicyclo vertatur Luna, manifeſtum quoq; eſſe poteſt ea ratione, qua & Ariſtoteles & alij multi vtũtur. ſi enim verteretur in epicyclo Luna, oporteret vocatã in ea maculam mutare continenter ſitum ad nos & rationem, & quod ſupra eſt, videri infra, & è contrario: ſemper autem quum eodem in ſitu ſit, indicat p̃fecto non moueri in epicyclo Lunam. quanquam ſcio nonnullos eſſe, qui ad difficultatem hanc animaduertentes dicant Lunam non ſolum habere motum, quo ab epicyclo fertur, ſed & ipſam quoque ſtellam moueri proprio motu, oppoſito autem ipſi epicyclo, quantum enim epicyclus in vnã partem maculam inclinãt, tantum Lunam ipſam reſtituere illam in contrarium, quo fieri, vt ſemper eodem in ſitu macula videatur. ſed certe hoc pacto oporteret & epicyclum diuerſæ alieniſſimæq; naturæ ab orbe eſſe, & Lunam ab epicyclo, ac in eodem ſimpliciſſimo & immortalis corpore tres diuerſas naturas inſitas eſſe, quæ abſurda quidem in diuinis illis & ſempiternis corporibus eſſe videntur. Quòd igitur ecentrici orbis neceſſarij non ſint propter ea, quæ apparent, & quomodo ſine ipſis demonſtrari poſſint, & q̃ impoſſibile ſit eos eſſe in natura ſphærarum, & apparentium pluribus aduerſentur, hætenus declaratum à nobis ſit. Cæterum, ſi in red-

dendis planetarum motibus exactissimas supputationes negleximus, ne C  
mo miretur, quoniam id ad institutum nostrum minime pertinere iudi  
cauimus, præsupponentes minutissimas illas rationes è tabulis petendas  
esse, eadem enim illæ & Homocentricis nostris commodissime aptari  
possunt. ac de stellis ita tandem determinatum sit.

*Sed iam me rapidi diuersa volumina cœli*

*Dimensum satis, & nunquam requieta secutum*

*Sydera, per varios cursus variosque recursus,*

*Hac inuēt insudasse tenus, nunc vltima fessum*

*Accipiat, finemq; meo det meta labori.*

*Vos æterni orbes, æterniq; ætheris ignes,*

*Qui tacito circum labentes tempora cursu*

*Ducitis, & longum per secula voluitis æuū,*

*Si non æternum (neque enim fas poscere tantum)*

*At saltem durare diu, & producere vitam*

*Hoc concedite opus, videant vt vestra nepotes*

*Secula, & æternis vos admirentur ab annis.*

*Mirenturq; vias, quum iam non tramite sueto*

*Curret iter solitum Titan, sed purpureum ver*

*Et iuuenem signis conuersis inuehet annum.*

*Tuque etiam, seu te tua tanta inuenta, nouosq;*

*Admirantem orbes, puro fulgentia cœlo*

*Templa tenent, seu Træicia testudinis audens*

*Tangere ebur plectis numeros, & carmina dictas,*

*Qua via sydereo candescit lactea cœlo,*

*TV R R I ades, inuentisq; tuis nostrisq; labori*

*Da sancte Augurium, atque optatis annue nostris.*



HIERONYMI FRACASTORII  
DE CAUSIS CRITICORVM  
DIERVM.



**N**ATVRA Dei optimi munus cū tota, qua aut oculis cernitur, aut concipitur animo, admirationis multæ plena est, tū maxime, qua in animalibus viget. Nam & animalia ipsa, & quæ ab ijs fiunt, sensus, cognitiones, appetitiones, generationes, & motus reliqui admiranda omnia sunt. nec vero, & quæ ijs accidunt, non multa sunt, quæ nō par uam sui admirationem præbent: inter quæ illæ in primis sunt, quæ Crises appellari consuevere, quarum vel adeo mira natura est, vt neque ad huc satis perspectum sit, quam omnino causam habeant. Nam quosdam esse dies constat, quos perinde ac fatales natura ante omnes deligit, in quibus de morbis decernat, quosdam vero ita neglectos esse, vt nullas vnquam Crises videant, nullo naturæ munere habeantur digni. quæ admiratio sapientes & naturæ interpretes viros in diuersas opiniones perduxit. quippe Pythagoreis visum est certis numeris Deos & naturā gaudere, ante omnes septenario, quem ad rationem Crisium non nihil con

**B**ferre arbitrati sunt. Philosophorum vero nonnulli causam omnē dierum in Crisibus casui ascribunt. Astronomi autem cœlo & syderibus, Lunæ præsertim, quam per septenarios suæ conuersionis dies rebus, quæ hic sunt, impetum quendam ac vim immittere affirmant. Soli medici videntur mihi rerum suarum sui que muneris obliiti, soli enim ipsi quā viam facultatemq; habere possent inquirendi inueniendiq; rationē Crisium, tum fortuna, nescio qua, ab Astrologis seducti persuasiq; illorum opinionem secuti sunt: quos cum omnes tum præcipue Galenum mirari licet, qui alioqui tantus philosophus, tam accuratus, & medicinæ parens, ac veluti Deus tam facile persuaderi potuerit, vt facultate pprie artis neglecta, præstigijs alienæ inuolui passus sit, sed certe de magnis ingenijs illud dici par est, quod & de magnis venatoribus, qui sæpe, q; multa sectentur, quædā negligentius insequuntur: vnde nihil mirū videri debet, si & Galenū, qui tot inuenit, qui tanta scripsit, qui ingentem illā medicinæ molem digessit, formauit, condidit, quædā tandem effugerint. Posteriorum vero vti nulli ab eo recedere ausi sunt, ita qui hac de re scripsere, oēs id solū curasse videntur, vt aut Galeni scripta, aut Astrologorū placita declararent. operæpretium igitur existimamus, si rursus hoc saxū veritatur, atq; inquisitio tam dignæ, tam necessarię rei habeatur: si enim p ea,

quæ in nobis sunt, ratio omnis & causa Criticorum dierum ostendi pos-  
 sit, bene erit ab eo labore Lunam, & beata illa corpora liberare, quæ quû  
 alioqui multa penes nos faciant, tum & multa à nobis & à natura fieri si-  
 nunt. Equidem scio Galenum sophistas vocare, conuicijs maledictisq; p-  
 sequi, si qui ratione vlla malint hanc rem inquirere, q̃ minime Astrolo-  
 gis credere, præcipue Aegyptijs, qui asseueranter hæc à Luna fieri affir-  
 mēt: sed certe, nedum si Aegyptius aliquis Astrologus, sed si Aegyptius  
 aliquis Deus, aut Anubis, aut Osyris hæc mihi dixerit, non facile credā.  
 Sophistam autem obsecro, ne quis me prius vocet, q̃ hæc amice atq; equo  
 animo cuncta perlegerit. Referemus igitur, quæ in huius rei peruestiga-  
 tione, quam diligentissime habuimus, nobis tandem comperta sunt, quæ  
 neque prius credi audiriq; volumus, q̃ & re ipsa, ac rerum (vt aiunt) ma-  
 gistra experientia fuerint comprobata, eiusmodi enim sunt, vt & rationi-  
 bus credi, & obseruationibus plane sperari possint.

## Cap. I.

**D**E causis igitur Criticorum dierum acturi ea præmittemus in pri-  
 mis, quæ circa morborum dies sunt obseruata: deinde referemus,  
 quo pacto alij eorum causas reddere tentauerunt: tum demum, quomodo  
 & nos per magis rationabilia, & consentanea magis naturæ reddendas  
 existimemus. In primis igitur recipiendū est nobis dierum, per quos egri  
 tudines pergunt, alios Criticos dici, in quibus, quæ fiunt Crises, maiori  
 ex parte fiunt, alios vero nō Criticos vocari, in quibus perraro visuntur  
 Crises, quosdam vero medios esse. obseruatum enim esse constat & ma-  
 iorum nostrorum experiētia, & ea, quæ in dies fit, certis diebus innume-  
 ras Crises videri, certis rarissimas, aliquibus medio modo se habere: item  
 & inter Criticos vocatos, quosdam esse præcipuos, & quasi principes,  
 quosdam principatu minores, porro & alios esse indicatiuos & quasi nū-  
 cios eius Crisis, quæ in die principe futura est. Critici ergo sunt 4, 7, 11,  
 14, 20, 21, 27, & fm alios 28, & alij, quos recensere necessariū nō est. Præ-  
 cipuos autem oīum esse constat 7, 14, 20, & 21 quāq; de 20 et 21 non pla-  
 ne inter antiquos cōuenit, vter magis Criticus sit. Archigenes. n. magis  
 amare 21 visus est, Hippocrates vero & eius sectator Galenus 20 magis  
 sequuntur: deinde principatu minores 11, & 4. Non Critici vero sunt  
 6, 8, 10, 12, 16, 19, 22, et 25: quanquam 6 quandoq; Crises nōnullas videat,  
 verum illæ non proprie Crises sunt, quare & ipse inter Criticos recensea-  
 tur. medio vero modo se habent 5, 9, 13, 17, 18, & 24: sed horum 17, 13,  
 ad Criticos appropinquant magis, 9 vero ad non Criticos. Indicatiui ve-  
 ro sunt 4 quidem septimi, 11 decimi quarti, decimus septimus vigesimi,



**A** 24 vigesimi septimi, omnes quidem quarti à die, in qua perfecta futura est Crisis. hæc igitur q̄ ita sint, recipiendum est, cur autē ita se habeant, & vnde tanta dierum diuersitas enascatur in morbis, nunc inquirendū.

## Cap. 2.

**P**ythagoricorum autem dogmata aut referre, aut refellere superuacaneum quidem videtur, quando iam satis manifestum est neq; numeros, neque in vniuersum quantitatem vllam principium actionum esse posse, nisi forte per accidens.

Philosophorum vero quicūq; rationem dierum in Crisibus casui donant, rationabilius quidem magna ex parte loquuntur, dicunt enim quę cunque agunt & patiuntur, omnia certa inter se ratione proportioneq; consistere, & certo tempore agere, hæc quidem maiori, illa minori, vt accidit: quare & circa Crises, q̄ die septima aut quartadecima humores moueantur in nobis, nulla certe alia causa est, nisi quòd talem accidit esse proportionem naturę ad humorem, quem tanto tempore concoquit, concoctum expellit, hunc quidem in septima, illum in quartadecima: quem admodum & ignis hoc quidem robur vna die, illud duabus absumit: & bilis quę flaua est, per tertias, quę atra, per quartas mouetur: sicut igitur in his non quærimus rationem dierum, ita nec circa Crises debemus quę

**B**rere, sed solum cur hoc humoris genus citius, illud tardius moueatur.

Verum enim vero, tametsi verum hi in vniuersum dicunt, certam esse inter agentia proportionem, & certam mensuram temporis, tam simplicem tamen causam habere Criticos dies existimandum non est, sed magis credendum quędam etiam ad Crises concurrere, propter quę certis diebus multę, certis paucę spectentur Crises: si enim sola illa proportio accederet, profecto non magis septimam, quàm octauam & nonam diē Criticam videremus, siquidem paulum immutata materia, & in octaua & nona spectarentur Crises.

## Cap. 3.

**C**vm Astrologis vero, & medicis, qui eos sequuntur, maius mihi negocium parari video, quorū alios Astrologię, alios Galeni amor per moueat: sed hi certe si non ob aliud nobis infensi sint, iniuste quidem nobiscum agant, quando & nos alioqui Astrologiam veneramur, & Galeni nomen ac memoriam vti sacram sanctamq; colimus: quicquid vero molimur, id omne veritatis & philosophię amore facimus, quę in nullius verba iurare addicta est. Referemus igitur, quę medici ex Astrologorum decretis scribunt. certum esse inquiūt per septenarios dies Crises

ses incedere, circaq; illas potissimum fieri: quum vero & Lunam quoq; C  
certum sit per septenarios dies & cœli quartas rebus, quæ hic sunt, impe-  
tum quendam & vim ingerere, quid nam aliud censendum sit, q̃ Lunã,  
quod septenarias illas commotiones immittat Crisibus? Efficax quidem  
atque euidentissimum signum est hoc rationem dierum in Lunam refe-  
rendam esse, quum præsertim nihil aliud sese offerat, quod in medium  
afferri possit. Dupliciter autem quum Lunæ conuersionem dimetia-  
mur, & per reditum ad Solem, quem mensē ciuilem vocant, & per re-  
ditum ad certum punctum in zodiaco, quem lunarem appellāt mēsem,  
in vtroque quidem mense manifestum esse dicūt Lunam per cœli quar-  
tas & septenarios dies commotionem impetumq; rebus hic inferre. Ciui-  
lis enim mensis ex diebus 29, horis circiter 13 constat, quod tempus si p  
quartas suas partiaris, erit quarta quælibet dies 7, horę ferme 9: circa cu-  
ius temporis extremas 24 horas res maxime à Luna moueri testimoniū  
dicunt & illos facere, qui circa maritima versantur, & illos, qui circa ru-  
stica. Similiter autem se habere aiunt & in lunari mēse, qui ex diebus 27,  
horis 8 conficitur, quod Astrologi præsertim Aegyptij affirmāt, quibus  
credendum esse Galenus præcipit, ac penē minatur: cuius rei & grauissi-  
mum testimonium afferunt, dicunt enim ægrotante aliquo, si Luna for-  
te fortuna in eo puncto fuerit, quo ille exortus fuit, tum ei bonā vel ma-  
lam conditionem allaturam, quum in quarta cœli ad eum punctum ex- D  
titerit: si enim oriens ille eo in puncto salutes felicesq; stellas habuit, tū  
Lunam ab ea quarta salutem elargituram, si vero infelices in ortu stellas  
fortitus est, periturum quidem ab ea cœli quarta. Ex quo existimari de-  
bet septenarios Lunæ dies hic magnam quandam facultatem & vim ha-  
bere. Hæc igitur sunt quæ medici partim nautarum, rusticorumq; testi-  
monio, partim Aegyptiorum astrologorum de Criticorum dierū cau-  
sis referre solent. Nos autem Astrologorum ac Galeni amicos roga-  
mus, vt contenti sint placide et sine stomacho nobiscum hanc rem inqui-  
rere: primum enim examinabimus, quæ experientia obseruationibusq;  
consistere medici dicunt: mox aperte (vt arbitror) ostendemus, quomo-  
do quasi fascinationibus Astrologorum lustrati, & vomere & sudare in  
septima & quarta decima sine Luna possimus.

## Cap. 4.

**I**N ciuili inquiunt mense tum nautæ, tum agricolæ affirmant per cœ-  
li quartas commotionem maiorem rebus Lunam dare. at certe dece-  
bat eos ab ijs accipere, quę nam ea essent, in quibus maior illa commotio  
videatur. si enim in vniuersum ita esse circa maria affirmēt, falsum nimi-  
rum



A rum asserunt, primum. n. circa maris crementa & decremēta (quos estus vocant) constat non maiorem commotionem per quadraturas Lunæ fieri: quando per id tempus vel minimos cerni æstus manifestum est: at vero maiores & ventos, & tempestates non circa septimam Lunæ diē, sed circa quintam exurgere nautis omnibus notum est: quod & Virgilius & Hesiodus quoq; notarunt, quum quintam esse fugiendā præcepere. quæ nam igitur ea sunt circa maria, in quibus maior illa agitatio percipitur? Testacea fortasse, & crustacea, & id genus dicent sub quadraturis Lunæ excitari magis, & nutriri, & pinguescere melius: quod certe neque negamus, nam per cōiunctiones Lunæ tum & calor, tum & humor exiguus in illis est, vegetari autem excitariq; vterque incipit tum forte, quum Luna circa quadraturas versatur, non quidem ea de causa, q̃ Luna in quarta coeli sit, sed ob id magis, q̃ tunc tantum demittitur luminis, quantum sufficiens est ad fouendum eorum animalium calorem, humoremq; pro alimento suggerendum: cuius signum illud est, q̃ nō solum per quadraturas pinguescunt ea animalia, sed etiā post, et magis. manifestū igitur ex his esse potest nihil ea exempla ad Crises facere, quæ è maritimis accepta sunt. Circa rustica vero quædam ab agricolis tum maxime fiunt, quum semiplena est Luna, non certe alia de causa, q̃ vt extrema effugiant, hoc est cōiunctiones, & oppositiōes quorū vtrūq; quibusdā rebus obesse solet, hoc quia nimij humoris est, illud quia exigui caloris. q̃cunq; igitur ob humoris abundantia nata sunt aut putrescere, aut in luxuriam abire, ijs oppositiones Lunæ timent, quæ vero caloris inopia sterilefcere, illis coniunctiones cauēt: qua de causa mediū tempus eligere solent. arbores igitur, quas duraturas volunt, multas per plenilunia non cædunt, multas p̃ Lunę silentia. In altero. n. ob nimia humiditatem putrescant, in altero inopia caloris emarcescant. nihil enim refert ad putredinem efficiendam, siue humor plus æquo accesserit, siue calor, qui cōtinet mitionem defece rit, similiter & satorū quæcunque facile luxuriant, vt faba, & aphaca, & cicer, & penè omnia, quæ siliquā gerunt, nec per coniunctiones, nec per oppositiones Lunæ ferunt, magis vero oppositiones etiam timent. Idem & circa vindemiā & vina conficienda nonnulli obseruant, per plenilunia enim humidiora, quàm par sit, & aquosiora vina fiunt, per coitus vero frigidiora & minus potentia. atque hæc ferè illa esse existimo, quæ rustici obseruent, non quidem quòd in quartis coeli vlla vis maior insit, sed quòd lumen id mediocre aptissimum quibusdā rebus conficiendis videtur, quod vero in ore vulgi est per quartas Lunæ mutari aeris cōstitutiones, & serenitates, & pluuias, & id genus, vel ipsi vulgo notū est esse mendacissimum.

At

At in lunari mense Astrologi Aegyptij affirmāt cœli quartas vim habere maximam, exemplo eorum, qui ægrotant Luna eo in puncto existēte, in quo enati illi sunt: sed profecto (vt suas Aegyptijs condonemus observationes) mirari tñ Galenū ipsum debemus, qui quū optime alioqui naturam inductionum nossēt, tum vni tamen exēplo tam facile manus dederit. Inductionum enim aliæ necessariæ sunt, aliæ probabiles tātum, & harum aliæ simpliciter probabiles, alię secundum quid & ad hominē. Necessarię sunt aut in quibus inductio ad omnia singularia fit: aut in quibus omnia singularia prorsus similia sunt, & nullum accidens pati possunt, vt mathematica: aut in quibus inductio in paucis quidem fit, sed ratio ad naturam communem & ad vniuersale fit. Quòd si nec in omnibus inductio fiat, nec singularia prorsus similia sint, nec ratio ad communem naturam sit facta, tum quæ fit inductio probabilis solum est: simpliciter quidem probabilis, si in valde multis sit habita, aut ratio ad communem naturam quidem fiat, sed per communia: secundum quid autem probabilis, & ad hominem, si in paucis inductum fit. quid igitur dicemus de Aegyptiorum inductione? primum quidem si dixerint in omnibus & quartis cœli, & rebus omnibus ita obseruasse, rem quidem vulgo impossibilem affirmabunt: sed certe nec singularia prorsus similia sunt, quartę quidem enim cœli, quatenus quartæ sunt, & mathematice considerantur, similes nimirum sunt omnes, at quatenus agentes, & quatenus in illis Luna operatur, non similes certe sunt, sed accidentia multa patiūtur. At vero nec factam fuisse ad naturam communem demonstrationem dicendum est, nam quæ quidem communis esse ratio potest ad naturam quartarum cœli? nisi forte dicant in quadraturis Lunā terræ proximiorē fieri, in oppositionibus plus luminis ad nos demittere. Verum hoc erat in ciuili mense, non in lunari, de quo nunc querimus, quartæ autem lunaris mensis vt plurimum extra quadraturas sunt. ex his igitur est videre necessitatē nullam habere Aegyptiorum inductiones, sed nec simpliciter probabiles esse, quum nec in valde multis obseruationem fecerint, nec probabilem rationem ad vniuersale. Cur igitur sophistas Galenus vocat, cur maledictis incesit omnes, qui rem isthanc velint rationibus inuestigare? si enim vix probabile secundum quid, & ad hominem est, qđ Aegyptij dicunt nihil necessitatis cōtinens, quid prohibet aliter esse posse, quod æquum decēsq; est à Philosopho homine inquiri?

## Cap. 5.

**S**ed quid adeo laboramus? dentur omnes Aegyptiorum obseruationes, valeant nautarum agricolarumq; testimonia, moueat Luna fortius



**A** tius per quartas coeli vtriusque mensis, moueat per quartas Natalicij pūcti fortius, quam tamen causam illis Crisibus dabimus, quæ extra quartas vtriusque mensis, extra quartas Natalis fiunt? rarissime enim contingit, vt septenarij morborum dies cum septenarijs Lunæ coincident.

At hic consurgunt recentiores quidam Astronomi simul & medici, ac vocem tollunt, clamantq; nos Astrologorum decreta nō intelligere, neque enim ita esse, vt in solis mensium illorum, & pūcti Natalicij quartis Luna res moueat, loco enim exēpli hæc sunt, sed ita accipi oportere, vt quocunq; in puncto quis ægrotauit, Lunam per quartas coeli ad eum punctum cōmotionem inferre: vt si heri Dion, hodie Callias in morbū incidit, per suam septimam Dioni, per suam Calliæ Luna impetum dabit, quare & ad omnes Crises concurrere, sed per septenarios cuiq; suos.

Nos vero medicos istos atq; Astrologos rogamus, vt paulisper considerant, & vocem demittant: volumus enim quædam eos placide percunctari, ac primum illud, nūquid, quod dicunt de Luna, in morbis solis spectetur, an & omnibus alijs quæ noua fiunt: si quidem in omnibus ita esse dixerint, nunquid igitur, si Praxiteles Iouem facturum hodie marmor incidere cepit, die septima foelicius aut infœlicius sculpet? & si fontem quis hodie deriuauerit, nunquid largius ille fluat in septimam? ita enim fieri oportet, quando & in fluxu humorum nostrorum idem contingit: & si

**B** colonus agrum stercorearit, opimiorum in septima videbit q̃ in octaua? qm̃ ita se habet & humor, qui in nobis putrescit? quæ certe omnia quàm ridicula sint, nemo est qui nō videat. Si vero in solis morbis septenarij hi Lunæ motus vim suam habent, mirum profecto est coeli quartas virtutes has dare Lunæ in solis morbis, & non hoc solum Galenus dicit affirmari ab agricolis & nautis, sed multo amplius testimoniū asserere voluit. sed quoniam placide cum his Astrologis agimus, placet quidem vt in solis morbis inquiramus, quale sit, quod de Lunæ septimis nuper dixere. Primum autem illud statuatur Crisim esse localem motum humorum, si igitur Luna hunc motum facit, querimus, an eam vim facultatēq; mouendi humorem per se & (vt aiunt) essentialiter habeat, an ab alio acquirat, aut loco, aut aspectu, aut reflexione luminis, aut alio. si quidem essentialiter id habet Luna, non igitur in septima magis, quàm & in octaua mouebit, & nona, quæ enim per se insunt, semper insunt, & idem semper operantur. Si vero ab alio acquirit, quicquid sit illud, si id quidem vnum est & determinatum, quales sunt quadraturæ & oppositiones, & quartæ natalis puncti, tum ergo solum mouebit Luna, quū in eo erit, aut loco, aut aspectu, aut alio, recedens autem non mouebit: at vero si vnum & determinatum non est id, à quo virtus Lunæ datur, sed talia sunt omnia pun-

Etia, in quibus q̄s ægrotet, vt per septimā cuiq; suam efficacior sit Luna, C  
 primum quidem hoc poni valde mirum est, sed tamen ponatur: sit ergo  
 vt hodie Dion ægrotet, cras Callias, postridie Plato, in alijs alijs, omnes q̄  
 dem eadem ægritudine, & ad septimum Crisim factura, per suam igitur  
 cœli quartam Luna vniciuique Crisim dabit, in septima quidem Dioni,  
 in octaua Calliæ, quæ illi septima est, in nona Platoni, ipsi septima, & ita  
 in alijs: at certe si ita fiat, nimirum Luna quotidie eundem effectum fa-  
 ciet, Crisim videlicet, & localem motum humorum: quod enim in Dio  
 ne fit in septima, in Callia fit in octaua, in Platone in nona, in alijs in de-  
 cima: idem aut effectus si fiat diebus singulis, oportet & causam continē  
 ter eandem esse, diuersa enim si sit, eundem effectum non faciet. si igitur  
 à loco acquirit Luna eam vim & facultatem mouendi, omnia quidē lo-  
 ca successiue, & puncta omnia eandem habebunt vim, quare & quocūq;  
 in loco sit Luna, idē semper operabitur: igitur ita in octaua mouere Dio-  
 nem poterit, sicut & in septima, locus enim, in quo est in octaua, eandē  
 vim habet per se. Nec certe dici illud potest non moueri in octaua Dio-  
 nem, qm̄ illi septima non est, quod enim pūctus aut locus septenarius  
 alteri sit, respectus quidem est forinsecus veniens, quem & nos facimus,  
 respectus autem nihil ipsi per se agūt, nisi in re, & in causā mutatio aliqua  
 fit. Si ergo locus, qui in octaua est, eam vim per se habet mouendi humo-  
 rem, siue septimus sit siue octauus, semper eodem modo mouebit: quam D  
 ob rem nihil tandem esse manifestum est, quod dicunt Lunam egrotan-  
 ti cuique per suas septimas cōmotionem ad Crisim dare. Præterea pe-  
 nē risu dignū est dicere primū, verbi gratia, punctum arietis primo can-  
 cri & primo libræ solum respondere, secundum secundo, tertium tertio,  
 & ita in alijs, simplex enim corpus est cœlum & eiusdem naturæ, & virtu-  
 tis per totum orbem: quod si diuersæ naturæ primus arietis & secundus  
 cancri est, quo ergo modo Luna eundem effectū facit, & in secundo can-  
 cri, nam & in eo humorem in Callia mouet? musitant ad hæc paulisper  
 Astrologi quidam, tamen aliud quid comminiscuntur, ac dicunt eo in  
 puncto, quo quis ægrotat, infundi à Luna nescio quid, quod non nisi per  
 septenarias periodos vim suam ædit, sed certe & hoc ridiculum est, & in  
 idē redit, quod enim hodie Dioni infunditur, cras infundetur Calliæ, po-  
 stridie Platoni, idē ergo quotidie effectus fiet, quare & eandē oportet cō-  
 tinenter causam existere, vnde & idē diebus singulis efficiet Luna, & in  
 omni subiecto, si paratum sit. Eadē dicātur, si Luna eam vim ab aspectu  
 acquirit, aut reflexione, aut alio.

Postremo (vt tandē finem faciamus, iā enim molesti videri possumus  
 aperta in re) ad hæc aduertere Astrologorum amicos rogamus, suppona  
 mus



**A**mus autem in primis actionem omnē non nisi contactu fieri, cœlum autē & sydera, quum huc non pertingant, agere quidem per aliquid huc demissum, id vero aliquid spirituale esse, dico autem spirituale qualitatem contrario carentem, quæ & momento diffundi solet, quale lumen, & si quid aliud eiusmodi demitti à cœlo potest, spiritualium autem actiones (vt in ijs, quæ de contagione, diximus) omnes hæ sunt, & non aliæ. Primum quidem videntur posse qualitates illas producere, quæ primæ vocantur, vt lumen videmus calorem facere, quocunque id modo fiat.

Deinde videntur & vim trahendi ac fugandi quædam habere, quod in Magnete, Adamante, Electro, & alijs quibusdam est manifestū, certa enim attrahunt, quod non aliter posse facere, q̃ per spirituale aliquid, monstratum est in alijs: at vero & in Antiparistasi multorū palām est fugare sese nonnulla per spirituales qualitates. possunt deinde & hæc eadē spiritualia in animalium membra modo tristitiam & displicentiam, modo suauitatem & voluptatem ingerere, recepta enim in nobis necesse est aut vt grata atque amica recipi, aut vt ingrata & inimica: sic sonus, & sapor, & odor, & lumen, & id genus reliqua recipi consueuere. Postremo quod eadem possint id cognitioni representare, vnde effluxere, manifestum est: tot igitur & non plura posse facere spiritualium vnūquodque supponendum est nobis. Si igitur aliquo horum mediante concurrat ad Crises Luna, quærendum est, quo nam prædictorum modo cōcurrat, generandō ne aliquam qualitatum primarum, an trahendo, vel fugando humores, an displicentiam vel voluptatem ingerendo: horum enim aliquid dici necesse est, nam cognitionē ad Crises faciendas præbere, nemo est qui dixerit. Sed certe quicquid horum detur, vna quædā cōmunis ratio contra est, particulares autem multæ, nam primū quicquid ponant, superuacaneum est, & sine necessitate, siue enim spirituale illud calorem generet, nostrumq; eo modo augeat, siue trahere vel fugare dicatur, siue displicentiam stimulumq; in membra ingerere, in cassum ponunt omnia, quando ea in nobis omnia sunt, quantum sit satis, calor, appulsio, stimulus. particularius autem inquirendo si spirituale illud ob id ad Crises concurrat, quod caloris sit productiuum, lumen ergo id erit: at certe lumen non vna die magis quàm alia calorem suggerit, nisi quo plus ad terram reflectit, quod in Sole quidem accidit, quanto directior fit nobis, in Luna vero quo plus luminis à Sole recipit, recipit autem continenter plus, quo magis ab eo remouetur, quare quum octaua & nona die abscedat à Sole magis, utiq; & in ijs calorem apportabit maiorem semper, quàm in septima. Si vero dixerint non hoc modo spirituale illud operari, sed magis aut trahendo humores, aut fugando, illi qui

dem primum sciant, quæ sese inuicem trahunt, aut pellunt, omnia finē C  
 in natura habere, quo sic mutuo conferuentur, hæc quidem repellendo  
 contraria, illa trahendo affinia consimiliaq; at inter cœlum & humores  
 nostros hic finis esse non potest, neq; enim inimicitia vllam cum humo-  
 ribus cœlum habet, nec trahendi necessitatem, quo aut conferuet, aut cō-  
 feruetur. Præterea, quæ sese trahunt, omnia eo vsq; sese attrahunt, quo  
 in vnum coeant, nisi impediuntur, hic enim attractionis est finis: trahi au-  
 tem humores vsque ad cœlum neminem dicturum arbitror, nisi si quis  
 etiam putare possit pasci sydera, vt antiqui poetæ dixere. Impediri vero  
 cœlum perpetuo tempore à fine suo diuinum corpus & immortale, in-  
 conueniens nō paruum est: ac demum si spirituale illud per se vim eam-  
 trahendi, aut sugandi habet, semper quidem per se trahet, & non magis  
 septima quàm octaua, nisi quid aliud ex parte recipientis subiecti obstat.  
 sed neque postremo quis potest dicere spirituale illud vti triste receptum  
 displicentiam in membra ingerere, atq; irritare ad eam expulsionem fa-  
 ciendam, quæ Crises dicitur, primum quidem quia sic dicere quidem nō  
 possunt, cur maiorem displicentiam dies septima ingerat q̃ octaua & no-  
 na, si per se eam inimicitiam cum membris habet deinde & illud valde  
 mirum videri debet Dioni triste esse spirituale hoc in septima, Calliæ ve-  
 ro non, eadē in domo eodē in lectulo iacenti: mox eidem Calliæ in octa-  
 ua triste & inimicum fieri, Dioni non amplius: ac demum si propter in- D  
 gestam displicentiam dicatur id Crises facere, imo magis oppositum fe-  
 qui videtur, & impediri potius ea de cā Crises, quæ admodū in consimili  
 bus sæpe videmus fieri, sæpe enim futura existente Crisi, accidit eam im-  
 pediri ex nouo recepto dolore, aut ex ira et eiusmodi, quod iure fit, diuer-  
 titur enim natura à priori stimulo, noua recepta specie tristitiæ alterius.  
 similiter & si operari illud Crises dicatur, q̃ vt suauis recepto corroboren-  
 tur membra, eadem opponi possunt, nō esse enim suaue nisi cui septena-  
 rium accessit, & in eodem lectulo Dioni, non autem Calliæ ridiculum  
 certe est, & philosopho homine indignum.

Ad hæc igitur si quis recto respiciat oculo deposito sectæ amore, vide-  
 bit Lunā & beata illa corpora non aliter ad Crises facere, q̃ & ad cibi cō-  
 coctiones & generationes, & alia id genus: neque enim fumus, qui & So-  
 lem, & Lunam, & alia sydera negemus multa hic operari & mouere, &  
 ad Crises quoque accedere posse, quemadmodum ad alia, vti vniuersa-  
 les multorum causas, proprias vero causas esse, & nihil aliud ad rationē  
 dierum in Crisibus debere inquiri aut inueniri posse, & negandum, & à  
 philosopho ridendum fore existimamus. Sed de his satis superq; dictum  
 iam est, accedamus iam ad ea, quæ magis ratioabilia sunt, & ad medicos  
 pertinentia



A pertinentia magis, demonstrantes rationem omnem dierum in Crisibus ex ijs pendere, quæ sunt in nobis.

## Cap. 6.

**P** Rincipio illud non ignorandum est duo esse, quæ potissimū ad eā expulsionem faciunt, quæ Crisis dicitur, alterum est displicētia stimulusq;, quem corruptus iamq; inimicus humor in membra ingerit, alterum est digestio, hoc est preparatio illa, quæ requiritur, si expelli debet: vtrunque enim quum simul conuenit, tum maxime propulsatio humoris corrupti fit, quapropter rectissime Galenus dicebat in paroxysmis, & circa morborum status maxime videri Crises, in paroxismo enim stimulus atque irritamentum fit maximum, circa status vero, concocta digestaq; materia est. accidit tamen quandoq; tantum esse irritamentum, vt quanquam nec plane digestus sit humor, foras tamen pellatur, conatu quodā maximo à natura factō, quod enim ea vis insit membris, vt nocentia repellat, manifestum est, quāquā, quo principio & quo pacto id fiat, non ita est manifestum.

Ergo & quum plus nimio humor exuberat, & quum furenti est similis, quasdam ante tempus accidit Crises fieri, sed certe eiusmodi non  
**B** propriæ Crises sunt, sed violentiæ quædam magis, in quibus nullus dierum, nullus naturæ ordo seruatur.

De ijs igitur, quæ Crises non propriæ sunt, sed irregulares quidam impetus, nullus nobis sermo erit, sed de ijs solum, quæ propriæ Crises sunt, & causam certam habent, & rationem dierum aliquam.

## Cap. 7.

**A** Dhæc & illud quoque constituendum est rarissime fieri, vt transeunte in humores vitio aliquo, vnus tantum humor corripitur, nam vt plurimū vel duo, vel plures vitium idem concipiunt, aut simul, aut post. Quippe ea in massā sanguinis, quæ intra venas continetur, cōfusi cōmistiq; sunt & reliq; vocati humores, cholera, phlegma, & melācholia, sed ita vt quodāmodo actu, quodāmodo potentia in ea massa sint, potentia quidem, quia ad minimas, & indiuisibiles particulas redacti sunt, nec monstrari pnt, hoc quidem phlegma, illud cholera, illud melācholia, nisi particulæ vnoiantur, at actu sunt, quoniam tametsi ad particulas minimas deducti sunt, proprii tamen generis rationem habēt: igitur propter vicinitatem confusioneq; eorum rarissime fit, vt infectionis causa communis

munis pluribus non fiat, si enim cōtagio & putrefactio in causa est, aut C  
liquefactio, aut obstructio, aut aliud id genus, ægre fit, vt vitium ad vnū  
tantum sese applicet.

Incipientibus autem ijs vitiari, tum quod corruptum est secernitur,  
quantum fieri potest, à reliquo, quod sincerū est, ita operante natura, cui  
ea vis inest, ac tunc actu humor fit, coeuntibus in vnum particulis, ac sen  
sibilem humorem conflantibus, per quem modum tandem & expulsio  
deinde fit, & Crisis, modo per vnā, modo per aliam partem, qua magis  
naturæ commodum est.

Cap. 8.

**A**ccidit autem dum corruptos humores natura separat, & actu fa  
cit, ita interdum commisceri eos inuicem, vt vnā conficiāt for  
mam, vnumq; motum dent, ac morbum vnum, qui rationem dominan  
tis insequitur: vnde cholerae nothæ, & pituitæ nothæ, & melancholice no  
thæ contingunt, à quibus & morbi denominantur nothæ tertianæ, no  
thæ quotidianæ, nothæ quartanæ: sapissime vero non vnā omnes for  
mam conflant, nec vnum motum dant, nec morbum vnum, sed plures,  
vnde & morbi compositi fiunt.

Si igitur, qui peccat, humor simplex, & vnus tātum fit, aut plures qui D  
dem, sed in formā vnā redacti, tunc nulla dierum criticorum ratio  
est expectanda, sed paroxysmi soli considerandi sunt, & eorum dies, in  
phlegmate quidē quotidianæ, in cholera tertianæ, in melancholia quarta  
næ, in quibus cadent quidem suæ Crises, sed vt accidit materiam digestā  
esse, quod certā diem nullam per se habet, propter quod in tertianis, quæ  
puræ sunt, videmus, & quintam indifferenter & septimam & nonam, &  
in summā omnes impares dare Crises, nec Hippocrates aliud in his præ  
cipit attendendum esse, quā dies impares. At vero vbi & plures peccāt  
humores, & non sub formā vnā commisti, sed confusi solum, pro  
priam naturam seruantes, tunc sperare possumus certas dies videre, in  
quibus Crises permultæ fiant, certas, in quibus rarissime, alias medio mo  
do se habentes, quorum omnium causā & certā rationē habere pos  
sumus: actalis maior est morborum pars, quoniam vt raro est humorē  
simplicem peccare, ita & plures ad vnā formā conuenire perrarum  
est: quare in multis morborum, aut Crises videri possunt certis diebus,  
aut motus saltem humorum. Illud vero interest inter humores, quod  
ad eam misionem conficiendam, quæ vnius formæ est, aptissimum est  
phlegma, quoniam humidum liquidumq; est, ac bene miscibile, ineptis  
sima




A fima melancholia, quoniam ficcior terrestriorq; est, & ad miscēdum durior, nihil tamen prohibet & phlegma seorsum morbum facere, & melā choliam ad vnam formam venire.

Cap. 9.

**P**lures igitur quum humores in morbis peccant, non autē sub forma vna, accidit quidē interdum, vt vnusquisq; illorum manifestū prodat paroxysmū, Cholera quidem tertianarium, phlegma quotidianū, melancholia quartanariū, vnde & morbi manifeste cōpositi fiunt. Interdum vero accidit, vt non omnes manifestū dent paroxysmum, sed aliqui illorum latentiorē edant: dico autē latentiorē paroxysmum, nō quod humor non moueatur, sed quod motus ille suboccultus sit, quod nonnullis de causis accidit: sæpe enim, qui mouetur, humor non multus est, & vix perceptibile est, quo exacerbat: sæpe sensim, & per moras putrescit, vnde nec horrorem incutit, nec calorem acrē apportat: sæpe & superuenit maiori feбри: at vero & quū non paucum est, quod mouetur, & repente inuadit non sensim & per particulas, nec maiori alteri morbo superuenit, tum manifestū affert paroxysmū, & manifestæ fiunt compositæ pluresq; febres & Hemitrithei, aliæ quidē ex cholera, & phlegmate, aliæ ex cholera, et melancholia. Sed certe non frequenter admodū fit, vt peccantibus pluribus humorū, manifestos quisque motus prodat, verum sæpius id videri accidit, vt vnus manifestū edat paroxysmū, alius latentiorē, manifestum quidē ille, qui principaliter peccat, latentiorē, qui nō principaliter, sed quasi per sequelā quandam. Ex his ratio omnis Criticorum dierū pendet, peccantibus. n. humoribus magna ex parte morborū pluribus, & ijs quidē non facientibus formā vnam, vnoquoque autē motum suum pro natura faciente, cholera quidem per tertias, melancholia per quartas, inde fit, vt quibusdam diebus humores, qui peccant, simul omnes cōmoueantur, quibusdam aliqui solum, quibusdā nulli: quare & dierū accidit quāsdā placidissimas in morbis esse, alias acerbiores, alias acerbissimas: placidissimæ illæ sunt in quibus nulli humores mouētur, quod quidem fieri potest, quanq̃ phlegma quotidie motū faciat, ob id, quod phlegma ipsum vt plurimum formam vnam cum alijs conflat, & illorū motum consequitur: acerbiores sunt dies, in quibus vnus humor mouetur: acerbissimæ, in quibus omnes. aptissimæ igitur dies illæ sunt ad Crises faciendas, in quibus concurfus fit humorum omnium, acerbissimus enim tum paroxysmus fit, ac stimulus & irritamentum naturæ maximū, quod præcipue sequi ad agendas Crises dictum est supra. Porro quoniam nec Crisis fit nisi digesto præparatoq; humore, perfecta autem ab-

solutaq;

solutaq; digestio non est, donec quod crassius est ac segnius, digestum ip- C  
 sum nō sit, crassior vero & segnior omnibus est melancholia: inde fit, vt  
 potissimum circa melancholiæ & motus & digestiones attēdantur Cri-  
 ses, cuius natura (vt mihi videtur) non est à multis recte perspecta, nam  
 ea semper ferè in morbis cum alijs aut principaliter peccat, aut subpec-  
 cat saltem, quod plurimū est: quæ quoniam vnā cum ijs formā face-  
 re inepta est, per se quidem mouetur, & suas periodos seruat, interdum  
 quidem manifeste, quod tum accidit, quū & multa est, & principaliter  
 peccat, vt plurimū autem latentius, quū scilicet subpeccat ipsa, & putre-  
 dinem ex alio principio recipit: quibus igitur diebus cum motu aliorum  
 humorum concurrat, acerbissimum paroxysmum affert. porro & quo-  
 niā Crisis non fit, donec & ipsa non sit digesta, fit quidē, vt è melancho-  
 lia tota ratio dierū in Crisibus præcipue pendeat per modum, quem iā  
 afferemus, cuius rei non ab re fuerit in primis hoc exemplum apponere.  
 Sit enim, qui principaliter humor peccat, cholera, non quidem pura, sed  
 cōmixta, cōmixta autem cum flegmate quidem sub forma vna, cū melan-  
 cholia vero vicinitate sola & cōfusione, subpeccet autē melācholia, ac nō  
 multa, nec valde crassa, sed subtilior, & in summa quæ cito terminū da-  
 re possit: igitur putrescente cholera, simul quidē & eadē die computre-  
 scet & melācholia, morosusq; satis erit paroxysmus ille prim⁹ (vtpote duo- D  
 rum humorū) secūda autē dies quietissima redibit, in qua nullus humo-  
 rum motus fiet, at tertia paroxysmum cholerae quidem sentiet, Crisim tñ  
 non faciet, tum quia stimulus nondū maximus, tum quia totū nondum  
 digestum est: quarta autē dies motum habebit melācholiæ, sed latentiorē  
 quia non multū est, quod tunc mouetur de melancholia, partim quidem  
 quia subpeccabat solū, partim quia putrefactio eius quodāmodo pendet  
 à cholera, qua cessante in die quarta aliquē quidem motū dat melanco-  
 lia ob concepta putrefactionis semina, sed paruū, & latentem, quoniā ori-  
 go & fomes putrefactionis quiescit: quinta vero cholerae motū videbit,  
 sexta nullius: at vero septima acerbissimū omnium paroxysmū apporta-  
 bit concurrentibus simul humoribus, qui peccabāt, omnibus, ac largius  
 melācholia, quoniā ex alterius contagione & impulsu non parū motio-  
 nis recipit: qua die, quoniā & dige-  
 sta est melācholia, fuerat. n. subtilis,  
 & pauca, nata cito terminum recipe-  
 re, continget etiā Crisis: stimulus. n.  
 acerbissimus in ea fit, & totum dige-  
 stū est, in alijs autem diebus aut sti-  
 mulus absuit aut digestio.





A

Cap. 10.

**S**ed de his latentioribus paroxifmis operæpretium est nō nulla dicere: nam quærant fortasse aliqui, nunquid latentes hosce melancholix motus effinxerimus nos, an etiam perspexerimus in morbis. si enim perspeximus, cur & alij non perspexere, non Hippocrates, non Galenus, & alij? si vero non perspeximus, quid effingi oportet, quæ non sunt? si. n. essent viderentur vtiq̃ue. Ad quos dicimus non effingere nos eos motus, sed in morbis esse, & videri, si diligenter quis animaduertat: nec profecto dicere possem, quotiens non solum ego conspexerim, sed & alios etiā medicos sensisse viderim, admiratos dies illas, quas quietissimas expectabant, redijisse tamen inquietas, morosas, ægrumq; iactari, & conqueri, nesciētes vnde hæc contigissent. Interdum vidi & medicos alios, & quartarios quosdam motus in certis morbis percepissent, dubitasse, ne febris in quartanam desineret, quum tamē nec quartana subsecuta fuisset, & ægritudo suo tempore absoluta. ego vero qui prius motus hosce considerassem, nullum horum timebam, aut mirabar, quin sæpe monui dies, quas illi quietissimas expectassent, morosiores esse futuras. Quare & Hippocratem, & Galenum, et alios vidisse eosdem motus existimo, sed fors ita tulit, vt ad causam non animaduernerint, nā quid aliud mōstrant dies illi, qui indicatiui dicuntur, qui omnes quarti sunt à die, in qua Crisis perfecta futura est? quid aliud indicat totus progressus Crisium, qui non per septenarias, sed per quartanarias periodos pergit, quarum duæ septenarium vnum faciunt? Hippocrates quoque quasi rem isthanc innuere videtur mihi, quum dicit quartanarios motus in morbis spectādos esse. Sed necessarium non est fortasse plura hac in re adducere, quum ab vno quoque spectari possit, quod si medici omnes facient, & rem ita esse videbunt, & magnum quoddam principium ad multa nacti erunt, & multa simul desinent & admirari, et timere.

Cap. 11.

**S**ed rursus dubitare omnes iure possint, quoniam per præscriptum quidem exemplum monstrari fortasse potest, quomodo & quarta et septima dies Criticæ ipsæ sint, at quomodo & vndecima, et quartadecima, et vigesima, et vigesimaprima Criticæ sint, demonstrari quidē nō potest. Nam per assignatum exemplum melancholix motus sunt 4, 7, 10, 13, 16, 19, 22, 25, et 28: in quibus nec 11, nec 14, nec 20, nec 21, nec 27:


Fracastorij.

T locum

locum habent. Ergo, quo pacto & hi quoque dies Critici sint, expedia-  
 mus. Primum autem illud præmittamus melancholiæ modos & con-  
 ditiones multiplices esse, sæpe enim pauca est, sæpe multa, interdum cras-  
 sior, interdum tenuior, modo tenacior, modo soluta magis, modo ca-  
 lidior, modo frigidior: similiter se habet & cholera. ex hac diuersitate fit,  
 vt putrescente cholera quandoque simul & eadem die computrescat &  
 melancholia, modo in initio paroxismi, modo in medio, modo in fine,  
 quod tum maxime fit, quum & pauca est, & subtilior, & calidior magis-  
 que admista cholera, tunc enim in ipsam citissime transit infectio. inter-  
 dum non simul & eadem die moueri melancholiam accidit, sed secun-  
 da solum die, interdum & tertia solum, fortasse autem & quarta solum:  
 in acutis enim morbis prima die motus fit vtriusque humoris, acuti nan-  
 que morbi à tenuiori, & pauca, & calidiori materia fiunt, in tardis au-  
 tem morbis, quos Cronicos vocât, quoniam crassiores illi, & multam,  
 & tenacem, frigentemque materiam habent, moueri quidem melanco-  
 liam accidit non nisi die tertia, & si materia crassissima sit, fortasse nõ ni-  
 si quarta, in mediocribus autem morbis, quorû & materia media est quan-  
 titate, crassitie, & alijs, die quidem secunda recipit in melancholiam pu-  
 tredo. igitur si prima die cum cholera simul & melancholia commouea-  
 tur, quod in acutis fit morbis, quartanariæ quidem periodi erunt 4, 7,  
 10, 13: raro enim ultra hos protenditur status in acutis. si ergo quàm acu-  
 tissima sit ægritudo, tum Crisis in 4 fieri potest, in his enim materia &  
 paucissima est, et subtilissima, & feruens: si vero acuta quidem sit ægritu-  
 do, sed tamen inter acutas segnior, ad 13 protendetur eius status: si ve-  
 ro mediocriter acuta sit, ad 7. in medio autem quum sit, qui mediocri-  
 ter acutus est morbus, media autem sæpius, quàm extrema, contingant,  
 inde fit, vt in genere acutorum dies septima maxime Critica sit, rarius  
 enim est morbum quàm acutissimum esse, rarius quoque, si acutus est,  
 vt ad 13 perducatur statum: si tamen quandoque ad 13 prorogetur Cri-  
 sis, totus dierum progressus ita se habet. Prima quidem dies tristis est,  
 & inæqualis, duos enim habet motus: secunda placidior redit, si non  
 duplex sit febris: tertia motum cholerae sentit: quarta melancholiæ, sed  
 latentem, at morosum tamen: quinta cholerae reuersionem videt: sex-  
 ta mitis pergit, septima valde quidem acerba est, non tamen Crisim dat,  
 quoniam non plane digestus est humor: octaua suauior ducitur: no-  
 na grauior propter cholerae motum: decima latentem habet melanco-  
 liæ motum: vndecima cholerae manifestum: duodecima placida est: at  
 13 sæuissima, & Crisim etiam affert, quoniâ cum irritamento maximo  
 digesta




A digesta etiam materia est, vt plurimum tamé in his morbis resolutio magis morbi, quàm Crisis fit in 13.



Cap. 12.

**S**I vero non prima die, sed secunda solum, motum dederit melácholia, quod in mediocribus morbis accidit, tum quartanariæ periodi erunt 2, 5, 8, 11, 14, 17, 20: vltra autem rarissime in mediocribus producitur status. Critici autem sunt 11, 14, 17, & 20: sed vndecimus Criticus quidém est, si in hoc genere materia non multa sit, & acutis proxima: si vero in eodem genere crassior sit, & chronicis vicinior, tum Crisis ad 20 protenditur: si vero in omnibus mediocris, ad 14. quoniam autem media sæpius, quàm extrema, contingunt, inde est, quod 14 maxime Critica sit in mediocribus morbis, mox 11, mox 20, mox 17. illud tamen ignorandum non est in tertianis, quæ simplices sunt, pares dies raro Criticas videri, eo quod in ijs paroxysmus non accidat, nisi anticipatio forte fiat, quare nec 4, nec 14 in his Criticæ valde videntur: quoniam tamen in tertianis sæpe accidit, vt non simplices sint, sed duplices, tum & sæpe continuæ, nec non & anticipatio quoque paroxysmorum contingat, ex his euenit, vt 14 dies multas videre Crises consueuerit, similiter & 20. Quæ vero in hoc progressu sint lenes dies, quæ acerbiores, quæ acerbissimæ, ex subscriptione manifestum esse potest.



At si tertia solum die motum recipiat melácholia, quod in chronicis morbis fit, in quibus crassa valde, & tenax, & multa materia est, periodi quidem erunt 3, 6, 9, 12, 15, 18, 21, 24, 27, 30: raro autem vltra contingunt Crises: maxime autem Criticus horum erit 21: mox 27: mox 15: si enim materia crassa quidem, ac tenax sit, pauca autem in eo genere, ad 15 status erit: si vero crassa, ac valde multa ad 27: si vero eo in ge-

genere mediocris, ad 21. quod iccirco sapius euenit, quoniam in medio est, quæ vero dies quietiores, quæ grauiiores, quæ grauiissimæ futuræ sint, ex subscriptione manifestum est.

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30.

Cap. 13.

**E**X his omnia illa monstrari possunt, quæ circa Crises spectantur: ac primum illud, cur tam 20, quàm 21, Critici diēs sint, in quo tantum Galenus laborat, mensem mirum componit, horas subtrahit: patet enim in mediocribus morbis 20. in cronicis 21, diem Criticam esse, vtra autem Critica magis sit, difficile certe est iudicare, casu enim fieri potest, vt aliqui plures in 20, aliqui plures in 21 Crises perspiciant: propter quod Archigenes magis 21 amauit, Hippocrates vero 20 magis. Illud quoque perspicuum esse potest, cur dierum alij præstent principatu, alij sint principatu minores, & cur alij Critici sint, alij non, alij medio modo se habeant.

Ergo inter omnes maxime Criticus dicebatur septimus, quod iccirco fit, quoniam maxima Crisium pars in acutis fit morbis, in ijs et stimulus in D gens fit, & materia subtilis est, & bene mobilis, in acutis autem maxime Criticus erat septimus, quoniam in medio est. ab hoc secundus principatu ponebatur 14: nam & si quartus, et 13 in acutis versantur, rarius tamē est, vt morbus quàm acutissimus sit, rarius item vt in acutis status protēdatur ad 13: quam ob causam 14 crebriores Crises videt, quod in morbis mediocribus fit, & in ijs maxime Criticus existat: propter eandem causam et 20, et 21, et 11 magis etiam Critici sunt quàm 4, et 13. inter ipsos autem 20, et 21 superant principatu vndecimum, nam quanquā vndecimus sit in mediocribus morbis rarius, tamen in illis fit, vt status acceleretur ad 11. Non Critici autem erant 6, 8, 10, 12, 16, 19, 22, 23, 25, 26, 29: ac 6 quidem rarissimas Crises videt, quoniam in eo neque cholerae motus fit (quum sit par) neque melancholie, nisi forte in periodis tertiæ diei: at in illis status multo longior expectabatur. qua de causa in 6 Crises non fiunt, nisi forte aut paroxismus septimæ anticipet, aut materia furens sit, aut exuberantissima: in his. n. quædā Crises apparent in 6, verum illæ (vt diximus) proprie crises non sunt, sed violentiæ quædā magis, propter quod saeuus dici cōsuevit is dies, quū Crises dat, quippe quū illæ à praua materia fiant. octaua quoque propter eandem causam, quod nec cholerae motus, nec melancholiæ vi-

der,



**A**det, nisi in periodis secundæ diei, Critica esse non potest. 10 vero motum cholerae non habet, quæ re fit, ut quantū motum primæ diei habeat, non possit tamen Critica esse: at 12 & par est, et motum habet melancholiciæ tertiæ diei, quæ ferius statū facit: 16 autem periodū habet primæ diei, sed illuc non protenditur status in acutis morbis: consimiliter et 19 motus habet primæ diei, unde nec ipsa Crisim videt: sed neq; 22 eadem de causa. vigesima autem tertia periodum habet secundæ diei, sed in morbis medicis dictum est statum non protendi ultra 20: ad 25 autem transferent periodi primæ diei, si morbus non ante decerneret: idem de 26, et 29 dicatur. De vigesima autem octaua dubium apud antiquos fuit, multum prætulerunt eam 27, quod quidem verum esse potest, si forte melancholici die solum quarta moueri accidat, sic. n. periodi erunt 4, 7, 10, 13, 16, 19, 22, 25, 28, 31. quæ motum & nos semel obseruauimus in continua febre, in qua duplicis tertianæ correspondentia fuit. acerbæ autem dies ceperunt esse 7, 10, in qua exacerbationes tertianariæ cessare, abinde vero cum continua quartanarij solum nobis apparere: seuissimæ vero omnium dies fuere 22, 25, et 28, in qua æger supremam obiit diem. Medij autem dies erant 3, 5, 9, 13, 18: ac tertius quidem, & 5, et 9 ita se habent, quoniam in tertianis puris, & ijs, quæ non puræ sunt, habent autem formam vnam, multæ contingunt Crises. 13 autem ad Criticos propinquus est (ut diximus) quoniam & impar est, & inter periodos primæ diei cadit: quare & ipse non nullas crises videt: 17 autem periodos habet secundæ diei, & in eo sæpe Crises etiam fiunt: at 18 periodum sortitur diei tertiæ, & quasdam etiam Crises dat, vel anticipantibus paroxysmis, vel in duplicibus tertianis.

Cap. 14.

**I**ndicatiui vero dies sunt, in quibus materia non omnino digesta est, proxima autem ut digeratur: quoniam vero natura, quoties irritatur, expulsionem nocentis tentat, inde fit, ut certis diebus Crises quædam imperfectæ contingant, nuntia vero eius Crisis, quæ perfecta futura est. Crisim quidem atque expulsionem tentat natura, quoniam stimulat, imperfectam autem facit, quoniam non omnino digesta est materia, quæ tamē quoniam in parte digesta est, in parte etiam expellitur: propinquissima vero digestionem quā sit, nunciat quidem in sequenti periodo futuram esse perfectam Crisim, atque ideo indicatiui illi dicuntur dies, in quibus imperfectæ contingunt Crises, propinquissimæ vero perfectis. omnes autem quarti sunt à die perfectæ Crisis, quod apertissime monstrat rationem Crisim à melancholiciæ motibus potissimum dependere: quartus igitur nuntius

tius septimi est, vndecimusquarti decimi, decimus autem septimus vigesimi, decimus octauus vigesimi primi: vidimus autem nos & 8 indicatiuum fuisse vndecimi in muliere tertiana febre laborante, cuius acerbiores dies fuere 2, 5, 8, erat enim mota melancholia secunda die: in 8 autem yrina facta fuit sanguinea, vnde iudicauimus in vndecima Crisim futuram esse per menstruum sanguinem, quod non secus, atque existimaue-ram, euēnit, nihil enim prohibet & eos dies (qui vt plurimum indicatiui sunt) quandoque etiam principes in Crisi fieri.

## Cap. 15.

**D**E natura igitur & causis Criticorum dierum ita quidem oportet existimare, ad quæ si qui forte medicorum animaduernerint, facultatem profecto nacti erunt in omnibus penè morbis dierum progressus nouisse, quæ mites, quæ acerbiores, quæ acerbissimæ futuræ sint: tum & quando, et quomodo, & quorum humorum futura, aut nō futura sit Crisis, & quando conueniat, aut detrahre sanguinem, aut medicamenta vlla afferre. Verum diligentia opus est, & cura, anticipationesq; paroxysmorum considerandæ, & dies multo studio enumerandæ, & quid in vna quaque noui accidat: quare & contemplatio hæc, atque ars negligentis medici non est, aut ad lucrum euolantis, sed solertis, et amatis philosophiæ. Est autem (si fieri potest) procurandum primam ægritudinis diem accepisse, quo recte possimus, quæcunq; sunt secutura, diligentissime obseruare præuidereq; si igitur circa morbi initia datum fuerit accessisse, ad hæc attendere eum oportet, qui eius progressum nosse volet. in primis videat qualis nam ægritudo oblata est, num acuta, an cronica an mediocris, quod ex ijs signis cognoscet, quæ à medicis tradi solent. q; si acutam ægritudinem viderit, materiamq; aeream & subtilem, si quidem cholera pura iudicabitur, ad impares tantū dies animaduertat, neq; .n. in ea melancholiæ periodi sperandæ erunt: at si non sincera fuerit cholera, sed sordidior quodammodo, tum sperari poterunt quartanarij illi motus, qui ordinem in Crisibus præbent. quare ad primum paroxysmū aduerte, si simplex est, si tempora seruat sua, an magis si quandam recipit diuersitatem. q; si circa augmenta, aut status, aut declinationem cōtrahi rursus pulsus videatur, atque extrema frigere, suspicio quædam est motam simul atq; eadem die fuisse melācholiā: q̃q̃ nō necessarium id est, possunt enim hæc eadem, aut ex motu phlegmatis, aut ex alia portione cholæræ prouenire, verum quarta dies certitudinem eo in dubio dabit, si enim debente ea sine febre fieri (vt in ternianis). tristem tamen appor-  
uerit



**A**uerit diem, & occultam quandam sine causa ægro perturbationem immiserit, magnum quidem indicium erit die prima motam simul fuisse melancholiam: quare inspecta vrina, & alijs digestionis signis ad septimū animaduerte, in quo aut Crisis fiet, si indicata in quarta fuerit, aut ægritudo soluetur, aut status erit.

Si vero prima dies nullum dederit signum motæ melancholiæ, videris autem materiam grossiusculam, tūc iudica morbum vltra hebdomadam transiturum: quare nec 4, nec 7 curato, si opus fuerit aut sanguinē mittere, aut pharmacari, neque enim is te teneat timor, ne impedias Crisim. ad secundam vero diem respice, in qua vide, si quicquam commoueatur, an nihil: quod si aliquid mouetur, considerato, an clarus sit paroxysmus, & priori similis, forte enim febris duplex erit, an magis latēs fuerit motus, & sine manifesta causa tristior, quo casu & ad quintum respicito, si sæuum apportarit paroxysmum, si longum, inæqualem, non humorosum, sed siccum, cum declinatione longa, morosa, quæ si contigerint, dubitare nihil debes motam die secunda fuisse melancholiam. computa igitur periodos secundæ diei, & metire materiam, qualitatemq; eius, & quantitatem, ac digestionem, si enim mediocris in omnibus visa fuerit, ad 14 protende statum: si crassa medio modo, at multa, ad 20: si acutior, & non multa, ad vndecimum. Cognosces autem & quæ quietiores,

**B** & quæ acerbiores dies erunt.


At si neque prima, neque secunda die signa vlla videris motæ melancholiæ, tum ad tertiam te conuerte, & materiam bene examinato: quod si nothæ vllæ apparebūt, quæ suspicionē dent eius motus, tunc ad periodos tertiæ diei spectato, si igitur & 6, & 9 tibi responderint quartanarios motus seruanti, tūc chronicam ægritudinem futuram time, & si materia crassa quidem videbitur, mediocris autem quantitate ad 21 decerne statum: si vero multa, ad 27.

*Cap. 16.*

**Q**uoniam autem non semper aduocari medicum ad initia morborum accedit, si quidem primas dies vidisse non dabitur, at per cunctare tamē, quæ prima fuit dies, qualesq; reliquæ præteriere. Fortasse enim hoc modo periodos primæ, aut secundæ, aut tertiæ diei nouisse poteris: nā si quartanarios vllos motus depræhēderis, facta ad diē primam supputatione videbis, cuiusnā diei illę periodi sint, q; si nec diē primam dare, neq; aliarū ordinē æger sciuerit, aut qui ægro astant, tu tamen morbi motus obserua, raro enim fit, vt re diligenter spectata non sese offerant

offerant tibi quartanarij aliqui melancholię motus: quos si ullos videre poteris, considerato & signa digestionis, & propinquitatem status, & distantiam, nec non & materię qualitatem. Sic enim non modo futurorum, sed & pręteritorum etiā cognitor esse poteris, quemadmodū non multo iam elapso tempore contigit mihi: quū enim acersitus ad agrū quendam multis post morbi initia diebus quęsissem, qua die primū egritudo inuasisset, nescire se tum æger, tum & astantes dixere: tū quęsiui, quę saltem grauiore pręterijssent dies: hesternā, iquit æger, & dies martis grauiore fuere. fuerat autē, quā hesternā dixerat, Veneris dies, quarta quędē à die Martis. Cognoui igitur melancholię motus illos fuisse: quum vero et urinā & reliqua signa digestionis examinassē, vidissēq; quā iā plures à prima pręterijssent dies, statum tamen adhuc longinquum, iudicauī periodos illas Veneris, Martisq; tertię diei fuisse, quare & ægritudinē ad 27 transituram. Facta vero diei tertię computatione tandem cōpertū est ægritudinem die Martis primo incepisse, ac tunc decimā et nonā agi, quę sabbati dies erat.

m. m. i. v. s. d. l. m. m. i. v. s. d. l. m. m. i. v. s.  
 1 2 3 4 5 6 7 8 9 10 11 12 13 14 15 16 17 18 19



D

Hęc sunt, quę circa Criticorum dierum causas et rationem lōga primū diligentiq; inquisitione nobis comperta sunt, mox & re ipsa obseruationibusq; comprobata: quod & reliquos quoq; medicorum facere & hortor & rogo: sic enim (vt arbitror) & laborem nostrum commendare, et me excusare poterunt, si à parente medicinę Galeno, quem in reliquis vt Deum veneramus, & colimus, hac vna in re discedere ausus sum.



# ALEXANDRO FARNESIO CARDINALI AMPLISSIMO

HIERONYMVS FRACASTORIVS

VERONENSIS S,



**H**OMO homini natus quum sit sacerrime Princeps, illud sepe dubitatum fuisse video, Vtro beneficio prodesse magis queamus, eo ne, quod per otium comparatur contemplando & scribendo, an eo, quod per negotia agendo, atque egregia multa nauando. nam plurimi quidem non solum propinquis & amicis, sed etiam Rebus pub. & multis sepe nationibus magnopere agendo profuere, plurimi vero scribendo. Inter quos illud interesse videtur mihi, quod qui per negotia profunt, presentem magis, & magis perspicuam vtilitatem prestant opes, patrocinia, honores, libertates, & alia eius generis multa. qui vero per otium, si non adeo presentem vtilitatem, at certe communem magis, & magis perpetuam, ac iniurias temporis & fortunæ superaturam afferunt. quo pacto disciplina, leges, historia, artes inuētæ, auctæ, ac per manus traditæ in æta-  
**B**tes omnes, in nationes omnes peruenire potuere. Vtroque autem modo prodesse posse, paucissimis quidem, quos Deus præcipue amauit, semper concessum fuit. quod otium & negotia inter se non parum aduersari solent. qua de causa Reges & Principes viri, quod actionibus detenti, distractiq; minus otio inservire possunt, per alterum magis (hoc est per actiones) prodesse ipsi quidem consueuerunt, per alterum autem minus, hoc est per ea, quæ ab otio proficiuntur beneficia. Verum enimvero, quicumq; vere Reges, et Principes sunt, curant profecto & prouident, vt quod ipsi per se non possunt, per alios nihilominus præstent, ne quum altero in genere excellent, in altero humano generi deesse videantur, cuius beneficio nati, constitutiq; à Deo sunt. qua in re non minus laudandi commendandiq; sunt, quam in eo, quod per se ipsi possunt & conferunt, & si enim magna est ea virtus, quæ per se facit, non minor tamen & illa est, quæ alium mouet, & per ipsum vsui est, quando neque Deus optimus atque omnipotens per se semper & statim prodesse vult, sed aliorum opera, & ministerio ad eam rem vti consueuerit. ex quo quidem fit, vt Reges non paruam ingeniorum rationem & curam habeant, ea alant, & foueant, & quodammodo vt pariant, causæ sint. quare & illud recte homines instituisse videntur mihi, vt quemadmodum, qui naturæ sunt partus, Dijs optimis consecrantur, ita ij, qui sunt ingenij, Regibus & Principibus viris dedicarentur. flores quippe et fructus, et pri-  
Fracastorij. V mitias

mitias frugum atq; animalium, templis et aris offerri videmus, poemata vero C  
historias, & reliqua disciplinarum inuenta, ijs qui potestatibus præstant. quin  
ipso quoq; utpote modis omnibus de humano genere benemeritos, & Dijs op-  
timis benefactoribus similes dicere solemus, & Deorum nomine salutare, &  
in Deorum cætum & numerum vita functos referre. Verum qui tales specten-  
tur, paucissimi quidem omnibus seculis semper fuere, quando multos ipsa illa  
potestas, qua insignes sunt, non in aliena commoda, sed in propria trahere con-  
suevit. Quapropter & maior est eorum paucorum gloria, quos vera virtus cõ-  
effere potuit, ut Deos optimos imitarentur: quos inter (ut ad te veniam præ-  
stantissime iuuenis) tu quidem raro, nescio quo, virtutum igne splendere, atque  
ea præcipue teneri pietate videris, quæ & per sese, & per alios prodesse studet,  
& vult. nam ut priuata taceam beneficia, quæ innumeratim dies confers, tot  
quidem publica, ac tanta obis non pro patria solum Roma, non pro Italia so-  
lum, sed pro tota Europa, pro vniuerso Christiano nomine, ut non solum te ad-  
miremur omnes, ac suspiciamus, sed in tanto Christianarum rerum discrimi-  
ne à Deo maximo electum existimemus, cum quo sanctissimus Auius tuus  
Paulus III. Pont. Max. curas omnes, actionesq; partiretur iam tum te ab  
adolescencia eum auspiciatus futurum, in quo onus tandem recumberet tantæ  
molis. Qua in re & illud quoque magnopere admirandum est, quod moles ea  
quum tam grauis, tam varia sit, tu tamen literarum haud immemor non mino-  
ri cura atque opera studes, ut & hac quoque in parte nec tibi, nec alijs desis. D  
Nam quum magna quadam atque excellenti natura æque & ad actiones, &  
ad studia literarum sis natus, facis profecto, ut & de te multa aliquando spes  
randa sint, & ut interea, quod tu per ætatem, ac maxima necessariaque  
negocia præstare non potes, alij certe præstet, quos tu ita beneuolentia, ita omni  
studia amplexaris, ita liberalitate patrocinio, ac fauore omni foves, atque exci-  
tas, ut non minus tibi debeant literarum studia, quàm Christiana libertas. Cui  
quidem rei et ipse testimonio esse possum, quem tu, quum nec vnquam vidisses,  
nihil à te poscentem beneficijs tamen non paucis ea vna de causa sis prosecutus,  
ac prosequaris in dies: cui ego beneficentia, & virtuti ita me addictum, ita de-  
uinctum sensi, ut iam diu nihil animo æque fixum habuerim, quàm tibi tuæq;  
istius, qua teneris pietati, aliquid parerem, quod tuum tuiq; causa confectum dici  
posset, hoc enim vnum dabatur mihi, quo quàm gratus esset animus erga te  
meus, possem ostendere. Quam rem tametsi serius, quàm voluisssem negocijs va-  
rijs impeditus, nunc demum tamen confeci, non quidem ea in re, quam magis de-  
siderassem, quamq; existimassem tibi gratiorem futuram, sed ea tamen, quam,  
quod vtilitatem non parua (ut spero) allatura sit, haud ingratam tibi futura  
existimem. Igitur (quod tuum dicas) pro eo ocio, quod mihi concessum fuit, de  
contagione & contagiosis morbis omnibus, & eorum curatione scribere mihi  
visum



**A** Visum est. magna quidem materia & admirationis non parua plena. cui & cōmentarium adieci non minus (vt arbitror) desideratum de consensu et dissensu rerum, quam Sympathiam & Antipathiam vocant, sine quo natura contagionum plane perquiri et monstrari posse non videbatur. Vtrunque autem negotium mihi eo libentius suscipiendum duxi, quod quum hoc quidem scitu dignum sit, illud ad salutem mortalium non parum conducere videatur, tum de Vtroque; quàm paucissima quidem à maioribus nostris, quæ extent, quæque viderimus, nos, literis mandata sunt. De Sympathia quidem et Antipathia rerum Galenus iam sese non nulla scripsisse refert, verum ea scripta aut interiere, aut etate nostra, quod nos sciamus, adhuc in lucem non peruenere. De cōtagione vero Hippocrates quidem circa populariter vagantes morbos non nulla tetigisse videtur, sed tamen qui obseruaret magis, quàm naturas eorum traderet. Galenus vero post ipsum plura quidem monstrauit, sed et ipse tamen, et sectator illius Paulus Aegineta, et Aëtius Amidenus, et alij veteres non pauca, vt mihi videtur, reliquere, quæ possent magnopere desiderari. Recentiores autem nihilo plus de contagione videntur dixisse, quàm quod ab occulta quadam proprietate proueniat. Quæ autem in vniuersum natura contagionum sit, et quo principio afficiant, et quo pacto gignantur, et cur aliæ fomitem relinquant, aliæ ad distans sese etiam propagent: et morborum cur alij contagiosi sint, leniores, mitioresque; existentes, alij minime contagiosi, acerbiores, ardentioresque; multo quum sint: et quo à venenis contagio differat, et eiusmodi alia multa nulli dicere tentare, satis quidem fecisse rati, si horum omnium causas in occultas illas (ita ipse vocant) proprietates reduxissent, quibus acquiescendum non modo sibi sunt arbitrati, sed et alijs præcepere. atque his contenti in quamplurimis philosophati sunt, quod certe philosopho homine semper indignum existimaui. Causarum enim quum quædam vniuersalissimæ sint & remotissimæ à rebus, quædam vero propinquiores et particulares magis, ac demum quædam propinquissimæ, et propriæ, proprias quidem et propinquissimas in reconditis, et difficilibus attingisse aut Dei certe est, aut diuini. Vniuersalissimis vero stare ignaui et rustici ingenij est, medias vero inquirere, et ad proprias niti (quantum homini datur) philosophi certe est. Admiraberis autem fortasse duas me hasce materias sumpsisse scribendas, quarum alteram maiores nostri penè intactam reliquerunt, alteram omnes fateantur ab homine sciri non posse. Verū enimvero, quod tum Sympathie rerum, tum et natura contagionum in difficili atque arduo posite sint, et nos quidem concedimus: quin et ineptum quoque aut arrogātem magis eum fore dicimus, qui propinquissimas et proprias earum causas præsumat inquirere: Verū tamen idē ille si medias peruestiget, multa illum inuenturum non diffido, quæ tū delectare, tum et magnopere prodesse possint, quod institutum et mihi ipse in hac nostra peruestigatione proposui. Præterit autem uero fuisse à maioribus nostris conta

gionum materiam, neminem mirari velim, quando id accadat disciplinis omnibus, ut non omnia ab ijs, qui eas condunt, absolui possint, quoniam vniuersalia magis & rerum principia prosequantur. ita in ea, quæ de natura est, philosophia innumera quidem partim intacta, partim non plane discussa relicta sunt. nam neq; quomodo intellectio in nobis fiat, hætenus traditum fuisse video, neque earum qualitarum, quas spirituales vocant, naturam satis demonstratam, & alia multa. quod & in re medica consimiliter quoq; contingit, in qua plurima adhuc supersunt, quæ posteris & nepotibus inquirenda patres nostri reliquerint, nos porro nepotibus nostris relinquemus. multa præterea intereunt eorum, quæ scripta iam fuere, multa viuunt quidem, sed non apud omnes, ita se habet mortalium rerum conditio & vicissitudo. Necessaria autem nec ne sit contagionum inquisitio, quam nos in præsentî aggredimur, si Diî annuerint, Vnusquisq; videre poterit, qui ea legerit, quæ scribemus. Tu vero qualiacunque hæc fuerint, quæ pro vetere instituto sacramus principi viro, tibi autem, quod tua iam sint, & tui gratia enata, libenti animo accipies, tum & auctoritate, quæ tibi est tanta, proteges, ut nemo calumnijs insectari audeat, quæ tibi accepta fuerint, & sub tuo auspicio emissæ.



# HIERONYMI FRACASTORII

## DE SYMPATHIA ET ANTIPATHIA

### LIBER I.

#### CAPVT PRIMVM.



*PRIMVM* autem de latenti rerum consensu & dissensu, quam Sympathiam & Antipathiam dicunt, agamus, quo nihil admirabilius est in tota natura, nihil scitu desideratum magis. Gallinaceus pullus vix natus equum Elephantemque nihil reformidat, Miluum vel longe conspectum adeo expauescit, ut ad matrem

statim confugiat. eadem agno, & lupo, & alijs multis inimicitia est. Marfi & Pili serpentes illesi transeunt. Thesalos, & quasdam familias in Creta legimus laudando afficere fascino consueuisse, intuendo vero Infantes in tabem vertere. Fulmen aurum colliquat intacto loculo, tum vina absumit vase nec quicquam lesio. Adamantem ferunt solo Hircino sanguine mollescere, mala medica inperfo in eorum cumulum pane flaccescere. Vni sono in cythara tacto moueri & aliud vnisonum videmus, quod ne prope etiam sit. concusso vero tympano e corio lupi confecto, dicuntur ea dissolui tympana, quae ex agnino corio sint confecta. Herculeus lapis ferum ad sese trahit, Adamas & Electrui pilos & furculos. Quid vero aequum mirandum est, quam ignotum illud antiquis miraculum nauigatoriae pyxididis, cuius extremum perpediculum temperati magnete ferri, in incredibili distantia ad eas semper partes se se conuertat, quae ad Polos spectant? Quid quod Leo animalium omnium terror gallinaceo tamen gallo terretur, praesertim cantum emittente? Taurum affirmant quamuis furem al ligatum ficu statim mansuescere. Brassicae & rutae tanta inimicitia est, ut iuxta feri nolint. Cucumis autem supposito oleo recuruari videtur. Aurum neque oleum, neque aquam imbibit, Argentum viuum statim, ac rapitum quodammodo ebibit. Oleum aquae non admiscetur, quam nec Adiantum admittit, quamque riuos & fontes amet. Calx vero, & spongiae, & id genus, liquida omnia ita absorbent, ut mirari liceat, quum alioqui inter ipsa contrarietas non parua sit. Et illud quoque mirandum est, quod oscitante alio & nos pariter, nisi aduerterimus, oscitamus, & alio edente acerba quaedam, saliuam alteri in os profilit. Catablepha animal hominem ad mille passus conspectum interficit. in fetus signa quaedam eorum transire videntur,

dentur, quæ matres audissimè appetiuere. Octimestris partus non uiuit, C  
quum tamen septimestris uiuere conspiciatur. Porro supra omnem credulitatem uidetur esse Echeneis paruus pisciculus, Remorâ appellamus, qui medio in mari nauem vi atq; impetu ventorum actam sistat, vt alij ferunt, aut saltem, vt alij, tardet. & infinita alia id genus, quæ incredibilis admirationis sunt plena, inter quæ & contagionum natura est.

*De primo consensu rerum omnium.*

Cap. 2.

**P**Rimus autem, communis rebus omnibus, & admirandus est ipsius  
vniuersi consensus, in quo quæ sunt corpora, ita omnia inuicem cõ  
nexa, ita hærentia esse volunt, vt nulla potentia sit, quæ eorum extrema,  
quibus sese mutuo tangunt, seiungere prorsus possit, atque ita separare,  
vt vacuus locus intercidat. Mira profecto res est hac de causa grauius sur  
sum trahi, leuia deorsum, contraria, quæ sese pellere, atque etiam interi  
mere solent, nolle tamen seiungi, tantus est consensus ille rerum omniũ  
in vniuerso. Cuius rei si quis forte finem requirat, & cuius gratia fiat,  
non difficile certe erit assignare rationem, quam & omnes assignant, ne  
detur vacuum: quippe vacuum in natura esse non potest, quoniam ni  
hil natura sustinet, nihil admittit, quod frustra sit, quodque vniuersi ordi  
nem & leges impediat: quæ quidem contingant, si vacuus sit ullus locus, D  
in eo enim, nec quicquam fieri poterit, nec quicquam recipi. At vero  
si quis non solo fine contentus sit, sed & agens quoque requirat, & quid  
nam illud sit, quod diuellenti resistat, & quomodo, non erit fortasse ita  
promptum reddere rationem tanti nexus: quãdo vniuersi partes neque  
cum finem agnoscunt, neque per naturam appetere possunt, aut contra  
rijs iungi, si contraria sint, aut sursum duci, si grauius, aut deorsum, si leuia.  
Neque enim dicendum (vt quidam aiunt) vniuersi partes, tametsi non eũ  
cognoscunt finem, dirigi tamen à cognoscente: quando hic non vniuer  
salem & primam causam querimus, sed particularem & propriam: qua  
le esse non potest eorum ullum, quæ immaterialia sunt, sic enim perisset  
natura. Neque rursus dicendum, vt alij, qui materiam in causa ponunt,  
quæ per se semper continua sit, sine forma autem omnino esse non pos  
sit, vnde accidat vniuersum semper esse continuum, & plenum: materię  
enim neque actionem, neque resistantiam ullam iure possumus attribue  
re. Rectius igitur fortasse illud dicetur primum finem, quem omnia  
per naturam habent, esse, vt sint, ac conseruentur: conseruantur autem  
substantię & corpora principaliter ac maxime per mutuum nexum, &  
contactum extremorum: sic enim ciuitant vacuum, quo nihil esse potest  
inimicum



**A** inimicum magis omni naturæ: atque hoc est, quod alij locari dicunt, locus enim fit vnum corpus alteri, vnde & recte aiunt locum esse locati cōseruatium: quod profecto maxime fit, quum à vacuo præseruet. Non cognoscunt igitur eum finem substantiæ, & corpora, quæ in vniuerso sunt, per naturam tamen resistunt, ne separentur omnino. Non enim necesse est, quæ gratia alicuius agunt, finem etiā cognoscere: sed alia cognoscunt quidem, alia per naturam agunt. In hoc autem simplici corporum nexu, & loco nihil alteri contrarium est, nulla versatur inclinatio sursum, aut deorsum. Quod si contraria sunt aliqua inter se corpora, si certam habent inclinationem, habent quidem, non quatenus simpliciter corpora sunt, sed quatenus talia (puta) calida, & frigida, graua, & leuia: quare & quatenus talia vim aliquam pati possunt, simpliciter autem non. Quacunque igitur intercidere vacuum posset, nexus & locus est necessarius substantijs omnibus: propter quod & omnia, quæ intra primum corpus sunt, locum habent secundum extrema omnia, quoniam secundum omnia extrema vacuum intercidere posset. Primum autem corpus, quoniam per supremam, & extimam superficiem vacuum non est obnoxium, nec alterius cōseruatione indiget, per internam solum superficiem locatur.

**B** *De Sympathijs Elementorum ad loca propria:*

*Cap. 3.*

**I**gitur quum omnia corpora finem eum habeant, vt cōseruetur, prima quidem rerum omniū cōseruatio est simplex illa locatio & nexus, quo præseruantur à vacuo, vt dictum est: secunda autem, quæ priorē hanc præsupponit, est certa & determinata locatio & nexus, quem cōsensum habent in primis elemēta cum locis proprijs: neq; n. quatenus talia sunt calida, frigida, graua, & leuia, vbiq; cōuenientem locum habēt, sed certas sedes exposcūt, & certos quorūdam corporū nexus. Atq; igni quidem qui pro natura debetur locus, est totum illud, quod interiacet inter concauum orbis Lunæ, & deuexam aeris superficiem, vbi conuenientissime collocatur, quoniam cum altero extremo illi orbi iungitur, à quo q̃ optime per lumen cōseruatur, cum altero vero aëri, cui per caliditatem respondet: respondere aut per vtranq; qualitatem nō datur, quoniam sic ignis iam aer esset, quare per alteram si respondeat, sat naturæ datum est. Aeris vero situs inter ignem & aquam q̃ aptissimus est, cum hac. n. humiditate, cum illo caliditate concordat. Porro aquæ sedes inter aerem & terram est, cum altero enim humiditate, cum altero frigidityte cōsentit. Terra vero circa centrum in aquæ concauo locum habet, cui frigidityte respondet.

respondet. In his igitur locis omnem habent elementa conseruationem, C  
quam habere natura possint. nam & simplicem illum nexum & locū ha-  
bent, quo præsauerantur à vacuo, tum vero & proprium, vbi propria eorū  
natura maxime bene habet: in reliquis autem locis priorem quidem, &  
communem nata sunt conseruationem, propriam autem non, propter  
quod prouidit natura illis, vt per media contraria viam sibi aperiant ad  
propria loca. Habet autem dubitationem quandam, quod diximus loca  
propria elementorum esse nexum certorum corporum, quibus consen-  
tiant qualitatibus, quoniam quærentibus elementis loca sua, indiuisibile  
quiddam videtur esse, quod vocant vbi, ad quod per se feruntur tum to-  
ta ipsa, tum eorum partes, ac centrum sui faciunt. cuius signum illud  
est, quod si loco aquæ poneretur aer, terra nihilominus ad centrum fer-  
retur: & si loco aeris poneretur aqua, ignis quidem moueretur ad locū,  
quo & nunc mouetur: quare accidere quodammodo Elementis videtur  
moueri ad superficies aliorum. Dicendum duas elementa habere ratio-  
nes, alteram, quatenus vna quædam natura est vnumquodq; illorum, al-  
teram, quatenus partes sunt vniuersi & naturæ totius. ac certe quatenus  
vna quedam natura sunt, sic profecto certum vbi, certumque locum ha-  
bent vnumquodq; illorum, ad quod per se feruntur: ac ignis quidem lo-  
cus est linea media inter concuum orbis Lunæ, & deuexam aeris super-  
ficiem, ad quam & ignis totus & pars eius quælibet per se mouetur, & D  
centrum faciūt. Aeris vero locus est linea media inter ignem & aquam.  
Aquæ vero locus linea media inter aerem & terram. Porro terræ locus  
est centrū. at quatenus partes totius naturæ sunt elementa, & veluti mē-  
bra vniuersi, loca quidem eorū sunt ea, quæ dicta sunt: sicut enim in ani-  
mali partes inter se consensum & relationem non paruam habent, & in  
eo certos exposcunt situs, ita et in vniuerso, quod pinde, ac animal quod-  
dam, est, partes eius situs inuicem consentientes exposculāt, alioquin vni-  
uersum ipsum debite constitutū non erit. Non accidunt autem loca hæc  
elementorum, vt partes sunt totius naturæ, lineis illis medijs, ad quas mo-  
uentur, vt naturæ quædam per se, immo causæ & fines illarum sunt, si  
enim quærat quis, cur ignis ad lineam inter Lunam & aerem mediā mo-  
ueatur, respondere licet iccirco esse, quod eo pacto recte collocantur ele-  
menta in vniuerso, & natura tota suos consensus habet, nec ignis ipse be-  
ne haberet, nisi in ea linea factō totius centro, hinc quidem Lunæ conca-  
uum, inde aeris deuexam tangeret. atque itidem de alijs quoq; dicatur.  
neque alia quidem est in locis elementorum vis conseruatricis, vt multi  
putant, quàm hæc, quæ dicta est.



A

**E**st autem & alius in elementis consensus partium, quatenus in toto sunt. Cōstat enim, si vi rarefactæ illæ sint, sese condensare, si condensatæ, rarefacere, quouiq; veniant ad eum situm, qui toti pro natura debetur. qui quidem consensus non minus prædictis est admirandus, tum q̃ mirum est partium alias descendere in eo toto, alias ascēdere, alias in latius ferri, tum q̃ ex causâ hac maximi quidem & plurimum admirandi effectus proueniant. nam & soni primum per hunc modum audiuntur, tum & primæ animalium motiones contingunt, & proiecta in aere continuum motum habent, & quo nihil admirabilius vidit tēpestas nostra, Tormenta quoq; illa, per quæ mœnia & vrbes tãto impetu demolimur, per hoc principium dant eam stragem. Soni quidem, nisi addensetur aer, non sentiuntur, quoniam qualitates, quę sensus mouent, omnes quidem subiectum, in quo per se sunt, densum amant, medium vero, per quod feruntur earum species, non omnes densum volūt, sed quædam rarum exposcunt, quædam densius: lux igitur in subiecto raro non videtur, in dēfiori videtur, medium vero, per quod species illius trāsit, rarum esse oportet. Quædam vero tam subiectum, in quo sunt, q̃ medium, per quod deferuntur species, densius poscunt, vt sonus, qui si aut subiectum aut mediū rarius habeat, sensum nō mouet. Qualitas ergo illa, quæ sonus dicitur, in materia densa per se est, vt in ligno & alijs, sicuti & lux, & odor, & sapor, at species, eius si mouere sensum debet, medium poscit continenter densum: dico autem densum non per admistionem terræ, sed vi addensatū, quod in aere accidit facto ictu. Inde enim facta prius distractione & rarefactione, tum subita fit addensatio partis post partem, more vndarum, vnde circulationes conflantur, quod non aliud est, q̃ successiua quædam aeris addensatio in orbem facta, per quā delata species à primo profecta sensum dimouere potest. Fit autem successiua illa addēsatio in aere prioribus quidem partibus subito ac vi densatis, subito etiā sese rarefacientibus, ac alias successiue densantibus: qui motus est partium in toto per cōsensum factus. Proiecta quoq; per eandem rarefactionem & cōdensationem portantur per aerem, partibus quidem, quæ ante sunt, viam quodāmodo aperientibus, & propellentibus vndationē, ijs vero, quæ circa & à tergo, successiue addensatis, & rarefactis vna post aliam, & proiectum ventibus nō aliter, ac per vndam, celeriter autem & impetu multo, quoniam nihil celerius est rarefactione, quæ partium in toto fit. A principio autem segnior est motus propter resistentiam totius aeris nōdum positi in motu, mox factis circulationibus multis, & potente iam aere sese ex-

Fractōrij.

X

pandere,

pandere, velocitas lōge maior augetur, donec summa fiat: ad quam quā C  
peruētum est, lentescit sensim deinde motus, aere, qui ante est, plurimū  
rarefacto, ac iam condensatione continenter magis & magis desinente,  
minorata obsistentia: atque hoc pacto tandem laxatio & solutio circula  
tionum fit: vnde & vectio demum cessat. In bellicis autem tormētis tan  
tus impetus accidit igne multo repente genito è fomite, qui vi conclusus  
rarefactionem sibi propriam quārit. Si igitur obsistens potentius ipsum  
sit, q̄ ignis, extingui ignem accidit, aut etiam generari nō posse, sin  
contra ignis post luctamen multum potentior ipse sit, tum subita, atq; ea q̄  
dem ingenti rarefactione facta, aut vas rumpit, aut obiectam pilam im  
petu magno extrudit, quæ mox per aerem eodē modo portatur, quo &  
sagittæ, & proiecta reliqua: quæ omnia per consensum partium in toto  
fiunt: nihil autem contra naturam patiuntur partes, quum sese aut condē  
sant, aut rarefaciunt, quanquam, aliæ ascendant aliæ descendant, quoniā  
fursum aut deorsum inclinare non inest partibus, quatenus in toto sunt,  
aut mouentur, sed illi solum, quod totius rationem habet, & per se est, at  
que extra moueri vult: sic enim aut fursum inclinat, aut deorsum. De  
motione autem animalium, quomodo & ipsa per hoc principiū fiat, pau  
lo post inquiremus.

*De attractione, et motu similium ad similia.*

Cap. 5.

D

**V**idetur autem & alia quædam plurimum admiranda, quæ inter af  
finia & similia versatur, Sympathia: Cōstat enim vnum ad aliud  
moueri, donec & in vnum coeant, quod & in elementis, & alijs manife  
stum est, in aere quidem inter bullas illas, quæ in aqua fiunt, videmus. n.  
vnam ad aliam appellere, & eo velocius, quo proximiores fiunt. Simili  
ter autem & in igne sæpius est videre paruam flammam à maiori velocif  
sime trahi. In aqua autem, & terra non ita promptum est, propter eorum  
corporum incommoditatem. In mistis vero multis manifestissime cerni  
tur, vt Magnete, Electro, Adamâte, & alijs pluribus, præcipue autem in  
animalibus, & plantis. De quibus omnibus nunc in vniuersum quære  
mus, quomodo is motus fiat, mox de mistis non nulla seorsum dicemus.  
Sunt ergo, qui putent simile moueri ad simile propter ipsam similitudi  
nem, qua sese mutuo conseruant: nam qua causâ elementa mouentur ad  
loca propria, eadem & separata pars ad suam consimilem mouere vide  
tur: mouentur autem Elementa ad loca propria, vt locentur illic, vnian  
turq; simili, à quo conseruantur, cur ergo & pars ad partem non mouea  
tur, vt illi vniatur, ac cōseruetur, quum maior multo, & intrinseca magis  
sit earum similitudo, q̄ elementi ad locum proprium? Sed certe hoc,  
tamen



A tametsi apparentiam quandam habeat, non tamen (vt arbitror) recte dicitur, pars enim separata, neq; per cognitionem, neq; per naturam moueri ad consimilem potest, ac non cognoscere quidem manifestum est, per naturam autem non moueri & signa sunt, & causæ, ac ratio, quæ conuincant. Primum. n. videmus similia hæc moueri non in omni distantia posita, sed certam requirere, atq; eam quidem valde paruam in multis: oportet autem in omni distantia moueri, si per naturam, & similitudinem agerentur: similia. n. ubiq; similia sunt, & eandem naturam habent, quæ admodum elementa ad sua se loca ferunt, vbicunq; posita sint. Præterea & quanto maior est moles eius similis, quod ad aliud mouetur, tanto difficilius duci constat, ac ne posse etiam moueri, si maior accreuerit quantitas, quod contra fieri accideret, si per naturam sese ipsa mouerent: quanto. n. maior est in ijs quantitas, tãto facilius fit motus, q̃ plus adsit eius naturæ, & virtutis, quæ mouet. Indicât hæc non per naturam applicatione similibus fieri, sed interciedere vim: quod & ratio quoque commôstrat. Querimus. n. nūquid per præsentiam vnus similis, vt Magnetis, natura & forma alterius, vt ferri, mutetur ab eo, quod per se est, an non: ac mutari quidem non videtur, nisi corrumpatur, non corrumpitur autem. Si ergo eadem remanet, quæ prius non præsentem magnete, idem profecto faciet, quod prius, & eandem inclinatione habebit: at prius inclinabat deorsum, ergo & nunc quoq; ad idem inclinabit. quare si sursum ducatur, cōtra ferri naturam fiet, & vim patietur. Qua de causa nō recte dicunt similia per naturam ad similia moueri: nec par est, si elementa per naturam feruntur ad propria loca, vt & separata pars ad consimilem per se moueri debeat: quoniam separata pars iam facta est totum quoddam, quod per se propriam naturam habet sursum, vel deorsum inclinantem, quæ donec manet, semper illuc inclinat. Alij dicunt alterari ferrum à magnetis specie, & ita alteratum per se moueri ad ipsam. Sed certe & hoc nihil est, & eadem quæstio redit: nam per speciem illam magnetis, vel corrumpitur forma & natura ferri, vel remanet: si remanet & eadem est, cur non eandem habeat inclinationem?

Quid igitur defecit ne natura in hoc, vt si similia mutuo conseruantur, modum non dederit, quo vnum ad aliud moueri possit? Nō defecit quidē natura, ac modū dedit, quo simul coniungi possent, verū non eū, quo elementa mouentur ad loca propria, sed alium, qui quodāmodo naturalis est, quodāmodo violentus, de quo iam sequitur, vt dicamus. Qm̃ igitur nulla actio fieri potest nisi per contactum (vt in naturalibus demonstratur) similia autem hæc non sese tangunt, nec per naturam mouentur vnum ad aliud, necesse est, si applicari inuicem debent, demitti ali-

quid ab vno ad aliud, quod proxime tangat, & eius applicationis principium sit: hoc autem aut corpus erit, aut forma aliqua simplex materialis, vel spiritualis. Antiqui quidem, vt Democritus & Epicurus, quos è nostris Lucretius secutus est, effluxiones corporum, quas Athomos appellabant, principium eius attractionis ponebant: quæ quidem effluxiones ne negandæ quidem sunt (vt mox ostendemus) modus autem, quem ipsi tradebant, sat rudis & ineptus erat: quem quoniã tum Alexander Aphrodisiensis, tum & Galenus satis aperte reprobant, à nobis prætermittetur. Verûtamen receptis Athomorum effluxionibus nos modum alium tradere posse videmur, quo attractio similium fiat: meminisse autem oportet eorum, quæ supra dicta sunt de cõsensu & motu partium in toto. Supposito igitur, q̃ à rebus effluant insensibilia corpora, dicimus ab vno ad aliud similium reciproce transmitti ea corpuscula, è quibus totum quoddam fit atq; vnum, verû difforme in partibus, neq; enim, quæ iuxta a sunt & iuxta b, eam habent rationem situs, & raritatis, ac densitatis, quam habent, quæ in medio sunt: qua de causa partes in toto illo non debite se habent. Sicut igitur supra diximus in elementis partes cõsensum habere maximum, & in toto moueri, quum debitum non habent situm, & modo constringi, modo laxari, ita & hic in ea athomorum nube se habere dicimus, vt partes in eo toto nunq̃ debite collocentur, & pro natura constant, donec in vnum non coeant: motis ergo particulis illis & subiecta D simul, in quibus sunt, moueri accidit, & simul coire. Atq; hoc quidẽ modo si quis dixerit attractionem similium fieri, nullũ (vt arbitror) astruet inconueniens, causam referens ad motum partium in toto: cuius rei & illud esse signum potest, q̃ confricata quædam vt Succinum, & Adamas fortius furculos trahunt. Quòd si causa hæc in oĩbus assignari in vniuersum posset, non alia profecto quærenda à nobis (vt mihi videtur) foret, sed certe causa hæc non omnibus esse cõis potest (vt mox dicemus.) Quapropter aliud fortasse principium inquirendum videtur, q̃ athomorum, quod cõmune omnibus esse queat: atq; hoc quidem, si non est corpus, quod ab vno ad aliud transmittatur, necessãrio erit forma simplex, & aut qualitas, aut substantia: at certe qualitas nulla earum esse potest, quæ materiales vocantur, non caliditas, non frigiditas, nō alia (vt manifestum est.) quare si qualitas vlla est, erit vtiq; earum aliqua, quæ spirituales vocantur, quod & multi existimant. Sed habet dubitationem non paruam, quo modo spirituale illud esse principium possit illius motus: nam q̃ ipsum alteret simile vt ferrum, quod alteratũ sese mox moueat ad magnetem, supra satis improbatum fuit, q̃ vero spirituale ipsum sit illud: quod per se mouet, nō satis rationabile videtur, quoniam nihil per se moueri potest, quod



**A** quod non sit aut corpus, aut saltem natura & substantia in corpore. Porro nec videtur, quomodo spiritualia hæc mouere possint, præsertim trahere, quoniã productio eorum non cum motu locali, sed per quandã magis generationem partis post partem momento factam. Si igitur spirituales vocatæ species omnes qualitates quædã sunt, dicere fortasse nullo pacto possumus per ipsas eiusmodi attractiones fieri: si vero aliquę illarum substantiæ sint, nihil (vt opinor) prohibet ad eas rationem omnẽ tam miri effectus referri, qui inquiratur à nobis. Recipiendum autẽ est (vt multis placet) spirituales species eiusdem rationis esse cum formis illis, quarum sunt species, nec differre ab ijs nisi modo subsistendi: eatenus. n. materiales sunt, & dicuntur, quatenus crassã quadam existentia in materia sunt, & certos terminos possunt. Ingenitum autem est formis omnibus sese (quo magis possunt) propagare, quod quidem faciunt crassæ illæ formæ, quæ materiales vocantur, verum propagare sese per eum modum, & existentia, qua ipsæ sunt, non utiq; possunt, sed tenuem, & superficialẽ sui vel partem, vel gradum producant, quem Epipolim vocat, qui ob tenuitatem sui & contrarium non habet, & momento gignitur, ac propagatur, ceu soboles quædam. Hæ igitur tenues & superficiales formæ aptæ imprimis sunt id, quod sunt, representare vsq; ad crassas illas, à quibus productæ sunt, propter quod simulachra earum & species sunt appellatæ: ppter tenuitatem autem, & q̃ momento gignuntur, spirituales dici cõsueuere, eiusdem tamen rationis cum ijs, quæ & crassæ & materialis dicuntur. Si igitur qualitates primæ, substantiæ sunt elementorum, vt multi Aristoteli attribuunt, aut etiam si substantiæ non sint, sed tamen, quantum de ijs inducitur, tantundem & de substantia subgeneratur, vt Auerroei Placet, aut vniuersaliter si substantiæ species spirituales habent & ipsæ, viã fortasse habere possumus ad ostendendum, quo pacto similium contractio & vnio à substantia fiat per spirituales speciem. Quippe de lato spirituali ab a ad b, & reciproce à b ad a, quod eiusdem rationis sit cum a, & b, & substantia, quemadmodum ipsa, totũ quoddam sit ex a, & b, & spirituali illo, in quo toto partes non plane debitum esse, & situm habent, nisi inuicem ita astringantur, vt simul & a, & b coeant: sic. n. totum illud bene habet, & secundum naturã coexistit, non secus ac si aer aliquis valde distractus ad sese redeat, & partes, quæ longius aberant: in vnum cogat & vniet, qui motus tandem est partium in toto sese ad suum situm mouentium à forma factus, quæ natura & substantia est. Est ergo partim quidem naturalis (quoniã motus omnis partium in toto à natura fit) & à forma illa, quæ in eo toto natura est, partim vero & violentus est, si ferro cõparetur & extremis ipsis, quæ per se & vt grauia

inclina-

inclinationem deorsum habent, quod & aeri etiam rarefacto & distra- C  
cto accidit, altero extremo, quod sursum est, descendēte per motum par-  
tium in toto: quod non inconuenit parti, dum pars est, vt in toto certo  
modo moueatur, quo nō moueretur, si per se esset, & vt totū. Qua de cau-  
sa partim violentus est motus ille extremis partibus, quoniam naturam  
propriam seruant, qua vel graues, vel leues sunt: partim autem est natura  
lis, quoniam in toto mouentur & non per se. Ad quæ si quis respiciat, nō  
alienum fortasse & veluti paradoxum quoddam existimabit, quod Ale-  
xander dixit attractionem omnē à calore esse: si enim qualitates primæ,  
substantiæ sint elementorum, producant autem species spirituales eius-  
dem rationis, quæ longe productæ ad sua similia per dictum modum pos-  
sint applicationem eorum facere: calori quidem maxime & præcipue de-  
bebitur ea facultas: latet autem nos caliditas illa, quoniam spiritua-  
les species sensibilem actionem non habent in alterando, quanquam in  
mouendo vim non exiguam prodant. Atque hæc quidem sunt, quæ pro-  
babiliter de tanto problemate nobis dicenda visa sunt, ad quæ credenda  
& ea nos induxerunt, quæ Galenus, & alij dicunt, quum eiusmodi effe-  
ctus à tota interdum rerum substantia fieri dicunt, interdum à similitu-  
dine: quæ apud me non aliter intelligi posse videtur, nisi per dictum mo-  
dum: per similitudinem enim à Galeno intelligi simplicem relationem,  
aut relationis fundamentum ego nūquam existimare potui, quum hæc D  
per se principium motus illius esse non possint, neq; enim relatio, neq;  
fundamentum non tangens mouere valent: sed per similitudinem ego  
arbitror speciem spirituales accipiendam esse, quæ tangit: per totam au-  
tem naturam audienda est forma, quæ sui speciem propagans, & ad con-  
simile copulans mouere possit; vtrum autem mouere per dictum mo-  
dū, qui sit motus partium in toto, Galenus existimauerit, an per alium,  
incertum est mihi. Sicut autem inter similia mutua versatur attractio,  
ita & inter dissimilia, & contraria versari propulsationem quandam mu-  
tuam cōsentaneum est credere: quod quoniam in mistis manifestum est  
magis, infra certius ostendetur: nunc ad reliquos elementorum consen-  
sus, & dissensus pertranseamus.

*De consensu et dissensu elementorum circa quali-  
tates contrarias.*

Cap. 6.

**E**st autem & alia magnopere admiranda elementorum Sympathia  
& Antipathia circa eas qualitates, quæ contrariæ inter se sunt, vt ca-  
liditas, frigiditas, humiditas, & siccitas: nam has quidem contrarias esse,  
&



**A** & sese mutuo destruere, atque interimere manifestum est: at vero quis non miretur, quum nihilominus videamus certos vnus contrarij gradus stare, ac quodammodo congaudere cum certis alterius, quosdam vero cū quibusdā non posse consistere? quasi caliditas specie tota, & natura contraria non sit frigiditati, sed certis gradibus solum: quod, quomodo se habeat, inquirendum. Quoniam igitur gradus certos, & quandam intensiōem habent hæ qualitates, quos gradus philosophi vsq; ad octo per quandam estimationem producunt doctrinæ gratia, manifestum, q̄ summus ille gradus, qui vt octo dicitur, cum nullo gradu sui cōtrarij stare & conuenire potest, sed omnibus aduersatur: at vero ille, qui vt septē est, eam non habet contrarietatem, vt omnibus aduersetur, sed ijs solum repugnat, qui supra vnum sunt, cum vno autem & stat, concordat: qui vero vt sex dicitur, cum duobus consentit, reliquis contrariatur, qui supra duos sunt, quinque vero cum tribus concordat, ijs dissentit, qui supra sunt: quatuor porrò cum quatuor conuenit, reliquos, qui supra sunt non admittit: quare contrariæ quidem sunt qualitates, sed non ita, vt qui libet gradus cuilibet aduersetur, sed certi certis tantūmodo: quod. Natura quidem ita cōstituit, vt mista fieri & conflari possent. Fortasse autem nec fieri potest, vt gradus vnus aut plures vnus cōtrarij inducti in aliud tolli amplius ab eodem, & destrui possint, vt si a calidum, in b frigidū, **B** gradum vnum caliditatis induxit, fieri non potest vt b gradum illū rursus destruat, & à se repellat, ne cum septem suæ frigiditatis consistat, quoniam nihil in seipsum agit, neque simpliciter, neq; quatenus frigidum in se quatenus calidum per vnum gradum. Si enim ageret, ageret quidē inducendo frigiditatem aliquam: aut ergo inducet, quam habet iam, aut quam non habet: at ea, quam habet, produci quidem non potest, vtpote quæ iam habetur, minus vero ea, quam nō habet, & iam amisit, qm̄ per illā actū non est, nec est à quo fiat: relinquitur igitur vt gradus ille vnus caliditatis in b, cum septem frigiditatis stet, & conueniat: similiter & de alijs dicatur. Sed habet difficultatem quomodo primus ille gradus ab a producat in b, & post ipsum alij, & quomodo cum actione simul & reactio fieri possit. Tangentibus enim sese a & b, si quidem potētius est a, quomodo patitur? si vero impotentius, quomodo agit? si æque potens quomodo aut actio, aut passio fit? quid igitur quisque hac in re dicat, nostrum institutum non est nunc recensere, quid autem rationabiliter existimemus nos, in medium breui afferemus, quædam declarationis gratia præmittentes. Primum quidem quod in actione contrariorum consideranda est potentia, per quam fit actio, qualis sit, & quanta, deinde illud, quod inducitur, ac demum in quod proprie agunt: ac  
 potentia

potentia quidem semper mensuratur per gradus illos, secundum quos est **C**  
 contrarietas, quoniam enim graduum quidam quibusdam contrarij sunt,  
 quibusdam non, vniuersaliter nulla actio fit inter eos, qui contrarij non  
 sunt, nec ab ijs potentia resultat, sed ab ijs solum qui contrarij inter se sunt.  
 Illud vero, quod inducitur, semper est remississimus gradus, incipiendo ab  
 vno, vel forte à medio, aut minori, ascendendo versus summum. Contra  
 vero illud, in quod fit actio, semper est intensior gradus, descendendo à  
 summo ad minimū. Ex his fit, vt tangentibus se a & b, siue æqualia sint,  
 siue alterum potentius, semper alterum in alterum reciproce necessario  
 agant: & si enim b simpliciter impotentius sit, frigefaciet tamen a, & ne  
 cessario gradum vnum primo inducet, mox & duos, & ita alios conse  
 quenter: quoniam id, in quod proprie agit, est gradus summus, vt octo ip  
 sius a calidi, ad quem b contrarietatem habet per omnes sui gradus. aget  
 igitur per potentiam resultantem ex omnibus gradibus, quod autem in  
 ducit, est gradus vt vnum frigiditatis, ad quem a contrarietatem non ha  
 bet, nisi per gradum vnum, qui est vt octo, per septem enim non contra  
 riatur, siquidem vnus frigiditatis gradus cum septem caliditatis fiat, &  
 contrarietatem non habet. Potentia igitur, per quam a agere potest in  
 gradum illum vt vnum frigiditatis, qui inducitur, non resultat ex omni  
 bus, sed ex vno solum, quare resistat, a per solum gradum vnum. quum **D**  
 ergo b per omnes suos gradus agat, a autem per vnum tantum resistat  
 gradui vni, qui inducitur, fiet quidem, vt necessario primus ille gradus in  
 ducatur, nec obstat pars non passa, quoniam & ipsa per gradum vnum  
 solum aget, per septem enim non contrariatur: at vero & secundus pari  
 ter inducetur eadem ratione, q̃ b aget in gradum vt septem ipsius a, cui  
 per septem sui gradus contrariatur: a autem in gradum vt duo, qui à b  
 inducitur, non aget nisi per vnum gradum, hoc est per illum, qui est vt se  
 ptem, quoniam duo frigiditatis gradus cum sex caliditatis stant, & cum ijs  
 contrarietatem non habent. Resistet igitur a per vnum solum gradum,  
 b autem per septem aget, quare necessario & secundum producet gra  
 dum, & consimiliter tertium, & ita deinceps, quoniam semper maior est  
 potetia, per quam agit, q̃ ea, per quam resistitur gradibus, qui introducū  
 tur, quæ semper non nisi per vnum est, aut forte per minus, & minus in  
 infinitum. Idem dicatur & de a respectu b, nam quum a agat primo in  
 gradum summum b, cui contrariatur per omnes suos gradus, inducatq;  
 gradum vnum caliditatis, cui b non resistit nisi per gradum vnum,  
 qui est vt octo, per septem enim non contrariatur, necessario quidem fit,  
 vt a primū caliditatis gradum introducat in b, mox & secundū, & alios  
 eadem ratione, quo pacto tandem fit, vt & actio fiat, & reactio inter con  
 traria



**A** traria, quod non sine fine quodam magno à natura institutum est, quò mista conflari possint, alia quidem inanimata terræ metalla, lapides, & id genus, alia animata plantæ, & animalia, & ipse demum homo: de quorū mistorum Sympathijs supereft iam, vt dicamus.

*De Sympathijs et Antipathijs mistorum, et attractione similibus.*

Cap. 7.

**H** Abent ergo & mista ipsa Sympathias suas, & Antipathias, & qui dem admirandas: atque in primis eas habent, quas habere elementa dictum est, imo insignius propter densitatē materiæ. Sicut enim ignis & aer elementa non lucent, non sonant, nec calefaciunt, nec odorē, aut saporem ædunt, nisi addensentur, ita nec alias virtutes ita exquisite ostendunt, vti quum per misionem sunt condensata. Igitur & cōem vniuersi consensum loci & nexus in primis habent mista, tum vero & eum, qui est partium in toto. Constat. n. si vi fuerint addensata, sese rarefacere, si rarefacta, densare. At vero & ad loca elementorum in ijs prædominātium mouentur, ac postremo similia quoq; & affinia ad sese trahunt, quod in quibusdam admirationem non paruam præbet, vt in Magnete, Electro, Adamante, & plantis, & animalibus: quanq̃ particulares quasdam dubitationes habeant consensus isti: nam si per similitudinem (vt supra diximus) sit hæc attractio, cur magnes non potius magnetem trahit, q̃ ferrū, & ferrum cur non potius ad ferrum mouetur, q̃ ad magnetem? quæ nam affinitas est pilorum, & furculorum cum Electo, & Adamante? præsertim q̃ si cum Electo affines sunt, quomodo & cum Adamante affinitatem habebunt, qui dissimilis Electo est? At vero & illud dubium est, vtrum omnia sua similia trahant, vt lapis lapidem, & caro carnem, & reliqua, de quibus nihil constat: deinde & quæ nam sit illa similitudo, vtrū specie, an genere, an in accidente aliquo sit. Sunt qui dicant similia esse oportere, sed non eadem, propinqua autem, ac propterea simile moueri ad aliud, à quo perficitur magis, quod supra satis est improbatum, si. n. natura graue est, donec natura illa remanet, semper deorsum inclinabit. Videtur igitur mihi similia esse oportere, & eadem specie, quæ sese mutuo trahunt: dico autem eadem specie aut actu, aut proprio subiecto: voco propriū subiectum id, à quo emittitur spirituale illud, quod trahit, qđ sæpe in mistis latet propter misionis difformitatē, per quam sæpe aliud actu sunt, aliud potentia. Pili igitur, & furculi ad Electrum fortasse, & ad Adamantē trahuntur, non qua pili sunt, sed qua aut aer in ipsis inclusus est, aut principium aliud, quod primo trahitur, et rationem analogiamq; habet cum eo, quod per se trahit, in quo & Adamas, & Electrum conue-

*Fracastorij.*

Y


niant

niunt per principium vtriq; cõe. Quapropter & Magnes, & alia multa **C** non trahunt fortasse per id, quod actu sunt, sed p latens aliud in ipsis principium, quod simile ferro est aut ipsi, aut principio in eo. Simile autẽ omne trahere suum simile, si analogum sit, & potentiam habeat, consentaneum est credere: qm̃ ita in elementis apparet, & eadem est omnium ratio et finis. Interdũ autem spirituale illud, quod trahendi principium est, validissimũ est, interdum debile, sicuti & principium, & forma, à qua demittitur: propter quod alia similia valenter sese inuicem applicant, alia segniter & impotenter: per se autẽ debere se omnia ita habere nõ solum ratio est, quẽ omnibus est cõis, sed & experientia apparet. Nos enim præsensibus multis è nostris medicis experientiam multorum fecimus, perpendiculo bene & concinne aptato, quale est in nauigatoria pyxide, ac manifeste vidimus magnetẽ trahere magnetẽ, ferrum ferrũ, tum magnetem trahere ferrum, ferrum magnetem: porrò electrum parua electri frustula rapere, argentum attrahere argentum, &, quod valde mirati fuimus, magnetem vidimus argentum trahere: item Electrum non solum furculos & paleas mouere ad se, sed & argentum. Vidimus quoq; idem frustum magnetis per vnã faciem magnetem trahere nõ ferrum, per aliam ferrũ non magnetem, per aliam vtrunque: quod indicium est in vna parte plus esse magnetis, in alia plus ferri, in alia vtrunque æqualiter, vnde fiat diuersitas illa tractionis. Quare nemini dubium esse debet similia **D** omnia per se, se inuicem trahere, nisi per accidens impediuntur.

Nunc & de motu illo quæramus, quo perpendiculum illud temperati magnete ferri ad eas partes conuertitur, quæ ad polos spectant: qui ad similia quoque attractionẽ reducendus videtur: quanq̃ sunt, qui non trahi vllõ modo perpendiculũ illud putent, sed cœli vertigine omnia perturbante sese ita constituere, vt quiescat magis, quo potest, talis autẽ est linea, quæ ad polos spectat. Alij existimant ferrum illud sese ad eas stellas conuertere, quæ in polis sunt, non aliter, q̃ herbarũ quædam ad Solem, vt Heliotropion, Tragopogum, & Ornithogalum: quorum neutrum rationabiliter dicitur, perturbari enim à cœli vertigine omnia falsum est, quando illa huc non pertingit, & multa quiescere hic videntur: q̃ si causa illa ad perpendiculum faceret, vtiq; & sine temperamento Magnetis ad eum situm sese conuerteret. A stellis autem nulla attractio fieri potest, nisi quæ à calore per accidens fit, calefactis quibusdam, quæ mox per naturam sursum tolluntur, aut forte circumaguntur cum Sole, vaporibus, qui in vna parte facti sunt, & successiue de vna in aliam fiunt, recipientibus impetum successiuum, & in orbem, sicuti principium, à quo generantur, in orbem fertur: vnde accidit quosdam teneros flores & fo-



**A**lia propter humiditatem circūuerti cum Sole:hæc autem ad perpendicularum in nauigatoria pyxide nullam habent attinentiam . Constat præterea perpendicularum illud declinare à linea, quæ ad polos spectat, in nostro quidem hemisperio, quod est à fortunatis insulis ad Catygaram, declinare dextrorsum per gradus Circiter nouem, in alio autem hemisperio ultra insulas fortunatas declinare sinistrorsum, & modo plus, modo minus: obseruant enim, qui ad nouum orbem nauigant, quū peruentum est ad meridianum, quod per Astores vocatas insulas transit, mutari perpendicularum:& quum in nostro mari dextrorsum flectat à polo, illic sinistrorsum verti. Vt si polus arcticus sit b, perpendicularum in nostro mari, vbi c, in alio autem mari, vbi d, declinabit quidem in nostro mari à b polo per lineam c g, in alio per lineam d e. Nos igitur diligentius rem considerantes dicimus causam, quod perpendicularum illud ad polum vertatur, esse montes ferri, & magnetis, qui sub polo sunt, vt negotiatores affirmant, quorum species per incredibilem distantiam vsque ad maria nostra propagata ad perpendicularū vsq; vbi est magnes, consuetam attractionem facit: propter distantiam autem quum debilis sit, non moueret quidem magnetem, nisi esset in perpendicularo: quare & si non trahit vsq; ad principium, vnde effluxit, at mouet tamē, & propinquorem facit, quo potest. Quòd si naues forte vllæ propinquiores sint illis montibus, ferrum omne earum euellitur, propter quod nauigijs incola vtuntur clauis ligneis astrictis. Propter situm igitur eorum montium declinat perpendicularū in nostro mari dextrorsum, in alio sinistrorsum à polo. Polus b, montes magnetis, vbi e h, perpendicularum in nostro mari, vbi c, in alio, vbi g. In nostro igitur mari declinabit à polo per lineam c h, in alio per lineam g e. Attractione autem hæc ad Athomos & corpuscula reduci posse non videtur, quoniā corpus nullum in tanta distantia demitti potest, quod vnum continuum facere possit ab ijs montibus vsque ad nostra maria: speciem autem spiritualement nihil demitti prohibet: quod & in lumine manifestum est, cuius speciem à supremo orbe, & stellis huc vsq; demitti constat: quæ de causa attractiones similium ad corpora vniuersaliter reduci posse supra non arbitrati sumus.



*De Echeneide, quomodo firmare nauigia possit.*

*Cap. 8.*

**M**Aius miraculum præbet Echeneis piscis, si modo verū est, quod fertur, aut firmare nauigia, aut tardare. Causa, si qua est, non

Y ij alia

alia certe esse potest, quā partim attractio per species prædictas facta, partim **C**  
 vacuum: modus autē est duplex, vnus, vt piscis ille non causa sit eius retē  
 tionis, sed signum alterius, quod retinet, alius, vt etiam causa sit. Primū  
 igitur nihil prohibet saxa & scopulos, vbi Echeneides degunt, consimilē  
 speciem vsq; ad nauigia mittere, qualē & montes magnetis ad ferrum in  
 nauigijs fixum: sicut igitur, si ferrum fortiter & tenacissime nauigio infi-  
 xum esset, ita vt nec extrahi posset, non attraheretur quidem nauigium  
 ad montes illos, sed firmaretur tamen, ita & circa scopulos Echeneidum  
 accidit transmissa ad nauēs specie, quæ vel ad clauos earum, vel ad aliud  
 analogum sit, retineri ipsas: quare inuentus illic pisciculus ille signum dat  
 subesse scopulos eos, qui firmare nauigiū possint. Si vero non signū est  
 Echeneis, sed causa eius detentionis, oportet existimare ipsam primo ar-  
 ctissime affigi nauigio, vt euelli non inde possit, nisi vi multa, ab ipsa ve-  
 ro ad certos scopulos, & ab ijs ad ipsam mutuo demitti vel speciem, vel  
 etiā corpuscula more torpedinis, quæ consuetam tentent attractionem  
 similibus: nec ipsa igitur nauis attrahi in fundum potest propter resisten-  
 tiam sui, nec ab ipsa auelli Echeneis propter fortem affixionem ob va-  
 cuum, vnde fit vt firmetur tantum nauis, aut tardetur saltem: quo pacto  
 fieri posset, vt ferri frustrum in aere pendere quidem, sed nec sursum nec  
 deorsum moueri posset, quod quidem cōtingeret, si desuper magnes po-  
 neretur, qui tantum trahere sursum ferrum, quantū ipsum deorsum in- **D**  
 clinat, equali potētia posset: sic. n. in aere firmaretur ferrum: quum enim  
 potentia, quæ deorsum mouet, certa sit, certa itē, quæ sursum trahit, fie-  
 ri potest, vt modo altera potentior sit, modo vtraq; æqualis: æquales igitur  
 si sint, pendere in aere ferrum necesse est. Nihil ergo prohibet & na-  
 uigium tantū resistere, ne deorsum trahatur, quantum species ipsa in cō-  
 trarium trahere nititur, quare firmari necesse est. nec plura quidem dici,  
 aut inquiri debent de tam abdita re.

*De Antipathia contrariorum, et quomodo  
 se mutuo pellant.*

Cap. 9.

**S**Icut autem sese similia trahunt propter conseruationem, ita dissimi-  
 lia & contraria propter eundem finem sese mutuo pellunt, & fugāt:  
 quod in antiparistasi multorū patet, in plantis autem & animalibus ma-  
 nifestissimum est, quæ vti affinia & familiaria attrahunt, ita extranea &  
 incommoda à se abdicant: ob quā causam & candellæ flāma iuxta posito  
 aliquo valde frigido, vt ferro, & similibus, in latus abscedit: est & magne-  
 tis genus, quod ferrum abigit, ex quo cultelli ita præparari solent, vt alter  
 ferrum



**A** ferrum ad sese trahat, alter pellat: quanquā nos, quum hoc experimentum in medium olim inductum esset, monstrauiamus non id accidere, quod ferrum abigeretur, quāuis perpendiculum in latere, ubi erat magnes, pelli videretur, causam autem esse, quod magnes ille eorum esset, qui magis ferrum, quam Magnetem trahit. Applicitus ergo perpendiculo trahebat latus, in quo magnes non erat cōmixtus, ex quo fiebat, ut latus alterum Magnete temperatum necessario abscederet, propter quod videbatur pelli ab applicito Magnete. Verum nihil prohibet etiam talem inueniri magnetē, qui ferrum pellat propter latens in eo principium, quod ferro contrarium sit.

Eadem de causa & cucumis recuruatur supposito oleo, quoniam aquae multum continet, praesertim dum in incremento est: aquae autē & oleo non parua discordia est, & naturae contrariae: quum igitur per contrarias species alterum ab altero abscedat, cumentum cucumeris in latus fit, unde recuruari videtur. Adianton porrò non madescit, neque aquam admittit propter siccitatem superficiei, quae aquae contraria est, & eam solet repellere, quemadmodum in puluere, & pennis, & alijs siccis contingit, in quibus non consistit aqua, sed aut elabitur, aut in guttulas rotundatur: rotundatur autem, quoniam duobus modis aqua situm naturalem exquirat, vno modo motu elementi descendendo ad locum proprium, quando potest: potest autem, quum super aliquo plano statuitur, quod contrarium non sit, & descensum eius non impediat, ut ferrum, & lapides, & id genus, super quibus coextenditur, et descendit aquae quantum potest. Alius modus est, quum non totum extra mouetur, sed partes in toto, quaeconuenientissimum situm: quod tum fit, quum incidit in subiectum, quod propellit vndique partes: quod faciunt multa sicciorum per contrariam speciem. Propter quod non motus elementi fit ad locum suum, sed partium in toto sese apte locantium, quantum expedit, et bene est: talis autem situs est, quum partes contrarium tangunt secundum minimum, quo possint, et quo magis unitae sunt, et propinquae inuicem: quae omnia maxime praestat orbicularis figura, quae et in puncto tangit, et breuissimas habet ad centrum lineas: propter quod aqua in sicca incidens rotundatur. Signum autē quod in Adianto non consistat aqua propter siccitatem, id est, quod duabus existentibus Adianti speciebus albo et nigro, nigrum quidem madescit, quod humidioris superficiei sit, album autem non, quod siccioris. Ad has causas et letalis Cathablephae aspectus est reducendus, quippe spiritualis species, quae ab ipsa ad distantiam multam protenditur, ob contrarietatem et Antipathiam, quam cum spiritibus hominis habet, eos diuoluit, ac fugat, unde et homo perit.

Cur calx, & pannus, & alia multa sicca existentia  
 aquam promptissime admittant. Cap. 10.

**S**ed quid sit, ut, si, quæ sicca sunt, repellant ob siccitatem aquam, Calx  
 tamen, & pannus, & linea, & farina, & spōgia, & ossa, & terrarum  
 genera, ut sphragis, & bolus armenus, & eiusmodi sicca existentia om-  
 nia aquam & liquidum omne promptissime admittant? quinimo, quod  
 mirum est, videmus in spongijs & lineis aquam, quasi trahatur, sursum  
 etiam ascendere, in calcem vero adeo intime ingredi, & penetrare, ut eā  
 dissoluat. An sicca foraminulenta, & (ut dicunt) porosa sunt omnia;  
 sed alia poros habent tenues & angustos, alia habent laxos magis & be-  
 ne coniunctos? quæ igitur angustos habent, sicca existentia, aquam non  
 admittunt, nam neq; quatenus porosa sunt, neque, quatenus sicca, reci-  
 piunt: quæ vero laxiores habent poros, quanquam ob siccitatem quo-  
 dāmodo obfistant aquæ, quatenus tamen porosa, admittunt: in ijs enim  
 tangente aqua abscedit è foraminibus aer, qui in ijs clauditur, cuius loco  
 succedit propter vacuum aqua, propter quod & ascendit etiam: quod si  
 bene coniuncti sint pori, penitissime penetrat aqua, & ad particulas om-  
 nes quamuis minimas: quapropter quod calx & dissolvitur, et incalescit,  
 dissolvitur quidem, quoniam penetrante aqua ad partes omnes remolle-  
 scit earum nexus propter humiditatem, unde & separari accidit: incale-  
 scit vero facta separatione, igneis particulis, quæ prius dispersæ, & diui-  
 sæ fuerant, & quodāmodo in potentia, nunc actu factis, atque vnitis,  
 & potentibus agere iam: quapropter tum Calx ipsa, tum & aqua inca-  
 lescent, & feruent.

Sed rursus difficultatem non minorem habet, cur fiat, ut tangente  
 aqua aer è foraminibus abscedat: nunquid ipse per se abit, an propulsa-  
 tur ab alio? et si propulsatur, quomodo, & à quo propulsatur? Sunt,  
 qui dicant propulsari aerem, quod densetur ab aqua, atq; in angustius  
 cogatur, cuius loco ipsa mox succedat. Sed quomodo fit hoc, quum den-  
 sari non possit aer nisi à frigido, imbibatur autem aqua in porosa, non so-  
 lum quæ frigida est, sed & quæ calida, imo hæc magis & citius? Conden-  
 satio præterea certum terminum habet, ultra quem non procedit, at mo-  
 tus eius aeris, qui abscedit, terminū nullū habet, donec abcesserit totus.


Alij putant propelli aerem ab aqua ob pondus aquæ, quoniam spon-  
 giosum ipsum, in quo est aer, in aqua aliquatenus immergitur, & partes  
 aliquas aquæ habet, quæ aliquibus aeris superstant: descendantibus ergo  
 ijs, quæ superstant, aerem inde propelli accidit. Sed & hoc non plane sa-  
 tisfacit: & si enim, quantum superstat aquæ, descendere possit, & aerem,  
 qui



A qui subsidet, propulsare, quum tamen ventum est ad lineam illam, per quam non amplius superstat aqua, quid erit mox, quod rursus propellere aerem possit? neque enim dicendum est aerem primo propulsatum alium pellere, & hunc alium, & ita successiue, quoniam, quum totus aer ille conclusus à primo per partem post partem tantum abscessit, quatum est locus, quem aqua occupauit, tum non vltra impulsio fit partium aeris, sed cessat: oportet ergo aliud assignare quod pellat continenter aerem, donec abscedat totus: Vtrum igitur aqua non densatione, non pondere propellat aerem, sed per species contrarias, vt supra dictum est contraria & dissimilia sese mutuo pellere? dissimilis autem & extraneæ naturæ est aqua, & quæ aquea sunt, cum aere, quare tangens, vicinas sibi propulsat partes, quod vel facillime fit propter tenuitatem aeris, qui promptissime impulsam omnem recipit: succedente igitur aqua, ac per manente semper dissimilitudine eadem, continua fit propulsatio, & continua successio aquæ, ac demum fuga totius aeris in foraminibus clausi: atque hoc quidem si quis dicat, inconueniens (vt arbitror) nullum astringet.

Audiendi tamen & illi sunt, qui non propulsationem per se vllam aeris fieri dicunt, sed attractionem magis humidi, quo attracto necesse est cedere, qui in poris continetur aer, attrahere autem porosa humidum, B non quatenus porosa (licet viæ requirantur) sed quatenus exiccata, & priuata naturali humido. Duo enim siccorum genera statuenda sunt, alia namque per se, & per naturam sicca sunt, ac talia quidem attrahere humidum non possunt, sed propellere magis habent, quoniam attractio omnis à simili fit: alia vero sunt, quæ per se quidem, & natura, humida sunt, per accidens autem sunt exiccata, remanet tamen in ijs forma sua, & natura cum virtutibus omnibus, quas à principio sortita est, inter quas est & spiritualis species, quæ attrahere nata est, quod simile est: simile dico non quatenus tale per accidens actu est illud, cuius est species, sed quatenus per naturam, & per se tale est. Quæ igitur porosa sunt, maxima pars exiccata per accidens sunt, per se autem in humore constituta, propter quod & porosa sunt facta extracto humido, cuius appetentiam semper habent, & facultatem attrahendi, quod in siti manifestum est: tangente igitur aqua nihil mirum, si à prorsus exiccato, & carente naturali humido trahitur ad partes omnes, quod contingit humidum: ac talia sunt calx, spongiæ, linea, & terrarum genera. Adiatō autem, & pennæ, & id genus, non solum quod angustos poros habeant, sed fortasse quod sicca per se sint, aquam non admittunt. Nō tacebimus postremo & causam aliam, quæ adduci potest ad hoc problema, dicētes rationem eius

eius rei non esse propulsationem ullam, nō esse attractionem, quæ à sic-  
co fiat, sed esse motum aeris illius, qui in foraminibus clauditur, qui sese  
naturaliter mouet à loco, vbi præter naturam tenebatur, vt cum toto suo  
vniatur, ac coextendatur secundum naturam, quippe Elementorum par-  
tes nunquam naturaliter locantur, nisi toti sphaeræ ita coextendantur, vt  
nulla earum exerta sit, & abscedat à toto, sed omnes æqualiter in eo con-  
sistant: quæ est causa fit, vt aer, qui in foraminibus siccorum cōditur, tam-  
etsi toti continuetur per vnum extremum, non tamen illic secundū na-  
turā cōsistat, sed violēter. Vt si aeris totius superficies  
sit a b c: porus vero, in quo aeris pars concluditur,  
b f: aqua tangens, vbi f: violenter quidem tenetur  
aer in b f: cuius signum est, qd si dirumpatur porus,  
aer quidem, qui in eo erat, ad superficiem totius a b  
c feretur, coextendeturq; illi, atque ita vniatur, vt æ-  
qualiter secundum partes omnes in eo locetur, & totum vnum faciat æ-  
quale vndiq; Indicat hoc non contineri secundum naturam partes aeris  
in poris clausi. Permanent tamen in illis, nec abeunt, dum porosum est  
in regiōe, & sphaera aeris, si. n. inde dimoueretur, necessario aliquid aliud  
succedere oporteret, quod certe aer esset: cur igitur succedat hic, ille a-  
beat, quā nulla ratio magis huius sit, q̃ illius, præsertim qd, si hic succede-  
ret, & ipse quidem pari ratione violenter detineretur in poris? si igitur & D  
ille discedat, alium succedere necesse est, qui pariter si discedat, alius suc-  
cedat oportet, & ita in infinitum: necesse igitur est primum aerem, quem  
casus ab initio illic conclusit, illic etiam permanere, dū porosum in phæ-  
ra aeris continetur. At vbi fiat, vt porosum non iam vndiq; in sphaera ae-  
ris sit, sed aut in aqua totum ponatur, aut aqua saltem per aliquod extre-  
mum tangat, tum qui in foraminibus est aer, extra statim fertur, & mo-  
uetur ad locum totius: cui succedit aqua, quæ quidem violentiam aliquā  
& ipsa patitur propter eandem causam, qd & ipsa à toto suo abscedit, ve-  
rum minus violenter tenetur illa in eo poroso, q̃ aer, propter conuenien-  
tiam naturæ, quæ in vtroq; grauis est, & quandam habet analogiam. Est  
autem & alia ratio, cur aqua succedere debeat, & sursum trahi, quoniam  
id quod trahit, & mouet, est aer totus, qui in poris conclusus recessum  
quærit, quod vero mouetur, est pars aquæ minima, quæ in poros paruos  
trahitur, & parum resistit propter paruitatem: cui idem accidit, quod tro-  
cleis per helices fabrefactis, quum per illas pondus vel maximam eleua-  
mus, qd sensim & in latus eleuatio illa fiat. Signum autem, quod aqua cō-  
similiter attracta facile sequatur, illud est, qd si porus sit valde latus, qua-  
lis est fistula, nō succedit aqua, nec aer, qui in ea est fistula, abscedit, in par-





**A**uis autem & obliquis poris abscedit. Aut igitur hæc est causa ingressus aquæ in ea, quæ porosa sunt, aut & aliæ cōcurrunt, vt propulsatio, quæ per species fit, & attractio humidi, quæ à poroso accidit, de quo satis iam dictum sit.

*De analogia rerum in agendo*

*Cap. II.*

**E**st præterea rerum cōsensus, & dissensus alius in agendo aut simpliciter, aut pro certo fine: neq; enim omnia in omnia agunt, sed certa solum in certa: quorum ratio querenda quidem est, sed in vniuersum. Ergo in omni actione tria præcipue requiruntur, præsertim si certi cuiusdam gratia futura sit: sunt autem facultas agentis, aptitudo materiæ, & applicatio conueniens: dico autem applicationem cōtactum, situm, moram, & in quibusdam organa. Hæc igitur quum cōsentiunt omnia, tum actio sperata fit, & obtinetur finis, & quæ eiusmodi sunt, Analoga dicuntur: si vero aut omnia, aut plura, aut & vnum horum deficiat, actio quidem frustratur aut simpliciter, aut pro fine, & hæc non analoga vocatur. Accidit autem sæpissime aliquod vnum, aut plura ex his deficere: interdum enim agentis potentia minor est, q̃ oporteat, interdum maior: quare sæpe prius, q̃ intentam inducat formā, subiectū aut absumit, aut liquat, aut in vaporem vertit: quæ de causa magna flāma nutriri in parua candela non potest, colliquat enim statim pabulum totum, quod sensim in fumum, & inde in flāmam verti debebat. Quandoque materia ipsa inepta est, neq; enim ex terra aut aqua flāma vnquam consurget, sed vapor, qui abibit: at neque ex luto, neq; ex lapide, nisi hæc forte in alia multa prius conuersa fuerint: q̃ si flāma futura sit, ex misto fiat, oportet, neque ex omni, sed ex sicco, aut vnctuofo, propinquo naturæ ignis. Ita nec homo nutritur ex quolibet, vel etiā tenero, neq; enim ex gramine, vti equus, quoniam aliena est ea natura à natura hominis. Aliena autem sunt in vniuersum alia ob qualitates contrarias, quæ longe distant, alia ob spirituales, quæ contrariorum sunt, & refugere animam faciunt: aut & quædā etiā repellunt alia ob substantiæ modum, qui est aut duricies, aut mollicies, aut crassicies, aut lentor, & eiusmodi, ob quæ aut non trahitur, qd̃ oportet, aut non pellitur, quod oportet, aut non miscetur, quale oportet. Sæpe autem conuenientia erunt & agens, & materia, sed applicationis modus non conueniet, aut enim non plane fiet applicatio, aut non consentiet propter figuram, vel vias & foramina, quæ aut laxa plus æquo sunt, aut angustæ: interdum cōtactum prohibet spiritalis species: interdum nimis arcta & astricta quædam tenet aut species, aut vacuum. Interdum cōtactus fit, sed mora aut longior fit, q̃ deberet, vnde exurit materiam,

*Fracastorij*

**Z** aut

aut breuior fit, quàm oportuiffet. Sæpe actioni obstat partium situs: miro enim modo mista composita sunt: alijs villi per longitudinem protenduntur, alijs per latitudinem, alijs in orbem, alijs aliter, qui modi pene infiniti sunt: propter quæ alia per longum bene solubilia sunt, alia per latum, alia aliter: quæ res in alterationibus quoque actionem nõ parum euariat. Quædam postremo certa instrumenta requirunt. Propter hæc igitur causas non omnia in omnia agunt, sed certa in certa solum. Fulmen aurum & vina colliquat nihil læso loculo & vase, in aurum enim, & vina penetrat, & tangit, & morâ trahit, & propter acrimoniam caliditatis eliquat, ad loculum autem & vas debita applicatio non fit, aut propter laxitatem foraminum, aut propter paruam moram. Aurum non imbibit oleum & vinum, aut propter angustiam foraminum, aut propter contrarietatem qualitatum spiritualium, quæ seiuncta ea tenet, Argētum autem viuum vel audivissime ebibit, q̃ statim penetret in foramina, & attrahatur ppter similitudinem, & sympathiam. Oleum aquæ misceri non vult, vino autem miscetur melius, optime autem cum vino aqua: liquidorū enim alia bene miscibilia inuicem sunt, alia non bene, bene quidem, quæ aut vnā & eandem substantiam habent, aut saltem diuidi mutuo ad minima possunt: aqua igitur cum aqua, & vinum cum vino optime commiscuntur, quoniam vnum sunt, & vnum continuum conflant: vinum autem cum aqua bene & ipsum miscetur, quoniam, si forte vnum nõ est cum aqua, nec continuum facit, sed contiguum solum, q̃ forma differat & terminis, diuidi tamen cum illa facili potest in particulas minimas: diuiduntur autem ad minimas partes, quoniam natura tum elemētorum, tum liquidorum est, vt eorum partes meliorem sitū habeant, quo possibile sit: melior autem situs est ille, quo partes minus distāt inter se, quo possunt: &, si quidem datur, continuæ fiunt inter se, si vero nõ datur, quia formæ nõ vnum sint, propinquiore tamen & vnitæ magis, quo possunt, partes esse volunt & quærunt: propinquissimus autem situs est, quo distant solum per interpositionem vnus minimi, quod vltra diuidi non potest, si enim distarent per interpositionem trium vel quatuor minimorum, maiorem proculdubio violentiam sustinerent: quare mutuo sese ad minimas particulas diuidunt, sic enim melius locantur. Quæ vero liquidorum, neque vnā substantiam habent, neque inuicē diuisibilia sunt ad partes minimas, illa bene miscibilia non sunt: talia autem sunt, quæ & naturas valde diuersas habent, & alterum illorum fortis & cōpactæ misionis est, quale oleum, quod cum aqua plurimum distat, natura aereum & igneū existens, & pingue & fortiter mistum: propter diuersam igitur naturam cū aqua, neque continuum fieri cum illa potest, neque plane contiguum, tū quod



**A** quòd particula quælibet illius non bene diuiditur pinguis existens, tū q̄ altera ad alteram attrahitur (vt est videre), ppter aerem, qui plurimus est in oleo: quare non admiscetur illi, sed superstat: dupliciter enim bene locantur liquida, aut quum ad minima diuiduntur, aut quum alterum subfidet, alterum superstat: superstant autem, quæ leuiora sunt, & cum aere consentiunt magis, quæle oleuma, d minima vero miscentur, quæ aquea magis sunt. Vinum igitur, quòd aqueum magis sit, sed tamen & aeris atque ignis plurimum habeat, & si neq; ipsum optime miscetur oleo, melius tamen miscetur, quàm aqua. Mira res est argentum viuum, quod liquidorum nulli admiscetur, sed durioribus solum, & ijs non omnibus, sed auro, & argento, & stanno, & plumbo, in quæ ita imbibitur, vt mollia ea reddat, liquidis autem alijs non admiscetur, quòd propter pondus subsidat omnibus, & q̄ diuersæ multū naturæ sit, & fortis mistionis: neque igitur vnum continuum cum alijs facere potest, neque ad minima cum ijs diuidi. Est autem fortis mistio alia quidem in duricie consistens, alia, quæ diu & fortiter agitata est, & miscibilia habet ad quàm minimas partes redacta: sic enim separari inuicem non facile possunt, tum quòd ppter propinquitatem similia similibus sese astricta tenent, quare, quum dissimilia dissimilibus minutissime commista sint, similia in sua consimilia valde possunt propter propinquitatem, tum forte & propter vacuū,

**B** quod propter eam partium vicinitatem plurimum obstat, ne separatio particularum componentium fiat. Est autem mira ea mistio, & compositio in argento viuo, constat enim è calidissimis simul, & frigidissimis partibus, verum redactis ad tam minimam quantitatem, & ita ordinatis, vt pene sese omnia tangant, & similia iuxta similia, & iuxta dissimilia sint, quod plurimū facit ad continendam mistionem: propter hæc igitur, alijs liquidis non miscetur, durioribus vero quibusdam miscetur, vt auro, argento, stanno, & plumbo propter sympathiam naturæ (vt dictum est) attrahitur enim in eorum vocatos poros ad particulas omnes: propter quod & ea mollescit, non secus ac alia liquida, vt aqua, solent duriora porosa, vt ligna & eiusmodi, mollia reddere: ipsum quoq; duriciē quandam & consistentiam recipit, si prædictorum scobes cum eo misceatur, attrahit enim, et ex ea cōmitione consistentiam acquirit: quod plerisque fallit, putantes per eam viam posse argentum conflare, nescientes non veram mistionem fieri, sed apparentem per iuxta positionem quorundam constitutam, quæ facillime solui possint, & separari. Simile quiddam pati & Adamantem censendum est, si modo verum est hircino sanguine solo mollescere: penetrat enim & ipse in Adamantis foramina vsque ad minimas partes propter analogiam, quæ est vel in princi-

pio cōi, vel foraminum ratione, propter quod & mollescit: quæ autem C analogia particularim ea sit, Deo & naturæ notum est. Habere autē Sympathiam ad quædā Adamantem, & cōe attrahendi principium, illud mōstrat, q̄ & paleas & furculos trahit: quare nihil prohibet & ad hircinum sanguinem cōsimilē quoq; habere rationem. Idem & citrijs accidere, in sperfo in eorum cumulum pane putandum est, attracta enim in panē humiditate eorum, atq; illic ceu alieno in loco putrescente, principium reliquo datur, vt computrescat, qua de causā flaccescunt ea mala.

Vnisonum autem aliud vnisonum cōmotat, quoniam, quæ similiter tensæ sunt cordæ, consimiles aeris vndationes & facere, & recipere natæ sunt, quæ vero dissimiliter sunt tensæ, non eisdem circulationibus aptæ sunt moueri, sed vna circulatio aliam impedit: ictus enim cordæ, motus est compositus è duobus motibus, vno quidem, quo corda pellitur ante, hoc est versus aeris circulationes, alio vero, qui retro fit, corda reducente sese ad situm proprium: si igitur mota vna corda debet & alia moueri, oportet, vt in secunda talis proportio sit, vt vndationes & circulationes aeris, quæ impellunt, & faciunt motum ante, non impediant motū, qui retro fit à corda: quum proportionem solum ex cordæ habent, quæ etiā consimilem tensionem habent, quæ vero dissimilem fortitæ sunt tensionem, non sese cōmotāt, quoniam dum secundus fit motus, id est reditus cordæ retro, circulatio secunda illi obuiat, & sese impediunt: vnde nec D motus fit vllus præter primā impulsationē, quæ intensibilis est. Vidi ipse in ecclesia quadā, vbi statuæ multæ cereæ circa sacellum loco alto dispositæ stabāt, pulsante tintinabulo quodam vnā illarum tremere reliquis immotis permanentibus, quod quum quibusdā, qui prope aderant, in dicassē, admiratio multa eos cæpit: causā nō alia erat, nisi quæ & in vni sonis accidit. Plures quoq; quum pondus aliquod ferunt, eadem proportionē indigent, vt, quum alius pedem sistit, alius moueat: sic enim sine labore ferunt: quòd si sese impediant quietes & motus, fatigatio fit multa, & ferre tandem non possunt. Idem accidit & ijs, qui panem pinsunt, quū duo aut tres lignum illud longum ac graue modo eleuant, modo depriunt: si enim non ea ratione id agant, vt pariter omnes tollant, ac pariter deprimant, sed, quum alius tollit, alius præmere incipiat, motus impeditur, & labor accidit. In cordis autem propter celeritatem circulationum non percipitur.

Alia vero ratio ea est, qua Lupina Tympana ea dissoluūt, quæ ex agni no corio sunt conflata: in his enim non solum aeris motus ad impulsio-



**A**cies igitur contrarij vnus delata per aerem ad aliud, pellere maxime & dissoluere etiam potest non solum per se, sed adiuta aere, partim q̄ dēfior ille sit factus, partim q̄ per circulationes & ipse impellat in penitissimos poros ingressus. Propter eandem cōtrarietatem dicuntur et Aquilarum pennæ pennas alias dissoluere.

Quæ vero brassicæ & rutæ inimicitia est, præter inimicitiam specierum, inde fortasse putandum est accidere, quod vtraq; calida est, & crassarum radicum: quare, quum multum humidi quælibet ad sese trahat, sit tandem, vt iuxta fatæ præ humoris inopia arefcant.

De octimestri autem partu plura fortasse oporteret dicere: nunc tantum dicatur, q̄ quemadmodum in genere tritici est quoddam semen, quod tribus mensibus generat, vnde & trimestre vocant, alij fetaniū appellant, quoddā vero quod mensibus nouem, ita & in genere humani seminis quoddam est, quod septem mensibus parit, quoddam, quod nouē. Partus igitur, qui æditur octauo mense, esse quidem non potest ex eo semine, quod septem mensibus gignit: quare ex eo erit, quod nouem mensibus solet maturum producere: igitur quum ante nonum mensem æditus sit, indicat immaturum esse, & vi aliqua eiectum: talis autem vtpote immaturus & præcox, moriturus enatus est: cuius signum est, q̄ certis regionibus, vt in Aegypto, octimetres partus etiam viuere ferunt, q̄ bonitate regionis defectui immaturitatis satis fiat. Cur autem duo tantū sint humani seminis genera, & alterum septem, alterū nouem mensibus partum ædat, eandem habet quæstionem, cur & in genere tritici duo similiter seminis genera sint. Causa in vniuersum est analogia talis agentis ad talem materiā, nam quis quærat cur tanta flamma tantum roboris absumat in hora vna? Ac de Sympathijs tum elementorum, tum & mistorū, quatenus mista sunt, hæcenus traditum per transcursum sit.

*De animæ Sympathijs & Antipathijs.*

*Cap. 12.*

**N**unc ad animam transeamus, cuius consensus et dissensus non minorem etiā admirationem præbent, præsertim eius, quæ cognitrix est: nam quæ vegetat solum, & in plantis præcipue spectatur, cōmunes videtur consensus cū ijs habere, quæ simpliciter mista sunt, tametsi propter miram compositionem, quæ organica est, existiment aliqui habere plantas peculiare quasdam actiones, quatenus organica sunt: vnde & Plato sensu quodam participare eas dixit, quod & confirmare etiā Galenus videtur. Verum operationum, quæ organa insequuntur, alia ab anima fiunt, vt simpliciter mista est, alia ab ea, vt cognoscitiua, quare & attractiones aliquæ simplices sunt, aliæ organicae: organicas dico, quæ  
fiunt

fiunt per constrictionem & dilatationem villorum, simplices autē, quæ C  
per species, vt supra dictum est. Videntur igitur plantæ simplices quidē  
attractiones & expulsionones habere, quemadmodum & alia mista, orga-  
nicas autem non: neq; enim ad eas obeundas constrictione sui & dilata-  
tione vtuntur, sed solum simpliciter trahunt familiaria, fugant autē con-  
traria: dedit tamen natura illis organa quædam, quo melius possent hæc  
operari: miro enim ordine ea procedit: trahunt siquidem & elementa, &  
mista non organica, ac demum & organica, verum elementa simplicif-  
simam exercent attractionem, mista vero non organica non ita simplicē  
possunt attractionem facere, sed poris saltem indigēt, & via, qua possint  
& similia ad omnes partes trahere, et dissimilia vndequaq; propellere: at  
plantæ maiori etiam organo indiguere, per quod certa solum attrahe-  
rent, & certo tempore continerent, et digererent, vnde tandem nutrirī  
possent: animalia porrò præter hæc organum etiam mouent, et constrin-  
gunt, et laxant, prout bene est. Plantis igitur et si necessarium est organū  
quoddam ad attractionem, non tamen proprie organicam faciunt attra-  
ctionem: quare nec sentiunt, nec cognoscunt, nisi per transumptionem  
quandam, q̄ miro quodam quasi ingenio discernant, quæ sibi conueniē-  
tia sunt, et quæ contraria, ac per artificiose compositas vias trahant, &  
pellāt: atq; hoc esse arbitror, quod Plato voluit significare, quare nec sim-  
pliciter dixit sensum habere plantas, sed sensum quendam: si enim sen- D  
sum proprie haberent, sic vtique & constringi possent percepto malo, et  
laxari percepto bono, vt paulo post ostendemus. Quærat autem fortasse  
aliquis, quomodo in plantis et vniuersaliter in ijs, quæ aluntur, et vegeta-  
re dicuntur, attractio alimenti fiat: siquidem attractio eatenus fit, quate-  
nus aliquid simile est, at alimentum, quum trahitur, dissimile est, quippe  
quod alterari et transmutari indigeat, si postremo assimilari membro de-  
bet. Oportet igitur eorum meminisse, quæ supra dicta sunt, quæ sese tra-  
hunt, per principium vtriusq; commune trahi, quod sæpe in mistis latet,  
quæ aliud actu sunt, aliud potentia: multa enim actu et per accidens pri-  
uata eo sunt, quod per se & per naturam habent, remanente tamen natu-  
ra propria & forma cum virtutibus et potentijs proprijs, inter quas est &  
attractio. Attrahitur igitur alimentum à forma, non qua actu, et per acci-  
dens talis est aut ipsa, aut alimentum, sed qua per se talia sunt, ac sic qui-  
dem est similitudo principium eius attractionis: alteratio tamen quæ-  
dam mox fit, vt id abiiciatur, per quod actu dissimilia sunt: quo abiecto  
demum exquisita fit similitudo et vnio. Illud autem, per quod actu, et  
per accidens dissimile est, quandoque quidem est forma trahens, priuata  
aliquo sibi per naturam debito, interdum est id, quod trahitur, vt alimē-  
tum,



**A** tum, quod per accidens superabundat aliquo contrario, et abijciendo, per se autem simile est: quare quatenus simile, attrahitur, quatenus contrarium, alteratur.

*De Sympathijs animæ cognitricis.*

*Cap. 13.*

**M**Aiores autem & magis admirandos consensus & dissensus ea habet anima, quæ cognitrix est. Primum autem recipiamus cognitionem omnem tum sensuum, tum phantasiæ, & intellectus per eas species fieri, quæ spirituales vocantur, porro species hæc representare non solum res, quarum sunt species, sed & rerum modos: dico autem modos, figuram, situm, magnitudinem, locum, motum, quietē, & relationes multas, ut simile, dissimile, dextrum, sinistrum, et id genus: inter quos modos præcipui & maxime intrinseci sunt conuenientia, et disconuenientia eius, quod offertur, cum anima, omnis enim oblata res recipitur quidem ab anima vel uti amica, & conueniens, vel uti ingrata & disconueniens. Atque hi primi quidem sunt, & simplicissimi consensus, & dissensus rerum cum anima, à quibus duo etiam effectus primi & simplicissimi ab anima fiunt, constrictio, & dilatatio: quippe recepta ingrati & disconuenientis specie, constrictio animæ & membri fit, recepta vero grati & conuenientis, laxatio & dilatatio: qui motus quomodo ab anima fiant, non parum habet dubitationem: quoniam contraria sunt dilatatio et constrictio, contraria autem per se ab vno non possunt fieri, nisi forte ad vnum certum fuerint: condensantur quippe elementa, rarefacta quum fuerint, et rarefaciunt se condensata, sed hoc ad vnum certum est, quo veniant ad eum situm & terminum, qui illis pro natura debetur: aer quoque, si loco ignis ponatur, descendit, si in loco aquæ, ascendit: sed hæc fiunt non ut contraria, sed ut ad vnum tendant: at constrictio, & dilatatio membrorum non ad vnum est, sed modo magis, modo minus vtrunque faciunt: quinimo et ab eo etiam termino sæpe recedunt raritatis et densitatis, qui formæ misti debetur, quatenus mistum est, quod per naturam fieri posse non videtur. Si igitur anima per naturam facere contrarios illos motus non potest, quid per deos erit, quod ipsos faciat? Sunt qui in his ad instinctus naturæ recurrant, dicentes habere animalis naturam instinctus quosdā, per quos mouet, prout bene est, et magis expedit: sed certe hoc non aliud est, quam eandem quæstionem repetere: si enim instinctus ille est principium per se eorum motuum, oportet naturam esse, natura autem omnis vna est, et vnius factiua, aut plurium quidem ad vnum: hi autem motus neque vnum sunt, neque ad vnum, imo non solum inter se contrarii, sed formæ misti contrarii.

Fortasse

Fortasse igitur dicendum est, sicuti elementum plures habitudines, & C  
 plures motus habere potest, vnum scilicet ad loca propria, alium partiū  
 in toto, ita & anima, quæ forma mēbri est, potest plures habere habitudi-  
 nes & motus, vnum quidem ad motū elementi prædominantis, aliū par-  
 tium in toto, & hunc duplicem, alterū, quatenus simpliciter mistū quod-  
 dam est, alterum, quatenus est forma cognoscens: vtroq; enim modo par-  
 tes in toto moueri possunt, nam, quatenus totum illud simpliciter mistū  
 est, sese partes in eo & condensant, & rarefaciunt, quo veniant ad certum  
 illum terminū, qui toti cōuenit: at vero &, quatenus totum illud cogno-  
 scens est, sic possunt in eo moueri partes, vt bene est, si enim non cogno-  
 scentia possunt per naturā simplicem debitam coexistētiam sibi parare,  
 cur & cognoscentia & sentiētia bonū & malum non itidem possint? Est  
 igitur anima quodāmodo vna natura, quodāmodo non vna, vna quidē,  
 quatenus membrū simpliciter mistū est, cuius est forma: ac talis quidem  
 vnus factiua est, aut pluriū ad vnum: nō vna autem est, quatenus cogno-  
 scens, sic. n. quum à diuersis mouetur, diuersa etiam fit, aut saltem nō eo-  
 dem modo se habens: quare & vt talis, plura & contraria potest efficere,  
 qm̄ nō vt simplex, & vna natura agit. Nec inconuenit partes in toto mo-  
 ueri vnā habitudine, quæ toti contraria est secundum aliam habitudinē,  
 nam & in alijs mistis partes interdum rotundantur in toto, & non descē-  
 dunt, interdum descendunt, & non rotundantur, tum & se rarefaciunt, D  
 ac condensant, nunc ascendentes contra totius naturam, nunc descendē-  
 tes: quare nec inconuenit constringi & laxari mēbrum, quatenus cogno-  
 scens, vltra eū terminum rarefactionis, qui sibi debetur, quatenus mistū  
 est: neq; n. repugnat eundem motum eidem esse violentum sub vna ra-  
 tione, conueniens autem sub alia. Igitur recepta specie ingrati & discon-  
 uenientis nihil repugnat mēbrum constringi, sic enim partes melius es-  
 se, & situm habent, qm̄ tactus fit secundum minimum, quo potest, & re-  
 tractio à nocēte: contra vero, si boni & grati species recipiatur ab anima,  
 dilatio fit, qm̄ penitissime partes omnes id bonum recipiunt, alioqui to-  
 tum non bene haberet, nisi secundum partes omnes frueretur eo bono.  
 Primi igitur & simplicissimi consensus & dissensus animæ hi sunt, & pri-  
 mi motus animalis constrictio, & laxatio: ex quibus paruis principijs mox  
 ad magnos & admirandos sensum peruenire animal potuit. Primum au-  
 tem de Sympathijs sensuum & Antipathijs prosequamur.

*De sensuum Sympathia et Antipathia.*

*Cap. 14.*

**M**ira profecto ea concordia est, quæ inter sensus & eorum obiecta  
 versatur, si temperata sint: alioqui, si excedant, non solum non cō-  
 sentiant



**A** sentiant cum sensorijs, sed ea perturbent & corrumpant. Soni igitur (vt ab ijs ordiamur) si valde magni sint, si nimis acuti, si nimis graues, si asperi, si multi confusi, si prorsus insoliti, & ignoti, si vniformes, ac demum si immusici sint, omnes per molestiam recipiuntur: causæ autem occultæ ad modum sunt: cõis vero omnium ratio est ingratos eos offerri sonos, in quibus anima incommodam cognitionem facit: quoniam. n. finis eius & perfectio est ipsa cognitio, ad hoc autem requiruntur & bonus organi status, & virtus potens, & applicatio conueniens, ac modus receptionis idoneus, tum quidem per displicentiam anima recipit, quum aut virtus laborat, aut organum vim patitur, aut applicatio impeditur, aut incommode recipit. Qui igitur imbecilles sunt, aut circa auditum dolent, sonos pene omnes ferre non possunt, verum causa non accidit ex ipsis sonis: at si sonus ingens ipse sit, commotat organum propter circulationes aeris, tum & virtutem dissoluit, & applicationem tollit, vnde & confundi animam accidit & terreri: similiter &, si acutus valde sit sonus, & stridulus, applicatio vim patitur, quasi in angusto facta, tum & membrana auditus quasi icta offenditur, vnde & contrahitur repente, ac cum ea simul & neruuli quidam vsq; ad radices dentium, in quem locum subito incidēs nouus aer horrorem quendam circa dentes facit. Grauis quoque plus æquo si sonus inferatur, plus aeris mouet, q̃ sensorium ferat, tum & applicationē

**B** valde amplā exposcit: asper vero est, qui fertur per inæqualem superficiē, quare circulationes aeris confundit, & speciem quasi fractam ad sensum defert, vnde & sensatio simul varia fit et confusa, ad quam nec applicatio conueniens adhibetur. Vniformis autem iccirco molestus redditur, q̃ nihil addiscit anima, coacta nihilominus intētionem frustra adhibere. Cur autem ignoti & valde insueti soni timorē incutiant, mox dicemus, quū de timore agemus. Qua vero de causa fiat, vt, qui immusici sunt, molesti audiantur, musici vero & certis constantes numeris suaues gratiq; recipiantur, difficultatem non paruā habet: quando nec numeri, nec in vniuersum quantitas vlla per se potest esse principium vllius actionis, per accidens autem, & vt modi eius, quod per se est, quō cōcurrant numeri, nō satis patet. Vtrum igitur, vt quidam dicunt, q̃ anima maxime musica ipsa sit, (vt Timæus tradit) musici etiam sonis gaudeat, an rhæthoricū magis est hoc? & Timæi generatio animæ poeticum quiddā est, nihil aliud significare volens, q̃ q̃ anima ex maximis rerū perfectionibus constat: ad numeros autem, qui in sonis sunt, equidem non video, quam cognationem habeat. Fortasse igitur dicendum est, sicut in numeris quidam integri sunt, quidam fracti, ita & in sonis quidam integri, quidam fracti dicuntur. Integri sunt omnes per se soni, qui vocem vnā faciunt, vna au

tem vox, quæ tota simul mouet: fracti vero, qui vel vnā vocem non fi- C  
 mul totam reddunt, sed per partes, vel vocem vnā & insuper partem  
 eius includunt. Si igitur integer sonus ad aurem veniat, siue vnus fuerit,  
 siue plures, collati inuicem suauiores accedunt, q̃ si fracti veniāt: vnus qui  
 dem, quia si vocem non vnā facit, sed per partes ad vnā ascendit vo-  
 cem, asper quodammodo est, & inæqualis, atque indistinctus, si vero vo-  
 cem vnā totam reddat, & vt dicitur, rotundam, distinctus est, atq; ic-  
 circo gratus. Similiter & si plures sint, fracti autem aut omnes, aut aliqui,  
 molesti sunt, siue voces non reddant vnā, siue vnā & insuper partem  
 includant: in omnibus enim inæqualitas quædam est, & indistinctio: at  
 si voces rotundæ omnes veniāt, tum & ordo quidam in illis est & distin-  
 ctio: omne autem ordinatum & distinctum delectat, quod & Aristote-  
 les significare voluit circa problemata. Numeri igitur, quatenus nume-  
 ri, nihil per se faciunt ad suauitatem, & molestiam in sonis, sed solū, qua-  
 tenus per ipsos modi sonorum notantur, qui aut distincti, aut confusi &  
 asperi ad animam pertingunt: quanq̃ de his plura fortasse oporteret di-  
 cere, nunc autem tantum dictum sit, quantum attinet ad propositum.

Eadem & circa visum contingunt, & propter easdem causas: Lumen  
 enim, si ingens sit, ab anima ferri non potest, quoniam & ipsum virtutē  
 et applicationem dissipat, quod & colores quoque faciunt, qui nimium D  
 lucis habent, vt albi, & rubri, si & fulgidi sint, medijs vero, q̃ temperatio-  
 res sint, grati omnes recipiuntur, & inter ipsos viridis, qui temperatissi-  
 mus est, tum qui illi sunt proximi, vt puniceus, et flauus: niger vero, q̃ pri-  
 uatio quædam sit lucis, minus delectat: paruorum quoque conspectus in-  
 gratus pariter est, q̃ applicatione multa indiget, & indistinctus est. In sa-  
 poribus quoq; qui valde acuti sunt, vt Euphorbij, Clematidis, et similiū;  
 molesti omnes sunt: fortasse autem & sensum tactus feriunt, quoniam ca-  
 lidissimi sunt: calidi quoq; sunt falsus, amarus, & dulcis, sed falsus acuita-  
 tem habet haud ingratam, quoniam diluti subtilis non nihil habet, pro-  
 pter quod asper non est, sed æqualiter sensum tangit: at amarus contra in-  
 æqualiter tangit, q̃ ex terreo adusto constet, & in crassa substantia sit, qua  
 re aspera est illius applicatio, & cōfusa: dulcis vero suauissimus omnium  
 recipitur, quoniam excessum in mistione nullius habet, sed omnium cō-  
 uenientem miscellam ex acreo multo & aqueo, cum quibus quæ terrea  
 & ignea sunt, minutissime sunt confecta, & rotunde commista, propter  
 quod æqualissime sensum attingit, & vt vnum, quam ob causam è rotun-  
 dis constare Pythagorici aiebant: è frigidis autem ponticus acutis opposi-  
 tus est, qui è multo terreo constat non plane digesto, hoc est non exacte  
 commisto, sed in rudi & crassa substantia constituto, propter quod & il-  
 le



**A** le asper est, & inamabilis: si vero in eodem terreo plus aquei humidi adfit, acerbus fit sapor, quā & ipse asper est, & ingratus, minus tamen, q̄ pon-  
ticus propter dilutionem: q̄ si minus adhuc terræ, plus autem subtilis a-  
quei bene cōmisti affuerit, acidus vocatur sapor, minus adhuc ingratus:  
si vero terreum subadustum fuerit, subtile autem, multo autē aqueo be-  
ne commistum, acetosus fit sapor. In vnuersum autem terra ingrātū vi-  
detur saporem facere, q̄ inæqualis sit, ac sicca, & frigida, humiditas vero  
gratior videtur, quoniam æqualis est, & lenis: q̄ si cum caliditate coniu-  
cta sit, omnium suauissima habetur, quoniā & calor gratissimus est ani-  
mæ, propter quod aer maxime ad suauitatem saporum facit, aqua vero p-  
pter frigiditatem minus: ignis porrò & ipse, nisi acrimonia officiat, pro-  
pter caliditatem ad suauitatem conducit. Multum præterea refert, utrū  
mistio ex minutissimis conflata sit, & ijs, quæ vnum facere apta sunt, an  
aliter, quas ob causas diuersæ saporum mitiones fiunt, quarum aliæ gra-  
tæ, aliæ ingratae animæ sunt: ingratisima omnium illa est, quæ nō aliam  
habet appellationem, nisi q̄ abominabilis dicitur, vt luti, stercoreum, &  
quorundam medicamentorum: horum autem digestio nulla est, nec mi-  
stio, quæ ad vnum fit, sed plurium cōfusio, quorum alia amara sunt, alia  
acria, alia insipida, alia aliter se habētia, ad quæ nec applicatio conueniēs  
esse potest, nec distinctio; nec ordo, nec demum familiaritas vlla cū ani-  
**B** ma. Proportionaliter autem se habent & odores, quorum ingratisissimus  
est, qui foetidus appellatur, quiq; abominabili in saporibus correspōdet,  
nam & hic ex ijs pariter resultat, quæ nullam habent digestionem nec ra-  
tionem mitionis, sed confusionem ē multis ac diuersis, qualia fere sunt  
putrescentia, in quibus dissoluta mitione euaporatio diuersorum cōtin-  
git. Oportet præterea & illud non ignorare, quòd contrariarum mistio-  
num contrariæ quoque formæ sunt, & contrariarum formarum contra-  
riæ quoq; sunt spirituales species in representando: propter quod in sapo-  
ribus & odoribus illud præcipue accidit, vt, quorum contrariæ sunt mi-  
stiones, illorum quoque & sapor, et odores cōtrarij sint: quare nec qui  
vni animali est gratus sapor, aut odor, etiam alteri est gratus, sicuti  
nec eisdem omnia nutriuntur, quòd diuersæ sint diuersorum mistio-  
nes, & diuersis gaudentes: quod et inter homines quoq; est videre, quo-  
rum alij vinum, alij acetum, alij carnes, alij alia fastidiunt, vel natura,  
vel morbo. Porrò & circa tactum eadem quoque spectantur: suauissi-  
mus et maxime conueniens est illi calor, si temperatus sit, tum et humi-  
ditas, quoniam lenis est, & æqualem tactum facit, non asperum: mistio  
quoq; illa voluptuosissima est, quæ dulcissaporum proportionem respōdet,  
in qua decoctio est optima, et miscella rotundè confecta, temperata autē

qualitatibus, quale est semen: propter quod suauissima omnium est voluptas, quæ in feminis emissionem sentitur in ea parte, quæ pariter omnium titillantissima est. Ingrata vero tactui per se frigiditas, maxime est, quæ cum sicco coniuncta est, propter quod terra, & ea, in quibus dominatur, ingratis sunt. Figura porro, & partium situs, quæ tangunt, non parum faciunt ad voluptatem, & molestiam illius sensus: unde, quæ aspera sunt, & quasi hamatæ superficiei, ingrata animæ sunt. Ingratus præterea, & dolorosus est & sensus ille, qui fit separatæ partis à parte: nullus enim conuenientior est situs partium membri, quàm continuatio illarum, quare separatæ parte, quicquid aliud subingreditur, & tangit, inimicissimum aduenit: subingreditur autem ut plurimum aer. Sunt tamen, qui dicant separationem ipsam sentiri, unde & dolor insurgat, quod violentissima res sit separatio: quod certe dici non potest, si quis bene aduertat, quid sit per se separatio, non enim aliud est, quàm localis motus, aut partes illæ duæ separatæ: motus autem per se non sentitur, nec numerus ille, nisi quid aliud subfit, quod per se sensum moueat.

*De primis effectibus, qui fiunt ex consensu & dissensu sensuum. Cap. 15.*

**S**entiunt autem partes & membra animalis quandoque quidem per se sola, animali ipso non sentiente, nec iudicante se sentire, interdum animal simul sentiente partis sensationem, & iudicante: nam motus quidē, quo intestina & venæ succum trahunt, & deponunt, & torquētur ad emittenda excrementa, tum venarum, & cordis dilatatio & constrictio, & id genus per se quidem à membris fiunt animali ipso nihil sentiente: vrinæ autem emissio & secum, & tussis, & sternutatio, & ira, & timor, et progressio non sine phantasia fiunt, & iudicio animalis: quædam etiam imperate voluntate proueniunt. Simpliciores autem et natura priores videntur motus, qui sine phantasia fiunt: fieri autem illos per sensum quendam membrorum credendum est, constrictiones enim, & dilationes non nisi per boni & mali receptionem quandam fieri possunt, ut dictum est: propter quod natura, quæ ab imperfectissimis per gradus ad perfectissima progreditur, animalia quædam fecit, quæ vegetant solum, et sentiunt sine totius phantasia, sed membrorum solum per tactum bonum & malum comprehensibilibus, quales spongiæ sunt: quapp de membrorum motibus, qui sine phantasia sunt, primo breuiter agamus, mox & de phantasie Sympathijs agemus.

Reassumamus igitur, quæ supra vniuersaliter dicta sunt, speciem omnem, quæ ab anima recipitur, recipi quidem vel uti bonam & conuenientem, vel uti malam et dissidentem: ad hæc autem primos & simplicissimos animæ motus esse constrictionem, & dilationem, hanc quidem recepta boni



**A** boni specie, illam, mali. Ab his ergo & alij deinceps fiunt, & quidem admirandi, interdum in eodem membro, interdum & in annexis: quippe recepta nocentis specie, et facta constrictione sæpe paulo post et dilatatio fit, quod alioqui mirum videtur: fit aut sæpe tam vehemens & subita dilatatio illa, vt excutiat nocens, verum motus illi non secundum idem, et secundum eandem rationem fiunt: siquidem constriction fit, vt tangatur nocens secundum minimum, quo potest, dilatatio vero mox fit, quoniã minimum illud, quod tangit, diu ferre non potest illum contactum, tũ quia vt mistum vim patitur nimis astrictum, tum quia vt sentiens eo in situ persistere non potest. Quibus de causis repentina laxatio fit, & sæpe tanta, vt excutiat nocens: q̃ si excuti non detur, sed necessario inest, & insistat, tunc alternatim fit nunc constriction, nunc dilatatio, sic. n. membrũ quietem quandam & pausam doloris inuenit, vt accidit in ijs, quos phalãgia pupugere. Interdum fit et motus tremulus, qui et ipse compositus est è dilatatione et constrictione: verum differt à priori: in illo. n. vtrunq; motum faciebat anima, in hoc laxatio fit à pondere membri propter debilitatem, constriction vero à virtute & ab anima, quæ vbi paulisper cessit ponderi, quasi reassumptis viribus constringit membrum ac sustinet: quem motum alternatim facit, quoniã sustinere semper si vellet anima, deficeret: quare melius, quod potest, facit. Interdum recepta specie mali nõ cõstringitur membrũ, sed dilatatur, q̃ maxime fit, quum intrinsecũ est nocens: constriction. n. ipsum auget, dilatatio minuit, quoniam sic refugit anima: quo pacto cor fortasse, & venæ dilatationes suas faciunt, introrsum. n. quum caliditas magna fit, si inflãmari ipsum accidat, tum sese laxat ac dilatat, sic. n. minus tangit: porrò facta dilatatione rursus constriction fit, qui motus est naturalis membro redeunte ad situm proprium. Vtri que autem motui sua cõsequuntur beneficia, naturæ cognita, nã ad priorem dilatationem sequitur attractio noui aeris, à quo refrigeratur cor, ad constrictionem vero sequitur expulsio eiusdem aeris calefacti, et simul fuliginum multarũ circa existentium: quæ quidem beneficia cognita Deo & naturæ sunt, non autem ipsi cordi: quare quodãmodo per se fiũt à corde, quodãmodo per accidens, per se quidem, si consideretur cor vt pars totius naturæ, quæ res ordinat, & fines noscit, per accidens autem, quatenus cor est natura quædã vna per se, quæ quidem non aliud agit, nisi qđ per se & per naturam potest, ad quod si et finis sequatur à natura totali intentus, per accidens fit, quantum ex se est: non. n. sese dilatat cor primo et per se, vt aerem nouum trahat, à quo refrigeretur, sed vt minus tangat internum nocens: nec constringitur, vt expellat fuligines, sed vt redeat ad situm proprium: qua tamen vicissitudine temperiem acquirit, sine qua

viuere

viuere non posset. Sæpe et quiddam aliud maius molitur membrum re C  
cepta nocentis specie, nam constringendo sese in vna parte deponit no-  
cens in aliam partem, qua rursus constricta deponitur idem nocens in  
aliam, et ex hac rursus in aliam, quo pacto tandem in totum lædens abij-  
citur: sic intestina feces & excrementa, vesica urinā deponunt, res quidē  
mira, q̄ vnum membrum nunc has nunc illas pares contrahat, et modo  
hos villos, modo illos, quasi ratione quadam vtatur: non est autem ratio  
alia, nisi partium motus in toto, in quo quēlibet ita locatur, vt melius ex  
pedit, tantus est consensus earum inter se et in toto: propter quod sæpe  
non vno modo mouentur omnes, et villi omnes, sed modo hi, modo illi  
reliquis quiescentibus, et ita cunctis ac toto melius se habētibus, quo pos-  
sibile sit. Sicut autem in receptione mali diuersi contingunt motus, ita  
et in boni receptione varij effectus fiunt: si enim per totum membrū re-  
ceptum fuerit bonum, tum dilatatio et laxatio totius fit, quo partes om-  
nes profunde bono simul frui possint (vt dictum est) si vero non secun-  
dum totum receptum sit bonum, sed in parte solum, tunc non dilatatio  
totius fit, sed aut constrictio magis totius, aut partis saltem, quæ bono ca-  
ret, ad eam partem, quæ habet. Non sunt autem consensus isti, et dissen-  
sus tantum in simplicibus mēbris, et eorum partibus, sed et inter cōposi-  
ta visuntur, & ea, quæ non continua sunt, sed cōtigua, altero alteri famu-  
lante, et consentiente, vno. n. affecto et alia consimiliter afficiuntur: propter D  
quod diuinum dicebat Hippocrates esse consensum inter membra.  
Laborante matrice, et aut sursum, aut in latus retracta, ita et reliqua coaf-  
ficiuntur mēbra, vnum post aliud, vt eorum nullum audeat motum co-  
nari, omnia quietem agunt, palpebræ claudūtur, respiratio vix fit, & cun-  
cta demum ita immota manent, vt ne pes quidem aut digitus dimoueri  
queat sine molestia. Causam Galenus putat, q̄ à matrice frigiditas quæ-  
dam stupefactiua non aliter eleuetur ad mēbra reliqua, ac in Torpedine  
pisce effundi accidit: quod quidem vt admittatur, potest nihilominus si-  
ne eo stupore ad simplicē mēbrorum cōsensum referri (vt mihi videtur,)   
præsertim q̄ stupefactum nullum apparet mēbrum, sed & audit mulier,  
et calet, ac rubet: non mouetur autem vllum mēbrorum, vt consentiant  
primo affecto, quē consensum in multis alijs est videre. Dolente ore ven-  
triculi incuruatur corpus totū: in calculo situs quosdā natura docet, sub  
q̄bus melius nos habemus, q̄ omni alio modo: et in dolore capitis sæpe  
oculos ita claudi accidit, vt si aperiri cogas, molestissime facias, et dolorē  
augeas. Ita ergo et affecta matrice nerui et ligamenta, quæ ad illā pertin-  
gunt, contrahuntur, aut simul tenti tenentur, mox successiue & crurum  
nerui, et dorſi, et diaphragmatis, et pectoris, et aliorum idem faciūt, ac de  
mum



**A** mum totum imotum perstat, qui situs & status vti magis cōueniens à natura eligitur, nec partes melius in toto locari et consistere possunt ita affecto primo membro: cuius signū est, q̄, si dimoueas mēbrum aliquod, mulier torquetur, et molestiam pati indicat, tantus est consensus inter membra, quæ, quanq̄ diuersa sint qualitibus et natura, animam tamen vnā sortita sunt. Quærat autem fortasse aliquis, vtrum affecta vna prima parte species eius affectus vna ad alia mēbra mittatur, an plures sint species, quot et mēbra, et affectus: nihil aut̄ phibet nec plures esse species, nec primā mitti ad alia mēbra, sed satis est aliquod primum esse affectū, per quod anima, quæ vna in omnibus est, potest partes omnes in toto mouere, vt melius est, et locare: sicut. n. in vno mēbro simplici recepta boni vel mali specie non secundum totum, sed in parte solum, totū tñ sitū querit, quo pōt, meliorem, ita et in toto animali, q̄q̄ non vbiq; sit spēs boni et mali, sed in aliqua parte tm̄, pōt tñ totū ipsum et partes in eo meliori mō locari, quo possibile sit: de quo & nonnulla mox dicemus. Ac de sympathijs et antipathijs sensuū, et simpliciū mēbrorū per trācursum dictū sit.

*De consensibus & dissensibus phantasiæ.*

Cap. 16.

**B** **M** Aiores multo, et magis admirandi sunt consensus illi, et dissensus, qui fiunt specie boni et mali ad phantasiam delata, per quam non iam sensus aliquis iudicat, sed animal ipsum: videtur enim ea facultas quasi toti deputata, vt ministra et cognitrix eorum, quæ ad totū pertinent. Habet autē phantasia consensum quidem cum toto, sed cum corde maximum ac præcipuum, statim. n. et cor eisdem speciebus afficitur, quibus et phantasia, siue boni fuerint species, siue mali: porro et cor cum vocatis spiritibus supra, q̄ credi possit, consentit, atq; ijs vtitur, vt famulantibus. Quam ob rem de vtroque non parua dubitatio est, ac primū de corde, quomodo afficiatur à phantasiæ speciebus: si. n. non cognoscit per illas, quomodo moueri potest, et constringi, et dilatari? diximus. n. fieri hæc ab anima, quatenus cognoscitiua est: si vero cognoscit per illas, vtrū ne sensu aliquo cognoscit solum, an et ipsum habet quandā aliam cognitionem maiorem, q̄ sensus? si quidem per sensum cognoscit tantum, quo igitur afficitur et mouetur à speciebus omnium sensuū? oportebat. n. solum ab vno moueri obiecto: at, si maiorem habet cognitionem, q̄ sensus, habet ne et ipsum phantasiam, aut consimilē aliam vim? quod certe non satis videtur. Porro de spiritibus vocatis difficultas quoq; vel maxia est, quando constat moueri eos ad oēm partem, et sursum, et deorsum, et in latus: vnum autem tantum vnum posse videtur facere, ipsi autem vnum quid sunt, ac separati, et per se existentes in animali, quin imo ne etiam cognitionis

cognitionis participes. Ad priorem autem difficultatem possumus cū C  
antiquioribus dicere cognitionem inesse cordi non solum sensu maiorē,  
sed et phantasia, tum q̄ non modo ea dignoscat, quæ & phantasia, sed et  
& motum sensationemq; ipsius phantasiæ, tum q̄ et intellectus quoque  
actionem ad cor pertingere manifestum est, atq; eadem cor iudicare bo  
na & mala, quæ & intellectus cognouit, vtpote princeps mēbrum: nam  
sicuti sensus & phantasia intellectui seruiunt, & ministrāt, ita & intelle  
ctus et aliæ facultates in cor veluti regem et vltimum ordinatæ sunt: si  
gnum cuius est eisdem affici, atque vltimo affici, vtpote finem, quod anti  
qui omnes opinati sunt. Veruntamen, si cui videatur non habere aliam  
cognitionem cor, q̄ quæ tactu fit, facta tamen phantasia quorundā nihil  
prohibet, si dixerimus cor non eisdem speciebus cognoscere, posse tñ &  
constringi, & dilatari, & signa terroris, et iræ, et gaudij præ se ferre: quō  
niam anima (vt dictum est) vna est in toto animali, ad motum autem par  
tium alicuius totius animati non est necessarium partes omnes, quæ mo  
uentur, per se cognoscere bonum et malū, sed sufficit esse aliquod primū  
cognoscēs, per cuius cognitionē totum ipsum mouetur in suis partibus,  
vt bene est, modo omnibus, modo quibusdā. Igitur recepta boni & mali  
specie in phantasia totū animal mouetur in suis partibus, modo vna, mo  
do alia, vt magis expedit: mouetur autē principaliter cor, quoniā inde ori  
go est virtutum omnium, & de ipso totum maxime sollicitum est. De spi D  
ritibus autē recte illud dici videtur, q̄ et ad partes omnes mouentur, sur  
sum, deorsum, & in latus, et separati etiam sunt à membris alijs, si. n. con  
tinue forent cum illis, impelli quidē non possent huc, et illuc sine mēbro  
rum offensa & distractione: qua de causā separatos illos natura fecit, ve  
rū non ita, vt quasi athomi quædam per se cōsistant, hic, et illic distincti,  
sed magis continuos inter se esse ceu nubem quandam putandum est.  
Vtrū autem animati sint, dubitatio apud omnes non parua est: nā anima  
tos non esse indicium est, q̄ et in sanguine sunt, et in semine, hæc autem  
nec sentiunt, nec nutriuntur, quoniā organis carent, anima autē sine or  
gano esse non potest: at vero si animati nō sunt, quomodo ad partes om  
nes moueri possunt? Dicendum fortasse animatos esse spiritus, eos saltē,  
qui partes mēbrorum sunt, animatos autē esse nō tanq̄ mēbra per se, sed  
tanq̄ partes membri. Sunt autem partium aliæ, quæ primæ dicuntur, vt  
elementa, quæ sicuti in misto sunt, ita sunt animatæ: quare quū potentia  
quodāmodo sint in misto, ita et potentia sunt animatæ: aliæ autem sunt  
partes, quæ secundæ dicuntur, quæ quodāmodo actu sunt, quodāmodo  
potentia, vt partes organici membri: actu. n. sunt, quoniā esse suum ha  
bent, et signari possunt, potentia vero, quoniam ex omnibus tertium  
quoddam



- A** quoddam fit, quod per se tale est. Atque hoc modo & spiritus partes sunt carnis, nerui, & ossis, & aliorum, ex actione enim spirituum, & temperie ab ijs data, cum alijs, ex quibus componitur caro & nervus, fit tertium illud, quod caro appellatur, & nervus, & os, quorum præcipua pars sunt spiritus. Igitur, quod per se animatum est, caro est, & nervus, spiritus autem per se animati non sunt, sed solum ut partes: atque, ita si sint, facile erit ostendere, quomodo moveri ad omnes partes possint, nam & ipsi moventur, sicuti partes in toto, ut bene est. Cognoscente igitur phantasia, quod mali et boni est in hac vel illa parte, nunquam bene se habet totum, nisi partes eum situm quarant, quo totum bene habet: quare laborante corde ad ipsum moventur spiritus, quasi opem laturo: qui finis in natura quidem animalis est, & Deo cognitus, & communi naturæ, non autem ipsis spiritibus, qui tamen moti, uti partes in toto finem præstant naturæ notum. Nihil autem inconuenit partes in toto motas, & sursum, & deorsum, & in latus ferri (ut supra dictum est,) inconueniens autem esset, si spiritus, tanquam vnum quid per se existens, in diuersa agerentur. Quo autem modo & illi moeantur, qui in sanguine sunt, si quis quærat, dicendum fortasse moveri ipsos alio modo, vel attractos ab ijs, qui primo ut partes animati moventur, vel consequentes propter continuitatem, quam cum ijs habent. Et tanto igitur consensu, quem phantasia cum corde habet & spiritibus, illi primo fiunt, qui affectus animi dicuntur, gaudium, amor, spes, risus, admiratio, ecstasis, tristitia, timor, ira, verecundia, commiseratio, & si qui alij sunt, de quibus bene erit, si non omnia, quæ ad ipsos attinent, at quædam tamen obiter & per transcursum dici.

*De Gaudio et appetitu.*

*Cap. 17.*

**Q**UOD igitur recepta boni specie gaudium fiat, nemini dubium est, verum non proprie gaudium dici videtur, quum sine phantasia simpliciter membrum aliquod per se bonum recipit, sed tum magis, quum animal ipsum iudicat, quod per phantasiam fit, ut dictum est: videtur enim gaudium totius animalis affectus quidem ob bonum apprehensum: apprehenditur autem bonum & ab intellectu, verum, quia hoc commune non est animalibus omnibus, videtur autem gaudere omnia, propter hoc gaudium phantasie attribuitur magis, quæ omnibus animalibus est communis, aut perfectioribus. Si igitur præsens sit bonum, & habeatur, tum simplex fit gaudium, & fruitio boni: si vero apprehendatur quidem per phantasiam, præsens autem non sit, & non habeatur, aut non bene habeatur, tunc appetitus vocatus fit, hoc est motus animæ ad prosequendum bonum non habitum, aut non bene habitum: nihil enim est

*Fracastorij.*

BB aliud

aliud appetitus ( vt & nomen sonat ) quā motus animæ ad prosequendum **C**  
bonum oblatum , non autem habitum : propter quod appetitus ex gau-  
dio & tristitia quadam compositus est : quatenus enim bonum percipi-  
tur, eatenus gaudiū fit, tristitia vero, quatenus non habetur, aut non com-  
mode habetur : quapropter mouetur anima ad consequendum, fit enim  
motus omnis ad id, quod non habetur. Primus autem & simplicissimus  
appetitus fit, quum bonum quidem recipit anima, nondum autem pro-  
funde & penitissime habet : quare dilatatio fit cordis, quo secundum par-  
tes omnes fruatur bono. Interdum anima secūdam vnā partem habet,  
secundum aliam non , vnde & alius appetitus innascitur , vt secundum  
omnes partes fruatur : quare aut partē, quæ caret bono , ad aliam mouet,  
aut vtrāque inuicem astringit, aut bonum illud successiue de vna parte  
in aliam deponit : quo pacto ab infantibus admoto ad mammillam ore,  
primum astrictio oris fit vnde quaque circa mammillam, & suctio lactis,  
deinde, vt & aliæ quoq; partes fruantur, attractio fit lactis de parte in par-  
tem vsque ad ventriculum : quæ quidem attractio non solum simplex est  
à specie facta, sed & organica, hoc est per constrictionem & dilationē  
villorum factam per modum dictum, quo partes in toto mouentur, pro  
ut expedit, specie boni percepta per phantasiam : non sunt autem hi mo-  
tus, & ordo inter membra absq; sine naturæ cognito, q̃q̃ particularia mē-  
bra simpliciter agant. Interdum oblatum bonū nullo modo habetur, sed **D**  
separatū est, appetitus nihilominus fit ad psequendum , vnde animal ip-  
sum sese aut totū mouet ad bonum, aut partem aliquā, vt manū, quo ma-  
gis potiri potest : verum actio hæc non statim fit nato animali, sed in qui-  
busdam longe post, & non nisi iam phantasia habente experiētiam mul-  
torum motuum, vt lacertorum, & aliorum ijs feruentium : quo pacto tan-  
dem pgressio fit, quippe è paruis principijs & motibus ad maiores, & de-  
mum ad maximos peruenitur : tantus est consensus partium & inter se, et  
in toto. Porro specierum, quæ vt bonæ recipiuntur, aliæ fiunt cum abie-  
ctione contrarij, quod per successionem quandam fit, & in tempore, vt  
sedatio sitis, & vniuersaliter primarum qualitatum receptio : aliæ momē-  
to, & sine motu perficiunt, vt visio : quæ igitur cum motu accidunt, &  
in tempore fiunt, delectare magis videntur, quia longior est voluptas, &  
diutius producitur : quæ vero momento perficiunt, quasi simul fiant, &  
factæ sint, delectant minus : atque hoc modo se habent, quæ gaudium  
faciunt. Quoniam autem & per phantasiam & per intellectum homo  
apprehēdere, & appetere bonū potest, reliqua vero animalia per phanta-  
siam solum, appetitus quidem in homine, qui per intellectum fit, volun-  
tas dicitur, qui vero tam in homine, quā in alijs animalibus per phanta-  
siam



**A**tasiam fit, appetitus simplex dicitur: est autem & voluntas motus animæ ad consequendum bonum per intellectum oblatum, non autem habitum. Consultat quidem intellectus, & ratiocinatur, & bonum ostendit, & eligendum, quo oblato, si non habetur, motus fit animæ ad consequendum, quæ voluntas dicitur. Affectus porro alius, qui ex gaudio proficiscitur, est amor vocatus: duo enim quum ad gaudium concurrant, receptio scilicet boni, & causa, siue res, quæ bonum illud producit, si quidem consideretur anima, quatenus bonum recipit, & apprehendit, sic quidē simpliciter gaudet: si vero consideretur, vt & causam respicit, quæ gaudium illud facit in ipsam, sic quidem amor fit, hoc est desiderium quoddam, quo & illi rei bene esse optatur, qui amor vocatur: quod enim amor eius modi fit, illud monstra\*, quod, res ille si bene habent, letamur, si male, tristamur. Quapropter amor per se causam respicit secundum se, quæ gaudium facit, quem affectum magis exprimit nomen beneuolentiae: & simpliciter quidem non aliud est amor, q̃ beneuolentia rei, qua gaudemus: quod si rem illam in voluptatem nostram vertamus, non amor est, sed libido: amor. n. per se omnis purus est, & nihil aliud vult, nisi vt bene sit illi rei: quem amorem non solus homo, sed & alia animalia habent, quibus phantasia & memoria inest, nā & filios ea tueri videmus, & ijs escas parare: propter quod & diuina res est amor, & à natura propter finem diuinum datus.

*De tristitia, et odio.*

*Cap. 18.*

**S**icut igitur recepta boni & conuenientis specie letitia fit, ita recepta specie mali & dissentientis tristitia innascitur, quæ proprie tristitia dicitur, quum animal ipsum iudicat per phantasiam: quanquam etiam tristitia dicatur, & quum membrum aliquod per se mali speciem recipit. Est autem & in tristitia appetitus suus, hoc est motus animæ, sed hic est ad euitandum malum, qui est primus & simplicissimus appetitus, qui in tristitia fit. Sunt autē plures modi, quibus anima malum euitat: primus est refugere, qua potest, propter quod constringitur membrum, sic enim secundum partes multas refugit, nisi intrinsecum sit malum, tunc enim dilatatur, vt dictum est: quum vero constringitur, si diu ferre eum situm non potest, tum aut motum facit compositum, modo dilatando se, modo constringendo, aut motu tremulo agitur, aut excussionem nocentis tentat, membro sese repente & impetu quodam laxante: quod quidem in simplicibus mēbris sine phantasia motis naturaliter fit eo modo, quo dictum est: in animali autem iudicante per phantasiam maiori quadā eruditione fit, edocta iā phantasia plures motus. Quis mōstrauit A sel-

lo rudissimo animali, quum pungitur, pellem primo constringere, mox **C** repentino quodam ac grandi conatu facto eandem laxare, & distédere, ac per eum motum lædens excutere? nempe prius natura docuit constrictiōnem facere recepto nocēte, mox & eadem dilatationem docuit, partibus, quæ prius constrictæ fuerant, non potentibus diu eo sub situ stare: quos motus ubi semel edocta fuit phantasia, tum quasi facta arte quadā & memoria promptissime eum excussionis motum operatur: operatur autem modo hoc, modo alio ingenio, modo pedes admouendo, modo manus, modo alia membra, per quæ nocens abijcitur: q̄ si nullo modo p̄ pellere, et amouere posse iudicet, animal ipsum fugit, et amouet sese à nocente. Sicut autem in gaudio erat & gaudium simplex, & amor, ita in tristitia est & simplex tristitia, & odium, tristitia quidem, quatenus anima sub recepto malo male habet, odium vero, quatenus causam respicit, cui male vult: est enim odium desiderium quoddam, quo male optamus causæ, à qua tristamur. Est autē & in animalibus, omnibus, aut perfectioribus sua maleuolentia, in quibusdam quidem conspicua, in quibusdam obtusior, in quibus imperfecta quædam est phantasia: sunt enim animalium, quæ solum refugere à malo nouerunt, quædam vero, quæ etiam repellere possunt. Hominum autem alij natura tristes sunt, alij lætabundi magis, tristes sunt, qui contrarijs resistere minus possunt, læta vero obire non sunt idonei, lætabundi autem, qui & ad lætā aptissimi sunt, & tristibus maxime possunt resistere. Qui igitur pauci caloris sunt, & exangues, ac debiles, vt senes, & ægri, & conualescentes, parum resistere contrarijs possunt, quare vt plurimum tristes sunt: porrò & hi, & qui melancholici natura sunt, & amarioris sanguinis, ad læta minus idonei sunt, quare nec ea vti læta recipiunt, vt spectacula, veneralia, commessationes, conuentus, lusus, & id genus: ægri quidem, & pauci caloris, quia non possunt, & dispositionem non habent: melancholici vero, quia ad contraria dispositi sunt. Iracundi vero & ipsi non lætantur, quia ira non sine tristitia quadam est, qui vero optime sani sunt, & multo abundāt sanguine, & eo qui dem dulci & leni, non acri, et bilioso, & melancholico, ij quidem, quod & maxime resistūt contrarijs, & q̄ optime dispositi sunt, omnia fere aut vti læta recipiunt, aut vti minus tristia, quare & ad societates, & cantus, & spectacula, et lusus, et alia id genus maxime proni sunt: vnde et iuuenes, et pueri maxime gaudentes sunt. Alij præterea maxime amant, qui scilicet & læti natura sunt, multa enim recipiunt vti grata: talium autem est amor: alij parum amant, qui et tristes natura sunt, plurima enim odere propter contrariam causam, q̄ omnia fere vti ingrata recipiunt: in ijs autem odium versatur. Sunt porrò qui neminem fere amant, nam, quæ-

admodum



**A**dmodum inter animalia quædam sunt, quæ reliqua ferè omnia odere, & persequuntur, vt serpentum genus, ita et inter homines quidam sunt, qui reliquos odio habent: quod et in gustu quoque accidit, in quo dispositiones quædam inueniuntur, quæ edulia fere omnia abominentur: sicut igitur in his praua quædam constitutio est in lingua, & stomacho longe ab ea, quæ ordinario, & vt plurimum fieri à natura solet, ita & inter animalium species, et inter homines ipsos censendum est in quibusdam alienissimam ab eo, quod vt plurimum est, constitutionem esse humorum, et complexionis, per quas reliquos odio habent. Alię his opiniones sunt, alij mores, alius color, alius aspectus, sanguis eorum cænosus, turbidus, et quadam fordida melancholia redundans, quibusdam quidem frigēs, quibusdam exustus, qui et insolentes sunt, et superbi, reliquos despectui habentes, ad seipsos omnia trahentes, inuidi præcipue, vtpote maleuoli. Atque ita se habent tristitia, et gaudium.

*De timore.**Cap. 19.*

**Q**uòd autem et timor tristitia quædam sit, manifestum est, omnes enim ex malo aliquo timemus: si igitur malum præsens iam sit, et lædat iā, tristitia simplex fit, si vero præsens non sit, sed imminet vt affuturum, tum timor vocatus et pauor fit: nihil enim aliud est timor, q̃m tristitia ex imminente malo. Primum autem, quod in timore fit, est fuga calor in trorsum, eius quidem, qui extra cor est, versus cor, eius autem, qui in corde, in penitissima cordis: propter quod timentes et pallescent, & tremunt calore deferente membra. Fit autem in timore maxime concursus calor in cor et fuga, quoniam et laborat maxime cor: in simplici namq; tristitia, præsentem malo in aliquo membro, phantasia quidem fit euitandi malum in ea parte aut per constrictionem, aut per motū tremulum, aut per excussionem, aut aliter, ipsum autem cor per se non laborat: at ubi species mali imminet ad phantasia, et ad cor fertur, ipsum quidem per se laborat, quare maxime ad ipsum fit calor in concursus. Fit quidem interdum, vt et in simplici tristitia labore cor, vt in nuncio cæsi filij in prælio, aut fugati exercitus, et eiusmodi: verum differt et hoc à timore, q̃ in timore simul cum tristitia semper anima videtur satagere, et consilium quærere, vnde confunditur, & tremit, in nuncio autē fugati exercitus sola tristitia fit: cuius signum est, q̃, si nūtiatur fugatum esse exercitū, adhuc tñ incertum sit, tremor simul & timor cum tristitia illa iūgitur, eo q̃ anima satagit, & cōsiliū confusa est, & nescit, quid faciat: propter quod minus timent, qui consilium capiunt aduersus imminēs malum, vnde &, quum de improviso imminet malum, timemus magis.

Eorum

Eorum autem, quæ timorem incutere solēt, multiplex est natura, vni C  
 uersaliter autem quorum mistiones & naturæ contrariæ sunt, & multū  
 dissimiles, sicuti per inimicitiam quandam & disconuenientiā recipiun-  
 tur ab anima, ita &, si sub modo aliquo, quo nocere possint, recipiantur,  
 timorē inferunt. Miluo quidem & Pullo gallinaceo inimica natura est:  
 non timet autem Miluus viso Pullo, q̄ nihil ab ipso lædi potest, pullus  
 autem contra viso Miluo expauescit, q̄ naturam eius uti inimicam & no-  
 cere potentem recipit: elephantis autem & equi natura cum pullo nō est  
 contraria. Videtur autem natura non frustra hunc timorem insinuasse  
 animalibus, quo possent & fugere, & se tueri: quinimo & propter hanc  
 causam non solum voluit formas contrarias formidabiles esse, sed & cer-  
 tas figuras & motus, sub quibus delata species timorem apportet: ppter  
 quod non solum verus Miluus, sed & fictus similitudinem habens galli-  
 naceo pullo pauorem infert.

Est autem animalium inimicitia interdum cum tota specie, interdū  
 non cum tota specie propter certa quædam: qua de causa cum Psillis &  
 Marfis non ea serpentum inimicitia est, quæ cum reliquo genere, siue sit  
 mistio ijs non omnino cōtraria, siue odor, siue aliud, per quod species mi-  
 nus ingrata accadat: quæ amicitia & inimicitia naturæ iter homines quo  
 que versatur: propter quod alios sine causa odimus, alios amamus, ppter  
 modos, cum quibus species rerum ad animam veniunt, qui sunt conue- D  
 nientia & disconuenientia. Formidolosa quoq; ea sunt, quæ uti prorsus  
 ignota pertingunt ad phantasiā: dico autem ignota non quantum ad vni-  
 uersale illud, quod cognitionē facit, ut color, sonus, & id genus, sed quan-  
 tum ad coniuncta, quæ sub ipso vniuersali latent: quum. n. nescimus, quæ  
 sint, & an bona, an mala, tum ignotum illud pertimescit anima, q̄ phan-  
 tasia fiat de sublatente, atq; imminente malo: propter quod & noctis, &  
 solitudinis, & maris, & præcipitiorum imago & belli formidabilis est:  
 omnium. n. horum phantasia fit coniuncti cuiuspiam, quod nocere pos-  
 sit: cuius signum est, q̄ assuefacti nihil præterea timemus, quasi securi: hac  
 de causa sæpe expauescimus ex paruo lapilli casu, si impræuisus accadat:  
 & superueniente nobis aliquo, vel etiam amico, si de improviso superue-  
 niat, timor fit, q̄ nondum parata anima sit, & non cognoscat, re autē co-  
 gnita statim cessat timor. Eadem de causa in Ephialte, quem alij incubū  
 vocant, formido fit, quoniam per somnum obstructis neruis illis, qui ad  
 pectus eleuandum veniūt, & prohibita dilatatione illius, memoria subit  
 eorum, quæ solent eam dilatationem prohibere, inter quæ occurrit pon-  
 dus aliquod nos opprimens: quare phantasia fit ponderis nos opprimen-  
 tis: hoc aut quum uti ignotum offeratur, timor fit: facto autē timore rur-  
 sus



**A**lus memoria fit terrefacientium, inter quæ nobis occurrit aut Dæmon, aut quid simile, antiquis autē Ephialtes gigas: semper. ii. in somno ea primo occurrunt, quæ maxima sunt in vno quoq; genere: quare tandē phantasia fit dæmonis alicuius, aut alterius similis nos opprimentis, vnde excutimur præ timore. Sunt porro magis & minus timorosa ea, ad quæ magis & minus sumus potentes: alij scalas timent ascendere, q̃ minus agiles sint, alij nihil timent, q̃ agiles sint, & alij ponti angusto committi expauescunt, alij non. Timidi vero natura sunt, qui frigidi magis sunt, quales mulieres, eunuchi, senes, & melancholicorum genus, contra vero audentes magis, qui natura sunt calidi, & multi sanguinis, & spirituum: ea enim est optima animæ dispositio, per quam ipsa maxime pōt, & operatur, & resistit: operatur autem, & potest per calorem: quare quibus is est plurimus, & minus confunduntur in periculis, et semper consilium capiunt, & si pars sanguinis & spirituum introrsum fugit, pars tamen multa relinquitur, quare nec tremunt, nec pallent sicuti alij, et se tuentur. Timidiores quoq; sunt cæteris paribus, qui paucorum habent experiētiā, multa enim ijs vti ignota offeruntur: propter quod pueris maxime infer tur timor, experti vero, & securi, & potentes distinguere coniuncta cum rebus, pauciora expauescunt: sunt tamen nō nulli, qui, q̃ experti nō sunt, quæ subsunt rebus, multa non timent, nondū enim nouere pericula, quæ coniungi consuevere: ppter quod & qui plura considerāt, et plura experti sunt, interdum magis timent, q̃ qui ad pauca aduertunt, vt ebrij, et qui natura similes ebrijs sunt.

*De admiratione, et Ecstasi, et risu.*

*Cap. 20.*

**S**I vero nouum aliquid vti ignotum offeratur, non tamen phantasiā faciens imminentis mali, tunc nō timor fit, sed admiratio sola: nihil enim aliud est admiratio, quàm suspensio animæ, seu fixio, et applicatio intenta: nam et tenduntur nerui, et calor, ac vis omnis animæ ad id affigitur, vnde & intentio vocatur. Si igitur ignotum illud vt simpliciter ignotum offeratur, tunc inquisitio sola fit, idest applicatio animæ ad eam rē, et ad coniuncta cum illa, ad quæ mouetur de vno in aliud: quod quomodo fiat, difficultatem non parua habet: diximus autem de eo in ijs, quæ à nobis de intellectu alias scripta sunt. Si vero, quod offertur vti ignotū, sub ratione offeratur cuiusdā magnitudinis consueta longe excedentis, sed rei tamen, quā per opinionē veneramur, et amamus, tunc ecstasis vocata fit, hoc est mentis phantasiæq; excessus quidā in admiratione, per quam ab omni alia re distracti, imoti q; reddimur, et insensitiui: quod maxime ijs accidit, qui aut vere sancti sunt, aut sibi ex melācholijs videntur.

his



his enim & angelorum choros & Deos videre apparet. Idem & amanti C  
 bus interdum euenire consuevit ex ingenti intentione in rem amatam,  
 sæpe enim adeo magna est, vt species ea in phantasia perinde moueat, ac  
 si in oculis esset: nihil enim refert ad apparentiam faciendam, siue species  
 deforis veniat ad oculos, siue introrsum: propter quod videre sese putant,  
 & obstupeſcūt, & extra se fiunt. Si vero res sub ratione magnitudinis ob-  
 lata sit, sed rerum timendarum, vt Demonum, & Manium, tunc affe-  
 ctus supra ecclāsim fit, qui nomen non habet, sed ab effectu horror ap-  
 pellatur: horrescimus enim, & rigidi euadimus, admiratio enim tensio-  
 nem facit, timor frigiditatem, vnde quasi congelati distentiq; nervos &  
 pilos, immoti stamus.

Noua quoq; ea sunt, quæ risum mouere solent. Verum illud in primis  
 sciendum est lætitiā omnem cordis spirituum & diaphragmatis dilata-  
 tionem facere, horum autem dilatationem dilatare & musculos, qui à la-  
 teribus buccæ sunt, ac facere motum illum oris, qui risus dicitur, qui in  
 natura finem aliquē habet, quo lætitiā interna in facie manifestetur: qua  
 de causa, quum aut amicis & familiaribus, aut filijs, et vniuersaliter cha-  
 ris occurrimus, præsertim si vti noui adueniant, ridere solemus, & læti-  
 tiam ostendere. Verum hæc non proprie ea sunt, quæ ridicula dicuntur,  
 neque eiusmodi proprie risus est: res autem, quæ proprie risum mouent, D  
 sunt in primis nouæ, repentinæ, leues, ac ludicræ, habentes argutiā quan-  
 dam, & cōcinnitatem ad aliud, ab his enim maxime ridere solemus: qua-  
 les sunt facetiæ, & quæ mimi repræsentant, et personati, & extranea quæ  
 dam subito ac concinno quodam casu facta, vt si quis ad negotia sua inté-  
 te pergens subito labatur: hæc enim omnia vti noua offeruntur, & ppter  
 nouitatem subitam admirationem inducunt: repentina autem esse opor-  
 tere monstrant facetiæ, quæ quum protenduntur, & affectate dicuntur,  
 leporem et falem omnem amittunt, subito enim ferire volunt: leues au-  
 tem res esse debent, alioqui, si seriæ sint, non risum facient, vt si, qui mi-  
 mus est, sit pater, aut qui labitur, male afficiatur: porro delectant hæc, quo-  
 niam argutiam habent et concinnitatem quandam. Oportet autem sci-  
 tu facilem esse argutiam, alioqui inquisitionem faciet non risum: quæ igitur  
 eiusmodi sunt, omnia subitam et repentinam admirationem, ac repē-  
 tinam etiam delectationem faciunt, admirationem quidem, quia vt no-  
 ua offeruntur, repentinam vero, quia subito oblata, delectationem vero,  
 tum quia cognoscuntur facillime (delectat enim omnis cognitio, vtpo-  
 te animæ finis, & perfectio) tum quia appositam ad aliud concinnitatem  
 habent, qua de causa et trāslatio delectare solet: delectatio autem omnis  
 vtpote res læta expansionem cordis facit, hæc autem motum oris, qui ri-  
 sus



**A** fus dicitur. Quòd autem appositam quandam concinnitatem habeant, quæ risum mouent, monstrant & facetiæ, & mimi, & personati: facetiæ in omnis arguta est, unde & sales dicti sunt: mimi vero propter aptam imitationem maxime delectant: personati vero & ipsi imitantur: non omnes autem risum mouent, sed qui per noua quædam, & extranea, quæ quatenus talia, admirationem primo subitam faciunt, mox delectant, si apta sit nouitas. Est autem & in eo, qui cadit, & inopinate labitur, sua concinnitas, quæ delectat, aptissime enim videtur fieri, ut qui intente in rem suam pergit, repetere labatur, nullus enim (ut dici solet) poterat illi accidere pulchrior casus. Quis non ridet, qui videat duos monachos super equo aliquo, quæ calcitret, & deicere illos patres velit? nimirum appositissima res est, & facetissimus casus: quòd si periculum aliquod graue ijs immineat, iam non risus fiet, sed timor, & pietas, quoniam res seria fit, non amplius iocosa & ludicra.

Est autem risus compositus ex admiratione & lætitia motus, propter quod & quædam contranitentia in risu est, admiratio enim suspensionem quandam in anima facit, lætitia vero expansionem: quare re fit, ut, quum producit risus, non sine molestia fiat: quæ & alia quoque causa coniungatur, quæ non debite perflatur cor in illa quasi continua expansione existens. Assimilatur autem risui & is, qui ex titillatione contingit, compressis capitibus lacertorum quorundam, & neruorum, ut coxarum, & plantæ pedis, & subalarum: non est autem proprie risus, sed assimilatur, quoniam & ille missus est motus ex suspensione et dilatatione cordis repente factis: quod accidit non quomocumque compressis, & tactis lacertis, & neruis illis, sed leuiter tantum, & per summa, ac subito præsis, & subito etiam dimissis, atque ita alternatim dimotis: ex primo enim contactu & leui pressione quidam veluti horror repentinus accidit, qui ad diaphragma & cor pertingens repentinam contractionem et suspensionem animæ facit, mox subito etiam dimissis neruis illis subito etiam cessat horripilatio, & cor ad propriam naturam redit, quod cum delectatione, & gaudio fit, & dilatatione: est autem tam subitus uterque motus, ut simul pene sint suspensio animæ et dilatatio, quod & in risu quoque contingit: propter quod et hic quoque proportionale quiddam risui contingit, non sine molestia quadam.

Nemo autem sese ipsum titillat, quoniam subita quædam horripilatio est, quod titillare dicimus, subita autem fit titillatio, & repentina, quum anima imparata, & non aduertente contactus fit, at sese tangente aliquo semper parata, & aduertens anima est, alio vero tangente, etiam si aduertere velimus, horror nihilominus fit, quia tam continua non est animaduersione illa, ut tamen non tangatur tanquam de improviso: cuius signum est, quod,

fi intentissime & obstinate aduertamus, aut titillationē nō sentimus, aut **C** minorem. Idē accidit, & si quis capillum alteri vellicet non aduertēti, subito. n. horrescit, quod nemo patitur, sibi ipsi capillū vellicans. Sunt autē alij ad risum promptissimi, alij duriores: duo. n. in risu sunt, admiratio subita rei nouæ, & ludicræ, & delectatio: qui igitur facillime admirantur, ij ex causa hac aptiores sunt ad ridendum, propter quod pueri maxime, & mulierculæ, & plebs facillime ridere solent, grauiores aut, & seueriores, vt viri, et ij quidem philosophi minus in risum ducuntur. Porro, qui læti natura sunt, aut ex accidenti aliquo, facilius in risum mouentur, facillime. n. lætis afficiuntur pp dispositionem: quare per naturam iuuenes, & optime sani, & qui sanguinem plurimum habent, & eū dulcem, non biliosum, non melancholicū, maxime ridere solent: ex accidentibus vero dispositi quoq; ad risum sunt, q in lētitia quasi sunt cōstituti, vt ebrij, & quibus multa adsunt eorū, quæ læta dicunt, si noua sint: quare, & qui in cōuiuijs sunt inter familiares & amicos, q plurimū ridere consueuere, imo sepe adeo effuse rident, vt continere non possint risum, & incōtinentiē notentur: causa est, (vt Arist. ait) q ipsa lētitia quasi risus quidā est, & ij quodāmodo in motu sunt semper, res autem in motu posita adeo prōpte impellitur, vt contineri non possit: contra autem, qui aut natura, aut ex accidenti aliquo tristes sunt, vt melancholici, & quibus amarior est sanguis, & ægri, & iracundi non facile ridere solent, qm delectari nō possunt, unde & aliqui visi sunt, qui nunq̃ risere (vt de Philippi imperatoris filio legitur) qui ob id agelasti appellantur. Nunc de ira dicamus.

## De Ira.

## Cap. 21.

**Q**Uod igitur, quicumq; irascitur, ex offensa aliqua irascatur, manifestum est: cognoscitur aut offensa & per intellectum, & per phantasiam. Irasci autem cōe est animalibus omnibus, aut perfectioribus, quare & ijs per phantasiam accidit, quatenus cōe est, irasci. Nō est autem ira, quum non iudicante animali ipso, mēbrum aliquod recepto nocente aut constringitur, aut ēt nocens expellit, sed tum solum, quum animal ipsum iudicat: porro nec, si animal recepta mali specie phantasiam faciat aut se contrahendi, aut aliter cauendi à nocente, aut ēt propulsandi, quatenus sese à malo defendat, irasci ipsum dicimus: neq; n. aut in tussi, aut sternutamento ira moueri animal dicimus, nisi cōi quadam appellatione: quare tum solum irā vocamus, quum & odiū fit in rem, quæ offendit, nec solū odium, sed & appetitus nocendi illi, et quodāmodo vliscendi iniuriam: quod quum per mēbra exteriora fiat, vt p manus, aut pedes, aut cornua, aut dentes, et id genus alia, quibus natura animalia armauit  
necessarium



**A** necessarium animæ est vires colligere, ac mox demandare ad ea mēbra, quæ agere debent. Primum igitur quod fit in ira, appetitu nocendi oborto, est collectio caloris circa cor, vbi sedes animæ & vis est: propter quod recte aiunt esse iram sanguinis ebullitionem, hoc enim primo fit, mox, nisi quid impediat, transmissio etiam caloris collecti fit ad partes, quæ nocere paratæ sunt: prohibent autem quædam eam sæpe transmissionem, vt aut timor maioris periculi, aut iudicium, q̃ frustra id fiat, aut ratio, & eiusmodi alia: sed hæc accidunt: quare ira per se est appetitus nocēdi causæ nos offendenti, ex quo collectio caloris fit circa cor, & transmissio eius dē per se ad partes, quæ nocere habent. Nocent autē animalia nunc p̃ has, nūc per illas partes, vt cuiq; promptius est, at homo, quum non aliter nocere potest, lingua iram conceptam monstrat, aut iurgijs, aut imprecatione mali, aut & blasphemijs in Deum, quem causam esse oīum, quæ fiūt, in opinione hominum est. Sunt autē alij promptissimi quidē ad irascendum, tardi autem ad prosequendam vindictam: alij vero tardiores quidē ad irascendum, promptiores vero ad sumendam vindictam: alij ad vtrunque promptissimi: alij ad vtrūq; tardissimi. Qui igitur tristes naturæ sunt, et omnia ferē per displicentiam recipiunt, vt ægri, & male affecti, & ex alijs causis irati, et quibus biliosior est sanguis, & melancholici, omnes quidem hi, q̃ ex omni causa facillime offenduntur, facillime irā concipiunt:

**B** tardius autem exequuntur, quicumq; ex his timidiore sunt, et pauci sanguinis, & frigidioris, tum vero & prudentiores, et rationi parentes magis: contra vero, qui bene valent, et multi sanguinis sunt, & lenioris, ferius quidem irascuntur, & non facile, quia omnia fere vel vtilia recipiunt, vel vti minus tristia: at, vbi de offensa iudicium fecere, tum promptissime iram effundunt, et vlciscuntur: ad vtrunque vero impigri sunt, quicumque calidi quidem sunt, et multi sanguinis, sed biliosi, et amari, aut exusti melancholici, præcipue autem & irracionales, & superbi: superbi enim ex omni iniuria vel leui magnam iram concipiunt, quod iniuriam non metiuntur, quāta per se est, sed quantus ille videtur, cui illata est: tardi vero sunt ad vtrunque frigidi natura, sed mites tamen, & ingenij haud peruerfi: atque hi obliuiscuntur etiam iniuriarum, quod non ij faciunt, quibus crassus, & fibrosus est sanguis, quique inuidi sunt, & superbi, & prauis ingenij.

*De Verecundia.*

*Cap. 22.*

**V**erecundia autem est tristitia de defectu proprio in præsentia alterius, propter quam fit motus sanguinis & caloris ad eas partes, quæ laborant maxime: laborat autē maxime facies in præsentia alterius,

CC ij

qui

qui iudicet defectus nostros, pp quod et erubescimus, et demittimus oculos in pudore: tristamur igitur, et dolemus ob defectū proprium (vt pote malū.) Nihil autem refert, siue actu fiat defectus ille, siue factus fuerit, aut immineat, omnino. n. tristamur, et, si nemo sit præsens, tristamur solū, si vero alius, aut plures præsentes sint, non tristamur solum, sed pp præsentiā laborat facies, quasi ferre non potens præsentiā eius, qui nostrum defectum videt: propter quod natura quasi opem latura illuc calorē mittit, calor etiam sanguinem trahit, vnde rubemus: quod in adolescētibus signum bonum dici solet, signum est. n. ingenui animi, cui cura sit defectus proprii, et corrigi sit sperandum: in sene autē verecundia laudari non solet, vtpote qui factus senex, correctus tñ non sit, et virtutem nō habeat. Qui igitur arrogantes sunt, et sibi plurimum tribuunt, ceteros contemnunt, & nihili habent, quiq; scelera & defectuum propriorum curam nullam habent, hi solent inuerecundi esse, pp quod impudentes cum exprobratione quadam nominantur: sunt tñ, qui inuerecūdi sunt, vel q̄ ad defectus proprios non aduertunt, vel nō cognoscūt. Timidi vero, et qui alios non nihili faciunt, defectuum autē propriorum curam gerentes, & aduertentes, magis solent verecundia capi. Atq; hæc quidē de affectibus animi, & eorū causis, et sympathijs, ac antipathijs dicta sint p trāscursum.

*De alijs quibusdam consensibus phantasia.*

Cap. 23.

**Q**Uosdam præterea consensus habet phantasia, quā à memoria quorundam mouetur, aut valde intenta est: quippe alio oscitante & nos pariter oscitamus, si non aduerterimus: qđ fit excitata memoria alterius ab oscitatione, tum et factō repente et inaduertenter appetitu eiusdem, quod alias anima vti bonū agnouit, vnde et nos simul oscitamus: nihil. n. refert ad faciendum eū motum, an vapores aliqui pigri super musculis sint, vnde appetitus fiat excutiendi, an alio modo, & ex memoria innascatur idē appetitus, idem. n. omnino fit: innascitur autē nō aduertentibus nobis facta memoria, aduertentibus autē non innascitur phantasia rectum iudicante. Similiter et edente alio acerba quædā, memoria fit et appetitus consimilium, oīs autem appetitus animā mouet, et calorē, anima autem, quæ in mēbro est, quod appetit, quasi sibi deficiat aliquid in eo, suggerit pportioale quiddā, aut saliuam, aut, quod melius iudicat: sicut et in veneris phantasia appetitu factō intenditur virga suggerente anima plurimū spiritus: et dolente mēbro calor et sanguis concurrit: ad q̄ si recte respiciamus, impossibile non existimabimus, quod de pregnantibus dicitur, remanere. f. in foetu signa quorundā, quæ ipsæ audivissime appetiuere: siquidē facta ingenti quadam phantasia et appetitu quorundā anima ex ijs, quæ in corpore sunt, pportionale aliquid mouet præcipue



**A** in sanguine, ex quo quū nutriatur foetus, nihil prohibet signa quēdā eius alimenti ita affecti in eo remanere, præsertim coloris, propter quod ea signa rubentia ferè omnia sunt, et exultionem aliq̃ in sanguine factā ostendunt: fortasse autem & figura cupitæ rei ostenditur, quod in eo, pportio nali anima ēt figuram mentiatur. Eadem porrò phantasia intenta pōt et fascinum inferre, non quidem ab vno quoq; hominū, sed à certis solum, quorum humores et spiritus adeo remoti sunt à natura aliorum, vt pene venena sint: ij igitur concepto in infantē odio intentissime intuentes, spiritus quosdā ex oculis, et tota è facie eiulantur, qui ad teneros infantis spiritus appliciti eos vt venena sensim absumunt: ex oculis autem, & toto è corpore euaporare insensibilia corpuscula monstrant specula, in quē mensibus laborātes mulieres inspectāt, spurca. n. et squallore quodam ac situ obsita redduntur: legimus et familias quasdā fuisse in Creta, quæ laudando fascinum inferebant, quod certe vt possibile recipiendum est: existente. n. natura quorundā (vt dictum est) perinde ac venenosa, et eiacularis ex oculis eorū spiritibus perniciosus nihil phibet non infantes solū, sed et grandiores fascino affici, laudando aut maxime, qm̃ laus propria lætitiā parit, lætitia autem, vt diximus, dilatationem tū cordis, tum & spirituum facit, tum et totius faciei, et præcipue oculorū, vnde aditus quodā modo aperitur veneno, quod à fascinatore eiacular: qua è re forte enātū est illud, quod præfamur, quū aliquos laudare volumus, bene. n. prius ominantes, verba nostra, dicimus, tibi nō noceant: quin et aliq̃ sunt, qui, dum laudantur, faciē auertunt, non tantum vt indicent molestā sibi esse laudationem, sed vt à fascino caueant, iam. n. in opinione est per laudationes fascinum fieri. Vtrum aut & numeri quidam, et figuræ, et imagines sympathias quasdā et antipathias habeant ad amores, et odia, et fascinos, et vtrum verba, et cantationes, et id genus ligent, et soluant, alterius quidem est et temporis, et contemplationis.. De ingenio autem eorum animalium, quæ intellectu carent, et quō nidos ad alendos foetus, et telas ad capiendas escas tam artificiose fabricentur, et alia eiusmodi, nō nulla quidem diximus in ijs, quæ de intellectu à nobis scripta sunt, nōdum autem emissā, neq; plane exulta, et digesta: quod faciemus, si vita & otium suppetet nobis. Atquē hæc de sympathia et antipathia rerum, quantum attinet ad contagiones, pro tempore dicta sint.

*De quibusdam dubijs à Rhamnuso scriptis. Cap. vltimum.*

**H**æc quum iam impressa essent, ac visa à Ioan. Bapt. Rhamnuso Illustris. Vene. Dñij Secretario, vtriusq; linguæ peritissimo, et eorū, quæ ad bonas literas et disciplinas attinent, multa perdocto, gratulatus ille p̃ vetere amicitia nobis, simul et nō nulla dubia ad nos p̃scripsit, et no-

uas quasdam sympathias proposuit, quarum rationem, si otium mihi foret, exposculabat, digna quidem omnia, de quibus consideratio haberetur diligentissima. Nam, quum ego causam, q̄ in nauigatoria pyxide perpendiculum semper in polum spectet, retulisse in montes Ferri & Magnetis, qui sub polo sunt, dubitationem ille non negligendam attulit, primum quidem q̄, qui de subiectis polo partibus scribunt, nulli dicunt montes Ferri, et Magnetis sub polo esse: deinde q̄, & si dentur ij mōtes, causa tamen ad eos referenda non videtur in nostro mari, quando constet in Illua insula iuxta Populoniā Italiæ esse Magnetis montes (inde .n. erui omnem Magnetem, quo hic vtimur) nec tamen nauium illac prætereuntium perpendiculara ad eos montes verti, oportere autem ita fieri, si Magnetis species perpendiculū mouet, p̄p̄inquisimis existentibus insulæ illius montibus: cur .n. nō magis moueāt, q̄ qui remotissimi sunt sub polo?

Ad hæc autem & miras quasdam proposuit antipathias, quarum vna erat, qui fiat vt imposito oleo in charta ita aptata, vt contineat, subiectus ignis oleum quidem calefaciat, chartam autem non. Alia erat cōsimilem habens rationem, cur & circa pomum circumuoluto tenui linteo, pomū ab igne calefieri cernamus, linteum nec quicquam lædi. Addebat autem & q̄ à fulmine nauium malos sæpissime videmus tangi, carinas autē nūquam. Tum & illud quoque quærebat, quæ ratio efficiat, vt feruente, & exundante in ahenis saccharo, si butyrum q̄uis modicum imponatur, statim subfidat feruor, quo ingenio vtuntur artifices ad prohibendū, ne erūpat saccharū. Vtūtur et alio ingenio ad idem purificandum, quod pariter videri mirum potest: vbi .n. coagulari saccharum incipit, projiciunt in vocatas campanas, tum cretam tenuem cicotriconizant, ac super imponūt, qua campanæ ostium patet, crassitudine digiti: atq; ita saccharum purgāt furculis omnibus, & feculentia omni ad cretam attracta. Hæc sunt quæ ille nobis examināda proposuit, quod quidem faciemus à sup̄ascripto instituto nostro non recedentes, vt non p̄p̄rias & p̄p̄inquisimas causas assignare nitamur, sed medias et p̄p̄rijs proximiores, quo possibile nobis sit.

Primum igitur vtrum sub Polo sint Magnetis montes, nec ne, sub ambiguo relinquamus, scimus .n. esse, qui scribant planas magis esse eas regiones, de quo & doctissimus, atq; eloquētissimus Episcopus Iouius circa eam Sarmatiæ partem, quæ Moscouia nunc dicitur, diligentē inquisitionem ab incolis fecit, qui ne eos etiā inueniri montes retulere, qui Rhyphi ab antiquis dicti sunt: meminimus tamē nos quasdam chartas vidisse earum, quas mundi mappas appellant, in quibus sub polo montes notati erant (qui Magnetis montes inscripti fuerant.) Siue igitur sint, siue non sint ij montes, nihil ad nos in presentiarum attinet, quando per mō-



**A**tes polo subiectos catenam illam montium intelligimus, qui ad septentrionem spectant tanti, et tam vasti, ac Ferri et Magnetis feraces: qui, & si magis distant à nostro mari, q̃ Illuæ insulæ montes, potentiores tamen sunt ad mouendum perpendiculum propter abundantiam & copiã Ferri, & Magnetis. Fortasse autẽ, et qui in Illuæ est Magnes, non multæ actionis est in ea minera: multi. n. dum in minera sunt, minus valent, q̃ extracti, q̃ spirituales species sua habeant impedimenta: signum autem parum valere in sua minera Illuæ insulæ Magnetem, q̃ tam propinquus quum sit nauigijs illac prætereuntibus, perpendiculum tamen non ad se cõuer tit. Incalescere autem & feruere in charta oleum, chartam non accendi, communem habet rationem cum lebetẽ, in quo aqua quidem feruet, lebetis fundus friget, et pomo, quod et ipsum calefit linteo illæso. Horum autem omnium causa est antiparistasis: frigida. n. sunt aqua, oleum, pomum, propter quod prohibent intermedium calefieri. Sed quomodo calefiunt ipsa, si mediũ nõ calefit? actio enim omnis contactu fit, ignis autẽ non tangit aquam, oleum, pomũ, nisi per intermedia lebetem, chartã, et linteam: hæc autem nisi calefiant, ac tantum calefiant, quantum aqua, & oleum, & pomum, non videtur, quomodo calefieri possint: q̃ si calefiãt, quo pacto igitur per antiparistatim & frigiditatem prohibent, ne intermedia incalescant. Dicendum porosis existentibus lebetẽ, charta, et linteo citissime calorem contrahere aerem, qui in poris includitur, ac per ipsum incalescere aquam: porrò, quicquid aquæ calefactũ est, tolli statim, et ascendere, ac loco eius subsidere aquæ partẽ nihil calefactam, quæ lebetẽ infrigidat, quæ pori non sunt, atq; ita cõtinenter fieri, vt aquæ pars cedat, et tollatur, pars succedat, et refrigeret: ita et oleũ facit, nam et ipsum actu frigidum est: ita et pomũ, qm̃ humidũ est, et frigidum, et semp pars eius aliqua frigida tangit intermediũ, ac calefieri, phibet per certũ tempus.

**B**Cur vero Fulmen nauium malos tangat, carinas autem et spondas, quæ iuxta aquam sunt, non, dubitationem maiorem habet, si modo verũ est, quod fertur: nam et de Lauro traditur non feriri ipsam à fulmine, quod non satis certum est: eo autem recepto, q̃ res ita se habeat, promptior quidem potest esse ratio in Naui, quàm in Lauro: nam antennas feriri à fulmine facile est, quod altę sunt, alta autem à fulminibus peti in proverbio etiam est: causa autem est, quod fulmen vapor est quidam missionis fortis, qui in altis gignitur, et extrusus è nube in latus acquirit impetũ, quare alta maxime ferit: interdum tamẽ impetus in ima inclinatur, verum, ubi antiparistatim inuenit, aut frangitur, aut & repellitur: dictum est enim supra contrariorum species fugare contraria: igitur iuxta aquas quum de scendit vapor, partim quidem frangitur, partim repellitur, quoniam aer aquis.

quis vicinus plenus est vaporibus frigidis ex aqua eleuatis, qui tum materiali antipathia, tū spirituali frangunt, ac repellunt fulmē: quare carinas & p̄ximas spondas aut non tangit fulmen, aut fractū non imutat. In Laurus autem vtrum talis antipathia sit, incertum est: illud magis in causa putarim, q̄ Laurus rotunda admodū est, et corticis densi ac læuis, à quibus omnibus fit, vt incidens vapor nō inhereat: propter quam rationem nec columnas à fulminibus tangi videmus, q̄ rotundæ tersæq; sint.

Butyrum aut iniectum cōpescere feruorē saccari dignā habet inquisitionem: idem vero & Oleū facere videmus in pulmenta, si qua corpulentiora sunt, vt in fabæ et ciceris lomenta, feruorem. n. et exūdantiā eorum cōpescit. Horum autem causa est, q̄ duo præcipue concurrunt, quum feruor exūdans sit, alterū est excessus caloris, et vaporum copia breui facta, alterum est obsistētia feruentis rei, si corpulentior sit, multum. n. extenditur et in magnas ampullas prius, quā scindatur: propter quod et dupliciter ēt compescitur exundantia illa, vno modo, si calorē & vapores frangas, qui extendūtur, quod fit iniectis frigidis vt aqua, alio modo, si ipsum obsistens ita præpares, vt extendi in magnas ampullas nō possit, quod faciunt vnctuosā iniecta, diuiduntur. n. ipsa ad minimas, et non vltra diuisibiles partes, quæ intermixtæ partibus corpulenti humidi prohibent extēsiōem amplā fieri: extensio. n. rarefactio quædam est, rarefieri autem nō admodum possunt minima vnctuosā, tum q̄ minima sunt, tū q̄ tenacis mixtionis: quare, quū vndiq; interposita intermixtæq; sint obsistēti, faciūt, vt nec ipsum obsistens recipere extensioē possit, nisi paruam, et per paruas ampullas factā: quare exundantia cōpescitur, et feruor fit per ampullas crebras, et paruas. Vnctuosā aut sunt præcipue oleum, et butyrū, et bene diuisibilia in minimas particulas: at butyrū cum saccharo, p̄be conuenit propter dulcedinis, et pinguitudinis sympathiā, quare, et si modicum sit, sufficit tñ ad compescendam exūdantiā saccari, qm̄ bene miscibile est, et modicum omne in multa partibile. Creta vero imponitur supra campanæ ostium, non q̄ ipsa attrahat fœculenta, sicuti magnes ferrum, sed q̄ prohibendo exhalationem inclusi ignis et vaporum sit, vt penitissime vapores permeent per saccharum, qui mox ascendentes secum ferunt agglutinas omnes sordities, et sursum impellunt, quæ herētes cretæ propter tenacitatem sic reddunt purum & syncerum saccharum.

Si igitur p̄ hæc et doctissimo Rhānuso, et alijs factum est satis, tibi præsertim Cardinalis amplissime, mihi quidē et gaudeo, et gratulor, si autē et alia desiderantur, excusabit me horū consensuū et dissensuū natura, quæ adeo in abdito est. Si q̄ vero laborē nostrum cōmendabunt, aditūq; et viā per nos apertam his rebus fatebuntur, id omne debebunt tibi.



## HIERONYMI FRACASTORII

## DE CONTAGIONE

## LIBER PRIMVS.

*Quid sit Contagio.**Cap. I.*

**N**ONC autem de Contagione prosequamur, cuius gratia tot de sympathia & antipathia rerum quæ sita sunt, ab ijs incipientes, quæ vniuersalia magis videntur, & aliorum principia. Quod igitur contagio sit quædã ab vno in aliud transiens infectio, vel ipsum nomen ostendit, in duobus enim semper contagio versatur, siue illa duo diuersa sint, siue duæ continuæ vnius partes: verum, quæ inter diuersa fit, simpliciter & proprie contagio dicitur, quæ vero inter duas vnius partes, non proprie, sed quodam modo. Videtur autem & consimilis esse in utroq; infectio, & cui contagio fit, & à quo, tum enim contagionem factã dicimus, quũ simile quoddam vitium utrunq; tetigit: quam ob rem, qui hausto veneno pereunt, infectos quidem fortasse dicimus, contagionem autem accepisse, minime: **B** & in aere quæ simpliciter putrescunt, lac, & carnes, & reliqua, corrupta quidem vocamus, non autem contagionem passã, nisi & aer ipse corruptus consimiliter fuerit: de hoc autem diligentius in sequentibus inquiramus. Videtur autem actio omnis & passio aut circa rerum substantiã fieri, aut circa accidentia: contagionem autem accepisse quẽpiam nõ appellamus, q̃ calefactus ab alio fuerit, aut factus vitiosus, nisi per transumptionem: quapropter videtur contagio consimilis quædam infectio secundum substantiam. Vtrum igitur, quum domus incendio vicinæ ardet, cõtagionem vocemus? at certe neq; hæc contagio est dicenda, nec in vniuersum, quum totum ipsum corrumpitur primo, secũdum q̃ totum est, sed tum magis, quum in particulis minimis & insensibilibus quædam infectio fit, & ab illis incipit: quod & nomen infectionis ostendit, infectum enim vocamus non corruptum, quia totum est, sed quodãmodo, & circa insensibilia: totum autem voco ipsum compositum, particulas vero minimas, & insensibiles voco eas, ex quibus compositio fit, & mistio. Exustio igitur circa totum ipsum fieri videtur, contagio autem circa particulas componentes, quanq̃ & ab ijs mox corrumpatur & totũ ipsum: propter quod & mistorum passio quædam videtur contagio. Quoniam autẽ dupliciter corrumpuntur, & intereunt mista, vno modo per aduentum cõ-

*Fracastorij.*

DD

trarij,

trarij, sub quo consistere non potest eorum forma, alio modo per dissolu-  
tionem missionis, vt in putrefactis contingit, dubitationem fortasse ha-  
bet, vtro modo contagio fiat infectione in particulis minimis illata: ad  
hæc autem & qualis nam sit hæc infectio, vtrum corruptio earum parti-  
cularum, an alteratio sola, & quid demum patiantur: quare & illud po-  
test dubitari, vtrum cōtagio omnis sit putrefactio quædam. Quæ omnia  
manifestiora quidem fient, si contagionum differētiās primas, & earum  
causas in primis perquisiuerimus: nunc, si licet aliquo modo contagionis  
rationem subfigurare, dicemus contagionem esse cōsimilem quandam  
misti secundum substantiam corruptionem, de vno in aliud transeūtem  
infectione in particulis insensibilibus primo facta.

*De prima contagionum differentia.*

*Cap. 2.*

**T**Riplex autem videtur esse prima contagionum omnium differen-  
tia: alia enim contactu solo afficiunt, alia præter hoc & fomitem  
quoq; relinquunt, & per ipsum contagiosa sunt, vt scabies, phthisis, areæ,  
elephātiāsis, & id genus: fomitem appello vestes, ligna, & eiusmodi, quæ  
incorrupta quidem ipsa existentia conseruare nihilominus apta sunt cō-  
tagionis seminaria prima, & per ipsa afficere: nonnulla porrò sunt, quæ  
non contactu solo, non solo fomite, sed & ad distans etiam transferunt  
contagionem, vt pestilentes febres, & phthisis, & lippitudines quædam, **D**  
& exanthemata illa, quæ variolæ vocantur, & similia. Videtur autem or-  
dine quodam se habere hæc, nam, quæ ad distans faciunt contagionem,  
ea & fomite & contactu afficere consueuere, quæ vero fomite contagio-  
sa sunt, eadem & contactu contagiosa sunt, ad distans autem nō omnia,  
at contactu omnia: quapropter & simplicissima est, & natura prior ea cō-  
tagio, quæ solo contactu afficit, quare & de ea primo agemus inquiren-  
tes, quomodo fiat, & per quod principium, mox & de alijs, vt videamus  
an omnium sit commune quoddam principium, an diuersum in singu-  
lis, & quid proprium habeat vnaquæq;.

*De contagione, quæ solo contactu afficit.*

*Cap. 3.*

**V**Idetur autem, quæ inter fructus contagio versatur, maxime eius-  
modi esse, quæ solo contactu afficiat, vt vuar ad vuam, & pomi ad  
pomum, quare quærendum est, quod nam eius infectionis principiū sit:  
q; enim tangentia sese isthæc afficiantur marcescente aliquo illorum pri-  
mo, manifestum est, quo autem principio, non manifestum: quoniam  
autem primum, vnde omnis infectio in alia transit, putrefactum fuit, cē-  
fendum est & secundum quoq; consimiliter putrefactionem concepisse,



**A** si quidem contagio consimilis erat in utroque infectio. Est autem putrefactio dissolutio quædam mixtionis calido innato euaporante, atque humido eius vero euaporationis principium semper est aliena caliditas, siue ea in aere sit, siue in circumfuso humido: igitur quod in utroque est principium putrefactionis, idem & contagionis principium erit, caliditas scilicet extranea: sed ea in primum aut ex aere accessit, aut ex alio, & contagio nondum dicitur, in secundum autem accessit ex ijs particulis insensibilibus, quæ euaporant è primo, & iam contagio est, quoniam similis est in utroque infectio: potest autem euaporans è primo calidum in secundum facere, quod aer in primum, & similiter putrefacere, imo magis propter analogiam.

Quoniam autem, quæ euaporant è primo particule, aliæ quidem sunt calidæ & siccæ, vel per se vel ex commixtione, aliæ sunt calidæ & humidæ similiter vel per se, vel ex commixtione, videntur quæ calidæ sunt & siccæ, aptæ quidem exurere magis, putrefacere autem minus, quæ vero calidæ & humidæ sunt, è contrario putrefacere aptæ magis, exurere vero minus: humidum enim partes eius, quod tangit, emollit, ac laxat, beneque separabiles reddit, calidum autem sursum tollit, ac separat, unde dissolutio mixtionis fit euaporante calido & humido innato, quæ putrefactio erat: quapropter existimandum est calidas & humidas particulas aut per se, aut ex commixtione humidas, quæ euaporant è primo, esse principium & seminarium eius putrefactionis, quæ in secundo fit: dico autem humidas ex commixtione, quoniam in euaporationibus, quæ contingunt in putrescentibus, misceri ut plurimum accedit particulas minimas, ac sic principia fieri tum generationum quarundam, tum & corruptionum nouarum: aptissima autem est ad putrefactiones & contagiones inferendas ea commixtio, quæ è calidis fit cum humidis. In fructibus igitur quæ contagio accedit, per hæc principia fieri putandum est, at vero & in alijs quoque omnibus, quæ putrescentia sese tangunt, si analogæ sint, idem euenire, & per idem principium existimare par est: principium autem sunt particule illæ insensibiles, quæ euaporant, calidæ quidem, & acres, sed humidæ commixtione, quæ deinceps seminaria contagionum dicantur.

*De contagione, quæ fomitem afficit.*

*Cap. 4.*

**V**trum autem & ea, quæ per fomitem contagionem afferunt, per hunc modum & per idem principium fiant, dubitationem habet: quoniam principium, quod est in fomite, alterius naturæ videtur esse, siquidem, ubi in fomitem secessit à primo infecto, illic diutissime perdurare seruarique incorruptum potest: ut admirationem non parua præ-

DD ij beant,

beant, quæ & phthifisci, & pestilentes tetigere, lectuli, vestes, ligna, & id C  
 genus, sæpissime enim vidimus virus illud per duos & tres annos seruatum: at particula, quæ è putrescentibus euaporant, nullæ tam diu perdurare posse videntur: sed profecto propter hanc causam nemo putare debet non idem esse principium, quod in fomite est, cum ijs, quæ solo contactu afficiunt, quando particula, quæ euaporant è primo, eadem & in fomite pariter referuari possunt, atque ita seruata idem facere, quod & tum fecissent, quum euaporarunt è primo. Quòd autem tam diu perdurare feruariq; possint in fomite, si quis persuaderi vult, & minus admirari, debet se in consimilibus exercere: non ne videmus alienum odorem in ligno, & vestibus, & alijs per multum temporis asseruari, nec nuda quidem illic qualitate, & sine subiecto existente, sed corpusculis magis cum ea minimis, atq; effugientibus visum? quid de fuligine & fumo dicemus in parietibus obducto? non ne & hæc ex minimarum particularum admistione tinctura fit, quæ diutissime durare incorrupta consuevit? ac talia certe infinita alia sunt, quorum omnium rationem si quis forte requirat, è duobus dicimus maxime dependere, quorum alterum est subtilitas, alterum est fortitudo & constantia mistionis: propter subtilitatem igitur penetrant, & in foraminibus quorundam conduntur, vnde neq; aeri subiecta sunt, neq; multis extrinsecarum alterationum, propter validam autem D  
 mistionem durare possunt aduersus multa. Est autem valida & fortis mistio duplex, altera in duricie consistens, vt ferri, lapidū, & eiusmodi, quorum insensibilia minima annos permultos viuunt, altera in lentore quodam, & multa elaborataq; mistione constituta: dura igitur et si non sunt seminaria contagionum, at lenta elaborataq; esse possunt: est autem elaborata mistio, quæ è valde minimis fit bene inuicē agitatis (vt in ijs, quæ de sympathia diximus:) accidit autem talem mistionem fieri in euaporationibus illis, quæ cōclusæ sunt, vbi non dispergitur, quod euaporat, sed valde agitatū minutissime commiscetur, quod si lentorem quoq; accipiat, & valida mistio fit, & apta seruari in fomite: cuius signum est, qd quæ cunque per fomitem afficiunt, omnia lenta, glutinosaq; conspiciuntur: & propter hoc sola ea, quæ talia sunt, fomitem habere possunt, quæ autē lenta non sunt, sed aut in sicco per se consistunt, aut multo aqueo abundant, aut apta citissime alterari, ea quidem putrescentia contagiosa esse possunt ad id, quod tangunt, fomitem autem non relinquunt, qd vel non adherescant, & glutinentur, vel cito alterentur: propter quod marcescentes fructus contactu quidem afficiunt, fomite aut non, plurimo. n. aqueo abundant, & quod euaporat lentum non est, lenta vero agglutinant quidem, & resident in ijs, quæ tangunt, & propter fortem mistionem nō facile



**A**cile alterantur: q̄ si analogia sint cum eo, quod tangunt, statim contagionem inferunt, si vero non analogia fuerint, & quod tangitur, non aptum quidem est affici ipsum, sed seruare tamen seminaria, tum fomes fit, & natum mox aliquid, quod analogum cum primo sit, non aliter inficit, ac & primum fecisset: nihil enim refert, siue aliquid statim tangat, siue mediante alio? Non sunt autem apta omnia, vt fomes fiant, sed solū quæ foraminulenta sunt, & calida, aut parum frigida, in ijs enim & condi possunt seminaria contagionum propter foramina, & non alterari neq; ab ipso fomite, neq; ab extrinsecis, nisi ea plurimum excedant, ppter quod aduersum ignem non defenduntur: igitur neq; ferrum, neq; lapides, & eiusmodi frigida & non foraminulenta idonea sunt, vt fomites fiant, lana vero, et panni, et lignorum multa, idonea magis sunt. Quòd igitur, & quæ fomite afficiunt, commune principium habeant, & cōem inficiendi modum cum ijs, quæ contactu solo, ex his manifestum esse potest: differunt autem missione, q̄ his quidem fortis & lenta sit, in illis debilis, & non lenta, & propter hoc alia fomitem relinquunt, alia non.

*De contagione, quæ ad distans fit.*

*Cap. 5.*

**M**Aiorem autem tum admirationem, tum dubitationem præbent ea, quæ non contactu solo, non solo fomite, sed & ad distans etiā contagionem faciunt. Lippitudinis genus est, quo qui laborat, omnes solet inficere, qui in ipsum spectant: notissimæ sunt & pestiferæ febres, & phthisis, et alia multa, quorum labe cohabitantes, quanq̄ ne etiam tangant, coafficiuntur: horum igitur quæ natura sit, & quo pacto id vitium propagetur, dubitatio nō parua est: quapropter accuratissime de hoc est inquirendum, quoniam maxima pars hæc est eorum, quæ inuestigamus. Videtur autem contagio hæc & alterius naturæ esse, et per aliud principium fieri: primum quidem quia pestiferarū febrium nō nullæ sunt, quæ horis decem, aut duodecim perdunt, egro nihil caliditatis, nihil frigiditatis sentiente. Præterea, si lippus alium lippum reddit, alterius quidem naturæ videtur affectus iste, quoniam visio non per caliditatem, aut frigiditatem fit, sed per vocatas species et simulachra rerum. Porro subita & pene momentanea penetratio harum contagionum idem prorsus ostēdit, statim enim et ictu (vt dicitur) oculi penetrant per totum animal, & necant, quod nulla alia qualitatū notarum tam prompte facere potest, q̄ contrarium habeant. Adde q̄, si à notis qualitatibus fieret hæc cōtagio, ad debilius quidem, et minus resistens semper propagaretur, quod certe fieri non videmus, quādo sæpe id, quod debilius est, aut nihil, aut minus patitur: vt oculos quidem phthisis non carpit teneriores, delicioresque  
existentes,

existentes, pulmones autem corripit. Postremo, quum hæc contagio vñ- C  
dique, & ad omnem partem feratur, imitari quidem videtur spiritualiū  
motum, qui in orbē fit: corpora vero, quæ notis qualitatibus constāt, vñ  
tantum motū habent, sursum, aut deorsum: quare alius impetus, alia vis  
esse videtur harum contagionū, et venenis, aut Catablephæ animalī afsi-  
milari, non autem reliquarū contagionum modum & naturam sequi.

*Quod causa contagionum, quæ ad distans fiunt, reducenda  
non sit ad proprietates occultas. Cap. 6.*

**Q** Vi igitur occultas proprietates inducunt, paruo negotio ab his se  
se difficultatibus extricant, per pauca rationem omnem earū con-  
tagionum ad hæc proprietates referētes: quod & in alijs mul-  
tis omni sollicitudine liberi & securi faciunt: bene igitur erit de his pro-  
prietatibus breui quædā percurrere, simul enim & illud aperietur, quod  
nam esse possit harum contagionum principium. Supponendum autem  
est nobis, quum decem sint rerum omnium genera, actiua tamen princi-  
pia esse tantum substantiam & qualitatem: constat enim neq; quantita-  
tem, neque ad aliquid, neque vbi, neque alia (vt summatim dicamus) esse  
eterna esse, nisi per accidens: porro substantiam per se nihil aliud facere, nī  
si locales motus sursum, deorsum, rarefactionem, & condensationem, et  
circularem, hi enim à forma rerum fiunt, reliquæ vero actiones à quali- **D**  
tatibus proueniunt. Qualitatum vero aliæ materiales dicuntur, calidum,  
frigidum, humidum, siccum, lux, odor, sapor, & sonus: alię spirituales vo-  
cantur, quæ species sunt, & simulachra materialium, siue sint cum ijs vni-  
uoce, siue non, vt lucis lumen, saporis vero, & odoris, & soni species no-  
men non habent, nisi saporimen, & odorimen, & sonimen velimus effin-  
gere, sicut à luce lumen: similiter & caliditatis, & frigiditatis, & aliarum  
species nomen non habent, constat autem eas esse tum ex sensibus, tum  
ex intellectu. Quod igitur materiales qualitates multa possint efficere, ma-  
nifestum est, nam primæ quidem vocatæ omniā generant, & alterant: se-  
cundæ vero appellatæ lux, odor, sapor, & sonus nihil quidem inter se agūt,  
quoniam contrariæ non sunt, sensus tamen mouent, sed & hoc ijs mediā  
tibus, quæ spirituales vocantur: harum vero spiritualium, quæ actio multa  
sit, & vis in natura, similiter est manifestum (vt in ijs diximus, quæ de re-  
rum sympathia et antipathia scripta sunt) nam & sensus, & intellectum  
mouent, & principia sunt motionum in animalibus: deinde & motus lo-  
cales videntur facere, attractionem, & fugam, nōnullæ etiam & primas  
qualitates producere, vt lumen, quod calorem gignit. Hæc igitur quum  
ita sint, quærimus quidem ab ijs, qui occultas proprietates inducunt, quan-  
do



**A**d actio omnis vel à substantia fit, vel à qualitate materiali, aut spirituali, quo nam principio dicant actionem hanc fieri, qua contagiones produci videmus. Ac certe, si à substantia, & forma fieri asserāt, quid oportebat occultam proprietatem vocare? sed vocent, ut lubet, nihil tamen ea forma facere poterit, nisi locales motus sursum, deorsum, rarefactionem, & condensationem, contagionem autem non, quæ per se localis motus non est, sed magis quorundam corruptio, & quorundam generatio. Si vero qualitate aliqua fieri dicant, si quidem materiali, nihil ignotum assignabūt, nisi forte ignotum quoddam qualitatum genus effingant, quod nec caliditas, nec humiditas, nec siccitas sit, quod certe effingi non potest: si autem spiritualement aliquam qualitatem in causa ponant, poterant quidem notiori saltem vocabulo uti, & statim dicere spirituale aliquod contagiones hasce producere. Sed certe neque hoc adducere pro causa possunt, primum quia spiritualia hæc tam diu solum durare consuevere, quam diu præsens est illud, à quo effluxere, nisi forte fuerint in intellectu: ut quæ ad distans faciunt contagionem, absente etiam primo perdurant nihilominus et in fomite, et in aere, quin imo de loco ad locum feruntur trans etiam maria, quod signum est corpus esse, quod et defertur, & perdurat, longe à primo se habens. Quod si dicant corpus utique esse hoc, quod de loco ad locum fertur, agere tamen per spirituale qualitatem, profecto & ad non necessaria recurrunt, & inconueniens assignant: si. n. recte definita contagio est, oportet tale in secundo fieri, quale in primo fuit, et idem esse in utroque principium, idemque & in quarto, & quinto, & in alijs, quæ contagionem recipiunt: tale autem non potest facere ullum spirituale per se, per accidens quidem nihil prohibet spiritualia enecare, & dissoluere etiam mistionem aliquam fugando quædam contraria, quod et foetor facere potest, et Cathalephæ animalis aspectus (ut dictum in sympathijs fuit) generare autem tale in secundo, quale in primo fuit, non possunt spiritualia, generatio. n. omnis per primas fit qualitates. Oportet autem in hisce contagionibus non rarefactionem solum fieri, sed à primis seminarijs & alia quoque gigni, & propagari, quæ ipsis similia natura sint, & mitione, non aliter, quam spiritus in animali è sanguine solent alios sibi consimiles generare, quod spirituum nullum efficere per se potest: quam ob causam & in contagionibus, quæ ad distans fiunt, idem esse commune principium, & eundem inficiendi modum per qualitates notas censendum est, quod & Aristoteli & Galeno existimasse sine dubio videre possumus. Differunt autem harum contagionum seminaria & ab ijs, quæ solo contactu afficiunt, & ab ijs, quæ fomite solo: sed primum dicamus, quo pacto ad distans ferri possint, & quo modo in orbe moueri videantur, & qua ratione vim tantam  
sortita.

fortita sint, et tam cito penetrent, et quales sint earum analogiæ, tum de- **C**  
 mum, quam differentiam habeant ad alia seminaria, diffiniemus.

*Quomodo seminaria contagionum ad distans feran-  
 tur, et in orbem.*

Cap. 7.

**E**Rgo illud in primis inquiramus, quo motu agatur seminaria illa cō-  
 tagionum, quando longe, et ad eos, qui distant, ea ferri manifestum  
 est, quod multi adeo mirantur. Est autem inter prima respiciendū ad cōsi-  
 milia, quo minus admirari possimus: q̄s putaret ē cepe et allio lachrymas  
 nobis vel ē longinquo elici, ē pipere, iride, ptharmica sternutamentum, ē  
 croco, solano stricno somnum conciliari, ē tractatione metallicorū apo-  
 plecticum hominem fieri? exhalant nimirum ex omnibus his, ac circun-  
 quaque feruntur insensibilia corpora, quorum diuersæ actiones sunt, et  
 facultates: manifestissimum autem hoc apparet in ijs, quæ corrumpūtur,  
 & putrent. Principium autem motus eorum corpusculorum ad omnes  
 partes, partim quidem per se est, partim ab alio datur: per se igitur euapo-  
 ratio omnis sursum fertur, quod et in fumo et alijs multis spectari potest,  
 si quis nesciat euaporationem omnem calidam esse: ab alio autē accidit  
 et in latus, et deorsum postremo pelli: qđ præcipue duabus de causis eue-  
 nit, altera est obfistentia aut aeris, aut tabulatorū, et eiusmodi, in quæ inci-  
 dūt, q̄ primū exhalant, partes: vbi igitur vltra ferri non possunt, pellūtur **D**  
 q̄dem & in latera ab ijs, quæ succedūt, & hæc ab alijs, donec accidat reple-  
 ri totum: altera causa est aer ipse, qui euaporationē omnem, si tenuis sit,  
 & bene solubilis, diuidit vsque etiam ad minimas et non vltra diuisibiles  
 partes: ea enim est elementorum, et liquidorum omnium natura, vt sitū  
 conuenientem quærant, quantum possibile est: conuenientissimus autē  
 situs est, quum partes continuæ inter se sunt, aut, si continuæ esse nō pos-  
 sunt, minus tamen inter se distent, quo possibile sit, sic enim minore vio-  
 lentiam sustinet, vt in ijs diximus, quæ de sympathia tradita sunt: qua de  
 causa aer continenter eam euaporationem diuidit magis, et magis, do-  
 nec ad eas veniat partes, quæ nō vltra diuidi, et separari possunt: facta igitur  
 innumerabili illa diuisione multum aeris repleti accidit, & circūqua-  
 que misceri, quod et in fumo manifestissimum est videre. Propter has igitur  
 causas, et quæ circa contagiones cōtingunt euaporationes, circūqua-  
 que feruntur, et aeris multum occupant, quoniam exhalatio omnis mul-  
 tum diffunditur, magis autē sursum, et primo, sed tamen mox et ad late-  
 ra, et postremo deorsum accidit ferri: ac sic & cohabitantes possunt infi-  
 cere seminaria hæc, & non solum in fomite, sed et in aere per certū tem-  
 pus seruari, diutius autem in fomite. Quo autem modo fiat, vt tam par-



**A** uæ quantitatis existentia non alterentur saltem medio in aere exposita, priorem habet dubitationem: nam quæ tam fortis esse mistio potest in tam parua particula, vt in aere diu consistere valeant, præsertim, quæ in duricie non consistunt? sed certe, quæ lenta sunt, & glutinosa, quæque paruisima sint, possunt quidem si non omnino tantum, quantum dura, viuere, at paulo minus possunt. Dura quidem propter tria resistunt alterationibus maxime, & q̃ in pauca quantitate plus habent materiæ, & q̃ ppter terram plus habent frigiditatis, & q̃ partes non bene subtiliari & rarefieri possunt propter densitatem, quod fieri oportet, si caliditas induci debet: priora igitur duo & si lenta non habent æque, ac dura, at tamen in parte habent & ipsa: tertium vero habent non minus, q̃ dura, hoc est difficultatem subtiliationis propter partium tenacitatem, & q̃ mistio è valde minimis constat: tenacitas enim facit, vt pars non facile secedat à parte, mistio vero è q̃ minimis facta bene vnitis aduersus alterationes omnes valet: quoniam si rarefieri oporteat, statim præsto sunt partes terræ, quæ prohibeant, iuxta quodlibet minimum sitæ, si vero densari necesse sit, præsto sunt ignis partes propter propinquitatem, quæ similiter obstant: qua de causa non solum dura, sed & lenta sese defendunt ab alterationibus multis, si mediocres sint, magnas autem non ferunt: propter quod & ab igne absumentur seminaria omnium contagionum, & ab aqua etiam frigidissima franguntur. Quòd si curiosior quispiam illud quærat, cur intrinsece saltem non alterentur hæc seminaria, quum è diuersis sint mista, sciat ille non esse hanc solis seminarijs propriam quæstionem, sed & alijs multis communem, vt piperi, calci, euphorbio, pyriti lapidi, & metallicis, & alijs pluribus, quæ quum è diuersis sint mista, alterationem tamen nullam intrinsecus, aut nullius momenti patiuntur, sed annos multos immutata pseuerant: vt mirum sit lapides annos mille, & duo millia durare. Causa omnium est, q̃ mistio, quæ è diuersis fit, ad tam minimas particulas redacta est, quòd propter paruitatem excessum non habent particule inter se illum, qui requiritur ad agendum: qua de causa, dum mistio illa eo pacto perstat, dum igneæ partes separatæ sunt, & dispersæ, sepultæque in alijs, alteratio nulla introrsum fit: quare & piper, & euphorbiu, & reliqua tractata manibus frigida sentiuntur: at vbi casu aliquo mistio illa soluitur, & mutatur, & partes, quæ eiusdem rationis sunt, in vnum coeunt, & maiorem quantitatem, & potentiam ad agendum acquirunt, tum actu fiunt, & agunt iam: vnde & calx, & piper, & euphorbium iam calida percipiuntur, quum prius potentia solum calida essent, actu vero aliter se habentia: propter eandem causam nec seminaria intrinsecus sese alterant, quanq̃ è diuersis constent, vtpote mista. Quòd autem in tam pauca quan-

titate vis multa inesse possit, declarat fulgur, quod nō aliud est, q̃ vapor: **C**  
 declarant & euphorbij, & piperis, & similibus particulæ minimæ & effu-  
 gientes visum, quibus tanta vis à natura tributa est: adeo refert ignem in  
 materia densa contineri, quanq̃ parua sit. Talia quoq; sunt seminaria con-  
 tagionum, omnia enim acria per se sunt, quanq̃ in lentore cōstituta, quæ  
 & ipsa actu fiunt a calore animalis subtiliante eam misionem, & vnien-  
 te partes consimiles: talia autem ad humores & spiritus non paruam po-  
 tentiam habent, quare & perdere etiam possunt paucis horis, si ad spiri-  
 tus analoga sint: de quo mox largius dicemus. Eadem & ex oculis lippiē  
 tibus eiaculari possunt in alterius oculum, & cōsimilem infectionem in-  
 ferre, quæ visio quidem non est, sed vitium in oculo. Quod aut iu ani-  
 mal penetrent & non nulla citissime, nemo mirari debet, si modū, quo  
 ingrediuntur, consideret: ingrediuntur autem è paruis poris, & venis, &  
 arterijs in maiores, & ab his in alios, sæpe etiam vsq; ad cor. Vnus pene-  
 trationis modus est per propagationem & quasi sobolem: prima enim se-  
 minaria, quæ adhæserunt è vicinis humoribus, ad quos habent analogiā,  
 consimilia sibi alia generant, & propagant, & hæc alia, donec tota humo-  
 rum massa & moles afficiatur. Alius modus est per attractionem, quæ in-  
 tro fit tum inspiratione per anhelitum, tum venarum dilatatione: simul  
 enim cum aere, qui attrahitur, ingrediuntur commista contagionum se-  
 minaria, quæ, vbi introducta sunt, non eadem facilitate regrediuntur per **D**  
 expirationem, qua ingressa per inspirationem fuere, quoniam agglutinā-  
 tur humoribus & membris, & non nulla etiam spiritibus, qui contrarij  
 speciem refugientes, secum & inimicum ad cor ferunt: non enim dicen-  
 dum est (vt quidam aiunt) venena & contagiones præcipue cor petere,  
 atque aggredi, vti inimicum, quasi cognitio & voluntas ijs insint. Tar-  
 dius autem penetrant, quæ per se minus acria sunt, aut in lentore multo  
 sepulta, & analogiam habentia ad crassiores humores, & quæ per venas  
 trahuntur, celerius aut, quæ per anhelitum, & quæ subtiliora sunt, & acri-  
 moniæ maioris, ad spiritus autem analoga. Fortasse autem & alius est pe-  
 netratiōis modus: omnis. n. euaporatio de angusto in amplum facillime  
 diffunditur: quare, quū minores & angustiores sint venæ, quæ circa sum-  
 ma sunt, maiores vero continuè, quæ versus cor itur, inde fit, vt & conta-  
 gio q̃ facillime ex angustis venis in amplas diffundatur, vbi etiam maior  
 est calor, atq; ad cor etiam feratur, nisi quid obstat. Quod igitur, & quæ  
 ad distans fit contagio, per idem cōe principium fiat cum alijs, & per eun-  
 dem modū, & quo motu feratur, & quō penetret, & tantam habeat vim,  
 hætenus dictum sit, quō autem particulari & propria quadam natura ab  
 alijs differat, nunc dicatur. Ab ijs igitur, quæ solo contactu afficiunt, dif-  
 ferre



A ferre videtur, q̄ hæc in forti mistione constituta videtur & lentore quodam, illæ vero non: ab ijs vero, quæ fomite solo & contactu inficiunt, differunt eæ, quæ ad distans protenduntur, q̄ validior adhuc mistio ijs inesse videtur, & subtilitas maior, propter quod & penetrât magis, & maiorem actionem habent. Fortasse autem et antipathia ad animal his est, nō ea solum, quæ materialis dicitur, sed & spiritualis etiam, quæ spiritus potest fugare, et calorem, qui humorum mistionem cōtinet, propter quod & maxime potest putrefactionem inferre: de quo etiam mox dicemus.

*De analogia contagionum.*

*Cap. 8.*

**C**ontagionum autem analogiæ multiplices quidem sunt, & maxime admirandæ: pestis quædam est arboribus aut satis, animalium nulli obest: contra quædam tangit animalia, satis & arboribus parcit: & inter animalia, hæc hominem carpit, illa boues, illa equos, aut alia: sed & in eadem specie, quæ pueris & iuuenibus est contagio, senum neminem lædit, & è contrario: nec quæ mares, semper etiam mulieres attingit: promiscue vero alij certas pestes sensere, alij non: & alij inter pestilentes illę si versantur, alij non. Inter membra porrò est & sua analogia: Lippitudo nulli membro nocet nisi oculis: Phthisis vero non oculis, quanquam delicatioribus, sed pulmonis: Alopecia & Achores caput solum tentant. At vero & in humoribus quædam vni est contagio, alij non, quædam omnibus, aliæ spiritus præcipue perdunt: quorum omnium admiranda quædã ratio est, assimulantur autem & alijs multis, de quibus omnibus diximus in ijs, quæ de sympathia, ubi etiam cōmunes causas perquisiimus, quæ vel ad rationem agentis referuntur, vel materiæ, vel applicationis, pp̄ quæ nō omnia agunt in omnia, sed certa in certa solū, quæ analogia dicuntur. Particulares autem, et proprias analogias nec institutum nostrum est dicere, nec prudentis inquirere, sat enim in præsentis sit, si non proprias et propinquissimas causas, at medias tamen sciamus, et ad proximas nitamur, quantum pro subiecta materia dabitur.

*Utrum contagio omnis putrefactio quædam sit.*

*Cap. 9.*

**N**unc illud inquiramus, vtrum omnis contagio putrefactio quædam sit, & an omnis putrefactio contagiosa. Videtur autem putrefactio omnis contagiosa aut simpliciter, aut saltem ad continuam partem, ad aliud vero contagiosa non omnis est, qm̄ ad agendū multa, vt diximus, requiruntur. Oem autem contagionem in putrefactione quadã

consistere dubitationem fortasse habet, quoniam rabies contagio quædã **C** videtur, putrefactio autem nõ: similiter & vinum, quum acescit, ab alio contagionem quandam pati videtur, putrefactionem autem non: nam quum putrescit, tum & foetet, & ingustabile est, acetum vero suauis est, & putredinibus etiam resistit: sed certe & ex putrefactiones quædã sunt existimadæ. Verum illud circa putrefactiones est intelligendum, q̃ inter dum sola misti dissolutio fit, & sola euaporatio humidi, atq; inati caloris, generatio autem noua nulla consequitur, atq; hæc simplex putrefactio dicitur: interdum in ipsa euaporatione simul & generatio aliqua prouenit aut animalis, aut alterius, quod formam vnam & certam habet, & missionis rationem, ac digestionem suam. In quibus igitur simplex fit putrefactio, generatio autem nulla, & foetor fit, & abominabilis sapor propter causam, quæ in sympathijs dicta est: vbi vero generatio aliqua intercidit, & digestio, ordoq; partium pro certa forma, tum sæpe neq; foetor fit, neq; abominabile quicq; igitur & vinum quandoq; quidem simpliciter putrescit, & marcorem contrahit, & ingratum ingustabileq; est, interdum nõ simpliciter putrescit, sed & simul generatio aliqua sequitur, vt aceti: euaporante enim, quod dulce atq; aerëum est, relicto multo terreo subtili adusto cum plurimo aqueo mistum illud fit, quod acetum vocamus, cuius et forma sua est, & digestio, & ordo partiũ, et sapor, et odor. Quod aut præcedat putrefactio aliqua prior, declarant & lac, & pituita, quæ, quum putrescere incipiunt, statim acescunt. In rabie quoq; putrefactionem quandam accidere censendum est facta contagione ab alio: latet autem nos, quoniam, quæ in viuo animali putrefactiones fiunt, non admodum manifestæ sunt: verisimile est autem ita se habere, quoniam & canes, quum rabiunt, febre quadam corripì solent. Si igitur in omnes contagiones inductio fiat, omnes quidem in putrefactione quadam consistere videbuntur: quod & ratio quoque persuadet, quoniã nulla alia euaporatio aptior esse videtur ad contagiones inferendas, q̃ quæ in putrefactionibus fit.

Quoniam autem diximus cõtagationem esse in insensibilibus particulis, primo quærat fortasse quis, vtrum particulæ illæ corrumpantur quidem, an alterentur solum: ad quos dicimus, quantum quidem sufficit ad putrefactionem faciendam, non necesse esse corrumpi particulas ipsas, sed alterari solum, quatenus dissolui mistio possit, et euaporare calidũ cum humido innato, nihil tamen prohibet et corrumpi etiam, sed non necesse est, quatenus attinet ad faciendam putrefactionem. Quoniam autem putrefactiones omnes ad continuam saltem partem cõsimilem putrefactionem inferre aptæ sunt, si omnis quidem contagio putrefactio est, videbitur quidem contagio simpliciter & communiter dicta, putrefactio quædam



**A**dam confimilis de vno in aliud transiens, siue continuum illud sit, siue diuersum: verū hæc non est ea, quæ proprie contagio dicitur, sed illa, quæ inter diuersa versatur: q̃ & si etiam proprijsime velimus contagionem considerare, quæ in morbis spectatur, et non solo cōtactu afficit, erit qui dem contagio, confimilis de vno in aliud transiens putrefactio, cuius semina-ria actionis multæ sunt, in forti ac lenta mistione constituta, ac antipathiam ad animal habentia non solum materialem, sed et spiritua-lem etiam: ex qua definitione ratio omnium eorum manifesta est, quæ circa contagionem videntur.

*Cur morborum alij contagiosi sint, alij non, & contagiosi*

*cur lenes sint.*

*Cap. 10.*

**I**mprimis igitur cur morborum alij cōtagiosi sint, alij non, & quomo-  
do fiat, vt alij, ardentiores quum sint, & grauiores, nullam tamen infe-  
rant contagionem, alij vero placidiores, mitioresq; existentes contagiosi  
plurimum sint, quæramus: quod certe dubitationem quandam habet: si  
enim contagio vim et actionem sequitur, qui acutiores sunt morbi, vide-  
rentur magis contagiosi: si vero adustionem sequitur contagio (vt multi  
medicorum putant) similiter viderentur, qui ardentiores sunt, contagio  
si magis: q̃ si et putrefactionem multam sequitur contagio, in pluribus  
**B** quidem multa putrefactio sit, contagio autem nulla. Ergo morborū qui  
cunque absq; putrefactione fiunt, nulli quidem contagiosi sunt, quoniā,  
vt dictum est, contagio non sine quadam putrefactione fit: in quibus ve-  
ro putrefactio contingit, requiri quidem acumen dicimus, si contagio se  
qui debet, sed non sufficit acumen solum, et potentia agendi, verum et lē-  
tor quoq; requiritur, et fortis atq; elaborata mistio (vt dictum est.) Simi-  
liter neq; adustionem sequitur contagio, sed, si qua in cōtagionibus adu-  
stio accidit, illa sequitur magis, q̃ origo contagionis sit, Nec similiter om-  
nem putrefactionem sequitur contagio, quanq̃ larga sit, et multi humo-  
ris, sed eam solum, in qua semina-ria fieri possint, quæ et mistionis sunt for-  
tis, et in lentore cōstituta. Febrium igitur multæ ardētissimæ sunt, vt quæ  
è cholera, sed in sicco consistentes, è quibus quæ euaporant particulæ, se-  
minaria esse non possunt contagionis in alio, siue q̃ mistio earum debi-  
lis sit, siue q̃ non adhereant, et agglutinentur propter siccitatem: at quæ-  
cunque sordidam habent putrefactionem, et conclusam, illæ semina-  
ria gignunt ad inferendas contagiones idonea: sordidam autem dico putre-  
factionem, in qua nō fit superficialis putrefactio, et euaporato eius, quod  
putrescit, sed profunda et ad totum: cōclusam autem voco, in qua nō a-  
beūt, et exhalant, quæ euaporant, particulæ, sed quodammodo conclusæ  
bene

bene ac diu agitantur, & miscentur, lentorem quidem habētes, sic enim C  
& fortis fit mistio & glutinosa: lenes autem apparent contagiosi morbi,  
præcipue febres, quæcunque contagiosæ sunt, propter id, q̃ profunda fit  
putrefactio, in qua multum humidi euaporat, quod tum lentorem indu-  
cit, tum et acrimoniam hebetat: in quibus autem acumen, & ardor mul-  
tus sentitur, in ijs superficiales magis particulæ euaporant calidæ, et siccæ,  
propter quod nec contagiosæ sunt.

*In quo conuenit cum Venenis contagio, & in quo differat. Cap. II.*

COnueniunt autem & cognationem quandam cum venenis habēt  
non nullæ contagiones, qm̃ sicut illa inimicitia quadam fraudulen-  
ta latentia, perdunt animal, & cor petunt, ita et cōtagiones quædam face-  
re solent: propter quod venenosas solemus quasdam febrium appellare.  
Differunt autem inter se nō parum, q̃ venena nec pprie putrefacere pos-  
sunt, nec tale in secūdam gignere, quale in primo fuit principiū & semi-  
narium: cuius signum est, q̃ venenati ad alios contagiosi non sunt. Causa  
vero iccirco est, q̃ venenorum est duplex genus, alia. n. spiritali qualita-  
te enecāt, qualis est serpētum maxima pars, et Cathablephæ aspectus, alia  
vero materiali qualitate operātur. Quæ igitur p̃ spirituales species agūt,  
corrumpere quidem possunt fugādo calorem innatum, et tristitiam into-  
lerabilem ingerēdo, generare autem nihil simile possunt, qm̃ generatio  
omnis à primis qualitibus fit: pp̃ quod in venenatis nihil tale vnq̃ factū  
vidimus, quale est quod à Vipera et Basilisco emittitur. Eorum vero, quæ  
per materiale qualitatem operantur, alia calida sunt, vt vocata caustica  
& vrentia, alia frigida, vt opium, et hyosciamus, et id genus: verum quæ  
calida sunt vrentia, omnia in sicco sunt cōsistentia, quare et exurere ma-  
gis apta sunt, q̃ putrefacere, et cōtagionem inducere: q̃ si quædam à me-  
dicis putrefactiua dicuntur, hoc tñ improprie dicitur, simpliciter. n. cau-  
stica sunt: appellant autem putrefactiua hæc, illa caustica, q̃ caustica cru-  
stam, et vocatam escaram prius faciunt, vocata vero putrefactiua vesicā  
prius inducunt, quasi in his calor naturalis euaporet, sicut in ijs, quæ pu-  
trescunt: verum proprie caustica & illa sunt, vt Arsenicum, Auripigmen-  
tum, Pythiocampe, et Cantharides, quæ putrefactiua dicuntur: cæterum  
non putrefaciunt, sed vrunt: è quibus quod euaporat, seminarium con-  
tagionis esse non potest, vt pote siccum. Quæ igitur venenorū calida &  
vrentia sunt, propter hanc causam contagiosa non sunt, quæ vero frigi-  
da, et stupefactiua sunt, putrefacere quoq; non solent, quare neq; hæc cō-  
tagionem inferre: ita igitur differunt, quæ contagiosa sunt, à venenis.



**S**vpereft nunc, vt de differentijs alijs profequamur, ac earum caufis: neque enim omnes vno modo contagiones fe habent: aliæ in nobis primo fiunt, & generantur in aliquo, mox ab illo in alium tranfeunt: alię extrinfecus primo veniunt, et factæ, de vno in alium propagantur: & alię per fuma errant, & vix cutim carpunt, aliæ folidiora occupant, aliæ & interna, et alię omnia tam interna, q̃ externa: quędam porro promptiffime inhaerent, & afficiunt, quędam ferius: et aliæ fe ftatim manifefat, alię non nifi longe poft: aliquę ad hæc letales funt, aliquę fine vllò vitæ periculo: omnes autem in viuo corpore natæ infectiouem diffeminare, in mortuo non: et corporum alia fufcipiunt facillime, alia aut nūquam, aut cum difficultate: vnde et illud quæri poteft, vtrum peftilentijs affuefcere poffimus, ficuti venenis.

In nobis igitur primo oriri feminaria contagionum manifefum eft, non folum in fcabie, achoribus, phthifi, fed in febribus etiam, quæ peftiferę dicuntur: caufa eft, quòd in nobis, et humoribus noftris putrefactiones fieri nihil prohibet, quæ et fordidæ funt, et concludæ, à quibus feminaria illa fiant, quæ tum lenta, tum et fortis miftionis funt: hæc autem cōtagiones inferre dictum eft fupra, ac in aliquo primo ita fieri poffe nemo dubitat. Illud fortaffe dubium effe poffet, vtrum et in fecundo, qui afficitur, contingat fimiliter fordida et concluda putrefactio, an non: fi n. nō contingit, quomodo in ea noua feminaria fiunt, quę tertium aliquem inficere poffint? at fi contingit, à quo nam fit, quando cauſæ eadem in fecundo non funt, quæ in primo fuere? fi quidem in primo cauſæ fuerunt obftructiones, plenitudo, et malitia humorum, et fimilia, in fecundo autem nihil horum adeffe neceffe eft, quando videmus temperatum et probe fanum exiftentem aliquem, concipere tamen ab alio cōtagionem, folis feminarijs fufficientibus inferre. Dicendū igitur & in fecundo fordidam ac concludam putrefactionem fieri, fordidam quidem, quoniam profunde corrumpitur, quod à feminariis recipit putrefactionem, propter multam inhæfionem, et actionem eorum, atq; analogiā: talis autem et concluda eft, propter multam euaporationem, quæ fit: q̃ fi et non talis per fe effet, nihil tamen refert, dum profunda accidat, omnino enim tale in fecundo fuit, quale in primo principium et feminarium eft, quoniam dictum eft eam feminariis inefſe vim, vt ſibi fimile propagare, et gignere poffint, ficuti et ſpiritus faciunt. In primo igitur cauſæ fuerunt illæ, quæ paſſim ſolent putrefactiones in nobis facere, obftructiones, plenitudines, et humorum prauitates, à quibus facta putrefactio

factio sordida et conclusa plurimum, accidit inde seminaria enasci, quæ C  
 apta sint in alium cõtationem trāsferre, siue in eo fuerint causæ et dispo  
 sitiones, quæ in primo fuere, siue non: quare analogum humorem nactę  
 in secundum, et tertium, et alios cõtationem apportant. Quòd vero et  
 extrinsecus quoq; in nos veniant principia et seminaria contagionum, et  
 in nobis non primo fiant, similiter quoque manifestum est, quoniam sæ  
 pe videmus populariter vagātes morbos, quas epidemias vocant, quorū  
 alij communes quidem pluribus aut ciuitatibus, aut regionibus sunt, sed  
 non contagiosi, qui communes tantum dicuntur: alij vero etiam conta  
 giosi, idest qui semel in vno cõcepti absq; aeris dispositione illa commu  
 ni contagionem in alium transferunt: atque hi non communes tantum  
 dicuntur, sed contagiosi simul, quales sunt pestilentię, vti ea, quæ circum  
 Græciam vagata est, de qua Thucydides scribit, & quales illę, quę nostris  
 annis apparuere in Italia ab alijs lenticulæ, ab alijs puncticula appellatæ.  
 Referemus etiam insolitam anni MDXIII contagionem, quæ in bo  
 ues solum irrepsit, visa primo circa Foroiuliensem tractum, mox sensim  
 & ad Euganeos delata, atq; ide in agrum nostrum: abstinebat primo bos  
 à cibo sine causa alia manifesta, spectantibus autem in ora eorum bubul  
 cis asperitas quædam & paruæ pustulæ percipiebantur in palato et ore to  
 to: separare protenus infectum oportebat à reliquo armento, alioqui to  
 tum inficiebatur: paulatim labes illa descendebat in armos, et inde ad pe  
 des: ac quibus ea permutatio fiebat, sanabantur ferè omnes, quibus autē D  
 non fiebat, plurima pars interibat. Harum ergo cõtationum, quæ extrin  
 secus veniunt, potissima causa est aer, quanquam ex aquis, et paludibus,  
 et alijs nihil prohibet euenire: aptissimus autem est aer, tum q; facillime  
 et proprias et alienas infectiones cõcipit, tum q; necessario eo vtimur ad  
 vitam. Sed illud maxime aduertendum est, q; aer interdum alterat solum  
 calefaciendo, in frigidando, humectando, et exiccando, interdum nō so  
 lum alterat, sed et vapores extraneos in nos immittit, interdum non va  
 pores simplices, sed et seminaria contagionum. Differt autem semina  
 rium contagionis à vapore simplici, q; vapor alterabile fatis est corpus,  
 missionem non habens fortem in lentore, quale est seminarium: cõcur  
 runt tamen vapores in nos importati multipliciter ad putrefactiones, q;  
 fiunt, primo enim et obstruunt, deinde et locum habent alienæ calidita  
 tis et humiditatis, tum et immisti humoribus inamabiles illos reddunt,  
 et ingratos membris, vnde & respuuntur, et relinquuntur à natura, ac sic  
 putrescunt: seminaria vero non solum hæc faciunt, sed maxime faciunt,  
 ac simul et consimilia sibi alia ceu sobolem procreant, quæ ad alium de  
 lata contagionem inferunt. Si igitur vapores simplices in nos aer im  
 portet,



**A** portet, non iam contagio est, nec ægritudo per se contagiosa, nisi profunda & conclusa putrefactio fiat: quæ nec similiter, si ad aerem comparetur, contagio dicitur, quoniam non est confimilis in vtroque infectio, sed si ad alium comparetur, qui secundus sit, & tertius, & quartus, iam contagio dicitur, & ægritudo cõtagiofa: si vero ab aere seminaria statim immittantur contagionis in aliquem primum, & contagio dicitur ab aere accepta, & ad alium apta est transire: idem enim vitium & aer passus est, quod & ille, cui illatum est: idem & de terra, & aqua dicatur, nam & ipsa interdum vapores solos in nos transferunt, interdum & seminaria ipsa contagionum: quibus autem de causis tum aer, tum aqua, & alia inficiantur, & modo seminaria contagionum concipiant, modo vapores extraneos, & modo alterent solum, recipiendum est nobis vt notum: Illud fortasse magis desideraretur, vtrum à cœlo, & syderibus contagiones vllæ per se dependeant, quando astrologi sæpe quosdam futuros morbos, & Epidemias prædicunt, quemadmodum Syphildem siue Gallicum vocatum morbum prædixisse ipsos constat multo ante, quàm apparuisset: sed certe (quando nihil à cœlo huc demitti potest, quod p̄xime tangat, nisi spirituale aliquod seu lumen, seu tale aliud) si ad ea respiciamus, quæ supra de actionibus spiritualium dicta sunt, viderimus à cœlo nullas contagiones per se fieri posse, per accidēs autem **B** nihil prohibet quasdam ab ipso fieri, ac prædici etiam ab astrologis posse: qui scientes ea, quæ à syderibus per se vt plurimum fiunt, possunt simul & illa prævidere, quæ per accidēs cum illis vt plurimum coniunguntur: possunt autem per se sydera calefacere, ad calefactionē autem sequitur & vaporum plurima ex aquis, & terris eleuatio, qui mox varias & diuersas corruptiones efficiant, modo nouas, modo cōsuetas, mō magnas, put & syderum constitutiones se habent. Igitur has considerantes astrologi, ac docti, quos apportare solent, prænuntiant effectus: qui, quanquā per accidens à syderibus fiunt, vt plurimum tamen concomitantur ea, quæ per se fiunt: nihil enim prohibet quædam per accidēs esse, & vt plurimum esse. Aptissimæ autem sunt ad magna & noua producenda illæ syderum constitutiones, in quibus plures Planetarum in vnum coeunt, præsertim sub insignibus aliquibus earum stellarum, quæ fixæ dicuntur: raro enim fit, vt, quum eiusmodi conuentus fiunt, notabilem aliquem partum & portentum non ædant: sed de his plura fortasse oportet dicere.

Per summa autem errant scabies, porrigo, papulæ, lepra, & circa caput achores, areæ, ophiafis, & id genus: horum autem omnium semi-

naria crassiora, & minus acria sunt, quàm quæ intima petunt, hæc enim subtiliora sunt, & acria magis, & ad spiritualia magis analogæ. Eorum autem, quæ in summo insident, alia summam cutim tentant, alia profundius immerguntur, quæ in densiori materia sunt, quales sphaceli, et estioni, & carbunculi, & elephantia, & syphilis morbus, & id genus. Cito autem afficiunt, quæcunque seminariorum in acrimonia multa consistunt, & subtilia sunt, præsertim per anhelitum cor petentia, quorum analogia est ad spiritus, aut ad subtiliores humorum: at quorum materia densior est, & analogæ ad humores crassiores, ea tarde serpunt, ut syphilis, & rabies. Mortuum autem animal contagem eam non seruat, quia tenebatur viuens, quoniam seminaria contagionis vnà cum calore innato extincta sunt. Paratiora vero sunt ad contagiones corpora ad eas quidem, quæ primo in nobis fiunt, immunda quidem & valde humida, & carnis ac foraminum constipatorum, ad eas vero, quæ extrinsecus veniunt, paratiora sunt, quæ foramina aperta, & laxa habent, calida autem, & humida: difficulter autem recipiunt, & ferius, quibus frigida est, & sicca, densaque corporis constitutio: propter quod senes & aniculæ minus corripiuntur, quàm iuuenes: attendendæ tamen sunt analogiæ contagionum, quæ vnà magis, quàm alium tentant: minus item recipiunt, qui per ocium vitam traducunt, quàm vegetes, & negotiatores: quosdam porro vidimus, qui in medijs pestilentijs versantes securi esse consuevere, de quibus quædam suo loco dicemus, & vtrum consuefcere pestilentijs possimus.

*De signis contagionum.*

Cap. 13.

**S**Vnt autem & indicia contagionum sua, quorum alia prænuncia sunt futurarum, alia præsentis monstrant: ac eorum, quæ prænuncia dicuntur, alia è cælo sumuntur, alia ab aere, alia ab ijs, quæ circa terras, & aquas sunt, quorum quædam ut plurimum veracia sunt, alia sæpe: quare nec p oia prognosticari, nisi p babiliter, licet. In cælo igitur quum eorum syderum, qui planetæ dicuntur, vides vnā in partem plures conuenire, ut sæpe accidit plures aut septentrionales fieri, aut australes, nec non et coniungi etiam inuicem, tum scito in ea parte mutationes magnas circa terras futuras, ac primum quidem humiditates plurimas sublatis vaporibus multis è terra & aquis, mox siccitates non paruas consecuturas consumptis tandem vaporibus, & exustione circa terram & aerem facta: hæc autem solent & putrefactiones apportare: quod si coniunctio syderum illorum sit plurimum quidem sub maioribus earum, quæ fixæ dicuntur, tū et prædicere potes insignem aliquam portendi contagionem. Sunt por



**A** rō & aspectus quidam planetarum, quibus astronomi hæc portentā tribuunt, qui nec omnino negligendi sunt, nec semper timēdi. Ex aere porō sua quoq; indicia haberi solent, ac primum quum multæ, crebræq; incensiones illæ apparent, quæ in suprema regione è vocato hypocaumate fiunt, vt cadentia sydera, cometæ, trabes, æges, & id genus, putrefactionem circa terram fieri ostendunt: omnia enim hæc è fomite vnctuofo & lento fiunt: hoc autem monstrat vapores, qui à terra tolluntur, tales quoq; existere, quòd potissimum circa putrefactiones contingūt. Notare præterea oportet et alias inferioris aeris constitutiones, neque enim sine suspitione est, quum aut austri plurimi perflarint, et diu incubuerint, aut caligines quasdam præter modum certam regionem videris occupare, et si fuscus et veluti puluerulentus aer Solem diu tristem reddiderit. Tum vero tibi maxime cauendum erit, quum ventos quosdam fueris conspiciatus ex ea regione perferri, vbi pestilentia grassetur: non solum autem timendum tibi sit, sed fugiendum, quum ea, quæ sub diuo ponuntur, vt obsonia, et lintea, et id genus marcorem quandam et situm contrahuunt. Sed et aquæ quoq; sua signa dant, quum inundant flumina, et diu restagnant: quum loca paludosa cœnosaq; relinquūtur: quum maria pisces emortuos plures in littoribus deponunt. Terra quoque, vbi plurimam insectorum generationem profert, putrefactiones cōceptas nuntiat, quæ nisi totæ in ea animalia absumptæ fuerint, contagiones subesse declarant: potissimum autem isthæc portendunt locustæ, quarum sæpe innumerabilis ac penè infinita generatio fit: hoc autem non solum mōstrat magnam putrefactionem præcessisse, sed sæpe nouam facit: tollunt enim quasi exercitus ingens, & in certas euolant regiones, quas vbi latè depopulatæ sunt, illic sæpe commoriuntur, vnde mox immensa corruptio sequitur: qualem in Africa contigisse legimus anno CXVIII, de latis ad littora locustis incredibili numero, atque ibi emortuis: similiter & in Gallia euenisse anno DCCC LXIII memoria mandatum est: in Italia vero anno MCCCC LXXVIII in agro Ferrariensi, Mantuano, Veronenſi, Brixienſiq; & vicinis alijs, quum ingens increuiſſet earum multitudo, paulo post miseranda pestilentia secuta est: quod & annis superioribus etiam cōtigisset, nisi Dei Optimi clementia, et mortalium cura prouidisset, quo tempore tantum eius generis animantium vidimus, quantum antea nunquam viſum fuſſe putandum est: quarum pars multa in huius superioris Italiæ agris refedit, pars versus Gallias euoluit diebus septem non sufficientibus migrationi tanti exercitus. Idem sæpe faciunt & cadauera cæſorum in prælijs. Quin & cibi non nulli sunt, quorum

## DE CONTAGIONE

vsus frequens nunc has, nunc illas infectiones producit, alij Elephantiam alij scabiem, alij carbunculos, alij alia. Interdum & animalia, quæ sub terra degunt, solent non nullas infectionum significare, quum multa eorum è latibulis & proprijs laribus in apertum exeunt.

Sæpe exiguus mus

Augurium tibi triste dabit, tellure sub ima

Quem non vllus amor tenuit, sed in aera apertum

Erupit scrobibus, vitæq; atq; immemor vsus,

Et paruos natos, & dulcia tecta reliquit.

Ipsa etiam tellus ceu non ignara futuri,

Quum tremit, atq; intus grauida suspirat ab aluo,

Signa dabit: tremuere vrbes, & vertice toto

Formidauit Athos, timuitq; sub æquore Nereus.

Quippe crebri terræ motus & ipsi nunciant contagiones futuras, quoniam exhalatio, quæ intus concluditur, non solum noxium quiddam acquirat, sed etiam gignitur ex ipsis maxime putrefactionibus, quæ sub terra fiunt. Ad hæc & cum vides carbunculos multos, & exanthemata, & bubones enasci, timere quodammodo potes. Præsentes vero contagiones indicant, eas quidem, quæ extrinsecus veniunt, multitudo eiusdem morbi, tametsi non, quandoque multi eodem laborant morbo, contagiosa est ægritudo: esse autem contagiosam cognosces & ex

D genere morbi, & ex ijs, quæ sequuntur: eas vero, quæ primo in nobis fiunt, contagiosæ ne sint, an non, cognosces si-

militer & ex genere morbi, & ex his, quæ sequun-

tur. Sed iam de contagione, quid sit, & quo

pacto fiat, & quibus principijs, & quæ

sint contagionum differentiar, &

causæ, tum & quæ sint ea-

rum signa communia, in

vniversum di-

ctum hæte-

nus satis

fit.



HIERONYMI FRACASTORII  
DE MORBIS CONTAGIOSIS  
LIBER SECVNDVS.

*De febribus contagiosis.*

*Cap. I.*



**A**D HAEC consequens esse videtur, vt de singulis contagiosis morbis, qui nobis cogniti sunt, agamus, qui sint, & quibus de causis fiant, & quomodo differant inter se, ab ijs incipientes, quorum cognitio necessaria magis videtur: tales autem sunt febres, quæ in contagione consistunt, de quibus tanto accuratius est agendum, quanto plures earum nouæ inusitataq; annis nostris apparuere. In vniuersum autem de omnibus pauca quidem à maioribus nostris pro tanto negotio literis mandata sunt. Quid autem simpliciter sit febris, & quomodo fiat, in præsentiarum nobis est supponendum.

**B**Contagiosæ autem vocantur, non quæcunq; vicinum & contiguum humorem possunt inficere, sed illæ solum, quæ in alium consimilem inferre infectionem valent, & quæ dicta seminaria cõtationis per se includunt. Earum vëro, quæ contagiosæ dicuntur, aliæ pestilentes vocantur, aliæ non pestilentes, & pestilentum quædam simpliciter pestilētes sunt, quædam malignæ tantum appellantur, quasi mediæ inter pestilentes, & non pestilentes: quippe contagiosarum febrium quædam vt plurimum salubres sunt, quædam vt plurimum perdentes, quædam vero partim salubres, partim perdentes, à quibus multi quidem euadunt, multi vero pereunt, in dubio, qui plures sint: quales, quæ lenticulæ dicuntur.

*De variolis, & morbillis.*

*Cap. 2.*

**E**Rgo de ijs contagiosis primo est agendum, quæ, tam & si contagiosæ sunt, pestilentes tamen non appellantur, q̃ maiori ex parte salubres sint: tales autem videntur illæ, quas, qui arabum libros transtulere, Variolas, & Morbillos vocant. p̃ variolas intelligētes eas, quas et vulgus varolas vocat ex similitudine, arbitror, pustularum, qui vari dicuntur, p̃ morbillos autem eas, quas vulgus fersas nuncupat, à feruore fortasse dictas: de ijs autem græci non videntur sub alio egisse nomine, quàm exanthematum, quod nomen & varium etiam apud ipsos reperitur. Continunt igitur eiusmodi febres præcipue pueris, raro viris, rarissime senibus videntur autem & omnibus semel in vita aut accidere, aut aptæ esse, quæ  
accidant,

accidant, nisi præcox mors hominem tollat: non facile autem dignoscuntur adesse, prius, quam pustulæ ipsæ malum prodant, signa tamen quædam præcedunt, ex quibus suspicio esse potest eiusmodi affuturam febrem. Ac primum, quum vides populariter quodammodo vagari genus id febrium, puer autem est, qui febrit, tum suspicari potes communi illo teneri morbo, necessarium tamen non est, quare et alia signa spectato, si conuersatus est cum alio affecto, si lucent oculi, si dorsum contractū sentitur, si facies rubet, febris autem continēter affligit, morosa quidem magis, quæ mordax: hæc. n. primum indicia apparent: tum interroga, nunquid aliàs senserit eiusmodi febrem, quæ solet exanthemata illa apportare, raro. n. fit, vt, qui semel affectus fuit, denuo etiam patiatur: tū vide, si quid à natura ad cutim pellitur, nam vt plurimum circa quartum diem, aut paulo post apparere solent primum quidem sparset quædam ceu maculæ rubentes, mox manifestius in pustulas concresecunt interdum humidiores, & varis similes, interdum sicciores, et similes ijs exanthematibus, quæ ex calore solēt pueris euenire, quas vulgus sufferfuras vocat: utraq; mox tenui quadā pituita, et sanie replentur, ac per ipsas soluitur ægritudo, facillime quidem pueris, difficilior autem grandioribus: propter quod matres optare solent febres hæc filijs aduenire, quum tenera in ætate sunt. Contagiosæ igitur sunt, quoniam, quod exhalat in putrefactione, lētum admodum est, et seminarium contagionis in alterum, eo pacto, quo in alijs fieri diximus: maiori autem ex parte salubres sunt, quoniam ebullitio hæc purificatio quædam sanguinis est: neq; n. contemnendi sunt, qui dicunt infectionem à sanguine menstruo contractam in vtero matris se cerni per eiusmodi ebullitionem, et putrefactionem eius, ac sic defecari sanguinem per quadam quasi crism à natura factam: propter quam causam omnes ferè hunc affectum patimur, quoniam omnes eam infectionem menstrualemente deferimus à ventre matris: qua de causa nō perdit vt plurimum febris hæc per se, sed purgat magis. Pueris vero benignior est, quæ adultis, quoniam, si qui per ætatem teneram eam sanguinis infectionem non expurgant, signum est esse male idoneam separari: quare mox, quum in grandiori ætate fit separatio illa, contingit quidē vi multa, et affligit magis, minus autem, quum mollior est sanguis, et aptior, vt separaretur ab eo labes illa. Ob id etiam, quum semel accessit, non reuerti præterea solet, quoniam secreta iam sit infectio: visa tamen quandoq; fuit bis accessisse, quibus scilicet prius non exacte secreta fuisset. Si igitur sanguis pituitosior sit, pustulæ variformes fiunt albæ, rotundæ, mucore quodam plenæ, si vero biliosior extiterit, pustulæ sicciores erumpunt: analogia autem eius contagionis ad eam sanguinis superfluitatem est, quæ è mēstruo sanguine



**A** ne contracta fuit: quare ad eos solum analoga est hæc infectio, quibus purificatio sanguinis non est facta, propter quod nec omnes inficit, nec humores omnes. Nec plura de his dicantur.

*De pestilentibus febribus.*

*Cap. 3.*

**N** Vnc de pestilentibus vocatis prosequamur, quarum alię vt plurimum perdunt, vere pestilentes vocatę, alię multos solum perdūt, malignę appellatę, communi autem vocabulo omnes pestilentes nuncupari solent: de quibus accuratissime perquirendum est, omnes enim peculiarem quandam et rationem, et curationem habere existimant, quę autem peculiaris ratio sit, non dum plane assignatum video: quidam breui sese ab hac difficultate explicantes ad occultas proprietates recurrūt, de quo multa in superioribus dicta sunt, quę hic non aliter repetentur, tanquam nihil dicentibus, & docentibus, qui difficultates propositas per ignota soluere student: Galenus vero interdum videtur dicere pestilentes febres habere quandam venenositatem, et per hoc differre ab alijs, interdum peculiare ijs inesse, vt putrefactio circa cor sit, quandoque quidem in substantia eius, quandoque in contentis: de quo rectum est rationem habere, nam quid sit venenositas illa, non declarat Galenus, & vtrum veram venenositatem intelligat, an magis assimilationem quandam interficiendi. Quod si veram venenositatem intelligit, oportebat dicere, in quo consisteret, venena enim aut per materiales qualitates, aut per spirituales necant: quod vero dicit peculiare esse his febribus, vt aut cordis substantiam putrefaciant, aut contenta, rursus dubitationem nõ paruum habet: qua de re MONTANVS ciuis noster primarius iam, et nunquam satis laudatus in re medica, & in quem, si Pythagorice loqui licet, Galeni anima migrasse videtur, subtiliter quidem multa differuit pro Galeni placitis, quantum quidem videre potui ex scriptis quibusdam, quę sub eo ordinariã Medicinæ Patauij legente ab auditoribus notata, & literis mandata fuere: quę, quum forte ad manus nostras tum peruenissent, quum & ipse de hisce febribus scriberem, suspensum me admodum reddidere, quum ego alia via forte fortuna incederem: nam si inceptis nostris persistere voluissem, non solum timor oboriebatur, quomodo mihi ipse considerem deuianti ab eorum calle, sed & rem valde arrogantem videbar aggredi, q̃ & à primo Galeno, & à secundo dissentire auderem: quocirca, quum quasi decreuissem retractare, quęcunq; de ea materia scripsissem, rem tamen cum quibusdam amicis cõicaui, qui ingenue consulentes persuaferunt, quę ego iam scripsissem, tametsi viderentur nouo calle procedere, emittenda tamen esse non per assertionem

nem aliquam sed uti problemata magis. Quæ igitur MONTANVS C  
noster ex Galeni placitis tradit, hæc ferè sunt.

Febres, quæ pestiferæ vocantur, differre ab alijs, quæ in putrefactione consistunt, quæ pestilentum putrefactio vel in substantia cordis sit, vel in contentis: in alijs vero iam nec putrefactam esse cordis substantiâ, nec contenta: transmitti quidem ad cor vapores putridos, atque accendere tum cor, tum contenta, putrefacere autem non: quæ si eò veniant, ut putrefaciant, iam febrem pestilentem esse: porro pestilentem omnem febrem hecticam etiam esse, si quidem facta putrefactione in corde, aut contentis fieri non possit, ut iam confirmata non sit, atque hinc illa contingere, quæ in pestiferis apparent febribus, non sentire scilicet ægrum se febrire, pulsus non magnos, non citatos percipi, maximam mortalium partem perire: conuenire autem pestilentes febres partim cum putridis, partim cum hecticis, cum putridis quidem, quia omnino febres hæc à putredine pendent, cum hecticis vero, quia iam confirmata sit febris: verum neque simpliciter hecticas dici debere, nec simpliciter putridas, sed pestilentes hecticas, & putridas: venenositatem autem earum non aliud esse, quàm gradum putrefactionis largioris circa cor.

Atque hæc ferè sunt, quæ ego scripta vidi: quæ, si bene considerentur, non paruas habent difficultates, ac primum, quod progressus hic non declarat, cur pestilentes febres contagiosæ sint, quod peculiare quiddam & proprium videtur cum ipsis iungi. Præterea, si quærat, cur in ijs putrefactio sit in corde, aut contentis, dicere quidem videntur causam esse, quæ ingens & larga quædam sit putrefactio, per quam accidit & cor, aut contenta infici. Si vero rursus quærat, cur fiat ingens illa putrefactio, contingere dicunt ex præparatione, hoc est nimia humiditate, quæ vel intrinseca est, vel extrinsecus accedit: quod certe non minorem habet difficultatem, nam primo mirum videtur in decem millibus hominum, qui in pestilentia pereunt, eam esse præparationem in omnibus, præsertim quæ videmus innumeros exactissime sanos existentes, et nullo vitio humorum deprauatos concipere tamen contagem illam ex sola cōuersatione cum pestilentia affecto, aut ex illius vestibus: quid nam igitur in hoc fecit illam ingentem putrefactionem, quum nec obstructions fecerint, nec humiditas aut propria, aut ab aere acquisita? quare aliquod aliud principium assignari necesse est, quod in causa sit. Oportebat præterea declarari, qualis nam esset ea ingens putrefactio, num quantitate ingens & mole, an gradu actionis: nam si actione ingens, cur ardentissimæ causones, & furætes, non tamen pestilentes sunt? quinimo nec illæ, quæ ex eruginosa cholera sunt: si vero quantitate ingens est, quæ necessitas erat ponere cor ipsum



**A** sum putrefieri? poterat enim sufficere quātitas illa ingens putrefactionis. Ad hæc & illud dubium est, si adeo ingens est putrefactio, cur nō sentiat æger se febrire, quum aliæ alioquin minoris putrefactionis inflammatio nem inducant: nec recurri ad hecticam posse videtur, quando multo ante, quā hectica fiat, putrefactio illa ingēs fit, imo causa, cur hectica fiat, est putrefactio circa cor, illam autem facit ingens putrefactio per corpus reliquum: cur ergo prius non sentitur, quā hectica facta sit? Postremo & mirum illud videtur in his febribus putrescere cor, aut & contenta, statim enim videretur animal perire, quoniam nec erysipelata tolerare potest delicatissimum membrum: nō perire autem hominem statim manifestum est, sed maiorem partem peste affectorum ultra quartum & septimum viuere, quin imo & multos euadere, quod certe fieri posse nō videtur, si febris iam hectica confirmata est. Præterea cur & aliæ hecticæ non sunt pestilentes, quando febris confirmata est in corde? & si vapores putridi circa cor ad id venerunt, vt possint facere hecticam & confirmatam caliditatem in corde, videntur etiam posse & putrefactionem facere aut in ipso, aut in contentis saltem, quod si sit, necessario perire oportere pestilentes omnes videtur: atq; hæc sunt, quæ dubitationem faciūt circa positionem hanc: quare non tacebo, quæ ego prius conceperam, paratus opinionem mutare, si minus satisfacere videbuntur. Inhærendo igitur fundamentis illis, quæ circa contagionum naturam iacta sunt, dico pestilentes febres ab alijs putridis differre in multis: primum in principio agēte, deinde & in materia seu modo putrefactionis, ac demum in accidētibus proprijs, quæ sequuntur: quippe in alijs putridis principia & causæ putrefactionis sunt aut obstructio, aut plenitudo, aut malitia humorū in quantitate, vel qualitate: voco autem principia hæc agēdi, quia causæ sunt, cur à caliditate loci putrefactio fiat: in pestilentibus autem febribus nullū horum per se causa est, & principiū putrefactionis, possunt enim esse in aliquo mensuratè humores, potest abesse omnis obstructio, omnis plenitudo, pestilentia tamen ab alio cōcipi: oportet igitur esse aliud principium per se eius cōtagis. Nihil quidem prohibet quādoq; & has dispositiones adesse, sed accidunt quidem quantum ad id, quod per se agit, æque enim putrefactio fit, siue adsint, siue nō: quin imo illud fieri potest, vt in aliquo præparatum sit aut phlegma, aut cholera, vt putrescant ex prædictis principijs, minus tamen corripiantur à contagione, quā humor alius, quòd analogia non sit ad illos: quare nec omnes putrefactiones, quæ circa terras, & aerem fiunt, etiam disponunt ad eam, quæ circa pestem versat, sed certæ solum. Si igitur recte tradita sunt, quæ de contagione à nobis sunt dicta, principia quidem contagionum per se sunt seminaria ipsa, de quo-

ſu natura tanta narrata ſunt, quæ quidem, tametſi cõ quodam principio C  
 cū vaporibus & loci caliditate cõueniunt in agendo, peculiare tñ quādā  
 ſortita naturam ſunt, & rationē putrefaciendi: in primis. n. diximus habe  
 re ea vim & actionem multā, tum & miſtionem fortem & elaboratā, nec  
 non & miſtionem in lentore conſtitutam, ac demū non materialem ſo  
 lum antipathiam ad calorem naturalem, & ad animam ipſam, ſed & ſpi  
 ritualem. Hæc igitur quum ita ſe habeāt, longe diuerſam putrefactionē  
 ab alijs faciūt, ſi quidem in alijs ſuperficialis quodāmodo ſit putrefactio,  
 non profunda, & ſordida, in his autem profundiffima, & ad partes vel pe  
 nitiffimas eius, quod putrefit: quod quidem iccirco accidit, primo, q̃ ſe  
 minaria non parue actionis ſunt, quemadmodum ſimplices vapores, ſed  
 longe maioris pp fortem miſtionem, propter quam nec cito & facile al  
 terantur, ſed perſtant, & actionē continuant: pp lentorem autem aggluti  
 nantur valde illi humori, ad quem habent analogiam, in quem incuben  
 tia cito diſſoluunt, actiua multū quū ſint, & humida: ad quod non pa  
 rum adiuuat ſpiritualis antipathia, quæ naturalem calorem fugat, & pro  
 pellit, à quo deſtitutus humor cito contrahit putrefactionē profundam:  
 ſit etiā putrefactio illa non profunda ſolū, ſed & valde largæ, hoc eſt mul  
 tarum partium, qm̃ ſeminaria hinc inde diſperſa ſunt, & hæc alia ceu ſo  
 bolem generant, illa alia: recte igitur dicebat Montanus magnā putrefa  
 ctionem in peſtilentibus febribus fieri, ſed rationē non dedit per ſe id fa D  
 cientem, aſignans humiditatē contractam, & præparantem. Differunt  
 præterea hæc febres ab alijs putridis in accidentibus pprijs: ad has. n. ſequi  
 tur eſſe contagioſas ad aliū, cuius cauſa aſignari nō aliter poteſt, q̃ per ra  
 tionem ſeminariorum, quæ ad alium delata tale in ſecundo faciūt, quale  
 in primo fuit: q̃ ſi peſtilens aliqua febris primo in nobis fiat, nunq̃ tamen  
 eſſe peſtilentem dicimus, niſi tum, quum ſeminaria contagionis iā facta  
 ſunt: quare æque eſt factā eſſe febrem ex ſeminarijs, & aptam eſſe ex ijs fie  
 ri, atq; ea per ſe includere. Si igitur licet peſtilentē febrem diſſinire, dice  
 mus eſſe febrē ſordidæ, & profundæ putrefactionis, includentem ſemina  
 ria acutiſſimæ cõtationis per ſe, pp quod & letalis eſt, et ad aliū contagio  
 ſa, atq; hæc per ſe ratio eſt peſtilentis febris, nō aut̃ q̃ vel cor, vel contenta  
 in eo putreſcant: nihil quidē prohibet & ad illa putrefactionem deferri,  
 præſertim ſi analogia ad illa ſit, ſed ſiue hoc ſit, ſiue nō, ratio nō eſt hæc pe  
 ſtis, ſed forte ratio vehementioris peſtis, & citius interficientis: quod autē  
 per ſe eſt, & (vt aiunt) formale, eſt eſſe febrem per ſe includentem ſemina  
 ria contagionis letalis: propter quam cauſam, quæ è venenis fiunt febres,  
 letales quidem ſunt, ſed non peſtilentes, quoniam contagioſe non ſunt,  
 carent enim eo, quod formale eſt, & per ſe ratio peſtilentiæ.



A De differentijs pestilentum februm, & accidentibus earum. Cap. 4.

**P**estilentum vero februm aliæ extrinsecus in nos veniunt, alię in nobis primo fiunt: aliæ omnes perdunt, aliæ maiore partem, aliæ multos solū. Diuersa porro est earum analogia, & admiranda: quædam ad sanguinē præcipue analogæ sunt, quædam ad cholera, quædam & ad humores alios, aliæ p̄miscue ad omnes, & aliæ ad spiritus solos, aut ad ipsos maxime: & quædam citissime perdunt, quædam serius. Extrinsecus veniūt, quorum seminaria prius concepta sunt aut in aere, aut terra, & alijs: oportet autem & ea prius corrupta fuisse, si proprie contagio dicenda est, dico autem seminaria, non vapores simplices, multum enim differt (vt diximus) inter seminaria & vapores. In nobis autem primo fiunt, quæ è communibus quidem causis cum alijs originem habent, vt plenitudine, obstructionibus, & humorum malitia: verum putrefactio & sordida est, & conclusa, eiusmodi autem, vt in ea seminaria fiant contagionis perniciosæ, nihil enim prohibet sæpe talem in aliquo primo fieri, mox ab illo in alios importari. Omnes autem perdunt, quæ ad spiritus & spiritua lia analogiam habent, maxime quæ extrinsecus veniunt per anhelitum attractæ contages: maiorem vero partem perimunt, quæ ad acutos humores analogæ sunt, præsertim si & ipsæ extrinsecus apportentur: multos autem solum, quæ ad crassiores humores rationem habent: quo autem modo, & quibus de causis diuersæ sint analogiæ earum, supra quidem demonstratum vniuersaliter fuit, quare nunc non aliter repetendum erit.

Sed iam de accidentibus earum dicatur, quatenus signa, & notitia earum haberi possint: primum ergo, qđ per se has febres sequitur, est esse contagiosas, quod & maximum est earum signum, quod quoniam non semper datur videre posse, alia signa attendenda sunt: commune autem est omnibus ferè, per initia, omnia videri valde placida, ita, vt vix febrile existimetur, qui nihilominus latentem pestem concepit: pulsus vrinq; id attestantur, sed ita tamen, vt peritum non lateant: per processum porro tãtethi sua sunt augmenta, tota tamẽ per se febris placida videtur, & lenis: calor tactu mordax non est, introrsum vero morosus magis, quàm acris percipitur, quippe interrogati, qui ægrotant, num febriat, non febrile se dicunt, sed tamen in angustia quadam versari: decubitus supinus est, dorsum perinde ac verberati, anhelitus solito longior, pulsus non citatus, nõ altus, sed præssus magis, & vix audens se attollere: hæc ergo signa per primos morbi processus apparent, quæ quum vides, tum ad alios spectato, quos febres tenent, ac quum multos emori vides è consimili morbo, tunc

time pestilentem esse febrem, cui astas: in dies autem certiora se ostendēt C  
 signa, nam vel maculae in cute apparebunt, vel abscessus circa emuncto-  
 ria vocata: oculi ad hæc subrubent, & vacillant, anhelitus extraneo quo-  
 dam foetore grauis est, quo solo signo periti sæpe pestilentem febrem de-  
 prehendant: verba sæpe dicuntur multa, & interdum incomposita, caput  
 grauefcit, & modo vigiliæ, modo somnus nimius ægrum tenet: Hypo-  
 chondria tenduntur, egestionēs liquidæ sunt, corruptæ, longinquæ à for-  
 ma fecum & humorum, foetentes: vrinæ aut subiugalium similes, aut qua-  
 si vinum granatorum, aut tenues, crudæ, aut confusæ, rubræ, quandoque  
 & similes sanis sunt: lingua sordescit, virtus omnis labat, & fatiscit: mala  
 autem signa sunt, delirium perseuerans, vrinæ detentio, fluxus sanguinis  
 narium, ad quem leuatio nulla consequitur, ventris deiectio multa p̄ ini-  
 tia oborta, vel è leui pharmaco facta, apparitio macularum, & abscessuū,  
 ac subita mox delitescencia.

Quod igitur per initia mites appareant hæc febres, nihil mirum videri  
 debet, quum toto genere, & in toto processu lenes plurimum sint: cau-  
 sam aliqui reddunt, q̄ nec nos tangentes ardorem febris sentiamus, nec  
 æger ipse, nos quidem, quia febris hæc extrorsum quieta est, introrsum  
 turbans, æger vero neque ipse sentit, quoniam hec̄ticam febrem patitur,  
 de quo supra dictum satis fuit. Nos è nostris principijs causam inde esse D  
 arbitramur, q̄ profunda admodum sit putrefactio, in qua acrimonia om-  
 nis multum obtunditur, & hebescit humido multo simul euaporante, et  
 lentore tanto facto: in febribus autem, quæ in sicco cōsistunt, quales sunt  
 cholericæ, acrimonia, & feruor sentitur, membra exuruntur, sitis vexat,  
 ariditas linguæ fit, quoniam igneum est, quod euaporat, & siccum, pro-  
 pter quod nec contagionem facit, quoniam non agglutinatur, quanquā  
 magnæ actionis sit: est fortasse & alia concausa, cur peste laborantes febrē  
 non sentiant, q̄ sensus illis magnopere obtusi sunt, obsepti tanta putredi-  
 ne, in qua virtutes non solum dissoluuntur, sed nec trāsmittuntur ad sen-  
 sitiua membra: q̄ vero pulsus parui sint, & rariores, rursus causam as-  
 signant alij, q̄ pestilentes hec̄tici fiant, quare, quum nec caliditatem nouā  
 percipiant, pariter nec noua euentatione indigent, vnde & pulsus nō val-  
 de diuersi sunt à seipsis sanis existentibus. Nos, si licet, aliam causam as-  
 gnamus, illud prænotātes, q̄ natura semper illud eligit, quod aut melius  
 est, aut minus malum, vt in ijs diximus, quæ de sympathijs tractata sunt:  
 sicut igitur oblato foetore aliquo à natura fit, vt vix anhelemus, vix hali-  
 tum per nares trahamus, quasi sic minus aperiat̄ur aditus foetori, ita lata  
 ingenti, atque abominabili putrefactione, seu exhalatione ad cor vix au-  
 det natura ipsum dilatare, vix venas tollere, quo minus via putredini ape-  
 riatur:



**A**riatur: quare tantum tollit, quantum vix satis est vitæ, & euentationi cordis: propter quod pulsus paruus fit, & rarus, & anhelitus longior, & angustior, constrictio vero seu exspiratio velocior, quàm dilatatio & inspiratio: quod & in pulsibus etiam venenatorum contingit, ut sæpe vidimus. Urinæ autem ut plurimum subiugalium similes sunt propter multam & diuersorum ebullitionem, quod si humor crudior fuerit, albida sæpe urina fit, & subtilis, si vero sanguinis excrementa redundant, rubra exit, & confusa propter ebullitionem, quæ si subadusta & subtilia fuerint, aut tenui melancholiæ admista, similem vino granatorum urinam faciunt. Sed iam particulares febres prosequamur.

*De ephemera pestilenti in Britannia.*

Cap. 5.

**I**N Britannia insula, quæ nunc Anglia vocatur, genus est pestilentis febris & contagiosæ, quæ ad ephemeræ referenda videtur, quod die vna aut hominem perdit, aut liberat: est autem non contagiosa solum de vno in alium, sed & vagatur etiam de ciuitate in ciuitatem, non tantum per eam insulam, in qua ferè vna videri solet, sed sæpe & ad vicinos Belgas deferri visa est. Quapropter & vitio aeris præcipue nasci censendum est: cur autem in ea insula præcipue oboriatur, vniuersalis quidem causa est analogia eius aeris, particulatim vero, in quo ea consistat analogia, difficile certe est nosse: quanquàm sunt, qui dicant id è soli ratione contingere, quod maxime gypseum est, vnde & Albion olim appellatam fuisse volunt: certis igitur constitutionibus humidis vapores è solo illo accidunt eleuari subtilissimos quidem, corruptos tamen, qui & subtilem etiam inferunt contagionem, cuius analogia est vel ad spiritus, vel ad tenuem spumam, quæ sanguini supernatat. Quæcunque autem causa sit, constat analogiam eius contagionis esse ad subtile sanguinis, propter quod die vna aut finitur ægritudo, aut æger, ut plurimum autem finitur ægritudo per sudorem, vnde & febrem etiam sudorem appellat incolæ: nullis vero alijs medicamentis vtuntur aduersus ipsam, quam expectatione sudoris, nam quibus aduenit, omnes ferè euadunt, quibus autem retinetur, maxima pars perit: quare cura omni & diligentia procurant, ne impediatur sudor, quod vel facillime accidit, si tantum æger situm, atque accubitus mutet: quæ de causa iubent medici, ut æger integra die vna situm non mutet: quam molestiam qui ferre possunt, mercedem laboris recipiunt, & euadunt, qui vero ferre non valent, sed se iactant, decubitus mutant, nouum aerem aucupantur, impedito sudore sua causa pereunt.

De

**S**Vnt aliæ febres, quæ mediæ quodâmodo sunt inter vere pestilentes & non pestilentes, quoniam ab ijs multi quidem pereunt, multi etiâ æuadût: contagiosæ autem sunt, & iccirco naturam pestilentum sapiunt; appellari autem solent malignæ magis, quàm pestilentes: quales illæ fuere, quæ annis M D V, & M D XXVIII in Italia primum apparuere ætate nostra nō prius notæ, certis vero regionibus familiares, vt Cypro, & vicinis insulis, maioribus etiam nostris cognitæ: vulgus lenticulas aut puncticula appellat, quod maculas proferant lenticulis, aut pūcturis pulicum similes: quidam mutatis literis peticulas dicunt: de quibus diligenter agendum videtur, quod & nunc quoque crebro visantur modo communes multis, modo quibusdam particulatim contingentes: visi etiam sunt, qui ex Italia in alias regiones profecti, vbi nullæ essent eiusmodi febres, ex ijs tamen perierint, quasi secum infectionem detulerint: quod clarissimo & doctissimo ANDRÆ NAVGERIO Oratori pro Illustrissima Venetorum Repu. apud Regem Gallorum annis superioribus contigit, ex hac enim labe interijt in ea puincia, in qua ne nomine quidem nota erat ægritudo eiusmodi, vir eius doctrinæ & ingenij, vt nulla maior literarum iactura sit facta iam multis annis. Contagiosa igitur est & hæc febris, sed non celeriter, nec fomite, & ad distans, sed tantum per tractationem infirmi: per initia autem quum febres omnes pestilētes placidæ sint, & mites, tum hæc adeo placide inuadit, vt vix admittere medicum ægri velint, vnde & medicorum multi plurimum decepti sunt, expectantes resolutionem morbi paulopost, nec quicquam contra parantes: mox vero signa malignæ febris aperiebantur, nam, quanquam calor mitis pro natura eiusmodi febrium sentiebatur, interne tamen perturbatio quædā percipiebatur, tum & fractio in toto corpore, lassitudoq; more fatigati: decubitus erat supinus, caput grauescebat, sensus hebetes erāt, & mens magna ex parte post quartum aut septimum non constabat, oculi rubescebat, verba multa dicebantur, vrinæ primum exalbidæ vt plurimum cernebantur, plenæ tamen, mox rubentes & confusæ, aut similes vino granatorum: pulsus rarus, & humilis, qualem diximus: excrementa corrupta, fœtentia: circa quartum & septimum in brachijs, dorso, & pectore maculæ rubentes, sæpe & puniceæ erumpebant puncturis pulicum similes, sæpe maiores, imitatæ lenticulas, vnde & nomen inditum est: sitis autem aut nulla, aut parua aderat, fordescebat tamen lingua, somnolentia quibusdam aderat, quibusdam & vigilæ, interdum in eodem vtrunque per vices: status alijs ad septimum, alijs ad quartumdecimum,

alijs



**A** alijs et vltra:vrina quibusdam detinebatur,quod pessimum signum erat: ea febre mulieres pauca, fenes paucissimi, Iudei ferè nulli deperiere, iuuenes & pueri multi, et ij quidem nobiles contrario modo, ac pestilentes verè consueuere, quæ quum vulgum præcipue capiant, tum hæ febres maxime in nobiles grassari visæ sunt. Perituros sua signa præcedebant, si cuti & euasuros: mala erant, si statim eger virtute defici se sensisset, si assumpto leui pharmaco ingens alui deiectione secuta fuisset, si facta crisi nõ accessisset alleuatio, nam vidimus, quibus libræ tres sanguinis erupissent è naribus, paulo post tamen obiisse: malum item, si vrinæ detinebantur, si lenticulæ delituisent, si ægre erupissent, si liuidæ fuissent, et valde puniceæ: quòd si aut omnia, aut plura ex his accessissent, certissima sequebatur mors, euasio vero, si contraria aut omnia, aut plura apparuissent.

## De causis.

## Cap. 7.

**H** Aec quidem in propatulo erant, et ante oculos: quibus autem de causis, et quomodo euenissent, magna inter medicos discrepantia, magna altercatio erat varijs varia existimantibus: alij adustionem & acuitatem in causa ponebant, alij plenitudinem, alij intranspirationem corporum, alij occultam proprietatem: quare & quisque pro existimatione sua auxilia afferebat non sine artis ludibrio, quòd vulgares nõ lateret tanta dissensio. Quoniam autem vagantes erant ex febres, & multis vnò tempore communes, communem quoque causam, tum habuisse censendum est, præcipue autem contractam ab aere: quod satis rationabile apparet, quando anno M D X X V I I I, præcedente hyeme austrina pluuiosa vere quidem multa flumina inundauere, apud nos quidem Athesis, et Padus, apud alios alia: fuere pariter et caligines quædam, quibus arborum germina, olearum præsertim quæ plurima aruere: quibus de causis et principium his febribus datum credendum est: quæ vero sparsæ nunc apparent, causam particularem in nobis habent, in quibus primæ fiunt, et consimilem putrefactionem acquirunt, qualis illa fuit, quæ primum commune multis originem ab aere traxit. Quoniam autem contagio hæc per cõparationem: ad vere pestilentes, satis mitis apparet, nec celeriter contrahi solet, nec fomitem relinquit, nec ad distans protenditur, sed tarde & per transpirationem solam, censendum est seminaria ipsius non esse admodum acris, nec fortem illam elaboratamque mistionem habere, sed magis apta esse, vt et alterentur facilius, et non agglutinentur, quemadmodum alia solent, quæ fomitem relinquunt, et in summa quæ à natura vaporum

non multum remota sint, acria tamen, quantum sufficit eiusmodi contagionem inferre. Consimilem ergo infectionem in aere primum fuisse celsendum est, quæ mox in nos ingesta tale febriū genus attulerit, quæ tametsi pestilentes veræ non sunt, in limine tamen earum videntur esse. Analogia vero eius contagionis ad sanguinem præcipue esse constat, quod et maculæ illæ, quæ expelli consuevere, demonstrant, omnes enim rubetes sunt principij colorem & rationem retinentes: qua de causâ & magna est & late fusa est putrefactio propter humiditatem, & fluxibilitatem sanguinis: eadem de causâ & lenior etiamnum est hæc, quæ pestilentes aliæ, non potest tamen non morosa sentiri facta magna introrsum euaporatione præputredinis: propter quod & lassitudo quoque sentitur, & mens non constat, & caput grauat, & oculi rubent: quæ euaporatio, quoniam lenis est, & tractabilis, rarissime solet phrenesim facere, quod multi medicorum timere solent, videtes delirium fieri. Porro nec mirum est, si egestiones corruptæ, liquidæque apparent, tam larga quum putrefactio fiat: unde & malum erat signum, si assumpto leui pharmaco ingens deiectio secuta fuisset, præsertim primis diebus, signum enim erat valde amplam esse corruptionem. Somnus autem ijs multus obrepebat, quibus pituitosior erat sanguis, vigiliæ vero, quibus biliosior. Maculæ autem apparebant in cute, natura foras pellente, quam poterat, partem infectionis: nam & modo per sanguinis fluxum è naribus, modo per sudorem, modo per alui deiectionem exonerabatur, sed salubrior erat, quæ per eiusmodi maculas tentabatur expulsio: propter quod multi eorum euadebant, quibus large fiebat ea, multi vero peribant, quibus raræ et sparse erumpebant maculæ, aut, ubi erupissent, delitescabant: significabat enim aut naturam non esse potentem, aut materiam male obedientem, quæ aut expelli non posset, aut retrocederet, natura tentante aliam expulsionem. Sanguinis vero effluxio per nares nullos penè leuabat, quoniam magnum quidem stimulum arguebat, & naturam maxime cogi ad expellendum, quæ poterat, contrarium, quod in maioribus venis inerat: sed ea via non erat idonea ad expellenda seminaria contagionis, quæ maxime in minoribus venis sedem habebat, utpote quæ extrinsecus accessissent. Similiter nec multum proderat vètris deiectio, quoniam corrupta quidem materia expurgabatur, seminaria autem non: quare ex omnibus conuenientior erat, quæ per cutim expulsio fiebat, primum quidem per maculas facta, mox & per sudorem: propter quod & multi visi sunt euasisse, quibus largus sudor superuenisset, per has enim vias magna pars seminariorum vnâ cum subtili parte sanguinis excernebatur. Detinebatur autem interdum vrina, siue quæ absumeretur aquositas, siue quæ aliò verteretur, ut in maculas, vel sudorem



**A** dorem, siue q̄ redundantia nimia humorum, aut crassities uias obstrueret, siue deficeret uirtus: propter quod pessimum erat signum. Pueros autem, & iuuenes carpit magis ea contagio, quòd in ijs plus adsit sanguinis, & humidioris, ad quem habet analogiam: tum uero & ij foramina magis aperta habent, & calidiores sunt, unde attractio fit maior, tum per uenas, tum per anhelitum: propter quam causam &, qui negotiabantur magis, magis etiam carpebantur, minus autem ociosi, & frigidi, & ficci natura, quale fere est senum & Iudeorum genus: mulieres uero frigida & ipsæ sunt, & densioris carnis. Porro nobiles magis, quàm plebs hac tanguntur labe, contra uero pestilentia magis plebs, quàm nobiles, quoniam pestilentia potissimum in contagione unius ad alium uersatur, minus uitio aeris, hæc autem infectio magis aeris uitio, quàm transitu unius in alium: ab ea igitur contagione, quæ ab uno in alium transit, magis ca uere nobiles possunt propter diuitias, & commoditates alias, quibus plebs caret, ab ea uero, quæ dependet ex aere, minus defendi possunt nobiles, quàm plebs, quoniam ea, quum communis omnibus sit, magis eos occupat, qui delicatiores sunt, & minus robusti, quiq; & plus habent sanguinis, & humidiores sunt, quales sunt nobiles propter luxum & uitæ quietem: plebs autem & robustior est, & siccior, ut pote fatigata magis, & uictus parcioris. Ita igitur se habent lenticulares febres, & ex his causis fiunt: nunc de ueris pestiferis dicamus.

**B**

*De uere pestiferis febribus.*

*Cap. 8.*

**Q**uæ uero pestiferæ proprie dicuntur febres, partim quidem cum his conueniunt, partim differunt: conueniunt quidem natura quadam communi, quòd contagiosæ omnes sunt, & per eundem modum afficiunt, differunt autem, q̄ pestilentum contagio longe promptior est, & celerrimæ susceptionis, tum uero & fomitem quoque relinquit, & ad distans sese etiam extendit, item & aut omnes, aut maiorem partem eorum perdit, ad quos pertingit. Seuiora quoq; sunt & reliqua accidentia, nam & virtus velocissime, & multa exoluitur, & perturbatio, quæ interna est, longe maior sentitur: non nullæ quoq; sunt, quæ per initia ardentissimam febrem apportant, tametsi reliquæ, & illæ etiā mox, lenes apparent pro natura totius generis: vigilæ ut plurimum infectos tentant, quandoq; sopore commistæ: pulsus & in his, quales in alijs percipiuntur, rariores, & humiliores, q̄ ægritudo videatur poscere: urinae conturbatæ, aut albæ, aut etiam similes sanis: egestionem corruptæ, liquidæ, foetentes: in quibusdam bubones, aut parotides, aut alij abscessus apparent: maculæ aut nullæ, aut rarius in ijs uisæ, quod alioquin mirum

est, quum materia harum febrium sit longe subtilior. Sunt & harum differentia inter se quædam: aliæ extrinsecus in nos accedunt, præcipue ab aere, qui, quum corruptus est, & seminaria statim in nos transfert, tum nihil mortalibus miserabilius potest accidere, verum rarissime contingit, vt ex aeris corruptione pestilentia contingat: aliæ ab ipso quidem origine trahunt, sed non statim ab eo seminaria recipiunt, sed aut vapores, aut consimiles quosdam affectus, & dispositiones, à quibus mox febris in nobis primo pestilens fit, & ab vno in alium transmittitur: aliæ & in nobis primo fiunt non vitio aeris, sed aliorum vt ciborum, & vniuersaliter vitio eorum, quæ prauas putrefactiones facere consuevere.

Quoniam igitur celerrime suscipitur hæc contagio, existimandum est acutissima & subtilissima esse earum febrium seminaria, & analogiã præcipue habere aut ad spiritus, & spiritualia, aut ad biliosos humores: quæ de causa non nullæ interficiunt paucis horis, quæ scilicet ad spiritus, & spiritualia analogæ sunt, & antipathiam habent non solum materialem, sed & spirituale: non nullæ serius necant: perdūt autem vel omnes, vel maiorem partem, omnes quidem, quæ ad spiritus, & ad cor habent antipathiam vtrunque, maxime autem ab aere pendent, & per anhelitum attrahuntur: maiorem partem, quæ in humoribus sedem habent biliosis, aut sanguine exusto, aut etiam puro, propter quæ & vigiliæ magis adsunt in his febribus, quàm in alijs: quæ tamen in sanguine fiunt (præsertim si pituita abundet) coniunctum vigilijs somnum afferunt. Cæterum mites & hæ videntur, quanquam ingens sit ægritudo: causa eadem, quæ in alijs, quæ profunda est putrefactio, & fordida, in qua acrimonia non plane percipitur, tum quod obtunditur multo humido, quod euaporat, cuius signum est lenta esse seminaria & fomitem relinquere, tum quod sensus hebetes præsentunt: quod si non nullæ ardentissimæ videntur per initia, hoc iccirco accidit, quod nondum putrefactio profunda est, sed febres illæ in nobis primo incipiunt tales, quales aliæ, quæ contagiosæ non sunt, cholericæ autem vt plurimum, mox profunda fit putrefactio, & contagiosa ac lenior incipit febris videri. Pulsus propter prædictam in alijs causam rariores & humiliores videntur, quod natura non audet venas tollere, ne aditum venæ non aperiat. Quod autem vrinæ similes sanis appareant interdum, admirationem non paruum præbet, quod enim aut conturbatæ, aut & albi de videantur, nemo itidem miratur. Causam aliqui dicunt iccirco esse, quod similes sanis videantur, quod corruptio & putrefactio circa spiritualia versetur, quare nihil impedire, ne & hepar, & renes officijs proprijs fungantur, propter quod vrinæ concoctione quadam non caret: sed certe, si febris est totius passio, mirum est spiritualia laborare, virtutes omnes exolui,



**A** exolui, hepar tamen & renes, quasi sana sint membra, concoctiones debitas facere. Fortasse igitur illud potius existimandum est, quod existente vrina crassa & plena sæpe accidit, ut deficiente iam virtute, & non potente crassiores illas partes expellere, percoletur quodammodo vrina, & ubi primum crassa admodum fuerat, incipiat iam crassa minus descendere, deinde & minus adhuc crassa, donec perueniat ad mediocrem quãdam consistentiam, in qua nubeculae quædam pendeant, propter quod sanis assimilatur, non est autem vere sana, sed apparet: quod sæpe non solum in pestiferis febribus, sed & in alijs videtur, quum prope mors est, & virtus iam non potest crassas vrinae partes expellere: quæ res inexpertos quosdam medicos sæpe fefellit, incipientes bene sperare ex ea vrinae mutatione.

Fiunt autem abscessus magis, quàm maculae, in hac febre, quoniam furēs magis, ac turgens materia illius est: furit autem introrsum magis & circa principalia membra, hepar, cor, & cerebrum: omnis autem furens humor irritat plurimum, & cogit expelli, quare à partibus, quæ introrsum sunt, motus fit præcipue ad emunctoria principalium membrorum: mouetur autem non solum materia furens, sed & quæ illi commista est, propter quod abscessus maxime fiunt, & non maculae: contingit tamen & illas quandoque simul fieri expulsa tenui materia quadam circa cutem, præsertim ubi in sanguine infectio sita igitur se habent, quæ contagiosa vocantur febres.

**B** Nunc ad alios morbos pertranseamus, qui & ipsi in contagione consistunt.

*De phthisi contagiosa.*

*Cap. 9.*

**Q**ui de phthisi hactenus tractauere, videntur quidem de ea egisse magis, quatenus primo in nobis fit, & originem habet aut ex defluxionibus, quæ ad pulmones feruntur, aut è fracturis quarundam venarum, aut sanie derelicta vel è pleuretide, vel peripneumonia, & similibus, de ea vero, quæ ex contagione concipitur, nulla quidem, aut quæ paucissima tradidere. Nos vero eam, quæ in nobis primo fit, non negligentes, ac supponentes magis, nunc maxime de ea agemus, quæ in contagione versatur, quod institutum est nostrum (constat. n. & contagione concipi) & propriam quandam animaduersionem exposcere demonstrabimus. Nostrum tabem vocant, quod vocabulū, sicut & apud græcos phthisis, interdum cōius est pro cōsumptione corporis, quæcunque sit, interdum proprie magis, quum pulmonis vitio per se contingit: quod rursus dupliciter solet euenire, quandoque quidem ex ulcere in pulmone habito, unde sanies vera emanat, quandoque non ex vero ulcere, nec vera sanie, sed magis in saniem quandam conuersis pituitis, quæ illuc descendere.

Verum & illam quoq; possumus phthifim satis p̄prie appellare, quæ C  
 corruptis putrefactisq; pituitis ita pulmonem affecit, vt, si non vlceratus  
 est, at flaccidus tamen & putidus iam reddatur: quippe factis dissectioni-  
 bus quorundam vidimus interdum partem pulmonis sinceram, & nulla  
 tenus vitiata, partem nondum exacte putridam, nōdumq; vlceratam,  
 sed tamen flaccidam, mollemq; atq; in marcorem tendentem, quandoq;  
 & totum pulmonem talem vidimus: quare, quum iam marcor ille in pul-  
 monem serpit, phthificum appellare merito hominem possumus, quum  
 vero simpliciter corrumpuntur pituitæ circa pulmonem, nondum autē  
 affectus ipse est, tum non vocari phthificus homo debet, sed aut dyspnoi-  
 cus, aut quid tale. Quæ igitur sint phthifis illius causæ, quæ in nobis pri-  
 mo fit, satis esse notum medicis arbitror, quarum nullā necesse est in ea  
 præcedere, quæ è contagione concipitur: potest enim esse, vt quis nec de  
 stillationibus detentus sit, nec venam fractam gerat, neq; vllō vlcere cir-  
 ca pectus affectus fuerit, nec pleuretidem passus, nec demū vllō vitio ta-  
 ctus, sed optime sanus existens ex consuetudine tamen, & conuictu cum  
 phthifico, aut ex fomite labem illam cōtraxerit: nam mirum profecto est,  
 quanta tenacitate, quanto tempore seruetur virus illud in fomite, ita, vt  
 vestes, quas phthifici gestauere, sæpe visæ sint post biennium attulisse cō-  
 tagionem: quinimo tales etiamnum fiunt & camerae, & lectuli, & tabu-  
 lata, vbi phthifici periere. In fomite igitur illo non aliud putādum est re- D  
 linqui, quàm seminaria contagionis ex ea putrefactione euaporātia, quæ  
 in phthifi fit, quorum mira quædam est analogia, quando ea non ad ocu-  
 los, non ad palatum, non ad aliud membrum contagiosa sunt, quàm ad  
 pulmonem: causam in vniuersum supra monstrauimus, neque enim om-  
 nia in omnia agunt, sed solum quæ & agentis, & materiæ, & applicatio-  
 nis rationem certam habent, atq; ob id analoga dicuntur. Signa autem  
 iam tabefacti pulmonis sæpe oculis patent, sæpe enim frustula etiam ip-  
 sius per sputum reiecta apparent, tabescentis, & flaccidi iam, non ita ma-  
 nifesta sunt signa, sed tamē, quum prolongari morbum vides, sputa hor-  
 ribilia aspectu apparere, foetere, ac faniem representare, quum & genæ ro-  
 seæ fiunt, tum certo scire potes tabescere iam pulmonem, præsertim si è  
 contagione concepta fuerit phthifis: conceptæ autem per contagionem  
 indicia habere poteris, si causas diligenter inuestigaueris. Similes autem  
 contagiosis & illæ sunt, quæ hereditariæ à parentibus contrahun-  
 tur, mirum enim est quasdam familias vsque in quin-  
 tam & sextam generationem omnes ea-  
 dē tabis conditione perire, &  
 quosdā eadem ætate.



A

De rabie.

Cap. 10.

**N**on minorem admirationem præbet rabies, de qua, sequitur, ut agamus: ea per se teneri animal nullum præter canes Galenus scribit, atq; ita certe conspicitur, quæ vero animalium rabidi canes momorderint, rabire omnia præter hominem Aristoteles tradit. Quæ autem hæc in contagione spectantur, hæc ferè sunt. Imprimis constat non cõcipi eã contactu omni, non fomite, non ad distans, sed tum solum, quum è morfu canis ita dilaceratur cutis, ut sanguis eliciatur, quasi in sanguine ipso contagio fiat per contactum dentis & spumæ animalis rabientis. Serpit præterea tam segniter, & per moras, ut rarissime ante vigesimam diem prædatur infectio, maiori ex parte post trigesimam, multis non nisi post quatuor aut sex menses, quibusdam etiam post annum, aliqui & post quinquennium manifestari tradidere: vidi ipse puerum, qui octo post menses, ex quo demorsus fuerat, contagionem ostendit, ex qua mox periit. Interea nec febris vlla sentitur, nec vllum aliud malum, nesciente ægro, quanta perniciēs lateat, quam mox tum ferè percipit, quum ea ad corpus pertingit, quo ubi peruenit, incredibili cruciatu hominem affligit, cor, & præcordia vellicantur, æger nec stare, nec quiescere potest, sed more furentis huc illuc agitur, manibus corpus dilacerat, sitit immense, sed illud maximum incõmodum accedit, quod & aquam & liquida omnia adeo reformidat æger, ut potius emori eligat, quàm bibere, aut ad aquam deduci, tum vero et alios ipsi mordent, spumat os, oculi torui aspectu sunt, ac demum fatigati vitam miserabiliter efflant. Ferunt & si quis sub sorbo arbore iacuerit, qui aliàs demorsus à cane rabido fuerit, rursus in rabiem verti.

B

De his igitur quærendum est, quibus è causis fiant, verum non per eas rationes, quas demonstrationes appellant, sed si rationabiliter & ex communibus locuti fuerimus, satis fecisse existimari debemus. Quoniam igitur fomite non concipitur hæc contagio, nec in cute fit per contactum simplicem, sed dilaceratione cutis indiget, existimandum est semina illius non admodum lenta esse, atq; ea crassiora fortasse, quàm ut in foraminibus cõdi possint, quare non nisi sanguini agglutinari, spuma, in qua seminaria latent, illi commista: porro &, quoniam tarde serpit, par est putare analogiam eius esse vel ad solidas partes, quales sunt nervi, & eiusmodi, vel ad crassum aliquem humorem, at cõstat solidorum nullum hac in labe corrumpi, quare ad crassos humores analogam esse contagionem: tales autem sunt phlegma, & melancholia: videtur autem ad melancholiam magis ea esse analogia, quia videmus rabiosos, demum etiam furentes fieri, quemadmodum & melancholicos, deinde quia & canis, à quo primum contagio

contagio oritur, valde melancholicum animal est, & siccum: porro phlegma in humano corpore multum est comparatione melancholiæ, quod & aptissimum est, vt putrescat: quare si in ipso foret contagio hæc, non tã diu lateret, vt post annum manifestaretur: at melancholia, quoniã & paucior est, & frigida, & sicca, & minus apta putrescere, diutius seruare latentiæ seminaria potest. Febrem aut non excitat hæc contagio nisi ad postremum, quoniã sensim fit, & quod euaporat, non statim ad cor fertur, sed longe post, aut etiam expellitur: propagatur tamen per partem post partem ad interna, ac demum ad præcordia, quo vbi peruenit, & febrem suscitatur, & septum transuersum, & cor ipsum conuellit, ac postremo furorem & mortem affert. Maxime autem tanguntur ea canes, quoniam, vt diximus, maxime sicci sunt, & adusti sanguinis: primũ igitur ij more melancholicorum tristes fiunt, & solitarij: mox paulatim incallescẽte sanguine ad omnia indignabundi fiunt, cuncta incipiunt odisse, ac iam & præ iracundia mordent: oculi rubent, os spumat, ac tandem in furorem aguntur: animalium vero, quæ momorderint, omnia rabiunt, & moriuntur præter hominem, quod iccirco fit, quia alia animalia propter feritatẽ, in qua cum cane conueniunt, concepta contage necessario rabiunt propter analogiam, hominis autem natura longe aliena est ab ea feritate et conuentia, propter quod nec analogiam promptam habet ad suscipiẽdum: vnde fit, vt non omnes, qui demorfi sint, etiam rabiant, sed multi beneficio temperaturæ ex se, aut non contrahunt contagem, aut superant: atq; hoc ego illud esse existimo, quod Aristo. voluit, quanq̃ scio esse, qui in eo textu, vbi hac de re agitur, non legendum esse præter hominem, sed prius, q̃ homo, volunt, quasi græca lectio non *ἄλλων*, sed *ἄλλων* audiri debeat, quod nullam habet necessitatem. Cur autem adeo reformident liquida & canes ipsi, & qui à cane demorfi sunt, vnde & hidrophoui appellantur, difficultatem habet, & abditissimam rationem: neq; enim illud credendum est, quod multi dicunt, & Aetius etiam existimare videtur, iccirco ita timeri aquam, q̃ ijs appareat sese catulos quosdam in aqua cernere, quandoquidem non nulli eorum, qui iam aquam ceperant formidare, interrogati, nunquid tale appareret, vt viderent, nihil tale videre responderunt. Vtrum igitur, quemadmodum & in quibusdam alijs morbis abominatio quorundam fit propter indispositionem stomachi, aut linguæ, ita & in rabie detentis accidat? an magis defectus & indispositio non est in stomacho, & lingua, nam & sitiunt, & quantum è lingua est, humida etiam expetunt, sed defectus potius in phantasia est? cuius signum est, q̃ nec videre volunt, nec tangere, quanq̃ vti potum, appetant humida. Fortasse igitur (vt diximus in ijs, quæ desympathia) phantasia quorundã me

moriā



**A** moriam excitat, quæ pauorem solent incutere, quod & in rabie potest cōtingere: quoniam. n. & spuma circa os eorum obuersatur, & corde præcipue liquefcunt, ex his phantasia fit quædam liquidi eos extinguentis, unde formido fit, quoties aut vident, aut tangunt, aut & audiunt offerri liquida sibi. In ægris autem phantasia fit horribilium ex paruis occasionibus, vt sepe ex aspectu paruarū figurarum in parietibus videmus egros, & lupos, & canes subimuginari, ac clamare, et iubere, vt inde auferatur. An (quemadmodum diximus in sympathijs) quæ exiccata sunt, humida possunt appetere, & trahere, quum forma secundum naturam per se remanet, quanquā actu & p accidens aliter sit, at vero, quum siccitas eo usque processit, vt iam forma naturam non seruet amplius, sed iam ab ea ceciderit, tum sicca illa non solum non appetunt humida, sed vti contraria abhorrent, & à se abdicant: quemadmodum accidit & in ijs, qui prope mortem sunt, omnem enim & cibum & potum ita abhorrent, vt nihil molestius & horribilius ijs offeratur, quā cibus & potus, quoniam membra iam priuata natura sua sint: ita igitur in rabie facta exiccatione tanta, vt iā natura propria collapsa sit, &, quæ prius vti conuenientia & bona recipiebat, nunc vti contraria & horribilia recipit, non solum potus liquidorum omnium, sed & phantasia abominationem parit: exiccari autem rabie affectos manifestum est, quum etiam & in conuulsiones ex siccitate incidunt. Cur vero &, qui sub sorbo arbore iacent, rursus in rabiem vertantur, si aliàs rabidi fuere, consimilem habet latentem causam, si modo verum est, quod fama quadam circumfertur: nihil autem prohibet vapores, qui ex ea arbore continenter exhalant, styptici quidem, &, si licet dicere, melancholici, ad hominē delatos, & intus calefactos idem facere posse, quod & feminaria rabiei, magis autem in eo, qui rursus rabidus, propter relictam dispositionem. Atque hæc de rabie probabiliter dicta sunt.

*De Syphilide morbo, seu Gallico.*

*Cap. II.*

**N**unc ad eas contagiones pertranseamus, quæ extrinseca magis tētant, incipientes à Syphilide morbo: quippe nouum & diu nostro orbe incognitum morbum inter alia admiranda nostra tempestas vidit, qui Europam ferè omnem, Asiæ vero, atque Aphricę partem non paruam occupauit: in Italiam vero ijs ferè temporibus erupit, quibus Galli sub rege Carolo regnum Neapolitanum occupauere, annos circiter decem ante 1500, à quibus nomen Morbo inditum fuit, Gallicus appellatus: Galli vero nominis iniuriam in nos retorquentes morbum Italum vocant, Hispani Paturiam, Germani nunc Meuium, nunc Gallicum dicunt, non nulli nouo imposito nomine Pudendagram appellauere, quod à pudendis

dendis inciperet, sicuti & Mentagram, q̄ à mento inciperet, nouū mor- C  
bū apud antiquos appellatū fuisse Plinius est author: nos Syphilidem in  
nostris lusibus appellauimus. Hūc autem morbum nostro orbi adeo no-  
uum, familiarissimū tamen certis regionibus ferunt, qui per hispanas na-  
uigationes nouum mundum comperere, vbi vel plurimum abundet ea  
contagio, non secus illic donestica, ac apud nos scabies. Principio igitur,  
quum is apud nos apparuisset, hæ feræ notæ conspiciebantur in eo mor-  
bo: oriebatur in quibusdam sine vlla ab alio concepta contagione, in qui-  
busdam (quæ maxima pars erat) è contage excipiebatur, verum non ex  
omni contactu, neque prompte, sed tum solum, quum duo corpora con-  
tactu mutuo plurimum incaluisent, quod præcipue in coitu eueniebat,  
quo maxima mortalium pars infecta fuit: visi tamen infantes nō nulli fue-  
re, qui è suctu lactis à matre, aut nutrice infecta consimiliter affecti sint.  
Fomitē autem non relinquebat ea contagio, aut non nisi maxima qua-  
dam occasione, neq; ad distans etiam sese propagabat: sed neq; statim ma-  
nifestabatur, verum certo tempore delitescēbat, interdum quidē per mē-  
sem, interdum per duos, sæpe & per quatuor menses. Interea tamē signa  
non nulla aderant conceptę labis, animum tristitia quædā detinebat, cor-  
pus lassitudo, pallor faciem, tādē, quod in rariori parte inerat, vlcuscu-  
la quædam circa pudenda oriebantur, ijs non dissimilia, quę solent ex fa-  
tigatione contingere, quam cariem vocant, sed natura longe impar, nā D  
hæc & emori cōtūmax erat, & victa vna parte alia regerminabat immor-  
tali propagine: post hæc crustosæ quædam pustulæ per cutem erūpebant,  
in quibusdam quidem à caluaria incipientes (quod vt plurimum erat) in  
quibusdam in alijs locis: paruæ primum eæ apparebant, mox augebantur  
paulatim ad magnitudinem cooperculi glādis, & similitudinem etiam,  
ijs non absimiles, quæ in pueris Achores vocantur: differentiæ earū mul-  
tæ visēbantur, quibusdam paruæ, & sicciore, quibusdam maiores, & pin-  
guiore, non nullis liuidæ, alijs exalbidæ leuiter pallētes, alijs duriores,  
& subrubentes: omnes autem paucis post diebus aperiebantur, ac mucore  
quodam mucilagineo fœtido manabant, nec dici potest, quantus ille  
mucor perpetuo efflueret, quāta sordities: exulceratæ deinde exedebant  
more eorum vlcerum, quæ phagedenica appellantur, atque interdū non  
solas carnes, sed & ossa etiam ipsa inficiebant. Quibus autem circa supe-  
riora vigeat malum, ijs distillationes prauæ contingebāt, quæ modo pa-  
latum, modo gargareonem, modo fauces & tonsillas erodebant: labia q̄  
busdam consumpta sunt, quibusdam nasus, quibusdam oculi, alijs pudē-  
da tota. Ad hæc autem magna ex parte gummositates quædam per mem-  
bra concredebant magna deformitate, nam sæpe oui, sæpe panis magni-  
tudinē



**A** tudinem æquabant, quibus apertis mucor suberat albus, mucilagineus: tenax is callus maxime in brachijs, & cruribus accidebat, qui interdum vlcerabatur, interdum integer vsque ad mortem perseuerabat. Præter prædicta omnia, quasi parua illa forent, ingentes lacertorum dolores accedebant, sæpe cum ipsis pustulis, interdum ante, non nunquam post, & ipsi quidem diuturni, quibus nihil crudelius aderat: affligebant præcipue noctu, dolor autem non proprie in iuncturis inerat, sed circa lacertos ipsos & neruos. Verum quibusdam nihilominus sine dolore vlllo oriebantur pustulæ, quibusdam sine pustulis dolores, maior pars vtrisque affligebatur. Interea languebant membra omnia, macies corpus detinebat, nullum aderat desiderium cibi, nullus somnus, sed mæror, & iracundia assidua, & amor decubitus, facies & crura turgebant: quandoque & febricula quædam comitabatur, sed raro: dolebat quibusdam caput, dolor is erat diuturnus, et nullis medicaminibus parens: sanguis, si hauriebatur, insincerus, mucosusque spectabatur: vrina crassior, pinguis, diuulsa, & subrubens, quo solo signo, quum non adesset febris, multos prænouimus eo teneri morbo: egestiones ægre reddebantur, & illæ mucosæ, siccæ: his ergo notis tenebantur, qui tum eo morbo laborabant. Loquimur autem de his, quasi de præteritis, quoniam, tametsi nunc quoque ea contagio viget, post tamen illa prima tempora immutata videtur: ab inde .n. annis ferè viginti cæperunt pauciores videri pustulæ, gümositates vero plures, quum è contrario primis annis fuisset: factæ item fuere pustulæ (siquæ apparebant) sicciores, ac dolores (si quæ accedebant) cuius sunt acerbiores. Porro & annis labentibus, annis iam ferè sex, in quibus nunc sumus, magna rursus mutatio facta est eius morbi: quippe quum in valde paucis pustulæ iam visantur, & dolores ferè nulli, aut multo leuiores, gümositates vero multæ, & , quod mirum omnibus visum est, capillorum, & reliquorum pilorum casus homines ferè ridiculos facit, alijs sine barba, alijs sine supercilijs, alijs glabro capite in conspectum venientibus: quod infortunium prius putabatur ex medicaminibus euenire, præsertim ex argento viuo, mox certiores facti omnes sciunt ex ipso morbo imutato procedere, quinimo & (quod peius est) iam nunc multis videntur labefactari dentes, quibusdam etiam cadere.

*De causis.*

*Cap. 12.*

**I**gitur, quum primum tam nouus apparuisset morbus, magna statim inter medicos oborta controuersia fuit, alijs contendentibus nullam ab antiquis factam de eo mentionem fuisse, alijs contra fuisse factam, his quidem Elephantiam existimantibus, illis vocatum ab arabibus Safati, alijs Lichenas. Primus Nicolaus Leonicensis, vir doctissimus & grauis eam

*Fracastrorij.*

II difficul-

difficultatem sustulit, aperte monstrans nullum horum esse, sed prorsus **C** apud antiquos innominatum fuisse morbum: quãq̃ posteriores quidam obstinate quidem magis, q̃ rationabiliter, tanto viro non plane assensere, Elephantiasim omnino afferentes esse: de quo mox pauca quædam & nos dicemus. Ceterum, quicumque hætenus de eo morbo scripsere, alij quidem, quid non esset, magis dixisse videntur, q̃ quid esset: alij eam rationem quæ fuisse magis, quæ circa formam versatur, q̃ esset ægritudo partim in compositione, partim in complexione & vnitæte, & id genus, materiam vero, & principia, quæ magis fuerant perquirenda, reliquere: alij materiam quidem attigere, principia vero, & rationem eam, quæ cõtagione dependet, nõ, vt par erat, sunt prosecuti. Nos vero in ijs lufibus, quos ad **PETRV M BEMVM** nunc Cardinalem scripsimus, quo forte tempore à pestilentia rus pulsi multum ocij nacti essemus, de his omnibus quædam certe attigimus, uerum quantum Poetica concedere potuit: quæ quum non admittat omnia, multa quidem prætermitti à nobis necesse fuit pro toto negotio, quæ si nunc prosequamur, opere præciũ facturos esse nos existimamus. Quod igitur ad primam morbi originẽ attinet, arbitrati sunt aliqui contagionem hanc è nouo illo mundo delatam ad nos fuisse, quẽ Hispanæ nauigationes adinuenere, vbi ea labes quamplurimum viget: cuius signum id afferunt, q̃ tum & morbus hic apud nos primum apparuit, quum & nauigatio illa facta fuit, & commercia habita illius gentis, propter quod & primum apud Hispanos visus fuit: quare totam labem hanc consistere putant in contagione vnus ad alium. Sed profecto, tametsi maxima mortaliũ pars è contagione morbum hunc contraxit, obseruatum est tamen innumeros alios sine vlla cõtagione per se infectionem eã perpeffos fuisse: impossibile præterea fuisset tam paruo tempore contagionẽ, quæ per se segnis est, nec concipitur facile, tantum terrarũ peragrassẽ ab una classe ad Hispanos primum delatam, quando cõstat aut eodem tempore, aut ferè eodem, & in Hispania, & Gallia, & Italia, & Germania, & tota ferè Scythia visam fuisse: adde q̃ prædixisse illam Astronomos certis ante annis non paruum indiciũ est aliud subesse illi principium, q̃ simplicem contagionem. Primum igitur illud mirum videri non debet nouos atq; insolitos morbos certis temporibus apparere, nõ quidem delatos ab vna regione ad aliam, sed suis causis exortos: anno 1482 pleuretidis genus quoddam erupit, quod totam fere Italiam affecit: nostris vero temporibus illæ prius non visæ in Italia febres apparuere, quas lëticulas vocant, de quibus supra egimus: vidimus & annis superioribus lippitudinem contagiosam quasdam ciuitates inuasisse: vidimus & pestem illam solis bobus cõmunem, de qua supra meminimus.



**A** minimus: quam ob rem nec mirum esse debet, si & Gallicus morbus nō prius cognitus in nostro orbe per multa secula, nunc primum eruperit: venient & ægitudines aliæ nouæ inusitataq;, quum tempus feret, sicuti & Mentagra apud antiquos, quæ postea amplius nunquam visa est: hic idem morbus interibit, & extinguetur, mox etiam & nepotibus nostris rursus vidēdus renascetur, quemadmodum & præteritis ætatibus visum à maioribus nostris fuisse credendum est, de quo non pauca inditia etiā num sunt. Tonsor quidam amicus noster libellum habebat experimētorum quorundam antiquum satis, inter quæ vnum inter alia scriptum erat, cui titulus erat, ad scabiem crassam, quæ cum doloribus iuncturaru accidit: is ergo, quum primum recentissimus esset morbus, memor medicaminis consuluit medicos quosdam, num vti eo medicamento deberet in noua illa contagione, quam per scabiem crassam significari existimabat: medici autem inspecto medicamine acriter prohibuere, q̄ ex argento viuo constaret & sulphure: foelix, nisi medicos illos consuluisset, incredibili quæstu diues futurus: paruit autem, nec ausus est experiri medicamen, quod demum expertus, atque optimum agnoscens valde indoluit, quod sero vsus eo fuisset, quæstu iam per alios sibi abrepto: ex quo videre profecto possumus alijs etiam ætatibus visum eum morbum fuisse. Sunt, qui putent & Auicennam illum significasse capite de olibano, quū dixit Thus valere dolori cōposito illitum ex aceto & oleo. Et est dolor,

**B** inquit, cum quo proueniunt in corpore sicut verrucæ cum deambulatione sicut formicæ: sed certe hoc nihil est, quoniam Auicenna illic trāsferit, quod Dioscorides scribit de Thure, quum dicit: Formicantes verrucas inter initia, impetiginesq; ex aceto & pice illitum tollit: per quæ Mirmecia intelligit. Vt ergo ad propositū reuertamur, inter nouos morbos, & eos, qui raro in lucem veniunt, collocandus est morbus Gallicus: quare, & causas illius, ac principia oportet ex ijs esse, quæ raro & ipsa contingāt, esse autem talia, vt communia sint non solum multis mortalium, sed & regionibus multis: quod certe in nullam aliam causam referri potest, quā in aeris constitutionem: qualis autem ea fuerit, & ex quibus principijs exorta, nunc est inquirendum. Quoniam igitur analogiæ suæ sunt in contagiosis, & principia oportet esse analogia (vt dictum est) ad ea, quæ affectum recipiunt, manifestum est principia huius contagionis ad phlegma crassum, & sordidum analogiam habuisse: si enim ad pustulas respiciamus, quæ eo in morbo apparuere, si ad gummositates, si ad lacertorum dolores, vbique quidem videbimus non nisi mucorem & sorditiem, & demum phlegma lentum, mucilagineum, crassum, quare & seminaria, à quibus contagio per se omnis dependet, talia

quoq; suo modo fuisse censendum est, quocirca & aerē, vnde origo fuit C  
 morbi, dispositionem eiusmodi contraxisse, cuius seminaria lenta quoq;  
 & phlegmati consimili analoga essent, & in eo aliorum rursus semina-  
 riorum productiua, talium, qualia & prima fuere. Quoniā autem & ero-  
 dit, atq; exest contagio hæc, oportet & seminaria illius acria esse, quanq̃  
 in lentore multo obsepta sepultaq;. Talia igitur principia habuisse infe-  
 ctionem hanc putandum est, atq; in aere sordidam quandā obrepfisse pu-  
 trefactionem, quæ mox ad crassum & sordidū phlegma in nobis habuif-  
 set analogiā: quo autem pacto, & quibus de causis in aere eiusmodi dispo-  
 sitio facta fuerit, difficile quidē est certo scire: si quid tamē rationabiliter  
 conijci potest, hoc certe erit. Quæcunq; n. causa & principium id fecerit,  
 oportet illud ex ijs esse, quæ raro eueniunt, siquidē & dispositio illa in ae-  
 re, quæ raro visam contagē hanc peperit, ex ijs est, quæ raro contingunt:  
 quoniā igitur (vt supra diximus) quæ hic sunt, maxime à superioribus, cœ-  
 lo scilicet, & syderibus alterantur, & varijs afficiuntur modis, nihil aliud  
 esse posse videtur, quod in tot regiones per tantum spatij potuerit aerem  
 tam male afficere, nisi cœli & syderum constitutiones, & eæ quidē, quæ  
 & raro accidunt, & magna, quū accidunt, possint efficere: supra aut mon-  
 stratum est tum magna & portentosa posse huc sydera inducere, quum  
 plura eorū in vnum coeunt: ac talem certe coitum & conuentum syderū D  
 vidit tempestas nostra trium superiorum, Saturni, Iouis, & Martis, qui  
 conuentus & raro accidere solet, & quum accidit, magna semper appor-  
 tare consuevit, tum q̃ ea Sydera potentissima sunt, tum q̃ vnio illa diu p-  
 durat propter motus tarditatē, præsertim Saturni, & Iouis: quam coniun-  
 ctionem videntes Astrologi nouas magnasq; ægritudines portendi præ-  
 dixere: siquid igitur probabiliter dici potest de principio tantæ cōtagio-  
 nis, ita certe existimandum est. Ergo facto eo syderum conuentu ingen-  
 tem vaporum tractionem fuisse factam credendum est, qui cōmisti aeri,  
 diuersimodeq; agitati tādē sordidam putrefactionem intulerint, à qua  
 seminaria illa in nos importata fuere, quæ ad sordidos & mucosos humo-  
 res, quale est phlegma crassum & mucosum, haberent analogiam: vnde  
 tandem contagio illa enata est, quæ mox tot mortaliū, tot regiones ma-  
 le affecit, partim quidem aere ipso principia & seminaria imittente, par-  
 tim de vno in alium contagione pertranseunte: ac de origine morbi &  
 principijs eius ita traditū sit. Quod vero & materia eius, ad quā ea princi-  
 pia habuerunt analogiā, sit phlegma sordidum & crassum, vt diximus,  
 manifestissimū esse potest: si n. pustulas inspiciamus, illæ omnes pingues,  
 mucore incredibili manantes fuere, si vero gūmositates, & illæ concreto  
 phlegmate constabant, q̃ si & ad dolores ipsos lacertorum, & illi quidē  
 idem



**A** idem ostendent, erant. n. diuturni, extensiu, noctu affligentes: factis item dissectionibus lentor quidā per neruos & lacertos coextentus cernebatur: quare nemini dubium esse debet materiā eius contagionis esse mucosum phlegma & sordidū. Videntur autem pustulæ ex minus crassā materia originē habuisse, gummositates ex crassissima, dolores vero ex mediā quadā: quippe serpente cōtage per massā sanguinis, & pabulū sibi faciēte in phlegmate, pars quidē, q̄ minus crassā, minusq; segnis erat, extra pellegebat ad cutim, atq; illic sensim concresebat in pustulas, q̄ vero crassior aliquanto fuerat, & minus apta vsq; ad cutim expelli, residebat circa neruos & lacertos, vbi coextenta dolores acerbissimos excitabat, crassissima vero circa partes quasdā coagulabatur, et in gummositates concresebat. Non erat autem prōpta contagēs, vt exciperetur, propter lentorem, in quo sepulta erant seminaria, sed indigebat concalescentia quadam corporum, sic. n. quodāmodo actu fiebant seminaria, & alteri agglutinari poterant, & sese ex analogo sibi pabulo propagare, quod non calefacta facere quidem non poterant, quasi coagulata: propter eandē causā & diu latebat contagēs intra corpus ante, q̄ sese manifeste ostenderet, quoniā segniter serperet propter frigiditatem, & crassitiem materiæ, mox tamen exedebat, & solida etiam carpebat propter acuitatem seminariorū in densa materia, quum actu fiebant, & putrefactio procedebat. Apparebant autem primū vlcuscula circa pudenda, quoniam inde prima origo contagionis initium capiebat in maiori parte ex coitu: erant autē & male morigerata ea vlcera, tum q̄ locus ille per se satis putidus est, tū quia seminarijs hinc inde dispersis iam fiebat, vt parte vna sanescente propter remedia, alia regerminaret. At pustulæ vt plurimū à caluaria occipiebāt, partim quidē, quia pars illa propter sorditiem & crassitiem humoris, ex quo nutritur, quodāmodo analoga est ad contagē, partim q̄ omnis euaporatio sursum fertur, in omni autē putrefactione euaporatio plurima fit. Quibus autem pustulæ aderant multæ, minus dolorum accedebat, q̄ materia multa excerneretur, ac simul signū id esset materiam esse subtiliorem, contra vero, quibus crassior erat, dolores quidem multi insurgebant, ac pustulæ pauciores: materia vero, quæ dolores dabat, non erat in iūcturis ipsis infixā, q̄ crassior esset, q̄ ut penetrare in iūcturas posset, quare super neruis & lacertis maxime residebat: affligebat autem noctu magis, & Sole condente se, quoniam interdiu calor naturalis solet exteriora petere, ad ea, quæ moueri solent, mēbra demandatus à natura ad vigilie opera exercēda, nec non à lumine Solis excitus, quā ob rem fouebat quodāmodo ea membra, & ventositates exoluebat, quæ lacertos & neruos extendebant, et vellicabant, ac simul et materiā concoquebat: noctu ve-

ro introrsum recurrere calor solet, & membra ea deserere, ad quæ per C  
diem demandatur à natura: qua de causa dolores tum excitabantur, & di  
stentiones maiores accrescebant destituta materia à calore fouète, et dis  
soluente ventositates. Annis vero labentibus mutatio quædam eius mor  
bi facta est, quoniam dispositio prima, quæ in aere fuerat, iam cessauerat,  
nec morbus aliam sui propagationem habebat, q̃ è contagione vnus ad  
alterum, propter quod perseverabat: omnis autem contagio quanto ma  
gis abest à principio & prima origine, tanto siccior fit & terrestrior. pro  
pter adustionem, quæ continenter coniungitur: qua de causa primi tem  
poris contagiones quasi ortui & principio propinquæ, sordidiores pin  
guioresq; viscebantur, & pustularum plurimum, minorum vero dolorum,  
quæ vero annis postsequentibus contingere, vtpote adustæ & crassæ ma  
gis, pauciores quidem pustulas, maiores autem dolores dedere: nam & à  
principio, vbi plus erat pustularum, illic minus erat dolorum, vbi minus  
pustularum, plus dolorum cernebatur. Porro & annis hisce vltimis, quasi  
in senio existente contage, & materia facta crassissima, maior adhuc mu  
tatio facta est, nam gūmositates multæ apparent, pustulæ autem paucissi  
mæ, et illæ sicciores, dolores autem ferè nulli, aut longe minores, q̃ mate  
ria propter crassitiem facillime concreseat in gummositates, extra autē  
non facile propellatur ad cutim, vel resideat circa lacertos: q̃ siquid tamē  
ad cutim peruenit, id tenue quoddam phlegma est, quod falsedinem quā D  
dam acquisiuit ex adustione, quare ad radices pilorum latum pabulū eo  
rum absumit, vnde & ipsi mox cadunt, sicuti in porriginē, Alopecia, &  
Achoribus siccis accidit. Fortasse autem & idem fit in hoc morbo nunc,  
quod & in Alphis accidit, in quibus decidunt pili materia quadam alba  
mucilaginosā coextenta ad radices eorum, nam vidimus quosdam, qui  
bus barba deciderat, consimilem quendam sub cute coextentum humo  
rem habuisse: quod facillime potest nunc euenire in euaporatione, & se  
cretionē, quæ fit ab ea materia iam pene vitrea coagulatis vaporibus, vbi  
ad pilorum radices peruenere: quocunque igitur modo id fiat, existimā  
dum est senium iam huius morbi incēpisse, nec longe post futurum, vt  
ne per contagem quidem se propaget, quoniam materia in dies frigidior  
fit, & terrestrior, in qua & seminaria tum pauciora, tum & debiliora in  
dies gignuntur, propter quod nec iam facile concipitur nunc ea cōtagio,  
vti prius solebat: quare & tandem fiet, vt nec sese possit propagare, sed de  
finat, reuersura mox, quum eadē principia, & eadē causæ reuertentur.  
Est autē certis regionibus familiaris contages, vt in Hispana vocata insu  
la, & vicinis alijs, quoniā (vt diximus) ea dispositio, quam ad nos tempo  
ris longitudo attulit, illic connaturalis viget huic morbo gignendo, quē  
admodum



**A**dmodum Elephantia Aegyptus Iudæaq; familiaritatem quandam habent. Quæ igitur principia & causæ fuerint nouæ huius contagionis, & quo consistat, & quam habeat analogiam, & quæ sint eius accidentia, & notæ, per hæc hæctenus determinatum sit.

*De Elephantia.*

*Cap. 13.*

**N**on esse autem Gallicum vocatum morbum eum, qui Elephantia vel Elephantiasis interdum, et Elephas à Græcis appellatur, sufficere quidem ad ostendendū ea possent, quæ Leoniceus vir tantus scripserat: veruntamen, si & nunc quoque pauca quædam eadem de re adijciantur, non inutile fuerit (vt promissimus,) quando posteriorum quidā plus æquò obstinati scriptis mandauere eundem esse morbum Elephantiam & morbum Gallicum, atque eisdem etiam remedijs curari oportere: quod autem eos præcipue decepit, id fuit, q̃ vidētes ipsi antiquos seorsum de Lepra scribere, & seorsum de Elephantia, tum existimantes per Lepræ nomen ab ijs intelligi illud, quod vulgo Lepram vocamus, nesciuerunt, quid nam esset Elephantia, nisi morbus hic, qui mox Gallicus est appellatus. Sed certe hæc monstrant antiquorum scripta parum fuisse cōsiderata ab obstinatoribus hisce hominibus, neq; enim ita est (vti ipsi putant) per Lepram à Græcis eum morbum intelligi, qui vulgo Lepra dicitur, sed aliam quandam longe leuiorem dispositionem, de qua simul cū Psora hoc est Scabie agunt, quæ via quædam est ad Elephantiam, quæ proprie passio illa est, quam non solum vulgus, sed & recentes medici tum Latini, tum Arabes Lepram vocant: Paulus de Lepra agēs vna cum Psora, horum, inquit, morborum vterque summæ cutis asperitas est, cū pruritu & corporis attenuatione, ex melancholico humore ortum habens. Galenus in libello de tumoribus. Sunt autem Psora & Lepra melancholicæ passiones solius cutis, quæ si in venis & carne inualescāt, Cancer nominatur, et Elephas: item quosdam dicit ex Elephantiosis factos fuisse leprosos, ægritudine in melius conuersa. Manifestum igitur esse potest leuiorem multo esse Leprā apud antiquos, quam Elephantiam: quod autem & Elephantia ea proprie sit, quæ vulgo Lepra dicitur, ex his manifestū simul fiet. Nam, vt primum à nostris incipiamus, Plinius libro 26 nouos quosdā ponit morbos Elephantiasim, & Lichenas, quos sine dolore villo, sine vitæ periculo contigisse scribit. Diximus, inquit, Elephatiasim ante Pōpei Magni ætatē non accidisse in Italia, & ipsam à facie sæpius incipientem in nare prima, veluti lenticula, mox inualecente per totū corpus maculosa et varijs coloribus, et inæquali cute, alibi crassa, alibi tenui, dura, ceu scabie aspera, ad postremum vero augescēte intumescētib; digitis.

digitis in pedibus manibusq; Aegypto peculiare hoc malum, et, quum C  
 in Reges incidisset, populis funebre, quippe in balneis solia sanguine tem  
 perabant ad medicandū eam. Quis non videt per hæc non Gallicū mor  
 bum significari, qui dolores vel ingētes afferat, sed vocatā vulgo Leprā,  
 quæ sine dolore accidit, quæ à nare incipit, vt et Paulus, et Auicenna, &  
 alij recentiores tradunt, quā Aegypto familiarem omnes dicunt, & ipse  
 præsertim Galenus, quā demum vnam humano leniri sanguine consue  
 uisse libri omnes pleni sunt? Arabes vero per Elephantīā non plane id  
 intelligūt, quod Græci et Latini, sed tumorem quendā pedum ex humo  
 re melancholico, ceu è varicū genere, quasi speciem eā Lepræ intelligāt,  
 in qua pedes more Elephantum tument: per Leprā autem id accipiūt, qđ  
 et vulgo Lepra dicitur, à Græcis Elephātia: notæ autem Elephantie, et ac  
 cidentia hæc sunt. Oritur primo sine dolore vlllo, sine febre, ac delitet ip  
 sa quoq; certo tempore prius, qđ se prodat: mox prima vt plurimum indi  
 cia dat à nare oborta, parua veluti lenticula subnigra. Cutis deinde varia  
 fit colore, duritia, asperitate, attenuatione, quippe alibi liuida fit, alibi al  
 ba, alibi in atro ruffa, dura hic, illic lenior, alicubi aspera, et squāmōsa, ali  
 cubi crassā, et veluti corium igne induratū. Pustulæ simul per totum cor  
 pus enascuntur duræ, et, vt plurimū, purpurascētes, quæ tractu tempo  
 ris exulcerantur, et pus emittunt, verum non multū, ac siccus, qđ in Sy  
 philide. Circumtumescūt vicina mēbra, et alia contrahuntur, alia exten  
 duntur: propter quod multis excauatur nasus, os vtrinq; contrahitur ver  
 sus aures, oculi rotundantur, et similes satyris (qui pinguntur) fiunt, vnde  
 et Satyriasis etiā is morbus appellari consuevit, quanq̃ fiunt, qui Satyria  
 sim dictū putent propter tentiginem nimīā veneris, quæ eo in morbo cō  
 tingit: tument deinde digiti in pedibus ac manibus, ac pedes similes fiūt  
 Elephantū pedibus, vnde quidam volunt esse Elephantiasim appellatū,  
 quanq̃ Archigenes à magnitudine morbi ita vocatum dicat. Adhæc autē  
 et venulæ, quæ sub lingua sunt, ceu varicosæ fiunt, pruritus adest, et cum  
 eo tentigo veneris vehemens: foetent mox, et tolerari iam non possunt,  
 et multis alba per totum fit cutis, quæ insanabilis habetur. Contagiosus  
 porrò est morbus non contactu solo, sed et fomite, et anhelitu etiā, quāq̃  
 tarde irreat, et sese propaget: in viros autem grassatur magis, qđ in mulie  
 res: quin et eunuchi paucissimi visi sunt eo malo correpti, propter quod  
 et non nullos legimus sese castrauisse, ne eo tentarentur. Nationum ve  
 ro aliæ familiarem habent, vt Aegyptus, et Iudea, aliæ vix nouere: sim  
 pliciter autem extreme calidæ, et frigidæ regiones eam labem sentiunt  
 magis, qđ mediæ, vt Aetius autoritate Archigenis refert, propter quod  
 Germani, et Scythæ, et Aegyptii, et Arabes maxime illi obnoxij sunt,  
 (quanq̃



A. (quanq̃ Galenus contradicere videtur Archigeni, qui Germanos, et Scythas carere hoc morbo dicit) Itali vero & Græci minus: & certe semper apud nos visus raro fuit is morbus, q̃q̃ per ciuitates domus, quæ Hospitalia vocantur, & suppellectiles sumptibus publicis paratæ structæque videantur Elephantiacis suscipiendis: verum, quos ego hætenus vidi, nemo quidem, aut pauci è susceptis Elephantiaci mihi visi sunt, sed leprosi solum, aut impetigine quadam fera detenti. atq; hæc fere signa sunt, quæ in Elephantia videri solent. Ex quibus vnusquisque videre potest longe alium esse morbum, qui Gallicus appellatur, qui non in melancholico humore sedem habet, sed in phlegmate sordido, qui non fomite afficit, nõ anhelitu, in quo tentigo in Venerem omnis abest, dolores autẽ vel acerbissimi adsunt. Quoniam autem & hic contagiosus est morbus, manifestum est includere ipsum seminaria contagionis, sicuti et alios: eorum vero analogia non ad mucosam & sordidam pituitam est, quemadmodũ vocati Gallici, sed ad humorem melancholicum magis, quod pustulæ ipse maxime monstrant, duræ, siccæ, purpureæ, tum & cutis durities, & in æqualitas: quod & omnes quoque, qui eo de morbo scripsere, attestantur, vt dictum est. Elephantiosos, inquit Galenus, eodem modo curabis, sicuti & Cancrum, ex eadem. n. materia sunt: in libello de Tumoribus, passio est Elephas propriam habens generationem in melancholico sanguine, tractu vero temporis nigra cholera fit: ea de causâ pustulæ sicciore sunt, vlcera vero minus mucosa, habent tamen sorditiem suam, quoniã putrefactio omnis per se sordida est: viros autem magis, q̃ mulieres, tangit hæc contagio, q̃ melancholici sanguinis plus habent viri. Sed cur frigida regiones, & Germani, & Scythæ magis ea tenentur, q̃ Itali, & Græci, humidiores existẽtes? causa est (vt mihi videtur) quod ij sanguine multo abundant, & eo quidem pingui, & vnctuosos, quare multa in eo exhalatio fit, quæ cum ad cutim peruenit, ob densitatem eius, & frigiditatem regionis nõ euaporat tota, sed solum, quod tenuius est, crassius vero sub cute coit, atque illic exurit, quod facile fit propter vnctuositatem: unde non transpirans putrescit, & labem hanc gignit, cuius seminaria analogiam habent ad partes sanguinis crassiores, & melancholicas vnctuosas: propter quod & porcorum carnes maxime aptæ sunt ad Elephantias inducendas, ex ijs enim multus fit sanguis exuri idoneus. Quod vero Galenus scribit, non est, q̃ regiones comparet nisi in victu, cuius causa Aegyptus familiarem habet eam labem, Germani vero, & Scythæ minus ex hac causa, Scythæ autẽ minime propter lactis vsum: qui vero in calidis regionibus degunt, crassum quidem & ipsi sanguinem habent, & densam cutẽ, sed alia de causa, quare & ipsis maxime exurit sub cute sanguis,

& putrescit: medijs autem in regionibus temperatior est sanguis, & bene transpirabilis caro. Mulieres vero, & Eunuchi, qui mulieribus similes sunt, propter frigiditatem sanguinis & aquositatem minus eo tenentur morbo. Dolores vero non excitat Elephantia, nec convulsiones, uti in Gallico morbo spectantur, quoniam in sicco magis consistit, & materia, si qua est, non residet circa nervos & lacertos, sed circa summa consistit magis, propter quod nec febrem facit. Quærat autem fortasse quis, cur furorem non faciat hæc passio, nec amentiam, quum in melancholia exulta consistat: càm inde esse censendum est, quod in furore, & amentia exultio præcipue circa cor & cerebrum versatur, in Elephantia autem circa cutim magis: quod si sanguis forte & introrsum vratur, non ita tamē exurit, ut furorem faciat natura semper ad summa pellente, quod vitia tur. Tument autem membra, quoniam materia multa sub cute collecta calefit non transpirans, & coextenditur: porro & nutrimentum in ijs locis non plane concoctum, sed vitiosum in tumorem concrevit. Pruritus vero fit propter acrimoniam adustionis, propter pruritum autem tentigo circa genitalia, ad quod non parum facit natura melancholicæ, quæ spiritiosa maxime est, ut Aristoteles docet. A facie vero id malum incipit, quoniam exhalatio omnis facillime sursum fertur, præsertim ad faciem, ad quam venulæ multæ terminantur, quæ & spongiosa est, unde & aliæ multæ infectiones faciem præcipue tentant, ut Ionthi, & id genus. Tarda vero est ea contagio, quoniam in humore crasso consistit. Cur autem fomitem ipsa relinquat, Gallicus autem morbus non, quum lentore maiori abundet, dubitationem habet: dicendum seminaria in Gallico morbo propter lentorem & frigiditatem statim coagulari, & aut non agglutinari in fomite, aut, si agglutinantur, non inficere alium frigida et coagulata existentia, nisi valde calefiant: propter quod visi quidam sunt, qui in linteis, ubi dormierant Gallico morbo sordidissime exulcerato affecti, conceperint infectionem: cæterum fomitem non relinquit ut plurimum ea contages: quæ autem in Elephantia sunt seminaria, calidiora multo existunt, utpote in adustione quadam constituta, propter quod non coagulantur: lentorem autem habent tantum, quantus sufficit, ut in fomite agglutinetur. Fit porro Elephantiasis aliquando quidem per se in aliquibus, & primo, in quibus melancholicus est sanguis, & multus, & vntuosus, & cutis densior: quandoque ab alio concipitur, in quibus non necesse est sanguinem esse per se male affectum, sed male afficitur à seminarijs contagionis, corruptentibus crassam & siccam sanguinis partem, ad quam habent analogiam. Atque ita se habet Elephantiasis passio, quæ vulgo Lepra dicitur.



A *De Lepra proprie dicta, & Scabie.*

Cap. 14.

**L**epra vero ita ab antiquis vocata in duobus præcipue differt ab Elephantia, loco, & materia: quippe profundius agitur Elephantia, quam & ipsa circa summa versatur, Lepra vero in superficie magis est: materia porro Elephantie crassior esse videtur, & exusta etiam num magis, propter quod profundatur magis, utraq; tamen ex melancholico humore fit: nihil autem prohibet & in utraque interdum coniungi aliquid falsæ pituitæ, vñ fit, ut nec Elephantia, nec Lepra vno semper visantur modo: quod si diuturnior fiat Lepra, & tractu temporis malignior, tum in Elephantiam transit. Sunt autem in Lepra sue pustulæ, atque interdum crebræ, cæterum sicciore, quam in Elephantia, & squammantes magis, quæ exedentes: pruritus quoque plurimum infestat, macies corpus tenet, & ut vno verbo dicatur, delicatior quædam Elephantiasis Lepra est. Oritur autem ut plurimum primo in nobis vitio humorum, & complexionis, & regiminis, nihil autem prohibet & contagione ab alio concipi: contrahitur autem & à natiuitate; sicuti & Elephantia. Psora autem, quam nostri Scabiem uocant, leuior adhuc dispositio est, quam Lepra, transiens & ipsa in Lepram, sicuti Lepra in Elephantiam, quam grauior utraq; fit: videntur autem Græci per Psoræ nomen tantum eam scabiei speciem significare, quæ sicciore est, & melancholiæ non nihil sapit, quare contractius psoram capiunt, quam nos scabiem.

*De distinctione infectionum cutanearum.*

Cap. 15.

**Q**uoniam autem infectionum, quæ cutim carpunt, multæ sunt species, & multa nomina, sed confusa satis, bene erit de ijs cursum pauca quædam notasse, ut cognoscamus, quomodo inter se differant, & quæ contagiosæ sint, & quæ non.

Ergo si cholera sit, quæ ad cutim propellitur, uel illic aliter clauditur, si quidem non putrescat, tum Erysipelas uocatum facit, pustulam scilicet unam, aut plures cum rubore, caloreque multo, non nunquam & cum febre, interdum quidem in facie facta, interdum & in alijs partibus: grauior autem multo est, quæ faciem carpit, nam sæpe è parua pustula accedit circumstantes partes, & faciem totam adeo inflammari, ut & oculi aperiri non possint, & labia præ tumore deformia reddantur, quod fit communicata acrimonia ad circumiacentes partes: moderni Guttam rubeam appellant. Si ergo cholera imputrescens inflammata & accensa sit, Erysipelas hoc ferè facit, si uero inflammata non fuerit, alia Erysipelata ædit, quæ, è purâ si sint cholera, simpliciter dicuntur Erysipelata,

KK ij si uero

fi vero non è pura sint cholera, sed commista, non simpliciter dicuntur, C  
 sed cum adiectione commisti humoris, vel abscessus ab humore appella  
 ti: si quidē enim sanguini sit admista, ἐρυσσιπέλας φλεγμονώδης vocatur,  
 si pituita, ἐρυσσιπέλας οἰδηματώδης, si melancholia, ἐρυσσιπέλας σκιρρά-  
 δης prædominante semper cholera: verum in hoc Scyrrhode, si inflama-  
 ta, & accensa sit cholera, pustulam illam facit, quæ ἐπινυκτίς vocatur, q  
 sæpissime noctu enascatur: Arabes Eflere appellat: ita ergo se habet cho-  
 lera, quæ non putrescit. Quod si putrescat iam, & sub cute pustulas faciat  
 tum vocatos ἐρπυλλας, hoc est serpentes pustulas gignit: quippe stabile est  
 Erysipelas, & vrit magis, ac squammas & crustulas inducit: serpit autem  
 Herpes vocatus modo sede priori relicta ad alias partes transferentibus  
 sese pustulis, modo & in priori loco manentibus, et vicina pabulantibus.  
 Cuius serpiginis quum rationem multum considerassem, non in aliam  
 certe causam reducere potui, q̃ in putrefactionem subtilem humoris: nā  
 q non alia sit differentia Herpetis ab Erysipelate, q̃ subtilitas materie, du-  
 rum quidem videtur, quando & Herpes ille, qui ἐδιώμενος dicitur, crassæ  
 satis materie est, cuius causa etiam ex est, & ille etiam, qui κεγχρία voca-  
 tur: quid præterea prohibeat, ne cholera, quæ Erysipelas facit, in latus e-  
 xedat, et pabuletur, si serpigo acuitatem sequitur, quando cholera illa  
 acutissima est? quare verisimilius videtur in putrefactione quadam con-  
 sistere, quæ Herpetes facit, cholera: signum cuius est, q̃ fordidiore videā D  
 tur semper Herpetes, q̃ Erysipelata: item & siccioribus indigent ad cura-  
 tionem, quum Erysipelas indigeat humidioribus: porro quæ in putrefa-  
 ctione sunt, promptissime in vicinū infectionem consimilem transferūt,  
 præsertim q̃ cutem non exurentes Herpetes in latus magis pabulantur:  
 sæpe igitur in parte prius infecta exhalat materia, quæ putrescit infectio-  
 ne ad vicinum communicata, sæpe vtraque pars pabulo quodam infici-  
 tur. Ergo si putrescat cholera, sit autem in superficie, tum simplex Her-  
 pes sit, qui serpit tantum, non autem exest, at si profundior fuerit, nō ser-  
 pit solum, sed etiam exest, vnde non simplex sit Herpes, sed ἐρως ἐδιώμε-  
 νος, hoc est depascens vocatus, atq; hic à crassiori cholera fit, ille à tenuio-  
 ri. Porro si hic, qui Esthiomenus dicitur, à cholera accensa & inflamma-  
 ta fiat, Herpes ille fit, qui vulgo Ignis syluaticus appellatur, si vero non  
 accensa sit cholera, Esthiomeni simplices fiunt: atque hi quidem Herpe-  
 tes à cholera fiunt pura: q̃ si nō pura sit, sed mista tenui pituita, putrescat  
 autem, Herpetem illum gignit, qui κεγχρία, hoc est Miliaris appellatur,  
 q̃ pustulæ similes sint granis Milij. Atque ita se habent Herpetes, quos  
 Celsus per Ignem sacrum intelligit, non enim, vt quidam volunt, per  
 Ignem sacrum intelligitur ab eo Erysipelas, siquidem de Igne sacro scor-  
 sum



A sum, et de Erysipellate agit.

Si vero sanguis fuerit, qui in cutim influit, interdum quidem pustulosos abscessus facit, interdum maiores etiam quàm Erysipelas sit, quos phlegmonas vocant: rubent enim cum calore, & dolore, ac febre etiam ut plurimum: sicut autem sanguis quandoque purus est, quandoque mistus, quod plurimum sit, ita & Phlegmon alius simpliciter dicitur, alius cum adiectione nominis admisti humoris: si enim illi cholera admisceatur, Phlegmon sit Erysipelatodes, si vero pituita, Phlegmon dicitur Edematodes, si melancholia, Phlegmon Scyrrhodes dominante semper sanguine: species autem phlegmonis sunt *δοθινὴ, φῦμα, φύγελλον*: Dotienem nos Furunculum vocamus, abscessum in acutum tendentem cum inflammatione, rubore, & dolore, cui non nihil cholerae admistum est: Phyma vero Furunculo simile pene est, sed planius est, et rotundius, vulgus improprie Carbonem vocat, multum differens ab eo, qui proprie Carbunculus dicitur. Fit autem Phyma è sanguine subadusto, crassiore, quàm qui Furunculum facit: Phigethlon vero est, quod nostri Panem vocant ob similitudinem, alij et Bubonem: quantum sunt, qui Bubonem appellant, qui in carnibus laxis sit, Phigethlō vero, qui in nervosioribus: fit autem hic vel è puro sanguine, vel misto tenui pituita. Si vero simul inflammatus sit sanguis, ac putrescat, tum Bubones pestilentes facit, quos Auicenna Althoin vocat: quod si subtilis admodum sanguis sit, influat autem in summam cutem, pustulosos abscessus facit: si igitur non inflammatus quidem sit, calefactus tamen, ut quasi ferueat, tum Exanthemata vocata facit, quas Plinius eruptiones papularum vocat: vulgus suserfuras à feruore, ut arbitror, dictas: pustulae sunt vix cutim excedentes, rubrae, confertae inuicem, pueris praecipue familiares, quum supercalescunt: sunt autem duum generum, quaedam sicciore, & rubicundiores, quas Auicenna Plátam notis appellat, quaedam vero in rubore albicantes tenui pituita commista sanguini, quae Graeci *ιδρωα* vocant, nostri Sudamina, Auicenna Desudationes: quod si crassior aliquantisper sit sanguis, ac simul putrescat, non autem inflammatus, tum, si tenui cholerae commistus sit, vocatos Morbillos facit, si tenui pituita, Variolas, quae duo *ἐξανθήματα* etiamnum à Graecis vocantur,

At, si pituita fuerit, quae in cute tumores facit, si quidem humidum suum feruat, nec à calore fuit exiccata, nec à frigore concreta, tum molles facit tumores, quae *οιδήματα* vocantur, quidam tumores simpliciter transferunt, simplici nimis (ut mihi videtur) vocabulo: Arabes vndimiam vocat. Quod si pituita aut calore, aut frigore indurata fuit, vocatos Scyrrhos facit, è quibus sunt Strumae, quas *χοιράδες* Graeci vocant, & Nodi, quos

quos γαγγλία, & id genus glandulæ, & gummositates reliquæ: tum C  
& Verrucæ, quæ Porra uulgo appellamus, quæ, si basi latiore sint, μυρ-  
μηκία uocantur, quasi formicantes, quòd punções in ijs fiant, quasi  
formicarum: si uero sint basi tenuiore, ac ueluti suspensæ, ἀκροχορδῶνες  
nuncupantur. Auicenna uero Myrmecia confundit cum Herpete, &  
in Herpete curam ponit, quam Galenus Myrmecijs tradit, errore pe-  
riculoso, nisi capitulis diuersis addita sint uni, quæ alterius sunt. Sunt  
præterea ex hoc genere callositates quædā, quarum alij proprie Calli à  
nobis dicuntur, à Græcis ῥύλοι, tum & uocati Clauī, κλοι à Græcis di-  
cti. E pituita quoque & aliæ pustulæ fiunt, quales ἰόνθοι, qui à latinis  
Vari, uulgo Colsi uocantur, qui præsertim oriuntur in facie: sunt &  
φλυκταῖναι, quas Auicenna nomine uesticarum comprehendit: bullæ  
sunt non dissimiles ijs, quas excitat aqua feruens, quibus tenuis subest  
pituita: proxima ijs sunt ψυδράκια uocata, Phlyctænis paulo duriora,  
quibus cum pituita tenuis subest melancholia, Phlyctænæ uero è sim-  
pliciori sunt pituita paululum inflammata, unde & in bullam surgit: por-  
rò è pituita falsa fiunt uocatæ à uulgo Volaticæ: Celsus Papulas uocat,  
Græci λειχήνας: quanquam sunt, qui Lychenas transferant Impetigi-  
nem, quod non recte fieri arbitror: quòd autem, quas nos Volaticas di-  
cimus, Celfo papulæ sint, manifestum est, si materiam, si modum D  
serpendi, qui ab ipso traditur, respiciamus: sunt autem duorum gene-  
rum, alterum, quod fit è tenui pituita, & falsa per summam cutem ser-  
pente in orbem, quod passim nomine Volaticæ monstratur, alterum,  
cui parum melancholiæ adiungitur, & profundius aliquanto serpit, &  
non præcise in orbem, quod sæpe in impetiginem uertitur: nec me la-  
tet Lichenis nomen à Græcis interdum latius capi pro scædiori cutis ha-  
bitu, unde & poeta sordidos appellat Lichenas, & Plinius ipse etiam  
nouum morbum Pompei ætate uisum Lichenas uocauit, sicuti &  
Mentagram: quæ omnia ex falsa pituita fiunt putrescente, cui quid-  
dam melancholiæ permistum est, propter quod sordida putrefactio fit.  
Gignitur præterea & Scabies è falsa pituita, cui nomen commune non  
proprie inuenio apud Græcos, quando ψώρα aut illam significat apud  
ipso, quæ apud nos impetigo dicitur, melancholica passio, & uia ad  
lepram, aut si scabiem notat, illam certe speciem tantum importat,  
quæ sicca dicitur scabies: quare de scabie uidentur aut non egisse Græ-  
ci communi nomine, aut de ea non egisse, nisi forte sub pruritus capi-  
te comprehenderint. Sunt autem & aliæ quædam è pituita passiones  
ἀχῶρ, & ἀλωπεκία, & σίφηλις: Achores autē nos uulgo appellamus La-  
tume, Plinius Ulcera capitis manantia transfert, Arabes Saphati appel-  
lant



**A**tant: crustosæ sunt, & fordida infectiones in capite, puerorum præsertim, natæ, de quibus nec multa dicenda sunt.

Si uero humor, qui in cute tumorem facit, melancholicus sit, si quidem nec inflammatus fuerit, nec putrescat, Scirrhus melancholicus facit, alios quidem maiores, alios minores, & pustulosos solum: si autem inflammatus sit, & accensus, non autem putrescat, Cancer uocatum facit: si uero putrescat quidem, non autem inflammatus sit, tum Pforam & Lepram gignit, et Elephantiam non dum feram, at si inflammatus simul sit, et putrescat Elephantiam feram facit, cum iam horribiles aspectu sunt, similiter et Carbunculum, quem Anthracé uocant, generat. Impetigo porro à nobis uocata non alia esse apud græcos uidetur mihi, quàm Pfora et Lepra, quæ secundum magis et minus illas quatuor species facit, quæ à Celso traduntur: ex quibus patet Impetiginem non esse Lichenas, ut multi uertunt, sed eam magis, quam supra uocauimus Volaticam, Lichenas esse: hæc enim a

phlegmate falso, Impetigo autem è melancholico humore magis fit. Ac de cutis infectionibus ita per transcursum determinatum à nobis sit, è quibus

contagiosæ sunt Bubo pestilens, et exanthemata illa, quas Ferfas et Variolas

**B** uocamus, et Strumæ quædam

ulceratæ, et Lichenes nō

nulli, et Scabies, et

Elephantia, et

Achores,

et Alo

pecia, et Syphilis, et Mentagra, et

si quæ aliæ sunt, in quibus

putrefactio fordi-

da fiat.

HIERONYMI FRACASTORII  
DE CONTAGIOSORVM MORBORVM  
CVRATIONE LIBER III.

*Quòd peculiaris curatio debeatúr contagiosis morbis. Cap. I.*



**H**ACTENVS ergo de contagione, quid esset, et quibus principijs & causis fieret, & quæ essent differètiæ eius omnes, in vniuersum quidem libro primo percurrimus, mox de contagiosis morbis, aut omnibus, aut maxime notis, qui essent, & quibus è causis penderent, & quomodo inter se differrent libro secundo disseruimus. Superest iam, vt de curatione omnium contagionum agamus methodo primum (vt par est) generali & communi, mox & propria cuique morbo: de quo quidem in primis ambigat fortasse aliquis, vtrum aliquam peculiarem et propriam curationem habeant contagiosi morbi ab alijs, et an tradita sit à maioribus nostris: mirum enim videri potest, si aliqua in his erat peculiaris methodus, prætermisam ab illis fuisse. At certe, si recte tradita sunt, quæ supra determinata fuere de contagione, propria quædam & determinata curatio debetur contagiosis morbis, quatenus contagiosi sunt, quando diximus eos & principio longe differre ab alijs, & modo materiæ, & putrefactionis, ac postremo et accidentibus ipsis, quibus omnibus sua animaduersionis, et sua curatio debetur: nam si quispiam recte se habens tum circa humores proprios, tum et circa complexionem, et alia, phthisim tamen ab alio per contagionem concipiat, plurimum profecto refert, si per initia aduoceris, & seminaria eius contagionis per ea extinguas, quæ dicemus, ijs enim interemptis nihil præterea procedet morbus: similiter & in Rabie se habet, & in Syphilide, et Scabie, & aliis: quinimo & in processu quoque si ad communia remedia te conuertas, Catarrhum in Phthisi expurges, materiam concoquas, nihil tamen operabere, nisi perpetuo ad seminaria animum, & curationem aduertas: porro & in febribus, quæ pestilentes dicuntur, cur non ijs remedijs vtimur, quibus in aliis solemus? cur protinus omnes clamant putrefactioni resistendum esse, nec quidem obstructions aperiendo, non plenitudinem euacuando, sed propria quædam inquirendo, quæ obsistant putrefactioni? quippe certus in his est putredinis modus, qui propriam animaduersionem poscit. Videntur igitur maiores nostri curationes quarundam contagionum tradidisse quatum  
ad



**A**d quædam remedia, verum omnia illa non ad contagionem, quatenus contagio est, destinata fuisse, sed aut fortuna quadam inuenta, aut ex similitudine ad alia, ut uenena, & similia: quæ res certior fiet per ea, quæ circa vnumquenq; morbum dicentur: quod iam aggrediamur, ab vniuersali methodo & forma initium capientes.

Quoniam autem duplex est medendi ratio, altera, quæ præseruat, altera, quæ liberat, nos breuitatis gratia de ea, quæ liberat, inquisitionem faciemus, illud pollicentes, quod hac recte perspecta vnusquisq; uiam habere poterit quam facillimam ad eam quoq; quæ præseruat. Qui igitur contagiones curare uolet, ad hæc aduertat necesse est: primum videat, quæ nam contagio sit, utrum earum, quæ extrinsecus veniunt, & an ab aere, an ab alio sit concepta, an earum sit, quæ in nobis primo fiunt: & utrum contactu solo afficiat, an & fomite, vel & ad distans feratur: tum perpendat, qualis sit, num acuta, an segnis, & quo in humore sedem habeat, & analogiam: nec non & quantum processit, si in principio sit, an plurimum sit progressa: & quibus in locis præcipue sit, intra ne tota, an extra tota, an vbiq; & an solida occuparit, an per summa tantum erret: & vtrum velociter & large serpat, an tarde & anguste: & vt summatim dicamus, differentię omnes contagionum ante oculos habendę sunt.

**B** *De intentione, quæ habetur ad principia.*

Cap. 2.

**H**is animaduersis tria principaliter esse scito, ad quæ intentio omnis dirigenda est: primum quidem principia, à quibus initium & originem putrefactio habet, secundum est materia, quæ in via est, vt inficiatur, & iam coepit, tertium materia, quæ iam corrupta est, nec amplius restitui potest: ac principia quidem quandoq; (vt diximus) communia sunt cum alijs morbis, qui in putrefactione consistunt, quandoq; propria contagiosis: communia quidem sunt plenitudo, obstructio, malitia humorum, & alia id genus, propria vero sunt seminaria ipsa cõtågionũ: nihil enim prohibet aliquem plane sanũ existentem, & mensurate in humoribus & alijs se habentem, contagionem tamen ex alio contrahere. Ergo, si communia ad sint principia, nihil aliud nobis dicendum agendumue sit, nisi quæ medici iubent agenda, quum plenitudines, obstructiones, & alia eiusmodi adsunt: vbi vero ea adsunt, quæ propria sunt contagionibus, principia, tum magna cura & diligentia opus est, protinus enim, si seminaria ipsa aut enecare, aut educere possis, aut frangere, morbus præterea non vltra protenditur: quare maxime initia perpende, si potes ijs adesse: quod si non possis, scito tamen per totum morbi proces-

*Fracastorij.*

L L

sum

sum continenter curam ad seminaria adhibendā esse, ad quę multiplex C  
ingenium est, & nunc vno modo ad illa, nunc alio agendum: possunt autem illa aut extinguī, & vt dicitur, enecari, aut educi, aut frangi & alterari, aut repelli: his autem vti non semper omnibus datur, nec conuenit, sed modo vno, modo alio, modo plurib<sup>9</sup> agere licet, vt & res, & occasio, & reliqua poscunt. Ergo extinguunt, & interimunt, & quę calidissima sunt, & quę frigidissima, maxime autem, quę vrentia dicuntur, aut vicina vrentibus, siue per ignem facere velis, siue per ea, quę Caustica vocantur: extinguuntur quidem ab ijs seminaria ita, vt ijs interemptis & totus simul interimatur, qui imminet, morbus, nihil enim remanet, quod præterea sobolem gignat: nam ignis quidem vis, tametsi locum exurit, vltra tamen non aliud nocumentum relinquit, quod vel ad priorem labem attineat, vel apportet nouam peiorem: quare, vbi auxilium hoc adhiberi potest, & debet, nullum præsentius est: porro extinguit, & frigidissima, vt frigida potus, de quo suo loco dicemus, et ablutiones etiam, quod maxime valet ad ea seminaria, quę in fomitibus continentur.

Sequens ad ea ingenium est euacuatio, quod certe difficulter admodū fieri potest, quoniam hinc inde dispersa sint seminaria hæc, & per se educi non satis commode possint: nihil tamē prohibet cum humoribus, quibus agglutinata sunt, simul & ipsa quoq; educi, verum non nisi vi multa fit. Modi autem euacuandi præcipui sunt pharmaca, quę aluum mouēt, D  
& quę sudorem cient, et vrinam, et alia, de quibus circa particularia rursus dicemus, vt cucurbitula, & phlebothomia, & reliqua.

Quę vero frangunt, & alterant seminaria, ea sunt, quę antipathiam habent materiale, hoc est per qualitates notas contraria sunt: quoniam enim diximus seminaria hæc acrimoniam quandam habere, tum et in lēto quodam consistere, acrimoniam quidem frigidis frangemus, lento rem vero siccis potentia: exiccant autem alia per qualitatem ipsam, quę est siccitas, quę quidem parua actionis in tota natura est, alia per caliditatem, alia imbibitione, vt pulueres, et farina, et id genus, alia modis omnibus, vt sal: quorum omnium interdum quidem vnum, interdū aliud magis conueniens est: quare et abundare oportet, vt eligere possimus, quę magis cōducunt. Repellunt autem, quę proprie spiritualem antipathiā habent aduersus seminaria: diximus enim in natura dissensum hunc rerū esse, vt sese mutuo non nulla pellant: quare sicut & venena, et seminaria contagionum antipathiam habent ad animam, & naturalem calorem, ita & quædam alia sunt, quę vti antidota quædam antipathiam quoque & ad venena, & ad seminaria ipsa habent, et ea repellunt: fortasse autem & eadem obtundunt alio modo: nam, quoniā species tum veneni, tum  
contagio-



**A** contagionis ad animam vti inamabilis, et ingrata fertur, & tristitiam ingerit, ita species eorum, quæ antidota sunt, vti grata, & læta recipitur, quæ causa obtundi passio prior à veneno, et contagio illata, et vigoratur anima: quod in fœtore omni fieri manifestum est, vbi per odorata recreari nos sentimus. Quòd igitur in contagionibus antipathia hæc versetur, quæ recreet per odorem, manifestum est: vtrum autem & illa quoque adsit, quæ repellat, et si non ita manifestum est, rationabile est tamen, & in venenis manifestissimum, constat enim assumptis quibusdam antidotis vim omnem veneni subito tolli, quod non alia facultate fieri posse videtur, quam per spirituales speciem, quæ præcipue repellat venenum, tam & si per materiales etiam qualitates operetur antidotum. Constat quoque rusticos quosdam, quum forte secarent herbas, demorsos fuisse à Vipera, ac repente inflatos, apposita autem Tormentilla vocata herba supra locum statim liberatos fuisse. Nos quoque mirum quiddam vidimus in bolo armenio: villicus enim quidam noster, quum à me forte perficisceretur in forum, inter eundem sensit se in collo pungi, nesciēs, quæ re contigisset: statim autem facto tumore ingenti, et stragulatione quadam ad me reuersus, nec quicquam loquens, sed solum digito locum monstrans prostravit sese super capsa, mugies quasi moriturus: ego bestiam aliquam venenosam ratus, qui neque Carbunculi signa vlla vidissem, nec alterius eorum, quæ oriri in nobis solent, bolum armenium propinaui cum aceto, vt forte excellens apud me erat bolus: quo assumpto confestim, et quodā quasi miraculo detumuit locus, ac surgens ille, et loquens, hoc me, inquit, à morte liberauit, putare autem se araneū pupugisse, qui decidisset in collum. Hęc ergo, et similia à maiori quadam venenire, quàm à notis qualitatibus censendum est: quod & circa malignas, et venenis similes contagiones cōtingere par est existimare, in quibus suæ quoque antipathiæ sint, vt de eodem bolo armenio traditur, per quem in magna illa pestilentia, quæ adeo Athenas vexauit, tot præseruatos legimus. Scordium quoque cognitum ferunt tam mire præseruare à putrefactione, quum cadauera, quæ super ipsa iacuerant, inuenta fuissent incorrupta: quantum porro et Balsamum, et Myrrha, et Aloe, et Cedrus, et id genus à putrefactione conseruent, notissimum est in cadaueribus Regum: quare et circa contagiones eiusmodi esse antipathiam nemo inficiari debet. Quæ autem illa sint, quibus data sit tanta facultas, statim dicemus: vtrum autē antipathia hæc sit in ea qualitate, in qua et odor versatur, an alia, incertum est homini. Atque hæc quidem remedia sunt, quibus vti aduersus seminaria possumus.

**A** Deam vero materiam, quæ nondum corrupta est, in periculo autem iam agitur, vna quidem generalis intentio est prohibere tum causas putrefactionis, tum iam inducti affectus principium, quod & alijs etiam morbis, qui in putrefactione consistunt, commune est: modus autem non est communis, sicuti nec causæ, nec ratio putrefactionis communis est his, & alijs morbis: quippe in alijs præcipue causæ sunt plenitudo, obstructio, & humorum malitia, in his autem nulla horum necessaria per se sunt, sed quodammodo accidunt, aut concausæ solum sunt, non autem per se principia: igitur si hæ concausæ contagionibus coniunctæ sunt, negligendæ quidem non sunt, sed, prout conuenit, tractandæ, & tollendæ: quæ autem propria, & per se consideratio & intentio ad materiam periclitatē vertitur, illa est, vt omni ingenio obstitas putrefactioni, quæ inducit: ac, quomodo seminarijs, à quibus pendet, te opponas, dictum est, quid autem circa materiam ipsam agas, nunc dicendum.

Quoniam autem in putrefactione omni dissolutio quædam mistionis fit euaporante innato calido & humido, euaporant autem hæc remollitis ab humiditate partibus, & sublatis ab extranea caliditate, manifestū est q̄ ad hæc ob sistere necesse est, primum quidem remittendo eam, quæ inducitur extranea caliditas, deinde exiccando, quæ remollit partes, humiditatem, ac demum prohibendo dissolutionem mistionis: prohibent autem præcipue resinosa, non solum quòd exiccent, sed quòd constare materiam faciant glutino ipso: prohibent autem & intermisti pulueres quidam, imputrescibiles ipsi existētes, subtilissime igitur diuisi, & interiecti inter partes, materiæ partim alterantis actionē impediunt interpositi ipsi, partim materiam continent, ne dissoluatur, nexu quodam, simili modo, quo arena immista calci tenacem nexum operatur, & aque farina: penetrant enim humida minima in tenuissimos vocatos poros siccorum, vnde separari non possunt propter vacuum, nullo existente alio, quod subingrediatur, quod maxime ad fortitudinem mistionis valet. Non negligenda autem est, nec parui facienda minimorum intermistorum actio: quis putaret in multo lacte interposito pauco coagulo, aut tenui puluere plumæ floris cynaræ coagulari lac totum? quis crederet in magno ahenō ebulliēte saccarum, ac præ feruore iam erumpens, sisti tamen, & constare, ac deponere eruptionem & tumorem omnem imposito paucissimo butyro? quod vero attinet ad putrefactionem non ne videmus conseruari vina in magnis dolijs intermisto pauco alumine, quæ alioqui citissime putrescant? quare nec mirum esse debet, si & eas, quæ in nobis.



**A** nobis fiunt, putrefactiones per interpositos pulueres quosdā phibeamus. Atq; hæc quidem ad materiā, quæ iam periclitatur, idonea remedia sunt.

Ad eam vero materiā, quæ iam corrupta est, et restitui non potest, vna intentio est remouendi eam è corpore, quod aut pharmacjs fit, quū scilicet materia introrsum est, aut incisionibus, vel dissolutiuis, quum est extrorsum: habet autem et hæc digestiones suas à medico præparandas, non eas quidem, quæ ad benignum restitunt, sed eas, quæ euacuationem faciliorem reddunt: de quibus omnibus in particularibus morbis distinctius agemus, nunc enim generales magis percurrimus: quoniā autem remedijs abundare oportet in contagionibus, et modo vno, modo alio vti necesse est, bene erit plura enumerare eorum, quæ in contagionibus valent, vt eligere possimus, quæ idonea magis sint.

Vrentia ergo sunt viride æris, auripigmentum, chalcitis, chalcanthum, et quod Sublimatum vocatur, et quod præcipitatum, et vocata ruptoria, et id genus: vicina vero vrentibus sunt sal gemma, nitrum, et sal, et aceti fex usta, et alumen, et cinis ficus, et sterus columbinum, et vatrachium, et clematis, et thapsia, et euphorbium, et pyretrum, et calx, et hermodactyli, et vnguētum ægyptiacum, et trochisci Andronis, et diachalcitis, et eiusmodi. Resinæ vero, quæ et abstergunt, et exiccant, et materiā constantem faciunt, sunt terebinthina, laricina, abietina, cædria, thus, mastix, galbanum, myrrha, styrax vtraq; gummi, laser, et reliquæ.

**B** Quæ vero tum in pulueres redigi possunt, tum decoqui, calida quidē et sicca sunt aspalathus, cupressus, iuniperus, cedrus, xilobalsamum, citrus, cedrus, agnus castus, guaiacum, agalochum, scordiū, chamædrys, dictamnū tum nostrum, tum creticum pentaphyllō, heptaphyllon, et phu, et verberna, et thlaspi, et vocata scabiosa, et cardo benedictus, quem Theophrastus alteram speciem Cnici agrestis facit, tum et Gentiana, et aristolochia, et Smyrnum: item aromatica casia, cinnamomū, calamus aromaticus, iuncus odoratus, macer, nux muscata, zedoaria, doricu, malanga, iris.

Frigida vero & sicca sūt margarite, coralli, succinū, saphiri, hiacynthi, & in magno pretio habitus smaragdus, tū terra lēnia, & bolus armenius, & samia, & sandali, & vocata bistorta, forte bulapathon, & lapathi genera omnia, præcipue oxalis, & trifolium omne, maxime quod odoratum dicitur, & confimilis herba, quæ vulgo gallica appellatur, forte onobrychis, nec non & cicorium, & cicerbita, & nymphæa, & tamarindi, & cornu cerui, & os cordis eius, & cornu monocerotis, & rosæ, & earum semina, & citria, & è liquidis acetum, & omphacium, & vinum oxyacanthinum. Ex antidotis vero sunt theriaca, & mitridatum, & trochisci de viperis,

de viperis, et diamuscum, et diambra, et cyphi, et saccharum rosaceum, C  
& eiusmodi.

Quæ vero spiritualemente antipathiam habeant non satis facile est iudicare, quoniam eadem habent & eam antipathiam, quæ inter materiales qualitates versatur: quoniam tamen non nulla maiorem quandam vim præse ferunt, quàm materialium qualitatum (vt supra diximus) existimandum est talia maxime esse terram lemniam, et bolum armenium, et scordium, heptaphyllon, et cornu monocerotis, et prædictas gemmas, præcipue smaragdum, et theriacam, et mitridatum, et si quid aliud in experientiam venit.

Vrentibus autem vti tum solum licet, quum contagio extra est, & ea quidem maligna, ac in principio: si enim introrsum sit contagio, adhibere quidem non potes vrentia sine maiori periculo, extra vero si sit, apponere quidem potes, & debes, si maligna sit contagio, verum in principio solum iuuabis: si enim iam radices egit, & introrsum sese insinuauit, nihil quidem proficies, si extra vrentia appones: licet tamen quandoq; vicina vrentibus applicare, quibus admiscenda erunt pingua quædam, quæ ea intro ferant. At si extra quidem sit contagio, non autem maligna, nec sic quidem vrentia sunt applicanda, quoniam per alias facultates leuiiores, & per abstergentia sola leuare morbum datur, vt in scabie, et similibus: de his autem in particularibus rursus dicetur, & quando, et quomodo conueniant. D

Calidis vero, & siccis vti tum debes, quum materia non valde acuta est, sed frigidior, siccis vero & frigidis, quum calidior est: quoniam autem horum multa styptica sunt, & substantiæ crassioris, inferius quidem examinabimus, quomodo liceat ea adhibere, et non adhibere. Porro per decocta conuenienter ages, quum introrsum contagio est, vt in febribus, per pulueres vero, quum maxime, & multiplici facultate obfistere putrefactioni voles. Atque hæc quidem satis sint, quantum ad vniuersalem curandi rationem pertinet: nunc particularia prosequamur, à febribus incipientes.

*De curatione febrium Variolarum, & Morbillorum.*

Cap. 4.

**I**Nter febres, quæ in contagione versantur, illæ prius percurse fuere, quæ vocatas Variolas, & Morbillos emittunt, vt pote minus feræ: de quibus quidem agemus, quatenus nondum pestilentes sunt, nam & ipsæ in pestilentijs sæpe visantur, simpliciter autem pestilentes non sunt. Quoniam igitur diximus expulsionem illam Variolarum, Morbillorumq; quodammodo crismum quandam esse, & sequestrationem mestrue infectionis à sanguine, nulla tibi esse alia intentio debet, quàm vt non impedias



**A** pedias expellentem naturam, sed iuues potius, si opus est: quippe eam impediunt non nulli interdum phlebothomijs, interdum purgatorijs phar-  
 macis: quare, quum tu videris febrem esse eiusmodi, quæ eas expulsion-  
 aut faciat, aut factura sit, tum abstine à medicamentis omnibus, sed natu-  
 ram sine per se agere, nisi forte à principio magnam plenitudinem fue-  
 ris conspicatus, tum enim licet vti purgante pharmaco, sed non acri &  
 molesto. Quod si iuuanda natura sit, locum prius procura, vt calidus de-  
 center existat, vt æger pannis conuenienter tegatur, & ijs rubentibus, vt  
 leui vtatur cibo, vino abstineat: tum vide, quæ causæ prohibeāt expulsio-  
 nem, num carnis densitas sit, aut crassities materiæ: tunc enim iuuanda  
 est natura ijs, quæ foramina cutis aperiunt, & materiam attenuant, qua-  
 les sunt caricæ, et feniculus, & carui, & apium, & similia, ex quibus com-  
 mode decocta fient: sunt qui addant lentes abiecta prima aqua decoctas,  
 aliqui, qui & traga cantham: quod quidem forte miretur aliquis, quan-  
 do in lentibus et tragacantha contraria magis videtur intentio inesse,  
 quum & ingrossent, & inspissent sanguinem, et cutim obstruant. Ve-  
 rum ita res accipienda est, quod ebullitio sanguinis interdum tempera-  
 ta est, interdum non temperata, sed aut maior, quàm oportet, aut te-  
 nuior, quàm oportet: si igitur temperata est, crassior autem humor,  
 qui feruet, tum neque lentes, neque tragacantha adiungi debet, sed sat  
**B** erunt, quæ subtiliant: at vbi intemperata est, et maior, quàm oportet, aut,  
 quod excernitur, nimis subtile visum fuerit, tum si prædictis addantur le-  
 tes, & tragacantha, recte facies, quoniam ita ebullitionem temperabis:  
 quod et in sputo sæpe fieri oportet, quum plus æquo tenue est. Nec plu-  
 ra de his febribus dicantur.

*De cura febrium pestilentum communi.*

*Cap. 5.*

**N** Vnc vero ad eas pertranseamus, quæ pestilentes vocantur fe-  
 bres, quod vel partem maiorem perdant, vel multos saltem:  
 quarum, quæ maiorem partem perdunt, vere pestilentes dicuntur, quæ  
 vero multos solum, malignæ magis dici solent: quoniam autem gradi-  
 bus solum differunt, & cōmunem quandam naturam habent, commu-  
 nes primum earum curationes, et intentiones trademus, mox et pro-  
 prias prosequemur. Ergo ijs primum consideratis, quæ diximus esse cir-  
 ca contagiones consideranda, analogia scilicet, loco, tempore, et ante  
 alia morbi origine, extrinsecusne sit, an intrinsecus, scito et in his illa  
 tria præcipue esse attendenda, ad quæ prius diximus esse omnem inten-  
 tionem dirigendam, seminaria scilicet, materiam periclitantem, et eam  
 que

quæ periclitata iam & prorsus corrupta est: ac quoniam supra dictum est C  
 seminaria posse vniuersaliter vel extinguï, vel frangi, vel educi, vel  
 per antipathias repelli, uidendum est, quæ nam ex his in pestilentibus  
 febribus conuenire possint. Ac primum quidem extinguï seminaria per  
 vrentia non datur, quoniam febris iam introrsum facta est, nec satis tutû  
 est introrsum assumere, quæ vrunt: extra vero si apponas, aut nihil opera-  
 beris, aut contagē exagitabis vehementius, quare per alia ingenia age.  
 Vtrum autem extinguï per frigida possint, vt per aquæ potum, dubita-  
 tionem habet, quoniam, & si aqua, quatenus frigida, iuuare possit, at ta-  
 men, quatenus humida, obesse non parum videbitur, q̃ augeat putrefa-  
 ctionem: non solum igitur propter hanc causam nocere potus aquæ po-  
 test, sed & ob illud etiam, q̃ materiam crudiorem reddit, et obstructionē  
 adauget: quapropter in maiori parte harum febrium abstinere ab eo po-  
 tu melius est: nihil tamen prohibet certis casibus etiam cōuenire, quum  
 febris ardens est, & cholera quodammodo furit, si & reliqua consentiāt:  
 tum enim magis prodesse frigiditas, quàm obesse humiditas, potest. Igi-  
 tur quum extinguï non nisi rarissime possint seminaria febrium conta-  
 gionem pestilentem habentium, videndum est, vtrum saltem educi pos-  
 sint, sed certe & hoc difficulter admodum fit, per se enim seminaria val-  
 de dispersa sunt, & si educi detur, educuntur quidem per educationem  
 materiæ, cui sunt hærentia, quomodo tamen fiat, & quibus modis me- D  
 lius, quibus difficilius, paulo post ostendemus, quum de materiæ euacua-  
 tione tractabimus. Superesse igitur videtur, vt maxime procuremus ea  
 frangere, & per antipathias repellere: eorum autem quæ frangūt, omnia  
 quidem potentia sicca sunt, sed alia calida quidem sunt, alia frigida, &  
 rursus alia sicca tantum sunt, alia etiam stiptica, & crassæ substantiæ: qua-  
 re & dubium est, vtrum calidis vti liceat in his febribus, & vtrum stipti-  
 cis, nam calida videntur & febrem augere, & acrimoniam seminariorû,  
 stiptica vero videntur obstruere, et transpirationem intercludere, & ma-  
 teriam crassiores facere. Ad quæ dicendû est diuersitates & analogias  
 contagionû considerandas esse: aliæ. n. ad crassiores, et pinguiores humo-  
 res hñt analogiam, aliæ ad subtiliores, et acres magis, et aliæ ad spiritus  
 etiam: porrò in quibusdam obstructiones multæ sunt, in quibusdam pau-  
 ciores: vbi igitur analogia est contagio ad crassos, et frigidiore humo-  
 res, præcipue si et obstructiones non paucae sint, bene erit siccis vti: quæ  
 etiam calida sint, frigida autem minus conuenient, maxime si et stiptica  
 fuerint crassæ substantiæ: at vbi analogia ad subtiliores, et acriores humo-  
 res sit, vel ad spiritus ipsos, obstructiones autem paucae fuerint, tum decet  
 per sicca illa agere, quæ simul et frigida etiam sint, quæ si etiam stiptica  
 fuerint



**A** fuerint, nihil refert, frangunt enim hæc maxime, & virtutem continent, ne dissoluatur, quod potissimum accidit in his febribus. Porro si ea, quæ per antipathias valent, vlla in contagione conuenientia sunt, in hac certo conuenientissima, & maxime præsentanea sunt, in qua contages venenis quibusdam assimilatur: quare his maxime vtendum, nec vnquam de ferenda, quæ tum repellendo, tum & confortando iuuant: atque hæc quidem intentiones ad seminaria habendæ sunt, quæ si ab aere, vel alio depēdeant, illud etiam principium extinguendum, & frangendum tibi erit. Ad materiam vero, quæ in periculo est, primum illud æquum est quærere, vtrum euacuatio vlla conueniat, et qualis: ac conuenire quidem, quū plenitudo adest humoris ad putrefactionem parati, manifestum est, vbi vero plenitudo ea non adsit, sed corruptio tota ē contagione depēdeat, (nihil enim prohibet alicui probe sano existenti contagionem inferri) tū non est procuranda euacuatio materiæ periclitantis, præsertim phlebothomijs, aut phar macis: quin imo de his dubitatio est, & controuersia inter medicos, vtrum sint adhibenda in ea etiam materia, quæ cum plenitudine pestem affert: quippe sunt, qui in omni pestilentia non semel solum, sed & bis sanguinem hauriant, rationem autem facti addunt, q̃ hic morbus sit magnus, imo omnium maximus, q̃ ebullitio in sanguine magna fiat, q̃ peccatum in ipso sanguine quasi semper sit, & corruptio, q̃

**B** per phlebothomias bene euentetur corpus, & transpiret, q̃ natura multum in his febribus grauetur, quæ nisi subleuetur, morbum non ferat, non expellat, non concoquat: propter quod multi visi sunt, quibus phlebothomia facta, statim lenticularum expulsio facta fuit, quum prius nulla appareret: contra alij magnopere à phlebothomijs cauent, q̃ experientia constet partem maximam eorum, quibus detractus fuisset sanguis, paulopost aut obiisse, aut in deterius lapsos, vt annis 1505, & 1528 manifeste visum fuit. Qua in re mihi ita dicendum videtur, q̃ aut contagio extrinsecus concepta est, aut intrinsecus primo in nobis facta, & hæc rursus vel in initio est, vel iam valde spar sa: si igitur extrinsecus venit contagio siue in initio sit, siue nō, nunquam sanguis est per phlebothomiā mouēdus, ea de causa, quod contages introrsum trahitur, & versus cor, tam ea, quæ circa summa est, q̃ ea, quæ in venis pulmonis, nisi adeo magna plenitudo videatur, vt ferri non possit, tum enim licet phlebotomia vti, sed & hoc circa initia: propter quod superioribus annis, in quibus contages extrinsecus in nos venerat, maior pars eorum, quibus secta fuit vena, periit. Si vero contages in nobis primo oborta fuerit, securius quidem possumus detrudere sanguinem, sed & tunc ab initijs, & quum plenitudo videtur: in vniuersum enim hoc constare debet, quum iam spar sa cōtagio

est, & feminaria late iam diffunduntur, nihil venæ incisionē iuuare, quin C  
 imo longe nocere magis, quoniam omnis agitatio, quæ in sanguine fit,  
 putrefactionem valde adauget, q̃ feminaria magis misceri accidat, & sin  
 ceras partes cum infectis, non aliter, q̃ si in craterem aquæ salis aut fellis  
 modico iniecto, si quiescat aqua, & non agitetur, minus falsa, & amara p  
 manet, si vero agitetur, statim tota contaminatur permixtis minimis in  
 uicem: quare non solum superioribus annis, sed semper, & in alijs quoq;  
 pestilentijs visum est magnam phlebotomatorum partem rem male egis  
 se, q̃ in angusto sit tempus, in quo venæ sectio conuenit, in amplo autem  
 in quo non conuenit: quare bene perpendere opus est, quādo, & quomo  
 do feces. Quod si secanda sit vena, satius etiamnum existimo secandam  
 esse eam, quæ in talis est, aut hæmorrhoidas aperiendas: hæ enim, & si nō  
 omnes venas, quæ ad cor possunt deferre contagem, diuertūt, at quarun  
 dam tamen cursum ab eo reuocant, & contagem amouent: sed certe cō  
 uenientius agunt, qui per cucurbitulas multas comminuere sanguinem  
 volunt: nihil ergo te moueat ad secandam venam, q̃ morbus sit magnus,  
 maior enim fiet, si secueris, maior quoq; & ebullitio, & corruptio in san  
 guine, transpiratio autem minor. Quod autem expulsio lenticularum in  
 quibusdam visa fuerit facta phlebotomia, non potentiam maiorem vir  
 tuti additam monstrat, sed Symptoma maius: sicut enim commota aqua  
 calida, euaporatio fit maior, ita & hic commoto & agitato sanguine eua D  
 poratio excitatur maior, quæ valde stimulans virtutem, expulsionē irre  
 gularem facit, non qualem natura per se, quasi crisim faciens, deligere so  
 let: cuius signum est, q̃ statim delitere consueuere expulsionēs illæ, quas  
 symptomaticas vocant: quare nec ijs apparentibus multa spes nos tenere  
 debet. De ea vero euacuatione, quæ per medicamenta purgatoria fit, si  
 militer nec plane conuenit inter medicos, quibusdam parentibus medi  
 camētis, quod videant ijs assumptis ægros quasi à summo ad imum con  
 cidere, alijs vero vel crebro exhibentibus, & alijs placidiora quidem, alijs  
 acerbiora propinantibus: de quo rursus penè idem dicendum, quod de  
 phlebotomia, nam & pharmaca introrsum trahunt contagem, & sangui  
 nem maxime agitant, & permiscent, propter quod multi visi sunt, quasi  
 de omni virtute decidisse. Igitur, nisi magna appareat plenitudo, bonum  
 est pharmacis abstinere, quod si affuerit, apta autē, vt euacuari possit, ma  
 xime circa initia, (multæ enim materiæ non sunt crudæ etiam per initia)  
 tum solutiuis vti potes: placidiora vero ipse amem magis, quàm acria: q̃  
 si non sufficiant ea crassiores humores educere, danda quidem & acria  
 suadeo, sed quantitatis minoris: porro nec displiceat euacuatio illa, quæ  
 per vrinam fit, & quæ per sudorem: auxilia præterea illa, quæ supra dicta  
 sunt.



**A** sunt valere ad materiam, quæ corrumpi incipit, prætermittenda nō sunt, ac imprimis quæ exiccant, quorum quæ simul calida sunt, tum exhibeantur, quum crassiores, & segniores humores sunt, quæ vero frigida, vbi tenuiores & acriores sunt: tum nec displiceant, quæ imputrescibilia ipsa existentia, intermixta prohibent putrefactionem: quorum multa etiam spiritualem antipathiam habent, & partim repellunt, partim confortant, vt odorata.

Materiam vero, quæ iam corrupta est, non intra debes relinquere, sed fecernere, & extra pellere, quantum potes: facit id quidem sæpe natura modo per maculas quasdā, modo per pustulas, modo per abscessus alios, vt plurimum autem per alui deiectionem: verum, quum segnis natura est, tu eius officium assume, & euacua interdum clysteribus, interdum lenientibus, interdum purgatorijs pharmacis: verum caue, ne stimulū multum adhibeas, quoniam quæ corrupta sunt, non poscunt irritamentum magnum, lubrica ipsa existentia, atque etiam valde irritantia. Sūt qui per Aloem aut diebus singulis, aut alternis leuiter purgēt, alij per alia: cuius rei certa methodus esse non potest, sed discreto medico opus est.

*De curatione febrium, quæ Lenticulæ vocantur.*

*Cap. 6.*

**B** Vnc de particularibus magis agamus, ac primū de curatione earū febrium pertractemus, quæ, q̃ non vere pestilentes sunt, malignæ tantum dicuntur, quales illæ fuere, quæ annis 1505, & 1528 tam Large apparuere, quas alij Lenticulas, alij puncticula vel peticulas appellauere: de quibus diligentissime agēdum videtur, qm̃ sæpe per epidemias reuertuntur, sæpe sine ijs enascuntur, ac nunc ēt per Italiam visuntur, certis autem regionibus maxime familiares. Referemus aut in primis, quo pacto medici eas curabant, quum primum in eas perinde, ac ignotas incidere: inter quos tanta discordia orta fuit, vt penē ludibrio haberentur: nam vt à victu ordiamur, alij liberaliter & large nutriri ægros iubebant, q̃ dicerent virtutem plurimum dissolui, ita præcipere Hippocratem, ita principem Auic. alij tenuissimum victum dabant, existimantes aegritudinem à plenitudine multa dependere: alij extremorū dubii mediocritatem tenebant, vtī securā magis: meracum non nulli propinabant, non nulli aquā aut simplicem, aut vino granatorum permistā. Sed nec minus circa phlebotomias controuersia oriebatur, alijs protinus, & large sanguinē hauriētibz, alijs nunq̃ volētibz secare venā, q̃ vidissent maiorem partē eorū, quibus secūta fuisset, vitā finire, inter quos alij putātes media quadā via incedere, hæmorrhoidas aperiebant. Porro & circa euacuationes eadē dissensio agebatur, alij enim acribus medicamētis vtebantur, alij aut nullis,

aut leuioribus, nec deerant, qui dicerent eam febrem sudoribus esse finie C  
dam: qua in re & Empirici quoq; & Chymistæ suas partes habuere, qui  
sublimatis quibusdam liquoribus ad eam rem efficaciter vterentur, à qui  
bus plurimi mortui sunt, multi ad Orciportas deducti, quidam omnino  
saluati: maior medicorū pars more empiricorū à venenis similitudinē ac  
cipientes, ijs utebant, quæ ad venena solent apponi, quare & per bolū ar-  
menium, & terram lemnia, & eiusmodi medicabantur: contra alij isthec  
negabant esse adhibenda, q̃ obstruerēt venas, & foramina, q̃ expulsioes  
impedirent, sed communibus digerentibus agebant: non nulli existimā-  
tes morbum in aduersione consistere ea dabant, quæ aduersioni aduersan-  
tur: inter quas controuersias magna mortalium pars, & nobilitas vrbium  
periit. Nos, quæ partim longa experientia, partim ratione comprobaui-  
mus, in medium adducemus, si tanta in re præstari mortalibus aliquod  
beneficium possit: quod certe fiet, si, quæ circa contagiones contemplati  
fuimus, non aspernabuntur. In primis igitur ante oculos ea sunt habēda,  
quæ supra de analogia eius febris, & causis dicta sunt: quoniam ergo eius  
analogiam diximus nec ad spiritus per se esse, neq; ad acres humores, sed  
ad mediam quandam materiam, qualis est sanguis, in qua dissoluatur q̃  
dem virtus, sed non vehementer, & cito, incipientes quidem à victu me-  
lius egisse illos existimamus, qui mediocri victu utebantur, sic enim &  
ager non grauabatur, & conseruabatur virtus: quare & nos hac diætā æ D  
gros semper nutriimus, interdum quidem subtrahentes magis, interdū  
& apponentes: neque enim hæ febres semper in eodem sunt, sed aliæ ad  
acutas magis accedūt, aliæ ad tardiores, prout & sanguis modo biliosior  
est, modo pituitosior. Potus autem, si fieri potest, non è vino detur, q̃n̄  
euaporatio multa in his febribus accidit, & delirium facillime consequi-  
tur, quod pessima res est, non solum q̃ circa nobilissimum membrū ver-  
setur malum, sed ob id, q̃ parēre nolint ægri: sit ergo aqua vel simplex de-  
cocta, vel aceto mista, qui potus ante alios mihi idoneus videtur: q̃ si sto-  
machus forte non ferat, nihil prohibet cinnamomi paululum admisceri:  
sunt, qui miscent syrupum acetosum, aliqui qui citri succum: sunt etiam,  
qui magis ament aquas, quæ Sublimatæ vocātur, vel Cichorij, vel Oxali-  
dis, vel Cicerbitæ, vel Boraginis, & id genus: q̃ si vinum concedēdū sit,  
eligatur, quod pauciferum vocatur, à Græcis *ἀλιφόρος*, sapore acerbum.

Aer vero, si quid vitij continere videbitur tibi, aut permutetur, aut be-  
ne perfletur, aut per irrorationes & suffitus emendetur, tum reliquū diæ-  
ticum regimen recte dispensetur, vt par est.

Quod vero ad medicinalia attinet, quærendum in primis de phlebo-  
tomia videtur, vtrum conueniat in his febribus, an non, & quādo, & qui  
bus



**A** bus è venis, quoniam ceteræ res cecidit annis superioribus, vt maior pars phlebotomatorum perierit: causam ego arbitror inde fuisse, q̃ febres illæ tum maxime ex aere contigere (vt dictum est) quare, extrinsecus quum venisset contagio, circa summa in corporibus præcipue vigeat, & in venis remotioribus: facta igitur phlebotomia introrsum statim trahebatur in spiritualia: adde & illud, q̃ febribus his lenibus, & placidis apparentibus non fiebat venæ sectio circa initia, sed tum maxime, quum seminaria iam dispersa erant, & radices vndiq; egerant: quare secta vena sanguis plurimum quidem agitabatur, & cōmiscabatur, parum autem de seminarijs, & de corrupta materia secum educabatur: vnde in discrimen ponebatur magis æger, q̃ iuuaretur. Si igitur & nunc quoque, aut futuris temporibus extrinsecus videris accessisse contagionem, non affueris autē circa principia, præsertim si nec adesse magnam plenitudinem animaduertis, tum satius erit venæ parcere: at vero, si corruptio in aliquo primo enata fuerit, si vocatus fueris ad principia, tum secure venam incide, & sanguinem multum extrahe, si reliqua cōsentiunt: q̃ si post tertium diē, aut quartum: solū accesseris, tum maturius consule. si tamē hominem sanguinis multi præcipue & fibrosi præ manibus tibi Fors dederit, etiā aude sanguinem haurire, nisi natura tentauerit expulsionem aliquam: ceterū, quum valde sparsa contagio est, sectioni parce, sed cucurbitulas appone,

**B** nisi valde magna sit plenitudo, ea enim quum est, melius aut per pharmaca tollitur, aut per apertionem hæmorrhoidum, aut incisionem saphe-næ. De pharmacis vero purgatorijs eadem animaduersio habenda est, nam & ipsa à circumferentia introrsum trahunt, & sanguinem valde exagitant, & non multum de seminarijs educunt: si tamē plenitudo humorum visa fuerit, nisi ex ijs fuerint, qui contumaces sunt euacuationibus, si potes, à principijs euacua, alioqui aut nihil moue, aut solum, quantum sufficiat educere, quæ iam corrupta est materia: sint autem solutiua aut Aloe, aut Casia siliqua, aut Manna, aut Syrupus rosatus solutiuus: expertum autem est pharmacum illud multum valere, quod per Agaricū fit, & Syrupum rosatum solutiuum: vehementiora vero mihi non placeāt.

Quòd vero ad sudorem attinet, non paruo teneri errore illos existimo, qui indiscrete volunt finire has febres per sudorem: nam, si obstructio forte adsit, si plenitudo, si cruditudo, nō solum nihil proderis per inducentia sudorem, sed magnopere lædas: multum præterea refert, quibus sudorem, puoces, sublimatorum enim multa, præsertim, Chymistica, calidissima sunt, et febrem ardentissimam reddunt, ac virtutes exolunt: tum autem non dampnem inuitandum esse sudorem, quum maculæ apparent quidem, sed ægre natura expellit, reliquis consentientibus: quare

nec male videntur facere, qui decocto Foeniculi, & Lacæ, & Caricarum  
 vtuntur: vtilius autem fiet, si ea addantur, quæ simul & contagioni obfi  
 stunt, qualis est Scordium herba, & Trifolium odoratum, & quæ Luiula  
 vocatur, forte quæ & Oxys apud Plin. & vocata Gallica, & similia: plac  
 cent quoq; & quæ per vrinam multam materiã educunt, nam multas ex  
 his febribus vidimus per eiusmodi crism finitas. His ergo consideratis  
 scito reliquam curationem in eo consistere, quod putrefactioni, & conta  
 gioni omnibus ingenijs aduersatur, tam per ea, quæ cõia & alijs febribus  
 remedia sunt, q̃ per propria contagiosis: quoniam autem, quæ ppria sunt,  
 omnia quidem potentia sunt sicca, & siccorum alia calida, alia frigida, &  
 rursus alia etiã styptica, & crassæ substantiæ, quærat fortasse aliquis, vtrũ  
 calida conueniant in his febribus, similiter & vtrum styptica, & q̃ sunt  
 crassæ substantiæ: qua de re Aloisius Mondella, medicus Brixienfis, vir  
 doctus & diligens nõ nulla ad nos scripsit, ac præcipue super Smaragdo;  
 quem aliqui medici veluti arcanum quoddã, & veneradum antidotum  
 habent: bene igitur erit de hisce dubijs (vt promissimus) nõ nulla dicere,  
 quod maxime ad hoc febris genus pertinere videtur. Primũ igitur, quan  
 tum ad calida attinet, quoniam multæ harum febrium in sanguine pitui  
 roso consistunt, & materia in eo genere crassiori, si quis per calida in ijs  
 agat, nihil (vt opinor) nocebit, aut si frigidis calida tamẽ permisceat, præ  
 fertim aromatica, & quæ excellenter aduersantur putrefactioni: si vero D.  
 biliosior fuerit sanguis, conuenientiora erunt frigida, siue pulueres fue  
 rint, siue decocta, siue alia: atq; in his si etiam styptica adhibeas, nihil offi  
 cies, nisi valde multa obstructio fuerit visa, quod rarius in eo sanguine ac  
 cidit: quare nec dubita per hæc naturam, & macularum expulsionem im  
 pedire, si sanguis subtilis sit, nam potius ebullitionem temperabis (vt in  
 Variolis dictum est,) ab his vero magis cauendum tibi sit, quum crassior  
 est sanguis, & obstructionibus paratior. Cæterum illud notandum est, q̃  
 stypticorum quædam crassissimæ substantiæ sunt, & summe astringen  
 tia, vt pontica, & austera vocata, quales immaturi Fructus, & Sorba, &  
 Corna: atque hæc quidem magis cauenda sunt: propter quod nec vinum  
 laudem, quod ex Oxyacantha fit, nec quod è Cornis: alia vero simplici  
 ter acerba sunt, qualis est aqua vino Granatorum admista, aut aceto, aut  
 Syrupo acetofo, vel succo Citrij, & Aurantij mali, & Limonis, & simi  
 lium: atque hæc secure cõcedi possunt, nihil enim quum nocere possunt,  
 tum vel maxime iuuabunt, q̃ & sicca potentia sint, & frigida. Quantum  
 vero ad pulueres spectat, in vniuersum dicatur, quod eorum, quæ terun  
 tur, alia propter duritiem, & siccitatem semper adeo ita cõstant, vt, quan  
 quam multa opera ea teras, nunq̃ tamen apta sint in farinam minui, hoc  
 est



**A** est in tam tenues partes, quin semper actu talia non percipiantur, qualia sunt Ferri, & Aeris segmenta, & Marmoris, & Vitri, & multorum lapidum: alia vero sunt, quæ quàm optime in farinam vertuntur, vt Margaritæ, & Corallia, & Gemmarum multæ, similiter & Sphragis, & Bolus armenius, & plures aliæ terræ: rursus quædam tritorum cum liquidis nunquam ita misceri possunt, vt in vnum coeant, quædam vero ita coeunt, & coalescunt, vt actu esse per se nunq̃ sensu vlllo discernantur. Qui igitur pulueres in farinam teri non possunt, nec bene cum liquidis coalescere, hi adhiberi in hac febre non debêt, quoniam aut in stomacho, aut in intestinis residebunt, aut, quo oportebat, non distribuentur: quare indigesti nocebunt non parum: qui vero in farinam bene conteri possunt, & bene cum liquidis coalescere, hi non modo cauendi non sunt, sed maxime affectandi, quoniam antipathiam tum materialem, tum spiritualem aduersus contagiones habent, tum vero & intermisti humoribus alia etiam num ratione prohibent putrefactionem illorum, propter subtilitatē autem, & tenuitatem, ad quam redacti sunt, neque obstruere possunt, neq; expulsionem vllam impedire: eiusmodi autem sunt & Sphragis lemnia, & Bolus armenius, & Margaritæ, & Corallia, & Hyacinthi, & Sapphiri, & Tormentilla, & Bistorta vocata, & cornu Cerui, & Monocerotis, & Scordium, & id genus multa. De Smaragdo autem specialiter dicendo.

**B** ego quidem ab antiquis nullam talem attributam illi prærogatiuam inuenio, qualem recentiores quidam medici attribuunt: quoniam autē de rerum virtutibus loqui possumus aut per experientiam factam, aut per rationem, ego quidem super hac re experientiam sufficientem fieri satis difficile arbitror: nam & si aliqui assumpto Smaragdo ter & quater visi sint euasisse, infida tamen est, ad vniuersale si illatio fiat, quoniam incertum est, per accidens ne contigerit, an per se, nisi ratio ad cōmunem naturam fiat: potest autem ratio certe fieri, q̃ Smaragdus valere ad eiusmodi febres debeat, q̃ frigidus sit, & siccus, quemadmodum & de alijs dictum est, habere autem prærogatiuam super alia tanquam sacrum quoddam antidotum ratio nulla afferri potest, quoniam, an agat & per spiritualem antipathiam, nec ratione, nec experientia cognitum est: regium tamen sit medicamentum, q̃ magno prætio venit. Quærat autem quis & de Guaiaco ligno, et de radice Cinarum, de qua in Gallico morbo dicemus, vtrum conueniant in hac febre, quoniam vtrunque et exiccat valde, et sudorem mouet, et putrefactioni resistit: ad quod dicimus nullam nos habere de ijs circa has febres experientiam, verum, quantum per rationem possumus existimare, credendum est vtrunque valere ea in re plurimum, et Guaiacum quidem, quia ex subtilissimis partibus constat calidis

calidis ac ficcis, propter quas et valde exiccat, & sudorem ciet: est etiam C  
& resinosa ea arbor, quare mire & ad contagiones valet: decoqui autem in aqua debet permisto etiam aceto, ne febrem augeat, qua de causa conuenientior etiam erit, vbi pituitosior sit sanguis. Radix vero Cinarum ficcissima quidem est, resinosa autem non est, nec calida, quantum sensu percipi potest, quare & dubium est, quomodo sudoris adeo prouocatiua sit: fortasse igitur eorum est, quæ potentia talia quidem sunt, sed remote, hoc est, quorum calidæ partes tarde actu fiunt, propter quod & ipsa sudorem mouet, quum separata mistione actu tandem fiunt igneæ, et subtilissimæ partes, vel forte, et si particulæ, ex quibus constat, per se calidæ non sunt, propter siccitatem tamen, et tenuitatem accenduntur calore nostro, et ita sudorem mouent: & ipsa igitur conuenire his febribus potest, quoniam et valde exiccet, et sudorē faciat, et foramina cutis aperiat.

Ex Syrupis autem valent Acetosus, & Oximel, & de Fumoterræ, de Epithymo, de Citro, de Acetosa, de Lupulis, de Cichorea, de Pimpinella, quæ ad Oenantes genus referri potest, & appellari Oenantilla, tum & qui de Bizantijs dicitur, & de Eupatorio, de Thymo, & eiusmodi: aquæ vero sunt Boraginis, Melissæ, Cichorij, Cicerbitæ, Scabiosæ, Cardi benedicti, Calendulæ, Luiulæ, Trifolij, Gallicæ acetosæ ca. v. Lupulorum, Eupatorij, Chamædryos, Pentaphylli, Lapathi, Maioranæ, Calamēthi, Pulegij. Decoctio optima, quæ habet Agrimoniam, Cichoræ, Cicerbitæ, cap. D  
v. recentium Trichomanis, Scordij, Dictamni cretici. añ. M. i. Tormentillæ, Bistortæ, añ. vnc. 5. ligni Aloes, Casiæ lignæ, Squinanti, Calami, Gummi añ. drach. ij. radicum Cānarum drach. iij. infundantur omnia per diē in aquæ puræ lib. x. mox fiat decoctio ad sufficientiā, cuius decocti colati vnc. v. cum syrupo de citro vnc. j. exhibe in aurora. Puluis optimus, terræ Lemniæ, Boli armenij, Tormentillæ, Scordij, cornu Monocerotis, vel Cerui añ. de quo drach. i. accipiat cum aquæ rosacæ vnc. ij. aceti vnc. i. Expertum quoque est, succi Luiulæ vnc. iij. aliud vilius quidem, sed non minus valens, Tormentillæ Bistortæ. añ. drach. 5. detur cum aqua Cardi benedicti.

Interea vide, si quid natura mouet, & per quam viam: si quidē enim erit sanguis, qui erumpat è naribus, siue multus, siue paucus, neque iuuato, neque retineto, nisi virtus cadat: si vero multa, & corrupta per alium materia exiuerit, neque hanc comprimito, nisi virtus collabens poscat: at vero, si lenticulæ expellantur, eas quidem iuuare oportet, si natura pigra est, ijs, quæ ad cutim mouent, et contagioni simul contraria sunt, quale est Dictānum, et Costum, et radix Personacię, et Cānarum radix, & eius modi. Solent & accidentia quædam concomitari has febres, inter quæ est



**A** est delirium, quod, tametsi rarissime phrenesim sequitur, diuertendum est tamen propter dictam causam. Atq; hæc quidem satis iam sint de punctularibus febribus: nunc ad vere pestilentes pertranseamus.

*De curatione vere pestilentum febrium.*

*Cap. 7.*

**L**onge maior sollicitudo, & cura esse debet, tum publica, tum priuata circa eas febres, quæ proprie pestilentes dicuntur, si medici & alij ad eas secure adire auderent: qua de causa multi ægrorum miserabiliter pereunt ab omnibus destituti. Quoniam igitur contagio hæc sæpe ab ære originem trahit, sæpe ab vno ad alium transit, sæpe concipitur fomite, non nunquam & in nobis primo oritur, in primis non prætermittenda videtur ea curatio, quæ præseruat: procurandum enim in primis est ab ea non capi, quando, vbi quis captus est, vt plurimum etiam perit. Ergo si aeris vitio pestilentia contigerit, quod raro quidem fit, tum nullum est salutaris remedium, quàm (vt in prouerbio est) fuga, & inquisitio salubrioris aeris: quod si fieri non potest, neque enim semper & vrbes, & suppellectiles, & domus, & chari relinqui possunt, at saltem aerem tempera per ea, quæ dicta sunt.

Proderit & latos stipularum incendere campos:

Et nemora intacta, & sanctos exurere lucos.

**B** Illud quoque peruide, num ex alia regione deferatur ad tuam contagio: cui contra fenestras occlude, & partes domus auersas habitato: tum fomes omnis tibi cauendus erit, ligna, vestes, & omnia, quæ pestilentes tractauere: qua de causa sapientissime agunt ille Respub. quæ cōsuetudine, & legibus prouident, vt suppellex omnis domus affectæ comburatur, hæc redibus è publico satisfiat. Vidimus anno 1511, quum per Germanos Verona teneretur, exorta peste, qua hominum ferè x millia periire, ex vna ueste pellicea non pauciores, q̃ quinque & viginti Teutones obijisse: vno defuncto alius induebat eam vestem, & hoc alius, & alius, donec monefacti è tot defunctis vestem combussere. Nec minus cauendum est ab ære, in quo ager degit: quare ad aperta sint ostia, & fenestræ, præcipue quæ in Boream spectant. Circa ægrum sint flores, & fructus odorati, & frigidi, Rosa, Ligustrum, Nymphaea, Viola, Citria, Limones, poma Apia, Volcama, Cydonia, Persica: fiant & suffitus ex aqua Rosata, Camphora, & caryophyllis. Melius autem est, si potes, ægrum nullum visere, conuentus hominum fugere, domi manere, quæ munda sit, quæ probe perfletur: tū non incalescas multum, ne cutis foramina ad hauriendam cōtagem aperias: quo vero, & qui inspiratur aer, syncerior ingrediatur, tu quidem semper ore versato aut iuniperi grana, aut Gentianæ radicem, vel Galāgā,

*Fracastorij.*

NN

vel

vel Cassiam ligneam, vel Macerem, aut semen Citrinarum quoque tangito **C**  
 spongiola, aceto, & aqua rosata infusa. Indumenta mundissima vestito, &  
 non e lana, si potes, sed e serico, quæ etiam sæpius mutato: nec laudẽ, qui  
 inedia querunt siccum corpus facere, quoniam venas inaniant, & audas  
 attrahendi reddunt: neque tamen crapulam volo, sed victum, qui parcus  
 sit, non alienus a consuetudo, omnes enim mutationes insolite cum in om  
 nibus, tum maxime in hoc morbo damnari ab Hippocrate consuevere.  
 Nec displicet, vt aut Theriaca, aut Mitridato, aut terra Lẽnia, vel Bolo ar  
 menio cum aceto vtaris. Vtile quoque est, & iam expertũ Diascordion an  
 tidotum, quod cõposuimus non solum conseruationis, sed & curationis  
 gratia. Laudo etiam, vt pilulæ illæ, quæ cões vocantur, duæ aut tres ante  
 cenam singulis tribus diebus capiantur: per hæc igitur procurandum est,  
 ne æger fias. Quod si quis iam factus est æger, & cõtagem concepit, hoc  
 pacto regendus erit: in primis, si febris ex ijs est, quæ paucis horis perdere  
 hominem solent, qualis & ea est, quæ in Britannia sudor appellatur, nul  
 lus victus exhibeatur: medicamentum autem vllum vtrum sit asserẽdũ,  
 habet dubitationem, & an in Britannia recte faciant nullum aliud auxi  
 lium adhibendo, nisi situm, & decubitus, per quem sudant: verum meo  
 quidem iudicio, & in Britannia, & alijs locis, vbi quæ acutissime pestis con  
 cepta fuerit, bene agetur, si statim ad ea recurratur, quæ per vtranque anti  
 pathiam diximus obsistere cõtationibus feris, quale est Sphragidis drac. **D**  
 j. cornu Monocerotis scrup. j. aceti vnc. 5. aquæ rosatæ vnc. j. Porro in Bri  
 tannia, si sudor forte detineatur, aut quia æger non assuetus sit sudare, vt  
 pote densæ carnis, aut alia de causa impeditus, mihi non displiceat illa ad  
 hibere, quæ diximus sudorem mouere consueuisse, & simul obsistere cõt  
 tagioni. In alijs vero febribus, quæ eam acuitatem non habent, acutæ ta  
 men respectu earum, quæ malignæ tantum dicuntur, hæc adhibeatur cu  
 ratio: victus in primis sit liberalior, quàm in puncticulis vocatis, quo virtus cu  
 sto diatur, quæ in vere pestilentibus vehementer dissoluitur, quæ earum ana  
 logia vel ad spiritus est, vel ad acutiores humores, & putrefactio cita, &  
 amplior: vinum tamen non propinetur, tametsi aliqui sunt, qui præbent,  
 etiam meracissimũ, non recte autem, quoniam febrem in furorẽ ver  
 tunt, quum præsertim per alia refici virtus sine eo periculo possit: bibant  
 ergo vel Oxycratum, vel aquam cum vino granatorum, aut cũ succo Li  
 monum permistam: carnes, si assæ sint, & aqua rosata sæpius inter coquẽ  
 dum irroratæ, placeant mihi magis, nec non, quæ a mulieribus gelatinæ  
 vocatur: fercula vero sint e Lactucis, & Endiuiis, & Boragine, & Cerasis  
 acerbis, & Oriza, & Panico cum paucis aceto, aut omphacio: nec acetaria  
 denegentur e Gichorio, Cicerbita, Oxalide, Boragine, Melissophyl  
 lo,



**A** lo, Condrilla ea, quam Crencanum rustici appellant, nec non è floribus Citri, & Buglossæ, & Boraginis, & eiusmodi. Phlebotomia mihi nulla sit in his febribus, quoniam rarissime in nobis primo fiunt, sed extrinsecus veniunt, aut è fomite, aut etiam ex acre, aut ex vno in alium, verum, quocunq; modo accadat, sectio venę parum prodesse potest, q̃ seminaria non possunt educi, multum autem obesse, q̃ & contagio introrsum trahatur, & sanguis non mediocriter agitetur: propter quod non in Lenticulis solum sed & in uere pestilentibus febribus experientia constat maximā partem eorum, quibus secta fuit vena, perijsse: satius ergo erit & in his ꝑ cucurbitulas sanguinem imminuere. De pharmacis quoq; quę solutiuā dicuntur, eadem dicenda sunt, quę supra diximus in Lenticulis: nam & in his febribus controuersia est inter medicos, alijs per acerrima iubentibus esse euacundum, alijs per placidissima, quod & nos ex nostris principijs rectius factum arbitramur, tum q̃ materia pauco indiget stimulo, vt pote plus nimio corrupta, tum q̃ per acria agitatio multa in humoribus fiat, & euacuatio pauca seminariorum: quare ad materiam, quę in dies corrumpitur, & euacuatione indiget, si vel per clysteres, vel per leue ali quod pharmacū corpus expurges, sat esse poterit ibi, quales sunt vel Cōmunes vocatę pilulę, vel Casia filiqua, vel etiam Rhabarbarum, vel Syrupus rosatus solutiuus, quem ego in hac labe omnibus alijs præfero: qui

**B** bus pro ætate, & tempore, & morbo, & alijs vti poteris vel quotidie, vel tertia, aut quarta quaq; die, vt expedientius tibi videbitur. His ergo rite perspectis extinctioni contagionis intende studium omne, & curam omnem conuerte: quare nec cōia digerentia curato, sed syropos (vt medici vocant) longos conficito, ægrum coge, vt inde die noctuq; bibat: non solum autem, quę in lenticulis dicta sunt, remedia hic etiam adhiberi possunt, sed & si aliqua valentiora sunt, eligēda erunt tibi, ea præsertim, quę omni antipathia iuuant. Aquę igitur sint Oxalidis, Luiulę, Cicerbitę, Cichorij, Nymphę, herbę Gallicę, Trifolij odorati, Lichenis, quibus syrupo sui addantur. Valentissimū est & hoc, quod habet succi Limonis lib. ij. Aceti vnc. iij. Boli armenij vnc. i. quę simul commista per diem macerari fines, mox per elambicum in aquā vertes, cuius vnc. iij exhibere poteris vel solas, vel cum syrupo aliquo: q̃ si ardentem febrem videris, ætatem autem iuuenilem, & robustam, consuetam potui aquę, cæteris consentientibus non displiceat mihi aquę frigidę potus cum syrupo acetoso, vel succo Citri. Pulueres porro ne eos prætermittas, qui maxime per spiritualem antipathiam valent, quiq; imputrescibiles ipsi existentes prohibent putrefactionē in vicinos humores ferri. Quòd si aut Carbūculus aliquam in partem irruerit, aut Bubo circa pubem, aut post aures Parotis

tis infederit, primum quidem caue, ne aliquod horum reprefferis, sed po- **C**  
 tius euoca, quātum potes: si ergo Carbunculus fuerit, qui in orbem vrat,  
 & corrumpat membrum, tum protinus nulla interposita mora, aut can-  
 denti ferro totum inure, & seminaria interfice, aut caustico aliquo age,  
 quale vel Aegyptiacum vnguentum, vel fermentum cum succo Scyllæ,  
 & Sublimato vocato, quod expeditissimum est: mox, vbi crusta cecide-  
 rit, butyro super impolito vlcus mundifica, sed diu ad apertum tene: si ve-  
 ro Bubo pestifer fuerit, sed immaturus, scarifica tamen, & cucurbitula ali-  
 qua magna sanguinem infectum extrahe, mox matura, sed permiscēdo,  
 quæ euocant, & frangunt seminaria: conueniet farina feminis Lini, &  
 Foenogreci, & Althea, & Narcissi, aut Lilij radix, & Galbanū, & Opopo-  
 nacum, et Nitrum, & Sulfur, et Cedria, & Styrax liquida, è quibus em-  
 plastrum fiat: ad idem valet et Diachylon, et Diachalciteos, aut et Bubo-  
 nium contusum, vel solum, vel decoctum cum Cēpe adiūcto Galbano,  
 Styrace liquida, et axungia: est autem (vt arbitror) Bubonium, quod Græ-  
 ci ἀσέπρον vocant, VIRGILIUS Amellum appellauit: copiosissimus au-  
 tem est in agro nostro in vicinis Benaco collibus: furculi multi ab vna ra-  
 dice quasi sylua quædam tolluntur, quos vestiunt folia subaspera, angu-  
 sta, digito longa, virentia: flores circa summa multi, aspectu pulchri spe-  
 ctantur, medio lutei, ceu chamæmeli, circum vero purpurei, in orbē stel-  
 læ modo dispositis folijs: herba tota mire ad Bubones valet, vnde et Bu- **D**  
 bonium appellatum fuit. Vbi igitur abscessus aliquantisper maturuerit,  
 tum ne expectato exactam maturationem, sed aperi aut ferro ignito, aut  
 caustico aliquo, mox absterge, verum non lenibus, et communibus ab-  
 sterfiuis, sed ijs, in quibus est exiccatio maior, qualis est Iris, et Aristolo-  
 chia, & Peucedanum, et Helleborus, et Terebinthina, & farina Lupino-  
 rum, et id genus: ad Parotidas autem eisdem ferè & concoquentibus, &  
 euocantibus est vtendum. Si igitur per hæc fracta aliquantulum ægritu-  
 do videbitur spem aliquam polliceri, per eadem remedia repetita cura-  
 tionem absolue, sin autem contumax adhuc, & nihil parens remedijs ap-  
 parebit, ego (quod in medium afferam) non aliud maius remedium ex-  
 cogitare scio, quàm hoc, quod habet, succi Liniulæ vnc. ij. succi Citri vnc.  
 j. Diascordij nostri. drach. j. specierum cordialium è gemmis scrup. ij. ace-  
 ti vnc. j. omnia bene misceto, & totum haurito, quod si nihil iuuabit, sci-  
 to morbum esse maiorem, q̃ humana remedia. Sūt, qui in Smaragdo ma-  
 xime confidant, qui in Bolo armenio, qui in Scordio, qui in Dictamnō  
 nostra. Habet autem Diascordion nostrum, Cinnamomi, Casiæ lignæ  
 añ. vnc. 5. Scordii vnc. j. Dictamni cretici, Tormentillę, Bistortę añ. vnc. 5.  
 Galbani, Gummi añ. vnc. 5. Opij drach. j. 5. Styracis drach. iij. 5. Acetose  
 drach.



A drach.i.5. Gentianæ vnc.5. Boli armenij vnc.i.5. Terræ sigillatæ.vnc.5. Piperis longi,Zinziberis añ.drach.ii.Mellis albi despumati libr.ii.5. Vini aromatici lib.5. Zucchari rosati lib.i.ñ.

*De curatione Phthifis, quatenus contagiosa est:*

*Cap. 8.*

**N** Vunc de Phthifi prosequamur, non quatenus aut à catarrhis, aut ab alijs dependet causis, sed quatenus è contagione concepta est, et ab ea per se pendet, multum enim interest, vtro modo sit facta: nã quæ in contagione per se consiluit, eo, qui accipit, nihil male prius affecto, sed sano concipi potest: quare et catarrhus, et alia, si superueniant, accidentia quodammodo sunt, et per se curationem primariam nõ possunt: ad quæ si communia remedia adhibeas, caput uras, sinapismis exicces, sputum facile reddas, frustra omnia tentabis, nisi contagem, quatenus contagio est, interimere studeas. Ergo in ea phthifi, quæ vel à conuersatione cum phthifico, vel à fomite aliquo contracta est, et illa in primis cõsideranda sunt, quæ in vniuersum diximus esse in contagionibus animaduertenda, feminaria scilicet, materiam, quæ in corruptionem tendit, et eam, quæ iam corrupta est. Si igitur circa initia curationem aggrediaris, tum ad sola feminaria attende, quæ si extinguere quidem possent per vrétia, nihil præsentaneum magis afferri remedium posset, verum quum hoc locum nõ

**B** habeat sine maiori periculo, potes tamen per aliqua, quæ proxima sint vrentibus, curationem moliri: quod video et antiquorum non nullos ausos fuisse, iubentes Sandaracæ nidorem per anhelitum in pulmones trahi: quum autem Sandaracam dico, non eã intelligi volo, quæ Vernix vulgo vocatur, sed quæ Auripigmentũ à nobis dicitur: porrò nec per Auripigmentum velim à te accipi priorẽ illam speciem, quæ citrina est, sed alterã, quæ est ruffa, & propriæ Sãdaraca vocatur. huius ergo suffitu si vtaris, non parum proderis tantę contagi: proderit autem et Ari, vel alterius Dracunculi radix in eclegmate, vel decocto aliquo oblata: similiter & Iris, et Scordium, & Dictãnum creticum iuuabunt, et Diascordion, et Theriaca, et similia. Quòd si morbus vltra principia iam progressus vel catarrhũ mouerit, vel aliter in loco materiam collegerit, tum simul & ad feminaria, et ad materiã potes animaduertere, ac catarrhum quidem iis omnibus ingenijs regere, quæ medici docent, diuertendo, sistendo, exiccando, euacuando: collecta vero materia si crassa, si viscosa est, digeri, et præparari debet, vt per conuenientes regiones expelli possit: sed id semper ante oculos habe, vt contagionem, et putrefactionem prohibeas, et seminariis obstitas: quare hoc in casu resinæ maxime mihi placent, quæ omnes intentiones cõplectuntur, ante alias Terebinthina, mox Larici-

na, & Abietina, tum vero & Myrrha, & Styrax, & reliqua : possunt autē C  
vel per se administrari, vel admista alicui ex prædictis pulueribus, qualis  
est Bolus armenius, & Sphragis, & Scordium: euitentur autem aspera, &  
styptica, quæ spuitionem impediunt: propter quod nec malum erit sem-  
per admiscere aliquod lenientium, vt mel, vel saccharū. Decocta quoq;  
valde mihi laudentur, quoniam maxime penetrant: optimum ergo erit  
Scordium, & Aristolochia, & Dictamnnum, & Pulegium, & Gūmi, quæ  
cum saccharo ebulliāt in aqua pura cum paucō aceto: de quo decocto fat-  
erunt vnc. v. sunt, qui radice Cinarum vtantur ad omnem phthisim, q̃  
valde exiccet, & per sudorem euocet, quod & nobis admodum placet: si  
vero materia acrimonię cuiusdam particeps sit, ea debes afferre, quę exic-  
cent quidem, sed minus calefaciāt: optimum, et suaue est Sacchari rosati  
vnc. ij. Boli armenij drac. i. Syrupi de pomis q. s. misce, & vtere omni ho-  
ra: q̃ si materia iam corrupta apparebit, quod ē sputo cognosces, si flauē-  
scit, aut liuet, et foetet, expediens tunc erit euacuare, non solum per sputi  
vias, sed & per solutiua pharmaca, quæ pro re eligantur: si uero labes iam  
& in pulmonem transit, qui aut vlcus contraxerit, aut eō peruenerit, vt  
iam flaccescat, tum scito ægrū esse in magno discrimine, quod vbi apud  
domesticos præfatus fueris, hæc postremo remedia potes experiri. Primū  
est decoctum hoc, quod habet Xiridis cap. v. Tusilaginis, Dracunculi ra-  
dicum, incisorū omnium manipulum. i. lapidis Hæmatitæ, Sphragidos, D  
Boli armenij añ. vnc. 5. Symphiti, Altheæ, singulorum vnc. i. Aluminis  
drach. ij. ligni Guaiaci lib. 5. infundantur per diem omnia in libris viij. a-  
quæ puræ, & fiat decoctum tertia parte consumpta, de quo vnc. v. sumā-  
tur in aurora cum iuleb violato. Aliud est antiquorum remedium, quod  
Plinius dicit valere phthificis deploratis: foliorum et radicum Consiligi-  
nis, quantum sat est, fiat decoctio, & decocto vtere bis vel ter in die vnc.  
j. 5. est autem Consiligo, quantum conijci potest, eadem, quam idem Pli-  
nius alio nomine herbam ignorans, Enneaphyllon appellat, herbarij no-  
stri Caprariam, quidam & Pulmonariam, non eam quidem, quæ ē gene-  
re Buglosi est, sed aliam Pulmonariam, ita vocatam, q̃ pulmonum vi-  
tijs valet, præsertim suum & caprarum, quare nec ab re ab herbarijs Ca-  
praria vocatur. Enneaphyllon autem etiam vocata fuit, q̃ folia nouem  
habeat, diuisa Hellebori modo, alia longiora, alia breuiora, quales digiti  
sunt in manibus, sunt autem oblonga, per ambitum serrata, angustiora,  
quàm Hellebori, atre uirentia cum leuore, flores, quales Hellebori, ē fo-  
lijs albicantibus quatuor constantes, ac veluti calathum cōstantes, in qui-  
bus semina quatuor iuxta posita, quasi racemus, suspensa sunt: quare ge-  
nus quoddam Hellebori videri potest: hanc & Ruellius significare vide-  
tur,



**A**tur, quum describere vult Pulmonariam à veterinariis vocatam: est autē vrentis uirtutis, qua coniectura, quum & folia nouem fortita sit, eandem esse putamus, quæ à Plinio Enneaphyllon dicitur. Tertium remedium habet Axungia vnc.iiii. Butyri vnc.ii. Terebinthinæ vnc.i. Styracis liquida vnc.5. Iridis, Thuris, Aristolochiæ, Enulæ, singulorum drach.ii. Argenti viui vnc.i. fiat vnguentum, è quo brachia interna tota, et dorsum inunge: seminaria contagionis absument, et materiam corruptam per spiritum multam educet, verum caue ne hæctica febris adsit. Hæc ergo ea sunt, quæ mihi notanda uisa sunt in phthisi per contagionem accepta, quæ curatio etiam ad omnem Phthisim accommoda esse poterit, quæ ad id iam venerit, vt contagionem inferre apta sit, quocunque modo cōtigerit ab initiis.

*De curatione Rabidorum.*

*Cap. 9.*

**M**Orbi quidam sunt, quibus nisi ilico (vbi apparuere) succursum fuerit, sera præterea sit medela omnis, quales Carbūculi, quos Anthracas Græci uocant, et Cancrenæ, et præcipue Rabies, de qua nunc agitur: qua de causa omnibus vulgo esse notos hos morbos oporteret, et nota quoque remedia ea, quæ statim sunt adhibenda: quod in Rabie Sacerdotes melius instituere, quàm medici, ad quos statim deducuntur; **B** qui demorfi sunt, quos curant tum religione, tum medicorum officio, et instrumentis utentes, urunt enim et ipsi locum. Ergo circa Rabiem illud primo publicum sit ilico, si fieri potest, locum demorsum urédum esse rectius autem fiet, si prius scarificato uulnere superponatur cucurbitula magna, quo extrahatur virus, mox uratur ita profunde, ut putare possis uestionem ad seminaria ipsa peruenisse, illa animaduersione habita, quòd liberius fieri potest, ubi caro multa est, parcius, ubi nerui multi, et uenæ: ferro id candenti, aut argento, aut auro fiat: quòd si cui nimis impium uideatur, potes urentibus medicamentis conficere: vbi locum inusseris, curato, vti decadat frustra per Brassicæ folium butyro illitum: interea tamen superpone unguenta, quæ simul euocent, et exiccent, si quid forte seminariorum circa locum relictum fuerit: hæc circa initia faciitanda sunt. Verum illud non ignorandum est principia eius morbi valde ambigua esse, & latentia: in quibusdam enim vsq; ad dies duos protenditur principium, in alijs quoque ad quatuor, in non nullis et amplius, put et morbus in alijs magis, in alijs minus acutus est: quare expedit morbum nosse, ne te principium fallat, et quantum protenditur, in ipso enim si debita adhibeantur remedia, totus interficietur morbus: si vero iam principium præteruisse putes, et contagem iam  
altius

altius radices egisse, vrendus quidem non est locus, quoniam agitabitur C  
venenum magis introrsum: consulo tamen, vt scarifices, et supra ponas  
emplastra, quæ euocent, et exiccent, quin et vésicas etiam inducant, qua  
le est, quod habet Galbani, Serapini, Opoponacis, singulorum vnc. s. Eu  
phorbii drac. i. Iridis, Xiridis, Aristolochiæ, Gentianæ, singulorû drach.  
i. Nitri, Sulfuris, singulorum scrup. ii. Cera quod sufficit. Quoniam autē  
seminaria omnia contagionum materiam sibi analogam inficiūt, et cor  
rumpunt, existimandum est per processus morbi, partem materiæ parari  
ad corruptionem, partem corruptam esse: quare et per ea, quæ prohibēt  
putrefactionem, procedere necesse est, et per ea, quæ euacuant: quæ vero  
omnium conuenientissima sunt ad euacuandum, sunt Hieræ, tum Ar  
chigenis, tum quæ Diacolocynthidos vocatur, atq; itē Helleborus, quo  
præstantius nihil est in hac labe, si in sero lactis exhibeatur: valet et Epi  
thymum, et in vniuersum, quæ melancholicum humorem purgant. Cō  
tagem autem prohibent, quæ probe exiccant, inter quæ antipathia qua  
dam peculiari laudāt omnes cinerem fluuiialium Cæcrorum vstorû: lau  
dant pariter et Gentianæ radicem, siue per se sumatur, siue cum prædicto  
puluere in vino albo: quidam et Thus admiscunt: quo medicamento vtē  
dum est omni tempore morbi: cōmendant et Alyssum herbā, quæ nomē  
etiam sortita est, q̄ sine rabie hominem faciat, Arabes Alguascen appel  
lant: in qua non parua ambiguitas est inter medicos, primum quidē vtrū D  
eadem sit Dioscoridi et Plinio Alyssum, deinde et quæ nā apud illos sit:  
Plinius siquidem folia Alyssō dicit in orbem esse circa caulem, qualia in  
Rubia cernuntur, Dioscorides autem dicit rotunda esse. Aliqui Plin. A  
lyssum esse putant Rubiæ genus syluestre, quod medium est inter satiuā  
Rubiam, et Aparinen, quod certe nec folia rotunda habet, nec traditis à  
Dioscoride conuenit, qui de Rubia agens utrunque genus prosequitur,  
mox de Alyssō seorsum tractat: propter quod alii eam pro Alyssō osten  
dunt, quæ Liliæ ab Herbariis vocatur, non quæ apud Ruellium est Li  
lialis, sed aliā, cui flos est albus: verum et huic folia rotunda non sunt, sed  
oblonga in acutum desinentia: sunt, qui putent esse eā, quæ Asperula vo  
catur, minor paulo, q̄ Aparine, foliis in orbem positis rotundioribus.  
Porrò difficultatem etiānum auxere Paulus, et Aetius, qui de Alyssō agē  
tes concordēs uolunt Alyssum esse Syderitem Heracleā. Galenus quoq;  
libro. ii. de Antidotis eam describens, non aliam significare videtur, q̄  
Syderitem illam, quæ Heraclea vocatur à nobis, vulgo Sclarea, in qua  
non parum fallitur iudicio nostro Ruellius, putans Sclareā nostram non  
esse Syderitem heracleam, sed Horminū: de quo plura in aliis diximus:  
quare nomen Alyssi apud posteriores Græcos aliter videtur acceptum,  
quām



**A**quàm apud Dioscoridem, qui de Heraclea scorsum, & de Alyſſo pertrahat: porro nec folia rotunda Syderitis habet, nec ſemen in latitudinem ſe pandens, ſed rotundum: niſi quis dicat Dioscoridem voluiſſe quãdam Heracleæ ſpeciem ſignificare, plures enim ſunt eius Syderitis ſpecies, vna hortenſis odorata, quæ herba Sancti Ioannis apud nos dicitur, maior reliquis. caule, & folijs: alia eſt pratenſis, quæ proprie Sclarea dicitur, folijs aſperis, oblongis ad Saluiam accedentibus, caule quadrágulo, verticillis in orbem per interualla circa caulem diſpoſitis, in quibus flores purpurei ſunt, ſubcœrulizantes, ſalcati ad aquilini roſtri effigiem, quales & in fatiua ſpectantur: alia eſt nemoralis, floribus exalbidis, ſubpallentibus, cæterum verticillis, & folijs prædictis ſimilis: eſt poſtremo & montana Syderitis, in totum pratenſi ſimilis, niſi quòd folia rotunda gerit, & verticilla minora, in quibus flore abiecto ſemina ſunt in inuolucro bina ceu ſcutula: mulieres hanc & in hortis ſerunt, ac Betonicam falſo nomine appellant: hanc ergo fortasſe opinandum eſt Dioscoridi primum, mox Galeno & aliis fuiſſe Alyſſon, quæ et Syderitis quædam eſt, non ea tamẽ, quæ ſimpliciter Heraclea intelligitur à Dioscoride, quã Pratenſem diximus: quicquid igitur de Alyſſo ſit, non errabunt iudicio noſtro, & qui minorem Rubiam vel contuſam, vel ex aceto potam exhibebunt in Rabie, quæ & contra ſerpentes valet: nec illi pariter, qui Syderitem, quoniam & illa mire deſiccet. Laudat Aetius expertum ſenis cuiuſdam Oxylapathum, quo tam introrſum, quàm extrorſum vtebatur: non eſt autem Oxylapathum, quæ acetofa vocatur (oxalis enim ea eſt) ſed illud, quod & folia, & ſemen acuta inter Lapatha habet.

*De curatione Syphilidis, ſeu Gallici morbi.*

Cap. 10.

**N**Vnc ad eas contagiones tranſeamus, quæ extima magis occupant, incipientes à Syphilide morbo nouo: in cuius curatione nec plane medici conſenſere, præſertim quum primum in lucem veniſſet: nam, ſicuti in illius cognitione conſuſi plurimum extitere, ac diſcordes, ita & in curatione non eadem arbitrati ſunt: qui enim aduſtionem putabant illius cauſam, per ea etiam medicabantur, quæ aduerſantur aduſtioni, non ſolum nihil iuuantes, ſed mirum in modum malum augẽtes: qui vero exiſtimabant eſſe idem cum Elephantia, per vinum viperatũ & viperæ carnes curandum præcipiebant: alii quietem iniungebant: alii & balnea fruſtra experti ſunt: alii doloribus ſolis intenti reliquam curationem negligebant, donec Empirici à ſimilitudine quadam eius morbi cum ſcabie ſera permoti, auſi ſunt primi per cauſtica morbum curare: multi mox lar-

*Fracaſtorij.*

○○

gius

gius de tota curatione scripsere, inter quos & nos carminibus non nullis C  
 primum lusimus, quum iuniores essemus, ac ciuitate pestilentia graui vexata  
 rus secessissemus, vbi ad eam rem ocij multum nobis dabatur.

Quoniam vero Poetica, vt supra diximus, nec omnia admittit, nec P  
 sequitur, necessariumq; nobis fuit plura tum relinqui, nunc quidē, si rur-  
 sus ea curatio pertractetur, & non poetice, sed medice, magis operæpre-  
 cium fiet, præsertim q̃ nec ea de re recte agi posse videtur, nisi contagio-  
 num natura bene perspecta fuerit.

Qui igitur recte curare hunc morbum volet, ad hæc in primis aduer-  
 tat, necesse est: primum quidem, vtrum recens sit ægritudo, an inuetera-  
 ta, & quousque processit, & ad quæ membra, si neruosa iam occupauit, si  
 ossa corrumpit: tum & si benignior est, an fera, & si multæ materiæ est, an  
 pauca, & an tenacis, an tractabilis magis: tota ne extrorsum sit, an & in-  
 trorsum, & si vlcera multa sunt, & an plus dolorum, quàm pustularum,  
 vel contra, similiter & gummositatum, & vt vno verbo dicam, omnes  
 differentiæ eius morbi ante oculos habendæ sunt, maxime autem analo-  
 gia: nam, tam & si ad phlegma crassum, & sordidum per se sit, non vna  
 tamen est phlegmatis eius ratio, vt dictum est: præterea et alia vniuersa-  
 lia consideranda sunt, ætates, sexus, anni tempora, complexionēs, & id ge-  
 nus, neque enim omnibus omnia conueniunt. His ergo bene perspe- D  
 ctis scito eam labem, quum iam ossibus insedit, extra spem esse, nisi for-  
 te ea ossa vri possint: quare aut eam curationem rejice, aut malum reditu-  
 rum prænuntia: ea etiamnum difficilior est, quæ est inueterata, & quæ à  
 multa, & tenaci materia pendet, quæq; multas gummositates habet, & ma-  
 lancholicum hominem tenet. Quare difficilioribus difficiliora etiam re-  
 media sunt adhibenda: particulatim autem prosequendo, aer primo ne  
 impurus sit, non austruinus, verumtamen ne, vt austrinum fugias, valde  
 borealem & frigidum eligito. Ocia porro omnia, omnis ignauia, & desi-  
 dia tibi fugienda est, tibi omni studio, omni conatu exercendum, laboran-  
 dum, sudandum: hoc dico, hoc hortor, hoc iubeo: curre, salta, venare, pi-  
 lam, luctam, gladiatoriam exerce: per hæc materiam segnem liquefacies,  
 attenuabis, & expelles, ac cum ea & seminaria contagionis: sed ita hæc fa-  
 cito, ne, quum remittes, protinus frigeas, & ocium ducas, sed paulatim à  
 fatigue ad quietem te transferto, pannisq; obsepito, calido in loco  
 morator, quin & in ipso exercitio (si fieri potest) locum frigidum non de-  
 sidero. Ad hæc consuetæ corporis expurgationes procurandæ, quæ per  
 nares, quæ per cutim, quæ per palatū, quæ per aluum, & si quæ aliæ sunt,  
 vt hæmorrhoides, & menses, & reliquæ: nihil vero superfluum exeat, præ-  
 sertim eorum, quæ per Venerem dissoluuntur: vigilæ vti nimis esse no-  
 lunt,



**A**lunt, ita nec nimius sit sompnus, non interdium factus, non statim à cibo: curæ nullæ, nullæ sollicitudines adsint, nulla studia animum occupent, nulla demum assidua mentis intentio. Cibaria vero magna cura paranda sunt, atque eligenda, atque in primis neque tenuem diætam, neque crapulam volo: in vniuersum autem vitanda sunt putrescibilia, dura concoctu, quæ viscosa, quæ mali alimentum sunt, tum quæ exurunt, quod in sanguine dulce est: quare & lac, & oua, & fructus, & leguminum omne genus, & pastaica omnia, & Suillæ, & Taurinæ carnes, & Pisces, & id genus omnia fugienda: Piscium tamen (quoniam sæpe ijs uti necesse est) minus mali erunt Gobij, Menæ, Passeres, Scari, Percæ, Merulæ, Turdi, Aselli, Auratæ, Phycides, & è flumijs, & Iacubus vocati Temali, & Strigili, & Lucij, & Cauacini, & Barbuli, et Sardellæ, et Carpii: è carnibus quadrupedum quidem posthabitis pedibus, capitibus, iocinoribus, et intestinis, conuenient Hardi, Vituli, Hinuli, Lepusculi, tum Pulli gallinacei, Phasiani, Perdicum genus utrunque, hoc est, quæ Quaternices vocantur vulgo à nobis, & quæ dicuntur Perdices, item et Turdi, & Merulæ, Attagenes, Hortulani, Galeritæ, Ficedulæ, et auiculæ nemorales, et reliqua, quæ nota esse possunt. Vinum ne generosum sit, sed tenue magis, album: quod et si aqua mulsa uti quis volet, non male faciet.

**B** Quoniam autem (ut diximus) analogia eius morbi ad phlegma sordidum, & crassum per se est, ad hoc quidem præcipue dirigenda intentio est, in quo et seminaria contagionis continentur, et pars iam inficitur, pars infecta, et corrupta est: quare et ad hæc tria, sicut et in alijs, animaduertere necesse est. Ac ad seminaria quidem expeditissima esse potest curatio, si ad prima morbi initia accesseris, quæ interdum cognosci possunt, interdum non: nam suspicio quidem multa, & iudicium verisimile esse potest, quum quis se permixtum nouit cum infecta, certissimum vero, quum iam & caries quedam circa pudenda obrepit: confestim igitur ea pars lauanda est per aquam rosaceam, mox rursus lauanda, & fouenda decocto ex Alumine et Aerugine æris, aut inungendum circa pubem totam vnguentum, quod ad eum morbum confici solet, de quo post dicemus: tum & per os aliquid eorum sumendum est, quæ contagioni obstant, qualis est Theriaca, aut Mitridatum, forte enim per hæc ita seminaria morbi absumes, & interimes, quod non ultra procedet. Si vero morbus iam non circa principia fuerit, sed altius radices egisse cognosces, et iam aut dolores, aut pustulas, aut alia indicia adesse, tum non sola seminaria respicere debes, sed simul & materiam, quæ partim inficitur, & periclitatur, partim corrupta est: seminaria tamen nunquam volunt posthaberi, sed semper aut iterimi (si potest) aut frangi, aut educi: materia, quæ corrupta est, educi vult,

quæ vero inficitur, restitui, aut et educi, si multa est: quoniam autem crassa est, et fordida, in multo lentore consistens, nec restitui, nec educi potest, nisi subtilietur, et abstergetur, quinimo nisi colliquetur ita, ut ab ea sordities omnis abstergi possit, et aut exiccari, aut in sudorem abire. Verum quia permista sunt omnia, tum seminaria, tum materia propter lentorem, amplius et simul sunt pustulæ, et dolores, et sæpe gummositates, videndum est, si quod vnum ingenium, et remedium est, quod omnia exequatur, et omnibus valeat, an plura requirantur, & quæ ea sint: nam sunt qui tentent per purgationes solas omnia absoluerè, alii per inunctiones, alii per suffitus, alii per ea, quæ in sudorem conuertunt materiam, alii per ea, quæ obsistunt contagioni, alii vero modo vno, modo alio auxilio ad diuersa vtuntur: quare de his omnibus diligenter quærendum videtur. Primum autem ab euacuatione ordiamur, quam vnâ sufficere ad totam curationem aliqui opinati sunt, quod certe & nos in quibusdâ sceleriter celsisse vidimus, in quibusdam autem non suffecisse: supponamus autem cum in omnibus, tum maxime in hoc morbo prius digerendam, præparandamque esse materiam, quæ educenda mox est, oportere autem calida esse, quæ huic malo conueniant, attenuatiua, et, ut dicunt, incisoria, quoniam materia lenta est, et fordida, ac segnis: optima igitur erunt Oxymel, & Mel rosatum, et syrupus de Præsisio, de Hyssopo, de Betonica, de Calametho, de Epithymo, de Lupulis, et consimiles, quibus aquæ addantur Iridis, Enulæ, Epithymi, Agrimonie cap. v. Foeniculi, Apii, Pulegii, Origani, Pimpinellæ, Cardibenedicti, Cicerbitæ, Chamædryos: aut fiat decoctum ex eisdem, et Scordio, et Dictamnio cretico, et Thymo & Betonica, & Schinatho, et Verbena, et Syderite heraclea, et Amomo, et Agaloch, et eiusmodi. Potes eodem tempore digere etiam materiam per inunctionem hanc, vel consimilem: succi Rutæ, succi Enulæ añ. vnc. i. Theriacę vnc. ii. Thuris. drach. ii. Piperis drac. i. Axungie, medullæ Vituli, Butyri recentis, singulorum vnc. i. olei Chamemelini, irini, quod sufficit: ex hoc inungatur dorsum, brachia, et crura: concoquet materiam, & dolores leniet. Ergo digesta materia euacuanda est: è simplicibus vero, quæ præcipue valeant, sunt Colocynthis, & Hermodactyli, et Helleborus, et Agaricus, & Aloe, quibus admiscenda sunt, quæ simul liquefaciant, et dissoluant, qualia Serapinum & Galbanum, & Bdelium, & Opopanacum, et Hammoniacum, & Myrrha, et Laser, & eiusmodi: ex compositis autem consuetis sunt Aggregatiuæ pilulæ, et de Hermodactylis, et Arthriticæ, et Indæ, et de lapide Lazuli, et Benedictæ, & eiusmodi, tum et electarium Indum, & Hamec, et de Benedictæ, et Theodericum, et Hiera diacolocynthidos, & Hieræ à Scribonio descriptæ, & alia multa. Facta igitur pri-



**A**ma euacuatione recte illi mihi videntur facere, qui et rursus concoquāt, ac rursus purgent, vidimus enim, qui factis exacte purgationibus probe fuerint restituti: aliqui secundos syrupos faciunt, simul etiam solutiuos, addentes ipsis aut Senam, aut Agaricum, aut Hermodactylos, aut Hellebori scobem vel diebus singulis, vel alternis, quod etiam laudem.

Si igitur vna hæc curatio sufficere videatur, reliquis parcemus, sin autem non sufficere, vt profecto per plurimum accidit, vbi aut iuueturatus sit morbus, aut materia crassior, & tenacior, tū alia tentare remedia oportet: quare et reliqua examinemus. Sunt, qui statim ad inunctiones se illas transferunt, quæ è causticis fiunt, quod & primis temporibus maxime factitabant: sed certe satius ego existimo illa prius experiri, quæ et minus acerbæ sunt, et nullius periculi, quod quidam foelici satis successu sæpe facere, post purgationes aromatica quædam exhibentes, quæ tum exiccāt, et abstergunt, tum subtiliant, et confortant: talia sunt Calamus aromaticus, Macer, Agalochum, Casia, Zedoaria, Zingiber, Schinanthum, Iris, et alia, quorum decoctum mire videtur conferre. Aliqui solo ligno Iuniperi multos sanauere, alij Cupresso, alij Citro sola, quorum scobe nō alio vtuntur modo, q̄ quo & Guaiaco: de quo iam dicendum, quando inter alia maxie in vsu est. Defertur ad nos ea arbor ex Hispana vocata insula noui orbis, et adiacentibus, vbi et morbus maxime familiaris est: opti-

**B**ma autem, quæ ex ea insula, quæ Beata vocatur.

Delatæ differentiæ sunt multæ non negligendæ, nam primis temporibus trunci magni, crassiq; afferebantur, & antiquissimi, quibus albi parum, nigri multum inerat, nunc rami fere portantur recenter cæsi, in quibus albi multum, nigri parum spectatur: hi amariore longe sunt, et styptici magis, antiqui acuti magis, q̄ amari, vel styptici, magis etiam resinofi: abijciebatur primis temporibus summus cortex, nunc maxime is assumitur, maiore etiam pretio, q̄ reliquum lignum.

Videtur autem hæc arbor omnia aptissime præstare posse, quæ in hoc expetuntur morbo: nam, quoniam è subtilissimis constat partibus, & ijs calidis circa tertium gradum, et siccis, tum et resinosa est, potest quidem plurimum exiccare modis omnibus, hoc est per caliditatem, per siccitatē per se, et per imbibitionem: potest et sudorem prouocare, tum et subtiliare, & liquare materiam, et abstergere, ac demum, q̄ simul resinosa sit, putrefactioni, & contagioni non parum obistere: videtur autē et vim quædam medicatam habere, propter quod et aluum mouere solet: cæterum illud notandum est, q̄ antiquum lignum, q̄ acutum magis sit, etiam dissoluit, eliquat, & subtiliat magis, q̄ recens: quare, vbi crassior sit materia, & gummositates multæ, id magis est eligendum: recens vero exiccatur qui-

dem

dem magis ea siccitate, quæ per qualitatem exiccare potest, minus vero C  
per eam, quæ fit à caliditate: quare simpliciter exiccat minus, quoniam,  
quæ à qualitate ipsa sicca fit actio, satis pauca est comparatione illius, quæ  
à caliditate fit, confortat autem magis, propter stypticitatem: quare, vbi  
delicior esset complexio, & desideraretur confortatio membrorum, ma-  
teria autem subtilior esset, eligendum, quod recens venit.

Cortice quoque indiscrete multi vtuntur, putantes exiccare magis, quàm  
ficcior videtur, sed certe ficcior & hic est ea siccitate, quæ à qualitate sicca  
fit, & ab imbibitione, non autem ea, quæ à caliditate: quare & minus col-  
liquat, & subtiliat minus, & dissoluit, & sudorem minus mouet: quocir-  
ca & de ipso idem dicatur, quod de recenti dictum est. E ligno præterea  
antiquo decoctio fiebat multo limpidior, & multo acutior, quod ppter  
densitatem eius ligni minus de scobe admisceretur, plus autem acrimo-  
niæ, quod calidius est, è recenti autem, & è cortice plus admiscetur sco-  
bium, quare turbidior fit aqua, & amara magis, minus autem acris, quod  
tale sit id lignum, & cortex: minus etiam ex hoc de spuma colligitur, quæ  
ex antiquo, quoniam in antiquo plus est de nigra substantia, vbi & plus  
resinæ inest: quare sepe miratus sum, cur tanta mutatio eius ligni sit fa-  
cta, & quomodo cortex, qui abijci solebat, nunc in tantum præcium ve-  
nerit, nisi quod natura medicorum est noua semper inducere, per quæ &  
plus authoritatis, et plus lucri acquiritur: eadē innouandi cupiditas aqua, D  
in quo coquebatur, mutauit in vinum, quod rursus indiscrete à multis  
non sine magno periculo vsurpatur, vidimus enim multos è potu vini il-  
lius male affectos in insanabilem egritudinem decidisse: quare qui com-  
plexiones calidas & siccas habent, habitudines extenuatas, materiam  
morbi adustiorem, ij cauere ab eo potu debent, securius vero ij acci-  
pient, qui crassi sunt, et humidi, & quibus materia morbi segnior est,  
& multi lentoris, & in locis remotis, in ijs enim non inutile erit adde-  
re, quod exportet virtutem ligni, et quod subtiliet etiam, & amabile  
membris sit: qua de causa multi & mel addunt, multi vinum non in ip-  
sa decoctione, sed post admiscunt, quoniam simul decoctum austerissi-  
mum, & ingratisimum facit potum.

Preparatur autem lignum hoc pacto: Lima oportet scobes ex eo face-  
re, non contusione, non incisione: lib. j pulueris in libris xij aquæ infun-  
ditur per horas xxij, in olla librarum xvi capaci, dein coquit læto igne,  
collecta diligenter spuma, & seruata ad vsus, quos dicemus, donec ad di-  
midium consumatur: decoctum hoc primum colatur, & seruatur: tum  
fit & secundum decoctum relictis scobibus iniijciendo totidem aquæ li-  
bras, sed hoc si decoquatur ad quartæ consumptionē, sat erit: vti eo opor-



**A** tet loco vini, priore autem utimur ut medicamine: sunt qui in primo decocto simul aut Senam, aut Hermodactylos, aut similia concoquant: alij non hæc addunt, nisi singulis quinque, aut sex diebus. Ergo primi decocti dantur in aurora vnc. vij, aut viij, ægro in loco calido, qui nec transpiret, constituto, qui è lectulo ante horas tres non exurgat, expectans sudorem: horis ab hoc potu quinque prandium exhibeatur: à prædico horis vj, rursus eiusdem decocti vnc. v dentur, si æger ferre potest, ac post horas iij cœnet. Primis temporibus æger per mensem integrum nunquam cubiculo exibat, nunc data est licentia maior: eo etiam tempore tantum cibi exhibebatur, quo vix seruaretur vita, quod erat panis vnc. iij, vel ad summum iij, carnis pullinæ vnc. ij, passularum vnc. i: vino prorsus abstinabant, loco cuius utebantur secundo decocto, aut simplici, aut cum melle facto, nunc omnia licentius aguntur, nam et domo exire sinunt, et largius alunt, verum, qui patientius cuncta ferunt, & securius, & incolumius curantur: Aliqui panem biscoctum dari iubent, quo scilicet, ut arbitror, exiccent magis: sed certe exiccatio hæc non ea videtur mihi, quam querimus, querimus enim non eam, quæ ex alimento fit, quatenus alimentum est, sed magis illam, quæ circa humores fit, ut à medicamento: biscoctus autem panis quatenus alimentum membra exiccat, quod non querimus, quatenus autem medicamentum (quando & ipse siccus est)

**B** & qualitate, & imbibitione potest certe exiccare, sed ad humores non transit hæc exiccatio, nisi prius exiccet sanguis ab alimento factus, quare et superstitiosum semper existimaui hunc usum, & affectatum, & parum utilem. Spuma vero, quam collegisti, illi neda sunt vlcera, si qua sunt, nec non & callositates omnes, & loca quæ dolent. Porro satis esse solebat huic potui dies triginta, nunc plures requiruntur, siue quia materia crassior & terrestrior facta sit, quàm primis temporibus, siue quia non utamur ligno antiquo, & licentia ægrorum sit maior, qua de causa in maiori parte non semel sed bis dari hunc potum necesse est.

Si vero in vino facere decoctum placet, prius bene consule & temperaturam ægri, & habitudinem bene spectato, item & ætatem, & anni tempus. Potest idem decoctum fieri in aquis sublimatis Endiuicæ, & Cichoreæ, & Lupulorum, & Boraginis, & similium, quod iuuantissimum nonnunquam vidimus: atque ita se habet, quæ per Guaiacum curatio fit: quo si careas, utere vel superscriptis, Iunipero, Citro, Cupresso, vel & Teda, & Terebintho, & Cedro, & Ebano, vel Calamo aromatico cum radice Gentianæ. Nunc ad eos veniamus, qui per sudorem curant: viæ eorum multiplices, alij per ea sublimata curant, quæ Elixir vocat, omnia acutissima, & ignea, periculosa quidem, & euitanda: alij per ea faciunt, quæ simpliciter sudorifica.

sudorifica dicuntur, quibus et aromatica admiscunt, sic enim et putrefactioni resistunt, et materiam liquant, et in sudorem vertunt. Præstantissimum inuentum est radix Cynarum: ea (vt perhibet) è regione Sinarum deferret à negociatoribus ijs, qui ad Calicut, et Taprobanen, & vltra nauigant: qua incolæ vtuntur ad ægitudines multas, præcipue autem ad morbum Gallicum: sudorem plus, quàm credi possit, prouocat, et exiccat, quare nec mirum est, si huic morbo valet: modus vtendi hic est. Radices per transfuersum incidantur in assulas tenues rotundas, atque harum vnc. j in libr. xij aquæ ponuntur in vase testaceo, capaci libr. xvi, ac igne lento ad consumptionem tertiæ partis coquuntur, decocti lib. i datur in aurora bibenda, reliquum seruetur loco vini potandum: eiusmodi decoctum diebus singulis fit: duas vel tres horas morari in lectulo oportet, ac sudare, mox surgendum, si videbitur, verum aperto aeri exponi non conuenit, nisi post dies septem. Dantur autem toti curationi dies quinque, et viginti fere, ita vt vncijs quinque et viginti tota curatio expleatur: interea omnis venus cauenda, acerba omnia, et concoctu difficilia vitanda. Si vero careas ea radice, vti potes loco eius radice Cannarum nostratium, cui Calamum aromaticum addas: potes et radicem Personaciæ decoquere, quæ mire sudorem ciet, cui si Irim adiugas, vel Xirim, et Acorum, et Calamum aromaticum, et Schinanthum, vt iliter facies: ac decocto vtendum erit per dies plures. Potest et aliud decoctum fieri, quod intentiones omnes complebit. Gentianæ, radicem Bulalapathi, seu Bistortæ, Costi, Aristolochiæ, Iridis, Casiæ ligneæ, Scordij, Diētamni cretici, quod sufficit: de vnoquoque infunde, decoque, vt prædicta. Hæc ergo sunt, quæ factis debitis purgationibus, si non recedit morbus, experiri potes, vt blandiora, et secura magis.

Nunc et acerba prosequamur, quibus primis temporibus statim vtentur, ab Empiricis primum inuenta: alterum fuit inunctio, alterum suffitus: quæ quauis Empirice inuenta fuerint, et à similitudine (vt diximus) ad Scabiem, habent tamen idoneam rationem, nam ex ijs constat, quæ seminaria exurunt, et totam materiam exiccant, et abstergunt, et liquant, et in sudorem vertunt: materia eorum è causticis potentia est, aut è propinquis causticis, quibus adduntur conuenientissima quæq;. Quæ ergo in vnctionem veniunt, alia sunt caustica potentia, non quidē quale Chalcāthum, et Arsenicum vocatum, et Sublimatum: sed quale Argentum viuum, quæ materia ferè est huius medicamenti: est autem potentia causticum, quod ex subtilissimis, atque igneis partibus constat, quod Sublimatum ostendit: vbi igitur particula illa intra corpus actu facta sunt, siue quod per se sint nata plurimum calefacere, simul, ac vnita sunt, & separata



**A** paratę ab alijs, siue q; minima omnia Argenti viui sint apta plurimum in calefcere à calore nostro, & ob densitatem materię mox etiam exure, tum quidem & exiccatio, & exustio circa seminaria contingit: adduntur &, quę intro portent virtutes causticorum, & simul emolliant materiā, quo aptior sit liquari, vt pinguiā: adduntur &, quę subtiliant, & ab sterunt, & liquant, ac postremo, quę contagionibus modis omnibus ad uerlantur: tale est, quo sæpe vsi sumus, quod habet Axungię porcine lib. 5, Butyri recentis vnc. iij, Terebinthinę, Styracis liquidę, singulorū vnc. ij, Thuris, Myrrhę, Masticis, singulorum vnc. 5. Iridis, Aristolochię, Gentianę, singulorum drach. iij, Hellebori drac. ij, Sulfuris vnc. 5. Nitri drac. j, succi Enulę, succi Opij, singulorum vnc. j, Olei laurini, rosati, q. s. Aceti vnc. i, Argenti viui pars omnium octaua, misce & fiat vnguētum in mortario ferreo. Possunt & leniores compositiones fieri, & diuersę formari, prout & intentiones, & casus diuersi sunt: quare & illud notandum erit, quòd, vbi plus gummositatum videbitur, plus pinguedinum apponendum erit in vnguento, vbi minus gummositatum, plus autem pustularū, & vlcerum, plus puluerum apponatur: in delicatioribus vero minus argenti addendum erit: vbi vero complexio calidior fuerit, imponēda, quę temperent, vt Butyri plus, & plus Olei rosacei, minus vero exiccātium. Prius autem, q̃ linias, exactissimę purgationes procurandę sunt, & phle

**B** botomia etiam, si expedit: qui vero inungēdus erit, loco calido ponatur, inungaturq; totus præter caput, pectus, & sub alis, tum stappa multa calida fasciādus: sunt, qui & sacculos ex hordeo calefactos inter coxas, & sub alia ac pedibus ponant, quo penetret vnguentū magis, & sudent melius: aliqui bis in die inungunt, quod graue nimium est, satis erit, si semel inūgas: quidam & statim à prandio vngunt, quod, & si ad sudorem eliciendum accommodatum videtur, ad totam tamen nutritionem ineptum est, quare melius inungere per horas quinque ante prandium: eo tempore nihil prohibet & meracum etiam vinum concedi album. Possunt inūctiōni dies x dari, à quibus si exulcerari os incipiet, & sputum multum emitti, id compescendum non est, sed sinendum, donec videatur os male affici, tum foue aut Lactē, aut aqua Hordei, & Diamoro, vel Melle rosato: mox etiam, vbi vlcerum sanatio quærenda sit, è stypticis, & alumine os ablue, & gargarissā. Dicendum autem &, quę iuuamenta ex hoc linimento consequantur, & quę nocumenta: iuuamenta erunt, q; dolores miro quodam modo tollentur, gummositates dissoluentur, aut in ipsa vnctiōne, aut post, vlcera sanabuntur, & pustulę omnes recedent, verū non sine suis incommodis & malis, quorum primum est tœdita vnguēti illius, mox grauius est, q; os & palatum exulcerantur, ac sordities tāta p

os concitatur per dies xv, & amplius, vt nihil foedius, nihil intolerabilius videatur: cibus nullus mandi potest, etiam vix forberi datur, dentes luxantur, somnus adimitur, & breuiter per id tempus nihil grauius sentiri potest: multi præterea sublato morbo tremuli remanere, multis reuixit labes. Inuenere idem Empirici & suffitum: ægrum collocant in matella, pannis optime circumtegunt, vt ne etiam os extet, tum Cynabarim cum Thure mistum vrunt, quo suffitu incalescit æger mirum in modum, ac sudat: acerbissimum vero est medicamentum, quo ego nunquam ausus sum vti ad corpus totum, ad certas autem partes, vt crura, et brachia, quæ vel sphaceli adsunt, vel feræ gummositates, vel dolores, vel vlcera male morigerata, etiam præstantissimum arbitror: cæterum ab eo abstinendū suadeo, nec Empiricis credendum, quibus nihil temerarium est magis, quando & per os etiam ausi sunt Argentum viuum, & quod Præcipitatum vocant, confectis ex ijs pilulis exhibere, quasi eadem vis sit Argenti viui extra appositi, & deuorati. Vtuntur autem Cynabari, quoniam & in ipso potentia est viuum Argentum.

Quærat autem fortasse aliquis vtrum balnea conueniant huic morbo, qualia Aponesia, & Porretana, aut etiam nostra, nam & exiccare possunt, & abstergere, & subtiliare, & sudorem inducere: ad quod dicimus experientia constare nihil aut parum ea prodesse: causam ipse arbitror, quod debiliora sunt, quàm vt possint materiam tam crassam, & tam lentam liquare: leuiore quidem cutis infectiones, qualis est Scabies, & Impetigo, & quæ ab hepatis adustione contingunt, & falso phlegmate, vel nostra Calderiana tollere valenter possunt, maiora vero non possunt: propter eandem causam & pulueres, qui supra laudati sunt contra contagiones, frigidi existentes, vt Bolus armenius, & Sphragis, & Gémæ, nihil ad huc morbum valent, sed solum qui calidi sunt, vt Thus, & Mastix, & Myrrha, & Scordium, & Dictamnium, et alij, quocunque modo fuerint administrati. Sunt autem cum hoc morbo accidentia quædam cõiuncta, ad quæ particulatim interdum oportet adhibere remedia, inter quæ est dolor capitis, interdum totum occupans, interdum partem, materia multa distenta, & coacta supra caluariam sub Pericraneo vocato, qui sæpe nullis remedijs leuari solent: ad quos ego nihil iuuantius inueni, quàm inungere interna brachia, præsertim qua venæ cephalicæ protenduntur, hoc linimento. Succus Inulæ, succus Bryoniæ, Styracis liquidæ, Terebinthinæ, singulorum vnc. i, Gummi Eleni vnc. s. pinguedinis Vrsi, Anseris, Butyri, singulorum vnc. i. s. Thuris, Iridis, singulorum drach. iij, Olei Irini, quod sufficit, Argenti viui octauam partem. Sunt sæpe & gummositates tantæ duritiei, vt nec Guaiaci spuma, nec alijs solitis linimentis auferri queant: quâdoque



**A** que protenduntur per longitudinem tibiæ tanto dolore, vt mors præferatur: quapropter ad valentissima remedia recurrere oportet: quidam suffitus prædictos adhibet, alij accensum & candentem Pyritem lapidem spargunt decocto Guaiaci, et aceti, et locum fouent. Confert autem et hoc emplastrum: Radicis Cucumeris agrestis, radicis Iridis, singulorum, quantum sat est, coque, dum tenerescant, tum libram harum accipito, Ammoniaci, Serapini, Galbani, singulorum vnc. ij, Styracis liquidæ vnc. i. s. pinguedinis Vrsi, Butyri, singulorum vnc. i, Argenti viui quartam omnium partem misce, et pro arte emplastrum confice. Interdum fauces, et guttur ex prauis destillationibus eroduntur, quibus, nisi succurratur, sæpe gargaréo absumitur, sæpe vsque ad ossa transit corruptio: factis ergo purgationibus, et, quas potes, diuersionibus Gargarissare oportet decoctum, quod fit ex Ligustro, et Plantagine, et Cytinis, in quo mox Alumen, et Rex aceti, et Nitrum dissoluantur cum Bolo armenio.

Tangere item oportet locum, si hæc non conferunt, bombice infusa in aqua Aeruginis æris, Sandaracæ, et Aluminis: fit et aqua ad id mirabilis: destillatur Theriaca in aqua vitæ, et aceto per elambicum, aqua exit limpidissima virtutum multarum, præcipue autem valens, vbi profundius conduci vis medicamenti debet: si ergo Bolum armenium, aut Sphragida in eo dissolueris, ac partes erosas tetigeris, et seminaria eius contagio-  
**B** nis absumes, et erosionem omnem sanabis. Non nullis et pili cadunt, aut barbæ, aut superciliorum, aut et capitis, quod deformes, et ridiculos homines facit: continuo ergo è speciebus Hieræ Diacolocynthidos pilulas confice, et à cibo suscipe, tum Guaiacum cum Melle, et Ladano in vino coque, et foue locum eo decocto calido. Valet et hoc odoriferum, quod habet Pomatæ vocatæ vnc. ij, Ladani vnc. s. Musci gr. iij, Aquæ rosatæ, in qua bullierint gr. vj Sublimati, vnc. j: misce omnia, et bene incorpora, et line. Valet et aqua prædicta è Theriaca distillata. Accidit quandoq; vt adolescētuli sint, qui hoc laborant morbo, vel è matre contracto, vel è nutrice, quibus prædicta auxilia præstari non possunt: his casibus ego consueui facere decoctionem Guaiaci, quo pacto monstrauius supra, mox decoctum id per elambicum in purissimam aquam destillari iubeo, ac puero bibendam do diebus singulis vnc. iij, vel iiij: ea et ebibi non ingrata est, et non parum iuuat. Atq; hæc demum sunt, quæ de Syphilide morbo dicenda mihi visa sunt, ad quæ si quis recte respexerit, compositiones multas, et varias formare poterit pro ætatibus, et sexu, et complexionibus, et materia, et reliquis, quæ, diuersa quum sint, diuersa etiam remedia exposcunt.

**Q**Vi de curatione Elephantia scripsere, sicuti materiam solam, in qua consistit, considerarunt, ita de ea ferè sola, quæ in nobis primo fit, curationem tradidere, de ea vero, quæ per contagionem ab alio concepta est, atque ea quoque, quæ primo in nobis fit, quatenus contagionis rationem includit, nihil certe attigere, quod profecto par erat facere: nam in ea quidem, quæ contagione contracta est, sano alioquin homine existente, & melancholia non exuberante, quid per Deos facies per initia? si materiam digeramus, si euacues, cur & in ea, quæ in nobis fit, Archigenes psilothris utebatur, & causticis, vel ijs, quæ causticis propinqua sunt? cur non ita in Cancro operamur, quum ex eadem materia sint? certe non oportebat solum dicere, redundante in venis melancholico humore, & non potente à splene trahi, & digeri, expelli à natura ad cutim, atque illic eas pustulas facere, sed oportebat & illud enarrare, quod illic putrescit, nec solum hoc, sed quod putrescit sordida quadam, & conclusa putrefactione, per quam & contagionis seminaria includit, atque in hoc à Cancro differt: propter quod alijs Cancer, alijs Elephantia indiget, quanquam remota in materia communicent: quapropter si alicubi audies Galenum dicere eodem modo curare oportere Elephantiam, quo & Cancrum, quod ex eadem materia sint, intelligas oportet quantum ad antecedentem, & remotam materiam spectat. Duplicem igitur scopum in Elephantia esse scito, alterum ad materiam, istam remotam, si qua est, quæ in corpore redundet, alterum ad materiam, quæ circa cutim iam putrescit, & còtagio sa fit: si igitur prior illa materia redundare tibi videbitur, protinus secare non solum venam basilicam debes, sed & vtranque, si expediens videbitur, consentientibus cæteris: verum per initia hæc fiat, & quum in aliquo primo oborta est contagio, nam, ubi aut ab alio accepta fuerit, aut in tantum processerit, ut fera iam sit, tum, si secabis venam, contagem introrsum trahes, et hominem in maiori periculo statues: reliquam vero materiam digerere oportebit, & mox euacuare: digeremus autem per ea, quæ incidunt, & subtiliant, & abstergunt, ea commiscetes, quæ leuiter humectent: quare aptissimum erit Serum caprinum, in quo decoquantur Stœchas & Thymum, & Epithymum, & Satureia, & Scordium, et Dictamnium creticum, & Iris, & Seris, & Lichen, & Stratiotis, & eiusmodi, quæ varianda erunt, prout & materia modo minus, modo magis exusta est: syrupi vero erunt, & Oxymel, & qui fit de Epithymo, & de Fumoterre, & Sapor, & de Pomis, & eiusmodi: euacuare autem oportebat per Hieras, qualis



**A** qualis est Diacolocynthidos, & Ruffi Hiera, & Archigenis, nec non & per Helleborum, et Epithymum, et Senam, et Polypodium, et similia. Materia vero, quę pustulas facit, & ipsa quidem digeri vult, hoc est parari, vt absumi possit: faciunt autem hoc, quę subtiliant, et leniter molliūt: quoniam vero et lentore quodam, ac forditie referta est ea materia, tum & seminaria contagionis includit, abstergentibus, & exiccantibus indiget, exiccantibus autem non mediocriter, sed validioribus, & aut potentia causticis, aut propinquis: medicamenta igitur, quę huic cōtagioni valent, sunt, quale Nitrum & Sulfur, et Helleborus, & Cedria, & Thus, & Iris, & Argentum viuum, & Terebinthina, & Styrax liquida, quibus addantur adipēs, ē quibus placeant Taurinus, Vulpinus, Vrsinus, & Leoninus. Dubitabit autem aliquis, quomodo tam calida cōueniant, quoniam tam materia, quàm seminaria in adustione quadam consistunt, quare fieri videtur, vt in vtroque adaugeatur adustio: verūtamen videmus & antiquos ex his medicamenta exhibuisse, qui et Nitro, & Alcyonio, & Psilothris, & vtroque Helleboro, & trochiscis Andronis utebantur: recte igitur fieri existimamus, vt per prædicta contagionem hanc extinguamus, sed conuenientissime apponentur aliqua, quę tum humectent, tum et aliquantulum refrigerent: placet igitur, vt & Butyrum addatur, et mucilago Psyllij, et Polygonati, et succus Solatri hortenſis, et similia, ne plus

**B** æquo sanguinem exuramus: præcipuam autem et in hoc vim habet Argentum viuum, sicut et in Gallico morbo. Ad hæc autem valet et Viperæ caro, et viperatum vinum, et Crocodilorum terrestrium, et Afellorū, qui sub vrceis degunt, nec non et Trifolium asphaltite, et Syderitis herba, et Calamus aromaticus, et rasura Eboris: placent et balnea tepida, in quibus si more antiquorum inunctiones prædictæ fiant, non certe præter rationem fiet.

Sunt porrò et alij in contagione constituti morbi, vt Lepra, ita à Græcis vocata, et scabies, et Papulæ, et Areæ, et Ophiaſes, et Ophthalmiæ quædam, et Dysenteriæ etiam non nullæ, quorum omnium curationi scribendæ parcemus, existimantes ē prædictis viam vniciq; satis patere ad ea recte tractanda: quare, et quantum ad institutum nostrum negocium attinet, hæc dicta sint.

AD EVNDEM ILLVSTRISS.  
ET REVERENDISSIMVM  
CARDINALEM  
FARNESIVM.

**H**Aec ego florentes Sophia digressus in hortos,  
Italiae decus, o iuuenis Farnesia proles,  
Condebam, leetasq; tibi de more sacrabam  
Primitias, dum tu magni inter Caesaris arma,  
Gallorumq; acies, Recti Pacisq; sequester  
Res miseræ Europæ fractas componis, & omne  
Robur, & arma Dei Maumethen vertis in hostem,  
Percurrisq; omnem, veluti Sol aureus, orbem.

Fortunate nimis, quem cunctæ applausibus vrbes  
Excipiunt, Pacisq; vocant Patremq; , Deumq; ,  
Inq; caput, sacrosq; sinus, humerosq; , manusq;  
Et nigras violas, & candida lilia iactant.  
Cui magna Italia, & terrarum maxima Roma  
Assurgit, festosq; dies, & sacra nepoti,  
Solennessq; agitat pompas: densi vndiq; circum  
Stant populi, & studio ingenti, & clamore secundo  
Farnensum genus omne, alto de sanguine ductum  
Aeneadum longa serie, super Aethera tollunt  
Patres, atque Duces, & partos mille Triumphos:  
Assensu resonat Tybris, & Tyrrhena resultant  
Littora, septeni responsant gaudia colles.

Onimium dilecta Deo, praelataq; longe  
Progenies, siue Imperijs & Marte regenda  
Sint res Romanae, seu Religionis habenis.  
Atq; equidem è fracto Imperio, Romaq; cadente  
Seruatam hanc stirpem fatis, statuentibus & Dijs  
Crediderim, quo Romanum per secula nomen  
Staret, & Ara Dei, quæ primum maxima magnis  
Auspicijs fundata fuit, sit maxima semper.



A Quo me Paule rapis, quo tuq; neposq; vocatis  
 Laudibus Heroum insuetum? tu maximus ille es  
 Vni cui regni triplicis capite alta Tiara  
 Consurgit, cui summa vni terna illa potestas  
 Terrarum, Coeliq; data est, vastiq; Profundi,  
 Illorumq; aperire fores, & claudere posse.  
 Qui Petri, Christi; ratem turbante procella  
 Ventorum varia, & remorum parte reuulsa,  
 Tepestatem omnem, atq; aduersos discutis Euros;  
 Nec sanctam sine honore sinis, sine remige certo  
 Fluctibus in tantis agitari turbine Cymbam,  
 Maeste animo Romano, & maeste ingentibus ausis.

At tibi quas Iuuenis fortunatissime dignas  
 Attribuam laudes, generis spes altera tanti  
 Inchyte Alexander, puerum quem plurima Virtus,  
 Canaq; consurgens teneris Prudentia in annis,  
 Et spondens maiora aëtris foelicibus Aether  
 Ad summos meritis ante annos euexit honores,  
 Et sacri gestare dedit decora alta Galeri?

B En quantum de te sacri sibi Pastor onilis  
 Spondet, auus tuus ille, animo quæ gaudia versat.  
 Forsitan et proprio non tam gausus honore,  
 Quam spe sublatus, tanti et virtute Nepotis,  
 Nescio quid maius præsaga mente volutat:  
 Scilicet & gnarus Fatorum, & præscius Aeni  
 Venturi, illa videt foelicia tempora, quum tu  
 Sede sua, solioq; Dei, Dijs proximus ipsis  
 Consideas, quum Pontifici tibi maximus Orbis  
 Graketur, supplexq; tuis ferat oscula plantis.

O mihi postrema tantum dent Numina vitæ,  
 Ipse etiam vt tum te tremulus, confectus & annis  
 Aspiciam, sanctosq; pedes prostratus adorem.  
 O & si possim canere, & tua dicere facta,  
 Et ventura nouo tecum Secla aurea Mundo.  
 Nam video sub te victum, longe; fugatum  
 Maumethen se Caucasæis includere portis:  
 At Pacem Viridi redimitam tempora oliua

211  
Ire per Europam magnam, atque inuisere terras:  
Quam pia Relligio, & iunctis Concordia dextris,  
Et Probitas, & amor Recti comitentur euntem.

Salve magne Tybri, salve & tu maxima rerum  
Roma parens, saluete arces, collesq; Latini,  
Aurea qui primi longo meministis ab aeo  
Saecula, quum nulli variarent iugera sulci,  
Sponte sua sed Terra ferax daret omnia, & ipsa  
Præberent dulci victum de robore glandes,  
Et nunc venturis eadem speratis ab annis.



## HIERONYMI FRACASTORII

NAVGERIVS SIVE DE POETICA  
DIALOGVS.

AD IOANNEM BAPTISTAM

RHAMNVSIVM.



**I**NTER eas, quæ per honestatem ab hominibus voluptates concipiuntur, ego RHAMNVS I charissime suauiſſimam ſemper illam & præcipuam exiſtimaui, quæ ex amicorum conſuetudine capi ſolet. neq; enim video, quid gratius eſſe poſſit in vita, quàm cum eo eſſe, colloqui, tua omnia communicare, quem perinde

diligas, ac teipſum. qua de cauſa & eorum quoq; qui è vita diſceſſere memoria, factorumq; ac dictorum repetitiones ſuauiſſimè eſſe conſueuere. quæ voluptas miro neſcio quo affectu interciderè inter te & me ſolet, quoties eſſe vnà nobis datur. datur autem non ſæpe, q̃ rerum conditiones & diuerſa vitæ ratio nos loco & dulci hac fruitione mutua plurimū ſeiungere. ſiquando tamen conuenire accidit, & ſuauiſſima quidem eſt illa breuiſ conſuetudo nobis, & facere ſolet, vt memoriæ omnium amicorum noſtrorum ſæpiſſime repetantur: præcipue autem ANDRÆ NAVGERII, & IOANNIS BAPTISTÆ, ac RHAMVNDI TVRRIORVM fratrum. quibus cum rarior quædam atq; intima magis amicitia interceſſit nobis. nam quæ cum M. ANTONIO TVRRIO eorum fratre fuit, vti vetuſtior, ita quodammodo inſenſuiſſe videtur. quam ob rem ſuperioribus diebus cum tu Veronæ eſſes, & memoria tam dulcium amicorum in ea nos deduxiſſet, quæ cum ijs in vita peregiſmus, incidere forte fortuna & eorum ſermonum recordationes, quos in Baldi reſeſſibus habuere ANDREAS NAVGERIVS & IOANNES BAPTISTA TVRRIVS, alter de Poetica die vna, alter die altera de intellectu. quos ſermones cū ego iam multis annis per Dialogum, ſicuti habiti fuerant, collegiſſem, tu me hortatus es, vt ſi daretur ocium, eos Dialogos aliquando reuiderem: ac ſi poſſem, ita etiam exornarem, vt in lucem emitti poſſent. quod certe mihi vel maxime deſyderādum fuit, tum vt morem gererem tibi, tum vt tantorum amicorum me-

Fracastorij

QQ

moriā

moriam, quantum possim ab obliuione defenderem. nam quamquam **C**  
 illa per se illustris sit, & clara in animis hominum uiuat, atque æternum  
 victura sit, æquum tamen & pium videtur, uiua etiam & illa facere, quæ  
 ipsi nullis scriptis mandata, sed ore tantum emissâ reliquere. Ergo cum  
 tu mox Verona discessisses, ego vero non multo post meos in Caphios se  
 cessissem, animum oculosq; ad eos dialogos appuli, ac diligenter relegi,  
 quos tamen si cognoui non pauco cultu indigere, ac multa exposcere, sta  
 tui tamen non esse perpetuo concludendos: sed ad te mittendos, ac tandē,  
 si ita tibi visum fuisset, in commune edendos: vt quisq; videre posset quæ  
 viri illi de nostra hac intellectuione, quid esset, et quo pacto fieret, existima  
 uere: quidq; de Poeta ipso atque eius officio ac fine constituere. quæ om  
 nia tibi in primis arbitror futura esse gratissima, quasi amicos tantos tu  
 uti viuos & loquentes, & tanta de re disceptantes spectes & audias. Ad  
 mirabuntur fortasse aliqui, q; ego grandiori hac ætate iuuenilia hæc & iu  
 uenum narrata referre nunc animum inducam. Verum enim vero nemi  
 nem mirari par esse existimo, quandoquidem, si poetam ipsum planè in  
 trospexeris, beneq; fueris contemplatus, dignum profecto existimabis,  
 quem & senes quoq; audire & cognoscere debeant, & cognitum venera  
 ri. nam & Democritum quoque audiuius annis grandem de poetica  
 re volumina duo supra viginti reliquisse. nec Aristoteles minus laudis ex  
 poetices traditione consecutus videtur, quàm è reliqua philosophia. qua **D**  
 re nec nos quoque pigeat & venerari poetam, & quos de ipso sermones  
 amici nostri habuere, ad te audiendos referre. Forte enim cum per cani  
 culæ dies Veronæ essent Andreas Naugerius, & Ioānes Iacobus Bardu  
 lo Mantuanus ciuis, & ipse lingua vtraq; disertissimus, ætasq; videretur  
 q̄ grauissima, decreuimus cū Turrijs fratribus Ioan. Baptista, & Rhamun  
 do in Baldi frigora simul secedere. accessimus aut sub vespérâ, locū Meo  
 nem vocant. nox cum aduenisset, dū alij curamus corpora, Bardulo, qui  
 mathematicarum rerum in primisq; oīs Astronomiæ peritissimus erat,  
 nunquam autem aliàs forte tantum cœli nactus fuerat, spectatum syde  
 ra omnia sese transtulit: vnde nec nisi post multam noctē diuelli potuit.  
 mane vero cum primum illuxisset dies, idem ille exurgens, nosq; somno  
 excitans vicinam in speculam vocauit, vnde oriētem Auroram Solemq;  
 salutarem: cuius exortus nusq̄ amplior, nusq̄ purior visus à nobis fuit.  
 occipiebant iā syluæ montesq; mugitibus circum cōpleri: alioq; vbiq; silē  
 tium & vasta solitudo: vbi præter raros pastores atque armenta, animatū  
 nihil inspectabatur. hic vbi aliquantisper immoratum est, placuit vicinū  
 ad fontem gressus mouere, quò irriguum pratum leui ascensu ducebat.

Poetam au  
 dire & ve  
 nerari, quō  
 non solum  
 iuuenes, ve  
 rum senes  
 & probatissi  
 mos viros  
 decet.



**A** Excanabatur asper tophus in specus varios, qui omnes perpetuis stillis impluebant in terram, vnde corruatis in vnum aquis nitidissimus fons per vires pratum commurmurans descendebat. circa tophum multę fagi vmbra dabant, quas inter varię fonti assuetę volucres circum supraq; cantu placido volitabant. hic vbi circa fontem confedimus, mirares iucundissimā materiam sermonibus nostris præbuit. nā **ANDRÆ NAUGERIO & IOANNI BAPTISTÆ TURRIO** valde contraria contingere. Naugerius enim quasi Musa tactus, aut Apollinis cęstro cōcitus cum late circumspexisset, carmina primum quędam subcinere cœpit, mox è sinu correpto pugillari Maronis, quem nunquam dimittere cōsueuerat, tanto impetu, sed & tanta harmonia legere cœpit (erat enim vt scis mirę suauitatis in legendo) vt nobis videretur & ille quasi furens effectus, & nos nihil vnquam suauius audisse. qui cum Bucolica ferè dimidia eo furore legisset, postremo exclamans libellum à se proiecit. **IOANNES** autem **BAPTISTA** qui toto mane illo ne verbum quidem protulerat, quasi stupore quodam oppressus, admirabundus, tacens, productis oculis sedebat. quam diuersitatem cum animaduertisset Bardulo, si fas est, inquit, Turri silentium tuum rumpere, equidem optarim magnū nescio quod problema à te enodari mihi. Cui Turrius, fas quidem est Bardulo, nam & iam inurbanum esse potest silentium meum: sed quod **B** nam problema ais? & ille. Quod tu, inquit, ac Naugerius, facitis: qui eadem in causa contraria pati mihi videmini. nam quid per Deos est, q̃ simul ac venimus hæc in loca, tu quidem taciturnus, mœrēs quasi quidam Bellerophon effectus es. Naugerius autem Musa quadam hilariori contactus, & canens, & quodammodo furens euasit? Cui Turrius, dicam, inquit, nec inane quiddam existimato, quod dicam. hūc certe aerem, quę spiramus, manes diuersi incolunt, qui præsertim hæc solitudines, & nemora, & fontes habitant, vbi & Dij degere non ab re à poetis dicuntur. ij manes nostra corpora ingrediuntur, & egrediuntur, ac diuersi diuersimode agitant. nunc vero arbitror Virgilij manes, qui loca hæc incolunt, vexare Naugerium, me autem philosophi alicuius eorum, qui melancholij capi consueuerunt in vita, aut Democriti, aut alterius tristioris. Cui Bardulo, si licet Turri tuos hosce manes interpretari, illud mihi videris subfigurare, q̃ Naugerius poeta natura sit, tu autem philosophus. & Turrius nihil quidem prohibet ita interpretari: sed illud recte dicitur Naugerium natura poetam esse, me autem philosophum natura esse nescio. at Bardulo, esto inquit, vt lubet: verūtamen nihilo magis enodatum problema videtur mihi. qui enim sit, ut idem locus alterum poetam, alterū philosophum faciat? eadem enim sunt quę animos uestros impellant,

Poetę, ac Philosophi num natura, vel arte aliqua, seu loco efficiuntur.

cur ergo non idem faciunt in utroque? Magnam respondit Turrius, C  
rem poscis Bardulo, nec cui ita repente & per pauca sit respondendum.  
nam qui recte dicere hac de re velit, prius sciat necesse est, quæ nam Poe-  
tæ natura est, quidquæ ipsa Poetica, tum & quis philosophi genius, & quo  
pacto motus illi fiant, qui animos nostros impellunt, atque ipsa demum  
cognitio & intellectio. De philosophi quidem natura & nostra hac co-  
gnitione ego quidem possum non nulla, si non pro re, at pro viribus dice-  
re. De Poeta vero & poetica ipsa, ego qui poeta non sum, recte nihil di-  
cere possum. poterit autem Naugerius, cui poetæ natura quàm optime  
nota atque experta est. is sua si tractare velit, ego quo tuo problemati sa-  
tisfaciam, mea ipse pariter prosequar. mea enim voco quæ iam promisi.  
Conuersus igitur in Naugerium Bardulo, vide, inquit, Naugeri quàm  
foelicem diem quàm iucundos sermones casus pararit nobis, quæ mihi in  
primis optatissimos. nam ego quidem magnopere semper desideravi de  
nostra hac intellectuione quo pacto fiat, audire: tum vero nec minus quid  
nam poeta sit, quodquæ eius officium ac finis: quorum utrunque in presen-  
ti magnus quidam aut casus, aut fatum in manus dedit. tu facias rogamus  
ne tui causa tanta occasio pereat, qui rectissime omnium possis de natu-  
ra poetæ differere poeta ille, quem noscimus. Cui Naugerius, caue, in-  
quit, Bardulo quo pacto hoc mihi poetæ nomen imponas. Si enim fu-  
ror quidam est poetica & infania quædam, iniustum est amico id notæ D  
inuri. si vero potius quid diuinum est, equidem neque me ego tanto illo  
nomine dignor, & paucos noui, qui eo digni sint. quoniam tamen & ip-  
se magnopere cupio à Turrio audire, quo pacto fiat intellectio in nobis,  
ne mea causa contingat, quo minus id agatur, non nulla & ipse de Poeti-  
ca referam, quæ partim legi, partim audiui, partim & ipse semper existi-  
maui. Sed cogitandum paulisper fore videtur, si omnia suo ordine in me-  
moriâ sunt reducenda. quare si ita & vobis videtur, negocium hoc ad  
meridianas horas remitemus. nam & iam altior mihi videtur sol. Inte-  
rea & per noctem rem suam agitabit Turrius, qui sequenti mane promif-  
sa de intellectuione prosequetur. Nos opinionem laudauimus ac surrexi-  
mus, quisque ut sibi magis placuit in diuersa deambulantes. nec multo  
post pastorale cornu insonuit, quo intelleximus ab ijs vocari, qui iam præ-  
dia paruissent. at pueri sub alta fago propter aquæ labentis riuum men-  
sas parauerant, quod & pastores quidam conuenerant, qui diuersa lactis  
munera comportarant, cum quibus inter prandendum multa de pasto-  
rum vita locuti fuimus. Sublatis mensis cum per horam multa fuissent in-  
ter nos dicta, non nulla etiam lecta, placuit Naugerio vagari aliquâtisper  
soli, quo, ut arbitror, commodius meditaretur: nostrum quisque diuersa  
exercuit,



**A** exercuit, donec hora redeundi ad fontem visa est iam aduenisse. Igitur cum & Naugerius reuersus iam esset, placuit omnibus constitutum ad locum redire. Insuper autem Naugerius ut nobiscum & puer quidam lyricus suus accederet, qui mira quadam & tangendi citharam, & canendi arte præstabat. Ad fontem igitur cum venissemus, in coronamque omnes confestim, atque oculos in Naugerium conuertissemus, ille ita exorsus est.

De Poetica hodie o amici, deque Poetæ officio acturi sumus. Quod & loco huic & huic coronæ quam optime conuenire videtur. Verum non recte quidem videmur rem tantam prosequi posse, nisi & poetarum more à Deorum inuocatione inciperimus. alioqui & Dijs omnibus montis huius iniuriam fieri video, & ipsi etiam Poetæ. quapropter *Dij* Deique omnes, qui sylvas, qui montes, qui fontes colitis, quos primi poetæ cognouere, & venerati reliquis mortalibus monstrauere, in primis autem *Dij* fontis huius, tuque; *Apollo* nomine & *Pan* horum pastorum *Deus*, nec non et tu *Balde* sylvarum, fontium ac nympharum pater adeste omnes, audite atque adfauete. quæ cum dixisset ad nos conuersus ita secutus est. Quoniam igitur ipsum poetam querimus, operæ precium fore arbitror, si prius de Poetæ fine differuerimus, qua in re & comitem inquisitionis huius aliquem è vobis velim ac te ipsum *Bardulo*, qui mihi respondere, quæ videbuntur tibi, si quando ego te ipse fuero percunctatus.

**B** sic enim & minore labore & minore tædio rem peragemus. Annuit *Bardulo*. & *Naugerius*, Principium igitur, inquit, ab ijs sumendum, quæ dici de Poetæ fine consueuerunt, ut videamus si qua & nobis conducant. Quapropter dic mihi *Bardulo* quem nam tu aut audiisti, aut tute ipse putas esse Poetæ finem? Delectare, inquit ille, audiui esse finem Poetæ, quod & nos etiam fortasse possumus existimare. quid enim mostret aliud *Musica* illa carminum adeo quæ sita, quid omnia fabulamentis inuoluta, omnia miranda tanto studio affectata? *Comoediæ* porro & *Tragœdiæ*, *Scenæ*que; & *Histriones* non aliud videntur mihi, quam aurium & populi oblectamenta, quod & poetarum comites monstrant *Musæ*, *Nymphæ*, *Sileni*, & ipse etiam *Bacchus*; instrumenta vero *Citharæ* & *Lyre*. quam obrem omnis Poetarum finis in oblectatione constitutus videtur. quod & origo quoque ipsius Poeticæ planè demonstrat, quam ita primum fuisse enatam *Aristoteles* tradit. cum enim natura insitum sit nobis imitari, tum & natura insitum canere, & musica quadam agi, primum quidem ceptum est cantu quædam imitari rudi quidem atque agresti. mox cum id delectaret adhibita maiori curâ studioque; tandem & ars facta est, & poetica enata.

Ita quidem, inquit tum *Naugerius*, & ego de poetarum fine audiui. verum enim vero istac de re accuratissime ratio habenda est. Si enim nul-

Quis proprius finis poetarum ac poeticæ artis sit: num delectare, an alijs per imitationem quoque pdesse, vel ad admirationem de oibus apposite dicere, vel aliud quod piam tale.

Poetarum finis quomodo in delectatione consistere videat.

Poetarum origo.

Poetarum finis non in sola delectatione consistit.

lum aliud institutum poetæ fuerit, quàm sese atque alios oblectare, equi- C  
dem vereor ne levis quidam ac ridiculus homo poeta hodie nobis eua-  
dat, qualem & Ennium accepimus ab externis nationibus habitum fuis-  
se, cum à P. Scipione carmina quædam recitare iussus esset. similis autem  
& fortasse poeta erit seni cuidam vicino meo, qui nunc subit in mentem  
mihi. agrum senex hic diu conductitium tandem sibi proprium compa-  
rauerat, ar busto, oleis, fisisq; feuerat, roseta circumposuerat, vt certe dele-  
ctare magnopere locus posset. cum autem sibi domus in summo esset col-  
le, vnde sic subiacentem agellum spectare continenter posset, obstabat  
quidem antiquissima sylua & montis interposita pars. ille etsi magni la-  
boris existimabat syluam & rupem de medio tollere, in extremam tamẽ  
dementiam tandem venit syluæ rupisq; auertendę. igitur nulla interposi-  
ta mora antiquissimas quercus cedere, plaustris truncos abducere, noctu  
etiã surgere, familiam somni icrepare, nullis laboribus parcere: omnibus  
vero tandem ridentibus, & rogantibus, quo tantum laborem strueret,  
vt oblectaretur, respondebat, horis omnibus agrum videndo, quem tam  
pulchrum excoluisset. Igitur & poetæ non minorem rupem syluamq;  
cedere videntur mihi, die noctuq; studijs inuigilare, semper pallere, disci-  
plinam omnes disquirere, à republica atque omni actione abstinere: inter-  
rogati vero, quo tanta moliantur, si non aliud responderint, quàm vt sese  
atque alios canendo oblectent, equidem insanire illos dicam, non minus D  
quàm senem illum vicinum meum. quod quidem longe alienum est ab  
ea opinione, quam paulo ante de poetis habebam, cum Maronis Bucoli-  
ca tanta admiratione perlegerem. Absit autem ò Bardulo & vos alij, vt  
tam prauam de poeta existimationem habeamus, qui tanta arte, tanto in-  
genio, tot disciplinis præditus est, quem Plato diuinum vocat: quem grę-  
ci bonarum omnium artium inuectores, mox & Romani eadem, qua et  
imperatores, corona ornari dignum arbitrati sunt: cuius postremo voce  
oracula ipsa reddi Dij maximi voluere. quam ob causam alius à nobis ò  
Bardulo & multo dignior finis, quàm qui dicitur, est perquirendus poe-  
tæ. videtur, inquit tum Bardulo, sed quisnam alius erit? nunquid forte  
prodesse, quod video à multis dici, vt delectare & prodesse poetæ velint?  
Et ille, quærendum quidem & hoc, nã siue coniunctum cum alio, siue se-  
paratum ponatur, non satis mihi videtur facere, p fine poetæ. quam ob rẽ  
quando aiunt studere poetam, vt profint, potes ne dicere quanam illa po-  
tissimum sint, per quæ poetæ prodesse solent? quid ni, inquit ille, in p-  
ptu enim ferè omnia sunt. nam quæ per Iouem sunt, quæ poetæ non do-  
ceat? illi historiarum copias, locorum descriptiones, regionum naturas,  
vitæ instituta tradunt, multa de imperatore, de milite, de patrefamilias;  
de

Poetæ maxi-  
mis laudib;  
digni sunt.

Poetæ finis  
num alijs, p  
desse sit, &  
quomodo.



A. de republica scribūt, de re rustica, de nautica, de artibus ac de ijs alijs circa quæ versamur, de syderibus insuper, ac naturæ rebus, plantisq; , atq; animalibus, de Deo, de inferis, de vaticinio, de ritu, de antiquitate, atque vt summatim dicamus, de ijs omnibus doctrinam videtur facere, vnde qui libet peritissimus fieri possit: propter quod & Homerus omnem græciā erudiuisse primus dicitur. Tum Naugerius, pulchre inquit, dicis Bardulo, omnibus ferè de rebus poetam doctrinā facere, mire multifariāq; prodesse. at illud per Deos mihi dicito, quando poetas historias docere, loca describere dictum est, est ne facultas aliqua, quæ historias & scribere doceat, & scribat? tum aliqua, quæ terrarū situs, gentium differentias de claret? aliqua certe, respondit Bardulo. Et ille. alia ne à poetica?

B. alia certe vtriusque. N. Quæ nam. B. Huius quidē geographia, illius vero historica. N. Cuius igitur per se magis officium est historias scribere, terrarum loca designare, poetæ ne an eius, qui Historicus, quiq; geographus dicitur? B. Horum certe magis vt mihi videtur, nā & ab his accipere poetam puto, illos vero per se complecti & ex proprio instituto. Recte dicis, inquit tum Naugerius, sed & illud dic rursus mihi: est ne facultas aliqua, quæ de vitæ institutione consideret: & aliqua, quæ de republica: aliqua, quæ de re rustica? B. omnino. N. Aliæ ne & hæ à poetica? B. Aliæ prorsus. N. Cuius igitur interest vitæ præcepta tradere, de republica scribere, de rustica, earum ne, an poetæ? B. Earum ita me dius fidius nam de ijs si poeta scripserit, accepisse quidem ab ipsis dicam. Ergo, inquit tum Naugerius, ne singula prosequamur, itidem cēsendum est & de alijs omnibus, quæ supra cōmemorasti: singularum. n. rerum, quæ in scientiam cadunt, propriæ artes & disciplinæ sunt constitutæ: hæc quidem de seipso bene regendo, illa de bene regenda domo, alia de republica, de iure ciuili, de syderibus, de natura, de Deo, de inferis, de vaticinio, & alijs demum omnibus, quæ longum & superuacuum est recensere. quorum omnium cum propriæ artes & scientiæ cuiusq; sint constitutæ, accipere quidem ab ijs poeta censendus est, neq; aliter vt, quàm qui mutuo quicquam acceperit, ac bono cōmodoq; alieno ipse etiā vsui esse nitatur. dixerit fortasse poeta

Iam clarus occultum Andromedes pater  
Ostendit ignem: iam Procyon furit,  
Et stella vesani Leonis.

& illud

Seu Libra, seu me Scorpius aspicit  
Formidolosus, pars violentior  
Natalis horæ, seu tyrannus

Facultates quasdam esse, quarum aliqua Historias, aliq Terrarū situs, & gentium declarant, à poetica arte distinctas sicut & aliæ artes.

Hesperia

Alijs pdef-  
se nō ē poe-  
tarum pro-  
prius finis.

Hesperia Capricornus vnda.

Sed certe, non quatenus Poeta hæc dixit, sed accipiens ab Astronomo. quam ob rem, quando prodesse conductitium quodammodo Poetæ est, non propriæ facultatis, separandum quidem videtur à primario Poetæ fine & instituto per se. præsertim q̄ per hoc nihil poetæ proprium assignatur. siquidem & alij omnes qui scribunt & delectare & prodesse docendo volunt, nescio, & an vobis itidem videatur. Videtur certe, respondit Bardulo. verum si prodesse à primario Poetæ fine seiunxerimus, nihil ui deo superesse præter delectationem. sic autem, vt prius dicebatur, in indigna & ludicra re labemur, nisi forte dixerit quispiam Poetam alio modo prodesse, ac alij consueuerunt. alij siquidem docendo fortasse p̄sunt, Poetæ vero repræsentando. nam tametsi nō doceat Poeta, qualis quis esse debeat aut imperator, aut miles, aut paterfamilias, aut temperatus, & intemperatus, & eiusmodi, repræsentat tamen imperatorem, militem, patrem familias, temperatum, intemperatum, pium, misericordem, crudelem, timidum, magnanimum, insolentem, superbum, segnem, iracundum, prudentem, imprudentem, & eius generis alia. scis enim Poeticam à Platone & Aristotele imitatoriam artem vocari, nihil autem refert, siue imitari, siue repræsentare dicamus. Qua de causa sunt, qui putent finem poetæ esse prodesse per imitationem. Probe dicis, respondit tum Nauge-

Poetæ ea re  
præsentando  
vitæ huma-  
næ p̄sunt,  
q̄ cæteræ ar-  
tes & facul-  
tates docēt

Prodesse p  
imitationē  
num pro-  
prius poeta  
rū sit finis.

rius. verum de imitatione hac siue repræsentatiōe Poetica accurate arbi-  
tror esse considerandum: atque illud in primis est inquirendum, vtrum  
circa omnia, de quibus poeta scribit, repræsentatio & imitatio dicatur: di-  
co autem si Poeta de stellis, de plātis, de animalibus scribat, vtrum & hæc  
imitatio, quemadmodum illa, quæ personas inducit, an propria quædam  
sit imitatio Poetæ: puta illa, quæ circa personas est tantum. hæc enim nō  
ab resunt inquirenda à nobis. tu vero quid de his putas? Cui Bardulo.  
Ego, quid putem, nō possum nunc certe dicere. sed quid prohibet si sin-  
gula ponamus, vt videamus, quæ consequantur? N. Nihil quidem pro-  
hibet. B. Ponamus igitur imitationem esse, quodcunque Poeta scribat:  
& non solum cum personas inducit. N. Ponamus quidem. sed si ita po-  
suerimus, non video, quo pacto poeta ab alijs differat, nequid habeat pro-  
prium, nam & alij omnes vtilitatem hanc præstare volunt docēdo quod  
scribunt, & repræsentando legentibus, & audientibus. quod si poeta ali-  
ter ipse assequitur, id oportet nos inuestigare quid sit, & in quo consistat.  
nec solum carmen debemus adducere per quod ab alijs differat, sic enim  
rursus in puerilia recidemus. quare ponamus alteram partem si placet.  
B. Placet quidem. ponamus igitur certam esse materiam poetæ pro-  
priam, qua differt à reliquis, qui sermone vtuntur, puta illam quæ perso-



**A** nas inducit, quæ proprie imitatio dicitur, quod video à multis dici. hoc enim monstrant Tragœdiæ & Comediæ & ipsa etiam epea, quæ præcipue & maxime poeta scribenda assumit: propter quod si qui aliam assumere materiam, non poetas vocados censent, quemadmodum nec Empedocle Aristoteles vocare voluit. **N.** Recte dicis Bardulo ita esse, qui existiment: quare tanto accuratius res ista quærenda est. Primum autem statuendum est duo esse, quæ unusquisque qui scribit, assumere oportet: alterum est materia, hoc est res, de quibus dicitur: alterum est dicendi modus. Necesse igitur est quod poeta proprium habet, & quo ab alijs differt, aut à materia sola sumi, aut à modo dicendi solo, aut ab utroque simul. à sola autem materia sumi, ut ab ea, quæ imitatur personas dici quidem (nisi fallor) non potest, ita ut eum statim poetam vocemus, qui personas est imitatus, aut eum non poetam, qui non est imitatus: sic enim & Bauios & Meuios possemus in poetarum censu ponere, quod personas induxissent, & eum appellare sculptorem, qui marmor aliquod incidisset. quod si dicas, quanquam poeta non est simul, ac quis personas est imitatus, poeta tamen non est vocandus ille, qui hanc non assumpsit materiã, ut Empedocles, profecto & hoc valde durum videtur. Primum quod Virgilium circa Aeneida poetam esse, circa Georgica vero non esse valde mirum est: deinde non ita existimasse ipse etiam Horatius videtur, cum publicam omnem, & communem materiam dixit propriam poetæ fieri, si poetico more tractetur: quemadmodum & dolium illud priuati iuris sit illius artificis, qui exactam rotunditatem dedit, os non patulum, & alia, quæ communes artifices faciunt. ac demum ego non video, quid plus afferat imitatio personarum, quàm imitatio aliarum rerum: ut earum, quæ sunt à natura. quapropter, si tu forte audiisti aliquid maius addi, potes nunc dicere. **B.** Equidem & ipse hac de re sapissime admiratus mecum cogitavi, ac si quid tandem dici potest, hoc mihi præ alijs præstare videtur imitationem personarum, quod maxime ad prudentiam hominum facit: si enim Regem introducat poeta orantem, elegantiam omnem, prudentiam omnem, decorum omne repræsentabit. itidem faciet & in imperatore, in milite, in patrefamilias, & breuiter in omnibus alijs: ad id comoediæ, ad id tragœdiæ sunt institutæ, ad id etiam Aepea omnis, qua de causa non inepte fortasse dicunt qui finem poetæ statuunt prodesse per imitationem. Tum Naugerius. Et si quidem concedi potest imitationem personarum plurimum facere ad prudentiam hominum, non tamen illud concedendum videtur, ut institutum omne poetæ sit propter prudentiam faciendam, & ob id per se tantum illam imitationem procurare: nam cum duæ partes sint in homine, voluntas & intellectus, & voluntatis pruden-

In omni arte duo sunt attendenda, illarum scilicet, & instituto dignoscendo, materia & dicendi modus.

Poetarum omnium institutum esse imitationem personarum procurare ad prudentiam faciendam, naturalium vero rerum ad cognitionem gignendam.

tia sit finis, intellectus finis cognitio & itellectio, si poeta imitetur & naturalia, non tantum personas, videbitur quidem omnem finem & omne institutum adimpleffe, in imitatione quidem personarum prudētiam faciendo, in illa vero, quæ est naturalium & similiarum, faciendo cognitionem: imitabitur enim & in hoc perfectiones, & excellentias rerum. Postremo dentur tibi omnia, & prodesse per imitationem sit poetæ finis aliquis, nondum tamen expressum est, quod per se & proprium est poetæ, per quod ab alijs differt. nam & alij quoque id præstant, sicuti Historicus. cum ergo diuersa sit imitatio poetæ, & diuersa historici, id assignare oportet, quo differt poeta ab historico, & si qui alij idem faciunt. magis autem oportebit hoc assignare, si nulla materia propria poetæ sit, & omne, quod quocūq; docetur modo, imitatio dicatur. quapropter nullo pacto ponere possumus à materia sola sumi poetæ finem. Nunc venio ad dicendi modum, qui in poeta longe diuersus ab alijs est: de quo similiter est inquirendum, vtrum ratio poetæ ab ipso solo sumatur, an & materia certa requiratur. & certe ab eo solo mihi videtur rationem propriam poetæ sumi debere, materiam vero nullam esse determinatam, nisi forte in vniuersum, quæ tractata potest nitescere. de principali materia loquor, non de attributis: omnis enim materia poetæ conuenit, dum modo exornari possit: modus autem tractandi valde diuersus est ab alijs. atque hoc quidem est, quod quærimus, ac nondum nobis inuentum est. quare rursus est cogitandum Bardulo, siquid aliud occurrat pro fine poetæ, quod nec sit delectare, aut prodesse, sed maius quid atque præstantius, quod tamen non possit non delectare & prodesse. Cui Bardulo. Ita nimirum videtur. non tacebo autem & hoc aliud quod subit: nam memini auduisse Actium Syncerum, qui tum multo iunior Pontano erat, bonum illum senem de poetæ officio solitum percunctari, illum autem tum multa, tum id solitum respondere, officium poetæ ac finem esse apposite dicere ad admirationem. quod & in eo quoq; dialogo, qui Actius inscribitur, scriptis mandatū extat. Video, inquit tum Naugerius, sensim nobis aperiri poetæ finem. veruntamen, vt tenebras omnes de medio tollamus, consideremus & hæc quæ Pontanus dicebat. neque enim adhuc facere videntur satis ad id, quod quærimus. nam nonne & rhetores & historici apposite quoq; dicunt ita, vt & ipsi mirandi etiam videri velint? an oblitus eorum es, quæ Cicero tam præclara de oratore scribit: cui tantā dicendi vim, tantam efficaciam attribuit, vt quò velit audientes rapiat, et impellat, in pietatem, in admirationem, in furorem, in lachrymas demū ipsas: quin & ipsummet Ciceronem quis vnquam potuit sine admiratione perlegere? quod quidem nec minus solet historias legentibus euenire.

Non à sola materia circa quā, verum etiam à modo dicendi proprius poeta rursus finis sumendus est.

Nū poetæ finis, quo à cæteris artificibus se iungitur sit de omnibus apposite dicere ad admirationem: vel potius quod poeta vniuersale ipsum contempletur, cæteri vero artifices particulare seu singulare considerent.



A re. quo igitur pacto ò Bardulo in eo, quod est ad admirationē dicere, se-  
iunctum erit poetæ officium ab alijs? si enim solos numeros addas, pueri  
lia iungemus. oportet igitur aliquid aliud venari, quod officium poetæ  
ac finem ita proprium ostendat, vt alteri nulli conueniat. Et Bardulo, vi-  
detur quidem, inquit, sed quod nam aliud erit? nunquid illud fortasse,  
quod Aristoteles paucis verbis inuoluit? quod ego quidem subticui ha-  
ctenus, q̃ valde obscurum videretur. differre ille poetam ab alijs scribit,  
q̃ alij singulare ipsum, poeta vero vniuersale consideret. Hic Naugerius  
nouam quandam animi hilaritatem vultu ostendens, vicinus quidem, in-  
quit, est nobis Bardulo poetæ finis. sed quoniā multa locuti sumus, quie-  
scendum paulisper videtur, atq; audiendus lyricen noster, vt recreati ali-  
quantulo magis alacriores redeamus ad hos sermones. significauit igitur  
puero vt aliquid caneret. qui temperata suauiter cithara post dulcem ac  
breuem sonum, vocem in istac soluit.

Huc ades ò Thelayra. quid ah quid grandia farra

Aestiuo sub sole teris: medioq; sub æstu

Nec parcis tibi sæua? ah te ne immitis adurat

Syrius: ah teneras ne rumpat pustula palmas.

Demens ò Thelayra patri concede laborem

Cui Cereris cura est: melior te cura Diones

B Sollicitet. tu dum feruet tritura sub æstu,

Dum crepitat seges & multo sonat area pulsu,

Clam te operis furare, & aquas effinge ferendas.

Hic nitidus fons est: hic plurima populus vmbra

Sufficit, & gelidæ summittit frigora ripe.

Vos auræ: Alpina placidæ de montibus auræ

Hæc illi portate, aut, si pater obstat eunti,

Saltem æstum lenite, grauem lenite laborem.

Hæc cū suauissime cecinisset puer, conuersus in nos Naugerius ita secu-  
tus est. video o amici ī paucissimis illis tāti philosophi verbis illucescere,  
ac patefieri nobis poetæ officium, ac finem: alij siquidē singulare ipsum  
considerant, poeta vero vniuersale, quasi alij similes sint illi pictori, qui  
et vultus & reliqua membra imitatur, qualia prorsus in re sunt, poeta ve-  
ro illi assimiletur qui nō hunc, non illum vult imitari, non vti forte sunt,  
& defectus multos sustinent, sed vniuersalem, & pulcherrimam ideā ar-  
tificis sui cōtemplatus res facit, quales esse deceret. quippe omnes quibus  
bene dicendi facultas tributa est, bene quidē atque apposite dicunt, quan-  
tum cuiq; conuenit: sed inter illos hoc interest, q̃ præter poetam nullus  
simpliciter bene atque apposite dicit, sed in genere suo tantum, & quātū

Poeta hoc  
vno ab alijs  
artificib⁹ di-  
uersus est,  
quia alij sin-  
gulare ip̃m  
.i. apposite  
dicere q̃rū  
cuiq; & fm  
quod cōue-  
nit, Poeta  
vero vte. i.  
ideam sim-  
plicem pul-  
chritudini-  
bus suis in-  
dutam, &  
de omnib⁹  
apposite di-  
cere, non  
quantū ex-  
pedit, sed  
quantum si-  
bi videtur.

RR ij attinet

attinet ad constitutum sibi finem, hic quidem docendi, ille persuadendi, C  
& si quis alius eiusmodi finis est, poeta vero per se nullo alio mouetur fine nisi simpliciter bene dicendi circa vnumquodque propositū sibi. vult quidem & ipse & docere & persuadere & de alijs loqui, sed non quantum expedit, & satis est ad explicandam rem: tanq̃ astrictus eo fine. verū ideam sibi aliam faciens liberam & in vniuersum pulchram, dicendi omnes ornatus, omnes pulchritudines quæret, quæ illi rei attribui possunt. satis forte alteri fuisset de nemore locuturo dicere, aut sicubi nemus est, Virgilio vero non satis, sed ita scripsit

Aut sicubi nigrum

Ilicibus crebris sacra nemus accubat vmbra.

Videte per quas pulchritudines nemus depinxit addens accubat, & nigrum crebris ilicibus, & sacra vmbra, quam ob rem recte Pontanus dicebat finem esse poetæ apposite dicere ad admirationem: sed addendum erat, simpliciter & per vniuersalem bene dicendi ideam, vt intelligeremus id, per quod poeta ab omnibus alijs differt, qui apposite loqui student. ij enim singulare imitantur, hoc est rem nudam vti est, poeta vero non hoc, sed simplicem ideam pulchritudinibus suis vestitam, quod vniuersale Aristoteles vocat. si igitur hæc pro poetæ officio facere videntur satis, nos ad alia transibimus: si vero non satis, sed planius agendum videtur, mihi quidem nullus erit labor rem totam à suo fonte deducere. Cui D  
Bardulo, gratissimum quidem, inquit, Naugeri & mihi, & alijs feceris, quando & vacat, & res ita postulat, si de tuo isthoc poeta, vt sese ad alios habet, & quo pacto, & qua de causa solus ipse simpliciter bene dicere voluit, planius egeris, & à suo principio. & ille, morem tibi, & alijs, inquit, geram Bardulo, sed oportebit paulo altius ordiri: non ab re tamen nec in iucunde. Illud igitur in primis dic mihi, putas ne quicumq; sermone vtūtur, bene etiam recteq; vti omnes? B. Minime quidem Naugeri, qui. n. fieri potest, vt omnes recte vtantur? N. Quinam igitur recte vtuntur? B. Qui peritia quadam & arte dicendi vti valent, aut natura artem imitante. N. Artem igitur ais quandam esse circa sermonē? B. Aio equidem. N. Hanc igitur bene dicendi artem putas ne vnam omnibus, an diuersis diuersam, vt philosopho suam, historico suam, rhetori suam, & poetæ suam, & ita de alijs? B. Diuersis quidem diuersam artem puto. N. Diuersæ igitur artes cum sint, censēs ne ita diuersas esse, vt prorsus in nullo conueniant, an in quibusdam quidem conuenire, quibusdam vero differre? B. Conuenire quidem omnes in aliquibus existimo, quæ communia dicuntur: in aliquibus vero differre, quæ cuique ppria sunt. N. Sed & illud dic mihi, interest ne alicuius speculari, & complecti illa communia?

Cōem quā  
dam bene-  
dicendi ar-  
tem esse q̃  
oēs modos  
benedicēdi  
cōtrēplat,  
aqua velu-  
tia Domi-  
na, & magi-  
stra ceteræ  
sciētiae, &  
artes suum  
benedicēdi  
modū quā-  
tū sibi suffi-  
cit accipiūt



**A** communia? **B.** Alicuius certe. **N.** Tum & alicuius contemplari illa propria? **B.** Et hoc. **N.** Cuius igitur interest speculari communia? num eius, qui propria, an magis eius, qui communia considerat? interest et propria cuiusque speculari, an diuersus est, qui communia, & qui propria contemplantur? quod autem quero tale est, utrum philosophus verbi gratia qui sua vult scribere, propriam habeat artem bene dicendi speculari, & simul etiam communia reliquis, an qui communia contemplatur, consideret etiam, quæ philosopho propria sunt: an philosophus sua tantum consideret, communia vero alius, non ipse? **B.** Ex his omnibus Naugeri ego quidem existimo eum, qui communia speculatur, speculari etiam quæ cuique propria sunt. philosophum autem, qui particularis artifex est, nec suam artem bene dicendi propriam posse considerare, nec communia, nec aliorum propria: suam autem artem bene dicendi non posse considerare, quoniam aliud est nosse ea, quæ à natura sunt, aliud bene dicere de ijs: quare communem quandam artem, & disciplinam esse existimo quæ simul & quæ communia sunt omnibus, tradat & quæ cuique propria. Recte existimas, inquit tum Naugerius. est enim veluti domina quædam & magistra communis ars, quæ in vniuersum primo formas omnes, & ideas bene dicendi speculatur & docet: quæ mox ubi diuersos dicendorum fines considerauit, etiam simul & illud docet, quod cuique conuenit: à qua veluti à fonte quodam quicumque scribit, accipit quod sibi bene est, & conuenit. **B.** Videtur. **N.** Similis autem hæc est Nauifactoriæ arti: quæ enim nauium formas, ligna, compagine spectet, vna quædam communis & magistra est ars, & qui eam nouit, magister & dominus. Rursus vero si magister hic diuersos nauium fines consideret, & ad eos fines naues formare velit idoneas, hanc quidem portandis oneribus aptam, illam vero fugæ, & celeritati nauigationis, aliam vero piscationi: hic iam in multa partitus est, pluresque sibi subiectas artes constituit, hanc quidem onerarias facere docta, illam triremes, aliam vero lintres. Eodem pacto & qui in vniuersum bene dicendi ideas nouit, si diuersis finibus permotus sit, plures sub se bene dicendi artes constituit: hunc quidem, qui gesta hominum docere vult, historicum dicendi peritum, illum vero, qui de natura vult scribere, peritum dicendi philosophum, & ita de alijs. unde fit ut dominus, & dicendi arbiter fiat, & philosophus, & historicus, & alii: hoc est consideret, quæ ad philosophum, & historicum, & alios pertinent, quo diiudicare sciat, quid cuique conueniat bene dicturo. **B.** Ita prorsus se res habet. **N.** Communem igitur hanc bene dicendi principem artem, & magistram quo appellabimus nomine: & qui eam profitetur, quem dicemus? **B.** Oratoriā fortasse artem illam appellabimus, & qui eam profitetur, oratorem

Aptissimū  
ad poeticæ  
artis digni-  
tatē & mu-  
nus cognos-  
cendā exē-  
plum.

oratorem vel rhetorem: quando nec aliud nomē impositum illi video. C

Ex duobus  
oratorū ge-  
neribus q̄s  
verus ora-  
tor, & be-  
ne dicendi  
ars sit.

Peritum di-  
cendi quā  
scire oppor-  
teat, vt om-  
nibus con-  
uenientem  
modum tri-  
buat.

Vniuersalis  
bene dicēdi  
artifex q̄tū  
singulis ar-  
tificibus de  
bene dicen-  
di mō tri-  
buere de-  
beat.

N. Possumus quidem ita appellare, sed distinguendus erit hic orator do-  
minus atque arbiter bene dicendi ab eo, cui ferē cum populo, & iudici-  
bus res est: nam & ipse Orator & Rhetor appellari vult, plurimum autē  
differunt alter enim seruus est, alter dominus, alter actor, alter præce-  
ptor. & illius qui seruus est, finis est persuadere, eius vero qui dominus,  
finis est ea docere, per quā bene dicitur, communia quidem omnibus, &  
illi actori de quo loquimur. quinimo & idem magister & dominus si  
sua scribere velit, sibi pariter legem imponit, & sibi seruus sit, & pars be-  
ne dicendi non secus, ac alij: neque dominus & patronus est nisi quate-  
nus docet, & speculatur. si igitur oratorem, vel rhetorem volumus  
hunc appellare, nihil quidem prohibet, dum intelligamus dominum ip-  
sum. Ergo huius oratoris (vt cursim eius munera obeamus) officium est

voces in primis per quas dicitur & vocum differentias, & naturas confi-  
derare, quā propriā, & impropriā, quā nouā, quā antiquā, nostrates,  
peregrinā, v̄sitate, dissuētā, primā, deriuatā, simplices, compositā, trās-  
sumptā, lenes, asperē, sonorā, demissā, musicā, imusicā & id genus alia.  
ad hāc autem & vocum texturas eiusdem est perpendere, & mutare, &  
transponere, & differentias considerare, & concinnitates earum inueni-  
re, & musicas, & pedes, & numeros, & demū figuras omnes: & quo adie-  
cto, aut detracto suauior, & insuauior oratio fiat, grauior, vilior, clarior, D  
obscurior. nec minus rerum, de quibus dicitur, differentias & naturas no-  
uisse eū decet: quā magnā, quā tenuēs, pulchrē, turpes, letā, tristes, piā,  
seriā, ludicrā, facetā, infacetā, dictū faciles, difficiles, & reliquas eius ge-  
neris differentias. ordines præterea dicendorum considerabit, disposi-  
tiones, continuationes, pausas, digressiones, & figuras. omnes caracte-  
res præterea animaduertet, qui magni, qui tumidi, qui demissi, qui gra-  
ues, qui humiles, faciles, difficiles, floridi, sicci, duri, asperi, clari, obscuri,  
affectati. postremo & eius officij erit dicendarum rerum fines animad-  
uertere, vt disciplinas condere, acta scribere, gratulari, condolere, solari,  
persuadere, laudare, vituperare, accusare, defendere, affectus animorum  
mouere, tum & horum omnium loca ponere, vnde vnumquodque eli-  
ciatur. Ergo his omnibus ab illo patrono oratore digestis ac constitutis  
si ad eum accedat historiā cuiuspiam scriptor petens, quo pacto apposite  
scripturus sit quantum sufficiat historiā, quid putas oratorem hūc sic pe-  
tenti traditurum? num forte ornatus omnes atq; elegantias dicendi, quas  
ipse in vniuersum est contemplatus, an id tantum, quod pro eo fine suffi-  
ciat? B. Quantum quidem pro eo fine est satis. N. Qm̄ igitur finis eius  
est gesta scribere ad prudētiam, quantum quidem ad hoc pertinet, sat illi  
factum



A factum erit, si propria, si candida, si graui, ac vera oratione vtatur: cui interdum nec sua desit musica. licebit & interdum, vt effingat conciones & non nulla consilia: vt prudentiam maiorem doceat: verum ita licebit, vt grauitatis historiae, & veritatis nihil detraxerit, reliquas vero pulchritudines illi negabit. Quod si & philosophus ad eundem oratorem accesserit sua scripturus, & huius quoque res & finem nosse orator ille volet: cui dicet castiori adhuc oratione vtendum, propria autem, & non multis transumptis, non multis epithetis referta. At si & actor etiam ille, qui rhetor vocari vult, nostrum hunc consulat oratorem, audiet neque sibi ornatus omnes concedi: vtendum autem eleganti quidem oratione, sed non affectata, propria vero atq; efficaci: dispositiones vero & figuras docebit, & argumentationum genera, quibus vt conueniat: loca ostendet vnde animi affectus moueantur, reliqua illi negabit. Vide igitur Bardulo omnes hi coerciti, & astricti sunt sine: nec simpliciter pulchrū sermonē considerant, sed pulchrum in genere suo tantum, quod singulare ab Aristotele appellatur. at vero si aliquis alius sit, qui oratorem hunc nostrum bene dicendi arbitrum, & patronum adeat; dicatq; se loqui de rebus vel- le, de quibus & alijs; sed ita vt nulla gratia, nullus decor, & ornatus sermo ni desit, quæ putas oratorem hunc sic petenti daturum? B. Veneres certe omnes, vt vno verbo dicam. N. Hunc autem ita donatum, quo nomine appellabimus? B. Nescio equidem, nisi poetam intelligas. N. Poeta certe hic est, cuius officium erit ac finis nulla eorū prætermittere, quæ simpliciter pulchrum ac perfectum sermonem faciant: sed video te (nisi è facie fortasse fallor) habere aliquid qd̄ dubites. B. Non falleris profecto: nam qd̄ dicis affectare poetam sermonem simpliciter pulchrum, dubitationem quandā mihi ingerit. cum. n. in sermone duo sint (vt dixisti) materia siue res de qbus dicitur, & dicendi modus, si in utroq; poeta simpliciter pulcher esse vult, in angusto valde erit poetica res. nam primum res ipsæ, q̄ simpliciter pulchræ sunt, paucæ admodū sunt, Dij scilicet, & heroes, & horum actiões, deinde & dicēdi modus, qui simpliciter & in omnibus pulcher sit, valde rarus erit, & ferè vnus: quare neq; comœdia, neq; tragoedia pars poetice erunt, neq; egloga, & magna lyricorū pars. tum neq; illud eueniet, qd̄ supra dicebas, vt materia omnis quantūcunq; publica, propria & poetica fieri possit. N. Recte quidē & opportune addubitas, Bardulo. verum ipse cum simpliciter pulchrum sermonē dico, ita accipi volo, vt pulchrum illud concordet tñ & conueniat cum re, de qua dicitur & cū alijs adiectis, & non tantum scdm se pulchrum sit. sicut. n. vestis aurea, q̄q̄ per se pulcherrima sit, apposita tñ rustico nō modo decorum, & ornatū non auferet, sed risum concitabit magis: ita & si rebus com-

Verus poeta is sol⁹ orator est, qui cunctis artificibus, & scriptorib⁹ bene dicendi modum tribuit, cū sit eius munus circa sermonē versari.

Poeta affectare pulchrum sermonē quō dicatur.

poëticæ ar-  
tis partes  
duæ sunt, &  
quomô il-  
las exequat

micis maiestatem heroicam addas, oia facies indecôra. hac ergo cōcinitate, & cōuenientia si omnia scribas, & comœdia, & lyrica, & alia, partes erūt poëticę si simpliciter pulchra in eo genere elegeris. quippe in omni genere sunt quædam pulchra, quædam pulchriora, quædā pulcherrima, quæ conueniant. qui ergo pulcherrimis vsus fuerit in eo genere, poeta erit, tametsi pulcherrima illa non sint pulcherrima rebus omnibus, & generibus omnibus, comparata. sic enim verū dicis in angusto fore res poeticas genus enim illud absolute pulcherrimum ferè vnū est, vt forte heroicū, per illud tamen non semper scribere poeta vult, nec cōuenit, sed satis est illi, si simpliciter pulchris in quolibet genere vtatur. quare æqui-uocatio illius verbi simpliciter te decipiebat: interdum enim significat, quod vniuersaliter absolute tale est, interdum quod tale in suo genere. si igitur satisfaciunt hæc tibi, reuertamur iam ad id, vbi reliquimus poetam cū oratore illo patrono dicendi loquentem. B. Reuertamur quidem, quādo satisfaciunt omnia. N. Verum igitur dicebas Bardulo, oratorem illum nostrum veneres omnes sermonis poëte dare. primū igitur hic voces modulari cœpit, musicas seligere, immusicas omnes rejicere aut abscondere quantum potuit, transumptas maxime amare, & proprias: ad magnas sono, & ad lenes animaduertere: & in summa ad reliquas earum pulchritudines. tum voluit & pedes cōsiderare & numeros, tum versus facere, & videre, quid cuique ideæ conueniret: ad res vero spectans non nisi pulchras, & magnas, quantum dabatur, eligere voluit, ijs nō nisi pulchra, & miranda attribuere, quæ si deessent, voluit etiam fingere per trāsumpta, per digresiones, per cōparationes perquirere. reliqua porrō quæ ad excellentiam sermonis faciunt, nulla prætermittere. dispositiones, cōtinuationes, figuras & alia ornamenta, quæ præsentis diei nō sunt: quas omnes vocum rerumq; pulchritudines postquā simul coniunxit & per illas locutus est, miram quādam sensit, & pene diuinā harmoniam subesse, cui par nulla esset alia, tum & seipsum quodāmodo extra se rapi animaduertit, nec sese continere posse, sed ebacchari non aliter, ac solent in Bacchi & Cibeles sacris, vbi calamo strepit phrix, vbi tympana reboāt. Hinc ille ò amici platonici apud Ionem furor, quē Socrates cœlitus missum putat. non est autem Deus vllus causa furoris huius, sed ipsa musica ingentis cuiusdam atque exultantis admirationis plena, quæ pulsū numeris, velut ęstro impotente cōciturum, nec sese capientem animum quatit: atq; id facit, quod & ecstatis solet præ admiratione cōtingere. quem ob furorem diuinos, quasi Deo tactos, & vates poetas dixere, & qui de primis rerum inuētoribus tractauere, omnem poetarum originem in Deos retulere, Linumq; & Orpheum, & antiquiores illos poetas Deorum filios prodidere.

poetæ his  
tēporibus  
pauci sunt.

Furor poe-  
ticus.

poetæ, deo-  
rum Filij  
dicti sunt.



A prodidere. quippe cum iure diuini dici poetæ mereantur: qui soli eam dicendi diuinitatem inuenere, qua & Dij per oracula ad homines loqui dignati sunt. Hæc cum dixisset Naugerius, paulisper sermonem cōtinuit quasi cogitabundus: mox rupto silentio ita rursus secutus est. hic ergo finis ò Bardulo atque officium poetæ constituendus est, apposite simpliciter dicere ex conuenientibus in vnoquoque. ex quo & illud manifestū est neminem eorum, quibus bene dicēdi facultas est, æquari poetæ posse. siquidem alij omnes bene quidem atque apposite fortasse dicunt, verum non simpliciter, sed in aliquo tantum, & quātum pro nudo fine est satis, poeta vero simpliciter solus. qua de causa quicūque dici poeta volet, quauis sibi propoſita re ſciat ornatus omnes, pulchritudines omnes quæ ad eam quocunq; modo attinent, ſibi eſſe cognitās oportere: alioqui maximas & pulcherrimas deligere nunquam poterit: quod neceſſarium eſt poetæ, quando neque ille poeta eſt, qui mediocribus uſus fuerit: hac de cauſa ſolis poetis effingere conceſſum eſt. ſi enim rebus pulchra defuerint, & magna, aut eædem res maiores, & venuſtiores ſint euafuræ adiectis quibuſdam, adiſcienda certe ea ſunt, vt tandem pro poetæ fine dicatur. hæc ob cauſam & animata poetæ plurima faciunt: numen rebus pluribus addidere, ſyluis & fontibus venerationem: Deos humanis immiſcent, qm̃ hæc tum magnitudinem, tū admirationē afferre ſermoni ſolēt.

Poeticæ artis proprius finis.

Quis dicendi perit? poetis æquari poſſit.

Solis poetis effingere conceſſum eſt.

De poeticæ artis ſuper oēs alias artes, & ſciās vtilitate, & excellētia. nū itē quæcunq; effingendo ſcribunt poetæ vera aliquo pacto ſint, quos ēt poetæ à repub. excludēbat Plato.

Poeticā artem quā maxime vtilē eſſe.

B Sed nos longiori fortasse oratione aures vestras detinuimus, qui parati forte expectabatis percūctari aut adiungere pulchriora. Cui Bardulo (in quem ille finem faciens videbatur conuersus) equidem, inquit, Naugeri cum magnopere gratulatus poetæ sum, qui paulo ante quasi desipere videbatur mihi: tum tuæ orationi nihil addendum puto. cuncta tamē bene perorata cenſebo, ſi hoc in filo vnum hunc nodum explicatum mihi reddideris. eſto enim poetam mire, appoſite, muſiciſſime dicere, atq; hoc eſſe officium illius, cuius tamen vtilitatis, aut uſus per Deos id nam eſt Naugeri? dictum eſt enim in primis (ſi recte memini) poetam non ex propoſito ſed conductitio quodam munere prodeſſe: igitur quanq̃ pulcherrimus, & diuinus etiam ſit poetarum ſermo, dum tñ ad nihil vtilis per ſe ſit, niſi eo fortasse q̃ delectat, rursus in puerilia relabi videmur. quem admodum igitur & nauifactoriæ artis tuus ille magiſter, vbi naues omnes conſtituiſſet, quæ ad finem aliquem atque uſum confici poſſent, one rarias, triremes, & lintres, ſi poſtremo ingentem quandam & formoſiſſimam nauim ſtruere velit ad nihil autem vtilem, operam quidem & dies perderet: ita à tuo illo oratore dicendi domino conſtitutis alijs artibus, quæ bene dicendo eſſe uſui poſſunt, ſi poſtremo poeta exiliat, fruſtra quidem pallere, ſeſe à republica abdicare, diſciplinās omnes diſquirere,

Fracaſtorij.

SS videbitur

videbitur mihi: si tandem eò res cadat, ut pulcherrimum quidem, & diuinum etiam (si ita vocare liber) tantum edat, vtilem autè ad nihil. nam eum quidem, qui rei rusticæ perdiscendæ desiderio mouetur, non aditurum puto aut Hesiodum aut Maronem, sed aut Magonem magis Carthaginensem, aut Varronem. nec similiter qui vitæ erudimenta sectatur, ad Homerum confugiturum, sed ad academiam magis & Stoicos. ad Theophrastum uero & Aristotelem, non ad Empedoclem & Lucretium, qui rerum naturas nosse voluerit. quare ipso sciendi desiderio ab omnibus poetam relictum iri video, ad voluptatem solam perlegendum, quo pacto futurum solent iubere secundas mensas accedere. Hic subridens Naugerius tibi, inquit, Bardulo philosophia magna quædam & diuina scientia videtur? B. Videtur quidem. N. Quisnam igitur, si hominum commoda & utilitates spectes, vsui magis venire uidetur tibi, philosophus ne an faber lignarius & architectus? B. Hi certe magis. N. At tu quisnam fieri malles, faber ne & architectus, an philosophus? B. Philosophus certe magis. N. Eadem ergo & de poeta à Bardulo dicenda sunt, quæ de philosopho. nam profecto si ad usus ciuitatum, & necessaria spectemus, longe inutilior erit poeta, quam multi alij, sicuti & philosophus. disciplinarum enim & artium quædam utiles uocantur, quædam uenerabiles, quæ & liberales dicuntur, quod liberis & ingenuis hominibus digne sunt. Verum enim uero à amico Bardulo, & uos alij, quâquam ita sit de poeta, ut uulgari illa utilitate quàm plurimis cedat, si tamen ostenderimus inter omnes, qui dicendo utiles esse solent, poetam omnium utilissimum esse, & maxime prodesse, quatenus quisque scribit, quid dicetis?

Poeta inter  
oēs qui i di  
cēdo utiles  
esse consue  
uerunt, uti  
lissimus est  
ac maxime  
prodesse qua  
tenus quis  
que scribit.

B Mira promittis Naugeri: sed cur dictum est, quatenus quisque scribit? N Idcirco quidem à Bardulo adiectum est, quia duo cum sint in sermone, cognitio & peritia rerum, de quibus dicitur, & dicendi modus; ego quidem nunc nō comparo poetam alijs circa peritiam rerum, de quibus dicitur: sed comparo genus dicendi solum, ac dico genus dicendi utilissimum omnium esse, & maxime prodesse: quin & plura docere, & pulchriora, & meliora. B. Age igitur Naugeri singula aggredere: ac rem ut promittis ostende. N. Enitar quidem, ac me etiam ita facturum spero. duo igitur prædicta cum circa sermonem uersentur, primum de modo ipso dicendi loquamur, mox de rebus dicemus. ac certe si verum est, quod diximus, poetam circa simpliciter pulchrum uersari sermonem, hinc primum apparere potest, cuius utilitatis sit poetarum sermo, quatenus sermo est. in ipso enim est nosse excellentias omnes, pulchritudines omnes in omni orationis parte. quoniam autem qui rectum & pulchrum nescit, simul & quod obliquum & turpe est, noscat necesse est, immo iudicare

Maxima ē  
finitis poe  
tici utilitas.



**A** dicare posse omnes alios sermones, quantum à summo distent. si igitur magnum quiddā atq; optabile est sermo, per quem à cæteris animalibus homo differt, & inter homines alter ab altero; magnam certe utilitatem consecutus est qui excellētiās, elegantias, & pulchritudines sermonis novit. adde q; qui poeta est, parvo negotio omne aliud dicendi genus affequi potest: non ita alij, quod poetæ est. nunc ad res veniamus. in quibus dictū est sicut in modo dicendi, ita & in ijs poetam pulchritudinē, & excellentiam nullā, quæ attribui rebus possit, prætermittere. si igitur ea imitetur, quæ ad voluntatē attinent, & prudentiā ac virtutes alias facere possunt, incōparabilis profectō utilitas est, quā præstat hæc imitatio, & representatio: exempla enim, & ea quæ in re videmus, multo prudentiores, & longe practicos magis nos faciunt, q̃ quæ docemur. nihil autē refert siue Imperatorem sic & sic consulere pro victoria videamus, siue inducatur à poeta. atq; ita de alijs dicatur. qm̃ igitur maxima in vno quoque & pulcherrima sectatur, hinc fit, vt plura in ijs quæ ad prudentiā, & alias virtutes pertinent, demonstrēt genus dicendi poetarū. propter eandē causam & si ea imitetur, quæ ad intellectum attinent, plura quoq; docet: qm̃ pulchritudinem nullam omittit quæ attribui rebus possit: cum alij omnes in angusto valde versentur, vtpote qui non omnes, sed qualdā solū pulchritudines sectentur: cuius signū esse potest, q; qui Troianum excidium nuda & restricta oratione scripsere, breui volumine totā historiam cōplexi sunt: Homerus autem Iliadem conflavit: & Varro Catoque paucissimis chartis præcepta rei rusticæ explicuere, Maro vero Georgica condidit: quare longe plura sunt quæ docent poetæ, q̃ quiuis alius propter dictam à nobis causam. **B.** At vide Nangeri quo pacto plura dicas à poeta doceri. plura. n. fortasse dicis ea ēt accipiēdo, quæ extra rem sunt: quam video fabulam à quibusdam dici: quantū verò ad propriam cognitionem eius rei, quæ docetur, nescio quō plura à poeta tradatur: præsertim cum supra dictum sit multa à poeta ex intento reiici: qđ & in Virgilio & alijs est videre: qui paucissima quidem quantū ad rem ipsam attinet, prosequuntur, multa alia adiicientes ad ornatum: sicuti & pictores faciūt: qui vbi quod primo intendunt, pinxere, aut hominem, aut equū, aut aliud, tum lacus & montes, & viridaria circumpingunt, & addunt ad ornamentum. **N.** Negare quidē nō debemus multa à poeta reiici ex intēto, ea scilicet quæ aut turpia sunt, aut tractata (vt diximus) nitescere non possunt: verū si ijs quæ reiiciuntur ea cōparentur, quæ addunt ab ipso, longe plura hæc sunt. quare plura omnino poeta docet, q̃ quis alius. Quod vero additū illa sint extra rem, cōsiderare oportet Bardulo quid tu intelligas extra rem esse. si in extra rem intelligas ea, quæ extra singulare & nudā rem superaddunt,

Poetæ, quæ  
utilitatē ex  
rebus, circa  
quas versā-  
tur, homini  
bur afferāt.

Poeta, quo  
addicēdige-  
nus oēs in  
docendo ex  
cedit, & plu-  
ra docet.

Quæcunq;  
poetæ exor-  
nationis eā  
extra rē cir-  
ca quodcun-  
que dicere  
videntur, ad  
perfectiorē  
rei notitiā  
ducunt.

profecto sic ēt sat erit plebeio sermone vti ad explicandas res: reliquæ. n. C  
 elegantix necessariæ non sunt. similiter & domibus si colūnæ addantur,  
 si peristilia & alia, extra rem erunt: sufficit enim pro fine domus, quæ ab  
 imbris & frigoribus nos defendat, simplex domus. at uero si res ipsas  
 consideremus tales, quales esse deceret, & quantum ad perfectionem spe  
 ctat, illa quidem addita non solum extra rem nō erunt, sed essentialia &  
 necessaria. an debemus putare nobilium uestes extra rem esse, cum suffi  
 ciāt rusticanæ? non ne uides sicut in ijs, quæ à natura sunt, sua est perfectio  
 & decor, ita & in ijs esse, quæ ab arte sunt? quam perfectionē & decorem  
 soli magni artifices norunt: quæ si à rebus auferas, profecto animā quodā  
 modo propriā ijs abstulisti. quare quæ & pictores & poetæ rebus addunt  
 ad perfectionē, non extra rem sunt, si rem consideres non nudam (ut ple  
 bei artifices, aut qui sine aliquo coerciti & astricti sunt, faciunt) sed perfe  
 ctam & animatam: qualem cōsiderant summi artifices, præcipue autem  
 ex omnibus poeta, qui admirandus in omnibus esse uult. si ergo illa re  
 bus attributa perfectionem & nobilitatem rerū ostendunt, non ne utilitas  
 magna quidē & exoptanda à cunctis censerī debet? quapropter ut ad  
 rem nostram reuertamur, manifestum esse potest, quod primum promisi  
 mōstrare, plura à poeta doceri, q̄ à quouis alio, qui scribūt. sequitur, ut iā  
 & illud monstremus, pulchriora esse, q̄ à poeta docentur, qđ quidem ar  
 bitror à te sine multa difficultate cōcedendū. siquidem dictum est alios D  
 sermonē fm aliquid tantum & in parte pulchrū affectare, poetam uero  
 simpliciter pulchrum: dico aut pulchrum & quantum ad res, & quantū  
 ad dicendi modū. siquid tñ & in hoc dubitas audacter proferto. B. Equi  
 dē non satis scio Naugeri, an ita facile tibi concedā pulchriora esse, quæ  
 poeta imitatur & sumit: qñ illa quæ tu pulchra vocas, præcipue illa sunt, q̄  
 à poetis superadduntur, quæ & fabulę dicuntur. oīa quidem partim effi  
 cta, partim ēt falsa, & supra veritatē. nā q̄ multa effingant poetę, q̄ nullo  
 pacto sūt, tute ēt dixisti. q̄ uero & aperte falsa, & impudenter quidē assu  
 mant, manifestū esse potest in ijs quę de Aenea, & Didone Virg. scribit:  
 quos constat multo tpe discretos fuisse. quæ oīa cum falsa sint, ego quidē  
 non video, quō pulchra esse possunt. falsum. n. omne turpe est, cum ex ijs  
 constet, quę non sunt: quare & nulla utilitas esse videtur in addiscēdo fal  
 sa. Ignosces tñ mihi Naugeri, si peruicacior aliquantisper sim in tuū poe  
 tam. N. Dānat nimirum peruicaciā. Socrates inter amicos, eādē tñ to  
 lerat, cum gratia veritatis inquirendę cōmittitur: quare nō uenia Bardu  
 lo, sed cōmendatione magis dignus es, qui tam nauiter p inquirenda ve  
 ritate contēdas. Duo aut uideris obijcere in poetas Bardulo, alterum q̄  
 multa effingāt, alterum q̄ & aperte falsa assumant. vtrunq; aut cum ex ijs  
 constet,

Plura & vti  
 lior doceāt  
 poetę q̄ qui  
 uis alius ar  
 tifices.



**A** cōstet, q̄ non sunt, pulchrum esse non pōt. primū aut de ijs, quę effingūtur dicamus: in quo illud in primis sciendū est, neq; oīa effingi decere, neque ab oībus. In vniuersum aut nihil effingendum est aut assumendum ab eo, qui poeta dici meretur, quod aperte à veritate alienū sit: quēadmodum video à nō nullis fieri, qui & flumina sicari amantiū incendijs scribunt, naues suspirijs pelli, & similia. oīa vero quę effingi licet, aut alia per apparentiā sunt, aut significatione, & alegorijs talia, aut fm opiniones hominum vel oīum, vel multorum: alia talia sunt scdm vniuersale ipsum, & ideā simpliciter pulchram, non scdm singulare. per apparentiā quidē sunt, vt illud, Ter cōelū illisum, & rorantia vidimus astra: significatione vero & alegorijs, vt fabule, præsertim antiquę, quarū alię mysteria quędam sacrificiorū & religionum significant, quędā naturas reconditas rerum, quas non ab oībus intelligi voluere: alię notant historias quasdā regum & eorū vitia, aut virtutes. transformari vero figuras antiqua opinio fuit, lucos esse sanctos, tutelā fluminum & fontium esse Deos quosdam, quosdā habere nostri curā, vt Lares & Penates, Panes, & Satyros fuisse, et Syluanos nō præter opinionem mortaliū fuit: Deos cū hominibus cōuersari, cū ijs loqui, quosdam & cū mulieribus coire receptum fuit: eadē estimatio de oraculis, de auspicijs habita. atq; hæc ferē & similia sunt, quę à poetis finguntur. quę vero adduntur supra singulare, oīa à natura rei trahuntur aut per transumptionē, aut per epitheta, aut per alia, quę ad simplicē naturā attinēt, attributa à causis, ab effectibus, & eiusmodi alijs cōueniētijs. Falsum igitur nullū horū dici debet: falsum. n. est, quod nullo modo est. hæc aut aliquo modo sunt, aut per apparentiā, aut per significationem, aut scdm opiniones hominum, aut scdm vniuersale: quare nec mendaces poetas dicere æquum est, quippe qui, vt nomē quoq; indicat, perfectores sunt magis. De ijs vero, q̄ aperte falsa dicebas, ut de Didone & Aenea, scire debes à poeta nunq̄ assumi apte & vulgo falsa: sed si qua forte assumuntur, oīa eiusmodi sunt, vt non facile cōfutari possint: sed sunt aut longa t̄pis intercapedine oblita, aut valde obscura, aut valde externa & longinqua. ea vero, quę & uiuentes & p̄pinqui possunt apte redarguere, & falsa iudicare, nemo quidē qui vere poeta sit, vnq̄ assumet: mendacium. n. oē turpe est, & admirationem amittit. quare ne deinceps dicito falsa à poeta assumi. iamq; qn̄ & plura, & pulchriora monstrauimus docere poetam, quod postremo superest ostendamus, meliora ēt esse, quę scribit: meliora aut voco, quę cum perfectiora sint, sūt ēt nobis chara magis, & grata. Quod aut perfectiora sint, demonstratione nō indiget: qn̄ monstratum est poetam circa simpliciter pulchra & maxima versari: chariora vero nobis, & accepta magis esse hoc vno exēplo doceri potest. si. n. philo-

Quę effingunt a poetis a veritate aliena, prout esse non debent.

Quę effingunt poetæ multipliciter vera sunt.

Didonis, & Aeneæ Fabule an veræ sint.

Grata et chara magis tradunt nobis poetæ, q̄ ceteri artifices.

philosophus

sophus quispiā nos erudiens simplici oratione doceat mētē quandā esse C  
per omnia diffusam, adamabo quidem rem isthanc, vtpote rem magnā  
edoctus. at vero si idē ille poetico modo eadē mihi rē referat, & declaret  
Principio cœlum ac terras camposq; liquentes  
Lucentemq; globum lunæ titaniaq; alstra  
Spiritus intus alit: totamq; infusa per artus  
Mens agitat molem, & magno se corpore miscet.

Si inq̃ eandem rē hoc pacto referat mihi, non adamabo solū, sed admira-  
bor: & diuinū nescio quid in aīum mihi imissum existimabo. quam ob rē  
ò amici si poetā plura docet, si pulchriora, si chara magis, non est arbitra-  
dum ita esse, vt paulo ante aiebas Bardulo, musicū quidē & diuinum cā-  
tum edere, vtilem autē ad nihil: qñ incredibilis & incōparabilis est ea vti-  
litas, quā poetæ afferunt, si recte intelligātur. quinimo & hoc aliud addā.  
Bardulo qđ Dijs testibus syluæ huius affirmo, fancioq; nulli si forēt poe-  
tæ, non habere mundi pulchritudines, qui eas nossent: qđ quibusdam na-  
tionibus accidit, vbi poetæ non sunt, neq; ēt elegantiaē vrbānitates vē vl-  
læ, nec pulchrum quicq̃. Dico autē poetā nunc non solū, qui scribit, &  
numeros condit, sed & illum, qui natura poeta est, tametsi nihil scribat.  
est autē ille natura poeta, qui aptus est veris rerum pulchritudinibus capi  
moueriq; et (siqñ loqui accidit) per illas loqui, & scribere potest. pulchri-  
tudinum vero aliæ veræ sunt, alię apparent. poeta autē est, qui veris moue D  
tur. sunt & artificum omniū alij poetæ natura, alij non: poetæ quidē, qui  
ad ideā proprij artificij respicientes nullā pulchritudinē prætermittere  
volunt. ad propositū ergo reuertēdo si nauifactor ille Bardulo magister  
& dñs, quē supra dicebas, vbi ingētē illam & pulcherrimā nauim cōstru-  
xisset, ac talē pariter constituisset, vt simul ēt valde vtilis foret, nō ne præ-  
ter pulchritudinē admiranda quoq; videretur, & magnopere desideran-  
da, q̃ adeo vtilis foret? B. Oīno. N. Ergo & poetā q̃ primum de omni-  
bus rebus scribat, deinde non tm̃ ipsas, sed & oēs earum pulchritudines  
psequatur & doceat, doceat autē tam diuino, tam admirādo dicendi mo-  
do quis non veneretur, & veluti Deū quendam existimet? adibit autem  
illū & qui res rusticas nosse volet, & qui res naturæ, et qui vitæ erudimē-  
ta, & alij, si de his poeta scripserit: verū non illi adibunt qui nudas & quo-  
dā modo rudes nouisse res volent, sed qui perfectas, & pulchritudinibus  
suis ornatas quasi viuētes spectare studuerint: quare nō ita est Bardulo vt  
supra aiebas, poetam tanq̃ bellarium quoddā ad voluptatē solam vocari:  
nec superfluum quiddā molitum putare debes Virgil. q̃ de eadē re scri-  
pserit, de qua & Cato, & Varro, & alij prius cōmentaria ediderant. non  
enim propter hoc abstinuissē poetam decuit: sed & sibi scribendum fuit,

Verus poe-  
ta quis esse  
dicatur. nū  
ille qui na-  
tura, an qui  
dignum ali  
quid poeti-  
ce tradit.

A poetis  
omnes acci-  
piunt, quid  
dignum ali  
quid pfectis-  
simo modo  
cognoscere  
cupiunt.



**A** ne earū rerū pulchritudines, quæ tot relictæ ab alijs fuerant, perpetuo in tenebris iacerent. Videbatur his dictis Naugerius intermissione orationi facturus: cū Bardulo magnifice, inquit, Naugeri pro poeta nauatum est: & certe bene peracta mihi uideretur dies, si vmbra paucillū nescio quid, quod adhuc reliquū est, de animo mihi leuaueris. Quidnam illud est, respondit Naugerius. & ille, dicā, inquit. nā per Deos quid cause est, quid iniuriæ, si diuinus, si admirandus, si & adeo vtilis poeta est, cur tamen Plato & iustus quidē & poetarū etiam amicus sua à rep. poetam arcet, neq; vllō cōmercio sibi coniungi sinit? Cui subridens Naugerius inquit, bñ abs te factum Bardulo nunc est, qui hæc in mediū induxeris: nunquam enim hodie contentus recessisset poeta à nobis, nisi postremo expurgatus & hac macula abiisset: non sum nescius Platonem nolle ad magnam illam & admirabilem rempublicam suam poetam accedere, sed iubere, vt ad alias ciuitates se transferat. quā rem cum mecū ipse cōsidero, tria potissimū mihi illa uidētur, quæ obijcit in poetas Plato. Primū quidē q, cū sit imitator poeta, illas ignoret res, de quibus dicit, et si enim magnifice loqui potest, & omnia miranda facere, res tamen nescit: qm̄ imitationis natura est, vt illa nesciat quæ imitatur. quippe tres sunt ideæ rerū, vna in eo, qui fines nescit, & res ordinat ad finem: vt musicus: qui citharam ordinat, & finem nescit cur talē ordinet: alia idea est in eo, qui facere quidē res scit, finem autem non nescit: vt faber lignarius. tertia in eo est, qui imitatur, qui nec facere quidē scit, nec finē nouit, vt poeta, & pictor. Secundū uero quod Plato obijcit, illud est, q, imitatio semper in peiora prolabitur. vnde & tertiū enascitur, q, poetæ sepiissime indecētia scribāt, & secus Dijs & heroibus tribuāt, ac par est. Iustū igitur ò amici vī, vt de his rationē diligenter habeamus, qm̄ & ipse Plato poetarum amicos rogat, vt ipsos defendant. nos quidem poetæ non sumus, sed poetarū amici. quare nostrū esse ducimus amicorū partes tueri. In primis igitur cum Plato dicit nescire poetas res, de quibus scribunt tam magnifice, si quidē dicit nescire, quatenus poetæ sunt & periti dicendi, verū profectò dicit: si vero oīno nescire dicit, verū quidē nō astruit. diximus enim oportere nō solū poetā, sed quicumq; rem ullā docent, illā nouisse. nihil autē refert an nesciat quatenus dicēdi peritus: nā neq; philosophus ipse quatenus dicēdi peritus, scit res naturæ, sed quatenus res illas edoctus: nec qui historias eloquēter scribit quatenus eloquēs scit ea quæ scribit, sed quatenus ea doctus. igit & poeta si de re rustica aut de natura scribat, quatenus qdē poeta et dicēdi peritus res illas nescit, scit autē quatenus ea edoctus. scire aut necesse est, si qdē docere vult: nec scire tm̄ necesse ē, sed exactissime scire: alioqui pulchritudines & perfectiones earū rerū nunq̄ deligere poterit.

Quos poetas a repub. excludebat Plato.

Poetæ nūm sciāt ea, circa quæ veritantur.

poeta quod dicendi peritus nescit ea de quibus scribit.

quod

quòd si & ipsum Platonē, dum dialogizat, & tam eloquenter loquitur, C  
percuntemur, an & ipse sciat quē scribat: atq; equidē se scire arbitror nū-  
furum. si vero rursus percuntemur, utrū sciat quatenus orator tantus, &  
eloquentiæ peritus: minime quidē puto dicturum, sed quatenus philoso-  
phus: oportere autē docentem illa scire, & à philosopho didicisse. ita ergo  
& nos de poeta dicemus, nescire quidem, quatenus poeta est & imitator,  
oportere autē scire quē scribit & à philosopho didicisse, aut alio. scit igitur  
inquantū philosophus: bene scribit, inquantū poeta. ac per hæc satisfactū  
Platoni puto: qm̄ partim verum dicit, nescire poetā quē scribit, quatenus  
poeta est, partim non verū, si omnino nescire puat: scit. n. inquantum phi-  
losophi res edoctus, aut gesta hominum, aut alia quæ docet. Quòd autē

Nū imita-  
tio in peio-  
ra, plabaf.

imitationis natura semper in peiora, plabatur, hoc quidē dicimus accide-  
re non artis vitio, sed eorū, qui arte abutuntur. nā certe verum est à mul-  
tis poetarū turpia multa & indecentia scribi: quos iure non solū à repub.  
sua arcendos Plato censet, sed ab oībus arceri æquum est. si igitur Plato-  
ni auferendus vī Achilles eiulans in littore maris, pugnis se cædens, &  
barbam euellens: si & Iuppiter præ impatientia expectādi sibi tractans vi-  
rilia: & nos quidē auferendos clamabimus. at Aeneā spem vultu simulā-  
tem, corde autē altum dolorem prementē neq; ipse, vt opinor, Plato neq;  
nos auferendū dicemus. In vniuersum autem si oēs comicos, omnes tra-  
gicos excludi à sua repub. volet Plato, & nos bñfactum dicemus in ea rep-  
pub. in qua fortasse neq; philosophos curabit esse contēplationi & ocio  
iuiuis deditos. hos autē mittemus ad eas resp. quas Aristot. instituerit.

Epilog-  
nium dicto-  
rum.

Hęc sunt ò amici, quæ de poeta ipso & poetæ officio ac fine dicenda no-  
bis vobis visa sunt, p̄ concesso nobis r̄pc: quorū oīm si per breuē defini-  
tionem volumus epilogū facere, omnesq; fines eius cōprehendere, tam  
illum gratia cuius mouetur, q̄ quo exequitur eū finem, & quo ab alijs oī-  
bus differt, dicemus poetę finē esse delectare, & p̄desse imitando in vno  
quoq; maxima et pulcherrima per genus dicendi simpliciter pulchrum  
ex conuenientibus. verum ex his vniuersalem quandam fortasse ideam  
poetæ videre datur, ipsum autem exacte introspicere non cōceditur ni-  
si et mēbra eius expressa singula demonstrarentur. quapropter ad prædi-  
cta reliquum esset circa singulas orationis partes ostēdere, quē ipse sibi p̄-  
pria faciat, et quibus ab alijs differat: primo circa voces simplices, tū circa  
earum texturas, et figuras, et muscas: et quō ipse aliter narret, aliter de-  
scribat, aliter cōtinuet, aliter digrediatur, aliter disponat, et loca accipiat,  
et dicendorum fines exequatur, et quomodo imitetur, quē reijciat, quæ  
recipiat, et alia eius generis multa, quibus vna dies integra non esset satis.  
Tempus est diem claudere, et iubere poetam valere.



# HIERONYMI FRACASTORII

## TVRRIVS SIVE DE INTELLECTIONE

DIALOGVS.

AD IOANNEM BAPTISTAM

RHAMNVSIVM.

LIBER PRIMVS.



**D** V O cum præcipua sint R H A M N V S I optime, quibus homo non solum ceteris animalibus, sed inter homines alter alteri longe præstat, scientia & locutio, locutionis quidem modum præstantissimum esse illū, quo Poeta loquitur, ostendit illa disputatione Naugerius, quam de Poeta & Poetæ sine atq; officio tam scelericiter die vna in Baldi recessibus habuit. Scientiarum vero maxima quidē atq; homine præcipue digna illa mihi videtur, quæ de natura est philosophia. mathematicę enim, tam & si certitudinē quamdam præstant, & multa etiam docent, circa tamen humilia quædam, & haud magnificianda versantur. contra vero antiqua illa Theologia, quę tum diuina, tum prima Philosophia vocatur, nobilia quidē ac sempiterna speculatur. verum ex ijs tam pauca sunt, quæ cognosci à nobis valeāt, tum et de illis tā incerta quoque cognitio est, vt penē fateri possimus aut nullam, aut certe quā minimam ad nos de ijs rebus cognitionem peruenissē. At vero quæ natura cōstant, & nobilia quidem sunt, vt pote substantiæ & corpora, cœlumq; atque animalia, tum & certitudinem non paruam habent, & infinita ferē sunt, quæ sciri possint: siquidem vbiq; natura est, quo quo vertamur, quicquid videamus audiamusq;: propter quæ Philosophia, quæ de hisce est, inter alias maxima & dignissima censerī debet. Ex omnibus vero, quæ natura constant, cum ea sint perfectissima, quæ intellectione vigent, propter ipsam intellectionem, merito ea quæ de intellectione est cōtemplatio, homine præcipue digna debet existimari. Quoniam igitur à sermonibus de Poetica à Naugerio habitis Io. Baptista Turrius & copiose & accurate de intellectione disputauit, quid esset, & quō vnaquæq; in nobis fieret: cumq; iam ad te scripserim sermones illos, quos prima die de Poetica Naugerius habuit, reliquum est, vt & illos ad te tradam, quos deinceps Turrius de intellectione tractauit. quod non minus tibi iucundū fore arbitror, qui non minus quā

De intellectione, vt omnem aīę humanę cognitionē interiorē cōprehendit, tractare dignissimum esse.

Naturalis & scientia scientiæ omnium homine ipso dignissima ē.

Inter naturalis scientiæ partes ea, q̄ de intellectione, dignissima ē.

*Fracastorij.*

TT

Poeticis

Poeticis rebus, omni semper Philosophia fueris delectatus: ea præcipue **C**  
 quæ circa animam & animæ operationes versatur. de quarum amplissima si nunc tu audias ab eo disputari, cum quo tanta tibi intercesserat amicitia, equidem nescio, quid gratius quidve optatius à te auscultari possit, aut legi. Igitur cum perfectis sermonibus de Poetica magna esset omnibus expectatio eorum, quos die sequenti Turrius sese habiturum de Intellectione promiserat; iamque peracta nocte cum primum illuxisset dies; placuit omnibus consuetum ad fontem reuerti, ubi ora manusque lauimus. mox Turrio visum est secedere secretiorem in syluam, quæ nec longe aberat, quod pastores consueuissent ad eum fontem matutinis horis accedere. ergo ea in sylua quietissimum locum nacti cum in coronâ confedissemus, Turrius, in quem oculos omnes conuerteramus, ita occepit.

Intellectionis  
 cōtēplatio  
 difficillima est.

Heri ò amici Poeta Naugerij animum nostrum prima quadam purificatione lustrauit, meum esset hodie secundam purgationem adhibere, si fieri per me posset: quod quantum successurum sit nobis, equidem nō satis scio: quoniam nec elocutionem illam Naugerij, nec placidā illam materiam adesse mihi video. verum quoad attinet ad elocutionem, non valde graue videretur, quando nec res, de qua agimus, eam sermonis curam exposcit, sed simplicius tractari vult. materia vero ipsa me terret, quæ cum difficillima scitu est, tum laboriosissima explicatu. videntur enim **D**ij partem hanc nostri, quem intellectum dicimus, in abditissimo posuisse: vt vnusquisque nostrum eo vteretur quotidie: quo autem pacto vteretur, nemo quidem vtiq; sciret. est autem diuina certe & sacra quædam res hæc, quam attentare nunc nitimur, qua sola, Dijs ipsis similes videmur fieri, ipsique associari: qua homo denique vnuerſi huius, quem mundum dicimus, speciem quandam & similitudinem præ se fert: quin vnus quodam modo mundus est, in quo res omnes, quæ ubique sunt, cælum, sydera, inane, maria, terræ, montes, syluæ, animalia & reliqua omnia reposita sunt. nam certe mens ex mundo quodam constare videtur.

Quæ nā cōtemplari ac scire de ipsa Intellectione oporteat in præſenti tractatione.

De ipsa autem Mente & Intellectu, quo modo sit nostri pars, & cuius naturæ, nihil nunc inquirimus, sed operationes tantum illius, quatenus in nobis fiunt, prosequemur: quæ sint, & quot, & quo pacto fiant, quas omnes communi quodam vocabulo intellectionis comprehendimus: per intellectionem intelligentes cognitionem omnem, quæ post sensus ab anima introrsum sit, quod & nomen quidem significat. mox distinguemus, quæ proprie intellectio sit appellanda, & quis intellectus & mens. porro de sensibus ipsis & eorum cognitione nihil etiam nobis agendum erit, sed supponendum. neque illud pariter perscrutabimur, vtrum in corde intellectio fiat, an in cerebro, sed supponentes in cerebro



**A**ut omnem cognitionem fieri, aut initiari. de intellectione quidem quatenus in cerebro fit, inquisitionem faciemus.

In primis autem constare inter nos debet cognitionem omnem per rerum simulachra fieri, quæ aliqui spectra vocauere: nos in scholis nostris species rerum appellamus. quo vocabulo tanquam magis familiari, & nos deinceps utemur. per has enim species cognitionem rerum fieri constare debet, quoniam & sensus per easdem fiunt, & memoria indicationem quandam præbet. quandoquidem rebus ipsis absentibus nihilominus earum recordamur, quod non aliter fieri potest quam remanente in anima simulachro earum & specie, quæ prius intellectionem fecerat. præterea intelligendo manifestum est mutari animam ab eo, quod prius erat, cum non intelligeret: hanc autem mutationem, non potest res ipsa facere, quæ extra est, & solet obiectum vocari: quoniam per se & proxime non attingit animam: sed neque anima sese ipsa mutat. necesse igitur est de mitti aliquid ab obiecto, quod proxime attingat animam, atque illam mutet: tale autem non aliud esse potest, quam simulachrum & species rerum, quæ extra sunt.

**B** Verum enimvero de natura specierum multa fortasse oporteret determinare, quod & alterius temporis & negotij est. Nunc tantum sufficiat de ijs dicere, quod à rebus momento effluunt, & diffunduntur in orbem, quacunque medium, per quod transeunt est, susceptiuum earum. tale autem medium videtur esse perspicuum & transparent corpus, quod diaphanum vocant: per densa enim & opaca non transeunt. Item & naturam earum esse ea animæ repræsentare & offerre, quorum sunt species. ac demum contrarias inter se ipsas non esse species, sed in eodem omnes simul consistere posse. & si enim dulce contrarium est amaro, & album nigro, & calidum frigido, horum tamen species contrariæ ipsæ non sunt. quod in aere manifestum est, in quo species omnes simul esse, & per ipsum simul transire possunt & solent. Quo autem pacto gignantur species, & quomodo sese diffundant, & propagent, tum & quomodo reflecti possint, & vtrum eiusdem generis sint cum formis, quarum sunt species, non est in præsentī inquirendum.

Videntur autem ad intellectionem concurrere primū quidem, quod intelligit, hoc autem est anima: deinde quod intelligitur, quod est obiectum: tertium vero id, per quod fit intellectio, hoc est species. Intellectio igitur non est anima, quæ intelligit, non obiectum, quod intelligitur, non species, qua fit intellectio, sed si quid est, non aliud certe videtur esse, quam repræsentatio obiecti, quæ animæ interiori fit per receptam obiecti speciem: sicuti & sensatio repræsentatio est obiecti exteriori animæ per rece-

De specie-  
rum intelli-  
gibiliū ad  
intellectio-  
nem neces-  
sitate, natu-  
ra, & subie-  
cto.

Intellectio  
quid nā sit,  
num actio,  
seu passio.

ptam obiecti speciem: Natura siquidem specierum est, vt diximus, ea repræsentare, quorum species & imagines sunt, repræsentare autem non la-  
 pidi aut arbori & similibus, sed animæ tantum, quæ apta est et idonea, cui  
 repræsentetur. Habet autem dubitationem quandam, vtrum quod di-  
 cimus intelligere, sit actio quædam animæ, an passio tantum. sunt enim  
 qui putent non pati solum animam recipiendo speciem, sed ea recepta  
 explicare ac producere intellectionē ipsam, quæ actio quædam est. mihi  
 autem videtur, nisi fallor, tantum pati anima intelligendo, & nihil præ-  
 terea agere. si enim quicquam ageret, oporteret actionē illam in aliquo  
 quidem recipi: recipi autem in alio non potest quam in anima ipsa. pate-  
 retur igitur anima recipiendo non solum speciem, sed & actionem pro-  
 priam, quam fecit: quare idem quatenus idem et ageret & pateretur: quæ  
 rationes contrariæ sunt, & in eodem secundum idem esse non possunt.  
 nec certe illud dici potest compositum esse, quod agit & patitur, non au-  
 tem secundum idem, sed patitur ratione materiæ, agit autem ratione for-  
 mæ. omnino enim anima principium est & agendi & patiendi. idem au-  
 tem non potest per se esse principium contrariorum: quod enim patitur,  
 patitur quidem quatenus per se non habet, quod vero agit, agit quidem  
 quatenus per se habet: per se autem habere & non habere nihil potest. nō  
 est igitur necessarium in intelligendo animam quicquid agere: statim enim  
 ubi recepit speciem, repræsentatio illa fit obiecti, quando & ipsa apta est,  
 cui repræsentetur, & natura speciei est ea repræsentare, quorum est spe-  
 cies & imago.

Intelligere,  
 aiæ potius  
 quā passio  
 est, quā ali-  
 qua actio.

Num om-  
 niū, quæ in  
 telligimus,  
 spēs intelli-  
 gibiles sint,  
 et quō in-  
 trorsus ad  
 aiām ipsam  
 ferantur, &  
 in ea pma-  
 neant. Quo  
 item pa-  
 cto ea, quæ  
 in sensu est  
 spēs, eadē,  
 vel diuersa  
 sit ab ea, q̄  
 in intellectu.

Quæcunq;  
 intelligim⁹,  
 p̄ propriā,  
 vel alienam  
 speciē intel-  
 ligimus.

Quo me-  
 dio ex sensi-  
 bus spēs ad  
 aiām, q̄ in-  
 telligit, in-  
 trorsum fe-  
 rantur.

Quoniam autem dictum est requiri speciem rerum ad intellectionē,  
 quæretis fortasse vtrum omnium, quæ intelliguntur, sint species, an non  
 omnium. si enim non omnium sunt species, quomodo potuere illa intel-  
 ligi, quæ speciebus carent? Si vero omnia species habent, & per illas intel-  
 ligi debent, videbitur quidem & Dei & separatorum aliorū species esse  
 & simulachra, item & ipsius etiam intellectus. quare si per suam speciem  
 ipse se intelligat, sequetur quidem, quod dictū est, idem agere & pati se-  
 cundum idem. Ad quod, vt mihi videtur, dicendum est non omniū esse  
 proprias species. nam neq; Dei, neq; vllius abstractorum à materia spe-  
 cies vlla est, fortasse autem neq; substantiæ, quatenus substantia est: potue-  
 re autem hæc cognosci, si non per proprias species, at potuere per alienas.  
 modum in sequentibus ostendemus. quare omnia potest intellectus co-  
 gnoscere & se ipsum etiam, sed alia per proprias species, alia per alienas.

His igitur ita se habentibus nunc est videndum, quo pacto quibus vijs  
 ferantur species ad interiorē animam. De sensibus enim minus fortasse  
 est dubitandum, quorum obiecta species suas per aerem mittunt, qui  
 perspicuus,

D



**A** perspicuus, & diaphanus est. at post sensus omnia opaca videtur. quare & dubium est, per quod medium à sensibus ferantur introrsum species. Existimandum autem est ferri ipsas per vocatos spiritus, qui de natura aeris sunt, quiq; per arterias & nervos diffusi sunt ac pene continui, ceu nubes quædam. possunt igitur per illos sese introrsum species insinuare ceu per aerem, & vsq; ad eam, quæ intelligit, animam ferri. Est tamē circa tactū dubitatio quædam, quoniam in ipso videntur recipi formæ cum materia, vt calor, frigus & alia: species autem, quæ intellectionem apportant, sine materia sunt. at certe & in tactu species sine materia recipiuntur, nō quidem à principio & in eadem parte, sed primum quidem forma cum materia in certa parte, mox ab illa spiritualis species in vicinos spiritus propagata sese introrsum fert, & intellectionem facit.

Quæretis autem fortasse & illud, vtrū quæ in sensu est species, eadem manens feratur ad intellectum, an alia sit, quæ in sensu est, & alterius naturæ: alia quæ in intellectu. aliam enim esse fortasse quis existimabit, quoniam, quæ in intellectu est species, seruari diutius potest eo etiā absente, cuius est species: in sensu vero seruari non nisi tandiu solet, quandiu præsens est producēs. præterea si vniuersale quicquam ipsum est, aliud certe est ab ea specie, quæ in sensu fuit. in sensu enim vniuersale non est. contra vero quod eadem sit in vtroq; species, ex his licet coniecturam accipere.

**B** primum quidem, quòd eodem momento idem sensui repræsentatur & interiori animæ, signum est idem esse repræsentans: alioquin, si duo diuersa essent, vnum posset à duobus diuersis repræsentari, & vnum duas haberet species, quæ esse non possunt. species enim imago obiecti est, vnius aut non possunt esse duæ imagines, nec duo diuersa possunt vnum referre. præterea secundam speciem quid fecit, si alia est, & diuersæ naturæ à prima, non enim obiectum potuit illam fecisse, quippe quod priorē fecit vti speciem, & simulachrum sui. non item anima illam effecit, quæ species recipit, non autem facit. sed neq; prior species secundam illam produxit à se diuersam, quoniam natura specierum est sese tantum propagare. cum igitur nihil sit, à quo fiat secunda species, par est existimare eandem esse, quæ primo in sensu fuit, mox & in intellectu recipitur. de vniuersali vero in sequentibus ostendemus, quomodo eadem quoq; sit species, quæ & in sensu extitit, modis tantum differens. Quod vero perdurent in intellectu species, in sensu non, iccirco quidem non accidit, quòd diuersæ naturæ sint species, sed ob id magis, quòd dupliciter durare & cōsistere species possunt: vno modo, cum continuatæ coniunctæq; sunt producenti, vt lumen soli: alio modo cum in proprio loco & propria materia sunt constitutæ. non est aut sensus proprius locus & materia specierū,

Spēs sensus tact⁹ nō recipiūt in ipso cū materia; & si nō à principio, & in eadem parte.

Num ea spēs, quæ ī sensu est, eadē sit, quæ ad intellectū fertur, an diuersa.

Eadē prorsus spēs est in sensu & ī intellectu, rōne tamē diuersa.

Spēs in intellectu diut⁹ manent, quia propria materia, & proprio loco sunt.

nisi

nisi quodammodo non simpliciter. propter quod non seruare illas potest, nisi paululum & excellentes amoto producente. at intellectus diutissime etiam potest seruare absente obiecto, quoniam simpliciter finis est specierum, & locus, & materia propria earum: quæ autem sit dispositio illa quæ conseruat, ego non possum nunc dicere. constat autem esse illam, & alios cōseruare melius, alios deterius. quid igitur sit intellectio, & per quæ, & quo modo fiat, ita in vniuersum determinatum sit, nunc de vnaquaq; intellectu agamus, quæ sit, & quo pacto obeatur, à simplicioribus incipientes.

De prima  
& simplicissima post  
externos sensus opatione,  
quæ ipsi cōis sensus est opus,  
quid sit, & quō fiat, & quod illius sit obiectū.  
Cōis sensus vna quædā  
iæ prima interior facultas est,  
qua omnia sensibilia diuersa cognoscit, comparat, & distinguit.

Est autem prima & simplicissima interioris animæ cognitio ea, quæ sensibilibus rerum fit, quæ vnum numero sunt, vt Callye, Dionis, & aliorum, quæ singularia dicuntur. hæc enim à sensibus primo cognoscitur, mox specie eorum ad interiorē animam perlata interior eorundem cognitio fit. in quo illud dubium esse potest, vtrum, quæadmodum diuersorum genere sensibilibus diuersi sunt sensus, ita & in interioribus potentijs oporteat illas diuersas esse quæ, sensibilia diuersa diiudicant: puta vna quæ colores, alia quæ sonos, & alia quæ sapores, & ita de alijs: an magis vna potentia esse possit, quæ diuersa & distincta generibus apprehendere & dignoscere valeat. at certe vnam esse potētiam necesse est quæ omnia quanquam diuersa cognoscat. quoniam si semper diuersæ essent potentie illæ, quæ circa diuersa versantur, nunquam quidem daretur posse diuersa distinguere, & comparare, & dicere, hoc album nō est, hoc dulce, vel hoc sonorum. quemadmodum nec sensus id possunt facere, propterea quod vnus sensus nō percipit, quæ aliorum sunt, nec extrema cognoscit: nos autem videmus interiores potētias diiudicare diuersa, & cognoscere diuersa esse. quare necesse est & extrema ab vna cognosci, & iudicium id ab vna fieri. causa autem est, quia interioris animæ potentie, speciem in quantum speciem recipere possunt, eo quod sensuum omnium perfectiones, vt longe perfectiores includunt, & insuper maiorem & potentiorē facultatem adiungunt. inter sensus vero vnus potentiam & virtutem alterius nō includit propter imperfectionem eorum: propter quod et vnusquisq; certo organo indiguit. quod igitur circa interiorē animā potentia sit, quæ vna existens possit tamen diuersa genere iudicare & apprehendere, manifestum esse debet: ac talem omnes astruunt & ponunt, quicumq; hac de re scripsere: & ipse etiam Plato ante Aristotelem. Vtrū autem prima hæc potentia, quæ sensibilia omnia apprehēdit, eadem etiā sit, quæ illa comparat & distinguit, an vna sit quæ solum omnia apprehēdit, alia vero, quæ distinguit & comparat, dubitationē quandam habet: de quo posterius non nulla dicemus. nunc tantum dixisse sufficiat vnam primam

Cā ob quā  
exteriores  
sensus certo  
organo indigent,  
interiores non.



**A** primam esse facultatem, quæ sensibilia omnia potest recipere & cognoscere: Quam video ab omnibus communem sensum vocari. sensum quidem, quia ita sensibus coniuncta est, ita intima, ut simul cum sensibus actu fiat: quinimmo nec sensus ipsi fungi officio suo videntur, nisi & hæc communis facultas consentiat. communem autem vocat, quia sensibus omnibus ut arbiter communis est. apprehendit autem hæc sensibilia eo pacto eisdem conditionibus, quibus illa in sensibus primo fuere, siue vnū per se fuerint, siue per accidens vnum: sunt autem ferè semper vnum per accidens ex pluribus simul coniunctis conflatum. nam quoniam species nata est & rem & rei modos offerre, hinc fit, ut cum oculus exempli gratia attigit coloris speciem, simul etiam & coniuncta cum colore recipiat, qui modi dicuntur: hæc autem sunt numerus, quantitas, figura, locus, situs, motus, actiones, distantiæ, similitudines, & aliæ relationes, & alia, quibus res consistunt. ad quos quidem modos valde aduertere necesse est, quoniam principium non paruum dicendorum hoc erit: quinimmo miraculum fortasse videbor vobis dicere, si octo aut decem aut paulo plures species in anima esse protulerim, ingentem vero illam cõceptionum multitudinem modos esse paucarum illarum specierum varios & tam diuersos. simplicissima igitur & prima cognitio, quæ ab anima post sensum fit, est singularium & sensibilibus rerum à sensu communi facta. quæ autem in parte fiat, in sequentibus inquiremus.

Quoniam autem facta intellectione omni cõstat seruari ipsam apud animam, & absentibus etiam obiectis posse nos rursus cogitare circa intellecta, inquirendum nunc est, quid referuatur apud animam & quomodo. vtrum referuentur rerum species & simulachra, an alteratio illa, quæ in anima fit, dum intelligit, siue actio fit, siue passio: sunt enim qui putet non referuari species, eo quod specierum natura est tandiu esse & consistere, quandiu producat illas est præsens, remoto autem interire. quare alterationem & passionem in animo factâ solum seruari. sed certe si ita dicamus, necessarium illud videbitur, ut semper actu sit anima, & semper idem intelligat. actio enim id est, per quod aliquid actu est, similiter & passio: alteratio autem illa aut actio est, aut passio. si igitur apud animam semper est, utiq; actu semper erit anima. Præterea motus omnis & alteratio nihil aliud est, quàm forma, quæ recipitur, quatenus aliquid actu fit, quod in potentia erat. in intellectione autem non recipitur aliud, quàm species representans. per quam actu fit anima. impossibile igitur est alterationem hanc à specie separari. quare omnino species erit, quæ referuatur. quomodo autem non semper intelligat anima per omnem speciem, paulo post dicemus. dictum est autem & quomodo absentibus etiam

Cõis sensus  
cur sic è ap-  
pellatus.

Cõia sensi-  
bilia & per  
accidēs quæ  
& quò ad  
sensum spe-  
ctent.

Quid post  
intellectio-  
nem remaneat  
in aia,  
an spēs, seu  
alteratio: &  
quātum in  
ipsa permaneant,  
ac multiplicetur.

Non alteratio,  
quæ ipsa intel-  
lectio est, sed  
spēs in aia  
ipsa post om-  
nem intelle-  
ctionē tanq̃  
i fine & pro-  
prio in loco  
remanens  
aliæ magis,  
aliæ minus.

obiectis

obiectis possint in intellectu seruari species, certa illic dispositione comparata à natura, quoniam finis est intellectus & locus specierum. Sed vos quæretis fortasse, quo pacto situetur species, quas referuari in anima post intellectionem dicimus, quo ordine, qua positura siue in cerebro ipso, siue in spiritibus conferuentur: omnino enim dubium est, vtrum singula in singulis spiritibus sint, & omnes eadem in parte, an hæc quidem in his, illæ vero in illis, vt colores in certis, soni in alijs, odores in alijs, & sic de reliquis: amplius & quo modo se habeant species, quæ eiusdem generis sunt, vt niuis & lactis, vtrum vna ex ambabus species fiat, an duæ remaneant.

Esse autem in spiritibus singulis singulas species inopinabile quidem est, & contra specierum naturam. diximus enim diffundere sese species & propagari vndiq; & quacunq; medium susceptiuum illarum est, & contrarias inter se non esse. cur igitur qui coloris specie recepit spiritus, non et soni recipiat, & saporis, & aliarum, si esse simul possunt, & nullam habent contrarietatem inuicem? quã ob rem neq; hæc quidem in his, illæ in illis species sunt, sed omnes simul & vna in parte, atq; vno in puncto omnes, quasi altera alteri superincumbat. Duarum autem specierum eiusdem generis opinandum est vnam quodam modo fieri specie, quodam modo non vnam. vnam quidem, quoniam forma est vna, & subiectum vnum, non vnam autem, quatenus repræsentatiua est & imago, quod accidit propter modos & coniuncta, quæ offert diuersa existentia, & modo niuem, modo lac referentia. quare quatenus imago est, non vna est species, sicut neq; vna res, quæ offertur: vna tamen est secundum se, & secundum esse, quod habet vt qualitas, cui accidit habere modos plures. non sunt autem modi illi in specie nisi, vt dicitur, repræsentatorie. neq; enim pedalis est species, aut bipedalis, quadrata, aut rotunda, sed res eiusmodi sunt: species autem, quoniam imagines sunt aliorum, modos quidem illos habent vt imagines tantum, & vt repræsentant. qua de causa quodam modo vna est species, quodam modo non vna. referuantur ergo & cum eisdem modis, quibus fecerunt intellectionem. & specierum alia diutius referuantur, alia breuius, & animalium alia melius referuant, alia deterius. Diutius illæ referuari sunt aptæ, quæ recentes sunt, senescentes enim euanescent. item & permanentiam maiorem sortitæ sunt, quæ longius, & ad plura diffundere se consuevere, vt lumen & sonus: propter quod eorum, quæ vidimus, aut audiimus, reminiscimur magis, quam eorum, quæ gustauimus, aut olfecimus. illæ etiam num diutissime seruari solent species, quæ sæpius repetitæ fuere, tum & quibus applicatio maior facta fuit. qua de causa & quæ nos delectant, & noua, & magna, & quæ tum admirationem, tum timorem inducunt, omnia solent tenaciter retineri. Solent etiam quæ

Nō singulæ spēs singulis in spiritibus, sed in vna & eadē prorsus parte tanq̃ in puncto situantur.

Diuersarū rerū eiusdē generis vna est spēs esse realiter, plures vero representatiue.

Quæ spēs diutius referuentur.

referuatæ



**A** referuatæ sunt species quandoque quidem debiles, & impotentes fieri; qñq; etiam interire. Duo modi sunt quibus debiles redduntur: alter est senium earum. nam & ipsæ consenescent: alter est læsio ejus dispositionis quæ habet conseruare. quoniam enim illa qualitates subiecti consequitur, inde fit, vt sæpe impotentes reddantur species, quod & senibus euenire consuevit, & aliquibus propter morbos, quales ferè sunt pestilentes febres, è quibus quædã adeo feræ visæ sunt, vt siqui ab ijs euassissent, adeo tamen immemores remansere, vt vix & proprii nominis, & propriæ domus recordarentur. consenescent autem species, quoniam spiritus, in quibus illæ sedem habent, alij continenter intereunt, alij regenerantur, non corrumpuntur tamen species corruptis prioribus spiritibus, quoniam in nouos, & recenter genitos sese propagant, & conseruant. verum id euenit, vt quanto magis absunt à primis tanto in dies debiliores reddantur, ac demum sensim adeo impotentes fiant, vt senescentes quodammodo in nouos spiritus sese propagare non possint, nec iam mouere animam. si enim ab A spiritu spēs transeat in B, & ab hoc in C, & ab illo in D, & à D in E, validissima quidē est prima species, quæ est in A, valida, item quæ est in B, sed minus tamē, minus quoque quæ in C, & minus quæ in D, & adhuc minus cæteris quæ in E: quare tandem deuenitur ad tantam tenuitatem, vt in F, & in G propagari nō possint species senio suo cōfectę. **vn**

**B** de postremo cum intereuntibus suis subiectis intereunt, nisi aliqua per iteratas intellectiones reuiuiscant, & vires capiāt. sic enim reiuuenescunt. De intellectione igitur quid sit & quomodo, & per quæ fiat, & quæ sit prima & simplicissima intellectio, & quō reseruentur situēturq; species & perdurent, & consenescant, & pereant hætenus dictum sit. nunc de alijs dicamus quæ ab hac consequenter fiunt animę operationes, prius tamen bene commodeq; fieri arbitror, si non ea abutamur occasione, quæ pueri nostri musica præstari solet, vt per eam aliquantisper recreati alacriores redeamus ad hos seueriores sermones. Significauit igitur Nagearius puero, vt aliquid caneret, qui temperata suauiter cythara, ita dulcissime cecinit.

Natalem Thelayra tuum lux craftina reddet.  
 Craftina lux mihi sancta. tuos age Lucifer ortus  
 Profer: & Auroram propero dux euehe curru.  
 Euehe, sed sero tardus cede hespere cœlo,  
 Longa vt eat foelixq; dies. lege lychnida Leuce  
 Et viridem violis intexto amaracon albis.  
 Serta duo mihi nocte: vnum quod postibus ipse  
 Appendam Thelayra tuis, mea maxima dona

Nota tibi: ast aliud, quod festa luce laborum  
 Immunes decoret plena ad præsepia tauros.  
 Tu vulgo Veneriq; palam formosa uidenda  
 Comptaq; sed clam pulchra tuo, sed compta Myconi  
 Incedes, tacitisq; Deam venerabere votis,  
 Vt mea tu, tuus ipse vt sim: Dea maxima votis  
 Annuet. at tu omnem Thelayra abrumpe pudorem  
 Tum, cum expectatum diffabit tibia cantum,  
 Ardentesq; sono in choreas accendet amantes.  
 Tum dextram læuamq; manus iungamus amicas,  
 Inuideantq; omnes, neque enim te doctior usquam  
 Vlla salit, non ipsa Iole, non nata Lycotæ.  
 Me vero quales in cœlum tollere saltus  
 Aspicias Thelayra, modo & te flectere in orbem?  
 Et modo te contra stantem mira arte mouere  
 Ante retroq; pedes, spatio nec cedere ab vno  
 Ipsa Venus cœlo ridens spectabit ab alto.

De subno-  
 tione, intel-  
 lectionis se-  
 cunda ope-  
 ratione, q̄ phā-  
 tasie primū  
 opus ascri-  
 bit, qd sit,  
 & quō fiat,  
 & qd illius  
 obiectum.

Hæc cum cecinisset puer, risissemusq; omnes, Turrius ita rursus sermo-  
 nem excepit. Nunc ò amici de subnotatione prosequamur, qui natura se-  
 cundus intellectionis est actus, & ante alios post sensum cōmunem fit. D  
 voco autem subnotationem nunc eam cognitionem, qua sub vno quodā  
 apprehenso multa alia simul confuso quodā ordine sese offerunt: ad quę  
 consequenter mouetur anima, vnum post aliud ceu inspectura. constat  
 enim in animali esse motum hunc, qui nō est compositio, aut ratiocina-  
 tio, in qua veritas, aut falsitas sit, sed simplex, & sola repræsentatio vnus  
 sensibilis post aliud. sed neq; etiā memoria est hæc operatio, tametsi me-  
 moriæ assimiletur, sed natura, & tempore, & ratione prior memoria est,  
 vt statim ostendemus. quapropter & de ipsa diligenter querendum est,  
 quoniam nihil aliud de illa hætenus determinatum video, vt par erat,  
 & oportebat. propter quod & nouo vtī vocabulo coacti fuimus, cū nul-  
 lum aliud huic operationi impositum videremus nomen: vnde subno-  
 tionem appellauimus. de quā siquid ab Aristotele traditum est, videtur  
 quidem cōmuni Phantasie nomine comprehendisse. multas enim ope-  
 rationes habet facultas illa, quæ ab ipso Phantasia appellatur, inter quas  
 prima illa videtur, quam nunc subnotationem voco. recte enim dicebat  
 phantasia neq; veram ex se esse, neq; falsam, sed multa veluti in thea-  
 tro perspicere: quo modo autē ad illa multa, de vno in aliud, feratur ani-  
 ma, ipse quidem non planē dixit. quod nunc si inquiramus, non ab re fie-  
 ri videt. Fit igitur operatio hæc & motus ab anima, inferiori statim sensi-  
 bilibus

Non vnā  
 sed multas  
 esse phanta-  
 siæ opatio-  
 nes, quarū  
 vna subno-  
 tio dicitur.  
 Aīa cogno-  
 scēs quō de  
 vno ī aliud  
 in ipso phā-  
 tasie ope fe-  
 ratur.



**A** bilibus oblati, interdum quidem sensu adhuc actu existente, interdum post. quoniam enim sensibilia offeruntur animæ eo pacto, quo sunt in re, sunt autem semper ferè per accidens vnum (vt dictum est) in quo multa coniuncta sunt, ceu in toto quodam, hinc fit, vt anima prius totum illud apprehendat: in quo & alia coniuncta offeruntur quidem, & simul apprehenduntur, sed veluti de longe, & confusa. mouetur ergo & ad illa, primo ad vnũ, mox ad aliud, & aliud, ijs semp prius oblati, quæ actu sunt magis, & valentius mouent. vt viso quidem nemore hoc primum ceu toto quodam, in quo & hæ pinus, & hæ fagi inerant, non cessauit pfecto anima, donec & has pinus, & has fagos nouissè voluit. & rursus hac fago spectata ceu toto quodam, in quo & trucus, & rami, & folia, & bac cę continebantur, ad truncum, & ramos, & folia, & baccas sese cōuertit. & ita de alijs, quæ coniuncta sunt. non fecit autem motionem hanc sensus ipse per se, sed interior anima, quæ simul cum sensu actu fit, & potentiã maiorem habet. signum cuius est, quòd idem sit motus, si & per duos sensus sensibilia offerantur, vt ignis calidus, & rubens: statim enim mouetur anima ad duo illa coniuncta, quod fieri non potest à sensu, cuius non est sensibilia alterius sensus dijudicare. Sicut autẽ subnotio fit sensu actu existente, ita & non existẽte idem fit reseruatis in anima speciebus: vt si viso nemore hoc accidisset statim discedere. Sed video vos (nisi fallor) tacite subdubitare, ac pscere quidnam sit motus iste animæ de vno in aliud: qñ dictum est non mouere se animam intelligendo, sed pati tantum. deinde si præsentes sunt animæ species omnes, & vno in puncto omnes (vt dictum est) cur vna magis mouet, q̃ alia? aut si hæc forte magis mouet, quia potentior est, & magis actu, cur illa non semper mouet? & quò derelinquitur illa, subit autem alia, & mouet, quæ debilior fuerat? ppter hæc igitur quædam sunt nobis recipienda, & supponenda. ac primũ quidem q, licet species omnes præsentes animæ sint, & vno in puncto omnes, non tamen omnes equaliter mouent, sed illæ prius, & fortius, quæ actu sunt magis. quæ vero sunt actu magis, dictum est supra. Deinde & illud recipiendum est, q, ad faciendam intellectionem non sufficit præsencia specierum, sed requiritur & applicatio animæ, & intentio: propter qđ sæpe nec illa, quæ præ oculis sunt, videmus, q, intentionem non adhibemus. Ad hæc autem & illud prænotandum est, q, sicuti ad oblatum & habitum bonum lætitia fit, ita ad oblatum quidem, nõ autem habitũ, aut non bene habitum tristitia innascitur: ex tristitia autem hac consurgere appetitus solet ad prosequendum bonum oblatum, sed non planè habitum. ex his igitur ratio omnis pendet eorum, quæ vos arbitror dubitare. primum enim, quod mouere se animam dicimus, nihil aliud est, q̃ appli-

Apta nemo ris similitudo ad intelligendã ipsam subnotationem.

Fit subnotio sensu existente in actu, vel non existẽte. Instantiã.

Ad intellectionẽ q̃ necessaria sit animæ applicatio, & intentio.

Aīa, cū ſit  
ligit, non ſe  
mouet, ſed  
eius inſtra-  
ſpēbus ī ea  
receptis.

cari ipſam atq; intēdi ad vnum aliquid, non mouet autem anima ſe, ſed eius inſtrumenta mouentur recepta ſpecie boni. dico autem inſtrumenta animæ ſpiritus ipſos, & neruos ac membranas. omnia enim hæc in intentione animæ mouentur. ſpiritus quippe multi vniuntur, nerui & membranæ tenduntur, vnde & intentio dicta eſt, ac tandem virtus omnis, ac viſ animæ ad vnum quoddam applicita, & intentā eſt: quare & hoc ipſum primo, & ante alia apprehendit, et noſcit, tale autem eſt qđ vt totum offertur. hoc enim maxime actu eſt. nō mouet autem ſemper, quoniam parto illo, & noto, ac lætata anima in ipſo nouus appetitus inſurgit, ad alia quę oblata quidem, vt bona, non autem commode habita, & diſtincte, ſed confuſe, & veluti de longe, & per vmbra trititiam pariunt, vnde appetitus innāſcitur ad ea etiam dignoſcenda, quæ in toto illo vt coniuñcta offeruntur. quare & ad illa applicatur. prius autem ad id quod inter illa magis actu eſt, mox ad aliud, & aliud, donec aliquid eam diſtrahat, aut labore feſſa deſiſtat. per hunc ergo modum hæc animę operatione conficitur, quam ſubnotationem vocauimus, in qua neq; veritas eſt, neq; falſitas, neq; adhuc memoria eſt. ſit autē modo in ſenſibilibus vnus generis, & vnus ſenſus, modo diuerſi, in vniuerſum autem fieri ſubnotio poteſt in ijs omnibus, in quibus plura coniuñcta eſſe ſolent, ſiue loco communi cōiuñcta ſint, ſiue ſitu, ſiue figura, ſiue ſubiecto, ſiue actione, ſiue ſimilitudine, ſiue aliter. à qua vero potentia fiat, vtrum à ſenſu com-  
muni, an alia potentia perfectiori ſi quæeratis ego quidem ab alia potentia fieri illi proxima, & perfectiori arbitror, illa ſcilicet quę ab Ariſtotele phantaſia dici videtur. ita autem fortāſſe opinandum eſt, quoniam natura videtur ſemper à minus perfectis procedere ad perfectiora per certos gradus. primum igitur cum feciſſet ſenſus imperfectiſſimos, & non niſi vnus generis capaces, mox perfectiorem potentiam conſtituit, quę ſenſibilia omnium generum poſſet cōprehendere, & non vltra valeret, poſtquam aliam adhuc perfectiorem ordinauit, quæ & ea poſſet quæ communis ſenſus, & præter ea etiam ſubnotationes exerceret.

Subnotio  
quō fiat.

Qđ ſit ſub  
notiois ob-  
iectum.

Subnotiois  
actus cuius  
potētię ſit.

De ſubno-  
tione, ſecūda  
operatione  
phantāſiæ, ſe-  
cundū quā  
aīa cogno-  
ſcens cōpo-  
nit, vel diui-  
dit, quō fiat  
et quo pa-  
cto reſ. vel  
Fallum ī ea  
ſignari cō-  
tingat affir-  
mando, ſeu  
negādo: &  
vtra Prior  
ſit, affirmā-  
tio, an nega-  
tio.

Sunt autem & aliæ operationes quæ ſubnotationi valde proximæ ſunt & quaſi cum illa coniuñctæ, de quibus ordine ſuo cōſequens eſt, vt agamus. nam quoniam intellectiua animæ finis eſt addiſcere: aſſecuto autē ſine ſemper lætitia ſit: hinc accidit, vt quaſi accenſo diſcendi amore poſtquam ſubnotationes primas fecit, cupida quodammodo fiat diſcendi: & alia, quæ illi non planè diſtincta offeruntur in illis multis, quæ per primas ſubnotationes cognouit, quippe in ijs offeruntur conuenientiæ, & diſſerētiæ eorum: quare illa inter ſe comparans videt alia eſſe diuerſa, alia ſimilia. hoc autem quod dico comparare non aliud eſt, qđ recipere quædā ſub



**A** vno quodam modo, quo in re sunt. quę enim diuersa sunt locis proprijs, formis, figuris, magnitudinibus, actionibus & alijs, hæc quidem anima recipit vt diuersa, iamq; componere dicitur, & diuidere. diuidere quidem, cum quædam recipit, vt diuersa, componere vero cum quædam recipit, vt coniuncta & vnita. nihil enim prohibet, quę in aliquo diuisa sunt, in aliquo esse coniuncta. quę enim locis proprijs diuisa sunt, & formis, & figuris, & situ, & actionibus, coniuncta esse possunt communibus locis, vt in theatro, in templo, in foro, in naui, & alijs. item & coniuncta similitudine, & actione, & subiecto, alia, & figura, & eiusmodi multis. hos ergo modos, quibus anima res concipit volentes nos voce significare, adieci-  
Aĩa qũo cõ  
põit, vel di-  
uidit.

cimus in voce, est, & non est. per est, quidem affirmationem faciētes, hoc est connotantes modum, quo anima concepit quædam, vt coniuncta, & vt vnum. per non est autem significantes modum, quo anima concepit quædam, vt diuersa. non enim in re est verbum illud est, aut non est, sed solum extrema in re sunt, et modus ille, quo concipiuntur ab anima, siue modus ille sit in re, siue non sit, appareat autem, qua de causa anima iam & vera dicitur, & falsa. vera quidem cum ita est, in re, vt cõcepit, falsa autem, cum aliter concepit ac sit in re propter errorem, de quo mox dicemus. Quæsiueritis autem fortasse vtra prior apud animam sit affirmatio ne, an negatio. videtur enim quibusdam affirmatio esse prior, quia ne  
Aĩa qñ ve-  
ra, vel falsa  
dicatur.

**B** gare vnum de altero non possumus, nisi prius illa vt duo cognita sint. si autem cognoscuntur vt duo, necesse est vtrunq; cognosci prius, vt vnũ: quare videtur anima prius dicere, hoc est vnum, & sic prius affirmationem facere. mox negationem, q̃ hoc non est illud. Contra vero vñ negatio prior fieri, p̃pterea quod si affirmamus aliquid de aliquo, necesse est cognoscere illa, vt duo, & diuersa inter se: quare prius alterum de altero negamus, q̃ affirmemus. qua in dubitatione videtur mihi natura prior negatio, q̃ affirmatio, non solum propter dictam nunc rationem, q̃ oportet quæ affirmamus prius fuisse cognita, vt diuersa & duo, sed quod multo facilius est videre ea, quibus res inter se differunt, q̃ ea in quibus cõueniunt, & coniuncta sunt. differentię enim multę sunt. vnum autem est, id in quo conueniunt. quod vero dicebatur in negatione oportere duo illa esse prius cognita seorsum, vt vnum, verum quidẽ est, sed illa cognoscuntur, vt vnum conceptu simplici, non composito, & per enuntiationem dicentem hoc est vnum, sic enim oporteret vnitatem cognitam esse, vt distinctam à subiecto. quod si etiam detur, illud pariter eueniet, vt duo illa cognita fuerint prius, vt distincta. quare omnino prior est negatio, q̃ affirmatio.

Nũ affirma-  
tio sit ipsa  
negatione  
prior.

Enumerã  
di & imagi-  
nãdi actũ, q̃  
dñr qd sint  
& quò, &  
circa q̃ fieri  
cõtingat, &  
p̃ quã potẽ-  
tiam.

Vt ergo ad propositum nostrum redeamus, illud resumẽdum est post  
 primas

primas subnotiões factas, per quas plura cognoscimus multo distinctius, **C**  
 q̄ oblata fuissent in toto illo, quod prius apprehenditur, iam incipit ani-  
 ma compositiones facere, & negare, & affirmare vnum de altero. dein-  
 de & numerare et addiscit: tum & imaginari simul, & memorari, ac con-  
 sequēter alia multa & maiora moliri. Prius autē dicemus de ijs, q̄ penē cō-  
 iuncta cū subnotionibus sunt. vbi igitur post primas subnotiones didicit  
 cōpositiones, & diuisiones facere, cœpit et numerare. sicut. n. primū, qđ  
 cognouit, vt vnum per se ens recepit, ita & scđm vt per se vnum appre-  
 hēdit, & tertiū, & alia. quod igitur vnitāte sola metitur, vnū appellauit,  
 quod duabus, duo vocauit, quod tribus, tria, & quatuor, & quinq; & ita  
 de alijs in infinitum. nihil enim aliud est numerus, q̄ acceptio plurium,  
 quatenus in vnitāte conueniunt, & ab illa pluries mensurantur. At vero  
 & per idem principium post subnotiones cœpit anima imaginari. nam  
 vbi per subnotiones plura vt plura & distincta cognouimus, si illa plura  
 consideremus, qualiter se habent in toto aliquo, in quo coniuncta sunt,  
 tunc dicimur imaginari. nihil enim aliud est imaginari, q̄ plura vt plura  
 recipere, & comparare ad id, in quo coniuncta sunt, & videre, qualiter  
 vnumquodq; sese in illo habeat: quæ operatio post subnotionem natu-  
 ra fit. fieri autē in oībus potest, in quibus plura esse coniuncta possunt, si  
 ue loco cōiuncta fuerint, siue situ, siue forma, siue figura, siue actione, siue  
 ordine, siue similitudine, siue aliter cōiuncta esse accidat: qđ maxime ostē- **D**  
 dunt mathematici, & architecti, & pictores, & qui artes exercent. mathe-  
 matici enim & angulos, & lineas, & figuras exacte simul considerant, vt  
 sese habent: pictores vero & hominem, & hominis partes, & partium par-  
 tes vsque ad minimas tenent, quo ordine, quo situ sint, & moto vno mē-  
 bro, quid agant reliqua. Similiter & architecti circa ædificia se habent, et  
 alij circa artes. quin imo & in ijs, quę finguntur, sua quoque imaginatio  
 est, & in futuris, & faciendis. in omnibus enim & rerum ordines, & par-  
 tes, vt sese habere debent, perpendimus: propter quod & alios bene ima-  
 ginatiuos dicimus, alios male. Videte iam, quā magna sit facultas ani-  
 mæ. primū enim sensibilia simplicia per sensus ipsos agnoscit: mox ma-  
 iori potētia vsā sensibilia omniū sensuum dijudicat: deinde & adhuc ma-  
 iorem potētiam assumens subnotiones facit, & cōfuse oblata distinguit:  
 quo facto eorum compositiones, & diuisiones operatur ad hæc autem.  
 & plura illa, quæ distinxit, comparat & inter se, & ad id, in quo coniun-  
 cta sunt, ac videt, quo pacto vnumquodque sese in illo habet. has autē  
 maiores operationes facit facultas illa, quam Phantasiā alij vocant: è  
 nostris vero quidam cōmuni quodam nomine imaginationem appella-  
 re maluerunt. nos, quo melius intelligeremus rem ipsā, imaginationem

Aīam nūc-  
rare, & nu-  
merus qđ  
fit.

Imaginatio  
qđ fit, &  
quō fiat, &  
qñā anima  
imaginari  
dicatur.

Hōiū cur  
aliq fortis,  
aliq debilio-  
ris imagina-  
tionis sint.  
Collige oēs  
ex tanto vi-  
rophātax  
opationes.



**A** non omnes has operationes vocauimus, sed vnam tantum. potentiam vero illam, quæ & hanc, & alias operationes exercet, Phantasiam volumus appellare. quanquā aliqui eam potentiam, quæ componit & diuidit, non phantasiam, sed cogitatiuam vocant, in qua est veritas & falsitas, phantasiam vero, in qua nec veritas est, nec falsitas. nos autem vnam tantum eam potentiam existimamus, quæ prædicta omnia docet.

Hæc autem & alias multas actiones habet, inter quas & illa est, quæ memoria vocari solet. de qua diligenter agendum iam est, & videndum, quo pacto differat à subnotione. non est autem memorari idem, quod reseruare species, tametsi non fiat memoria nisi reseruatis speciebus. in reseruatione, n. specierum per se nulla intellectio fit, at in memoria, reintelectio quædam fit eius, quod prius etiam intellexeramus. Fit autem reintelectio hæc, occasione cuiusdam, quod aliàs obseruauimus cum eo coniunctum. quod reintelligitur, comparauimusque inter se, vt coniuncta, quare quoniam species solet rem, & coniuncta referre cum re, inde fit vt occasione aliqua oblato vno repræsentetur et aliud. vt viso Dionis famulo recordatio fit & Dionis, quos aliàs comparauimus in relatione serui & dñi: quin & aliorum etiam recordamur, quæ cum Dione fuere coniuncta, vt quod heri in porticu deambulabat, & cum quo, & quæ dicta

**B** fuere, & reliqua. Similiter & visa picea illa, quæ istic est, recordati fuimus & illius. quam olim vidimus in horto doctissimi Bembi in agro Patauino, de quo fortasse dubium esse potest, quo modo fiat, quoniam hæc picea nunquam comparata fuit vt coniuncta cum Bembi picea. nihil autem refert, si hæc nuper visa comparata non fuit, dummodo forma coniuncta ipsa fuerit. cum forma enim nunc oblata coniuncta est & illa, quæ apud Bembum aliàs fuit cognita: quare ex noua hac occasione recordatio facta est & alterius. Videretur autem fortasse vobis & subnotio, de qua nuper diximus, esse memoria quædam, quoniam & illa fit ad prius nota, quæ reintelliguntur distinctius occasione illius totius, in quo coniuncta, & confusa erant: sed certe differentia multa est inter eam, quam subnotionem vocauimus, & memoriam. memoria enim interiectionem quandam temporis poscere videtur, subnotio autem fit statim ad coniuncta confusa, quippe cum sensu etiam actu existente fieri possit. præterea subnotio ad prius nota fit, sed confuse nota; memoria vero potest inter distincte cognita fieri, imo in memoria præsupponitur comparatio quædam inter distincte prius cognita. videtur etiam memoria, proprie fieri inter ea, quæ prius nota per subnotionem fuere. quãobrem & tempore, & natura, & ratione videtur memoria à subnotione differre. illud tamen non nesciendum est interdum, dum memoramur, offerri quædam

De memorandi et remi niscendi actu, quid nã sint, & quõ fiât: & illorum a subnotione discernimine.

Memoria tpe, natura, & ratione à subnotione diuersa est, & si nõ nũq ei admisceatur.

vti confusa, & per vmbra, ad quæ distincte cognoscenda mouetur anima, qui motus non proprie memoria, sed subnotio est. nihil enim prohibet cum memoria quâdoq; commisceri subnotationem, sicuti cum distincte cognitis possunt sæpe quædam coniungi cõfufe oblata, aut etiam dubia. si igitur ea confuse oblata, aut dubia distinctius cognoscamus sine discursu, subnotio sola fit. si vero per discursum cognoscamus, nec subnotio dicitur, nec proprie recordatio, sed reminiscetia. quippe ea quæ aliàs in memoria seruauimus, cum reintelliguntur occasione aliqua, vel promptissima sunt, & apta statim monere animam, vel iam quodammodo è memoria decidere, & indigent quadam peruestigatione: vel & si non promptissima sint, non tamen multa peruestigatione indigent, sed solum intèta applicatione. quæ ergo promptissima sunt, & statim sese offerunt, vt aliàs collata cum illo quod occasionem præbet, memoriam facere dicuntur: quæ vero indigent perscrutatione & discursu quodam reminiscetiam. at illa quæ solam intentam applicationem poscant, subnotationem. vt in exemplo piccæ visæ apud Bembum, ex hac quidem quæ istuc est recordati fuimus, & illius, quoniam promptissima in memoria nostra fuerat. Si vero velimus recordari, quo tempore visa fuit, non possumus quidem, nisi ex discursu quodam, quoniam penè è memoria tempus id decidit: quare recordati, q̃ nos rosa plurima coronauimus, rosa autem nõ nisi vere prouenit, hinc reminiscetiam fecimus, quod vere visa fuit. reminisci enim dicimur id, quod de nouo per inquisitionem addiscimus, aliàs quidem notum, sed iam è memoria delapsum. Quod si velimus etiam eorum recordari, qui affuere, quoniam id non admodum promptum est, videmus tamen quasi in confuso sic quidem solam intentionem, et applicationem ad confuse oblata facientes per subnotationem recordabimur, & hunc Naugerium illic affuisse, & huc Fracastorium, & M. Antonium Turriũ fratrem & alios. Est igitur subnotio quatenus cõfufe oblata vnũ post alium noscimus, recordatio vero quatenus illi idem alias distincte cogniti fuerant, & collati loco, & actione. quid igit̃ subnotio sit, & quomodo fiat, & quid componere, & diuidere, & numerare, et imaginari, et memorari hoc pacto pro tempore dictum sit.

Nunc à qua potentia hæc omnia fiant, & quæ sint in his differentie tũ hominis, & reliquorum animalium, tum hominum inter se inquirendũ est. In primis igitur non hæc à communi sensu fieri videtur mihi propter dictam superius rationem, q̃ natura à simplicioribus semper procedit: quare ab ea fieri potentia omnia hæc, quæ communi nomine Phantasia appellatur, quam Aristoteles motũ à sensu in actu factum dicit, hoc est à sensibilibus à sensu decis. nam certe motus, qui primus in animam fit

postq̃

Reminiscetia qd sit, & q̃ reminisci dicimur.

Memoria qd sit, hinc colligeſ potes. Subnotiõis memoradi, ac reminiscendi actus cuius potetie sint, & quã differenter brutis, & hoibus illos exerceſ cõueniat quo ite mō hoies inter se varijs cõponibus affecti eos de producant.



**A** postq̃ sensus actu facti sunt, prædictas operationes facit. quod vero dicit ipse phantasia neq; veram, neq; falsam esse, intelligendum est per se, & necessario. subnotio enim, quæ prima phantasia est, neq; vera, neque falsa est. Quod vero eadem quoque potentia, quæ subnotiones operatur, componat etiam & diuidat, & imaginetur, & numeret, & recordetur, manifestum esse potest ex eo, quod penè coniunctæ inuicem sunt operationes hæ.

Quo itelli-  
gi deat phā-  
tasia neque  
veram neq;  
falsam esse.

Videntur autem & animalia reliqua easdem has operationes facere, & phantasia suæ agi: verum omnia confuse quodammodo exercent, si ad hominem comparentur, & non in omnibus, in quibus homo. in vniuersum autem animalia omnia facilius & certius prædicta obeunt in ijs, quæ per sensum visus cognoscuntur, q̃ per alios sensus: quoniā visus longe plura alia ostendit, q̃ alij sensus, & magis distincte. siquidem & loca, & figuras, & motus, & actiones, & propinqua, & remota vsq; ad cœlum monstrat, & alia multa, quæ alij sensus non monstrant. Quod si auditus videtur fortasse multa docere, hoc quidē non per se facit, sed beneficio visus adiutus. Propter hanc causam facilius est & subnotiones facere, & cōpositiones, & diuisiones, & imaginationes, & recordationes, in ijs, quæ loco coniuncta sunt, q̃ in ijs, quæ subiecto, & alijs. Loca enim maxime visu cognoscimus, & quæ in illis sunt, & eorum formas, & figuras, & **B** actiones, & alia. vnde & pueri, & plebs de ijs maxime loquuntur, quæ cōiuncta locis viderunt. quinimmo & inter animalia, multa è brutis sunt, quæ melius recordantur locorum, q̃ homo: quia in re miraculum præbent canes. inter homines quoque, qui brutis vicini sunt, hac locorū memoria plurimum valent. Famulus esse solebat mihi, qui cum paulo supra bestiam foret, tamē si aut equitare, aut nauigare, aut aliter proficisci contigisset, omnium ordine viarum, diuerticulorum, domorum miraquadam recordatione pollebat. quod ego puer adhuc, quasi indignans, q̃ homo morio mihi adeo præstaret, solebam apud patrem meum dolere. At ille subridens, tace solebat dicere, quoniam hic bestiam sapit.

Visus plu-  
res rerū dif-  
ferētiās no-  
bis ostēdit,  
quā cæteri  
sensus: non  
auditus, quā  
nō p se, sed  
bñficio visus  
adiut⁹ ad di-  
sciplinās plu-  
rimū valet.

Loco con-  
iuncta faci-  
lius imagi-  
namur, ac  
rēcordamur  
his q̃ subie-  
cto, & alijs  
giūcta sūt.  
Multa è bru-  
tis meli⁹ re-  
cordant lo-  
corū: q̃ hō,  
& inter ho-  
mines, qui  
brutis vici-  
ni sunt.

Quæ vero subiecto coniuncta sunt, non facile est à subiecto distingere re, & inter se: tum q̃ sepe pluribus sensibus indigemus, tum q̃ subiectum esse ab accidente distinctum non cognoscimus, nisi multo post. quæ vero similitudine sunt coniuncta, in multis quidem facile est subnotiones & alia facere, in multis vero non facile, quoniam similitudinum quædā patentiores sunt, quædam latentiores, & aliæ sunt in substantia, aliæ in accidentibus, aliæ in causis, aliæ in effectibus, vnde & transumptiones et epitheta sumuntur. quæ vero tempore sunt coniuncta, nihil prohibet & bruta etiam cognoscere, sed confuse admodum, quoniam nec tēpus co-

Horis, diebus, & annis  
coniuncta sunt  
homo cognoscit, ac  
memorat.  
Horum non  
nulli imaginantur,  
& memorantur  
aliqua potius,  
quam alia,  
varijs completionibus  
affecti, & ad  
diuersa inclinati.

gnoscent nisi confusa quadam notitia in motu quorundam. quæ autem C  
horis, diebus, annis coniuncta sunt, solus homo potest cognoscere.

Inter homines porro alij subtiliter, prompte, ordinate subnotiones  
& alia obeunt: alij ruditer, segniter, et inordinate: & hi bene in vno sensu,  
male in alio: alij bene in vno genere rerum, alij in alio. horum omnium  
causæ in vniuersum duæ sunt, vna principalis, alia subsequens. principalis  
est mala dispositio, vel bona sensuum: & potestati illius, quæ intelligit  
quæ bona, vel mala dispositio consistit in bona, vel mala complexione,  
vel compositione organi, & mensura spirituum: qui calor naturalis dici  
solet. ex quo sequitur & alia, quæ mox causa est bene, vel male obeundi  
prædictas operationes. est autem vel voluptas, vel displicentia obeundi.  
qui enim bonam dispositionem habent temperaturæ, et compositionis,  
& calorem naturalem idoneum, vel simpliciter, vel in aliquo sensu, etiã  
cum voluptate operantur, quia valent assequi. tales autem prædicta exer  
cēt prompte, subtiliter, et ordinate, vel simpliciter, vel in eo, in quo bene  
dispositi sunt. quippe nascimur omnes ad certa inclinati, quæ & intenti,  
& cum voluptate facimus. qua de causa auari circa pecuniam incredibili  
quadam industria & subnotiones, & imaginationes, & enumerationes,  
et memorias exercent, ad reliqua alioqui rudes: alij circa amores, alij  
circa lusus, alij circa philosophiam, & ita in alijs. cōtra vero, qui prauam  
habent dispositionem, & calorem non naturaliter se habentem, vel sim D  
pliciter, vel in aliquo, ij vel non possunt obire prædictas actiones, vel per  
peram obeunt: præcipue quibus calor est multus quidem, sed extraneus  
circa sedem anime: similes enim ebrijs sunt. quare sine vlla voluptate om  
nia peragunt, imo cum labore, et displicentia. vnde nec attentionem ad  
hibent, et omnia prauè exercent. Sunt tamen nonnulli, qui attentionem  
non adhibent, et propterea sæpe rudes circa quædam videntur, non quia  
male dispositi sint, sed quia quædam vel contemnunt, vel melioribus in  
tenti diuertuntur ad alia. sed de his velle minutissime dicere, infiniti labo  
ris esset. quare ita in vniuersum dictum sit.

Cur sæpius  
repetita sic  
firma in me  
moriam perma  
neant, vt  
æterna vi  
deantur. non  
nulla vel fa  
miliarissimi  
ma ac sæ  
pius deã dif  
ficile me  
moremur.  
quædã nec  
cogitata,  
aut opinata  
in memoriã  
subeant.

Circa memoriam tamen quædam videntur quæsitu digna. ac primũ  
quid fiat, vt sæpius repetita adeo firma in memoria figantur, vt æterna quo  
dammodo fiant. Deinde cur accadat nobis sæpe volentibus quædam, vel  
familiarissima, et millies dicta non possimus ad memoriam reducere, et  
nominare: quoniam vero non nulla subeant in memoriam, quæ nunquam  
opinati essemus, quorum nulla apud nos consideratio fuit.

Quod igitur sæpius repetita valde memoriæ infideant, manifestũ est  
omnibus. quid vero acquirat repetita species in intellectu, non solum ma  
nifestum non est, sed valde occultum videtur. si enim species (vt diximus)

omnes



**A** omnes simul sunt, & vno in puncto omnes, quidnam acquirere potest illa, quæ centies repetita est? non enim intensior per se ipsa fit, quanquam animam millies moueat. relatio enim quædam est, quod intelligere dicimus, siquidem nihil aliud est, quàm representatio quædam. igitur quanquàm milles representet, non tamen propter hoc videtur intensior per se fieri. quare, si non intenditur per se, quidnam per Deos acquirat, ut adeo æterna in memoria reddatur?

Fortasse igitur (ut opinor) dicendum est repetitam speciem, tametsi forte nullo alio immutetur, hoc tamen magnum, & præcipuum acquirere, quod in pluribus coniunctis potentior fit. diximus enim speciem cum modis suis, & coniunctis referuari. quam ob causam, quoties iteratur, & repetitur, toties eadem referuatur cum ijs coniunctis, cum quibus intellectio nes fecit. coniuncta vero dictum est, vnum referre aliud, & representare consueuisse. quocirca, quæ in pluribus coniunctis est species, ea præprior est, ut intellectum moueat, & memoriam faciat, ac maxime referuetur. ut si quis heri Dionem vidit in porticu disputantem, hodie in foro orantem videat, cras nauigantem, tunc quidem accidit Dionis speciem valde præsentem in anima esse. referuata enim prima die fuit cum suis coniunctis, tempore scilicet, loco, actione, habitu & alijs. similiter & die secunda referuata fuit cum suis coniunctis: ac similiter tertia. Igitur, sicut ex prima

**B** die & coniunctis potest quis Dionis reminisci, ita ex secunda, ita ex tertia, & alijs potest. quam ob rem Dionis species in valde multis potentior est, à quibus possit ad memoriam deferri. quia de causa & vniuersalia maxime nota esse consueuere. hominis enim species, si non ex Socrate in animam peruénit, at ex Platone, & Callya, & alijs multis accessit. quod si de aliquo memoria pereat, at perstat tamen ex alijs multis. De vniuersalibus tamen postea dicemus, quo modo & magis nota & minus nota esse possint, quàm particularia. hoc ergo primum acquirere repetitam speciem censendum est. Fortasse autem & secundum seipsam intendi opinandum est. duo enim in specie repetita sunt: alterum, quod ipsa secundum se qualitas quædam est, secundum quam ens per se est, & absolutum: alterum vero est esse, quod habet, quatenus representatiua est: secundum quod relationum quoddam est. quatenus igitur qualitas quædam est, & absolutum ens, eatenus intendi potest sæpius repetita. sicut enim ex duobus luminibus vnum fit lumen intensius, ita ex duabus, & tribus, & decem speciebus vna intensior fit: intensior autem facta, & in plures spiritus diffunditur, & profundius figitur.

Quo autem pacto fiat, ut sæpe non possimus notissimorum, & familiarium recordari, ego hac de causa arbitror euenire, quod eo tempore alia

Species sæpius repetitur, potentior cum fiat, diutius in memoria retinetur.

Via sunt maxime nota.

Species sæpius repetita, in eo, quod qualitas, intendi potest.

Familiarissima difficile memoramus ex ipsa eius, quod occurrit, similitudine;

quædam sese offerunt nobis, quæ similitudinem aliquam habeant cū eo, **C** quod quærimus, aliqua enim cōueniunt in nomine, vel in principio, vel fine, alia conueniunt in persona, vel figura, vel moribus, vel aliter. ergo volentibus nobis familiare aliquod, & notissimum nomen proferre, fit quidem sæpe, vt non hoc, quod quærimus, occurrat, sed aliud, quod conueniētiā habet cum familiari vel in principio, vel fine, vel medio. Cur autem hoc aliud minus familiare prius occurrat, quàm id, quod notissimum est, & magis familiare, si quæritis, dicendū (vt mihi videtur) in eius modi casibus occurrere prius ipsam conuenientiā, in qua conuenit vtrūque, sub qua per inaduertentiam quandam interdum occurrit consequēter minus familiare: quod cum videamus nō esse illud, quod quærimus, cōfunditur paulisper anima, ex quo etiam magis obliuiscitur quæsitū nominis. q̄ enim cum confunditur anima, cōfundatur etiā memoria, ostēdit verecundia, & timor. sæpissime enim ob hæc obliuiscimur, & compositas orationes, & verba. heri volenti mihi proferre Dorotheę nomen alioquin mihi notissimum, & millies prolatum, accidit tamen, vt nunq̄ inuenire potuerim, sed modo Theodora occurrebat, modo Timothea: quæ nomina in parte conuenientiam habent cum Dorothea. cuius rei causa primum fuit, q̄ per inaduertentiam (vt accidit) non comparauerā partes nominis quæsitū in ordine suo, ita vt Doro præcederet, Thea vero sequeretur: sed modo occurrebat, quod cum Thea conuenientiam habebat, vt Timothea, modo, quod cōueniebat cum Doro, & cum Thea, sed peruerso ordine, vt Theodora. in qua perplexione ita mens confusa manebat, vt nūquam fuerim recordatus quæsitū nominis, nisi tum, cum sublata confusione me etiam nolente occurrerit Dorotheæ nomen. **D**

Aīa confusa confundi & memoriā verecundia ac timor ostendunt.

Inopinata, ac min⁹ cogitata ī mēte sæpe magis veniūt ex latēti quādam similitudine.

Quæ nā, & quō p̄ alienā, vel propriā specie intelligam⁹:

Quō item diuisa vt p̄iūcta, & cōiūcta, vt diuisa intellectu intelligat.

Quo autem modo quædam sæpe in mentem veniāt, quæ nunquam opinati essemus, cum neque de ijs per multū temporis cogitauissemus, causa est aliqua latens similitudo, quæ casu aliquo tunc occurrit, sub qua memoria fit coniunctorum, quanquam antiquissima fuerint. quæ autē sit latēs illa similitudo, quæ hæc memorias excitet, difficile certe est dicere, adeo multa sunt, quæ apud animam obuersantur, vt patet in somnis, & ægritudinibus: propter quæ sæpe eorum etiam reminiscimur, quæ pueri egimus. ac de primis phantasiæ operationibus ita pro tempore dictum sit.

Nūc sequitur, vt perquiramus, quo modo ea cognita sint, quæ speciebus carent, & quid sit abstrahere, & fingere, & quomodo separet anima, quæ coniuncta sunt, & coniungat, quæ separata, & demum quid sit vniuersale, & quomodo fiat.

Quod igitur non omnia proprias habeant species, dictum est prius. videntur



**A** videntur enim solum illa habere species, quæ accidētia vocantur, & per se mouere sensus possint, calor frigus, humor, siccitas, sonus, lux, color, odor, sapor. durum vero & molle, asperum, lene, rarum, densum modi dictorum sunt: modi quoque sunt figura, et quantitas, & alia his cōiuncta, quæ per se non cognoscuntur, sed cum alijs. sunt igitur quædam, quæ nec proprias habent species, nec coniuncta sunt cum habentibus, quædam vero non habent per se species, sed tamen coniuncta sunt cū habentibus, & modi eorum sunt. quæ ergo nullo pacto species habent, neq; coniuncta sunt cum habētibus, omnia cognita sunt per alienas species, per similitudinem vel dissimilitudinem aliorum quæ quidem primum cōceptu quodam generali concipiuntur aut entis, aut rei, mox attribuentes ijs quædam similia aut dissimilia reperta in alijs, intelligentiam illorum facimus. ita Deum & alia immaterialia cognouimus, ita et substantiam ipsam. siquidem scientes nos, quid sit causa, quid primum, quid motor, quid corporeum, vocauimus quidem Deum, qd' esset causa prima, et primus motor, et incorporeum. alia vero separata cognouimus, incorporea quædam concipientes, verum non primas causas, sed secundas. substantiam autem, scientes, quid sit esse in alio, et non esse, ac videntes oportere nos aut in infinitum ire, aut perueniendum ad aliquid, quod non in alio esset, sed per se subsisteret. hoc ergo substantiam appellauimus. omnia igitur hæc per alienas species intelleximus. motus autē cognitus fuit

**B** ex loci mutatione. Dione enim recedente à priore loco, et rursus ex alio, et alio, hanc quidem successionem continuam motum vocauimus. nō, n. aliud est motus, q̃ modus, quo aliquid intelligitur successiue aliter & aliter se habere in loco. Tēpus quoq; simili modo ab anima cōprehensum fuit ex cognitione motus. partes enim motus comparans ipsa, et mēsurans videt hanc quidem esse, illam vero non esse, fuisse autem continuatam cum ea, quæ est, aliam vero nec esse, nec fuisse, fore autē, vt quandoque et illa sit: quare illam quidem, quæ esset, præsentem vocauit, quæ vero fuisset, præteritam dixit, reliquam vero futuram. Neq; tempus autem, neque motus, quatenus continui sunt, et partes habent, esse videntur nisi in anima, quod vero de ipsis extra animam est, instans dicitur, et hic siue ibi. Queretis autem fortasse, quomodo futurum cognosci potuit, quoniam, quod non est, non videtur posse intelligi. ad quod dicendum cognitum fuisse futurum ex similitudine præteriti, quoniam partes præteriti comparans anima vidit quasdam ita se habuisse, vt, cū prius non essent, mox præsentēs et ipsæ factæ sint, ex qua similitudine videt ita fore in reliquo motu. non igitur ex specie propria cognitum fuit futurum, sed ex similitudine.

Deū & im-  
materialia;  
quō p̃ alie-  
nā spēm co-  
gnoscam⁹.

Motum ex  
ip̃a loci mu-  
tatione, &  
t̃ps secūdu  
oēs sui par-  
tes ex mo-  
tu quō co-  
gnoscam⁹.

T̃ps & mo-  
tus esse h̃nt  
t̃m in ani-  
ma, quo cō-  
tinua quæ-  
dā sunt.  
Futurū ex  
p̃teriti simi-  
litudine co-  
gnoscam⁹.

Potest

Quæ cōiun-  
cta intelle-  
ctus separa-  
re valeat, &  
quæ diuisa  
cōiungere.

Potest autem anima, & quæ coniuncta sunt, separare, & quæ separata, C  
coniungere. verum, cum alia loco coniuncta sint, alia situ, alia ordine, alia  
similitudine, alia subiecto, alia tempore, alia alijs, facile quidem est, quæ  
loco communi coniuncta sunt, separare; hoc est recipere vt diuisa: quo-  
niam locis proprijs seiuncta sunt, & formis, & figuris, & alijs. in vniuer-  
sum autem, quæ essentij & formis diuisa sunt per se, quocunq; alio mo-  
do sint coniuncta, nō difficile est separare, vt album, & nigrum, & odor,  
& sapor, & lux, & sonus: at, quæ vnum sunt cum subiecto, non adeo faci-  
le est diuidere, & seorsum à substantia intelligere. Locum tamen à subie-  
cto seiunxit anima, videns subiectum mutatum loco: vt si Dion mutas-  
set locum, tum quidem Dionis species illum dupliciter repræsentat, &  
cum loco priori, & sine ipso. quare iam anima intelligit Dionem & sine  
loco priori, & locum sine Dione. quare illa, vt duo & diuersa intelligit.  
similiter autem, & quod vbi vocant, separauit à subiecto. differt autē vbi  
à loco, quanquam interdum & ipsum vbi vocetur locus, q̃ locus proprie  
est superficies ambientis, sed mobilis, vt aeris, aut aquæ, & similibus, quæ  
immoto subiecto locato mutari potest: at ipsum vbi superficies est am-  
bientis corporis, in quantum corpus, quæ immutabilis per se est, & penes  
hanc motus attenditur rei, quæ moueri dicitur. non enim moueri dici-  
tur columna, eo, q̃ aer circundans mouetur, sed tum solum moueri dici-  
tur, cum ipsa vbi mutat, & aliter atq; aliter se habet successiue secundum D  
diuersa vbi. separat igitur & hæc anima, intelligens rem sine ipsis, & ipsa  
sine Dione. Similiter, & si de albo fiat niger, & de calido frigidus, & de  
quiescente moueatur. omnia enim hæc & cōiuncta intelligit, & separata:

Potest etiam, quæ separata sunt, vt coniuncta recipere ex similitudine  
eorum, quæ prius coniuncta vidit, mox separauit. ex hac enim similitudi-  
ne voluptate quadam permota imaginatur, quæ separata recepit vti con-  
iuncta, vel loco, vel subiecto, vel aliter. quare & chimeras, & centauros si-  
bi fabricat, & hortos, & palatia. & demū poeta fit. Habet autem fortasse  
dubitationem vtrum & bruta similiter imaginari possint, & coniungere,  
quæ separata sunt, ac quidem arbitror & illa consimiles quasdam ima-  
ginationes sibi facere. nam lupi & stabula imaginantur, & in ijs oues, &  
canes, & custodes: quin & somniant, & terrentur ab ijs, quæ non sunt.

Bruta etiā  
pnt separa-  
ta coniun-  
gere.

Quo nam  
modo, & à  
qua poten-  
tia fiat ipsū  
vñ, tum ex  
aliorū, tum  
ex propria  
sua. Quæ  
itē ex vñ.

Sed iam tempus est, vt de ipso vniuersali dicamus, quid sit, & quomo-  
do fiat: quod video à vobis expectari. sed nescio certe, cōsultius ne sit ne-  
gocium hoc silentio inuoluere, an magis (vt puto à vobis desiderari) au-  
dacter prosequi. nam profecto, si prosequamur, videtur quidem non pos-  
se fieri sine iniuria multorum, & sine nota temeritatis cuiusdam. liqui-  
dem omnes ferè, qui de vniuersali scripsere, & ipse etiam Aristoteles ( vt

apparet



**A**pparet) videntur aliter existimasse de vniuersali, ac nos inpraesenti opinamur, & dicturi sumus. Verum enimvero hoc sacro in loco Dijs syluæ huius praesentibus, liceat nobis, quæ existimamus, proferre: quæ si à vobis fuerint approbata, exeant etiam foras, sin vero fuerint non planè accepta, has inter arbores & nemora iaceant abscondita, ad iudicium bonorum Deorum, qui istuc habitant.

Videtur igitur à amici omnes ferè, qui sese è peripatetesi philosophos faciunt, separatam quendam intellectum inducere, quem agentem vocant, à quo fiat vniuersale facultatem. n. illi attribuunt è sensibilibus rerum simulachris (quæ Phantasmata appellant) simplex ipsum vniuersale, & puram ideam extrahere: quæ non hoc, non illud, sed simplicem ipsam naturam repræsentat, denudatam ab omnibus ijs, quæ cum singulari coniuncta erant. atq; hoc intelligibile iam vocat, cum prius sensibile tantum foret. qua de re diligenter considerandum est, si enim per nos ipsos absque ullo separato intellectu possimus vniuersale facere, bene erit abstractum illum intellectum labore hoc leuare, qui extra nos existens sat felix se ipso est, & nostras operationes à nobis fieri finit.

**B** Quoniam igitur dicunt extrinsecum hunc intellectum ex sensibili rerum simulachris extrahere ipsum vniuersale, percunctari eos licet, quidnam sit hoc, quod extrahere dicunt. nam alterum duorum videntur mihi posse dicere. vnum est, quod intellectus ille speciem quandam nouam efficiat ex illo simulachro, quæ nata sit solum vniuersale repræsentare: alterum est, quod nulla species noua fiat, sed tamen phantasma, in quo includitur natura vniuersalis, de se vniuersaliter tantum repræsentet illi intellectui, qui de se abstractus est, & materiale nullum potest recipere. Si igitur intellectus ille nouam quandam speciem efficit, quæ vniuersale referat, monstrum profecto audire mihi videor, separatam scilicet substantiam species facere: quando obiecta sunt, quæ species faciunt utpote imagines suas. quod si intellectus ille non facit speciem nouam, sed tamen non intelligit, nisi quæ phantasma naturam de se vniuersalem includit, illamque recipit sine ijs, quæ singulare comitantur, tunc quidem querendum est, quomodo id fiat: nunquid quod intellectus ille mutet phantasma ab eo, quod erat, an non mutet. siquidem enim non immutat, nec quicquam in ipsum facit, non video, quomodo ipsum idem manens non eodem modo repræsentet: at vero si ipsum immutat, dicant per Deos, quænam actio illa sit. nam si dicant (ut quidam aiunt) irradiare intellectum illum super phantasma, & denudare ipsum à conditionibus singularium, metaphorica quidem & poetica istæc videntur. & si poeta aliquis ita dicat,

Ollis diuina super mens

bus fiat nobis prius nota, an quod minus, an quæ magis vtilis sunt.

Vt non sit ab extrinsecus quodam intellectu ex ipsis phantasmatis ope quodam abstractionis.

Impugnatio satis valida contra quosdam mentientes de vris productione ab extrinsecus intellectu.

Astat, magna, micans: cuius radiata nitore,  
 Quæ fuerant obscura prius simulachra, repente  
 Fiunt coram anima, claraq; in luce refulgent.  
 Non aliter, quàm, quæ cæca sub nocte tenentur,  
 Si feriat rutilum Solis iubar, omnia late  
 Splendescunt, pulchraq; petunt in luce videri.

Si ita inquam poeta dixerit, laudabimus quidem ipsum, philosophum autem non laudabimus, quoniam neq; lucet separatus intellectus, neq; intelligo, quid sit radiare, & denudare phantasma. q; si dicatur nihil fieri nouum ab illo intellectu in phantasma, neque immutari, non repræsentare tamen ipsum illi intellectui, sicut Socrati, & Platoni, sed vniuersaliter tantum propter naturam intellectus abstractam, cui non repræsentat phantasma, nisi quam naturam simplicem, & vniuersalem includit, equidem sic ego non video, quid ad Socratem, & ad Platonem faciat repræsentatio illa, quæ abstracto intellectui fit, si Socrati, & Platoni singulare ipsum repræsentatur. adde q; miraculum magnum videtur phantasma in alio existens, vt in Socrate, repræsentare tamē extrinseco intellectui vniuersaliter: primum q; separatæ hæ substantiæ per se, & per essentias suas intelligunt, non per species, & per phantasmata: deinde q; nec species vlla potest repræsentare nisi illi, in quo est. non sunt autem phantasmata in abstracto intellectu, sed in Socrate, & Platone, & Callya. Porro maius quoque miraculum videbitur, si dicatur intellectionem abstracti intellectus communicari Socrati, & Platoni, quo & ipsi vniuersale intelligant. non enim apparet modus, per quem fieri possit hæc communicatio. propter hæc igitur, & alia multa, quæ præterimus sinentes valere intellectū hūc abstractum, & se ipso gaudere, perquiremus nos, an per eum, qui in nobis est, intellectum & fieri & cognosci possit vniuersale. ad quod fores quodammodo aperuimus paulo ante, cum ostenderemus animam posse separare, quæ coniuncta sunt. nunc interna magis, & penetralia sunt adeunda.

Supponentes igitur illa omnia, quæ dicta sunt constituamus non fieri vniuersalia à nobis statim enatis, sed nō nisi multo post, & adultioribus factis, & exercitatis in subnotionibus, & compositionibus, & separationibus coniunctorum: quod signum esse potest non fieri vniuersale ab intellectu abstracto. si enim ab ipso fieret, vtique & in infantibus fieret, in quibus iam phantasmata sunt.

Vniuersale  
 longa itel-  
 lectus i sub  
 notioibus,  
 cōpositio-  
 nibus, & se-  
 parationi-  
 bus exerci-  
 tatione fit.

Fit autem (nisi fallor) vniuersale per hunc modum in nobis. visa, exēpli gratia, niue, multa quidem cum ea (vt diximus) coniuncta sunt, albedo, figura, locus, situs, & alia. ex hoc igitur singulari ipossibile est extrahi vniuersale,



**A** vniuersale, si hoc apud animam est primum vniuersale futurum, ante quod nullum aliud est factum. quare necesse est & aliud simile singulare videri ab ipsa. fit ergo hoc, lac. iam igitur & nix, & lac in anima sunt, & hinc principium est quoddam ad vniuersale albedinis. nam statim, vbi post cognitionem niuis oblatum est lac cum suis coniunctis, recordatio statim fit & niuis, & coniunctorum cum niue, apprehēdit ergo illa duo anima, & vt duo, ac diuersa, & vt unum hoc est similia. dictum est enim supra, quomodo hæc fiant. rursus igitur appetitu noscēdi illam monēte videt ea, in quibus differunt, quòd locis, quòd formis, & figuris differāt: tum videt & id, quo conueniunt: atque hoc videt esse sine lacte, quia est in niue diuerso à lacte, ac etiam videt esse sine niue, quia est in lacte. Dein de uidet esse sine loco niuis, quia est loco lactis, tum & esse sine loco lactis, quia est in loco niuis: similiter & esse sine figura niuis, quia est in figura lactis, & etiam sine figura lactis, quia est in figura niuis: ac breuiter videt esse sine coniunctis cum niue, quia est in coniunctis cum lacte, quæ diuersa sunt: nec non & sine coniunctis cum lacte, quia est cum coniunctis cum niue. quapropter species albedinis iam in intellectu est multis modis. primū enim in niue, & coniunctis cum niue: deinde & in lacte, et coniunctis cum lacte: & sine niue in lacte, & sine lacte in niue: mox & si ne coniunctis cum niue, & similiter sine coniunctis cum lacte. separata

**B** igitur iam est, & recipitur natura albedinis, cum per se repræsentetur quidem ipsa & sine niue, & sine lacte, & sine coniunctis eorum. quòd si & alia quoque alba videamus, aut etiam imaginemur, cerussam, parietē, & alia, in omnibus quidem consimilis consideratio fiet, quòd natura illa & in omnibus est, & sine quolibet. quapropter tandem species albedinis re præsentat vnum quoddam in multis, & per se, sine vno quoque illorum. atque hoc est, quod vniuersale appellamus, quod vnum in se est, & sine

Quid sit vniuersale.

Vniuersale à quo itellctu fiat.

ideis est plena, diuina quodammodo est, & solus hic intellectus appellatur. ille vero intellectus, qui nondum quicquam intelligit, sed nudus est, & veluti tabula erasa, simpliciter intellectus non dicitur, sed intellectus in potentia. Fortasse autem et tertius alius est intellectus, qui sensibilibus phantasmatibus est plenus: qui nec proprie intellectus dicitur, sed à quibusdam passius vocatur, eo quòd circa ipsum versetur extrahendo ille, qui ideas, et uniuersalia conficit, qui actius vocari potest, eo quòd, quæ singularia et sensibilia sunt, vniuersalia actu et intelligibilia efficiat. et hic solus diuinus est, et æternus, quoniam idem sit intellectus, et intelligibile. vtrum autem, de his ita opinatus Aristoteles fuerit, & hoc pacto fieri uniuersalia existimauerit, tempus non est nunc examinare.

Eadē prorsus spēs est quę in sensu, & in intellectu.

Cum igitur vniuersale fiat prædicto modo, iam & illud videri potest, quod supra in dubium reuocauimus, vtrum una esset species in sensu, et intellectu, quoniam videbatur diuersa propter vniuersale, quod in sensu non est. iam enim manifestum est vnā esse & eandem speciem in vtroque, sed modis diuersis. in sensu enim est confusa et coniuncta cum alijs cōiunctis, in intellectu vero separata, et distincta, ac sic uniuersalis facta. dico autem esse factam uniuersalem non secundum esse, quod hebet, quatenus vna quædam qualitas est, sic enim singularis est, sed vniuersalem, quatenus imago est, et repræsentat. Inter vniuersalia vero, si quis quærat, quæ nā extrahantur prius. an minus vniuersalia, an genera et magis vniuersalia, dicendum, quòd semotis casibus semper minus vniuersalia abstrahuntur prius. oblati siquidem Socrate, Platone, boue, arbore, lapide, prius vniuersale hominis educitur è Socrate, et Platone, quoniam similitudo, quæ in ijs est, & maior est, et fortior, quàm quę inter Socratem et bouem, et inter Socratem et arborem, vel lapidem. Porro post vniuersale hominis ea similitudo, quæ inter Socratem est et bouem, suum prodiit vniuersale, animal: mox fit viuens: mox corpus. semper enim, quod rationem totius habet, primo occurrit, et notius est. homo autem totum quoddam est, cuius partes sunt animal, viuens, corpus: animalis vero partes sunt viuens, et corpus: viuens vero corpus. verum factis iam et adultis nobis, atque exercitatis in abstractionibus, notiora, et promptiora nobis occurrunt, quæ sunt magis vniuersalia, quoniam ex pluribus sunt repetita, et habitu quodam firmata. et ut talia rationem totius habent. totum enim quoddā est animal respectu hominis, et bouis, quæ partes animalis sunt. porro viuens totum quoddam est respectu animalis, et arboris. neque inconuenit idem esse modo totum, modo partē respectu eiusdem, verum non secundum eandem rationem. hominis enim pars est animal, si partes essentielles quæras. idem homo pars est animalis, si partes integrales

Magis vniuersalia, q̄ minus vniuersalium partes sūt, posteri⁹ nobis innotescunt ipsi⁹ minus vniuersalibus.

Totum & ptes respectu ei⁹dē, rōne tamē diuersa, vnum, & idē aliquid esse potest.



**A** integrales confideres. fed de his alia quædam in fequentibus edicemus. Ac de fubnotione quidẽ, & compofitione, & imaginatiõe, & memoria, nec non & quid fit abftrahere, ac demum quomodo fiat vniuerfale, hætenus dictum fit. reliquum eſſet de æſtimatiua appellata potentia, & de vocatis ſecundis intentionibus non nulla dicere. verum, quoniã hæc longe poſt fiunt, & non niſi poſtq̃ & ratiocinationes excernimus, prius quidem de ratiocinio agamus, mox & de his, & alijs, quæ ſuperſunt. fed bene erit, vt omnia hæc ad meridianas horas remittamus, iam enim quodammodo feſi ſumus, & hora interpellare nos videtur. quare præſenti diſputationi finem imponemus, ac rogabimus puerum noſtrum, vt ad recreandos animos omnium aliquid canat. & ille mandato à Naugerio accepto temperata ſuauiſſime cythara, ſic cecinit.

Lyncas hæc acreis aduehe, neu gere

Thyrſos, venuſtum nec tege caſide

Horrente vultum, ſed tenero veni

Cinctus tempora pampino:

Tuiſq; mitis & placidus ſacris

Adeſto, qualem te memorant, iugo

Bactris ſubactis, in medio Deum

Conuiuiam Ioue cum patre

**B** Sediffe, circum Dijs reſonantibus

Heu ohe: pharetra cum poſita tuas

Laudes eburna grandiloquus lyra

Latona cecinit ſatus.

Ereptus igne vt fulmineo Iouis

Bis natus infans duceris ad Deos.

At tibi magnis plaufibus omnium ad-

Riſit cœlicolũ cohors.

Nanque ore pulchro talis erat color,

Rubente qualis enitet in roſa.

Tum prominebat exilientibus

Sacrum corniculis caput.

Tyrrhenus vt te nauita deprecans

Sero, furoris, numinis & tui

Expertus iras ſquammeus in mare

Piſcis deſiliit rate.

Senſit Lycurgus vitibus impiam

Auſus ſecurim immittere: ſenſit &

Cohors gigantum trudere tum rata

Alto coelicolas polo.

Tu Gange victo miles ab vltimis  
Indis triumphos uictor Io refers:  
Et redeunti Susa & Achæmenes  
Aras constituunt tibi.

Fremunt in altis orgia montibus  
Heu ohe: solutæ per iuga Thyades  
Crines in auras, raucifonis replent  
Altum cornibus æthera.

Quibus dictis ac collaudatis surreximus.

## HIERONYMI FRACASTORII

### DE INTELECTIONE

#### LIBER SECVNDVS.

Quàm mirabile natu-  
ra ipsa hominem fe-  
cerit, & q̃  
ei munera  
fuerit mi-  
ro ordine  
elargita.



**V**ICVNQVE ille Trismegistus RHAMNVS I fuit,  
qui Theologica quædam nobis reliquit, recte profecto  
dicebat miraculum maximû esse hominem. cuius si stru-  
cturam, membrorum formas figurascq; si fines spectes, **D**  
si artificia, per quæ fines illos consequantur membra, &  
operationes exerceant, alias quidem propter se ipsa, alias ppter alia: tum  
vero & operationes ipsas animaduertas, quâ industria obeant, nihil pro-  
fecto admirabilius videbitur à Deo, & natura factum. Ex operationibus  
vero omnibus illæ maximæ admirandæ sese offerunt, quæ ad cognitio-  
nem pertinent. de quibus Turrius partim superioribus disputationibus  
pertractauit, partim tractare sub meridianas horas promisit. ergo id tem-  
pus cum iâ aduenisset, omnesque maximo quodam desiderio audiendi  
reliqua, venissemus eandem ad Syluam, consedissemusq; in corona, ille  
ita sermonem suscepit.

Haftenus ò amici circa intellectionem audiuiſtis, quanta industria na-  
tura procedat. primum enim à simplicissimis, & imperfectis exordiens,  
ad maiora, & magis admiranda progreditur. nam cum sensus ipsos fecis-  
set, qui propter imperfectionem non nisi genus quoddam vnum rerû p-  
cipere possent, tum potetiam aliam statuit, quæ sensibilia illorû omnia  
dijudicare valeret. deinde, vbi etiâ ordinasset, quo pacto ea sensibilia ser-  
uari possent in intellectu, ab hac & aliam potentiam constituit, quæ per  
fectiori modo quodam, & appetitu discendi impulsâ, sensibilia ipsa quasi  
per



**A** per tenebras perquirens nunquam cessaret, donec singula distinxisset, mox distincta consideraret, vt & inter se, & in eo, in quo coniuncta fuerant & oblata, sese haberent. tum & differentias, & cōuenientias eorum intuita cœpit & enunciationes facere, & componere, ac diuidere, numerareq; & memorari. ad hæc autem & appetitu eodem ducta potuit, & quæ separata erant, coniungere, & coniuncta separare, ac demum simplices rerum ideas abstrahere, & ijs impleri, ac diuina fieri. nam & cognitionem illam Dij maxime habent. Nunc superest, vt & alias operationes prosequamur, quæ perfectiores etiam num sunt. primumq; de ea agamus, quam Græci dianian, nos ratiocinationem siue discursum appellamus: qua tot artes, tot scientiæ inuentæ sunt, ac illa tandem omnia, quæ sub cœlo, quæ supra, & cœli ipsi, & Dij, & diuina fuere cognita.

Igitur cum eorum, quæ ab intellectu apprehenduntur, alia sint simplicia, alia sint complexa, quæ & enunciata, & propositiones appellamus, eadem est natura animæ, et discendi idem appetitus circa complexa, qui & circa simplicia. nam & circa complexa suas facit subnotiones, sicuti & circa simplicia. quæ vero in simplicibus subnotio dicebatur, in complexis ratiocinatio vocatur, quæ plurimum differt à simplici subnotione. quippe in subnotione neque veritas, neq; falsitas inerat, sed solus, & simplex motus de vno in aliud, in ratiocinio vero est veritas & falsitas. differunt etiam, quòd subnotio semper fit ad aliquod prius notum, saltem cōfuse, ratiocinium vero fit ad id, quod prius notum non erat, sed nūc primo addiscitur. fit autem discursus omnis semper in duabus propositionibus, quæ præmissæ dicuntur: quarum vna obseruata est, et prius in anima erat, alia vero est noua: ex quibus sequitur tertia, quæ conclusio vocatur, in qua est id, quod nunc primo notum fit. vt si prius nauigationi coniunctum esse naufragiū vidi, vt in Callya, nunc vero videam Dionem nauigare, cōclusio fiet, q̃ Dion naufragabitur. sunt igitur termini tres, duo extremi, et vnus medius, qui cum utroque communicat, Naufragium, Nauigatio, Dion. Nauigatio medius terminus, cui cōiunctum noui naufragium. si ergo & Dioni uideam nauigationem inesse, vtique naufragaturum concludā, donec contrarium non vidi, q̃ scilicet aliquis nauigaret, & non fecerit tamen naufragium. Causa vero, q̃ conclusio illa sequatur, inde est, q̃ specierum natura est, illa semper repræsentare, quæ sunt coniuncta, vt dictum est. si ergo nauigationi coniunctum recepi naufragium, nunc quoque repræsentabit naufragium in Dione nauigante. videtur igitur ratiocinatio hæc per rememorationem quandam fieri. vt viso Dione nauigante memoria fit eorum, quæ coniuncta nauigationi obseruauit: inter quæ erat naufragiū. ergo et in hac nauigatione naufragiū,

De rōcinio  
& de quatuor ratiocinādi modis, qd sint, & quō fiāt, vtz exemplo, enthymemate, inductiōe, & syllogismo nec plures eē quatuor predictis. Ratiocinatio, quæ & circa complexa ē, ab ipsa subnotione incōplexorū valde diuersa est.

Discursus ex duabus fit, ppositiōnibus, ex quibus sequitur tertia.

ut coniunctum recipitur. Si igitur Plato hoc pacto dicebat disciplinam fieri per recordationem, recte certe dicebat: si uero intelligebat cōclusio- nem aliā fuisse notam apud animam, et nunc recordari eiusdem, nō re- cte afferebat. siquidem cōclusio, quatenus propositio est, nunc primo no- scitur, nec prius nota erat nisi in potentia, in coniuncto referuato in me- moria. videtur autem Plato in Phēdone opinari scientiam nostram fieri non primo modo, sed secundo. quare merito ab Aristot. reprehensus fuit.

De exem-  
plo, qd fit,  
& quo fiat.

Simplicissimus igitur et natura primus, qui ab anima fit discursus, est ille, qui ab uno fit ad unum per commune aliquid in utroque compertū, quale est nuper assignatum ex memoria naufragij in Callya, dum nauigaret, ex quo et Dionem nauigantem opinamur naufragaturum. com- munis terminus est nauigatio: cōiunctum obseruatum est naufragium. nauigatio igitur semper & ubique repræsentabit naufragium sibi coniū- ctum, si contrarium non vidimus. similiter, & si Heluetij data fide prodi- derunt L. Crassum, utiq; & Cæsari prodicionem facturos credemus. ter- minus medius est fides data ab Heluetijs: coniunctum obseruatum est proditio facta L. Crasso. Si ergo contrarium quis non vidit, probabiliter credet & Cæsari prodicionem futurā: quia species media de natura sui semper coniuncta refert. verum necessaria non est hæc ratiocinatio, quo- niam coniunctum illud cum termino medio necessario non est coniun- ctum, sed potuit casu aliquo, & alia ratione coniunctum fuisse, quæ non

Pueri &  
plebs vtun-  
tur exēplis  
fortasse et  
alia anima-  
lia bruta.

Exemplis  
cur Retho-  
ræ vtatur.

erit in alio. neq; enim, si Callyas nauigans naufragium fecit, necesse est & in Dione fieri, quia alia ratio est in vno, alia in alio, nec si Heluetij pro- dicionem L. Crasso fecerunt, necesse est & C. Cæsari facere. aliam enim causam & forte iustam in L. Crasso, quam in C. Cæsare non habuere. p- babile tamen accipitur ab eo, qui contrarium non vidit. vocatur autem hic discursus exemplum, à quo pueri incipimus ratiocinari, quoniam fa- cile est in vno obseruare, & ab illo in simile ferri, specie per naturam re- præsentante coniuncta. vtitur autem & illo plebs. propter quod rhetor- es vtuntur maxime exemplis ad populum, quia ex notis mouemur. For- tasse autem & alia animalia exemplis mouentur. aues enim cum vident aliquas alias visco captas, viscum euitant, simile sibi futurum existiman- tes. habent quippe & alia animalia phantasiā, quæ ex particularibus potest discurrere.

De Enthymemate qd  
fit, & quo  
ab exēplo  
distinguat.

Secundus autem ratiocinandi modus prædicto similis est, sed tamen efficacior aliquanto, quāquam neque ipse necessarius. fit autem hic à plu- ribus obseruatis ad vnum aliquod, quasi sint multa exēpla. conuenit igitur cum exemplo, quia ad vnum est, sicuti exēplum: differt autem, quia à pluribus obseruatis procedit, cum exemplum ab vno esset. Si ergo plu-



**A**ries obseruauimus prauos esse, qui pernoctant, videamus autem Catilinam pernoctare, utique Catilinam prauum existimabimus. terminus medius est pernoctatio, cui coniunctum est prauum esse, ut pluries obseruauimus. conclusio erit Catilinam prauum esse. et si in multis vidimus mulieres cum viris conuersantes non castas esse, nunc vero videamus Athalantam conuersari cum viris, etiam non castam esse concludemus. terminus medius est conuersari cum viris, cui coniunctum est non castam esse. conclusio Athalantam non esse castam, quia species termini medij, p. natura sua semper repræsentat coniuncta. quare & in Athalanta repræsentabit, sicuti in alijs multis vidimus. Necessarium autem neque hoc est, si cuti neque exemplum, quia coniunctum cum termino medio, necessario non est coniunctum, sed potest non esse. neque enim necessarium est omnes, qui pernoctant, prauos esse, & mulieres omnes non castas, quæ cum viris versantur. est tamen probabilior, & efficacior ratiocinatio hæc, quæ exemplum. si enim vnum obseruatum fidem facit, à fortiori plura obseruata, tanquam multa exempla, fidem maiorem facient. Quæsiueritis autem fortasse, utrum propositio illa in pluribus obseruata proponatur de omni, an indefinite, ut quod omnes pernoctantes prauis sint, an pernoctantes prauis sunt. ad quod dicimus propositionem illam obseruatam nec etiam proponi solere, sed solum aliam, quæ signum dicitur, ut quod Catilina pernoctat. dicet enim rhetor, vultis videre iudices qualis sit Catilina? tota nocte pernoctat. tacent autem aliam propositionem, quæ pernoctantes prauis sint, quia apud omnes quasi insitum est pernoctantes esse prauos. siue quæ in pluribus ita obseruetur, siue quod facile sit adducere rationem probabilem, quod pernoctantes sint mali, eo quod causa huius non potest esse ut plurimum bona. siue igitur taceatur propositio illa obseruata, siue proponatur de omni, siue indefinite, fidem non habet, nisi ut in pluribus, unde & ad unum simile probabilitas fit. appellatur autem hic discursus à Græcis enthymema, à nostris commentum proprio quidem vocabulo, sed & ad alia transumpto. propter quod & nos enthymema vocabimus. Sunt autem enthymematū alia facilia & in promptu vulgo, alia difficiliora: facilia sunt, quæ familiaria sunt sensibus, quibus non solum pueri & plebs, sed & bruta etiam animalia uti solent, difficilia vero, quæ remotiora sunt à sensibus, solis philosophis, & prudentioribus nota sunt.

Tertius vero ratiocinandi modus & ipse à singularibus procedit, verum differt ab exēplo, & enthymemate, quæ exemplum ab vno, enthymema à pluribus p se, hic vero ab omnibus fit diuissim cōprehensibilis. differt et in conclusione, quæ tam exemplum, quæ enthymema ad vnum particulare fit, hic vero ad oēs in vniversum collectim acceptos, ut hoc: terra, aqua, aer,

Enthymema efficacius ē exēplo.

Enthymematū alia facilia, alia difficilia sunt.  
De inductione.

aer, ignis mouentur motu recto: hæc autem sunt omnia elementa: omnia ergo elementa mouentur motu recto. terminus medius sunt terra, aqua, aer, ignis quibus obseruatū est inesse moueri motu recto. alia ppositio est, hæc esse omnia elementa. conclusio fit, omnia elementa moueri motu recto, per eandem rationem. qua & prædicta concludebant: quod scilicet species termini per se & semper repræsentat coniunctum. quare & in conclusione id repræsentat, vt elemēta omnia moueri motu recto. Similiter & hoc. plantæ, & animalia animata sunt: hæc autem sunt omnia corpora organica: omnia ergo corpora organica sunt animata. terminus medius animalia, & plantæ, obseruatum animata esse: aliud extremū corpora organica: sequitur cōiunctum, obseruatum inesse organicis corporibus, nihil autem refert, siue singularia, à quibus proceditur, sint indiuidua, vel sint species, vel etiam genera, dummodo vt vnum, & vt partes accipiātur. vocatur autem inductio discursus hic, quod partes omnes diuisim inducantur ad ostendendum totum. Sed illud fortasse quæretis, quomodo in multis possibile sit singularia omnia induci & enumerari, cum sint infinita. ad quod dicendum, quod in quibusdam facile est omnia singularia induci, quando scilicet ea determinata sunt, vt prædicta: in quibus vero singularia sunt infinita, fiunt quidem inductiones, sed in his quædam tantum singularia inducuntur, reliqua uero accepimus dicentes ita esse in aliis, uti in assignatis. sufficit enim si viso hoc, & illo, & alio & alio Rhabarbaro, quod purgat choleram, dicamus alia omnia esse his similia. quare conclusio fit de omni, quod omne Rhabarbarum purget choleram. Sed rursus dubitare contingit, quomodo possimus assumere & alia omnia esse similia. de primis enim uisis & probatis, dubium nullum est, quia experientia id monstrauit: at de aliis, de quibus experientia nulla est facta, non uidetur, quam fidem habere possimus. Dicendum assumptum illud ita esse in alijs, fidem habere interdum probabilem tantum, interdum necessariam. probabilem quidem virtute exempli, & enthymematis. si. n. in vno, aut et in multis ita esse vidimus, pbabile est ita fore & in hoc, & in illo, & alijs, quotquot imaginati fuerimus, tametsi nō viderimus in his, sicut in primis assignatis. habita igitur notitia de primis per experiētiā, de alijs vero probabiliter per similitudinē concludimus in omnibus ita esse, sed probabiliter tantum. interdum fides nō solum probabilis est, sed & necessaria, & hoc duobus modis. vno modo cum facta obseruatione in quibusdam signatis, quærimus, ppter quid sit, & inuenta illa causa, ita dicimus esse debere & in alijs. quare de omnibus tandem concludimus, vt si viso hoc, & illo Rhabarbaro, q purgent choleram, quæram, propter quid sit: & sciens q, quæ purgant choleram,

sunt

Inductio-  
ne an oīa  
singularia  
ducere ne-  
cesse sit.

D



**A** sunt amara acria, abominabilia naturę, & talia esse hec visa, fides fit et de alijs, quę talia sunt. vnde cōcludimus omne Rhabarbarum purgare choleram ex hoc, q̃ primo vidi hoc in quibusdam, mox facta ratione ad naturam cōmunem, ita & de alijs accepi. Alio modo necessaria fides fit, cū singularia prorsus similia sunt, & quale vnum est, talia esse omnia alia. vt si videam has duas lineas rectas equidistantes nunquam concurrere, ita de alijs etiam accipiemus, eo q̃ prorsus sunt similes. quare de omnibus cōclusio fiet. & talia sunt mathematica omnia. naturalia vero non ita se habent. possunt enim similia esse quędam singularia, imo & multa, & multa, omnia vero nō esse talia. Itali quidem enim, & Germani, & Galli omnes albi sunt, non tamen omnes homines albi, vt Aethiopes. causa est, quia non omnino similes sunt: & alia causa facit Italos, Gallos, & Germanos albos, alia Aethiopus nigros. quare in ijs, quę à natura sunt inductiones necessariae non valde fiunt, sed probabiles tantum, nisi ratio fiat ad naturam communem. Inductionum igitur aliquę necessariae sunt, aliquę probabiles tantum. necessariae sunt, in quibus aut omnia singularia induci possunt, quia sint determinati numeri: aut omnia sunt prorsus similia, & diuersitatem pati non possunt: aut ratio sufficiens fit ad naturam communem. illę vero inductiones, in quibus nec singularia omnia induci possunt, nec prorsus similia sunt, nec ratio fit ad communem naturam, omnes probabiles tantum sunt. sunt tamen quędam inductiones, quę tametsi probabiles simpliciter tantum sint, tamen adeo propinquę sunt necessarijs, vt pro necessarijs habeantur: & sunt illę, in quibus ita obseruauimus & nos, & patres nostri, & aui, & omnis memoria: tum & nationes omnes, in omni loco, omni tempore. ut q̃ omnia orta occidant, & quod omne, quod mouetur, sit corpus. in quibus quidem nec omnia singularia possibile est inducere, nec ratio est facta ad communem naturam, nec scimus, an prorsus singularia omnia similia sint: quia tamen ita viderunt omnes, & vbique, & semper, pro necessarijs habentur.

Quartus autem ratiocinandi modus est, ab vniuersali, de omni, ad particulare aliquod. differt autem ab inductione tum in pręmissis, tum in conclusionem. in pręmissis quidem, q̃ inductio procedit ab omnibus & ipsa, sed diuisim acceptis, hic autem ab omnibus collectim assumptis, & de omni. pp̃ quod & syllogismus vocatur. In cōclusionem vero differt, quod inductio ad totum procedit à partibus, syllogismus vero à toto ad partem. nam, quāq̃ interdum ad aliquod vniuersale fiat, ad id tamen fit ceu ad partem sub toto cōtentam. procedit autem & hic ex vna pręmissa obseruata, & alia noua. vt si obseruauimus omne animal respirans habere pulmonē, nunc vero offeratur delphinum respirare, conclusio fit delphi

In naturali  
bus non ita  
frequentē ne  
cessarię indu  
ctiones fiūt,  
vt ī mathe  
maticis.

Inductio  
nū alię pro  
babiles, a  
lię necessa  
rię sunt.

De syllogis  
mo.

num habere pulmonem. terminus medius est respirare, obseruatum, est **C**  
 habere pulmonem. aliud extremum, delphinus, quem habere pulmonē  
 addiscimus. quia species termini medij semper repræsentat coniuncta.  
 quare & in delphino repræsentabit coniunctum, quod erat habere pul-  
 monem. Non sunt autem plures ratiocinandi modi, quàm prædicti qua-  
 tuor. nam vel procedit à parte, vel à toto. si à parte, vel ab vna ad unum,  
 vel à pluribus ad vnum. si à toto, vel est à toto diuissim accepto ad totū,  
 vel à toto collectim assumpto ad partem. primus igitur est exemplum, se-  
 cūdus enthymema, tertius inductio, quartus syllogismus. ex quibus duo  
 de necessitate concludunt ex positis, inductio, & syllogismus: duo nō de  
 necessitate, exemplum, & enthymema. siqui vero videantur alij ratioci-  
 nandi modi, ad hos prædictos reducuntur, vt diuissio, & siqui alij sunt.  
 quæ autem sit illa potentia animæ, quæ tanta exercet, si quæatur, vtrum  
 phantasia, an alia perfectior. censendum est quædam horum à phantasia  
 fieri, vt exempla, & enthymemata quædam, quasdam etiam inductio-  
 nes eorū, quæ faciles sunt, & in quibus singularia sunt pauca, & termina-  
 ta: syllogismos vero, & inductiones alias solum intellectū facere. quare  
 & à solo homine hæc fieri putandū est. reliqua vero nihil prohibet & ab  
 alijs animalibus fieri, quæ phantasia habent. Inter hæc autem primum  
 natura, quod ab homine fit, est exemplum, deinde enthymema, mox in-  
 ductio, postremo syllogismus. **D**

Rōcinandi  
 modi qua-  
 tuor tantū  
 sunt, exem-  
 plū, Enthymema, indu-  
 ctio, & syl-  
 logismus.

A qua potē-  
 tia modi ar-  
 gumentorū  
 exerceant.

Quorundā  
 terminorū  
 ad humanā  
 cognitionē  
 attinētium  
 distinctio.

Verū & fal-  
 sum qd sit,  
 & circa q.

Credere &  
 nō credere  
 quid sit.

Dubitare  
 quid sit.  
 Certū quid  
 sit.

Nunc autem operæ precium nos facturos existimamus, si ab his dica-  
 mus, quid sit verum, quid falsum, quid dubium, quid probabile, quid ap-  
 parens, quid certum: tum quid sit credere, quid opinari, quid scire: & qd  
 sit, quod dicimus velle & nolle, quid admirari, quid cogitare, seu inqui-  
 rere, quid resolvere & componere, & fingere: ac demum quid virtus  
 illa, quam æstimationem quidam appellant, & quid instinctus naturę vo-  
 catus, & quomodo bruta animalia tanto ingenio polleant, & tam mira  
 faciant, vt nidos aues, telas aranea, & eiusmodi alia, quæ multa sunt.

Quod autem circa simplicia neque veritas sit, nec falsitas, dictum est  
 prius. quare solum circa ea, quæ complexa dicuntur, est verum & falsum.  
 verum autem est, quod est in re, quale ab anima concipitur, falsum autē  
 quod est in re aliter, ac concipitur. nihil enim prohibet decipi animam,  
 vt mox dicemus. credere autem est recipere aliquid per modū veri, sensu  
 vel ratione ita dictante. sic enim dicitur assentire anima. non credere au-  
 tem est aliquid recipere per modum falsi, sensu, vel ratione ita dictante.  
 Dubitare vero est recipere aliquid, ad quod neq; sensum, neq; rationem  
 habemus, neq; ad contrarium: aut rationem quidem habemus, sed & æ-  
 qualem ad cōtrarium. Certum vero est, ad quod vel sensum bene dispo-  
 situm



**A** situm habemus, vel rationem necessariam ad sensum reducibilem. Necessarium vero est, quod vel notis terminis cognitum est, vel inductione necessaria, vel ratione ad hæc reducibili. Probabile vero seu apparens est, quod creditur quidē, sed nec sensu, nec notis terminis, nec infallibili inductione cognitum est, sed aut exēplo, aut enthymemate. est autē apparēs dupliciter aliud simpliciter tale, aliud ad hoīem. simpliciter apparens, & p̄babile est, quod vel omnibus, vel pluribus videtur, vel sapiētibus, dum modo plures non aliter iudicent: ad hominem, vero quod vni videtur. Probabilium autem dicitur opinio. Necessariorū vero scientia, aut dispositio melior, quā scientia: quæ mens vocatur, & fit notis terminis. porro necessarium duplex est, simpliciter, & ex suppositione. Necessariorū autem simpliciter, scientia est. Necessariorum vero ex suppositione, non scientia proprie, sed aut ars, aut quid simile.

Necessariū quid.

Probabile, seu apparēs quid sit.

Probabile duplex, simpliciter, & ad hoīem. Opinio, & scīa quorū sint.

Ars et scīa circa quæ necessaria sint.

De ipso autem velle quid sit, ita est accipiendum. Bonum quippe & malum offerri animæ potest per duas potētias, quarum altera est sensus, altera intellectus. quocunque autem modo offeratur, recepta boni specie congaudet anima, & si etiam habet, & possidet bonum, illo fruitur, si vero non habet, intenditur in illud, & prosequitur, vt habeat. hæc autem intentio non aliud est, quā applicatio animæ, & spirituum ad prosequendum bonum oblatum, si vero offeratur malum, tristatur: & si p̄sens est

De intellectu & voluntate, qd sint. q̄ itē & quō vtriusq; potentia habitus in nobis fiāt.

**B** malum, intenditur similiter, & vim adhibet, vt se ab illo amoueat, aut illud à se. ergo si per sensum oblatio boni fiat, intentio illa appellatur appetitus. si vero per intellectum offeratur bonum, intentio illa voluntas dicitur. & velle non aliud est, q̄ intendi animam ad prosequendum bonū, vel euitādum malum, per intellectum, oblatum: nolle autem est non intendi animam ad oblatum, per intellectum, bonum. cognitio enim illa, quatenus mouet assensus, dici solet. non est autem voluntas distincta ab intellectu potentia, nisi ratione. si enim distincta, re, ponatur, quærere licet, an & ipsa voluntas intelligat, an non. si quidem nō intelligit, ego nō video, quæ illi operatio tribuenda sit: si vero intelligit, num ea, quæ & intellectus, an alia. et certe alia non est dicendum intelligere. eadem vero si intelligat, superflua est. quare eadem potētia est, quæ à se ipsa ratione differat, quatenus ab obiectis diuersimode informatur. si enim intellectus verum apprehendat, in quātum verum, sic vocatur intellectus. si vero apprehendat verum, vt simul bonum à quo mouetur anima, sic volūtas dicitur. nihil enim prohibet verum percipi, vt verum quandoque, quandoque vt verum, & bonum mouens. Ex quibus apprehendendi modis sūt habitus, modo intellectus, modo voluntatis vocati. est autē habitus confirmatissima, & idelebilis species in anima: quæ si veri sit, vt veri, & neces

Virtus boni apprehē sua i nobis in appetitū & voluntatē quō diuidatur.

Velle & nolle qd sint. Volūtas nō nisi ratione ab intellectu diuersa est.

Habitus in intellectu & voluntatis ex ipsa veri & boni apprehensione in nobis fiunt.

Virtus &  
ars qd sint.

farij scientia appellatur: si vero probabilem fuerit, opinio dicitur: si falso rum, habitus ignorantiae. si autē circa verum sit, sed vt bonum mouēs, sic volūtatis habitus fiunt: qui si sint circa vera bona, virtus dicitur, si circa ap parentia, falsa, vitium. si vero circa ea, quæ recte fieri, & nō fieri possunt, ars nuncupatur. Differt autē ars à virtute, q̃ virtus in ipsa electione agen dorum consistit, quæ recta est: Ars vero est post electionem in modo per ducendi ad finem recte agenda: in quo contingere error potest in operā do. si enim faber eligat die festo ensē cudere, electio hæc mala est, & vi tiosa: postq̃ uero elegit cudere, si debet hoc opus recte facere, regula qua dam indiget, quæ ars dicitur. propter quod bonus faber dici poterit, sed non bonus, & virtuosus, quia electio iniusta est. virtus igitur est habitus recte eligibilium: ars vero habitus recte factibilium.

Voluntatis  
habitus, q  
sunt ipse v  
tutes mora  
les, q̃b nā,  
& quō fiat  
in nobis.

Virtutem  
assequi dif  
ficilius est,  
quā sciē  
tias.

Hom̃ q̃ va  
rię sint ad  
virtutes di  
spōsitiōes.

Quo autem pacto fiat isti habitus voluntatis in nobis, nisi dubitarem à proposito nimis diuertere, non inutile fortasse esset inquirere. sicut enim non facile est ipsos acquirere, ita neq; facile est intelligere, quomo do fiant. verum quia multum temporis superesse nobis video, & vos an nuere atque optare, breui quidem transcurso perquiram. Non sunt autē voluntatis habitus quales scientiarum, & intellectus. hi enim valde faci le fiunt per doctrinam, & per nos ipsos. siquidem per inductiones neces sarias, aut per syllogismos necessarios, vel per vocatam mentē fiunt, quo rum demonstrata impossibile est aliter se habere. at circa voluntatem nō D ita profecto est. nullum enim principium tale est, quod necessario, & sem per illā moueat, nisi in vniuersali à bono: in particulari autē, qd necessario moueat voluntatem, principium nullum est propter variam bonorū na turam. quorum alia bona sunt, quia vtilia, alia, quia delectant, alia, quia honesta sunt: & alia per intellectum offeruntur, alia per sensus: quæ sæpe inter se pugnant, & modo vnum, modo aliud vincit, ad quæ nō parum faciunt corporis dispositiones tum à natura, tum ab euentis factæ. neque enim eadem est voluntas sani & ægri, irati & pacati, amoribus capti & liberi, bene & male instituti, & ita in alijs. propter quæ si quis ita syllogi zabit. Honesti sunt obeunda: seruare leges est honestum. ergo & obeun dum. Lycurgo quidē persuadebit, Dionysio autē tyranno nō psuadebit. Quod si quæritis, cur tyranno non persuadebit, cum & ipse propositam primam propositionem concedet, honesta esse obeunda, similiter & al teram concedet. seruare leges esse honestum. videtur igitur, q̃ & conclu sionem concedere debeat. quod si concedit, cur non facit? ad quod di cimus alia ratione quid concedi, alia ratione fieri. conceditur quidē qua tenus verum, sit autem, & obitur quatenus à bono mouetur. quare tyrā nus fortasse & ipse concedet honesta esse obeunda, quia verum non po test



**A** test negari, obire tamen nollet, quia bonum nō iudicat, à sensu deceptus & ita institutus. melius enim putat imperare, & cupiditates explere non seruatis legibus, quàm parere, & voluptatibus carere, seruatis. Nemo est, qui non cognoscat perditè amare malum esse, & ipse etiam Cherea concedet: noctem tamen vnam, qua cum Thaide dormiat, præferet etiā mortis: adeo pugnant, quæ à sensibus offeruntur, & quæ ab intellectu. sed & ipse etiam intellectus sæpe decipitur, & modo vnum vult, modo aliud. si igitur nullum principium est, quod necessario moueat uoluntatem, & dirigat ad rectas electiōes, quo pacto fieri in nobis possunt virtutis habitus, si habitus indelebilis, & firmissimus esse debet? nunquid sicut Protagoras apud Platonem opinari videtur, per doctrinam virtutes fiūt? sed certe doctrina, tametsi principium quoddam ad virtutes affert, non sufficere tamen per se videtur. aliud est (vt diximus) verum, aliud est bonū mouens: docet quidem doctrina, quod verum est, non mouetur autem ab illo, nisi simul & bonum existimetur, et melius, quàm omne aliud oblatum: & nisi sensus rationi omnino pareant. parere autem difficillimum est, & maxime dubium est, qua via id faciamus. si enim per doctrinam fieri dicatur, rursus in eundem scopulum incidimus, si vero fieri per assuefactionem, & ex frequentatis actibus, vt Aristoteli placet, dubitare pariter contingit, quo pacto hæc assuefactio fiat. ad quæ dicendum (vt arbitror) nec doctrinam sine assuefactione virtutes per se facere posse, nec assuefactionem per se sine doctrina. quod enim doctrina sine assuefactione non sufficiat virtutem facere, manifestum esse potest ex eo, quod diximus, doctrinam monstrare, quod verum est, tantum, hoc vero non satis esse, nisi simul offeratur, quod bonum est, & mouet magis. ad hoc autē requiritur, vt sensus rationi pareant. non parent autem cum aliter assuefacti sunt: quod monstrant auari, & ambitiosi, & amantes, & iracundi, & gulæ dediti, & potiores, & vniuersaliter, qui sunt vitij assueti, in quibus nihil doctrina per se potest. quòd vero & sine doctrina assuefactio non faciat virtutem, est in ijs videre, qui non sponte, et per propriam electionē, sed coacti, aut spe, aut timore continenter viuunt, inuiti. vbi enim aut timor, aut spes sublata est, continuo vitā mutant. quapropter si virtus fieri debet, oportet, vt & vsus, & propria electio concurrant. ad electionē autem faciendam maxime consultatio, & ratio, seu doctrina potest. vsus vero, et assuefactio multis indiget, si virtutem parere debet, ad vitia siquidē & ad voluptates vel facillime fit. quippe nati statim voluptatibus capi incipimus: sensibus enim tum solis agimur, ab ijs & crescentes, & grandiores facti ducimur. vnde sensuum illecebræ nobis quasi congenitæ, nobis comites quàm facillime vitiorum habitus inserunt. à quibus si abstinere debemus

Bona & vera, quæ cognoscim⁹, & aliis suademus, cur sic difficile operemur.

Doctrina & si ad virtutes iuuat, illius tamē sufficiens principium nō ē.

Ex frequentatis actibus quō per doctrinā virtutes fiant in nobis.

Electiōe, & vsu comparatur virtutes. doctrinæ electiones faciunt. leges vero tā diuinæ, q̃ humane, p̃silia spes, timorē, laudes, vituperia vsus ipsos bonos in nobis gignūt, quos sequitur ipse virtutes.

debemus, & contrarijs assuescere, magna cum difficultate acquiritur, & C  
 per multa fieri oportet. in primis autem doctrinæ valent, & persuasiones,  
 per quas cognoscimus, quod verum est, & quod vere bonum, & quod  
 malum, & quid pariant tandem, ad quod non humanæ solum doctrine,  
 sed & diuinæ non parum conducunt. Leges præterea sunt constitutæ, tum  
 ciuiles, tum sacræ, quæ & pœnas prauæ agentibus, & præmia recte pieque  
 viuentibus iniungunt. nam, quæ nos impellunt maxime ad agendum,  
 sunt spes, & metus. porro laudes & uituperia inuicta sunt ab hominibus,  
 quoniam gloria plurimum nos accendit ad facta egregia, vituperia vero  
 absterrent. præter leges quoque sunt & instituta ciuitatum, & ritus, &  
 consuetudines bonæ. exemplis enim aliorum maxime solemus adduci.  
 patrum præterea educationes, præceptorumq; prudentia & regimē nō  
 parum ad hæc profunt, & vsum bene uiuendi confirmant. quibus omni-  
 bus fit, vt simul experientia, & re ipsa cognoscētes, quàm pulchra virtus,  
 quàm in vita utilis sit, contrarium vero quàm turpe, quàm periculis ple-  
 num, per se tandem virtutes ipsas amemus, vitia uero odio habeamus, a-  
 bhorreamusq; vnde tandē superatis, vel cōpressis adolescētīæ ardoribus,  
 & concupiscentijs, maturioribus ætatibus virtutū habitus acquiramus.  
 ad quod non parū valēt corporis dispositiones, ingenium docile, tempe-  
 ratura non agrestis, & fera, sed benignior atque humana. per hæc ergo  
 & corpus parere animo addiscit, & assuescit, vnde vnum ex ambobus fit D  
 tam concors, ut nunquam pugnent. quanquam pauci certe sunt, qui ad  
 tantum virtutis perueniāt, vt non semper formidare debeamus insidias,  
 & præstigia sensuum: verum de habitibus ijs nunc loquor, qui ab homi-  
 nibus acquiri humanitus possunt. si qua enim gratia à Deo optimo ma-  
 ior impartitur nobis, nostrum non est nunc dicere, sed credere ita esse, at  
 que hos habitus virtutum, qui à Deo dantur, solos esse veros, & firmos,  
 qui uero à nobis acquirūtur, parum solidos, & multæ fortunæ subiectos.  
 ac de ipso uelle, & nolle, & habitibus uoluntatis, & intellectus ita p tem-  
 pore determinatum sit.

Infusi habi-  
tus firmio-  
res sunt.

De nō nul-  
lissimæ huma-  
næ actibus,  
admiratiōe  
videlicet co-  
gitatiōe, re-  
solutiōe, ac  
compositio-  
ne, quidnā  
sint, & in q-  
bus, & quō  
fiant.

Quō admi-  
rari, & cogi-  
tare aīa so-  
leat.

Resoluere,  
& cōpone-  
re

Admirari autem tum anima dicitur, cum oblato aliquo partim noto,  
 partim ignoto recipit illud uti nouum, & insuetum. suspenditur enim ab  
 omni alio, & applicatur ad illud nouum desiderio quodam perdiscēdi,  
 quid sit, aut quale sit. cum igitur desiderio illo permota anima ad coniū-  
 cta cum illo oblato fertur, tum inquirere dicitur, & cogitare. non enim  
 aliud est cogitare, quàm agi per coniuncta cum aliquo. quod & inquire  
 re est. Resoluere vero & componere anima dicitur per similitudinem ad  
 naturam, & artem. tum enim resoluit natura, cum totum aliquod & po-  
 sterius reducit in partes, & sua principia, ut mixtum in elementa, elemē-

ta in



**A**ta in materiam. componit autem cum contrario processu partes, & principia assumens, totum aliquod & posterius facit. similiter autem & ars resoluit, cum totum aliquod, ut domū, in partes, & principia diducit, ut in atrium, cameras, & culinam: hæc uero in alias, ut ligna, lapides, & cæmenta. componit autem cum, ex his totum quippiam conflat. Ex hac similitudine & anima dicitur modo resolvere, modo componere. quoniam enim inter ea, quæ addiscit anima, alia sunt posteriora, & effectus, seu tota quædam, alia vero sunt principia, & causæ, seu partes. si quidem de effectū aliquo quærat causam, et principia, atque illa inueniat, & addiscat, ut causas & principia, tum resoluisse dicitur effectum illum, & totū. dico autem, addiscat, ut causas, & principia, quia, & si forte inueniat, & addiscat id, quod est causa, sed non scitum, nec quæsitum, ut causa, illa quidem resolutio non est, sed aut materia resolutionis: aut uia, qualis est demonstratio illa, quæ dici solet demonstratio, quia. ut si demonstrarem delphinum habere pulmonem ex hoc, quod respirat. at si quæram, propter quid delphinus respirat, & hoc dicam etiam, quia habet pulmonem, sic quidem resolutionem proprie feci. quippe quatuor quæsitæ sunt, quorū duo esse rei monstrant, an est, & quale est: duo uero, quæ causam quærent, quid est, & propter quid est. in ijs igitur, in quibus esse queritur, nec resolutio, nec compositio per se fit, in alijs uero duobus fit. Sed habet dubitationem quandam, quia resolutio uidetur contrarius processus compositioni, per assignata uero uidetur idem syllogismus simul compositionem facere, & resolutionem. ut in prædicto, in quo quæritur propter quid delphinus respirat: et dicitur iccirco respirare, quia habet pulmonem. format autem syllogismus sic. omne respirans ideo respirat, quia pulmonem habet. Delphinus respirat ergo, quia pulmonem habet. vel sic. omne respirans pulmonem habet. Delphinus respirat, ergo pulmonem habet: & hæc est causa respirationis. Verum sic dicendo uirtualiter fit alius syllogismus & regressus. omne habens pulmonem propter ipsum respirat. Delphinus habet pulmonem. ergo propter ipsum respirat. sed ista est compositio, quæ assumpta causa fertur supra effectum: quomodo ergo differt resolutio à compositione? utrum igitur resolutio tum solum fiat, cum esse causæ concluditur? ut quidam putant, dicentes resolutionem esse demonstrationem uocatam, quia est, compositionem uero demonstrationem procedentem à causa, quæ propter quid vocatur. an dicendum resolutionem per se includere duos syllogismos, unum, qui ab effectū esse causæ concludit, alium, qui per causam procedit supra effectū? & hic est terminus resolutionis, ita, quod resolutio tota fit per hos duos processus: & in ipso prior syllogismus, qui dat esse causæ, ordinatur in secundū, si resolutio

re quō ad nature & artis similitudine aia dicatur.

Quatuor esse quæsitæ.

Resolutio circa quæ fiat.

Nū possit idē syllogismus compositionem facere, & resolutionem.

Quō differat resolutio à compositione.

si resolutio fieri debet. si enim per se ipsum consideretur, nullo pacto resolutionem facit, nisi dicamus illud cōclusum, esse causam eius effectus. ac sic fit virtualiter alter syllogismus dicens propter quid, qui compositio quædam est. nec differt compositio à resolutione, nisi ut pars, & vt terminus. resolutio vero est totalis processus ex ijs duobus syllogismis. vel dicamus resolutionem per se nō aliud esse, nisi comparationem huius, ut effectus, ad hoc, vt causam: compositionem vero esse contrariam comparationem huius, vt causæ, ad hoc, vt effectum: quæ comparationes fiunt facta priori demonstratione docente, quia est, causæ quæsitæ. siue igitur resolutio includat duos syllogismos, & duos processus, siue duas comparationes, manifestum est resolutionem nō fieri, vt quidam putarunt, per simplicem demonstrationem, quia, sed terminari per compositionē. quæ de causa Aristoteles fortasse libros de demonstratione inscripsit resolutorios à termino, & fine resolutionis, qui fit per demonstratōnem, ppter quid. ac de resolutione hæc pauca dicta sint.

De vocata  
æstimatiua,  
siue instin-  
ctu nature,  
quid sit: &  
de ei⁹ ope,  
quō fiat tū  
ex aliis, tū  
ex propria  
sententia.

Æstimati-  
ua, seu natu-  
ræ instinctus  
quid sit.  
Instinctum  
naturæ seu  
æstimatiuā  
eē, elici spe-  
ciē ex spe-  
cie, incōue-  
niens est.

Nunc de vocata ab aliquibus æstimatiua potentia, & de vocato instinctu, quid sit, & quomodo fiant, perquiramus. appellāt autem æstimatiuā facultatem, qua speciem è specie elici dicunt. vt viso lupo statim ab agno elici inimicitia speciem, propter quam fugit. Taurum vero recepta iniuria iudicium facere cornibus esse repellendam. equum calcibus: asellum vero punctum contrahere primo pellem, mox impetu quodam extendere, atque ita nocens excutere. atq; hæc instinctu quodam naturæ fieri, de quibus diligenter quærendum est. Quod enim dicunt speciem elici è specie, nullam habet rationē. siquidem viso lupo si ab agno cognitio noua fit de inimicitia, oportet dicere, quomodo fiat cognitio, & noua hæc species inimicitia. anima enim ipsa non facit species, sed obiecta faciunt, quæ aut per proprias species, aut per coniuncta faciunt cognitionē. quomodo ergo agnus è lupo conspecto extrahit inimicitia speciem, & cognitionem hanc facit, cum nunquam viderit lupum neq; in propria forma, neq; in coniunctis? quare, quod dicūt, elici speciem, nihil nos docet, sed obscurū per magis obscurum ostendit. Supponēdum igitur est, ut supra diximus, species repræsentare res, & modos, seu cōiuncta cum rebus. inter modos autem rerū maxime intrinseci, & præcipui sunt conuenientia & discōuenientia oblitorum cū anima. omnis. n. species recipitur ab anima, vel vt cōueniens, & bona, & grata, vel vti disconueniens, & mala, atque ingrata. quod iccirco fit, quia, quemadmodum res inter se vel conuenientiam habent, vel disconuenientiā, ita & earum species, quæ illas repræsentant. quare recipiuntur vel vti conuenientes, vel vti contrariæ. viso igitur lupo species eius, vtpote species & imago rei cōtrariæ recipi-



**A**tur ab agno vti contraria, & dissentiens. vnde fugit. si igitur hanc receptionem uocant æstimationem, possunt quidem appellare, quo modo volunt, sed rem non declarant. potentia enim, quæ recipit, nō alia est, quam phantasia, quæ nō elicit, seu extrahit, sed recipit solum per modum, qui speciebus coniunctus est: similiter, & quod instinctum naturæ vocant, nihil declarat, sed offuscat magis. nam & hic instinctus vel est natura simplex, quæ sine cognitione operatur, vel est cognitio quædam. at certe natura esse non potest. natura enim ad vnum determinata est, & vnum operatur. hi autem motus, qui ab instinctu fiunt, non vnum sunt, sed multi, & sæpe contrarij. si vero per cognitionem fiunt, oportet dicere, quo pacto taurus iudicet esse feriendum cornibus, equus calcibus, asellus contra hat primo pellem, mox repente extendat. De hoc igitur instinctu dicendum mihi videtur, primo non esse naturam simplicem. illa enim determinata ad vnum est, esse tamen naturam cognoscentem. natura enim & de hac dicitur, licet quandoque distinguatur virtus cognoscēs à natura. sed hoc est à natura simplici, vel simpliciter dicta, quæ intelligitur pro forma simplici non animata. est tamen & anima natura, quia est forma substantialis, & principium intrinsecum per se mouens. omnis autem natura proprios habet motus, qui naturales dicuntur, sed in hoc differunt natura simplex ab anima, quia natura simplex ad unum determinata est, anima vero non ad vnum. Simplicis vero naturæ motus sunt sursum, deorsum, circulare, & motus partium in toto, rarefactio scilicet, & condensatione sed hæc semper ad vnum sunt. etsi enim condensatio, alia est à rarefactione, utraque tamen ad vnum terminum sunt. anima vero & ipsa modo condensat, modo rarefacit, & habet motum partium in toto, sed non semper ad vnum habet, sed ad diuersa, put diuersa specie est informata. habet autem & motum sursum, aut deorsum, & rarefactionem, & condensationem, ad vnum determinata: sed hoc in quantum includit facultates naturæ simplicis per formas elementorum in ipsa. verum præter has, in quantum cognoscit, & informatur speciebus habet, & motum partium in toto naturaliter insitum, per quem situantur modo uno pacto, modo alio, vt melius est sub hac, & illa specie. & hæc forte est illud, quod quidam instinctum vocant. primi igitur motus quos naturaliter habent mēbra animata, quatenus informata sunt speciebus boni, & mali, sunt cōstrictio, et dilatatio. ex quo enim species omnis (vt dictū est) recipitur ab anima, vel vt bona & conueniens, vel vt mala & disconueniens. hinc fit, vt diuersimode moueantur, & situent se mēbra, & partes in toto, natura semper quærente, quod melius. quod mirum videri nō debet. si enim forma non cognoscens hoc facit, cur & cognoscens non idem faciat, quatenus

Quæ potentia recipiat spēs rerum vti cōueniēter siue cōtrarie.

Instinct⁹ naturæ nō est simplex natura, sed cognoscens.

Animā ipsa quāuis naturæ opibus cōiūcet, à simplici tamē natura aliquo modo se iūgitur.

Instinct⁹ naturæ est quædam motus partium animālis ī toto animali, ī ipso ex diuersis speciebus in animā diuersimode apprehēsis cōiungens.

Diuersis modis mouent, & situant membra animata ex diuersis speciebus, & quia primi sunt horum motuum.

diuerſo modo eſt informata ſpecie cognitionis? motus ergo omnes, quos **C** anima tam mirando, facit, omnes reducuntur ad motum partium in toto: & alij quidem ſine phantaſia facti per ſimplicem receptionem membri, alij vero per phantaſiam. motus ſiquidem, quos membra faciunt per ſimplicem ſenſum dilatationis, & conſtrictionis, ut cor, & pulmo, & vena, & nerui, & villi, naturaliter fiunt, antequam phantaſia illorum motuum fiat. ſimpliciſſimi igitur & primi omnium motus membrorum ſunt conſtrictio, & dilatatio. ſi enim membrum ſpeciem nocētis recepit, ſub ea ſpecie partes in toto non bene ſe habent, ſed alium ſitum quærunt, & conſtringuntur, ſi nocens extrinſecum ſit. ſic enim per pauciores partes contingunt, quandoq; vero dilatantur, ſi nocens intrinſecum ſit. nam & ſic partes minus contingunt. Si vero boni & grati ſpecies recepta ſit, ſiquidem extrorſum ſit bonum receptum, dilatatur partes, quoniam ſic omnes partes ad illud pertingunt, & ad totum communicantur. ſi vero intrinſecus bonum accedit, conſtringuntur partes omnes ſupra illud. ſic enim melius fruuntur. Interdum non omnes partes ſitum mutāt, ſed aliqua tantum in eo toto. unde diuerſi fiunt motus, modo tremuli, modo concuſſiui, modo alij prout melius, & melius ſituantur partes, & melius à malo vel remouentur, uel ipſum remouent, ad bonum vero melius, & melius applicantur. eadem accidunt & circa diuerſa membra propter **D** conſenſum, quem inter ſe habent, & quia vnum quodammodo ſunt. ſæpe enim moto uno membro, alia ſimul mouentur, vel eodem motu, vel etiam diuerſo, prout melius vnum alteri ſeruit, ut in tuſſi, & ſternutamento videmus. in quibus mota una prima particula ad expellendum nocētum plura alia ſimul mouentur membra, alia ſe dilatando, alia conſtringendo, alia aliter, vt tandem obtineatur finis, qui ipſis membris notus nō eſt, ſed animæ mundi tantum, & Deo. naturaliter tamen operantur membra, & nunquam errant, partibus in toto ſe ſituantibus, ut melius eſt ipſiſ ſub recepta ſpecie boni, vel mali: quæ interdum vna eſt, & vno in membro: interdum plures, una poſt aliam, in pluribus membris. nam hoc vnum facit illud aliud, omnibus tamen operationibus conuenientibus pro primo fine. fiunt igitur motus hi aliquando ante factam phantaſiā, aliquando poſt ipſam, & per ipſam cognoscentem finem. vnde illud animaduertendum eſt, qd, cum primi iſti motus ſimplices fiunt, illos phantaſia p ſpecies ad ipſam delatas quodammodo obſeruat, & quali artem facit. vnde mox per memoriam ſimilium, diſcurſu quodam particulari cognoscendo finem, mouet membra, & non ſolum prædictos motus, ſed & maiores, & magis admirandos operatur. Puncto aſello contractio ſtatim fit, & à principio abſque phantaſia: mox, cum ſub ea contractione ſtare non poſſit

Sepe moto  
vno mēbro  
aliud moue  
tur ex con  
ſenſu & or  
dine corū.



**A** possit pellis, violenter enim situatur, dilatatio subita sequitur. hos ergo motus simplices phantasia ipsa obseruans, artem quodammodo facit. & siquâdo rursus accidat asellum pungi, tum & phantasia operatur, simul & contractionem pellis facit, & mox subitam dilatationem, cognoscendo finem, hoc est nocentis expulsionem. ita fit & in tauro recepta specie nocentis, & facto appetitu repellendi iniuriam. mouentur enim membra primum illa, quæ aptiora sunt ad nocendum, vt caput. quare cornibus ferit. qui motus primum fit ab anima, non cognoscendo finem nisi naturaliter, mox edocta phantasia simplices motus, etiam cognoscendo finem. sic & equus calcibus ferit. sic & tandem progressio animalis fit, phantasia primum obseruante simplices motus musculorum, & cordarum, quæ pedes in ante mouent. mox facto appetitu appropinquandi se ad bonum perceptum, & cognito fine fit motus illorû, primo vnus partis in ante, alia firma manente: mox & alterius partis, alia firma perstâte. & ita alternatim motis partibus progressio fit. quæ autem membra, & partes sigillatim in omni motu, & omni appetitu concurrant, & quo pacto singulæ moueantur, scire non facile est, immo quàm difficillimum, & medicis valde necessarium. ad propositum ergo reuertêdo, si instinctum vocant motum partium in toto, vt expedit animæ informatæ varijs speciebus, cui motui suus etiam finis est in natura Deo cognitus. sic certe re-

**B** cte instinctum naturæ vocabunt, sed naturæ non simplicis, sed animatæ. ac de instinctu ita in vniuersum sit dictum. nunc de ingenio brutorum, & quo pacto tam mira efficiant, dicemus. sed bene erit prius musicam pueri nostri intermiscere seuerioribus hisce sermonibus, & vires reassumere. imperato igitur, vt caneret puer, ille ita cecinit,

Carpe fugam Galathea, ferus petit æquora Cyclops.

Carpe fugam, pelagoq; procul speculatur ab alto,

Te quis amat, dignumq; tuo se censet amore.

Humano primum rorantem sanguine barbam,

Et foedum os, oculumq; vnum, quem fronte patentem

Ipse gerit media, multo lauere æquore cernes.

Pectere dein rastro crines, Apioq; virenti

Afsimiles, laudare: silens tum consulere æquor,

Et se spectatis formosum dicere ab vndis.

Te vero Galathea, quòd hunc contemnis amantem,

Nec pecoris numerum, nec auenæ sibila curas,

Crudelem: & pistri natam Scyllaq; vocare,

Crudelesq; Deos. si Dij tamen æthere in alto

Vel mare sunt aliqui. neque enim se posse putare

Vllos esse Deos. demum tibi dira minari.  
 Nam fore, vt ictu uno magno cum fragmine montis  
 Teq; tuumq; Acim medium disperdat in æquor.

At tu tuta mari magno, Cyclopi amores  
 Despiciens, ridensq; minas, & inania verba  
 In nostros Galathæa sinus formosa recurre.  
 Ille inter pecudes & amore vratur, & Aethna.

De Brutoꝝ  
 & multorū  
 naturalium  
 ingenio, si-  
 ue pruden-  
 tia, nū in il-  
 lis miranda  
 qdam illius  
 opa per co-  
 gnitionem  
 an à casu,  
 vel . aliquo  
 potius ex-  
 trinseco co-  
 gnoscente,  
 ac dirigēte  
 fiant, seu a-  
 liquo alio  
 modo.

Tacebat Lyricen, & Turrius sermonem resumens ita secutus est. De ingenio brutorum nunc est prosequendum nobis. qua in re non satis mirari possumus, cum talia videamus à brutis animalibus fieri, qualia hominum nemo efficere posset. Canum nostis non solum incredibilem memoriam, sed & miram sagacitatem in venando. volucres nidos mirarte, mira prouidentia construunt, vbi prolem tuto ponant, aliæ in tignis, aliæ in summis arboribus, aliæ inter spinas & dumeta, aliæ in medio mari. in ijs oua deponunt, illa incubant, ac calefaciunt, vt inde enascantur filij. natis escas quærun, illis custodiæ sunt, volatum docent cura quidem maiore, quàm humana. Aranea animaliculum tam exiguum miro artificio telas texit, ceu retia, muscis capiendis, vnde alatur. reliquorū insectorum si prudentiam recensere velim, si piscium miracula, dies pfecto nos deferat. Sunt igitur, qui ad hæc respicientes paruo negotio ab inquirendi labore se liberent, ad instinctus naturæ recurrentes. de quibus paulo ante diximus oportere dicere, nunquid instinctus isti per naturam fiât, an per cognitionem. vtrunque autem suas habet difficultates. Alij dicunt non facere hæc bruta per naturam, nec per cognitionem, sed dirigi ab intellectu non errante, qui fines noscit. sed & hi dubitationem non tollunt, dirigi enim ab intellectu fines cognoscente quodammodo verum est, quodammodo non verum. si enim dicant à Deo dirigi bruta, ita vt Deus immediate ipse faciat, spumam eliciat ab aranea, in fila deducat, & texat, nimirum recte non dicunt. Deus enim non est, qui immediate agat, sed ipsum animal, de quo dubium est, vtrum per naturam agat, an per cognitionem. si vero dirigi à Deo intelligunt ita, vt & naturæ rerum, & cognitio, quæ sunt principia agendi, à Deo dependeant, sic quidem verum dicunt. Deus enim tum naturas ipsas primum constituit, tum & facultates dedit agendi. verum dubitatio nondū sublata est. quærimus. n. quo principio bruta agant, vtrum natura, an cognitione. quodcunq; dicatur, non paruam habet difficultatem. Igitur, vt minus admiremur in ijs, quæ bruta faciunt, respicite & ad arbores, & in vniuersum ad spiritum illum, qui genitius dicitur. arbores nihil intelligunt: si tamen magisteria illarum, si fines animaduertamus: si folia, & fructus, & semina, quanta solertia fa-  
 ciant,

Alia bru-  
 ta quo prin-  
 cipio tā va-  
 ria, & admi-  
 randa pru-  
 dentia: opa  
 producant.  
 In plâis nō  
 nulla pru-  
 dentia: signa  
 apparēt, & i  
 spiritu geni-  
 tivo.



**A** ciant, custodiant, muniant: & quanto iuuamento vna pars in aliam sit cōstructa, & ordinata non, poterimus nō magnopere admirari. spiritus porro ille, qui genitiuus vocatur, & calor naturalis, nihil similiter intelligēs, nec per se sciens aliud facere, quā calefacere, attrahere, & propulsare, tam mira tamē cōficit, ac si fines cōgnosceret: figuras membri dat: vias, conceptacula, situs, ordines, iuncturas, ac demum animal conflat.

Ex horum similitudine fortasse principium quoddam habere poterimus ad inueniendum modum, per quem & bruta operantur tam mira. nam de calore illo genitiuo, si quærat, quomodo ipse faciat, vtrum casu & fortuna, an per se & intendens, quod facit: & si intēdens, utrum cognoscendo, an non cognoscendo, non aliud profecto dicere possumus nisi primum, quod non cognoscendo facit, vt manifestum est. facit autē partim casu & per accidens, partim per se & intendens, verum non eadē ratione. si quidem enim consideretur calor ille, quatenus natura una per se, & particularis, per ea agens, quæ sibi insunt, sic quidem oculum, dentem, linguam, & alia, & eorum formas per accidens facit, & casu quodā. per se enim non aliud intendit, quā calefacere, & quædam attrahere, quædam propellere. reliqua sibi accidunt. quanquam nunquam fallat, & illa semper consequantur. nihil enim prohibet quædam per accidens fieri, & tamen semper fieri. Idem calor si consideretur, vt pars vniuersalis naturæ, quam ordinauit vniuersale agens, sapiētissimus Deus, virtutesq; dedit naturis omnibus faciendi omnia, quæ ad fines sibi cognitos ordinauit, sic quidem calor ille per se dentem, oculum, linguam, et alia, facit, & intendit, tametsi nō cognoscat fines. sufficit enim cognosci illos à primo agente, Deo maximo. atque hoc fortasse est illud, quod dicunt aliqui dirigi hunc calorem ab alio intellectu, qui fines noscit. Verum non dirigit vti agens immediatum, sed solum vt agens vniuersale & primum. quapropter calor ille partim per se facit, quatenus pars est vniuersalis naturæ à Deo ordinatæ, partim per accidens facit, quatenus est particularis quædam vna natura. Quod si quæritis, quo modo à Deo factus est ordo iste in naturis omnibus, dicendum, quod, si quandoque vniuersum hoc est à Deo factum, vt pium est & æquum credere, eadem virtute, & potentia, qua fecit omnia, facultatem et propriam dedit naturis singulis, qua peruenire possent ad fines illi vniuerso debitos, & congruentes. Si vero & æternum statuatur hoc vniuersum, vt quidam philosophi putant, dependet nihilominus à Deo, à quo natura omnis esse habet. In sola autem natura, quod possibile est, necessarium etiam est. erat autem possibile in sola natura, vt calor certus foret, qui dentem, qui oculum, linguam, & demum animal ipsum facere posset. quare simul etiam necessarium fuit, vt

Calor genitiuus miranda opatur per accidēs, & per se, sed nō secundū eandē prorsus rationem,

De naturæ vniuersi à Deo institutione, & miro ordine.

talīs

talis inueniretur calor in natura sola. ac sic rerum prima semina facta fue- C  
 re. quibus semel factis mox tenore quodam perpetuo ordo iste fuit in na-  
 tura à Deo optimo dependens. Ex hac ergo similitudine naturalis calo-  
 ris poterimus coniecturam quandam accipere circa bruta, quo pacto &  
 ipsa tam mira efficiant. nam & ipsa quædam faciunt non cognoscendo  
 fines, & quodammodo per accidens, quatenus particulares naturæ sunt  
 secundum se: quatenus vero partes vniuersalis naturæ ordinatæ à Deo  
 maximo primo agente, per se faciunt, & intendunt, tametsi non cogno-  
 scunt fines Deo tantum cognitos. Non nulla tamen & ipsa faciūt cogno-  
 scendo finem, & intendendo. & sic quoque per se faciunt modis omni-  
 bus. Auis, maturis iam ouis appetit illa deponere. cuius appetitus duo sūt  
 fines, alter aui cognitus, alter incognitus, cognitus autem Deo. prior ap-  
 petitus fit ex stimulo perceptus propter pondus, aut propter aliud, cuius  
 finis est aui notus, vt deponat scilicet nocens & irritas, quemadmodum  
 & feces. alter vero finis, qui nō cognoscitur ab aue, est, vt inde enascatur  
 proles: quod Deo cognitum, & ordinatum est, & consequitur. Per se igitur  
 auis oua deponit propter stimulum, per accidens propter prole, qua-  
 tenus particularis natura est: per se vero & hoc, quatenus pars vniuersalis  
 naturæ. post illum appetitum deponendi oua innascitur appetitus alius  
 deponendi in loco tuto: quod per se ab aue fit per speciem rei amatæ. oua D  
 enim amat, & quamuis stimulent, quasi partes sui, sicut & membra, non  
 sicut excrementa, quorum nullam habet curam: sed ouorum curam ha-  
 bet, quia amat. quare curat defendere, & custodire. omnia igitur hæc per  
 se sunt ex cognitione: sed & huius appetitus est alius finis, nō aui, sed Deo  
 cognitus, vt inde scilicet soboles enascatur. Rursus volēs auis in tuto oua  
 collocare subnotiones facit ad multa, quæ offeruntur. & alijs trabs pla-  
 cet, alijs spineta, alijs summæ arbores, alijs mare, prout variæ sunt species,  
 quæ mouent, & vna magis, quàm alia ex latenti conuenientia facta loci  
 electione imaginationem faciunt de forma conseruantis rei. dictum est  
 enim has imaginationes facere & alia animalia. quare factis subnotioni-  
 bus ad multa, hæc lutum apportat, & trabi applicat: illa paleas, & festu-  
 cas: illa maris sordicies innatantes: illa aliud. quæ aggerantes inuicem, &  
 formantes nidos faciunt, hirundo vno modo, alio modo passer, alio cu-  
 culus, alio Halcyon: in quibus oua deponunt, & mox deposita incubāt.  
 Cuius duplex quoque est finis, alter notus aui, qui fit à specie rei amatæ,  
 cui semper quasi adesse volunt, & fouere, & custodire: alter aui est igno-  
 tus, Deo vero maximo notus, qui fit, vt proles in ouis maturescat ex illa  
 calefactione, & vegetet. vnde magna sapientia, & pudentia Dei optimi  
 videri potest, qui totum uniuersum ordinaturus, modum naturis omni-  
 bus

Aīalia bru-  
 ta eadē ali-  
 qua, vt par-  
 ticulares na-  
 ture sunt o-  
 perantur p  
 se, q̄ & p ac-  
 cidēs faciūt  
 à superiori  
 directæ.

Brutorū va-  
 rii extāt ap-  
 petitus, &  
 actus, qbus  
 mira effi-  
 ciunt.

Diuina est  
 hæc, & mul-  
 tos latēs p  
 uidentia.



**A**bus dedit. quæ nescientes fines omnia tamen faciunt, per quæ fines ipsi consequuntur, quos solus ipse cognoscit. per quem modum deinceps & alia fiunt, quæ tam mira videtur nobis. Scire autem sigillatim ordine suo, quomodo appetitus varij nascantur, vnus post alium, et quomodo Deus omnia ordinauerit, vt naturaliter fiant, impossibile quidem est homini. quare & vniuersalia hæc existimantes sufficere ad alia pertransibimus: ac de vocatis secundis intentionibus siue conceptibus dicemus.

Quoniam autem res, quæ sunt, duplex esse habent, alterum extra animam, alterum in anima, quatenus intellectæ sunt, hinc fit, vt dupliciter & intelligantur: vno modo, prout esse habent extra animam, alio modo, prout esse habent in anima. conceptus ergo illi, qui de rebus fiunt, quatenus extra animam significantur, & apprehenduntur, primi vocantur, siue primæ intentiones: qui vero de rebus fiunt, quatenus in anima sunt, secundæ dicuntur. vt si Callyam intelligam, & album, vt coniuncta, dicamq; Callyas est albus, primos conceptus feci: si vero reflectente se intellectu supra conceptus factos, vt in anima sunt, ac dicam, hæc est oratio. Callyas est albus: & hoc est subiectum, hoc prædicatum, hoc nomen, hoc verbum, tum cōceptus isti, oratio, subiectū, prædicatum, nomen, verbum, secundæ vocantur. similiter, est genus, species, singulare, plurale, & alia eiusmodi, de quibus est grammatica, dialectica, rhetorica, poetica. de ijs enim secundis intentionibus sunt. Dubitabitis autem fortasse de ipsismet operationibus animæ, vt intelligere, abstrahere, imaginari, ratiocinari, subnoscere, ac de ipsis speciebus, quæ sunt in anima, vtrum primi, vel secundæ conceptus dici debeant, quando esse in anima omnia hæc habent. Ad quod (vt arbitror) dicendum est operationes hæc animæ debere dici potius esse ab anima, quàm in anima esse habere. sicut accipimus nunc esse in anima, vt distinguitur ab esse extra animam. quæ enim concipiuntur secundum esse, quod habent in anima, duplex esse habent, alterum extra animam, alterum in anima: at operationes prædictæ intelligere, abstrahere, & alia, non habent hoc esse, duplex, sed solum ab anima, & in anima sunt. sunt autem in anima, ac si extra essent. quare primi conceptus sunt, super quibus & secundæ fieri possunt. similiter se habet speciei nomen, & phantasmatis. & si enim videantur secundæ conceptus, sunt tamen primi, & rerum, ac si extra animam essent. vt autem summatim dicamus, primi conceptus sunt de rebus, quæ significantur, quatenus significantur, & non si significant. sic enim esse habent, ut extra animam. secundæ vero sunt, qui fiunt de rebus, quatenus significant, & non significantur. sic enim esse habent in anima tantum, ac de intellectione, quid sit, & quomodo fiat, & quæ sit vnaquæque intellectio, & quot, hæcenus dictum sit pro tēpore.

Superest

De vocatis primis, ac secundis intentionibus, quid sint, & quomodo fiat, & qui nā illarum termini, ac nomina sint.

Conceptus rei, vt extra animam sunt, primæ intentiones sunt appellatæ, vt vero in anima, secundæ dicuntur.

Termini & nomina primæ & secundæ intentionis.

Nūc omnia, quæ ab anima, vel in anima sunt, intentiones secundæ dici valeant.

Quæ esse tantum in anima habent, & ab anima, secundæ intentiones dici non debent.

Prima intentio est cōceptus rei, prout significatur, secunda vero, prout significat.

De variis in nobis p̄ sensus tā inter nos q̄ exter nos, & i intellectu deceptionib⁹, & errorib⁹, ac fallaciis, tā in ppōnibus, q̄ in ipso rōcinio q̄ sint, & quō i nobis fiāt.

Deceptio circa complexa, non autē circa simplicia p̄tingit ex ali qua appārentia p̄ ipsum p̄positionis actum.

Oculus vidēs albū in magna distantia cur nigrum iudicet.

Sol in auro ra cur ruber appeat nullius existens coloris.


Remi & ligna in aqua cur fracti appareāt.

Supereſt, vt de deceptiōibus dicamus, quas ſibi anima facit intelligēdo. C  
 Eſt autem deceptio acceptio quidem rerum aliter, quā ſint, non ſtudio & uoluntarie facta, ſed errore. qđ quomodo fiat, tentandū nūc eſt dicere in vniuerſum: ac dii precādi, ne forte & nos decipiamur, hæc inquirentes. Vniuerſalis autem deceptionis cauſa eſt apparentia aliqua, qua videntur res tales eſſe, quales tamen non ſunt. Cauſa autem apparentiæ huius ſemper eſt in ſpecie, quæ repræſentat res, verum non qua res offert, à quibus deciſa eſt, ſed qua rerum modos, & coniuncta ſimul refert. neque enim ſenſus, neque ulla interior potentia decipitur circa ſimplex, & proprium obiectum, ſed circa modos, & coniuncta, quæ componit cum rebus. quare circa complexa tantum, non circa ſimplicia deceptio eſt. circa ſimplicia enim ſpecies ſemper id repræſentat, à quo p̄ceſſit, & in hoc mutari non poteſt à ſua natura. quòd ſi uidetur anima quandoque alba iudicare nigra, aut rubra, aut lutea, hæc quidem deceptio non eſt in ſpecie ratione proprii obiecti, ſed ratione potētiae componentis, quæ in maxima diſtantia dicit, hoc veniens eſt nigrum, cum tamen albū ſit. ſpecies enim, quæ nigrum offert in ea diſtantia, non fallit nos. repræſentat enim p̄ natura nigri, quod tunc offertur, cum priuatio lucis, & colorum non mouet oculum, vt ſit in magna diſtantia. Deceptio autem ſit, quia ſubiecto attribuiamus qualitatem repræſentatam, quod ſecus eſt. ſimiliter & in ſelle ſuffuſis deceptio ſit, iudicantibus omnia lutea. non quòd ſpecies lutei D fallat nos in re, à qua deciſa eſt, deciſa enim fuit à luteo, ſed quod qualitatem illam attribuiamus parieti, & homini. quare ſemper deceptio ſit in complexis, & compositione ipſa. Solem in aurora iudicamus rubrum, & bipedalem, cum tamen nec ruber ſit, nec bipedalis. error autem ſit, quia ſubiecto id attribuiamus, quod à ſpecie repræſentatur. rubor enim offertur ſpecie lucis multum refracta ad nigrum, quod ſit in aurora propter ſphæram vaporum: & in hoc non eſt error, ſed tum ſit, cum colorem oblatum componimus cum ſubiecto. Color item ſolis repræſentat ſolem terminatum certa quantitate, quæ multipliciter variari poteſt propter maiorem & minorem diſtantiam. ſiquidem ſemper minora videntur, quo baſis minuitur, quod in magna diſtantia, maxime contingit. Componentes igitur quantitatem ſolis oblatam in magna diſtantia cum ſole ſecundum ſe, deceptio ſit. Baculi & remi ſub aqua fracti apparent cū parte, quæ ſupra eſt, eo quòd pars ſub aqua p̄p̄inquir iudicatur, quā, quæ ſupra in aere eſt. propter denſitatem enim aquæ, vicinioreſ partes ſpeculum fiunt partis ſub aqua exiſtentis. refringitur enim multum ſpecies, & craſſior ſit, hoc autem maiora, & propinquioreſ videri facit. qua de cauſa pars ſub aqua exiſtens nō videtur directe ſuppoſita parti, quæ eſt in aere.

vnde



**A** unde fracti videntur. deceptio vero fit, dum componimus, comparentes partes inter se & ad subiectum. idem & circa situm partium sæpe contingit: & quæ deorsum sunt, sursum videntur: quæ vero sursum, deorsum: vt spectantibus in ampullas aqua plenas. prætereuntes enim videntur incedere pedibus sursum, capite infra stante. vt si **A** sit ampulla: præteriens **B C D**: **B** autem caput: **C** & **D** pedes: oculus aspicientis **F**, videbuntur quidem pedes sursum, vbi **E**, caput vero deorsum, vbi **G**.



**B** Causa vero est, quòd species semper per breuissimam lineam refert, & p directum. breuissima autem linea à capite, vbi **B**, est **B H**: quæ reflexa ad **G**, inde ad oculum fertur, vbi **F**. pedum vero breuissimæ lineæ **C K**, & **D K**: quæ reflexæ ad **E**, & inde ad oculum **F**, videtur supra caput, vbi **E**, quod est, vbi **G**. error fit, non quòd species capitis & pedum non repræsentent debite sua loca, sed quòd componendo, & comparando situs, & loca oblata, hæc quidem sursum, illa deorsum iudicantur.

Similiter & figuræ, & colores, & numerus, & loca variantur per apparentias alias. sæpe enim, quæ rotunda sunt, longa videntur: & quæ longa, rotunda: & quæ vnum duo: & eiusmodi. adeo refert, quale sit speculum, in quod incidit species, an conuexum, an concavum, an aliter fabricatum. Specilla ocularia fiunt, quæ vultus monstruosos referunt, alios satyricos, alios etiam turpioris formæ. quædam sunt, quæ omnia ostendunt iride colorata: alia anulum vnum media in mensa positum duodecim anulos videri faciunt, tam similes, vt, qui verus est, volentem signare fallat magno spectantium risu. Altero oculo, vel compresso, vel eleuato res accidit videri duplices. propter quod & ebrijs omnia videntur duplicia, vertiginosis vero circumferri. omnibus enim his loca mutari videtur, & eadem res in diuersis esse locis, cum tamen per se nò mutetur. causa est, quòd species in oculo, quæ vel successiue eleuatur, vel deprimitur, ab utroque oculo non in idem cadit. quippe in eleuato oculo species eius

dem rei, rem quidem eandem offert, locum autem non eundem, quem C  
alter oculus, refert. species enim directe secundum longitudinem totius  
sensorij representat. quare nihil interest, seu res extra mutet locum seu  
species referat mutatum. refert autem mutatum, quoniam eleuato sen-  
sitorio simul eleuatur & species. in vertiginosis autem circumferri vi-  
dētur res, quia successiue species cum sensorio eleuatur à vaporibus, qui  
intra, oculum mouent. in circulum vero videntur ferri, quia oculus est  
tanquam centrum, res tanquam in circumferentia. à centro autem om-  
nes lineæ ad circumferentiam sunt æquales. quare circulus fieri videtur.  
ebrijs vero tum circulariter, tum & duplicia videntur. circulariter, quia  
successiue fit motus sensorij, & cum eo speciei. duplicia vero videntur,  
quia oculi non æqualiter mouentur, sed diuersimode propter inordina-  
tum motum vaporum. quare non in idem feruntur.

Ebrii quæ-  
cunq; vidēt,  
cur circulari-  
ter, & qua  
si duplicia  
vident.  
Felle suffu-  
sis cur oīa  
lutea videā-  
tur.

Circa colores quoque eadem deceptiones contingunt. suffusis enim  
felle omnia videntur lutea (vt diximus) & euaporato sulphure per no-  
ctem ad lucernę lumen, omnia videntur veneta. sole autem per rubra trā-  
seūte, aut ad rubra refracto, rubra omnia apparent. quę quidē dubitatio  
nē quandam habent, quo pacto fiant, quoniā res, quę ita colorari viden-  
tur, proprios & ipsæ colores habent. cur ergo & illi non mouent? vtrum  
igitur, cum duæ species subalternæ ad oculum veniūt, ea, quę potentior  
est, non finit debiliorem mouere? an magis, quòd color nihil aliud est, q̃ D  
lux terminata, lucis autem species est lumen? quare colorum omniū spe-  
cies lumen sunt. vnde colorū species cum omni lumine misceri possunt,  
& intendi admixtæ lumini fortiori. sicut igitur per noctem res non vidē-  
tur propter debilitatem specierum earum, adueniente autem sole vigo-  
rantur, & fortiores redduntur, factæ vnum cum eius lumine, & sic mo-  
uent, ita & si Sol ad rubra reflectatur, aut per rubra transeat, ita illa vigo-  
rat, & intendit, vt & aliorum species vnum cum ijs fiant, & similiter  
moueant, et rubra omnia videri faciat. propter quod mappæ, in quas sol  
incidit, transiens per vini phialas, rubræ apparent. & suffusis felle omnia  
apparent lutea, quòd species aliorum colorum vnum fiunt cum luteo,  
quod est in oculis, quòd vnum id maxime offert, quod fortius est. cu-  
ius signum est, quòd si suffusi in rubra valde rubra inspiciant, nec prorsus  
luteum, nec prorsus rubrum vident, sed medium quiddam. His  
de causis & veneta ijs apparent, qui per vapores sulphuris species re-  
rum recipiunt. tale enim est sulphur. Idem accidit & ijs, qui specta-  
runt in Solem. omnia enim primo alba apparēt, mox rubra, postremo ni-  
gra. remanente enim specie lucis in oculo, per certum tempus illa quidē  
primū albū refert, quia lux de se alba est. mox remittente sese luce rubrū  
apparet,

Sulphure  
euaporato,  
ad lumen lu-  
cernę vene-  
ti coloris,  
seu cærulei  
aliqua appa-  
rent.



**A** apparet, non secus, ac si lux in nigro videatur. fulgidū enim in nigro rubrum fit, remissio .n. lucis nigri vicē gerit. mox luce in totum remissa nigrum apparet. in omnibus igitur his apparentia quædam fit, vnde accidit deceptio. verum non decipitur sensus ipse, nec species per se circa oblatum proprium nos fallit, sed phātasia, quæ componit oblata cum subiectis. quare prima deceptio in phantasia fit: mox nihil prohibet & intellectum ipsum decipi, siquidem recipit à phantasia. igitur cum prima cognitio ipsius, dum componit, fit circa propositiones, deinde ex ijs ratiocinetur, ac discurrat: prima etiam deceptio circa propositiones fit, deinde & circa ratiocinium falli potest. circa propositiones autem fallitur, cum falsas recipit aut propter apparētias prædictas, aut propter alia: circa ratiocinium vero, cū non inferimus conclusionem, videtur autē inferri, quod vniuersaliter accidit, quum terminum medium non recte assumimus. quippe ille, cum vtrique extremo coniungatur, sepe videtur esse idem in vtroque, & sub vna ratione accipi. verum neque idem est, nec ratio eadē. vnde conclusio non sequitur. Ac circa exempla quidem est primum videre. Nauigatio enim, vt supra diximus, est terminus medius, qui coniungitur naufragio (vt in Callya vidimus) ex quo apparet, quòd etiā Dioni coniungi debeat, qui similiter nauigat. quod falsò poterimus opinari. nā, quanquam idem terminus videatur nauigatio in vtroque, non tamē est idem & sub eadem ratione. in Callya enim erat cum tali vento, tali tempestate, unde secutum est naufragium: in Dione vero nauigatio sine his erit. Similiter & circa enthymemata falli contingit. nam, quanquam & Itali, & Germani, & Scythæ albi sint, si putemus, & Aethiopas albos esse, falleremur: quoniam albedo alia ratione inest Italis, Gallis, & Germanis, & Scythis, quæ nō est in Aethiopibus. Similiter & in inductionibus deceptio accidit. nō enim, si in Perside, & Media vidimus mala citra mille & decem millia inesibilia, sequitur omnia esse inesibilia. malum enim citrium alia ratione in Media, & Perside est inesibile, alia esibile in Aegypto. oportet igitur medium terminum per eandem rationem coniungi extremis: alioqui aut non concludemus, aut falsum concludemus. propter quod & syllogismis etiam contingit falli. vt quæ emisti, comedisti. cruda emisti. fallit quidem, si concludamus, cruda comedisti. terminus enim medius non idem est, licet appareat. in prima enim emptio iungitur comestioni pro subiecto. est enim verum, quæ emisti, comedisti. in secunda vero coniungitur accidenti, cum dicitur, cruda emisti. quare non sequitur, cruda comedisti. comedi enim, quæ emi, non qualia emi. similiter, si dicatur, nonne differens à differente differt? te uero concedente, dicit sophista. at quod differt, nō est illud, à quo differt. differens ergo non

Quo circa  
propositiones,  
& ratiocinium  
decipiat in-  
tellectus.

Circa ex-  
empla quò de-  
cipi contin-  
gat.

Circa En-  
thymemata  
deceptio

Circa indu-  
ctionem.

Circa syllo-  
gismos.

est differens. fallit quidem, quia differēs à differente differt pro subiecto, **C**  
 non autem pro forma. neque enim differentia differt à differentia. quare in prima pro subiecto accipitur, in secunda pro forma. nec si, quod utile est, bonum est. utile autem in captiuitate egestas. ergo egestas bona. in primo enim utile simpliciter accipitur, in secundo pro utili secundum aliquid, & certo casu. Porro nec, si tria & vnum sunt quatuor. tria enim sunt tria & vnum, sequitur, ut tria sint quatuor. tria enim & vnum, qui est terminus medius, sunt quatuor, diuisim accepta. & ita accipitur in prima propositione. in secunda vero accipitur collectim, & composita. quare non idem est medium. tale & illud est. qui nam discunt, scientes ne, an nescientes? te vero dicente, scientes discunt, dicet ille. at, qui discunt, ea nesciunt, quæ discunt. scientes ergo nescientes sunt. dicente vero te, nescientes discunt, arguet ille. at, quæ discuntur, sciuntur. nescientes ergo sunt scientes. deceptio quidem est per æquiocationem termini medij, nam & sciens & nesciens, interdum significat, qui nunc scit, aut nescit, interdum, qui sciebat, aut nesciebat. Similiter, non ne bonus est, qui boni est possessor? at diuitiæ sunt bonæ. qui ergo diuitias possidet, bonus est. & illud, non ne omnis actio est circa ea, quæ sunt? omnis sermo est actio. omnis ergo sermo est circa ea, quæ sunt. at ea, quæ sunt, vera sunt. omnis ergo sermo est verus. æquiocatio est in illa voce, quæ sunt. interdum enim sumitur pro eo, quod non est apparens, interdum pro eo, quod aliquo modo est, siue vere sit, siue appareat. & sic omnis actio est circa ea, quæ sunt. Item illud, infinitum non potest pertransiri. hoc spatium est infinitum. non ergo potest pertransiri. fallit quidem, quia infinitum modo pro infinito in actu sumitur: & hoc modo infinitum non potest pertransiri. quandoque sumitur pro infinito in potentia: & hoc modo potest pertransiri. quare medium non est idem. & illud, omnes duo circuli contingunt sese in puncto. hi duo anuli sunt duo circuli. contingunt ergo sese in puncto. non sequitur autem, quia duos circulos se contingere in puncto circulis mathematice acceptis, & abstracte inest. anuli autem mathematici circuli non sunt, sed in materia. Interdum fallimur, quia propositio amphibola est, & ambigui sensus. ut quod mouet lapidem molarem per se est causa farinæ. aqua mouet lapidem molarem per se. ergo est causa farinæ. fallit ratio, quia vox illa per se facit sensum amphibolum. potest enim coniungi cum mouet ex parte subiecti, & potest coniungi cum causa ex parte prædicati. primo modo propositio est vera, secundo modo non. quare medium variatur. alio modo etiam variatur, cum syllogismus fit in obliquis casibus, non in recto. unde non sequitur, primus lapis mouet secundum, secundus tertium. ergo primus mouet tertium. similiter, maior pars hominum est dedita vi

Secundum  
qd ad simpliciter deceptio.

Cōpositio-  
nis, & diu-  
sionis de-  
ceptio.  
Æquiuo-  
cationis vari-  
deceptiones.

Amphibo-  
logia, quæ  
circa propositio-  
nes con-  
tingit, de-  
ceptiones.



**A** tijs. Socrates est ex maiori parte hominum, ergo est deditus vitijs. peccat per non causam, vt causam. in his ergo, & similibus decipitur anima, interdum se ipsam fallens, interdum alios. & in quibusdam facile est videre fallaciam, & distinguere: in quibusdam vero non facile: præsertim in quibus similitudo est valde aperta, dissimilitudo uero valde latet. quo pacto decipiuntur pueri appellantes omnes homines patres. id enim, quo omnes conueniunt, apertum est, similitudo scilicet in homine: id vero, quo distinguitur, qui pater est, valde ipsos latet. fecerunt enim conceptum quendam patris, sed nondum distinctum. oportet igitur, qui non vult decipi, valde solertem esse, & exercitatum in noscendis coniunctis, quomodo se habent: & modis ratiocinandi: & quid per se vnum, & quid per accidens, & quid appareat. sed iam de ijs deceptionibus prosequamur, quæ sibi anima in somnis facit, nec non & in melancholijs, & phrenesi, & vino, & quibusdam alijs epotis, vt Hyoscyamo, & Solano, & eiusmodi alijs.

Per non causam, vt causam deceptionis.

Deceptiones cauere quomodo anima debeat.

**B** De somnijs autem acturi operæ precium putamus, vt prius de somno agamus, quid sit, & quomodo fiat. sed ne hoc quidem perquirere possumus, nisi prius de vigilia egerimus. quæ breui fient. vigilare autem tum dicitur animal, cum & sentit, & stat, & motus exercet voluntarios, quæ tum fieri solent, cum anima specie boni mota transmittit libere spiritus ad membra extrinseca, exercenda per sensum, & motum. primum igitur, quod requiritur, est species boni in anima interiori, quæ in actu sit, & diffunditur ab ipsa vsque ad membra exercenda. quæ re facta, & spiritus necessarij & seruiantes transmittuntur ad ea membra, & reguntur pro eo fine. Si igitur ipsa membra bene disposita sunt: si & viæ liberæ, & non impeditæ: si & spiritus apti: si & species mouens animam conueniens sit, tum fit membrorum exercitatio, & vigilæ opera. quod si in aliquo horum defectus fuerit, impediri finem accidit. si enim membra ipsa male effecta fuerint, vt stupefacta, aut resoluta, aut incisa, tunc nec stare, nec sensum obire, nec motus possunt. similiter, si & viæ aut oppilatæ nimium extiterint, aut ablata, idem sequitur. at vero, & si spiritus inepti sint, vt stupefacti, aut resoluti, aut aliter impedita, non obtinetur finis: maxime autem cum species boni, quæ mouere animam debet, impedimentum vllum receperit. multipliciter autem impediri solet. primum vel quod aliquod graue accidens illam opprimat, & prosternat. vt hypothyriæ, epilepsiæ, apoplexiæ, ecstasis, præfocationes, contusiones, timores magni, & id genus. vel quod & potest, & nullum graue accidens recepit, sed tantum quod sub labore quodam & certa molestia recipit exercere membra. vnde melius & suauius iudicat cessare, vel quod intēta ad aliquid, quo delectatur, obliuiscitur prioris intentionis exercendi membra. Tot igitur cum vigiliam impediunt,

De vigilia, & sono quid sint: & quæ nā vigiliā, varioq; sono nos inducāt: & de quibusdam miris, quæ dormientibus contingunt. Vigilare animal dicitur cum opera vitæ diffusis in membra spiritibus exercet.

vigiliā multa impediunt.

Sonus quid sit. C  
 impediunt, somnum quidem nō dicimus, cum propter defectum membrorum extrinsecorum animal nec potest stare, nec sentire, nec moveri. similiter. nec si viæ sint oppilatae atque infartæ, aut abscissæ, cum somnum non appellamus: si propter hoc animal sensum amittit, & stationem. sed neque, si spiritus ipsi sunt stupefacti, & immobiles: neque etiam, si graue aliquod accidens prostrauerit animam, & sensum, & omnem intentionem abstulerit, somnum vocamus. sed tum solum dormire animal dicitur, cum anima non omnino in alijs impedita, aut recipit sub labore quodam & displicentia exercitationem membrorum. vnde magis gratam, & suauem iudicat cessationem aut intenta ad aliquid, quo gaudet, & delectatur, obliuiscitur prioris intentionis exercendi membra. sub labore autem & displicentia recipit exercere membra, cum aut illa iam fatigata sunt, aut spiritus quodammodo fessi, & resoluti: aut cum sedes ipsius animæ interioris grauata est, hoc est nerui, & membranæ illic existentes: spiritus item pigri, torpidi, & viæ nō planæ, expeditæ. hæc enim cum concurrunt, tunc retrahitur anima ab exercitatione membrorum, & quiescere amat, & intentio cessat exercendi, spiritus non transmittuntur, et sic fit somnus. qui propterea placidus, et suauis dicitur, quod cessationem illam anima, vt gratū, recipit, contrarium autem, vt graue. hæc autem grauitas, et labor animæ maximæ accidit, cum euaporatione multa sursum lata nerui relaxantur, & opplentur: similiter et membranæ circa cerebra, et venæ. vnde et spiritus graues redduntur, et pigri. quare anima ipsa laborem quendam percipit in mouendo ipsos, in tendendo neruos, et membranas, quas tendi oportet in vigilia. hic autē molles sunt et graues. quibus de causis cessare ab opere suaue ab anima iudicatur. euaporatio autem vnde hæc accidunt, interdum à cibo, & potu fit, interdum à quibusdam epotis, quæ frigidissima sunt, & crassæ, & somnifera dicuntur. inter has vero euaporationes, & somnos, qui ab his fiunt, hoc interest, quod, quæ à cibo & potu fit, naturalis est, & finem habet in natura, quo animal restauretur à fatigatione in uigilia: qui vero ab epotis frigidis somnus fit, violentus est, & ad ægritudinem magis refertur. quare non naturalis dicitur. Naturalis quoque & ille somnus est, qui fatigatis multum membris, tametsi non cibum, & potum capiat animal, prostratum tamen somno capitur. habet enim finem in natura restauratio. Videtur igitur, quod somnus sit cessatio animæ interioris ab exercitatione membrorum in sensu & motu non per impotentiam, sed ob id solum facta, quod melius, & suauius iudicat cessare, quàm mouere. quod fit aut euaporatione multa grauante, & opplente sedem animæ: aut fatigatis membris, & spiritibus: aut facta obliuione prioris intentionis ex intentione in aliud, quod delectat.

Somnū q̄  
nā inducāt.

De duplici  
somno, naturali, & violento, & quales sint.

Collige sonni absolutam rationem.



**A** Stat. & hoc enim sæpe accidit, vt infantibus, quibus nutrices per cantilenas somnum inducunt.

Est igitur somnus alius simpliciter, & vniuersaliter vigiliæ oppositus, alius secundum quid, & in parte solû. simpliciter quidem, quo & sensus oēs, & motus voluntarij ligati sunt. secundum quid autē & in parte tantum, in quo vel non sensus omnes sunt ligati: vel sensus ipsi quidem ligati sunt, motus autem voluntarij non. nam, quoniam neq; idem spiritus, neque eadem viæ, neque eadem species sunt sensuum omnium, & motuum, fieri quidem potest, vt plures ligentur sensus, non tamen omnes: vel sensus quidem ligentur, motus autem voluntarij non. qua de causâ accidit sæpe, vt dormientibus nobis sensus quidem ligati sint, voluntarij autem motus non. si quidem & quidam dormientes surgunt tamen, & sese vestiunt: & nonnulli domo exeunt. facta enim phantasia surgendi, quanquam sopiti sint sensus, motus tamen illi fieri possunt, qui à phantasia dependent, quoniam non simpliciter dormiunt. interdum non omnes sensus dormiunt, sed aliqui tantum. propter quod somnus infantibus irrepit sensim ex cantilenis. intēta enim anima ad aures & cantum obliuiscitur oculorum, & cæterorum membrorum. vnde & spiritus, qui ad membra transmittēbantur recurrunt ad suum principium, quam cessationem recipit anima, vt suauem: & in oculis, & in alijs membris dormit, quamuis secūdam aures vigilet. verum & in his paulo post dormiet: percurrēte enim spiritu ad sedem animæ, & cum eo humore aliquo, grauatursensim ipsa, & quietem simpliciter amat: vnde simul etiam aurium obliuiscitur, ac dormit. similiter & pedum frictio solet somnum allicere eadem de causâ. idē facit & lectio, & auscultatio, & decubitus, & in vniuersum omnia, quæ leuem voluptatem in certis membris inducūt, multa vero si sit, vigiliam parit, quoniā attentionem poscit. oportet ergo, vt nō multa sit voluptas illa, & nulla alia sit species, quæ attrahere ad se animam possit, vnde somnus conciliatur. quo ingenio vtuntur medici ad ægros, qui dormire nō possunt, per cadentis guttē leuem, & placidum sonum. alij cunabula inuenere, alij pensiles lectulos, alij alia.

Sed iam de deceptionibus in somno factis agamus. est autem somniū vigilia interioris animæ, in somno cæterorum membrorum. nam & si sensus sopiti ipsi sunt, & motus cessant, uigilat tamen introrsum anima circa reseruatatas rerum species, quæ coram ipsa sunt: per quas & intelligit, & subnotiones, & alia operatur, quæ & in uigilia, uerum confuse admodum, & perturbate. vnde & sæpe decipitur. est autem prima deceptio, quod videmur res perinde facere, & videre, et audire, ac si ita omnino fierent, & præsentēs essent, qui non sunt. causâ autem est, quod species per

naturam .

Somnus duplex, simpliciter, & secundū qd: & quō hī fiāt.

Dormiētes cur aliqua nō nunq; vigilia opera exerceāt.

Pueri cur cantilenis ī somno intēdantur.

Somnū inducūt leues quēdam voluptates.

De Deceptionibus ī somno cōtigētibus, siue īsoniis, quid sint, & quibus ex causis fiāt. & de somniorum diuinatione. Somniū qd sit.

Somniorū gñalis, seu cōis causâ.

naturam suam operatur. natura autem earum est res ipsas repræsentare, C  
et coniuncta loca, scilicet formas, figuras, actiones, et alia. quare similiter  
et in somno repræsentat, uti in uigilia. eædem enim sunt species. in vigilia  
autem non accidit, ut decipiamur, quia sensus rem monstrat, aut ratio fa-  
cta. in somno autem sensus ligati sunt, nec possunt corrigere oblata, nec  
ratio in contrarium fit. quare relinquitur speciem ita res offerre, ac si fie-  
rent, et præsentessent.

**Familiaria**  
nobis, & no-  
tiora, & que  
per diem gessi-  
mus, per quod  
facile som-  
niamus.

**Variæ** homi-  
nis corporis di-  
positiones  
varia in ip-  
sis somnia  
inducunt.

**Pituita** exu-  
berans cur  
aqua, lotio-  
nes, narratio-  
nes, & dul-  
cia nonnunquam  
somnia. Chole-  
ra abun-  
dantes  
cur iurgia,  
rixas, inimi-  
citas, & bel-  
la somnia. Melan-  
cholia cur tri-  
stia, obse-  
ra, & fune-  
ra somnia. Sanguinei  
somnia ru-  
bra, & ignes  
cur videantur.

Specierum autem, quæ animam movent, illas prius mouere censendū  
est, quæ actu sunt magis. diximus autem actu magis esse illas, quæ recen-  
tes sunt, & quæ habitum fecerunt. quæ de causa maxime ea somnia-  
mus, quæ per diem egimus, et de nobis, et de maxime notis, et de ijs, qui-  
bus maxime intenti sumus. porro dispositiones quædam corporis non pa-  
rum facere videntur ad excitanda quædam somnia. ut sanguinis exube-  
rantia rubentia videri facit, ignesque, ac visiones, et eiusmodi. pituitæ vero  
redundantia aquas, lotiones, innatationes, potus, nauigationes, et id ge-  
nus. cholerae uero rixas, iurgia, inimicitias, bella, et similia. melancholiae  
vero tristitia, obscura, funera, et alia eiusmodi. propter quod et medici so-  
lent de somnijs interrogare. Quibus autem de causis istæ contingant, et  
quid faciant dispositiones illæ corporis, non ingratum fortasse arbitror, si  
perquiramus. In primis igitur videtur mihi exuberantibus hisce humo-  
ribus occultam quædam speciem in somno ad phantasiam ferri, ex qua D  
memoria excitatur quorundam coniunctorum: quemadmodum et in  
quibusdam alijs videmus fieri. ut dulci pituita ad linguam descendente  
dulcia somniamus. similiter et ventositate aliqua circa dentium radi-  
ces se commouente somniamus dentem cadere. quæ certe non alia de  
causa fiunt, nisi quod ex his occulta quædam sensatio in phantasia fit, cuius  
species memoriam similium excitat coniunctorum: in dulci quidem  
pituita memoria dulcium: in ventositate autem circa dentes casus den-  
tis. quoniam oblatis coniunctis semper illud magis mouet, quod maxi-  
mum est. talis autem est casus dentis. fit autem in phantasia latens illa sen-  
satio, quoniam non ita omnino sopitos esse sensus censendum est, ut ni-  
hil prorsus sentiant. eodem pacto et cholera exuberante accidit per cor-  
pus talia ferri, qualia et in ira: ut exarsio circa cor, aut tale aliquid, cuius  
species occulte lata ad phantasiam, memoriam consimilium facit. ita et  
melancholia redundans tristitiam quandam membrum ingerit, cuius me-  
moriam excitatur ad similia. quod & pituita facere solet. in sanguine autem  
quomodo fiat, dubitationem quædam habet. quoniam colorum species  
non uidetur ad phantasiam ferri nisi per sensus: quibus sopitis quomodo  
rubra uideri accidat, non satis apparet, quanquam sanguis exuberet. di-  
cendum



**A**ccidendum autem fortasse, quòd, sicut oculus suffusus felle alia facit videri eiusdem coloris, ita & dominante sanguine particula illa, quæ phantasia exercet, & qui in ea sunt spiritus, ceu suffusi rubro, memoriam rubrum excitare possunt: inter quæ ea, quæ actu sunt magis, sese magis offerunt, ignis, vestes, & similia. Præter has autè corporis dispositiones sunt & aliæ quædam, quæ solent nonnulla somnia frequenter inducere: vt ijs, qui in paupertate sunt, quòd semper vident sibi deesse aliquid, sæpissime etiam somniant de se ipsis, vt carentibus quibusdam: & in præsentia aliorum esse aut sine vestibus, aut sine calceis, aut ijsdem mutilatis, & similibus. Contra vero, quibus multa superabundant, somniant alijs dare, geminatas habere vestes, & eiusmodi. Qui vero valde ancipites, & pplexi sunt vel consiliorum, vel inquisitionum circa sciētias, ij sæpe somniare solent circuitu longo de domo in domum, de via in viam progredi, ac demum in angustijs quibusdam sese inuenire. Formidolosis certa fiūt somnia maxime sibi familiaria: certa auaris, certa amātibus: & nemo ferè hominum est, qui peculiaria quædam non faciat somnia propter peculiare corporis dispositionem.

Diuerse hominum affectiones, variiq; fortunæ casus diuersa somnia faciūt.

Sed iam illud inquiramus, cur in somno tam extranea, tam noua videat anima, vt omnibus manifestum est. in primis igitur supponendum est nobis, quòd, si recta fieri intellectio debet, sanam primum oportet esse partem illam, quæ intelligit: deinde & debitam esse applicationem, & intentionem animæ. tum oportet et medium ipsum, per quod species veniunt, et mouent, purum esse, & syncerum, non inquinatum, non perturbatum. dico autem medium spiritus ipsos, qui circa sedem animæ sunt, maxime in vocatis ventriculis cerebri: in quibus species sunt, & per quos mouent. porrò & species ipsas, quæ animam mouent, necesse est quietas esse, non tumultuarie agitas. postremo & easdem esse temperatas. si. n. excedant, perturbant animam. His ergo recte se habentibus recta etiam fieri intellectio potest rerum, & cōiunctorum. vbi vero hæc, aut omnia, aut quædam contrario modo se habent, tunc accidit & intellectionem varie impediri. quod maxime in somno euenit. primum enim applicatio animæ non satis firma, & constans est, tum quòd anima in somno quasi otium agens, & quiete congaudens omnem intentionem negligit, tum quòd partes, quæ applicari atque intendi debent, male dispositæ sunt. in intentione enim requiritur spirituum multorum vnio, & neruorum, & membranarum tensio, in somno autem spiritus pigri sunt, & graues: nerui laxi, & languidi: similiter & membranæ. quibus de causis anima non multam applicationem facit ad res, & rerum coniuncta, & ordines. præterea & medium ipsum, hoc est spiritus, impurum est, & permixtum ali-

Rectam intellectionem quæ habere appareat.

nis vaporibus, nec non & inquietum, & tumultuose agitaturn. quæ res C  
 facit, vt & species ipsæ, quæ in spiritibus sunt, simul etiã tumultuarie agã-  
 tur, & inordinate. ex quibus accidit & intellectiones, quæ in somno fiũt,  
 inordinatas plurimum esse, & valde extranea cõponi: qualia volare nos,  
 saltu lógo librari repẽte, & nos & alios videre mutatos in varias formas,  
 & modo aues factos, modo equos, modo alia. simul quoque accidit rerũ  
 ordines, loca, situs, genera multipliciter variari: maiora videri plurima  
 ex paruis & leuibz occasionibus: quorundam reminisci, quæ nunquam  
 in vigilia occurrissent, et ita de alijs multis. Permixtio igitur vaporũ po-  
 test in primis colores (vt dictum est) euariare: tum potest & species muta-  
 re, hebetare, crassas reddere: maiora facere, vt repræsentent: subnotiones  
 confundere: tum & figuras quasdam abscondere, quasdam mutare: mo-  
 tus vero & agitatio spirituum, & cum ijs specierum potest loca diuersa  
 offerre, applicationem tollere, coniunctorum multa interciperet, ordines  
 puertere, situs diuersos offerre. variatis autẽ locis, formis, figuris, similitu-  
 dinibus, ordine, numero, & alijs necesse est extranea multa cõponi. vola-  
 re, n. nos, accidit, vt appareat specie nostri continẽter locum mutante cũ  
 spiritibus, in qbus sunt species, ac nos repente continenter moueri ex me-  
 moria subita aut volãdi, aut saliendi, aut quid taliũ aliquid faciendi. por-  
 rò accidit modo subiecta, modo prædicata rerum cõplexarũ repente mu-  
 tari: vt appareat nobis repente nos vel aues factos, vel equos, vel alia, si D  
 subiecta mutantur remanentibus prædicatis. quòd si remanentibus sub-  
 iectis videantur prædicata mutari, videmur, aut de vestitis nudos fieri,  
 aut de albis nigros, de sedentibus currentes: de vno loco, & societate in  
 alijs esse. Ex paruis autem occasionibus magna quẽdam videri accidit: vt  
 tonitrua ex paruo circa aures sono, & in ephialte dæmones, & è parua  
 ventositate circa dentes, ipsos cadere, & eiusmodi alia. quia facta recorda-  
 tione coniunctorum semper id primo occurrit, quod maximum est in  
 vno quoque genere. porrò obliuio multorum coniunctorum sæpe fit in  
 somno, tum propter momẽtaneam applicationem animæ, tum quod or-  
 dines accidit variari. propter quod & ipsorum somniorum sapissime nõ  
 recordamur. euolant enim ex anima, nisi de ijs fuerint, quæ fortem atten-  
 tionem ad se trahunt: qualia sunt, quæ per timorem, & admirationem, et  
 voluptatem magnam peruidemus in somno. Occurrunt autem remini-  
 scentix quorundam, quæ nunquam in vigilia forte occurrissent, quoniã  
 in ijs extraneis, & nouis offeruntur & nouæ quẽdam similitudines, quæ  
 memoriam excitent quorundam pene oblitorum. atque hæc pro tempo-  
 re satis sint, cur in somnis tam mira, tam extranea videantur. Nunc con-  
 sequens esse videtur, vt & illud quæramus, vtrum ulla sint somnia, p quæ  
 diuinare

Quo vola-  
re nos appa-  
reat in som-  
nis.

Somniorũ,  
cur in vigi-  
lia non faci-  
le recorde-  
mur.

Diuinare p  
somnia nõ  
nunq rone  
fieri his exẽ-  
plis nõscas.



**A** diuinare cōtingat (vt sæpe videmus accidere) & quæ facta sunt, & quæ futura, pernosci, quorum nullam cognitionem tenemus. è quibus ego nūc duo cōmemorabo, quæ duobus nostris amicissimis contingere, mirā quidem, & quæ quo pacto facta fuerint, non ingrātū arbitror vobis futurū, si pquiramus. Noscimus oēs *M. ANTONIVM FLAMINIVM* sanctissimū quidem virum, & vtriusque linguæ doctissimū. is cū Genuæ esset apud Saulos magnificos, nec satis valeret, animi gratia mutuo acceperat librum quēdam maternæ linguæ: quem cum dies aliquot legisset, non adhibita multa cura reliquit super lectulo quodam. mox, cum repeteretur liber ab eo, qui mutuo dederat, quæsitus multum fuit, nunq̃ autē inuentus. quod cum satis moleste Flaminius ferret amici causā, cui mutuum non poterat reddere, per somnium tandem inuenit hoc pacto. Vi debatur sibi quēdam è domesticis ancillis librum tollere è lectulo illo, in quo ipse librū reliquerat. quē cum vellet puella in mensam quandā trāfferre, cecidisse aiebat vidisse librum fracta altera è duabus tabulis, quibus contegebatur. quod perspiciebat ancilla, trepide librum abscondisse occulto quodam in loco videbatur. somnio habito cum ipsum mane Flaminius vulgasset, placuit librum inquirere: qui illic inuentus fuit, vbi in somno viderat abscondisse illum puellam, fracta etiam tabula, vti viderat. ergo interrogata puella, vnde librum sustulisset, & quomodo fracta fuisset

**B** tabula, & cur abscondisset, omnia eodem ordine narrauit, quo Flaminius in somnis viderat. Alterū somniū memini recitasse *PFTRVM BEMBMVM*, quē noscimus, & ipsum virū probū, & vtriusque linguæ eruditissimū, qui nuper ob insignes virtutes Cardinalis est factus. Is anis ante multis forte litem habebat cum, nescio, quo. cum vero dies instaret, quo à iudice sententia promulgari debebat, pridie illius diei dicebat matrem enixe ipsum rogasse, ne sequenti die in iudicium ascēderet: somniasse enim se illum vidisse vulneratum à reo in digito minimo sinistræ manus. de quo somnio cum ipse consolatus matrem fuisset, dixissetq̃; fallacia esse somnia, in iudicium processit. vbi post multam altercationem ambo cum à iudice etiam tum altercātes recessissent, reum dicebat educto gladio percussisse ipsum eodem in digito minimo, qui à matre fuerat demonstratus. mira profecto sunt eiusmodi somnia: qualia etiam multa alia tum legimus, tum & audiuius à fide dignis. quam autem causam habere possint, non satis facile est assignare. nam, quod casu (vt quidam putant) hæc fiant, supra verisimilitudinem videtur. nam certe quædam mira etiam fieri casu quodam nec nos negamus: immo necessarium putamus tot hominibus, tot, & tanta somniantibus, conuenire quædam cū rebus: sed, quæ adeo miranda sunt, tanto ordine facta, tot concurrenti-

Reuerendissimi Cardinalis Petri Bembi in-somnium.

Soniorū ali  
qua, q̄ mira  
vīr ad oc-  
cultos quos  
dā humane  
mentis dif-  
cursus redu-  
cere p̄stat:  
alia ad Deū  
vel dæmo-  
nes, vel ad  
calum.

bus, quod casu fiant, non possum existimare. Verum, si casu non fiunt, **C**  
quam nam causam habere per se possunt? oportet enim, si casu non sunt,  
per se fieri. at intellectiones, quæ in nobis habentur, rebus conuenientes  
illæ tantum sunt, quæ à sensibus originem, vel à discursu hominis ducūt,  
ad sensum autem reduci non possunt, quæ dicta sunt, ad discursum autē  
difficile est videre, quomodo possint. Verum enim uero, nisi fallor, nihil  
fortasse prohibet, si dicamus hæc somnia ad discursum reduci posse. nam  
**B E M B I** mater & prudēs, & anxia potuit in somno præ timore somnias-  
se, quæ timenda sunt: inter quæ coniuncta cum litibus sunt iurgia, & al-  
tercationes: cum his autem rixæ: & cum his arma, & vulnera. quare om-  
nia hæc in filio timenda oblata sunt perinde, ac si fierent: vt diximus na-  
turam specierum esse. quare & vulnerari ipsum vidit. magis autē in fini-  
stra manu, quoniam naturale est cuique brachium præcipue finistrum  
ad defensam gladio offerre. Somniavit igitur, quod rationaliter pote-  
rat euenire, & quod in vigilia ēt præuidere facillime potuisset. Similiter  
autem & **F L A M I N I I** somnium ad discursum quendam reduci posse  
videtur. anxius enim de libro potuit in somno perquirere, quisnam sustu-  
li sset è lectulo: inter quos occurrit domestica illa puella. rursus vero quæ  
rente illo, cur non manifestauerit, occurrit, quod forte sinistri aliquid cō-  
tigisset libro. porro & ad hæc inquirenti, quid sinistri potuit accidisse, oc-  
currit casus libri, & fractio tabulæ. coniuncta enim hæc sunt. at quod con- **D**  
iunctum & consequens fuit occultatio libri, & demum & locus, in quo  
occultauit. hic ergo discursus & per se, & rationalis fuit: quod vero ita ac-  
ciderit, quod cum re conuenerit somnium, casu certe fuit. quare partim  
ad discursum, partim ad casum reduci potest: & talia pfecto multa sunt  
eorum somniorum, quæ nobis tam mira videntur. siqua vero sunt, quæ  
ad confimiles causas nullo pacto reduci possint, vt certe plurima sunt tū  
præteritorum, tum & futurorum, & eorum, quæ lōginqua sunt à cogni-  
tione nostra, hæc certe, aut ad casum, aut ad Deum, vel etiam ad dæmo-  
nes sunt referenda. quapropter, vt tandem in vniuersum dicamus, omnia  
ea somnia, quæ miranda vidētur, & habere significationis aliquid, omnia  
vel casu fiunt, vel ad certos occultos discursus reducuntur, vel ad corpo-  
ris dispositiones, uel ad intellectum aliquem separatum à materia, qui &  
præterita, & futura cognoscēs nobis quædam immittat somnia. ac de de-  
ceptionibus, quæ sibi anima in somnis facit, ita per transcursum determi-  
natum sit.

De Dece-  
ptionibus,  
& errorib⁹,  
qui contin-  
gere hoib⁹  
solēt, vino,  
seu alio ali-  
quo

Non est autem longe dissimilis causa ea, quæ in somno deceptiones  
facit, & quæ in vino, & febribus, & phrenesi, & epotis quibusdam alijs.  
omnia enim hæc tum perturbatam, & inquietam, tum inquinatam face-  
re solent



**A**re solent animæ sedem. vinum siquidem, sicuti oculos, & visum facere obliquum potest, & perturbare, ita potest & phantasiam, & intellectum spiritu inordinate commoto. spirituosum enim vinum, & multam exhalationem excitat, quam regere uis cognoscitiua nō potest. propter quod ebrij & multa dicunt, & incompressa, propter agitationem spiritus, in quo sunt species. in febribus quoque, & phrenesi eadem solent accidere, & eadem de causa. quanquam in his dubitationem quandam habet, quo modo fiat, ut vigilantes ipsi, & videntes, quædam tamen se videre dicāt, quæ non sunt, clamentq; sæpe & lupos, & canes auferri debere, quos coram habere autumant. cum igitur ita non sit, quomodo species eorum, quæ non sunt, mouere illos potest? est autem & dubitatio eadem circa timorem, & ecstasim. multi enim præ timore sese quædam videre existimant, quæ nullo pacto vident, sani alioquin & mente, & videndi facultate. nisi quantum illos perturbat timor. similiter & ecstatici se habent.

Ergo in febribus, & phrenesi duo sunt, quæ principium fallendi præbent: alterum est corrupta ratio, alterum est occasio aliqua, dico autem occasionem, ut aulæ depicta ante oculos, & parietes depictos, aut varie figuratos: vapores item in oculis existentes, aut circa phantasie sedem, & alia eiusmodi, quæ apparentiam aliquam possint offerre. facit igitur corrupta ratio, ut contra falsam apparentiam ratio nulla opponatur. ex quo

**B**fit, ut occasio, quæ apparentiam facit aut canum, aut luporum, facillime decipiat, quoniam ita videre existimant, similitudinem præbente figura aliqua, aut vaporibus, qui in oculis sunt. Quod autem, qui circa oculos vapores sunt, figuras varias offerre consueuerint, manifestum est in nocte, non potentibus nobis dormire. nam inuitis nobis, & scientibus aliter esse, variæ nihilominus figuræ ob oculos obuerfantur. quod vero, & qui circa phantasiam vapores sunt, possint figuras extraneas offerre, dictum est in deceptionibus somni. signum autem, quod ex eiusmodi occasionibus, & apparentijs hæc contingant, illud monstrat, quod sæpe ad moniti, & aduertentes non amplius credunt multi. In timore autem admiranda etiamnum magis est causa, quia & sani mente, et visu, videre tamen putant, quæ nō sunt: alij simulachra mortuorum, alij demones, alij inimicos, alij alia. Principium autem horum omnium est species rei formidabilis: qualis imago noctis, & solitudinis, & sepulchrorum, quæ quilibet vel leui occasione illata phantasiam tam intente mouet, ut apparentiam aliquam faciat adeo actu, ut veluti præsens accipiat. fixa enim omnis imaginatio speciem ita intendit, & distendit, ut in oculis etiam sit. quam ob rem ita repræsentat, ac si extrorsum in oculos peruenisset. ad apparentiam enim faciendam nihil refert, utrum species extrinsecus veniat

quo humore epotis, ac febre, phrenesi, & ecstasi laborantibus.

Vinū sicut oculos, & visum perturbare potest, ita & phantasiam.

Febrem, & phrenesim patientes per quas causas decipiuntur, & mira quædam faciunt, & dicant.

ad oculum, an intrinsicus. omnino enim pro natura representat. quare ea videre se se putant, quorum imaginationem fecere. C

Ecstasim patientes vel propter melancholiam, vel propter nimiam illorum fidem, seu sanctorum moniam cur deos, & angelorum choros se aspicere putent.

Diuerforū potionēs q̄ ex cā delirare nos faciunt.

Idem patiuntur & ecstatici. nam & ipsi facta fixa imaginatione sese videre existimant & Deos, & angelorum choros, & similia. fixam autem imaginationem facit vel melancholia, vel fides multa & sanctitas. est autem o amici, incredibilis specierum uis in mouendo animam, animæ vero in mouendo corpus per ipsas species. ut quasi audeam dicere, posse hominem super aquis incedere, si ingenti quadam phantasia, & specie ageretur. cuius rei tenue quoddam signum præbet voluntas, quæ hominem à terra tollit saltu, & librat per certum tempus, nullo alio tantū pondus ferente, quàm specie. longe autem maior est vis earum specierum, quæ à natura sunt, q̄, quæ à voluntate. Eorum vero, quæ epota delirare solent nos facere, ut Hyoscyamus, & Solanum, quod Maniacum vocant, & Lolum, & alia multa, eadem causa est, quæ & vini, & febrium. omnia enim vaporosa sunt, atq; insuper potentia frigida, & crassorum vaporum. quare ad animæ sedem perlata medium crassissimum reddunt, tum & impurum, ac torpidum. unde & rationi multipliciter possunt obesse. res enim maiores primum faciunt, quàm sint, videri interdum & duplices. propter quod non sine risu est videre quosdam, qui Hyoscyamum hausere. paleam enim iacentes, lanceam sibi iacere videntur, & si passum pedalem fecerint, perticam æquasse existimant. sicut igitur per aquam, & crystallum maiora videntur omnia, idem fit, & si introrsum medium & species crassiores reddantur. D

De infania, & amentia, & melancholico humore, variisq; insanorum speciebus: quo item modo certo humore melancholico sapientes, & excellentes viri fiunt. Infania quod sit, ex ipsius sapientie ratione sumendum est. Infani prorsus non sunt ebrii, pueri ac dormientes.

Ad hæc autem & de infania, & amentia, & vocata melancholia morbo, quo tantum deliramus, nunc est agendum. primum autem determinandum, quot modis insanum consueuimus appellare. non enim dicitur vno modo: ne forte lateat nos, quo pacto sapientem, & insipientem, atq; insanum appellemus. Ergo de his fortasse eadem dicenda sunt, quæ de sanitate reliqua, & opposita illi ægritudine dici consueuere. nam & infania ægritudo quædam est circa intellectum. sapientia vero sanitas videtur. igitur sapientia potentia quædam bene operandi circa intellectum, infania vero impotentia. at vero pueros, quanquam non possint recte operari, insanos tamen non vocamus: nec similiter valde senes, quoniam vtriusque ætas indebita est. his quidem enim præterijt, illis nondum accessit. porro neq; dormientes, quanquam falsa concipiant, insanos appellamus, quoniam tempus indebitum est. similiter neque ebrios, neque, qui ebibent Hyoscyamum, insanos nuncupamus. ob id, quod vitium per se non est in intellectu, neq; causa confirmata est, sed momentanea, & veluti oculus velo impeditus, quod paulo post amouebitur. quam ob rem sanus me



**A** te is erit, qui ætate debita, & tempore debito, per se, non momentaneam & fugacem potentiam habeat bene operandi circa intellectum: infanus vero, qui ætate debita, & tempore debito, per se, non momentaneam & fugacem, sed confirmatam impotentiam habet bene operandi circa intellectum. Quoniam autem bene operari contingit aut in omnibus, aut in pluribus: & his vel manifestissimis, & facillimis, vel difficillimis, vel medijs: & hoc, vel semper, vel ut plurimum, vel ut nunc, manifestum, & simpliciter sanus mente ille erit, qui in omnibus, vel pluribus, & difficultibus, semper, vel ut plurimum bene operari potest circa intellectum. si vero non ut plurimum possit, sed aut raro, aut medio tempore, non simpliciter talis dicitur, sed vel ut nunc talis, vel neuter. similiter nec, qui aut semper, aut ut plurimum bene operatur, sed in facilibus tantum & manifestis, vel medijs potest, simpliciter talis erit, sed secundum quid tantum, aut neuter. simpliciter vero infanus is dicatur, qui aut in omnibus, aut pluribus: & his, vel etiam leuibus, & facillimis male operatur semper, aut ut plurimum. Qui vero ita se habet, sed raro, aut medio tempore, is infanus ut nunc dicitur, aut neuter.

Infan<sup>9</sup> simpliciter q<sup>s</sup> dicitur, & quando.

De ijs igitur, qui secundum quid sunt infani, & de somnijs, & vino, & phrenesi, & epotis dictū iam est: de stolidis autem, & fatuis, & qui à natiuitate sunt tales propter defectum organi, nihil nobis dicendum est. De melancholicis autem, bene erit, ut prosequamur, de quibus valde mirandum est, quo pacto ab eo humore adeo infani fiāt, alij semper, alij ut plurimū, alij certo tempore. Melancholicos autem vocamus, quos exuberantia, vel prauitas melancholiæ ita male habet, ut inde insaniant vel in omnibus, vel in pluribus, & ijs facillimis, & manifestis: siue ad rectam voluntatem, & electionē pertineant, siue ad intellectus operationes. quippe omnes, quos male habet hic humor, et tristes in primis sunt, & solitarij: & horum alij formidolosi omnium, alij quorundam: alij inuerecundi, & pertinaces: alij phantasias sibi quasdam faciunt, quæ neque sunt, neque esse possunt: hi quidem putantes habere cornua, illi vitreum nasum, aut manus: alij se esse mortuos, alij aues factos, et infinita eiusmodi. quorum omnium causæ sunt inquirendæ, quantum datur. Ergo tristes in primis sunt, quoniam dispositionem habent omnino lætitiæ contrariam. nam, quæ ad lætitiā maxime inclinat dispositio, illa est, quæ maxime sensus bene afficit, & qua maxime bene habent, & gaudent. tales autem sunt, cum si nem adipisci suum possunt, qui est delectari, et bene posse operari. operatur autem anima per calidum, et in calido bene habet. per ipsum enim consistit, et conseruatur, et potest. Igitur, qui calidi natura sunt, ij dispositi sunt ad lætitiā. verum cum calore illo nihil acre, nihil austerū oportet

Melancholici, qui nā vocētur, & illorū varieg species.

tet esse coniunctum . qua de causa humidum maxime convenit cum eo C  
 calore , qui ad lætitiā inclināt : qualis in summa est natura sanguinis :  
 qui vero multum habet aut cholera , aut melancholia , indispositus est  
 ad lætitiā . cholera quidem , etsi calida est , acris tamen est , et indignatio  
 nis plena : melancholia vero tum austera est , tum & frigida . quare maxi-  
 me contraria est lætitiæ . propter quod melancholicorum pars maxime  
 tristes sunt , & omnia ferè per displicentiam recipiunt . eadem de causa &  
 solitarij sunt , & cōsortia fugiunt . in his enim & ridere oportet , & loqui ,  
 & respondere , & advertere . ipsi autem mœrorem nutrire amant , & tace-  
 re , & certa quædam cogitare . quare solitariam vitam quærunt . formido-  
 losi præterea sunt , non propter causam , quam medicorum quidam addu-  
 cere solent , quòd tenebras introrsum habent . propter quod , sicuti timor  
 in exterioribus tenebris fit , ita & in interioribus accidit . causa quidè hæc  
 non adduci potest . primum , quia melancholici non decipiuntur in colo-  
 ribus , sed alba iudicant alba , rubra rubra . deinde quia non est simile , qd  
 adducunt in exemplo de exterioribus tenebris . in ijs enim timor fit , vt in  
 nocte , quia species illa & in se , & in coniunctis omnino , vt ignota , offer-  
 tur . terreri autem solet anima , quoties aliquid , vt omnino ignotum , of-  
 fertur : præsertim cum in coniunctis imaginatio fit aliqua esse posse con-  
 traria , vt accidit in specie noctis . melancholici vero propter hanc causam  
 non possunt terreri , quia nihil propter hoc recipiunt , vt omnino ignotū . D  
 cuius signum est , quòd melancholicorum multi per solitudines , & per  
 noctem libentissime pergunt . causa igitur , vt mihi videtur , inde potius  
 credenda est accidere , quòd melancholici frigidi sunt magna ex parte , &  
 hi præcipue formidolosi sunt . nam , qui furentes sunt , etiam omnium au-  
 dacissimi visuntur . quod etiam signū esse potest interiores tenebras non  
 esse causam formidinis eius : nam & furentes tales quoq; essent . non oēs  
 igit̃ melancholici timidi sunt , sed solū , quibus frigida accessit melanco-  
 lia . Quòd vero frigiditas timorem pariat , indicant senes , & mulieres , &  
 eunuchi , & complexiones . Nunc vero dicamus , cur etiam adeo delirēt .  
 Fortasse igitur & in melancholia eadem censenda est esse causa , quæ &  
 in vino , & in febribus . quoniam enim maxime spirituosā est melanco-  
 lia , sicut & vinum , inde fit , ut eadem possit efficere , quæ & vinum . pro-  
 pter quod aptissime illam vino Aristoteles comparavit . vtrunque enim  
 in quantacunque quantitate multū habet crassæ corpulentia . propter  
 quod euaporatio , quæ inde fit , semper habet , unde perseveret non supera-  
 ta . & hac de causa vinū maxime inebriat , aqua aut̃ , & lac non , quia , quod  
 ex ijs euaporat , aerēū est , et superabile . igitur et melancholia , vbi euapo-  
 rans sedem mentis occupavit , siquidem multa repente irruat , nec quam  
 calor

Cur melan-  
cholici sint  
formidolo-  
si , qdā cau-  
sam non ve-  
ram addu-  
cunt.

Melancho-  
lici nō oēs  
timidi sūt,  
sed quibus  
frigida me-  
lancholia ac-  
cessit.

Propter qd  
aqua , & lac  
nō inebriet  
sicut vinū.



**A** calor naturalis regere possit, tum quidem funditus iudicium tollit, & casus fit, & vocata epilepsia. si vero non repente multa incidat, sed tamen tanta, quæ perturbare spiritus possit, & inquietos facere, atque inquinare, tum multipliciter offendere rationem potest, nam & applicatio animæ in multis impeditur, & coniunctorum plurima deperduntur: figuræ mutantur, & similitudines, & loca, et ordines (vt dictum est) ppter quod nec recte iudicant melancholici, nec recte interrogant, nec interrogati recte respondent, sed de uno genere in aliud transeunt: inquieti præterea non mente solum sunt, & corpore, propter continuam nouorum oblationem. omnia enim ferè sub displicentia recipiunt, & loca, & personas, & actiones. quare ad noua vertuntur. componunt autem, et quæ nõ sunt, quoniam propter celeritatem motionum, apparentiã omnem recipiunt. apparent autem multa extranea variatis similitudinibus, & figuris, & rerum ordine, & coniunctis. suspiciosi præterea sunt propter timiditatem, & obliquum discursum. vnde semper imaginantur sibi tedi infidias. maxime vero circa electionem, faciendã; & non facienda falluntur, quoniam duobus concurrentibus ad rectam electionem faciendam, altero quidem vniuersali propositione, in qua consistit iustum, honestum, & vtile, altero vero re oblata, fit quidem, vt aut obliuiscantur vniuersalis propositionis, aut, et si nõ sint obliti, non tamen pareant, sensu, & corrupta phantasia aliter dictante. quare nullo habito loci, temporis, & personarum respectu inuerecundi aut in templis clamant, aut nudi incedunt, aut suppellectiles projiciunt, & id genus. Refert præterea plurimum, qua quisque melancholia teneatur. hunc enim feruens et accensa agit, illum tristis, & frigus occupat. quare hi tristes, solitarij, timidi, sine spe incedunt: illi furentes minantur, feriunt. exardet enim in ijs cor, & cerebrũ: & omnia sub specie iniuriæ recipiunt.

Cur melancholici sint inquieti.

Melancholici suspiciosi sunt.

Non vnus est generis melancholia.

Thelamonius Ajax

Arma rapit, superosq; furens in prælia poscit.

Iamq; hominum hos nunc insequitur, nunc percutit illos.

At tacitus mœrensq; hominum consortia vitans

Bellerophon solos errat male sanus in agros:

Bellerophon, quem Martis honos, quem gloria currum

Per deserta fugit, nec amor comitatur equorum.

Quas ob causas & non nulli sibi sæpe mortem consciuere tædio vitæ affecti, alij propter furorem, alij propter tristitiã & timorem omnia desperantes. est autem misera atque infœlix omnibus vita, quoniam in primis dormire non possunt propter siccitatem humoris eius, à quo & cerebrũ exiccatur, & nerui, & membrana ita, vt ne lentescere possint, & laxari,

Quas ob causas melancholici tædio vitæ sæpenumero affecti mortem sibi cõsciuerint.

*Fracastorij.*

DDD

que

quæ necessaria sunt in somno. adde, quòd & propter timorem continuū. **C** aut furorem semper præsentem corā anima habent certā speciem, in quā vel inuiti semper intenti sunt, nec obliuisci possunt. vnde, etsi cupiat dormire anima, non tamen potest, atque ita exiccatio continenter maior, & maior fit. ergo die noctuq; ea perpetua molestia, & miseria affecti vitam odere: qua tandem carituri sese aut præcipitant, aut interficiūt, aut aliud quid tale committunt. Sed illud dignum inquisitione videtur, quo pacto fiat, vt sensu aliter etiam dictante adeo aperte falsa recipiant: vt habere cornua, nasum vitreum, esse mortuos, esse aues, & similia. Horum igitur in vniuersum tres causæ sunt, vna est obliquus discursus, alia est corporis dispositio, tertia est occasio aliqua ita imaginandi. voco autem occasionem, sibilare aures, pondus aliquod percipere, obtuse videre, & vniuersaliter apparentias sensuum. Dispositionem vero corporis voco irā, timorem, tristitiam, desperationem, & eiusmodi affectus. ergo sæpe ex occasione aliqua vel leui accidit ijs apparentia aliqua, quam corporis dispositio adauget, ratio vero obliqua aut non dissuadet, aut magis cōfirmat. quare apparētia illa recipitur vti vera. vera enim diximus ea videri, quibus nec sensus, nec ratio contrarium offert. percepto igitur, verbi gratia, pondere aliquo supra caput, quæret melācholicus, quidnam sit. si igitur forte somniauit se habere cornua, aut obliqua ratio ita persuaserit, tū pertinaciter censebit se habere cornua: & sibilantibus auribus cōceptum **D** faciet de tibicinibus in scena, & ita credet: adeo refert non constare mentem. maxime autem in omnibus dispositio corporis facit, vt diximus de timore. qualis autem in vnoquoq; sit & dispositio, & occasio, et obliquitas rationis, & quomodo apparentias recipiat, quæ ita videri faciant, sigillatim quidem impossibile est scire, & parum prudentis inquirere. atque hoc pacto de melancholia, quomodo deceptiones, & insaniam faciat, satis pro tempore dictum sit.

Melancholia quō sæpenumero sapientes & excellentes viros reddere soleat.

De eadem vero, quomodo & sapientes, & excellentes viros facere cōsueuerit, nunc est perquirendum. Constat enim, quotquot summos fuisse viros accepimus siue in artibus, siue disciplinis, siue circa imperatoriam, siue circa Reip. administrationem, omnes ferè melācholicos etiam fuisse: non quidem eo morbo affectos, sed humore illo præditos. indicat hoc & pueri, & nationes. puerorum enim quicumque hac natura tenentur, omnes maxime vegetam mentem habent. è nationibus maxime tales sunt Græci, & Itali, & Hispani. atque hi quidem & sciētiji, & artibus, & imperatoria, & reipublicæ administratione reliquis præstitisse magna ex parte videntur. cur autem ita eueniat, considerandum. Quoniam igitur ad hæc bene obeūda perspicaces in primis oportet eos esse, qui ad hæc

Excellentes viros, & ingenio perspicaces, ad sciētias,

sunt



**A** sint nati, at verò & robore quodam corporearum uirtutum pollere, ne in obeundis muneribus dissoluantur, & deficiant, manifestum. quòd si perspicaces ingenio esse debent, operationes illas intellectus obire posse excellenter necesse est. dico autem & simplicia primum, ac sensibilia recte apprehendere, & seruare: tum & in subnotationibus prompte atque ordinate se habere, coniuncta perpendere, & distinguere: deinde & recte componere nò publica solum, sed & abdita magis: imaginariq; optime, & iudicare: tum vero & abstrahere, & vniuersalia facere, & memorari: ad hæc autem & probe, & subtiliter ratiocinari, & distinguere, quid verum, quid falsum, quid probabile, quid necessarium, quid per se: tum & altissimas causas posse perquirere, & obseruare. ad hæc vero recte, & magnifice obeunda & organū in primis, ubi sedes est intellectus, bene dispositum esse oportet, & particulam ipsam, quæ intelligit, nec non, & medium ipsum, per quod feruntur species, & in quo sunt. organum igitur erit amplum, & bene capax, & potens. paruum enim, & angustum condensos spiritus habet, & inquietos. particula vero, quæ intelligit, calorem habebit multum, sed naturalem, non extraneum: tum & sincera erit, bene purgata, tenuis, non pinguis & oppleta. spiritus vero, qui medium dicuntur, multos esse oportet, sed naturales, non turbidos, non agitados. præter hæc autem requiritur et applicatio naturaliter prompta, et intenta, non distracta. atque hæc ferè sunt, quæ habere illum oportet, qui à natura perspicax ingenio esse debet. nam, quæ à fortuna datur, vt educationes, præceptores, & alia còmoda, communia esse possunt. Hæc autem omnia, si recte consideremus, natura melancholiæ maxime præstare potest. nam, quibus vocati phlegmatis abundat plurimum, ijs friget mens, ac torpet: medium ipsum inquinatum est, particula vero cognoscitiua pinguis: quare & pinguis est illis (vt dicitur) Minerva. Qui vero calidi sunt & humidi, vt, quibus abundat sanguis, hi quidem ad societates, & vitæ trāquilatatem valde idonei sunt, et amabiles, et grati: neq; certe hebetes, vt prædicti, verum ad ingenij excellētias non magnopere apti sunt. partim ergo distrahuntur à sensibus, ad quorum voluptates sunt nati, et propensius partim studij, et eius persistentię, quæ ad cogitationes requiritur, patientes non sunt: fortasse autem & ijs cerebrum subpingue est, ppter humiditatem. Qui vero cholericici dicuntur, calidi quidem et sicci, ipsi quidem propter siccitatem aptiores ingenio sunt, sed & hi plurimum sunt impatientes contemplationum: quippe qui celeres motibus sunt, et ad multa statim feruntur, multorum ardeliones. quapropter et horum ingenia fallacia sepissime sunt. adde, quòd et facile resolubiles sunt virtutibus corporis propter subtilitatem sanguinis, et spirituum. at vero melanco-

entias, & ad honores idoneos quælis dispōnis esse oportet.

Particula, q̄ intelligit, q̄lis esse debeat.

Rudes homines cuius dispositiōis sint.

Affabiles viri cuius sint dispositiōis.

Cholericici pollēt ingenio, sed cōtemplationū impatiēter.

Melancholia varie affecti ad diuersa sunt inclinati.

Temperata melancholia valet plurimum ad vires corporis, & ingenii.

lici prædicta omnia melius præstare possunt, non autem omnes. non enim eadem est in omnibus mensura, et conditio melancholiæ, neque vno etiã modo melancholicos dicimus. quandoque enim melancholicos appellamus, quibus membra ipsa talia sunt, hoc est frigida, et sicca. quandoque vero, quibus sanguis multus est, crassus autem et siccus, qui igitur membris melancholici sunt, ij ad nihil pene vtilis sunt, neque ad ea, quæ sunt corporis, neque, quæ sunt ingenij munia: sed timidi, et segnes, et ingenio duri. qui vero abundantia crassioris sanguinis melancholici dicuntur, hi et ad animi, et corporis excellentias sunt nati. sed neque hi etiam omnes, quoniam non omnibus inest ea natura melancholiæ, quæ solet excellentes facere. siquidem humor hic et calidissimus, et frigidissimus potest accidere: potest et temperatior. refert etiam non parum, multusne, an paruus accesserit, et magis, et minus crassus. Quibus igitur plurimus ille accessit, si et crassus etiam fuerit, atque ardens, et accensus, hi furentes euadunt: tristes vero, solitarij, formidolosi, segnes, amentesque, quibus plurimus, et feculentus, et frigenis aduenit, at, quos temperatior in omnibus habet melancholia, hi et ad animi excellentias et corporis bene nati sunt. in primis enim multum caloris habent, et spiritus, quoniam spirituosissima est, (vt diximus) melancholia: tum vero et fortes sunt, et constantes, et non resolubiles propter densitatem. at vero organum habere amplum intellectus possunt, quoniam calor est ipsis multus. multus autem calor amplum sibi locum facit. porro particula ipsa cognoscitiua, ac medium ipsum purgata sunt, non pingua, non lutulenta, quoniam siccitas lentorem tollit. multus item calor bene concoquit, et superflua expellit. quare omnia bene purgata sunt. multus item potens etiam est. vnde omnem evaporationem regit, nec quicquam finit tumultuarie agi. vnde constant omnia, vt par est. applicatio quoque animæ tum ad multa esse potest, tum et valde intenta, quoniam potens est obire, et in ijs, quæ consequi possumus, delectari etiam solemus. ad hæc et perdurare possunt isti, quoniam robur in materia densiore est. segnes porro non sunt propter caliditatem. neque a sensibus distrahuntur, aut longe minus, quam sanguinei, quoniam ad sensuum oblectamenta minus dispositi sunt, magis autem ad intellectum. accedit quoque, quod et corporis viribus etiam pollent, tum et animi magnitudine quadam. vnde et magnorum gloria accensi magna etiam audent, quod se posse obire cognoscunt. quæ omnia vbi in aliquo cõiuncta fuerint, quis dubitet, siue ille artes calluerit, siue disciplinas: siue imperatoriam gesserit, aut Remp. administrauerit, longe alijs præstatiorem fore?

Habent autem, quæ dicta sunt, dubitationem quandã propter ea, quæ

Aristoteles



**A** Aristoteles reliquit in ijs, quæ de animalibus. sanguinem enim dicit aliū subtilem esse, alium crassum: vtrunque autem aut calidum, aut frigidū. ad vires igitur corporis valere sanguinem crassum, et calidum, ad ingenium autem subtilem: et subtili vero, qui etiam calidus est, tum ingenio, tum et corporis viribus conducere. quæ ijs videntur aduersari, quæ dicta sunt, crassus enim, et non subtilis videtur melancholicorum sanguis. ad quod dicendum (vt arbitror) comparare illic Aristotelem animalia inter se, non homines inter animalia. siquidem homo proprie sanguinem subtilem habet et calidum. quare et ingenio, et viribus corporis valet. aliorum vero quædam crassum habent, et calidum: vt tauri, qui et corporis viribus pollent, alia subtilem, et frigidum. Inter homines vero eadem ratio nō est, vt, quibus sanguis subtilis est, et calidus, ingenio, et viribus præstent. possunt quidem præstare ingenio, viribus autem non. Melancholici vero, qui temperatam habent melancholiam, ad vtrunque sunt nati.

Sanguis calid⁹ & crassus ad corporis vires, subtilis vero ad vires ingenii quō valere dicatur.

Vtrum autem et Sibyllas, et Prophetas hæc eadem melancholia efficere possit, ut multi dixerunt, fortasse quæsiueritis et vos. qua in re eadē mihi dicenda videntur, quæ supra de diuinationibus somniorum diximus. naturaliter enim, et per ea, quæ sunt in nobis, neque melancholia, neque vlla dispositio alia facere pōt, vt per nos futura, et longe sita diuinemus, nisi casu fortasse, et fortuna quadam. q̄ si diuinare quædam eiusmodi cōtingit, et non casu, necesse est separatim aliquem intellectum, aut Deū, aut Angelum, aut Dēmonē eam diuinationem nobis immittere. quocūque autem modo contingat hominem prophetam fieri, aut casu, aut susceptione separati intellectus, aptissima mihi videtur melancholia ad id præstandum. si enim furor est quidam hæc diuinatio, apta nimirum est melancholia ad hūc furorem. Quod si Deus, aut Angelus se admiscet nobis, rationabile est ijs maxime se miscere, qui ingenij magnitudine, et excellentia quadam actionum præstant. si vero, et Dæmon est, qui hæc operatur, in ijs operari præcipue censendum est, qui facillime et in furorem, et in omnem insaniam uerti possunt, et phanatici fieri: quales dicuntur omnes fuisse, qui uaticinari solebant, vt Pythiæ, et Sibyllæ.

Prophetam fieri humore quodam melancholico non inconuenit.

De tota igitur intellectione, quid sit, et per quæ fiat, et quomodo: & quot sint, et quæ intellectus omnes operationes, et à quibus potētij fiat: amplius et de figmentis, et deceptionibus, et somnijs, et postremo de melancholia hætenus dictum est pro tempore satis. reliquum est determinare, qua cerebri parte singula hæc fiant: et vtrum omnia in vna parte, an hæc quidem in una, illa in alia: et quomodo distinguantur potentie, quæ istæ faciunt, utrum ratione tantum, an et locis: et quæ particula in animali ijs potētij donata sit, vtrum spiritus, an nerui, et membranæ, an cerebri

rebri ipsius substantia. hæc enim è toto negotio superesse videntur.

C

In qua nam  
parte corpo  
ris, seu ce  
rebri fiant  
tū intelligē  
di, tū sentiē  
di actus: &  
an aīa ipsa  
semper itel  
ligat, an ali  
qn cesserab  
itelligēdo.

Supponendum autem, quod in dissectionibus corporum animalium apparet, tres in cerebro esse sinus, quos alij ventriculos, alij cellulas vocat: primum, medium, & postremum. item & adiacentes his ventriculis partes, coriformem progressum, conoidem, glutia, & vermiformem processum. primum autem, & medium ventriculum membranis velatos esse, postremum autem non, sed duritia sua constare. consentaneum igitur est circa hos ventriculos, vel in ipsis, vel adiacentibus partibus fieri omnē intellectionem. cum uero & in hisce locis sit cerebrū ipsum, tum & nerui, & membranæ, nec non & vocati spiritus, dubium in primis est, quod

Oportet  
particulā, q̄  
cognoscit,  
aīatā esse.

nam horum donatum sit intelligendi functione: vtrum substantia cerebri, an uel membranæ, quæ ipsum velant, an nerui, qui ad ipsum terminantur, an spiritus, an adiacentium partium aliqua. si igitur, quod cognoscit, animal ipsum est, aut animatum, oportet quidem & particulam, quæ primo & per se cognoscit, animatam ipsam esse. at spiritus animati quidem non sunt, quia nec aluntur, nec sentiunt, sed magis instrumenta sunt anime. porro cerebrum, quanquam alatur, non sentit tamē per se. quare nec per se intelligere posse videtur. Videtur igitur nerui natura talis esse potissimum, cui è toto animali donata à Deo maximo sit facultas tum sentiendi, tum & intelligendi. eadem autem natura est nerui, & membranæ. quare particula primo cognoscens, & intelligens erit aut membranæ,

D

Aliā eē par  
tē, q̄ spēs de  
fert, ab ea,  
quæ intelli  
git.

Neruis ip  
sis data est  
virtus, & fa  
cultas tum  
sentiēdi, tū  
intelligēdi,  
secundū tñ  
exigētiā ob  
iecti.

Quod nam  
sit istā vi  
sus, & reli  
quorū sen  
sum.

quæ ventriculos velant, aut aliæ adiacentes partes, aut nerui, qui ad cerebri sinus pertingunt. at certe nerui hi, qui pertingunt ad sinus cerebri, facti magis videntur ad deferendas species à sensibus venientes, quàm ad cognoscendum. neque enim conuenit, ut, quæ speciem defert pars, eadem etiam primo intelligat. quare maxime conuenire membranæ hæc facultas intelligendi videtur, membranæ autem maxime illis, quæ vocatos ventriculos vestiunt, quoniam in medio earū sinus illi pleni spiritibus sunt, in quibus, & per quos species mouent, & sedem habent. ad illas igitur reflecti species, & cognitionem causare, non ad partes alias censendum est. Naturæ igitur nerui data est facultas omnis tum sentiēdi, tum etiam intelligendi, verum non vnum organum datum fuit, sed diuersum. ad lucem siquidem, & colores percipiendos necessaria fuit oculorum forma, quæ speciem temperaret, & particulam cognoscitiuam muniret. mox per tenuem illam membranā, quæ vocatā crystalloïdem tegit, sensationem colorū aīa executā est: soni vero per aures ea pellicula, quæ in fine illarum subest: odoris vero per nares ea membrana, quæ uocatam carunculam tegit: saporis autem ea, quæ per linguam disseminatur: aliarū uero qualitatū neruo omni. similiter autem & interioris animæ faculta

tes



**A**tes membranis datæ sunt, illis quidē, quæ plenos spiritibus, & speciebus circumtegentur sinus. qua autem in parte sensus communis fiat: qua phantasia: qua intellectus, qui & ideas facit, & ratiocinatur: & qua referuatio specierum, nunc est quærendum. Videretur autem fortasse alicui operationes facultatum dictarum omnes vna in parte debere fieri, vbi. s. intellectus fit: ea causa, quod posteriores potentia semper priores includunt, & continent. Si igitur intellectus omnia potest, quæ phantasia, & communis sensus, non videtur necessarium earum operationes alio in loco fieri, quàm vbi intellectus, prius tamen natura vna, quàm alia. at vero ita fieri has operationes oportet existimare, vt quodammodo sit vnus locus omnium, quodammodo non vnus. Vnus quidem, quia continuus est locus, vbi principium earum fit, & medium, & finis. Vnus autem non est, quia alibi fit principium, alibi mediū, alibi finis. quippe eius operationis, quæ est sensus communis, initium est, vbi **A**: quæ illic non finit, sed vltra progreditur ad **B** mediū, vbi phantasia est, ac finit ad **C**, vbi intellectus. vna igitur est actio, & continua, & locus vnus, & cōtinuus, diuisa tamen per principium, medium, & finem. vbi autem principium fit, simplex est actio, & vna tantum: at vbi medium est, quodammodo duæ sunt, aut vna priorem etiam continens: vbi vero finis, tres quodammodo sunt, aut vna priores duas includens. superflua autem non sunt prima, & secunda actio, nec loca earum superflua. ita enim instituisse natura videtur, vt, quæcunque facultates in alijs inueniuntur animalibus, omnes in homine reperiantur. nam, quoniam animalium quædam solum tactū habent, voluit natura, vt & in homine aliqua essent, quæ solo tactu essent præditæ. quia vero & vltra tactū alia aīalia habebant alios sensus, vel plures, vel omnes, factum est, vt in homine similiter inueniātur. Ad hæc autem, quantum ad interiores potentias spectat, quia quædam animalia tantum sensum communem habent, alia & vltra hoc etiam phantasia, ita fuit & in homine, vt pars aliqua tantum cōmunem sensum haberet, aliqua præter hoc & phantasia. peculiare vero fuit homini soli intellectu vigere. fecit ergo intellectum, qui & ea nosset, quæ & phantasia, & ea, quæ communis sensus. atque ita semper natura ab imperfectioribus ad perfectiora, & demum ad perfectissima procedit. quare potentia hæ non solum ratione, sed & locis differunt per se. vtrum autem eodem momento fiant omnia, hoc est, cum actu fit communis sensus, tum simul & phantasia, & intellectus actu fiant, si quis quærat, dicendum nihil prohibere omnia momento eodem, simul actu fieri, quoniam species momento sese propagant. quare, cum in sensu cognitio sit, tum in alijs simul fit. si vero quærat, qua parte fiat communis sensus per se, qua phantasia, & qua intellectus,

Sensus cōis  
in qua corporis parte  
fiat.

**B**  
**A** — **C**

Facultates  
oēs in alijs  
aīalibus re-  
perit, homi-  
nibus et da-  
tæ sunt, &  
quomodo.

In priō vena-  
triculo ce-  
rebri fit sen-  
sus cōis.

Phátasia a-  
ctus in qua  
cerebri par-  
te fiat.

Imaginari  
volētes frō-  
tem curcō  
trahant.

Intelligēdi  
actus ī qua  
parte fiat.

Memorari  
volētes cur  
scalpam<sup>o</sup> po-  
steriorē ce-  
rebri par-  
tem.  
Intellectus  
fit in me-  
dio sinu.

ctus, consentaneum esse dicimus in primo ventriculo communem sen-  
sum fieri: vt & omnes ferè existimant ea ratione, quòd inde nerui illi pro-  
cedunt, qui visui seruiunt nobilissimo, & præcipuo sensui. tum vero & il-  
luc multi alij relationem habent. vnde illic videtur esse initium cognitio-  
nū. De phátasia vero, & intellectu dubium esse potest, qua in parte fiat:  
videtur tamen phantasia non longe à communi sensu fieri, ceu coniun-  
cta potentia. quare aut in fine primi ventriculi sedem habet phátasia, aut  
in initio secundi. omnino enim versari videtur circa priorem cerebri par-  
tem. cuius signum est, quòd, qui prompte, & fortiter imaginātur, hi sunt,  
qui partem eam cerebri anteriorem calidam habent. item, & si quando  
bene volumus imaginari, natura ita docente videmur frontem contra-  
here, & partem illam acuerè. porrò læsa ea parte videmus & imaginatio-  
nem lædi. Qua vero in parte cōsistat ipse intellectus, dubitationem maio-  
rem habet. videretur enim fortasse alicui, oportere illum in posteriori vē-  
triculo fieri, quoniam intellectus omnes continet operationes, & exequi-  
tur. quare illic maxime locari, vbi omnia maxime vnum fiunt. talis autē  
est coni figura, in qua omnia maxime vniuntur. constat autem figurā po-  
stremi sinus in conum terminari, sicut igitur et oculus, et auris ea de cau-  
sa ex amplo in acutum finiunt, vt melius sentiāt, ita & intellectum vide-  
tur esse constitutum à natura. at vero in medio magis ventriculo locatū  
fuisse ex his possumus existimare, primum eo quidem signo, quòd læsa **D**  
ea parte, quæ medium respicit capitis, vbi bregma vocatum, est, constat  
rationem deficere: postrema vero læsa non rationem, sed memoriā. am-  
plius, si cognitio omnis ad membranam fit (vt supra diximus) manifestū  
est in postremo sinu non fieri intellectum, in quo membrana nō est,  
sed duritia sua constat. præterea, ubi reseruatio specierum futura est, illic  
non conuenienter statui debet intellectio. hæc enim motu fit, illa quiete.  
in postremo autem fieri reseruationem specierum manifestū est ex mul-  
tis. primum, quia læsa ea parte videmus memoriā lædi: tum & posita il-  
lic medicamina quædam memoriā augment. at uero & duritia illa po-  
stremi sinus non ob aliud facta videtur, nisi ut tenacius conseruentur spe-  
cies. similiter & figura coni data, ut magis uniantur species, & fortius re-  
flectantur ad medium sinum. ac demum, cum volumus memorari, natu-  
ra nos docente scalpimus posteriorem partem. quæ omnia manifeste mō-  
strant non intellectum, sed reseruationem specierum in postremo ven-  
triculo fieri. Existimandum igitur est intellectum in medio sinu fieri. qđ  
iure à natura institutum videtur. primū, quod principalis potentia maxi-  
me collocari debebat, vbi maxime tuta foret. talis autem locus medij si-  
nus. aptissimus præterea est locus ille, & maxime commodus tam ad eas  
species,



**A** species, quæ in primo sunt sinu, quàm ad eas, quæ in postremo. adde, quòd ad eum locum nerui penè omnes attinentiam habet: quod à natura prudentissime factum est, vt inde officia demandentur, & imperentur, vbi rex est. est autem intellectus, ceu rex, in humano corpore. Nò dubium postremo signum est illic intellectionem, & rationem exerceri, quòd videmus læsa parte media capitis rationem offendi statim. Quæsiueritis autem fortasse, vtrum, quèadmodum sinus postremus referuat species, ita & alij etiam referuent, an non. ad quod dicimus còsentaneum esse referuare & ipsos, sed recentes magis, & excellentes: in ijs autem semper species esse, maxime in medio, nò quòd referuèt ipsi per se, sed magis, quòd ad illos reflectantur species cognitionem facturæ. Illud postremo videre tur quærendum nobis, vtrum semper intelligat anima, an & cesset quandoque: vt videtur in ijs, qui profunde dormiunt, & in apoplexijs fortibus: quinimmo sunt, qui putent cessare quandoque animam ab omni intellectione, non in his solum, sed etiam ex fatigatione multa. esse enim in còfinio medij sinus vermiformes adiectiones vocatas, quæ se se & contrahere solent, & protendere: quoties autem contrahuntur ipsæ laxari, apeririq; sinum vltimū, ac tum reflecti species ad mediū, & fieri intellectionem: quoties vero protenduntur, constringi concludiq; sinum illum postremum, viamq; speciebus claudi, & intellectionem cessare. Sed de his certi nihil dici potest. nam vermiformes illæ carunculæ possunt quidem factæ esse, vt constringentes sese laxent sinum postremum, quo elucescant magis species, & meliorem intellectionem faciant, non tamen, vt producentes sese, claudant viam illam, & intellectionem tollant. hoc enim incertum est. similiter & incertum, vtrum profunde dormientes, & apoplectici nihil omnino intelligant, ob id, quòd dicere non possunt, quid fiat, quoniam non recordantur.

Verum enimvero ò amici, nolim equidem propter ea, quæ dicta sunt, quenquam male affectum fuisse erga animam, & intellectum nostrum, vt male forte sibi persuadeat de ipso: quandoquidem nos de intellectu agentes ita illum commiscuimus corpori, vt non aliud habere esse videatur, quàm, quod & phantasia habet, & còmunis sensus. quippe male sentire de ipso propter hanc causam haud certe æquum est, quoniā nos eas in intellectus operationes impræsentiarum sumus prosecuti, quas exercet in composito corpore, toti communes. vtrum autem præter prædictas propriam ipse operationem habeat, & quæ sit, nostra quidem existimauimus non interesse nunc quærere. Operæ precium tamen arbitror, si & hoc quandoque inquiratur à nobis: verum non hodie, nec à me, qui sat

Nū aīa semper intelligat, an qñq; cesset ab opere intelligendi.

oneris sustinui hæcenus, sed negocium hoc pertinere ad hunc Fracastor- **C**  
rium censeo, aut die crastina, aut in Caphijs suis. hæcenus enim auditor  
tantum fuit, æquum autem videtur, ut & ipse quandoq; loquatur.

De diuersis  
hoium ge-  
niji, stu. ijs  
& inclinatio-  
nib<sup>9</sup>, qbus  
capiuntur, &  
delectantur.

Quæ cum dixisset, oēs in me conuersi ore uno quasi lata sententia eū  
esse me declarauere, ad quem negocium hoc de anima, & intellectu spe-  
ctaret: ageretur autem in Caphijs meis. quibus ego quum multa in mei  
excusationem adduxissem de tanta re, à nullo tamen auditus dixi me in  
Caphijs consulturum Genium meum, qui mecum illic esse solet: & nisi  
ipse retraheret, negocium prosecuturum me fore. quibus dictis in solem  
cōuersus Turrius, qui iam inclinare videbatur, satis, inquit, ò magni ami-  
ci hodiernę diei factum arbitror, & prouinciam de intellectu, quæ mi-  
hi demandata fuerat, satis pro tempore expeditam esse, & opus omne  
nostrum peractum, si unum prædictis addiderimus, quod superesse uide-  
tur. est autem hoc, vt Bardulonis problemati satisfaciamus, vnde primo  
enata sermonum tantorum occasio fuit. quapropter, si placet, iam & poe-  
tæ, & philosophi naturam constituamus, ut uideamus, quo pacto conti-  
gerit, ut locus unus alium poetam, alium philosophum effecisse potue-  
rit. obiter autem, & aliorum quorundam naturas & Genios referemus:  
& cur alij mathematici, alij oratores, alij musici, alij pictores, & sculpto-  
res, alij scurrę euadāt, & id genus. Ergo, sicuti inter animalia omnia, quę  
membris, & figuris, & qualitibus diuersa sunt, diuersa quoque & illa **D**  
sunt, quę unumquodque potest, & ad quę est natum, ita & inter homi-  
nes, quòd & ipsi inter se diuersi figuris, formis, qualitibus sint, di-  
uersa quoq; & ea sint, ad quę unusquisq; est natus, & præstat. q̄ inclinatio-  
nes naturales dicunt. unde alij natura philosophi sunt, alij poetæ, alij ma-  
thematici, alij oratores, alij musici, & sic de alijs. quo uero sigillatim na-  
turę istorum cōsistant, difficile quidem est exacte dicere, & nosse. si tñ in  
uniuersum quædam dicātur, non ab re fore arbitror. ergo philosophi na-  
tura sunt, qui apte possunt & uniuersalia facere, & obseruare, non publi-  
ca tantum, sed & abdita quoque: atque in ijs maxime gaudēt. qua de cau-  
sa & admirabundi maxime sunt. admirari enim solemus ualde noua, &  
magna. in abditis autem semper magnitudo quædam est, maior autem  
in ijs, quæ nobilia per se sunt, vnde, & ijs quum potissimum gaudeāt, cau-  
sas etiam illorum solent inquirere, qui philosophi sunt. atque in hoc præ-  
cipue natura philosophi est, quòd abditorum causas maxime amat p̄qui-  
rere. propter quod & natura cogitabundi sunt, & taciturni, in quibus nō  
nihil potest melancholia. ijs autem sedes illa, in qua præcipue intellectus  
uiget, in sinu medio quā optime disposita est, & capax, & uigens. Poetæ  
vero

Philosophi  
natura, &  
dispositio.



**C** vero his valde proximi sunt, & non dissimili tenentur genio. nam & ipsi valde admirari solent, siquidem magnitudinibus, & pulchritudinibus rerum capi consuevere: vt Naugerius monstrauit. in magnis autem & pulchris admiratio semper quædam est. quapropter & ipsi causas rerum libenter discunt, & in ijs delectantur. vnde & poetarum multi philosophi etiã magni fuere, sicuti & philosophorum multi simul poetę fuere. differunt autem in hoc, quod, qui magis philosophi natura sunt quàm poetę, ij in inquisitionibus causarum plus insistant, & magis gaudent: qui vero magis poetę sunt, quàm philosophi, ij pulchritudinibus rerum capti magis, amant imitari illas, & explicare, nec pati possunt quicquam pulchri, & decoris deesse rebus. propter quod, si forte desint, illa addunt ipsi, & fingunt, & quodãmodo res perfectas gignunt. vnde poetę quasi parere gaudent, philosophi intra tenere foetum. vnde philosophi ad sciendum magis nati sunt, minus ad imitandum: poetę vero ad imitandum magis. siquid vero æqualiter ad vtrumq; sint apti, hi & philosophi simul & poetę sunt. Inter philosophos vero alij causas, & substantias rerum querere amant; qui proprie philosophi sunt: alij rationes quorundam accidentium quærentes in ijs maximæ versantur, quales sunt numeri, & figurę, & in vniuersum quantitates. atque hi imaginatione plurimum pollent, & ea parte, quæ in interiori cerebro est. quare & calidam illam habent, & capacem, & bene conseruatiuam. vnde & optime imaginantur, vt sese res habent in totis suis, & inter se. diximus autem vnumquenq; in ijs gaudere, quæ apte potest obire. quare hi maxime gaudent ea cognitione, quæ in imaginatione consistit, ac mathematici appellantur. Musici vero sunt, qui ea pollent imaginatione, quæ circa sonos versatur, quemadmodum mathematici ea, quæ circa quantitates. vnde, & quia pollent imaginatione sonorum, ideo etiam gaudent plurimum sonis. habent autem purgatissimas aures, & vocis instrumenta idonea. At oratores natura sunt, qui sermone plurimum valent. dico autem sermonem, non, quia vox est, & sonus, sed quia in alios potest per significationes rerum. habent autem hanc facultatem, quibus & memoria est dicendorum tenax, & instrumenta illi memorię seruiencia comoda: amplius & copia verborum, & delectus, & gloria quædam popularis. Scurrę autem & faceti in eo conueniunt, quod vtrique argutijs gaudent, & obseruant similitudines rerum, & adducunt: e quibus maxime illę delectant, quæ aptę, & concinne sunt. vtrique igitur finis est delectare, & risum mouere per arguta, sed hoc interest, quod scurrę ex vilibus, & inuerecundis id assequuntur tum gestibus, tum dictis, Faceti vero ex decoris. videte, quàm diuersę sunt hominum inclinationes,

Poetarum genus, & natura non multum diuersa est à natura philosophi.

Mathematici cuius sunt dispositionis.

Musici quales nam viri sint.

Scurrę, & faceti qui dicantur.

EEE ij nationes,

nationes, & quàm varia sunt ea, quibus capimur, & delectamur, quæ pe  
 nè infinita sunt. Vt ergo ad tuum pblema Bardulo reuertamur, ego qui  
 dem, cum hæc in loca primum venissem, quòd philosophus quodammo  
 do vel à natura, vel ab educatione talis factus à philosopho patre & fra  
 tre, quasi natus in gremio philosophiæ, simulac & vastos hosce montes  
 miratus fuisset, & quàm varia hæc terra esset, quam habitamus, cæpi sta  
 tim ab ea admiratione perquirere, quæ causæ has tantas terrarum moles  
 istuc sustulissent. cumq; uidissem quandoque istuc mare ipsum fuisse, &  
 primum montes hosce aggerasse, rursus in alias admirationes, & alias in  
 quisiones incurri. quarum illa prima, & maxima fuit, quo pacto recef  
 sisset istinc mare, tum & ex hac rursus in alia correptus tandem in eam  
 taciturnitatem incidi, ex qua tu primum excitasti me. Naugerius autem,  
 quòd poeta is est, quem noscimus, paucis quidem, aut nullis ex antiquo  
 ribus cedens, ubi has solitudines inspexit, vbi tantum silentium, vbi ne  
 mora, & luci, loca Dijs syluestribus habitata, tum oriètem solem omnia  
 collustrantem uidisset, tum mugitus quosdam resonos boum audisset,  
 recordatus & pastorum Arcadiæ, in quandam & ipse admirationem in  
 cidit, sed dulciorem, & quæ contineri non potuit. primû cœpit paulisper  
 occinere: mox excitato genio poetarum ex pugillari Maronis in  
 eum furorem incidit, qui sæpe solet poetas vexare. Sed nos  
 iam multum fuimus euagati: & multa diximus de in  
 tellectione, & ijs, quæ animos nostros impel  
 lunt. tempus est diem claudere. & Dij ro  
 gandi, vt partem hanc, quæ intel  
 ligit, si non optimam, at sal  
 tem incolumem  
 præstent.



## HIERONYMI FRACASTORII

FRACASTORIVS, SIVE DE

ANIMA, DIALOGVS.

AD IOANNEM BAPTISTAM

RHAMNVSIVM.



**E**RACTIS de intellectu sermonibus è Bal-  
do discessimus, ac sub vesperam in Caphios nostros  
peruenimus, qui mons non procul ab radicibus Bal-  
di inter Athesim, & Benacum iacet. Illum autē Nau-  
gerius dulci quadam memoria salutauit, quòd Ca-  
phios in Arcadia recordaretur à Theophrasto simili

De aia hu-  
manę quid-  
ditate, im-  
mortalita-  
te, ac excel-  
lencia super  
oia à primo  
opifice Deo  
creata.

ter appellatos fuisse. Ergo illic transacta nocte, serenissima dies cum illu-  
xisset, placuit vicinum in castanetum secedere, vnde prospectus placidif-  
simus in subiacentem Benacum late patebat. Hic ergo, vbi & lacum ip-  
sum, & beatam Catulli peninsulam salutauimus, sub alta castanea conse-  
dimus. At Naugerius in me conuersus, Num, inquit, Fracastori consului  
**B**sti genium tuum, quid te ille iubet facere ex ijs, quæ in Baldi recessibus p-  
misisti? Cui ego, consului equidem, sed ille neque retrahere, neque mul-  
tum impellere me videtur. Prosequar tamen demandatum mihi nego-  
cium de anima, vt morem vobis, vt par est, geram. sed ipse optarim, si ita  
& vobis videtur, vt Lyricen noster non ad recreandum fessos, vt superio-  
ribus diebus est factum, sed ad incitandum segnes præcineret aliquid.  
De anima enim nostra cum simus habituri sermonem, in quam videtur  
musica latentem, nescio, quam, vim & consensum habere, apte quidem  
fiet, si aliquantisper nunc excitetur in nobis. Igitur, puero cum significas-  
set Naugerius, vt caneret, ille accepta temperataq; suauiter cythara, vo-  
cem in istæc soluit.

Ne timeas Troiane puer, quòd in ardua tantum  
Tolleris à terra: quòd rostro, atque vnguibus vncis  
Te complexa ferox volucris per inania portat.

Audisti ne vnquam sublimis nomen Olympi?  
Audisti ne Iouis, tonitru qui fulmina torquet,  
Qui pluit in terras, cui templa arasq; dicatis  
Vos homines, taurosq; tua mactatis in Ida,  
Quiq; etiam vestri est, si nescis, sanguinis author?

Ille

Ille ego sum non te hæc volucris, sed Iuppiter est, qui  
 Haud præda captus, chari sed amore nepotis  
 In summum amplexu innocuo te portat Olympum:  
 Astra vbi tot spectare soles, vbi pulcher obit Sol  
 Ortusq; occasusq; suos, vbi candida noctes  
 Currit Luna nitens, auroram Lucifer anteit.

Hic ego te in numero superum, domibusq; Deorum,  
 Ver vbi perpetuum, foelix vbi degitur ætas,  
 Aeterna & semper viridis florensq; iuuenta,  
 Consistam: æqualemq; annis pubentibus Heben  
 Officioq; dabo comitem, qui pocula nobis  
 Lata ministretis. reliquum cœlestibus unâ  
 Astragalis choreisq; diem exercere licebit.

Pone metum dilecte Ioui, melioraq; longe  
 Prospiciens, charam puer obliuiscere Troiam:  
 Néve Deum te iam, & Diuorum regna petentem  
 Villa canum, aut Idæ nemorosæ cura sequatur.

Qui de aia  
 dignū aliqd  
 meditari vo  
 luerit, hu  
 milis, non  
 dur<sup>9</sup>, tū ad  
 diuina ele  
 uatus sit, o  
 portet.

Hæc cum cecinisset puer, laudatusq; à nobis fuisset, quàm bene auspi  
 cato, inquam, ò amici videor negocium hoc nostrum aggredi. Nam cer  
 te è pueri huius carmine mihi sum visus raptum illum audire, quem sæ  
 pe solet Deus optimus animorum nostrorum facere. quod faustum fœ  
 lixque auspiciū sit nobis. Verum, de animo nostro cum futurus sit  
 hodie sermo, præparandus prius ille est, vt de se ipso uerba audiens bene  
 recteq; audiat, atque ijs assentiat, quæ de dignitate illius enarrabuntur.  
 præparatio autem hæc in primis esse talis debet, ut humilitatem quandā  
 iduamur, ne forte persuadeamus nobis de diuinis posse iudiciū exactū  
 facere. Deinde, vt & duritiem seueritatemq; illam vel stoicam, vel etiam  
 Peripateticam exuamus, vt nihil velimus admittere, nisi, quod ijs rationi  
 bus assertum comprobatumq; fuerit, quas demonstratiuas cōsuenimus  
 appellare. In omnibus enim illas expetere iniustum profecto est. Præte  
 rea, qui de humana Anima, & illius natura recte audire volet, ad eas ani  
 mas, oportet, vt animaduertat, quæ cœlestes orbes agitant, & tanta mo  
 deratione conuoluunt. His si præparati hodie erimus, & ego bono ani  
 mo, ita meo genio mihi persuadente, mandatam prouinciā aggrediar,  
 & vos iucūdisime audietis, assentietisq; nobis. Verum hac in inquisitio  
 ne nostra ego comitem mihi dari velim: & si pro desiderio eligi potest,  
 equidem Rhamundum hunc Turrium opto, ac deligo. Nam & ipse hæ  
 ctenus semper auditor fuit, & his in inquisitionibus vim illi non paruam  
 esse, & ingenium quasi dæmonicū noui. Laudauere omnes opinione,  
 & ipse



**A** & ipse etiam Rhamundus à cunctis rogatus assensit.

**F.** De anima igitur nostra ò amici inquisituri, qualis nam sit, utrū eter-  
na, & immortalis, an non, videmur quidem non recte id posse exequi, ni-  
si prius de ipsa quæramus, quid sit. non quidem, quòd nouam aliquam  
de ipsa rationē assignare putemus, sed magis, cum multa, et valde diuer-  
sa à patribus nostris tradita de illa sint, nunc inter nos constet, quid po-  
tissimum recipiendum sit nobis. Videntur autem, quicunq; audiunt no-  
men Animæ, principium quoddam vitæ intelligere in his corporibus,  
quæ viuere dici solent. Nam & viuere illa dicimus, cum animam habet,  
non viuere autem, cum illa carent. At vero viuere solū illa videntur cor-  
pora, quæ organica appellantur: & illa quidem non omnia, sed solū, quæ  
à natura sunt talia. Nam, quæ ab arte sunt, ut cytharæ, & domus, & alia  
id genus, nō dicuntur viuere. Sunt autem organica corpora, quæ, cum è  
dissimilaribus constent partibus, tanto tamen & tam miro consensu, at-  
que artificio constituta sunt pro certo fine, & operationibus obeūdis, vt  
uiuere illa dicamus, cum obire illas possunt operationes: quales plantæ  
sunt, & animalia. Simplicia uero corpora, vt elementa, tametsi operatio-  
nes suas faciunt, non viuere tamē dicimus. similiter nec ex mixtis illa, quæ  
nullam habent organizationem: aut, si quam habere videntur, casu quo-  
dam acquisitam habent, non per se, & à natura intētam ad certum finē.

De aīe qddi  
tate fm phi  
losophorū  
placita.

Aīa princi-  
piū vitæ est  
in his, quæ  
uiuere dicū-  
tur.

**B** Tria autem corporum organicorum videntur genera. primum est vni-  
uersum ipsum, quem mundum dicimus: aliud uero cœlestes orbes: ter-  
tium plantæ, & animalia. Quòd enim mundus ipse organicum quoddā  
corpus existat, manifestū est ex eius partibus, quæ cum dissimilares sint,  
tum tanto artificio, tanto inter se consensu constant, vt nihil sit, quod ma-  
iorem admirationem præbeat, si officia earum, si famulatum, si nexum,  
& ordinem conspiciamus. Quare & hoc vniuersum, tanq̃ animal quod-  
dam perfectissimum, viuere, & anima sua regi, atque agitari maiores no-  
stri omnes ferè dixerunt: ac multa quidem de mundi anima theologizan-  
tes academici tradidere. Quam rem elegantissime poeta noster notauit,  
cum scripsit

Tria sūt or-  
ganicoꝝ ge-  
nera.

Principio cœlum, ac terras, camposq; liquentes,

Aīa mūdi.

Lucentemq; globum Lunæ, titaniaq; astra

Spiritus intus alit, totamq; infusa per artus

Mens agitat molē, & magno se corpore miscet.

Theologi uero nostri de his exactius, & diligētius scripserunt. quòd  
vero & cœlestes orbes organica quoq; sint corpora, manifestū est, quoniā  
id ipsa dissimilaribus constant partibus, alijs quidem densioribus, alijs ra-  
rioribus, & magnitudine, & ordine, & situ differentibus: verum cōsensu

tanto,

tanto, tam mira virtute ad certos fines, & operationes constitutis, vt omnia, quæ in vniuerso sunt, corpora inde gubernentur. Quæ uero eos orbés agit, & regit, Anima ipsorum est, quam Philosophi intelligentiam & mentem vocant. non est autem hæc mens, mundi anima, sed particularis quædam natura, quæ et esse, & virtutem recipit à mundi anima, operatur autem secundum illam, quam recepit, virtutem.

Tertium vero organicorum corporum genus sunt plantæ, & animalia, in quibus similiter animæ suæ principium sunt vitæ. Verum, multa in his cum concurrant ad operationes eorum, dubitatio maxima semper fuit, quodnam sit hoc vitæ principium. concurrunt autem ad operationes eorum, compositio in primis tam mira: deinde temperatura seu complexio delicatissima: tum & harmonia quædam siue consensus partium, & ipsius compositionis, ac complexionis: nec non & virtus quædam, & facultas, quæ ex vtrisque resultat. porro adsunt et uocati spiritus, seu naturalis calor, qui ubique diffusus omnia uidetur facere. ac postremo est forma ipsa, & substantia totius corporis, à qua prima, ceu à fonte, dependent omnia alia, quæ in his corporibus sunt. Horum igitur aliquid oportet esse principium illud vitæ, quod uocamus animam. At fuere non nulli, qui putarint miram illam compositionem & organizationem, non sine tamen complexione, animam esse. Alij complexionem ipsam existimarunt principalius esse animam, sed non sine compositione: qualis Andronicus fuit, quem Galenus commendat. Sed certe neutrum horum uidetur mihi anima esse posse, sed animæ magis instrumenta, & causæ, sine quibus anima non operetur. Siquidem de ratione animæ uidetur, ut in primis esse, quod habet corpus, ab anima recipiat sua: ut de anima mundi, & cœlestium orbium diximus. deinde, ut agitatio tota, & vis, quæ in corporibus viget, ab illo principio pendeat, & emanet: ac demum, ut ab eo conseruetur corpus in esse suo, & regatur. quæ certe nec compositio, nec complexio habet. nam, tametsi videntur formam tempore quodammodo præcedere, utpote dispositiones, simpliciter tamen non præcedunt, sed in hoc tantum, & semper virtute formæ agunt, quicquid agunt, aut huius quæ fit, aut alterius. Porro nec esse dant rebus, nec per se conseruant, nec regunt: nisi quis putet qualitates esse formas rerum substantiales, quod dici non potest. Similiter nec earum harmonia & consensus esse anima potest. siquidem relatio quædam est harmonia, nec principium agendi per se est, nisi forte, vt causa, sine qua non. virtus vero, quæ ex ijs resultat, aut accidens quoddam est consequens alia, aut idem re cum subiecto, in quo est. quare nec ipsa anima dici potest. Relinquitur ergo animam esse aut spiritus ipsos, seu calorem naturalem, aut formam, quæ substantia est corporum.

Cōplexio,  
& partiū or-  
ganicarum  
dispō, non  
aīa, sed ani-  
mæ potius  
īstrumenta  
ad eius opa  
obeunda,  
sunt.

Ipsi spiritus  
aīa prorsus  
non sunt.



**A** corporum . sed certe spiritus & ipsi instrumentum magis animæ sunt quàm anima . primum quidem , quia , idem spiritus , qui in semine sunt , remanent & in organico facto corpore . at in semine non erant anima , quoniam non viuit semen nisi potentia . neque ergo anima fiunt in facto corpore organico , sed aliud quid videtur accessisse , quod anima sit , & à quo animatum iam dicatur corpus . Præterea vel spiritus partes sunt animati corporis , vel illi tantum adiacent . at partes per se esse non possunt , quia animati non sunt , nec nutriuntur proprie , nec crescunt , sed solum per pabulum multiplicantur : nec item sentiunt , nec intelligunt . quare in his nec vegetatiua consistit anima , nec , quæ sentit , & intelligit . si igitur partes per se non sunt animati corporis , sed adiacent solum , anima certe non erunt , sed animæ instrumenta magis : cuius signum quoque est , quod factis sensationibus , & imaginationibus in partibus , quæ animatæ sunt , & sentiunt , & imaginantur , mouentur statim ipsi modo huc , modo illuc , quo expedit , & bene est , ceu instrumenta alteri famulantia . Si igitur neque compositio , neque complexio , neque harmonia , nec virtus , quæ ex his resultat , nec spiritus anima sunt , relinquitur formam ipsam , quæ est substantia corporis esse , animam . Quapropter maxime laudandus est Aristoteles , qui animam dixit esse actum corporis physici , organici , potētis viueret . Verum , cum duplex sit formæ ratio , altera , per quam corpus distinguitur ab omni alio , altera , per quam vis quædam , & agitatio in totum emanat , & pendet , quæ propria est animæ ratio , Aristoteles quidem volens animæ naturam , & rationem explicare , entelechiam vocauit : quam alij agitationem continuam , alij actum transtulere . est enim anima propria forma corporis organici , naturalis , viuentis , sed quatenus influit vim , & agitationem in totum . primum enim tum esse dat , tum cōseruationem continuam . per ipsam deinde fiunt attractiones similium , aggenerationes . & alimenta qualitates in virtute illius alterant , miscent , collocāt , formant , figurant , ut bene est . contrahuntur mēbra , distenduntur , sentiunt : spiritus varia exercent . & tandem progressionem animalium , generationes feminum : & demum similium organizationes . quæ omnia fiunt in virtute animæ & formæ per eam vim , quam à mūdi anima , & à Deo certam & nunq̃ errantem recepit .

Aīa, substantia corporis organici ē.

Sed habet o amici dubitationem non parua , quod diximus , animam esse actum , & formam organici corporis , naturalis , viuentis . Videntur enim organica hæc corpora non esse vnum quid , sed ex diuersis constare , ex quibus non possit fieri vnum per formam vnam . Nam os quidem , & caro , & neruus , & alia videntur formis distare : & magis conuenire os hominis cum osse bouis , & equi , quàm cum carne hominis & neruo . Si

De vnitate corporis organici , & eius formæ.

*Fracastorij.*

FFF

igitur

igitur nō est vna forma in organico corpore, quomodo anima erit actus, **C**  
 & forma eius? Ad quam difficultatem aliqui dicunt formam esse vnam  
 quidem, sed vnam genere. Nam, quanquam caro, & os, & neruus forma  
 vltima, & specie differant, genere tamen cōueniunt è mixtione quadam  
 communi elementorum, per quam omnes hæ partes & nutriuntur, &  
 trahunt, & expellūt: sicuti equus, & bos, & homo genere quidem vnum  
 sunt, speciebus vero differunt. Alij dicūt in omni organico corpore sem-  
 per esse partem, quæ principalis est, propter quam aliæ factæ sunt, & quæ  
 illas regit. vt in animali neruus, & membranæ, quæ per se sentiunt, primæ  
 & principales sunt partes, vt declarauit Turrius frater: aliæ vero, et si non  
 sentiant, factæ tamen sunt propter sensitiuas, & illis ministrant, ac ab ijs  
 reguntur, & viuunt. quinimmo & quædam sunt partes in organicis cor-  
 poribus, quæ non solum non sentiunt, sed nec nutriuntur etiā, vt vngues  
 & dentes, seruiunt tamen, & per alias permanentiam habent. Eandē igitur  
 animam, & formam non necesse est esse in toto organico corpore, sed  
 satis est esse in principali parte vnam, dum illa vitam det toti. quare ani-  
 mæ definitionem ita esse accipiendam, vt anima sit prima, & principalis  
 entelechia & actus corporis organici, naturalis, per ipsam viuentis. Ve-  
 runtamen, nisi nos fallimur, nihil prohibere opinamur, si dicamus vnam  
 & eandem formam esse in organico corpore, non quidē in omnibus par-  
 tibus, sed in præcipuis, & quæ pro vita sunt necessariae, non quæ ad bene **D**  
 esse sunt à natura datæ. Principales siquidem partes, quanquā plures sint,  
 sunt per continuationem vnum. omne enim continuum est vnum. Con-  
 tinuatio vero illarum, et si per apparentiam non videatur, est tamen per  
 existentiam natura mirando quodam artificio continuante partes secun-  
 dum extrema, quibus sese contingunt. Neq; n. neruum, aut carnē imme-  
 diate ossi cōiungit, sed cartilagine mediāte, q̄ sensim in os transiit ab vna  
 parte, sensim in neruum ab alia: ita & in alijs fit. quod maxime in primo  
 natis est videre, in quibus omnia adeo mollia, & tenera sunt, vt possint cō-  
 tinua fieri refractis extremis, quæ sese contingunt. atq; hoc pacto de par-  
 te in partem continuatio fit, licet vltima & valde distantia videantur plu-  
 rimum distare. Conueniētia igitur ossis hominis cum osse bouis, & equi  
 non est maior secūdum rem, & essentiam, quàm cum neruo hominis, &  
 carne, sed solum secundum apparentiam. Sic enim & os cadaueris magis  
 conuenire cum osse uiuentis videtur. Siue igitur vere continuæ sunt par-  
 tes dissimilares in organicis corporibus, siue nō uere, sed à principalibus  
 ratio animæ sumenda est, ita quidem videtur existimandum esse de aīa.

De aīim-  
 mortalita-  
 te.

De qua iam quærendum, qualis sit, non quidem ea, quæ vegetat tantū,  
 & sentit, constat enim has ex mixtione elementorum consurgere, & cō-  
 ditionem



**A**ditionem eorum sequi, sed de illa, quæ intelligit, & sapit, quæ redum est, utrum & ipsa eodem confurgat modo, & intereat: an aliam, & diuinior originem habeat, & incorruptibilis sit, atque æterna. Quoniam vero in his sermonibus, qui in Baldi recessibus habiti sunt, triplicem Turrius intellectum faciebat: vnum, qui ne intellectus dicitur, nisi potentia: alium, qui passius dicebatur, & singularium erat: tertium vero, qui agens appellabatur, & erat vniuersalium factius, & circa illud, qui passius dicitur, negociabatur: & hic solus æternus ponebatur propter vniuersalia, cum quibus vnum fit, nos quidem nunc hanc æternitatem non quærimus, nec an anima intellectiua sit hoc pacto immortalis. æternitas enim hæc philosophica quodammodo videtur mihi, & extrinsecus, ac per accidens facta. sed quærimus magis, an secundum se forma illa, quæ est anima, et primo in potentia est ad intellectionem, mox actu intelligit, & vniuersalia recipit, æterna ipsa per se sit, non per vniuersalia, quæ recipit. Atque ego quidem, quando non solum ea pietate, quam debemus erga Deum, & erga nos ipsos, ita semper fui persuasus, ut diuinus, & immortalis sit intellectus in nobis, sed ijs etiam rationibus, quas humanitus habere possumus, nunc quoque, quantum in me erit, partem hanc tueri, & comprobare conabor. Qua de causa tibi Turri, tuoque Dæmoni libertatem omnem do, non solum interrogandi me, sed respondendi, & opponendi, quæcunque videbuntur tibi. **R. H.** Generose quidem Fracastori. verum de me ita te & alios accipere velim, ut nulla in primis sim taciturus eorum, quæ ad tantæ rei inquisitionem conducant, siue interrogare, siue respondere, siue opponere contingat. sed ea omnia ita esse accipienda volo, ut non tanquam astruentia, quid ipse sentiam, dicta sint, sed magis uti posita quedam, ex quibus videri possit, quid consequatur. Sed tu rem tuam Fracastori, quando lubet, aggredere. **F.** Aggrediar igitur, atque initium inquisitionum nostrarum à fine hominis, gratia cuius est factus, auspicabor. Qua de causa, si & altius paulisper exordiamur, non ab re tamen, nec iniucunde, haud in grate feres. **R. H.** Minime quidem, immo quàm gratissime. **F.** Illud igitur Turri mihi in primis edicito. Cum magnus rerum cunctarum pater, atque opifex Deus vniuersum hoc, quem mundum dicimus, artificio tanto esset ab æterno fabrefactus, non ne putas conueniens fuisse, ut in eo naturam aliquam faceret, quæ & artificium tanti operis, & ipsum etiam artificem atque authorem cognosceret? **R. H.** Conueniens quidem videtur. **F.** Duæ igitur naturæ cum essent in vniuerso futuræ, altera eorum, quæ incorporea dicuntur, altera eorum, quæ corporea, non ne putas & illud Deum maximum voluisse, ut in utrisque ea esset natura, quæ authorem tanti operis posset dignoscere? **R. H.** Et hoc quoque existimandum est.

Atque immortalitas philosophica.

Angeli, & homines vniuersi & idem finis est, fecilitas ipsa, ad quam creati sunt.

dum est. **F.** In ea igitur natura, quæ incorporea est, fuere illæ mentes, **C**  
 quas alij intelligentias, alij angelos vocant: in ea vero, quæ corporea est,  
 fuit homo solus. Non ne ita tibi videtur? **R. H.** Maxime quidem. **F.**  
 Cum igitur vtrique naturæ dedisset Deus, vt ipsum possent agnoscere,  
 putandum ne est ob id eam cognitionem dedisse, vt ab ijs laudaretur,  
 aut esset admirationi: aut magis, vt naturæ illæ Deum cognoscendo ip-  
 sum contemplarentur, amarent, colerent, atque imitaretur? **R. H.** Hoc  
 certe magis putandum est. neque enim egebat Deus, vt à quoquam lau-  
 daretur, aut esset admirationi: sed magis illius bonitatis intererat, vt om-  
 nia faceret bona, & præsertim, quæ ipsum erant cognitura. **F.** Ita certe.  
 sed & illud dic mihi, in ea cognitione, quæ de Deo habetur, esse ne po-  
 test foelicitas vlla, & beatitudo? **R. H.** Immo maxima, si perfecta habea-  
 tur cognitio. **F.** Hæc autem foelicitas, & beatitudo talis ne est, vt com-  
 municari à Deo possit? **R. H.** Quid ni, si ipsi placeat? **F.** At placere de-  
 bet, si bonus est. est autem non solum bonus, sed & optimus, & liberalis  
 etiam eorum, quæ possunt communicari. quam ob rem & beatitudinē,  
 quæ in ipsius cognitione consistit, communicandam fuisse statuendum  
 est nobis. **R. H.** Videtur. **F.** At, si ita statuamus, dicendum nobis erit  
 illi naturæ communicandam fuisse, quæ cognoscitiua facta fuerit. **R. H.**  
 Vtique. **F.** Igitur, cum talis factus fuisset angelus, atq; homo, dicamus  
 primo quædam pauca de angelo: mox & de homine dicemus. Si igitur à **D**  
 te petam, nunquid foelicitas illa angelo fuerit à Deo cōmunicanda, quid  
 dices? **R. H.** Quo pacto dicis communicandam fuisse? non ne illam cō-  
 municauerat Deus angelo, vbi incorporeum, & intelligentem. fecerat?  
 quid illi deerat, vt beatus esset in ea cognitione, quæ de Deo habetur? **F.**  
 Multum profecto deerat Turri, quoniā omnis natura, quæ aliud à Deo  
 est, infinita quadam imperfectione à Deo distat. Quare omnis cognitio  
 illius, si ad Deum comparetur, imperfectissima est: in qua beatitudo esse  
 non potest, nisi maiori quadam donetur. **R. H.** Durum quidem Fraca-  
 stori videtur, quod dicis. Nam, etsi angelus rursus maiori aliqua pfectio-  
 ne, & cognitione alia donatus fuisset, illa tamen adhuc Deo comparata  
 imperfectissima erit. Quare aut in infinitum eundem erit, aut & in pri-  
 ma cognitione stare poterimus, quæ sufficiat pro beatitudine. **F.** Appo-  
 site quidem Turri addubitas, verum nec prima cognitio talis est ad con-  
 sequendam foelicitatem, nec in infinitum est abire: quam rem ita oportet  
 accipere. Omnes quippe naturas, quas in conditura vniuersi fecit sa-  
 pientissimus Deus, tales quidem fecit, & eatenus perfectas, quatenus cō-  
 ueniens erat, & decens ipsi vniuerso. Igitur natura angeli, cum perfecta  
 quidem esset, quantum ad vniuersi rationem pertinebat, ad Deum vero  
 comparata,

De Angelo  
 rum beati-  
 tudine.



**A** comparata, & quantum ad consequendam felicitàtem opus fuerat, imperfecta, & non capax eius beatitudinis, gratia quadam indiguit: illa scilicet, quam Deus optimus ex infinito suo esse, cui vult, & quando vult, largiri potest, & solet. Quare natura angeli, cum longe abesset ab ea perfectione, & cognitione, quæ requiritur ad beatitudinem, qua parte non attingebat ad Deum, errare plurimum, & falli poterat, nisi gratia quadam, & Dei manu adiutus fuisset. quam ob causam nec in infinitum est abire, sed standum in certa perfectione: siue illa, quæ ab initio data fuerat, siue alia. Verum, quæcunque illa sit, gratia adiutam oportet esse, si peccare non debet, & falli, sed beatitudinem consequi. Placet ne igitur, ut constituamus naturæ angeli non satis fuisse perfectionem illam, qua per se factus fuerat ad consequendam felicitàtem, sed gratia indiguisset? **R. H.** Nihil quidem prohibet, ne ita constituamus. **F.** Vide igitur Turri. duo hætenus posita sunt à nobis, primo felicitàtem fuisse communicandam angelo, deinde & gratiam elargiendam. Iam igitur & de homine dicamus, qui similiter à Deo fuerat factus, ut ipsum cognosceret, cognoscendo autem, ut de angelo dictum est, amaret, coleret, atque imitaretur. Si igitur & de ipso à te petam, nunquid felicità illa, quæ in Dei cognitione consistit, atque ab ipso libentissime communicatur, ipsi etiam homini fuerit communicanda, quemadmodum & angelo, quid respondebis? **R. H.** Quid, si in homine hoc negemus? **F.** At oportebit rationem asserre, cur angelo id concesserit, homini autem non. **R. H.** Ob id fortasse, quod homo caro, & terra est, angelus vero incorporeus, & Deo similis. **F.** Nonne tamen diximus infinita quadam imperfectione distare à Deo angelum? **R. H.** Dictum est. **F.** Si igitur & homo Deo comparetur, nonne & ipse infinita quadam imperfectione à Deo distabit? **R. H.** Vtique. **F.** non ergo magis distat à Deo homo, quam angelus, si imperfectionem spectemus. In infinito enim non est magis, aut minus. Si igitur non obstitit angelo infinita imperfectio, qua ratione datum est angelo beatum fieri posse, eadem & homini dandum fuit. Idem enim in utroque finis, & ratio concedendi. **R. H.** At quis modus erat in homine, nunquid uiuo daretur ea felicità, an mortuo? **F.** Et uiuo quidem, & mortuo. **R. H.** Mira dicis Fracastori. **F.** Mira quidem. sed statuamus hoc primum, ita homini datum fuisse felicitàtem, sicuti & angelo, si modus esset in homine. Placet ne, ut ita statuamus? **R. H.** Nihil prohibet. **F.** Modus ergo, quo dari posset ea felicità homini, nec ignotus Deo erat, neque difficilis, si hominis animum immortalem, atque æternum fecisset, & naturæ parte eiusdem cum angelo. Sic enim, ubi separari contigisset à corpore, eodem modo beatus fieri, quo & angelus, & per eandem gratiam poterat immorta-

Dehois dupli-  
citer felicità-  
tate.

lem autem in homine facere animum vel facillimum Deo erat, qui & C  
 æternos coelos, & alia multa fecerat, & omnia potest. Hoc ergo pacto al-  
 teri parti, de qua dubitabas, satisfactum existimo, quo scilicet modo mor-  
 tuo homini poterat ea felicità dari.

Nunc de altera dicamus, quomodo & viuo concessa fuerit. Verum, <sup>†</sup>  
 qui tantum gratiæ habiturus esset, vnus tantum ex omnibus hominibus  
 fuit, is scilicet, qui perfectissimus omnium futurus esset, quiq; eam obitu-  
 rus operationem, quæ potest in ea specie perfectissima esse. talis autem est  
 vita illa, quæ spiritus vita dicitur, in qua nihil caro potest, sed spiritus tan-  
 tum viuit, & Deo similis fit. Eiusmodi autem hominem in humana spe-  
 cie fore oportebat, tum quia in omni specie vnum inueniri necesse est,  
 quod perfectissimum in illa sit, & perfectissimam operationē obire pos-  
 sit: tum quod, si hic nō fuisset, felicità illa, quā diximus dādam fuisse ho-  
 mini, dari vllō pacto non potuisset, ne etiam mortuo. Nulli enim mor-  
 tuo datur, qui viuens, spiritus vitam non vixerit: quod species hæc per se  
 mereri atque assequi non poterat sine hoc, de quo loquimur, perfectissi-  
 mo, & diuino homine.

De Christi  
 origine, ac  
 eius beati-  
 tudine.

De cuius hominis ortu, si me percūcteris, ego nihil aliud habeo, quod  
 dicam, nisi quod quatuor modis imaginari possumus hominem fieri. D  
 Vnus est, si sine mare & foemina oriatur ex ijs seminibus, & principijs,  
 quæ in sinu, & complexu elementorum sunt. Alius est ortus è mare tan-  
 tum sine foemina, hoc est ex ijs principijs, & seminibus, quæ iam in homi-  
 ne facta sunt: in quo & materia, & gignens calor adest, nec quicquam de-  
 est, quod ad generationem conducatur. Tertius modus est ille, qui com-  
 munis est & consuetus, ex mare & foemina. Quartus uero est è foemina  
 tantum absque mare. Tot ergo & non plures imaginari possumus gignē-  
 di hominis modos. At vero tres primi fieri quidem poterant secundum  
 naturam, sed nullo pacto poterant conuenire perfectissimo illi, in quo ca-  
 ro nihil posset. Omnes enim cum è facultate elementorum originem tra-  
 herent & secundum materiam, & secundum gignentem spiritum, ne-  
 cesse erat, quod factum fuisset, naturam elementarem, & terrenam sape-  
 re: quæ per se imperfecta est, nec potest illam obire vitam, quæ necessa-  
 ria est ad beatitudinem consequendam. Solus igitur quartus supererat mo-  
 dus: sed nec ille conuenire poterat secundum naturam pro gignēdo per-  
 fectissimo homine. Nam, quanquam forte è foemina poterat materia cō-  
 mode suppeditari, agens tamen & gignens non aderat. In foemina enim  
 sola non sunt ea principia, & semina, quæ gignere possint. Hunc tamen  
 modum sapientissimus Deus elegit: atque è purissima, ac sanctissima uir-  
 gine materiam assumens, loco genitiui spiritus, qui deerat, sanctiorem  
 ipse



**A** ipse & magis diuinum spiritum indidit: hominemq; eum fecit, in quo nihil posset caro, nihilq; effret, quod ad terrenos impulsus incitaret. Siquidem omnia in eo perfecta à perfecto parente fuerant data, propter quæ & perfectissime uitam illam exegit, quæ spiritus vita dicitur. Hunc ergo Deus optimus, utpote filium coessentialem sibi, & coeternum, hoc vero modo hominem factum adeo amauit, ut sese illi cognoscendum perfectissime dederit: cognoscendum autem non tantum per species, & rerum simulachra, ut ceteri cognoscunt homines, sed per substantiam propriam ipsius Dei, in qua cognitione beatitudo consistit. Hic ergo (ut ad rem nostram reuertamur) viuens in Dei maximi cognitione atque intuitu foelicissimus semper fuit: ac eius vitæ, quæ spiritu fit, & exemplum & caput & magister fuit: è cuius meritis & nos alij promereri potuimus gratiam eius foelicitatis, quam post mortem tantum consequi datum est nobis superstiti animo, qui ob id immortalis est factus. Si igitur ratio hæc Turri de anima à fine hominis sumpta in suum ordinem redigenda est, ita quidem constituetur, ut primum conueniens fuerit in uniuerso esse naturam aliquam, quæ Deum maximum eius operis authorem nosceret: nosceret autem, non ut laudaret, aut ut admiraretur, sed ut amaret, coleret, & imitaretur, fieretq; illi similis. Hoc autem si datum fuisset, decens quodque erat, & Dei optimi bonitati conueniens reliqua etiam dari, quæ poterant communicari. Poterat autem perfecta cognitio, perfectus amor, & cultus, atque imitatio, & demum beatitudo. Quare & hæc communicanda fuere. Communicari autem ulli naturæ non poterant, nisi æternæ & immortalis aut secundum se totam, ut angelo, aut secundum partem sui nobiliorē, ut homini. Pars autem nobilior est animus, & intellectus. hic ergo æternus, & immortalis est factus.

Sed nos iam, quia in his multum sumus immorati, ad alia trāseamus, si placet. **R. H.** Placet quidem, quoniā res hæc bene acta videtur. **F.** Pertranseuntibus igitur nobis ad alia in primis est statuendum eorum, quæ mouentur, alia moueri, nō ut hic sit eorum finis, sed ut quiescāt, quasi motus ijs accidat, & non per se insit: alia vero moueri, ut moueantur, non ut à motu quiescant, quibus moueri per se ineft, & (ut dicunt) essentialiter. **R. H.** Ita prorsus. **F.** Quæ igitur mouentur per accidēs, ut scilicet quiescant, non ne omnia corruptibilia sunt? **R. H.** Omnino. **F.** Potesne dicere, cur ita sit? **R. H.** Quidni? quando omnia hæc, quæ mouentur, ut mox quiescant, omnia vim aliquam passa sunt, & extra naturam propriam sunt constituta. Vnde & ob id mouentur, ut acquirant id sibi connaturale, quo carent. Talia autem, quæ uim pati possunt, omnia corruptibilia sunt. **F.** Recte dicis omnia, quæ mouentur, ut quiescant, corruptibilia

*Rō secūda  
hæc à motu  
sumitur.*

*Quæcūque  
mouentur,  
ut quiescāt,  
corruptibi-  
lia sunt, &  
conuerso.*

corruptibilia esse. Si ergo & conuersum proponā, id est, quæ corruptibi- **C**  
 lia sunt, omnia moueri, vt quiescant, quid respondebis? R. H. Et hoc cō-  
 cedam, quia corruptibilia omnia aut elementa sunt, aut ex elemētis, hæc  
 autem si mouentur, mouentur. ut quiescant. F. Vide igitur Turri, ex  
 his sequitur, vt, quæ per se mouentur, hoc est, non, vt quiescant, omnia  
 sint incorruptibilia. si enim sint corruptibilia, dictum est corruptibilia  
 omnia moueri, vt quiescant. quare, si aliqua per se mouentur, incorrupti-  
 bilia esse necesse est. Item & illud sequitur, vt si qua incorruptibilia sint,  
 si mouentur, moueātur quidem per se vt scilicet moueātur, non, vt quie-  
 scant. Si enim, vt quiescant, dicas moueri, iā corruptibilia erūt per ea, quæ  
 dicta sunt. R. H. Sequi quidem videntur omnia hæc. Verum cum mo-  
 ueri multipliciter dicatur. nam & quod generatur, & locum mutat, &  
 alteratur, & quod intelligit, omnia moueri dicuntur. statuendum est à  
 te, de quo motu hæc dicas. F. In omni quidem motu vera esse vidētur,  
 quæ dicta sunt. In primis enim si motum generationis spectemus, mate-  
 riam videbimus per se, & semp moueri, & modo hoc, modo illud fieri,  
 & nunquam quiescere, eandem & æternam, & incorruptibilem esse. At  
 si & locales motus consideremus, deprehendemus, quæ per se mouētur,  
 & semper moueri, & æterna esse, quales cœlestes orbes visuntur: reliqua  
 vero, quæ per accidens mouentur, vt quiescant, corruptibilia esse. Simili- **D**  
 ter, & quæ alterantur, se habent. corruptibilia enim sunt, & mouētur, vt  
 quiescant. R. H. Enimuero ita est. F. At vero & iis motibus, qui spiri-  
 tuales dicuntur, idem est videre in ijs mentibus, quæ se ipsas mouent, &  
 intelligunt, tum & æternæ quoque sunt. Quapropter constanter possu-  
 mus in vniuersum statuere, quæ per se mouentur, & iccirco semper mo-  
 uentur, incorruptibilia esse, quæ vero per accidens mouentur, vt scilicet  
 quiescant, corruptibilia. Tum & incorruptibilia per se moueri, & sem-  
 per, corruptibilia vero moueri, vt quiescant. R. H. Videtur. F. His er-  
 go sic constitutis ad animam nostram descendamus, eam dico, quæ intel-  
 ligit, & vniuersalia speculatur: & videamus in quo genere ponere illā de-  
 beamus. constat enim & ipsam moueri intelligendo. Vtrum igitur in  
 genere eorum illam ponemus, quæ per accidens mouentur, vt quiescant  
 scilicet, an eorum, quæ mouentur, vt moueantur, et per se non quiescūt?  
 Quid ergo uidetur tibi dicendum? R. H. Ego quidem nullum horum  
 asseuerare audeo. ponamus autem vtrunque, ut videamus, quid sequa-  
 tur ex vnoquoque. ac primum, si placet, ponamus animam esse in genere  
 eorum, quæ mouentur, vt quiescant. F. Ponamus quidem, sed nescio,  
 quomodo recte ponemus. Si enim intellectus est omnia fieri, & nullam  
 habet naturam, nisi quod potentia est, videtur quidem talis esse qualis,



**A** & materia se habet in generatione. Quare, sicut illa semper moueri dicta est, & semper perfici, semper perfecta esse, ita & intellectus eorum esse dicetur, quorum natura est, ut semper, & per se moueantur. Nullam enim differentiam habet aliam à materia nisi quod hæc omnia fit generatione, ille omnia intellectione, quæ generatio quædā est. Præterea, si moueretur intellectus, ut quiesceret, oporteret per quietem illam acquirere aliquod esse, in quo cum sit, nihil ultra appetat. At nullum tale esse habere potest intellectus. quolibet enim acquisito, nihilominus inclinatio, & appetitus ad alia non esset. Quare talis videtur esse intellectus, qualis & materia, & cælum, quæ non vno vnquam in esse, & situ manet, sed vno habito ad alia parantur, contrario modo, ac illa se habent, quæ mouentur, ut quiescant. quodam enim certo parto non ultra appetunt. Si igitur ita videtur tibi, nos ad aliam partem ponendam transibimus. **R. H.** Videtur quidem. Verum eadem & de sensu, & phantasia dici posse videntur: nam & hæc in potentia sunt ad sua sensibilia, & ab ijs semper perficiuntur, semper perfecta sunt, nec vnquam finem faciunt. **F.** Minime quidem ita est Turri, sed & sensus, & phantasia mouentur, non, ut semper in motu sint, sed ut quiescant. Nihil enim, quod fatigatur in motu, potest habere motum per se & essentialem, uti finem. at sensus, & phantasia manifestum est fatigari, & amare quietem: si quidem & multa sensibiliū per displicentiam recipiunt, ut, quæ excellunt, & his receptis inferiora non possunt ultra recipere. Cuius causa est, quod eorum motus non inest illis per se, ut finis, sed parto vno sensibili in eo quidem ex se quiescerent, nec ultra appeterent. Quod si ad alia, & alia ferantur, ideo fit, quod ordinati sunt in intellectum: qui cum ex se finem non habeat, cogit & sensus in alia, atque alia ferri. Propter quod solus ille semper mouetur, & semper perfici vult, nec vnquam fatigatur in eo motu per se, nec displicentiā vnquam recipit intelligibilem, quæ eo etiam magis appetit, quo perfectiora, & excellentia sunt magis. vnde nec minus ideo potest inferiora recipere. Quamobrem Turri non possumus partem hanc ponere, quod intellectus moueatur, ut quiescat, si eius natura est omnia fieri, & parto vno non in eo quiescere, sed perpetua quadam appetitione ad alia, & alia ferri.

Si igitur satisfaciunt hæc, iam ponemus & alteram partem, intellectum scilicet esse in genere eorum, quæ per se mouentur, ut moueantur. **R. H.** Ponamus quidem: sed video te id statim illaturum, ut æternus, & incorruptibilis sit intellectus, propterea quod concessimus, quæ per se mouentur, esse incorruptibilia, & corruptibile omne moueri, ut quiescat: quæ rursum considerata sunt. Fortasse enim non recte concessimus conuersum illud, quod fuit, corruptibile omne moueri, ut quiescat. Si quidem nihil

Intellectus  
assimilatur  
materiæ in  
generatione.

Intellectus  
in eorū ge-  
nere esse vi-  
detur, quæ  
per se mo-  
uentur, nō  
ut quiescant,  
sed moueā-  
tur.

forte prohibet aliquid corruptibile moueri in aliquo genere motus , vt **C**  
 quiescat, in aliquo, vt non quiescat. Nos autem simpliciter concessimus,  
 quod in vniuersum concedendum non erat. Quare potest intellectus  
 motu alterationis moueri, vt quiescat, motu vero intellectionis, vt non  
 quiescat: ex quo tamen non sequitur, vt incorruptibilis sit, nisi simplici-  
 ter talis sit, vt moueatur propter quietem. Nam videmus & cor motu lo-  
 cali moueri semper, corruptibile tamē esse, quod motu alterationis quie-  
 scit. Similiter &, quod nutritur, se habet. Semper enim mouetur, & tamē  
 corruptibile est, eo quod motus alterationis ad quietem fit. F. Ita ne  
 Turri illud Dæmon tuus, & nunc negat, quod tu paulo ante cōcessisti,  
 sperans obiectis quibusdam tenebris euadere, velut loligo, et non euadet  
 tamen? Monstro enim simile est, quod dicis, aliquid esse, quod in vno ge-  
 nere motus moueatur, vt quiescat, in alio, vt non quiescat. Sic enim vnū  
 & idem haberet conditiones corruptibilis, & incorruptibilis: quod esse  
 non potest, præsertim si alter motus sit eius rei finis per se, & essentialis.  
 Si enim huius finis sit moueri, vt quiescat, corruptibile id erit: si vero vt  
 non quiescat, erit incorruptibile. Igitur propria intellectus operatio cū  
 sit omnia fieri per intellectionem, & semper perfici, semper perfectum  
 esse, & nunq̃ quiescere, proculdubio idem de intellectu dicendum erit,  
 quod de materia, & vtrunque incorruptibilem, & æternum esse. Quæ  
 vero de corde, & nutritione dicebas, nihil nos oppugnāt. Cor enim duos **D**  
 habet motus, & vtrisque finis est quiescere: ac quiescit etiam quātum da-  
 tur: sed noua necessitas extrinsecus veniens facit, vt non diu quiete illa  
 frui possit. quare rursus mouetur. vnde videtur semper moueri. Non est  
 autem hoc nisi per accidens, non per se. Nutritio vero & ipsa quanquam  
 semper aliqua in parte fiat, finem tamen habet vnaquæq; pars, ad quam  
 fit aggeneratio, & quiescit. Quare in vniuersum Turri verum est, omne,  
 quod ex natura mouetur, vt quiescat, corruptibile esse, & omne cor-  
 ruptibile moueri, vt quiescat. Item omne, quod per se mouetur, vt nō quie-  
 scat, incorruptibile esse, & omne incorruptibile, si mouetur, moueri, vt  
 non quiescat. Quibus ita se habentibus, si natura intellectus confidere-  
 tur, videbimus ipsum in genere illorum esse, quæ per se mouētur, vt nō  
 quiescant in aliquo eorum, quæ acquiruntur. acquiri enim in omni mo-  
 tu aliquid necesse est. sed vltra appetere consueuere, quæ per se mouen-  
 tur, vt moueantur. quare & incorruptibilem ponere intellectum debe-  
 mus, & parem habere cum materia conditionem. Hæc ratio Turri ab  
 Aristotele verbo vno tacta videtur, q̃ forte vulgatissima inter Academi-  
 cos esset ab Alcmeone in ipsos deriuata, verum ab ijs adeo accepta, &  
 approbata, vt semper, vti inconuincibilis, habita sit: quanq̃ illam aliqui  
 alio



**A** aliò modo deducant minus (vt arbitror) efficaciter.

Sed nos iam & peripatetice quædam referamus, quæ video à vobis fortasse desiderari. R. H. Ita sane. F. Potes'ne igitur Turri dicere, quænam sit natura materiæ? dico autem materiam illam, de qua paulo ante diximus, quæ subiectum generationis est. R. H. Possum equidem, si verum est, quod aiunt, nullam aliam habere naturam, nisi quòd potentia est. F. Ad quæ autem est potentia? R. H. Ad susceptibilia per generationem.

Peripateticorum sententia de animæ immortalitate ex proportionem intellectus ad materiam accepta.

F. Nullum igitur habebit ipsa susceptibilium per generationem. R. H. Sequitur. F. At quæ nam susceptibilia sunt per generationem, non'ne formæ, quæ materiales dicuntur? R. H. Omnino. F. Nullam ergo habebit per se materia materialem formam. R. H. Nullam prorsus, si addas omnes formas materiales esse susceptibiles. Si enim non hoc addas, sequitur tantum, vt materia nullam habeat materialium formarum, quæ susceptibiles sint. F. Recte dicis. Si ergo & de intellectu, proportionem quadam petiero, quam nam ipse naturam habeat, quid dices? R. H. Nullam habere aliam naturam dicam, nisi quod & ipse potentia est ad susceptibilia per intellectionem. F. At quænam susceptibilia sunt per intellectionem, non'ne formæ materiales? R. H. Vtique. F. Sequitur ergo, vt intellectus nullam habeat materialem formam. R. H. Sequitur quidem, si & hic addas, omnes formas materiales esse susceptibiles ab intellectu: alioquin non sequetur, nisi illas non habere, quæ susceptibiles sunt.

Intellectus quidditas.

**B** F. Quid ergo prohibet, ne addamus omnes formas materiales esse susceptibiles? R. H. Hoc quidem prohibet, quod susceptibiles tantum sunt formæ illæ, quæ species proprias habent: Quæ vero non habent, si intelliguntur, intelliguntur per species alienas. Multæ igitur sunt materiales formæ, quæ species non habent: qualis forte est substantia, quatenus substantia, vt declaratum à Turrio fratre in recessibus Baldi fuit. Si igitur ponamus intellectum esse substantiam, & materialem formam, susceptibilis quidem non erit, eo quòd speciem propriam non habet, sed intelligitur per alienas. Quare, si accipias omnem materialem formam susceptibilem esse, male quidem acceptum erit, si quidem non tantum intellectus; sed neque vlla substantia susceptibilis est. Si vero accipias formam omnem, non sequitur intellectum nullam esse materialium formarum.

Præterea formarum, quæ sunt in materia, aliæ sunt singulares, aliæ vniuersales. ad singulares autem non est in potentia intellectus, sed ad vniuersales tantum, contrario modo, ac materia se habet, quæ ad singulares quidem potentia est, ad vniuersales non nisi per accidens. Nihil igitur prohibet materialem formam esse intellectum, sed singularem. quare nec ipsam suscipere, sed vniuersales tantum formas.

Num ꝑ in  
tellectione  
obeūda me  
lius sit itel  
lectū omni  
carere for  
ma, an par  
tim habe  
re, partim  
nō habere.

Aia est oia  
quodāmo  
do, & non  
oia quodā  
modo.

Postremo & illud operæ precium est considerare, vtrum pro intelle- **C**  
ctione obeūda melius sit intellectum carere forma omni, & specie,  
ceu tabulam (vt aiunt) erasam, in qua nihil depictum sit: an partim habe  
re, partim non habere, esse autem potentia ad omnes naturas, & formas,  
sed qua non habet, non autem qua habet, quemadmodum & sensus. Si  
enim tactum consideremus, ille quidem ex calido, & frigido, & humido  
consistit: idem quoque calidum, & frigidum, & humidū recipit, & diju  
dicat, sed qua non habet, quo scilicet vel gradu, vel parte nō habet. Ocu  
lus porrò luce multa, & colore participat, qui nihilominus lucē fuscipit,  
& colores. Lingua quoque, quæ sapores omnes percipit, saporis experts  
non est. Quid ergo prohibet, ne & intellectus quoque sit talis, & partim  
formæ materialis sit particeps, partim non: sitque in potentia ad natu  
ram illius formæ, sed qua non habet, qua vero habet non sit in poten  
tia? quod iure factum à natura videtur. sic enim maxime potest intelle  
ctus cognoscere specie, quæ extrinsecus est, veniente ad ipsum, quæ vnū  
facta cum specie, quæ introrsum est, excitat animam, & intellectionem  
causat. propter quod videtur Plato facere animam ex omnibus consistē  
tem. Ad propositum igitur reuertentes dicimus quodammodo verum  
esse omnem materialem formam susceptibile esse, qua scilicet parte non  
habetur, quodammodo non verum, qua parte habetur: & sic intellectus  
omnia quodammodo fieri potest, quodammodo non omnia. **F.** Egre **D**  
gie quidem Turri fungeris officio tuo. ego itidem conabor, vt meo fun  
gar & ipse. Nam primum nihil officit, quod dicebas, substantiam non ha  
bere speciem propriam: quare nec intellectum esse susceptibilem, quan  
quam forma materialis sit. Nam, quamuis detur hoc, quod nihilominus  
dubium est, semper tamen cum forma qualibet materiali coniuncta est  
sua qualitas propria, & inseparabilis. Scis enim, quantum de qualitatibus  
inducitur in subiectum aliquod, tantundem & de elemento proprio in  
duci. Si igitur intellectus sit forma materialis, siue substantia habeat, vel  
non habeat speciem propriam, sequetur quidem non posse fieri omnia;  
nec in potentia esse ad omnia: siquidem ad eam qualitatem, quæ coniu  
cta est cum ea forma, & inseparabilis est, non esse potest in potētia, quam  
iam habet. propter quod recte Aristoteles dicebat, si intellectus abstra  
ctus non esset, esset utique calidus, aut frigidus, innuens non posse esse in  
potentia ad qualitatem, quæ inseparabiliter ipsum consequeretur. Neq;  
eadem ratio est sensuum, & intellectus. sensus enim natura nō est, vt om  
nia fiat, sed certa tantum. quare constare potest è calido, & frigido, & rur  
sus calidū & frigidum fuscipere, que non habet. sat enim sensui est, si non  
fuscipiat, quod habet, nec simile, sed hoc iudicet alius sensus. neque enim  
vnusquisq;



**A** vnusquisq; sensus habet omnia suscipere, & iudicare, sed sensus in genere. At intellectus non talis est, sed vnusquisq; sigillatim intellectus ex se in potentia ad omnia esse debet, & omnia posse suscipere, quoniam simpliciter est in potentia intellectus ad omnia non ad certa solum. Ex quo etiam sequitur, quòd pro cognitione obeunda longe melius sit intellectum esse tanquam tabulam rasam, & nihil habere materiale, quàm partim habere, partim non habere: de quo dubitabas. Si enim partim habeat alicuius formæ, ad illam non esse potest in potentia, neque ad consimile: quod contra naturam intellectus est, cuius est omnia fieri susceptibiliū. Si igitur susceptibilis per naturam est ea, quæ habetur, pars formæ, cur suscipi non debeat, et possit? Quare, si natura intellectus talis est, vt à principio dixisti, vt in potentia sit ad omnia susceptibilia per intellectionem per se, cōcludendum est nobis per se nullum habere susceptibiliū: quod quidem non erit, si calidus, vel frigidus per se sit. Quod vero dicebas ad singulares formas non esse in potentia intellectum, ex dictis à Turrio fratre conuincitur non esse verum: Siquidem vniuersale abstrahitur à singularibus, quæ nota esse oportet. Constare autem intellectum ex perfectionibus rerum omnium, vt Timæus videtur significare, bonum habet sensum, vt talis sit excellentia quadam, & virtute, non q̄ cōsetur ex mixtione rerum. Quod vero dicebas conferre ad intellectionem, vt partim habeat, partim non habeat qualitates rerum, eo quod extrinseca specie, & intrinseca vnum fiat, quod excitet animum fortius, nullam habet necessitatem, quin potius impedimentum. Quod enim intus est, prohibet nō solum se recipi, sed & omne consimile: vt in sensibus apparet. Quod si ex ijs duabus speciebus vna fieret, quæ fortius moueret, & excitaret, oporteret & idem in sensibus fieri, & similia posse apprehendi: quod quidē minime fit. Si igitur omnia fieri debet intellectus, & in potentia esse ad omnia susceptibilia, separatum & abstractum esse necesse est. Atque hæc quidem sunt, quæ de peripateticorum penu educi posse videntur: in quibus siquid addubitas, p̄ferre profecto licet. R. H. Non pauca certe sunt Fra castori, quæ, si contentiosi esse velimus, possint adhuc in dubium verti: verum & hæc, & alia quædam ego vno, vt dicitur, in fasce collegi, quæ ad postremum referuabo, ne sermonem tuum tam crebro interrumpam. Quare interea, siqua alia habes, quæ ostendant animi æternitatem, illa p̄sequere. F. Bene est Turri, vt ita faciamus. ego autem & alia multa habeo, quæ adducam. Verum, ne plus æquo molestus videar, multa censeo esse prætermittenda, quædam tamen prædictis annectenda. Neq; enim nunc referam, quòd facultatis materialis non est posse se supra seipsam, & supra propriam operationem reflecti, vt in sensibus est manifestum.

Intellectus  
abstractus ē.

Immortalis  
tatis aiorū  
collige rationes.

Nec

Nec dicam, quæ è materia sunt, singulare quidem ipsum apprehendere, C  
 vniuersale autem non posse. Nec adducam ingenitum illum appetitum  
 animi nostri ad altissimas causas, & ad diuina tum inquirenda, tum &  
 fruenda: indicia quidem manifesta supra elementorum conditione esse,  
 quod tanta appetit, quasi propensione quadam in propriam patriam fe-  
 ratur. propter quod nec contemnendum est, quod physiologi dicunt, fi-  
 guram soli homini fuisse erectam à Deo datam, quo perpetuo videret, et  
 cognosceret patriam, atq; originem suam. Tacebo etiam signum illud,  
 quod Plato solebat dicere indicium animum nostrum per se abstractum  
 esse à corpore, quod tum maxime lætatur, cum maxime separatur à sen-  
 sibus, atque in se ipsum redit. Nec repetam, quæ Turrius tuus tam mira  
 de somnijs retulit, de vaticinijs, & præfensionibus alijs: quæ quidem neq;  
 à nobis inficianda sunt, neq; in casum, & fortunam referenda, sed in al-  
 tiorem certe causam: quam si fuerimus recte cõtemplati, aperte quidem  
 videbimus affinitatem quandam & cognitione habere cum diuinis ani-  
 mum nostrum.

Aristo. snia  
 de aia sem  
 piterinitate  
 ex primo li  
 bro de Aia.

Quæ vero prædictis annectenda videntur, & nullo pacto prætereûda,  
 duo sunt. Alterum est, quod, si ostendero operationem quandam in ho-  
 mine esse, in qua nihil communicet corpus, sed propria animi sit, procul  
 dubio confitendum erit naturam animi seiunctam per se, & abstractam  
 esse à corpore. Alterum est, quod, si & illud mōstrauero, omnia, quæ sub  
 Luna sunt, corpora, & omnia quæ supra, gratia intellectus humani facta  
 esse, & hunc esse illorum finem, neminem fore arbitror, qui opinari pos-  
 sit tot & tanta gratia rei vilis & caducæ facta esse, sed magis diuinum ef-  
 se, quod illorum sit finis. Sed iam age istæc demonstremus. Primum au-  
 tem non negare te existimo, si vlla erit animi operatio, in qua non com-  
 municet corpus, naturam animi per se abstractam esse à corpore. R. H.  
 Minime quidem negabo, quando & hoc philosophi omnes concedunt.

Vita spūs,  
 & sanctorū.

Sed quænam erit illa animæ operatio, in qua non cõicet corpus? F. Illa  
 D  
 ò Turri, de qua paulo ante dicebamus, vita spiritus, per quam homo rena-  
 sci, & nouus fieri dicitur, quasi corporeum omne exuerit, ac totus spiritu  
 quasi Deus, viuat. Vitam autem spiritus dico virtutes ipsas, non quidem  
 illas, quas solemus nobis aut propter gloriam quandam, aut vtilitatem  
 parare, satis quidem infirmas ac labiles, sed heroicas illas constantes  
 & inconcussas, proprium virtutum finem habentes: per quas corpus hoc  
 Deo mactantes, quasi extra corpus, cum illo viuimus, & semper sumus:  
 cum illo ambulamus, loquimur, comedimus, & omnia facimus: nobis  
 natos non arbitramur, sed illi soli: nobis nihil tribuimus, sed omnia illi,  
 & gloriæ eius: in paupertate diuites, in diuitijs pauperes, nobis in tormē-  
 tus, &



A tis, & cruciatibus, & ignibus exultantes: propter ipsum rerum omnium ac vitæ etiam prodigi: nihil amantes, nihil odio habentes, nisi quod ipse amarit, aut oderit: in simplicitate prudentes, iustitiam, pietatem, & veritatem colentes: ppter quæ multi meruere ab hominibus sancti, & diuini vocari, à Deo autem multipliciter donari, alij prophetandi gratia, alij morbos, & demones eiiciendi, alij miracula etiam faciendi. Talis in primis fuit sanctissimus ille, de quo à principio diximus, Dei filius: post ipsum, quicumque illum secuti, atque imitati potuere hanc vitam spiritus viuere, in qua caro, & corpus nullam Turri societatem habent, immo naturam, & propensionem prorsus contrariam. Reliquum esset alterum etiam illud, quod promissimus, demonstrare, omnia scilicet alia corpora propter humanum animum esse facta: sed hoc ad postremum relinqueamus, vbi de nobilitate animi nostri differemus. Atque hæc sunt, quæ de animi nostri æternitate dicenda pro tempore mihi visa sunt. Reliqua silentio inuolui miro, nescio quo, desiderio affectus audiendi illa, quæ tu vno in fasce collegisse dixisti. Veruntamen, quoniam pugnandum nobis video, bene erit, vt per pueri nostri musicam aliquantisper reassumamus vires, quo alacriores pugnam sustineamus. Igitur, cytharam cum accepisset puer, ac suauiter tetigisset, mox in hunc modum cecinit.

## P S I C H E.

B Huc Amor ò dilecte, ades ò dilecte Cupido,  
Formosum tua te Psiche formosa requirit,  
Et poscit te Dia Deum, puerumq; puella.  
O tibi tam similis si te peramatq;, cupitq;,  
Nonne & amabis Amor illam, cupiesq; Cupido?  
Est eadem nobis patria: est cœlestis origo  
Ab Ioue: nos terris pariter, nos æthere in alto  
Versamur pariter, coniunctaq; munera obimus.  
Ipsa bonum pulchrumq; modis in pectora miris  
Insinuo, tu corda feris, tu suggeris ignes,  
Accendisq; ardore nouo: genus vnde animantum  
Concipitur, crescitq;, sua & connubia iungit.  
Me miseram, quod & ipsa meis in me artibus vsa  
Ah nimium tenera, & pulchro nimis apta moueri,  
Vt te conspexi, vt noui, pulcherrime rerum,  
Continuo facibusq; tuis, & amoris amore  
Exarsi. iuuat hoc, paribus si & tu ignibus ardes.  
Tolle puer vittas, atque in me lumina solue,  
Nempe & amabis Amor pulchram, cupiesq; Cupido.

Ipsa

Ipsa tibi tenuem, qua cingas tempora, vittam  
 Intertexam auro, & molli bombyce laboro:  
 Pictus ubi Narcissus hiat, Meander oberrat.  
 Hic ego te latas terras, atq; alta volatu  
 Nubila tranantem fingo, & maria vda secantem:  
 Cuncta tibi imperio subdentem, hominesq; , ferasq;  
 Et pictas volucres, & , quæ nant æquore, monstra.  
 Dijs quoque nec parcis. curru rex Iuppiter aureo  
 Inuehitur, cinctus humeros & brachia ferro.  
 Quos inter tua Psiche etiam religata cathenis  
 It mœrens, sequiturq; tuos captiua triumphos.

Eorum ar-  
 gumentor  
 solutio, per  
 q̄ alicui vi-  
 deri posset  
 nō esse aios  
 imortales

Hæc cum cecinisset puer, nos rursus sermonem suscepimus. **F.** Iam  
 ergo Turri tuum est ea proferre, quæ ad postremum vno in fasce referua-  
 ri dicta sunt. Ego enim iam explicaui ea, per quæ vnusquisq; , vt arbitror,  
 bene instituti animi persuaderi possit diuinum immortalemq; esse intel-  
 lectum in nobis. Superest nūc, vt & ad ea respondeamus, per quæ dissua-  
 deri quis possit. **R. H.** Hoc quidem superest, verum, quæ ipse adducam,  
 Dijs testibus syluæ huius ita adducta esse volo, vt non ostendant, quem-  
 admodum prædixi, quid animo ipse sentiam, sed vt à te ex umbra quadā  
 educta animi nostri dignitatem valeant demonstrare. Quæ vero Fra-  
 castori negocium mihi hac in re faciunt, hæc ferè sunt. In primis enim, si

Num intel-  
 lectus con-  
 iungat cor  
 pori, vt nau-  
 ta naui, an  
 sicut for-  
 ma.

æternus ponatur intellectus in nobis, quærendum illud est, vtrum ille as-  
 sistat nobis, quemadmodum nauta, vt aiunt, naui, an magis nostri sit ita  
 pars, vt esse illud, quod quisque habet, ab illo detur. tu ergo quid horum  
 putas? **F.** Nihil asseueremus Turri, sed more inquirantium ponamus  
 vtrunq; seorsum, vt videamus, quid inde sequatur: quemadmodum sæpe  
 est factum. Quare, si placet, ponamus primum asistere. **R. H.** Placet qui-  
 dem: sed illud primo sequetur, vt duo illa distincta sint, qd' asistit, & cui  
 asistit, vt Socrates, & , qui Socrati asistit, intellectus. **F.** Omnino. **R. H.**  
 Socrates igitur, qua Socrates est, & esse suū per se habet, periturus ne ipse  
 est, an & ipse immortalis? **F.** Periturum arbitror. si enim sit æternus,  
 rursus de intellectu eius proprio quærere habebimus, vtrum asistat, vel  
 non. **R. H.** Recte dicis. Si igitur periturus ipse est Socrates, in primis spes  
 illa periisse videtur, quam paulo ante dicebas esse hominis finem. Si enim  
 Socrates, qua Socrates est, interiturus ipse est, quid ad ipsum, quod intel-  
 lectus, qui sibi asistebat sit saluus? quemadmodum ad nauim, quæ in p-  
 fundum mergitur, nihil facit, quod superstes sit nauta. **F.** Videtur.  
**R. H.** Præterea asistens hic intellectus, aut ergo vnus in omnibus, & cō-  
 munis, vt quidam e peripateticis tradunt, vel suus cuique est asistens in-  
 tellectus.



**A** tleſtus . Si igitur eſt vnus in omnibus , monſtrum profecto maximum audire mihi videor, quod etiam abſque neceſſitate inducatur . Quid . n . monſtruoſius dici pōt, q̃ intelligere me per aliquid, qđ non ſit mei pars? de quo dici fortasſe poſſit quomodo ipſum intelligat , quo autem pacto intellectionem ſuam mihi communicet, nec dicere quidem poſſumus , nec imaginari . Induci præterea abſque neceſſitate videtur . Si enim Socra tes, qua Socrates eſt, & ipſe intelligit, quærere licet, vtrum eadem intelli gat, quæ & intellectus ille aſſiſtens, an alia . Siquidem eadem intelligit, ſu perfluus eſt alius intellectus: ſi vero alia intelligit, quæ nam ea ſunt? Si enim dicis vniuerſalia ea eſſe, hoc certe verum non eſt, quando ſatis de claratum à fratre Turrio fuit nos poſſe vniuerſalia per nos facere abſque vllo forinſecus aſſiſtente intellectu . Quare, quoniam & per hæc, & p̃ alia monſtrum hoc ſatis exploſum fuit à Baldo , nunc quoque explodatur è Gaphijs tuis, ſi placet . F . Placet quidem . R H . Si vero non vnus eſt & communis omnibus intellectus ille aſſiſtens, ſed cuique aſſiſtens po natur, eaſdem quidem & alias habet difficultates . Nam & hoc monſtrū eſt per hoc extrinſecum nos intelligere: tum & dicta prius foelicitas pe rit . Porro & intereuntibus in prælio decem millibus hominum quærere licet, quid de eorum intellectibus fiat, qui ſingulis aſſiſtebant, num ociē tur, an alia expeſtent corpora, quibus denuo aſſiſtant, an aliud interea agant: quæ certe adeo ridenda ſunt, vt vix audiri poſſint . Quare partem hanc, quòd aſſiſtens vllo pacto ſit intellectus in nobis, ponere nec poſſu mus nec debemus . F . Ita quidem videtur . quare, quoniam nec ipſe in duci vnquam potui, vt monſtra hæc recipere, non magnopere curabo, vtrum poſitio defendi poſſit .

Ponamus igitur alteram partem, intellectum ſcilicet, quem immorta lem ſtatuiamus, non aſſiſtere vllo pacto nobis, ſed eſſe noſtri partem , per quam vnusquiſque id eſt, quod per ſe eſt . R H . Ponamus quidem . ſed illud primum ſtatuiamus intellectum hunc ſubſtātiā quandam eſſe, & non corpus, ſed actum ſimplicem, ſeu maius formam appellare . F . Ita quidem conſtituēdum eſt . R H . Igitur & de hac ſubſtātia primo quæ rendum videtur, vtrum diuiſibilis per ſe ſit, an indiuiſibilis . dico autem diuiſibile, quod partem habet extra partem , copulatas inuicem per com munem terminum . Quid ergo dicendum tibi videtur? F . Quid prohi bet vtrunque poni, vt conſueuimus? quare primum ponamus eſſe diuiſi bilem, ne quicquam prætermittatur, quod ab aliquo dici poſſit . R H . Si ergo diuiſibilis ſit hæc forma, ceu lumen quoddam, illud quidem primo quæremus, an in materia & ſubieſto, in quo ſemel fuit, ſemper maneat, an de ſubieſto in ſubieſtum migret . Siquidē enim ſemper manet, & So

Intellectus  
vnitur cor  
pori, vt for  
ma.

Intellectus  
est indiuisi-  
bilis.

crates quidem, & Plato, & alij erunt æterni etiam ipsi. si vero de subiecto **C**  
in subiectum migret, mortuo Socrate, & separata ab ipso hac forma non  
video, quomodo moueatur non motis subiectis ipsis. corpus enim nō est.  
Tum & illud est querere, quomodo se habeat in diuersis illis subiectis, in  
quæ migrat, vtrum vt substantia eorum, an vt accidens. At substantia ef-  
se non potest, cum subiecta illa suas habeant formas. Sed nec accidens. qđ  
enim per se substantia est, accidens in alio esse non potest. Atque hæc qui-  
dem ē multis, quæ adduci possunt, satis esse arbitror ad tollendam positio-  
nem hanc. Quare ponamus alteram partem, substantiam scilicet, quam  
intellectum dicimus, esse formam indiuisibilem. **F.** Ponamus. **R. H.** Si  
ergo indiuisibilis ponatur, illud primo se offert dubium, quomodo ex ip-  
sa, & materia, cui aduenit, vnum fieri possit: tum & vnum diuisibile. Nā  
materia, cui aduenit, vel diuisibilis est, vel etiam ipsa indiuisibilis. Si qui-  
dem diuisibilis dicatur, non video, quomodo ex vno indiuisibili, & alio  
diuisibili fieri vnum possit. Quod enim in alio recipitur, recipi quidem  
oportet secundum naturam, & conditionem recipiētis: & quod est actus,  
proportionem habere cum eo, quod est potentia. diuisibile autem nullā  
habet proportionem, nullam cum indiuisibili rationē, nec recipere quic-  
quam potest nisi diuisibiliter & per partes. indiuisibile autem partes nō  
habet. Neque vnum igitur fieri potest, nec Socrates diuisibilis. Si vero  
etiam materia indiuisibilis statuatur, minus uideo, quomodo ex duobus **D**  
indiuisibilibus vnum diuisibile fiat, vt Socrates. Deinde & illud est quæ-  
rere, vtrum forma hæc indiuisibilis recipiatur mediante quantitate. per  
partes igitur recipietur. si vero non mediante quantitate recipitur, mirū  
certe videtur, quo pacto homo diuisibilis fiat. Ad hæc autem, si indiuisibi-  
lis sit hæc forma, erit etiam incorporea. ex quo sequitur, quod modis om-  
nibus sit immobilis. Dico autem modis omnibus, quod nec per se, nec p-  
accidens mobilis erit. per se mouentur corpora, per accidens autem, quæ  
sunt in corporibus inhærentia, & extenta, vt qualitates. hæc autem forma  
nec corpus est, nec in corpore extenta. Sicut igitur intelligentia, & orbiū  
formæ nullo pacto mouentur in suis orbibus nec per se, nec per accidēs,  
ita nec anima hæc vllō pacto moueri poterit. Quid igitur de illa fiat mo-  
to Socrate de loco ad locum? Sequi enim non potest immobilis existēs.  
minus autem potest remanere. Quæ dubitatio maior etiamnum est mor-  
tuo Socrate. Si enim remanet, non video, quid agat: si inde mouetur, nō  
video, quomodo. Indiuisibile enim, si moueri debet, oportet per indiuisi-  
bilia moueri, & transire. hæc autem infinita sunt. Difficile præterea est,  
aut impossibile imaginari, quod nam esse habere possit hæc forma indi-  
uisibilis in corpore. Si enim in qualibet parte est, & in pedibus, & mani-  
bus,



**A**bus, mirum profectò est non intelligere & illa. Aut, si pars aliqua magis intelligit propter dispositionem meliorem, vtrum ergo & huius partes omnes intelligant, & harum partes? aut, si nulla demonstrabilis est, quæ per se intelligat, mira res videtur totum aliquod intelligere, vt Socratem, cuius pars demonstrabilis nulla intelligat. aut, si aliqua intelligit, cum illa extêta sit, & quantitatis particeps, vtiq; & forma ea talis erit. Hæc ergo Fracastori sequi videntur, si ponamus indiuisibilem formam esse animam, & incorpoream. At vero, si & incorruptibilem ponamus, sequitur quidem, vt nec generabilis sit. si enim sit generabilis, corruptibilis etiam erit. quòd si non generantur animæ, æternæ autem sunt, necesse erit nobis certum & definitum numerum earum statuere, quæ perpetuo quodam circulo abeant è corporibus, & rursus in illa redeant. Dicemus ne igitur illas in Elysio potare lethen, & post mille annos redire in lucem ad noua corpora, vt fabulantur Poetæ, an brutorum animalium corpora subire, & statuto tẽpore in hominem redire, & modo Gallum, modo Megillum fieri? Quæ omnia vt etiam demus, assistere nobis animas fatendum erit, quod supra improbatum à nobis fuit. Ad hæc ergo respondere si primum placet, ego mox & alia adducam, quæ non minores difficultates apponent. F. Immo Turri totum fascem dissolue, & omnia explica, dum concitatus videris. Ego enim curabo, vt nihil de memoria decidat mihi. R. H. Pergam igitur, & alia in medium adducam, quæ materialem ostendant eam formam, quæ in nobis intelligit. è quibus primum & maximum argumentum est, quòd enasci illam per materiales dispositiones manifestum est, per illas conseruari, per illas demum immutatas interire. indicia hæc sunt à materia dependere illam, & cognatam habere naturam cum alijs. Tu præterea assumebas. Si anima propriam habet operationem, cum qua non communicet corpus, abstracta est per naturam à corpore. Ego vero oppositum nunc assumam. Si anima nullam habet propriam operationem, cum qua non communicet corpus, abstracta per naturam esse non potest. Atqui nullam talem habet operationem, si vera sunt, quæ Turrius frater de operationibus intellectus exactissime disputauit. Quippe cum non solum operationes sensuum, & phantasiæ, sed ipsius etiam intellectus omnes cum corpore ipso fiant, & in ipso sedem habeant. Intellectio siquidem ipsa per species fit. species autem in spiritibus, vel ipso in cerebro, aut eius membrana recipi constat, & ex ijs omnis cognitio fit. Habitus porro in memoria locari manifestum est. memoria vero per cerebri dispositiones & conseruatur, & augetur, & perit. Quin & ipsum etiam vniuersale, non quæ repræsentat, sed quæ existit, eadem species est, quæ & in sensu fuit, vt & concessum, & receptum fuit.

Rõ suadens  
mortalitatẽ  
aiæ ab ipsa  
proprie ope  
ris carẽtia.

HHH ij Quare

Quare operationem omnem animæ communem esse cum corpore satis perspicuum videtur. Quod & definitio quoque animæ apertissime monstrat. siquidem est actus corporis physici, organici, viuentis. Oportet ergo, vt & intellectus vtatur organico corpore: alioquin rationem assignatę definitionis non habebit. Quinimmo & operatio illa Turri, quā tantum animæ propriam faciebas, quæ vita spiritus appellatur, non sine socio corpore fieri uidetur: tum quia non dicimus animam iustam, aut prudentem & fortem, sed Socratem, & Platonem: tum quia vita illa nō aliud tandem est, quā virtutes ipsæ, quas exercemus. Virtus autem per assuefactionem, & opinionem fit. vtraque autem cum corpore, & in corpore fit. Porro, quas heroicas appellabas virtutes, & solum sanctis viris attribuebas, passim fieri & ab alijs manifestum est. quandoquidem, cum virtutes faciant opinio & vsus, multi quidem opinionibus etiam falsis decepti, & melancholijs, iustissimi, & continentissimi visi sunt: alij ita longo tempore persuasi, quod leges ostendunt etiam barbarorū. Apud Indos legimus mira fortitudinis, & contemnēdæ mortis exempla, vt de Calano, & alijs, qui aut glorię spe, aut immortalitatis, constructis pyris se se proiecerunt in ignes. vnde & illud.

Deus immortalis haberi

Dum cupit Empedocles, ardentem frigidus Aetnam

Infiluit.

D

Qua de re, & alia multa exempla proferre possem. Sed redeo ad fascem meum dubitatorū, quę multa adhuc supersunt, nisi tu quid habes, quod interponere velis. F. Nihil quidem nunc est, quod interponam, sed persequere. R. H. Prosequar igitur, atque illud statuam tecum. Si intellectus phantasia quędam est, aut non sine phantasia, vt Aristoteles ait, immaterialis esse non potest. Nam & phantasia materialis est forma, & si quid eodem modo recipit, quo ipsa: quod certe intellectus facere videtur. eadem enim recipit, quæ prius phantasia receperat, et eodem modo, hoc est, vt singularia: circa quæ mox negociatus abstrahere dicitur vniuersale. Ad hæc autem quærimus, adueniente intellectu quid de sensitiuo fiat, quid de phantastico, nunquid remaneant hæc, an corrumpantur. Nam, si remanent, substantia esse non potest intellectus, nisi forte assistens, quoniam aduenit subiecto iam actu constituto. At, si corrumpi dicantur, quærimus, à quo & quando corrumpuntur: tum & quomodo, si corrupta sunt, fiat Socrates sensitiuus, & phantasticus. dari enim hæc ab intellectu non possunt, si immaterialis est, nec à formis, quæ corruptę sunt. Illud præterea dubitationem vel maximam facit, quod videmus intellectum induci certo inducto gradu qualitatum, certa temperie elementorum.

Alia rō apparēs ad animi mortalitatem astringēdam.



**A**torum. Quærimus ergo, vtrum illi gradui, illi temperiei correspondeat sua forma, quæ in sinu, & potentia elementorum consistat, an non. Si quidem sua correspondet forma elementaris, illi autem superueniat intellectus, utiq; is aut substantia nõ erit, aut afsistet tantum. Si vero illi gradui, illi temperiei nulla correspondeat elementaris forma, nunquid ergo hoc erit, quia in tota potentia & natura materiæ, & elementorum repugnat esse formam eiusmodi? an non repugnat quidem, sed suspenditur à Deo? Repugnare autem naturæ materiæ & elementorum induci formam, cuius dispositiones iam sint inductæ, absurdum certe videtur: magis vero, si dicamus suspendi à Deo formam genere, & natura conuenientem cum dispositionibus, vt inducatur forma alieni generis, & naturæ, ad quam ne analogiam quidem habeant dispositiones præparates ad formam. Quare, cum videamus in alijs omnibus eiusdem esse naturæ dispositiones, & finem, ob quem inducuntur, rationabile satis videtur & intellectum eiusmodi etiam esse. Postremo & illud quærédum arbitror, quoniam in nobis anima per species rerum intelligit, vtrum secundum se alium habeat intelligendi modum, dum in nobis est, an non alium habeat. Si quidem enim alium habet, puta eum, qui dicitur per essentiã, qui proprius est abstractorum, mirum profecto est, quòd intelligens per essentiam suam anima, & futura etiam & imminetia pericula nobis non provideat, nec indicet illa nobis. non enim videtur esse, quod prohibeat. Si vero hunc solum modum intelligendi habet, qui per species fit, mirũ primo videtur abstractam substantiam non intelligere nisi per species rerum. Deinde separata à corpore quomodo intelligit, & reminiscitur? species enim non referuantur, & non mouent nisi compositum corpus. At que hæc Fracastori sunt ea dubia, quæ ad postremum referuare cõstitui. tuum erit ea dissoluere, ac pro virili eniti, vt ijs discussis illustratisq; possumus nobis, & animo nostro congratulari. **F.** Enitar quidem Turri. & nisi me fugiet veritas, ita etiam me facturum spero, vt animus noster de se ipso pie recteq; audiat, ac gratuletur sibi.

In primis autem, vt diximus, ad eas animas spectare oportet, quæ orbis cœlestes mouent, ijsq; esse illud dent, quod quilibet eorum habet.

Ita enim multi philosophorum putant, nec adeo mirantur, quomodo in ijs vnum fiat, quemadmodum video te nunc mirari, quo pacto ex indiuisibili anima, & materia vnum fieri possit. Quod autem in primis quæreas, vtrum materia, cui forma hæc aduenit, diuisibilis sit, an etiã ipsa indiuisibilis, dico esse, qui putent materiam ipsam per se indiuisibilem esse, fieri autem diuisibilem per coeternam sibi quantitatem, quam interminatam vocant. quòd quidem satis durum videtur mihi. Quod enim per

se indiuisibile

Prima qđ.  
Nũ materia, cui aduenit forma sit indiuisibilis, vñ diuisibilis.

se indiuisibile est, per nullum superadueniens accidens diuisibile fieri pos-  
 se videtur. Quare arbitror ipse diuisibilem per se esse materiam, vt pote  
 continuum quoddam. continuitas autem nihil aliud est, nisi modus qui-  
 dam essendi: quam si volumus quantitatem interminatam vocare, nihil  
 quidem prohibet, dummodo accidens nullum intelligamus, sed modū  
 essendi tantum, qui idem est cum re. Quare ponemus materiā, cui adue-  
 nit, intellectus indiuisibilis forma, diuisibilem ipsam esse per se eo pacto,  
 quo intelligentia orbi suo dicitur aduenire. At tu dubitabas, quomodo  
 vnum fieri posset ex indiuisibili actu, & diuisibili materia. Ad quod nos  
 dicimus vnum fieri, multipliciter dici, sicut & totum. Est enim totum  
 & vnum, quod per accidens tale dicitur: est & totum, quod integrale &  
 continuum vocatur: est etiam totum & vnum, quod essentiale appella-  
 tur, ad hoc igitur totum & vnum essentiale cōstituendum non aliud cer-  
 te requiritur, nisi quòd hoc quidem sit actus, illud potentia. ex ijs enim  
 vnum in essentia fit, siue actus sit diuisibilis, siue indiuisibilis. Ego autem  
 hoc valde animaduertendum assero, tum maxime et proprie vnum fieri,  
 cum totus actus in toto subiecto est, & totus in qualibet parte: quòd pla-  
 ne accidit, cum actus indiuisibilis est. sic enim & totus in toto est, & totus  
 in qualibet parte. quare maxime vnum fit ex intelligentia, & orbe: & ex  
 anima intellectiua, & corpore suo. In alijs autem, quæ vnum faciunt per  
 continuationem, non vere vnum fit, quia totum nō est in toto, & in qua-  
 libet parte. quapropter diuisibiles formæ non proprie vnum faciunt cū  
 materia sua, quia non totus actus est in tota materia, & in qualibet parte  
 eius. Minime igitur mirari debes, si anima indiuisibilis sit, quomodo vnū  
 fiat cum materia diuisibili. Siquidem maxime vnum fit, & vnio illa ma-  
 ior est, quàm esse possit. Quod vero dicebas, recipi omne secundum na-  
 turam & conditionem recipientis, verum est in ijs, in quibus proprie re-  
 ceptio fit. hic autem nō proprie fit receptio, sed vnio magis, in qua & ana-  
 logia sua est, quantū ad essentiam cōstituendā, tamen si non sit analogia  
 in modo receptiōis. Cum vero querebas, vtrum intellectus adueniat ma-  
 teriæ mediāte quantitate, an non, dico, si tu intelligas mediante quan-  
 tate, vt disponente ad receptionem, sic quidē non aduenit mediante quan-  
 tate. hoc enim est formarum materialium, quæ per partes recipi debēt.  
 Si vero intelligas mediante quantitate, id est post ipsam, sic quidem di-  
 co aduenire intellectum mediante quantitate. aduenit enim post ipsam.  
 & non solum post quantitatem materiæ, sed post quantitatem elemento-  
 rum. ac sic fit Socrates & Plato diuisibiles, quorum diuisibilitas ex parte  
 materiæ & elementorum est, essentia vero actu indiuisibili: quæ maxi-  
 me vna est propterea, quòd totum est in toto, & totum in qualibet  
 parte.

Secūda qđ.  
 Quō ex ma-  
 teria, & for-  
 ma: aīa, &  
 corpore v-  
 num fiat.

Recipit oē  
 fm naturā  
 recipiētis,  
 si fiat rece-  
 ptio, nō autē  
 si fiat vnio.

Tertia qđ.  
 Num intel-  
 lectus reci-  
 piat in ma-  
 teria aliqua  
 quantitate  
 affecta.



**A** parte. Ad id vero, quod assumebas, si indiuisibilis, & incorporea est anima, erit omnino immobilis, hoc est per se, & per accidens, dicimus mini me sequi. quando & incorporea esse potest, & moueri per accidens. At tu dicebas, quæ per accidens mouentur, ea sunt, quæ in hæretia subiectis, vt qualitates, mouentur ad motum eorum: quod quidem non recte assumitur. Non enim solum hæc mouentur per accidens, sed & alia, vt quæ ad motum producentis mouentur, & quæ ad trahentis motum. Lumen quippe in aere mouetur non per aeris tractum, sed per motum producentis Solis: similiter & ferrum ad motum magnetis. Anima igitur non mouetur ad motum subiecti, à quo portetur, sicut qualitates se habent, sed mouetur à trahente. Si vero quæras, quid sit hoc trahens, meminisse te arbitror aureæ illius catenæ, quam Homerus scribit è coelo dependere, & cuncta alligare. Hæc autem catena nihil aliud est, quam aut anima mundi, de qua diximus, aut Fatum, aut Dei nutus & voluntas, quæ totum per vniuersum permeat, & cuncta mouet, & alligat: mouet autem, & trahit, p fine illi primo motori cognito. ergo & anima suo corpori, dum viuit, alligata mouetur non ab eo, sed cum eo, quò expedit. ipso vero emortuo relinquit & anima ipsum, non derelicta ab ea, cui alligatur, catena, quæ illam mouet, quò placet motori primo, fines rerum omnium noscenti.

**B** Quo autem pacto moueatur ipsa, & loca mutet inuisibilis existens, difficile tibi videtur imaginari: & difficile est propter modum cognoscendi nostrum. quia cognitio omnis nostra per species rerum fit, species autem à corporibus emanant, quæ magnitudinem habent, & finita certis clauduntur terminis. Quam ob rem, quæ corpora non sunt, & magnitudinem non habent, nec species, non possumus per se intelligere, sed solum per species alienas, & aut per similitudinem quorundam, aut per quorundam negationem. sic & Deum, & immaterialia omnia cognoscimus. Quare nec eorum motus attingere valemus. Motum enim non cognoscimus nisi per mutationem locorum, quam faciunt corpora, quæ in ijs mouentur. Abstractorum vero motum, & eorum, quæ magnitudinem non habent, cognoscere quidem non possumus nisi per similitudinem quandam eorum, quæ loca mutant. Nam, sicuti hæc, quæ loca mutant, & proprie mouentur, præsentia sunt modo huic, modo illi loco: & modo in hoc operantur, modo in illo, ita & abstracta, & indiuisibilia modo præsentia sunt in vno, modo in alio loco non per loci circumscriptionem, sed per operationem. Igitur, sicut difficile est imaginari ipsa incorporea, ita & eorum motum imaginari difficile est. Nec oportet eorum motum mensurare per spatia correspondentia rei motæ. hoc enim est corporum, non eorum, quæ magnitudine carent, mouentur tamen suo modo, & loca per præsentiam, & operationem

Quarta. q.  
Nūc aia sit  
immobilis, et  
quomouea  
tur.

Perdifficile  
è animæ  
motum per  
pere.

operationem mutant propter eandem causam. Difficile etiamnum est C  
 imaginatione comprehendere, quod esse anima in corporibus habeat: p  
 similitudinem tñ aliorum cōprehendimus, quæ esse dant. Verum differt  
 animæ esse ab alijs, quia ipsa tota in toto est, & tota in qualibet parte. qua  
 re & in pedibus, & manibus eadem est forma, quæ & in intellectuā par  
 ticula: non operatur tamen in omnibus partibus, quando aliud est essen  
 tia, aliud operari. Ad essentiam enim non aliud requiritur, nisi vnio for  
 mæ: ad operationem vero requiritur organum, & dispositio, quæ nō est  
 vbiq; sed in certa solum parte, quæ primo intelligit, & eius pars omnis,  
 per quam & totum denominatur intelligens: sicut & sentiens dicitur,  
 quanquam pars omnis non sentiat. Nec inconuenit pro operatione ob  
 eunda indigere corpore animam, materialem tamen non esse, quando  
 secundum se aliam habet operationem, quæ non indiget corpore.

Quinta. q.  
 Num, si aīa  
 sit incorru  
 ptibilis, in  
 generabile  
 illā esse o  
 porteat, &  
 quomodo.

Ad hæc autem & alias dubitationes apponebas, illud statuēs, si incor  
 ruptibilis est anima, etiam ingenerabilis est. recte quidem, si intelligas eo  
 dem modo esse ingenerabilem, quo incorruptibilis est per actionem qua  
 litatum contrariarum, eodem modo & ingenerabilis est. Neque enim  
 generatur per hāc actionem, sed per longe nobiliores, et per principiū,  
 quod supra qualitates se habet: siue illud sit Sol, siue idea aliqua, siue ipse  
 magis, qui finis hominis noscens Deus ea ordinat, & præstat, quæ ad eū D  
 finem faciunt. Quinimmo, vt minus Turri admirere Deum animas pro  
 creare, fuere philosophi, & quidem magni, qui putauerunt nedum huma  
 nas animas Deum producere, sed & omnem mixtorum formam. Gene  
 rabilis ergo est hoc pacto anima, & hoc pacto etiam incorruptibilis, si (vt  
 inquit Plato) placeat auctori illius. Ac sic quidem euitamus certum illū  
 numerum animarum, ac ridiculum earum ingressum, & regressum cir  
 cularem in noua corpora. Si vero durum cuiquam videatur à Deo creari  
 animas, sciat ille & conueniens hoc Deo esse, & decens. Conueniens  
 quidem, quia illius bonitati conueniētissimum est perpetuo aliquid no  
 uum in vniuerso producere, quemadmodum & vniuersum ipsum pro  
 duxit. Decens quoque, tum vt, cum supra naturam sit semper, etiam ostē  
 dat se supra naturam esse: tum & gratiam illam monstret atque expleat,  
 qua hominem elegit ad cognitionem, & cultum sui. Ex his & aliam ob  
 iectionem tuam tollere non est difficile, qua dicebas ad animæ genera  
 tionem, & conseruationem requiri dispositiones, & conditiones mate  
 riæ: quibus sublati interire hominem. Nos enim dicimus duplex esse ha  
 bere animam: vnum simpliciter & secundum se: alterum in hoc, id est, in  
 corpore. Quātum igitur ad esse simpliciter eius, nulla indiget dispositio  
 ne materiæ: quippe quæ & sine corpore esse, & absq; eo etiam fieri possit.

Aīas à deo  
 creari cōue  
 niens, ac de  
 cens est.

Quantum



**A** Quantum vero ad esse, quod in corpore habet, nihil inconuenit, si dispositiones quasdam corporeas requirat. Propter quæ & aliud tuum dubium cessat, cum dicebas nullam propriam habere operationem animā, in qua nō communicet corpus. siquidem secundum esse simpliciter suū, quo esse sine corpore potest, intellectionem longe perfectiorem habet. Quod si & esse quoq; illud cōsideremus, quod habet vnita corpori, operationes quidem nonnullas inueniemus, quarum natura nullam habet cum corpore cognationem. quippe cum earum tum finis, tum & efficiens, tum & effectus supra corpus sit. Siquidem eius vitæ, quæ vita spiritus dicitur, finis est Dei maximi fruitio. Illa etiam fieri perfecta non potest, nisi ipso mediante & coadiuuante. Porro effectus, qui ab illa fiunt nihil corporeum sapiunt: vt prophetiæ, miracula, & præfensiones aliæ. adde, quod & ad eandem vitam corpus & caro nihil conferunt, immo repugnant, & contrariam naturam habent. Propter quæ dicere constanter possumus hanc vitam propriam animæ esse, & nihil in illa corpus cōmunicare. Quod vero virtutes quædam magnæ videantur fieri à quibusdam, qui vel melancholijs decepti sunt, vel specie gloriæ cōcitati, vel alijs de causis, neq; ipse negarim. Sed illæ virtutes non sunt, sed vitia potius, & errores, quarum nec finis, nec efficiens, neque effectus, qui inde fiunt, diuinum quicquam sapiunt, quemadmodum illæ, quæ à sanctis viris profisciscuntur. Porro neque illud tacebo, quod multæ intellectiones, tamen quantum ad receptionem simplicium corpore indigeant socio, tamen quantum ad compositionem extremorum supra corpus sunt, & diuinū quiddam habent: vt diuinationes, & miracula. Quapropter & diuinam putandum est esse animam per se, & signa eius diuinitatis etiam in corpore dare. Per hæc & illud infringitur, quod tu assumebas. Si intellectus phantasia quædam est, aut non sine phantasia, abstractus esse non potest. Fate mur enim & nos intelligere animum hic per receptionem phantasmātū, & quantum ad hanc operationem vt socio corpore, secundum se tamē abstractum esse, & corpore nullo pacto indigere. Nunc ad alia transeamus. nam cum quærebas, in intellectus aduentu quid de sensitiuo, quid de phantastico fiat, Ego quidem corrūpi hæc dico eo in momento, quo aduenit intellectus, sicut & vegetatiuum corrumpitur adueniente sensitiuo. Corrumpitur, dico, quātum ad vltimam formam, quæ tunc inerat, & vegetatiuum includebat: non corrumpitur autem secundum genus, quoniam potentia inferioris semper remanet in perfectiori, quod fit. Intellectu igitur adueniente prior forma, quæ sensitiuum, & phantasticum includebat, corrumpitur, remanente tamen sensitui potentia, & phantastici. At tu hic acrius instabas, & rem vrgebas. nō enim videtur, quomo-

Aīe quoddā propriū opus eē cui non cōciet corpus necessariū ē.

Sexta qđ. Nū intellectus sit phantasia, vel nō sine phantasia.

Septima. q. Num in aduentu intellectus ī corpus corrumpantur formæ omnes pcedentes.

do remanere possint virtutes sensitiui, & phāstici, cum materiales sint. **C**nam à quo dari possunt? non quidem ab intellectu, qui immaterialis ponitur: non à forma materiali, quæ iam corrupta est. Ad quod nos dicimus sensitiui virtutes partim remanere posse in elementis, quæ ad perfectiorem gradum reducta possunt vim sensitiuam præbere, quanquā corrupta sit præcedens vltima forma. remanet enim forma, & mixtio generica. partim dari posse ab anima nuper inducta, quanquam per se immaterialis sit. potest enim recipere speciem, in quantum speciem, & iudicare. quare & sensitiui speciem potest apprehendere. eadem enim anima est, quæ & sentit, & imaginatur, & intelligit.

Octaua. q.  
Num gradus vltimi  
istātis, quo  
intellectus in  
ducitur in  
corp<sup>o</sup>, disti  
guat<sup>r</sup> ab ip  
so intellectu  
an corruptum  
pat<sup>r</sup>, & quō.

His autem Dēmon tuus non cōtentus aliam obiecit difficultatem super gradu illo vltimo, qui pro intellectu inducēdo dispositio est: ac quærit, nunquid gradui illi, sit forma vlla in tota natura, in toto elementorum complexu, quæ correspōdeat, & rationem proportionemq; habeat. Cui dicimus non esse formam vllam in tota materia, quæ illi respondeat gradui. Si enim vlla esset, illi quidem si superueniret intellectus, aut accidēs quoddam illius esset, aut asisteret tantum. At tu quærebas. si nulla gradui illi corresponderet forma è tota materia, nunquid repugnat naturæ elementorum habere formam dispositioni suæ respondentem, an suspēditur à Deo forma eiusmodi? Ad quod dicimus non suspendi à Deo formam illam. sic enim perpetuo frustrata esset potentia aliqua, sed magis **D**esse non posse in sinu materiæ & potentia elementorum formam, quæ correspondeat: dispositiones autem illas inductas esse, & ordinari in formam alieni generis, & nobilioris. quod nec mirum videri debet, si eorū reminiscaris, quæ à Turrio fratre dicta sunt in recessibus Baldi de ingenio brutorum, & spiritu genitiuo. Quippe spiritus is, qui genitiuus vocatur, duas habet rationes. vnam quidem, quatenus particularis quædā natura vna est, quæ per se non aliud intendit, quàm calefacere, miscere, attrahere, & expellere sic, & sic. Quòd si formam simul animatam, & tam artificiosam conficit, vt dentem, oculum, & alia, hæc quidem per accidēs quodam modo facit. Aliam porrò rationem habet, quatenus pars est totius vniuersalis naturæ, in qua Deus anima est, & principium omnium & fines noscit. ac sic quidem idem ille spiritus per se intēdit dentem, oculum, & alia, in quæ ordinatur. ita & in proposito nostro se habet. Gradus enim ille, qui pro intellectu dispositio est, si consideretur, vt particularis forma & natura vna, per se quidem non intendit formam immaterialē, sed solum talem & tantum calorem inducere, ita & ita miscere, & similia. Idem ille si consideretur, vt pars totius naturæ, quæ à Deo disponitur, & ordinatur, sic quidem ille in intellectum refertur, & ordinatur in for



**A**nam superioris generis: quam educere materiale nullum potest, sed aut idea sua, aut Deus. At Deus certe magis, è cuius esse & potentia prodit omne, quod est, quiq; à principio (vt diximus) ad id hominē fecit, vt tandem beatus fieri posset in Dei ipsius cognitione. quod non aliter contingere poterat, quàm intellectum hominis immortalem & æternum constituendo.

Quod vero postremo quærebas, vtrum anima per se alium habeat intelligendi modum, quàm per species, & simulachra rerum, dicendum arbitror coniunctam corpori animā non habere aliā per se cognitionem, quàm per species. quanq̃ sint, qui aliter putēt, separatam vero superacquirere aliam nobiliorem per eam gratiam, qua Deum cognoscere posse datum est ipsi. in quo omnia, quæ ad beatitudinem satis sunt, intueri valet.

Quæ gratia est viuenti Dei maximi filio concessa fuit. Verū de his ad plenum loqui posse non est cuiusq; sed eorū tantū, qui ea donari gratia, quā dicimus, digni habiti sunt. Atque hæc sunt amice Turri, per quæ satisfactum arbitror fuisse toti tuo fasci dubitationū, si postremo & illud ostenderimus, omnia, quæ in vniuerso hoc sunt sub Luna & supra, corpora, propter intellectum facta fuisse. Verum, si placet, hoc ad meridianas horas remitemus. multum enim hæcenus locuti sumus, &, quod dicendum superest, suum est tēpus exposcit. Si igitur & tu & alij his, quæ dicta sunt, acquiescitis, ego Deo optimo gratias agam, & animo nostro vobiscum, & nobis ipsis, & humano generi gratulabor. R H.

**B**Acquiescere quidem & æquum est, & debemus. atque huic diei maxime me debere fatebor, quæ mei ipsius me & maxime cognoscentem, & maxime amātem fecit. Omnia vero bene peracta videbuntur, si et hoc postremo discutias. Quoniam enim dictum est animas nostras à Deo maximo procreari, videtur quidem sequi, vt omnes illæ æquè perfectæ sint, vtpote ab eodem authore perfectissimo factæ. Nunquid igitur omnes tandem beati erimus in Deo ipso? F. Extra promissa me rapis Turri. neq; enim istuc venimus, vt hæc perquireremus, quæ magis ad sanctos viros pertinere videntur. Si tamen placet, vt referam & ipse quædam, quæ ab ipsis audiui, equidem neque hunc laborem effugiam. R H. Placet quidem: vt pro omnibus dicam. F. Certissimū quidem est, quòd absq; diuinæ gratiæ auxilio ne mini ad foelicitatem patet accessus. Hoc igitur sicuti liberalissime Deus optimus præparat atque largitur, ita non nulli hoc ipsum neglexerunt, qui peruersa voluntatis desideria, & corruptæ impulsus naturæ varios secuti, longe prolapsi sunt, & diuersimode peccauere. propter quod longe à Deo constituti vitam infœlicem cum ijs infœlicibus angelis degunt, quos dæmones appellamus. Quare poena non parua ijs est, non equaliter

Nona. q̃.

Num aīæ sit alius itelligendi modus ab eo, quo p rerū simulachra & spēs intelligit.

Decima. q.

Nunquid aīæ oīum à Deo create æternā assequatū foelicitatem.

autem omnibus data. Si quidem alij maiori, alij minori torquentur. **C** maiori quidem, qui plus scelerum, virtutum autem minus commiserunt: minori vero, qui vitia quidem minora, virtutes autem maiores complexi sunt. Qui vero à Deo electi fuere, eiusq; gratiam non spreuerunt, & Deū ipsum, quantum satis est creaturæ pro consequenda beatitudine, cognouere, & pie sancteq; coluere, ac vitam illam exegere, sine qua Deo placere nulli est datum, ijs ergo pientissimus pater non deest tum ad finem consequendum, qui fructio ipsius est, tum ad ea, quæ sunt ad finem, vt media. Hæc autem sunt virtutes, non quæcunque, & quas parare nobis nos per naturam possumus, sed longe præstantiores. Iis enim ornatum esse vnumquemque oportet, qui cum Deo viuere, atque ipso frui debet. Atq; ita de electis existimare debemus, de quorum numero vnusquisque non solum optare, vt sit, sed sperare potest, & debet: scire autem, & certū habere nemini hac in vita datū est, nisi cui forte Deus ipse manifestare voluerit. Sed nos iā multa diximus. imponēdus est tandē finis, ac reliqua in meridiē remitemus. Placuit omnibus ita agendum fore, ac surreximus.

De omniū rerū à primo principio naturæ, origine, numero, & perfectione.

**S**OL cum ad cœli medium ascendisset, nos ad constitutum castrum rediimus. vbi placidissimam vmbra nacti, quæ in septentrionē protendebatur, in corona omnes consedimus. atq; ego, cuius alij orationem expectabant, sic sermonem suscepi. Nunc ò magni amici, quod postremum superest, & promissimus, dignitatem excellentiamq; animi nostri demonstrare, quoad dabitur, enitemur. quod certe recte fiet, si nobilitatem præstantiamq; corporis, in quo ille sedem domiciliumq; possidet, ostenderimus, cuius gratia reliqua alia, quæ hic sunt, corpora à Deo maximo facta, & ordinata fuere. Quod magnum indicium esse potest animi nostri præstantiorem quidem esse, quàm fragilia illa, quæ ab elementis ortum habent. Ostensuri autem ordinem, & rationem eorū, quæ sub Luna facta à Deo fuere, à primis & imperfectioribus incipiemus, quæ contrario modo se habent ac incorporea. Hæc enim quanto simpliciora sunt, tanto perfectiora redduntur: illa vero quanto magis composita.

Igitur vniuersum hoc, quem mundum dicimus, cum esset Deus maximus conditurus, oculos primum in medium iecit, punctumq; illic signauit, vbi centrum totius futurum esset: tum ab eo puncto lineam rectam ducens in immensum valde protraxit, punctoq; alio terminauit: à quo rursus & aliam lineam ducens, vndiq; à centro æquè distantem circulum maximum descripsit, in quo spatium omne vniuersi concluderetur. Hoc cum statuisset, priorem rectam lineam, & spatium totū in duas regiones



**A** regiones discreuit: quarū superior longe maior altera esset, excessus vero illius homini non esset notus, in quo coelestia locum erant habitura: atq; in illa orbes 75 designauit, quorum 8 tantum sensu perceptibiles fuere, reliqui vero intellectu magis, quam sensu, noti. Regio vero alia minor, & mensurabilis etiam homini, data ijs corporibus fuit, quæ mutatio nem omnem essent susceptura: quando superiora non nisi eam mutatio nem, quæ secundum locum fit, erant subitura. Inferioris igitur regionis spatium totum Deus optimus substantia quadam repleuit, quæ propter imperfectionem vix entis nomen recipiebat. Cæterum neq; formam vllam, neq; figuram, neq; colorem, nec motum, neq; vllam actionem habebat, sed tantum pati ab alio poterat, & formari, & figurari, & colorari, & moueri, & breuiter omnia fieri, quæ esse dicuntur. Per se autem nihil habebat, nisi quod continuum quiddam erat, quod totum id spatiū replebat. quam alij matrem omnium, alij chaos, alij materiam appellaue re. Informe igitur corpus hoc cum fecisset, spatium totum, in quo erat, in duas regiones secavit, quarum superior decuplo maior erat inferiore: atq; in his duo prima pulchra, & formata collocauit. in superiori quidē innominatum illud, quod nos per consuetudinem calorem appellauimus, in inferiori autem, quod algorem: seu frigus nominare solemus. Atque hæc duo cum informi illo corpore commiscens duo prima entia

**B** conflauit, quæ iam & formata erant, & cerni poterant, & se mouere, atq; agitare. Vix autem orta hæc fuerant, cum & amor proprius congenitus in ipsis fuit. Nam & partem materiæ, quam nacta erant, tueri, & terminos constituere capere: tum & cupiditate sese propagandi atque extendendi agi, iamq; & vicini ac fratris sedes, & partes aggredi. Dederat autē Deus vtrique non solum desiderium sese propagandi per similis generationem, sed & virtutem, ac potentiam agendi, sensimque corrumpendi vicini partem, quam tangebant. Ad quam inimicitiam Deus animaduertens, id cauit, ne sese penitus interimere possent, possent aut gradibus quibusdam misceri. Hoc enim maxime conducebat ad generationes perfectiores mixtorum. Quapropter actiones eorum æquauit, fecitq; vt, quanto alterum agendi potentia alterum superaret, tanto patiendi, & resistendi debilitate ab alio vinceretur. Igitur, cum mutuo vtrunque sese propagaret in partes alterius, misceri inuicem cepere, & in qua materiæ parte erat frigiditas summa, corrupto gradu vno cepit illic esse & gradus vnus caliditatis: qui nec repelli, aut extinguere poterat ab alijs gradibus frigiditatis, quoniam, qui erant in eadem materia, non poterant sese propagare, cum iam essent, nec in potestate essent quicquam gignendi, quod erat, sed id tantum, quod non erat. Sed neque gradus, qui erant in vicina ma-

teria,

teria, poterant gradum illum caliditatis destruere, quanquam essent vt 8, C  
 & summi. quoniam gradus septem nihil poterant in ipsum agere, ob id,  
 quod diximus iam esse in materia eadem. Quare relinquebatur gradus  
 solum vnus, qui agere posset: at illo potentior tota caliditas vicini tangen-  
 tis erat, quæ secundum gradus omnes actionem habebat in frigiditatem  
 inducere. Idem & econtra cueniebat in gradu frigiditatis primo in cali-  
 ditatem introducto, qui pariter repelli non poterat propter easdem cau-  
 sas. Quare vtroque actio continenter procedebat, donec vterq; vel ad  
 æquales gradus peruenissent, vel alter alterum superaret. Quare ex  
 hac prima miscella coniugationes tres factæ sunt. vna, in qua vtrinque pa-  
 res facti essent gradus: vna, in qua calor superaret: vna, in qua frigus. Erat  
 autem commixtio hæc vtilitatis non parue ad ea mixta producenda, quæ  
 perfectiora futura erant. Quoniam enim calor raritatem sibi summam ex-  
 poscebat, frigus vero summam densitatem, propter quæ neutrum pote-  
 rat nec videri, nec audiri, nec odorari, nec in summa quicquam bene obi-  
 re, fiebat quidem, vt ex admixtione contrarij & raritas & densitas tempe-  
 rarentur. Ita igitur se habentibus duobus primis contrarijs & alia duo cō-  
 traria fecit sapientissimus Deus, quorum alterum siccitatem, alterum hu-  
 miditatem vocauimus. quæ inter se quidem contraria erant, & se se de-  
 struebant, & propagabant: cum alijs vero duobus nullam habebant ini-  
 micitiā. Miscuit igitur & hæc Deus cū prioribus alijs, & siccitatis partē D  
 cum calore iunxit, partē cum frigore. similiter et de humido fecit, verum  
 humidum nō separauit, sed in medio collocauit ita, vt partim calori, par-  
 tim frigori admisceretur. siccitatē vero diuisit, & partē vnam dedit calo-  
 ri, aliā frigori ita, vt quatuor fierent coniugationes. vna & suprema, quæ  
 calida erat, & sicca: alia consequens, quæ calida erat & humida: tertia ve-  
 ro, quæ erat humida & frigida: quarta vero & ima, quæ erat frigida & sic-  
 ca: quæ magno quidem nexu totam illam regionem cōiungebat. Quod  
 igitur calidum & siccum fuit, nos appellauimus ignem: quod vero cali-  
 dum, & humidum, aerem: quod humidum & frigidum, aquam: quod ve-  
 ro frigidum & siccum, terram: quæ mox & elementa mixtorum omniū  
 sunt vocitata. Præbebant autem duo hæc contraria noua magnam futu-  
 ris mixtis vtilitatem. Nam, quod humidum erat, bene miscibile, & bene  
 diuisibile, beneq; figurabile etiam erat, tum & bene continuabile cum  
 alijs. Siccum vero propriam consistentiam dabat, & figuras seruabat. Ex  
 his ergo cum prima quatuor corpora fecisset, miscuit etiam ea inter se:  
 primum duo inuicem, mox tria inuicem, mox & omnia quatuor. ac pri-  
 mo quidem ignem & aerem miscens per æquale & inæquale, tres fecit  
 coniugationes: mox ignem cum aqua commiscens similiter per æquale  
 &



**A** & inæquale, tres alias conflavit coniugationes: tum & alias tres cōmixto igne cum terra. tum aerem & aquam miscuit, & tres alias fecit coniugationes. deinde & aerem cum terra factis alijs tribus coniugationibus. ac postremo aquam & terram miscuit, tresq; alias cōiugationes fecit. Quare è duobus commixtis 18 in totum coniugationes formauit, ex quibus diuersa mixta emicuiere. Mox vero & omnia tria inter se coniunxit: primum quidem ignem, aerem, & aquam: deinde ignem, aerem, & terram: deinde aerem, aquam, & terram. quæ omnia consimiliter per æquale, & inæquale discreuit: primum quidē faciens omnia æqualia, è quibus quatuor fiebant coniugationes. Deinde duo æqualia, & aliud inæquale accipiens coniugationes 24 fecit. Postremo ex vno equali, & duobus inæqualibus coniugationes quadraginta octo conflavit. In totum vero, quæ è tribus fieri poterant, septuaginta sex. quas si singulas referre velim, & morosus fortasse sim, & nobis memoria non suggeret orationem. Erant autem mixta hæc multo perfectiora, quàm prima illa, quæ è duobus facta fuerant. Gaius igitur opere suo opifex maximus, iamq; & alia maiora & perfectiora animo agitans miscuit post hæc & omnia quatuor simul, per æquale & inæquale singula dissecans. Ex quibus coniugationes 99 confectæ sunt: vna quidem ex omnibus æqualibus: 6 vero è tribus æqualibus & vna inæquali: 12 autem è duabus æqualibus & duabus inæqualibus: & ex vna æquali & tribus inæqualibus 80: in totū vero 99. Magna vero utilitas & perfectio ex eius commixtione dabatur futuris rebus.

*Morte præuentus, atq; ad ipsam accitus immortalitatem, quod sero inceperat absolueret non potuit.*

# HIERONYMI FRACASTORII DE VINI TEMPERATURA

SENTENTIA.

Cap. I.



**N**ISI nulla penè alia res nobis æque familiaris habeatur, atq; vinum: quòd tamen natura eius non planè in aperto posita sit, sed in abscondito magis, neminem quidem mirari par est. Duæ enim sunt, quæ id efficiunt, causæ. quarum aliæ ex ipso pèdent vino, aliæ ex ijs, qui de ipso scripsere. Primum enim, si ea spectemus, quæ à vino in nos fiunt, & varia profecto, & magnopere contraria prospiciemus: nam & calefacere, & frigefacere, & siccare, & humectare nos solet. vnde & aliqui pinguiore, aliqui extenuati magis ex vsu vini redduntur: quosdam porrò furentes fieri, alios torpidos & taciturnos, alios eloquentes & dicaces, nō nullos mites misericordesq; quosdam ferros & immanes & Aristoteles refert, & quotidie videmus. Qui verò de vini natura scripsere, ex antiquis quidem omnes obscuritatem quandam inieciisse visi sunt. nam alij per fabularum velamenta eam naturam significare voluere. quod vetus epigramma demonstrat. Alij breuitate sermonis non se se satis explicauere. Alij alijs contraria tradidere. Non nulli & sibi ipsis non constare videntur. quas ob res in posteros nō variæ solum opiniones ppagatæ sunt, sed sæpe & controuersia non parua. quod nuper medicis nostris Antonio FVMANELLO, & Bartholomæo GAIONO contigit. quorum hic quum forte vinum calidum atque humidum assereret, ille impugnaret, vtpote siccum facultate existimans, eā excitauit quæstionem, quā ad arbitros, & iudices deduci necesse fuerit. Quatuor. n. illi definiendæ dijudicandæq; præpositi sunt: e quibus & ego vnus, quanquam inuitus, fui. Coactus igitur ea in re sententiam dicere: tametsi scio non facile esse certum quicquam in tanta difficultate pferre, quid ipse sentiam, quid iudicandum putem (auditis lectisq; quibus se se vterq; tuetur, rationibus) per hæc exponere incipiam.

*Quid vini nomine audiendum, & quis quæst. sensus.*

Cap. 2.

**I**N primis autem Vini nomine nullum eorū recipimus, quæ nec simpliciter vina dicuntur. quale cenāthinum è labrusca, omphacinum ex immatura vua, melinum è pomis, oxiacanthinum è vocatis Berberis, & quale mulsum, & sapa, & mustum, & quod lora dicitur, & zitū, & ciufmodi,



A modi, sed id solum audiemus, quod simpliciter vinum appellatur, è domestica vite sua maturitate & purgatione profectum.

Illud etiam recipiemus in pposita nobis quæstione, de vini natura simpliciter quæri. ita enim & philosophi, & medici intelligere solêt, quum de aqua, aut aere, aut homine, aut absinthio, & lactuca, & agarico, qualia sunt, inquirunt. quinimmo & de ipsomet vino non aliter intelligût, quicumque de ipso quærunt.

In genere autem vinorum quædam consensu omnium calida sunt facultate, vt antiqua, & fuluorum nō nulla: quædam verò aut frigida sunt, aut non manifeste calida, qualia, quæ aquosa, vocantur à Græcis olygophora, alba, tenuia, aquæ similia. Hæc enim Galenus quâdoq; non manifeste calida dixit, quandoq; frigida appellat. Nonnulla porro exiccatiua sunt, vt antiqua, & quæ pontica & austerâ vocâtur: quædam postremo & humida, vt alba, & aquosa, quæ aquea à natura sunt. Igitur in genere vini quum hæ differentiæ visantur, & vtrunq; contrariorum inest, alterû duorum dicere necesse est, aut scilicet, quòd vino accidunt calidum, & frigidum, humidum, & siccum, quemadmodum album, & nigrum: aut q; alterum contrariorum per se inest, alterum autem per accidens. Si ergo hæ differentiæ vino accidunt, & ea natura nō magis calida est, quàm frigida: humida, quàm sicca, sed indifferens, tunc de vini natura non possumus quærere qualis sit, nec certe aliud dicere, quàm, quòd vinorû quædam frigida, quædam humida, quædam calida sunt, quædam sicca. Verû sic Medicus ille, qui dixit vinum calidum & humidum, male protulisse videtur. quoniam ea natura non magis calida est, quàm frigida: humida, quàm sicca. at vero, si vini natura vnum aliquod contrariorum per se sibi determinat, quanquam per accidens alterum esse possit, tum de vini natura, qualis sit, inquirere satis possumus, calida ne, an frigida, humida ne, an sicca: atque ego quidem sic esse quærendum existimo. neq; enim has differetias vino accidere arbitror, sed magis certam qualitatem per se inesse, quòd & Galenum, & alios existimasse video. Sub hoc igitur sensu de vini natura inquiremus.

*Quod vinum nobis proponendum.*

*Cap. 3.*

**S**ed quod nam vinum nobis pponemus, si aliqua calida sunt, aliqua frigida, aliqua verò humida, aliqua sicca? horum enim aliquod per se tale esse necesse est, aliquod verò per accidens, siquidem non vtrunque contrarium per se inesse potest. Illud certe nobis facitandum erit, quod Aristoteles sæpe præcipit, respiciendum scilicet ad id, qd' in eo genere optime constitutum est. In omni enim genere aliquod vnum est, in quo ratio generis optime se habet, quodq; veluti regulâ est, & mensura omniû

*Frascatorij.*

KKK

aliorum,

aliorum, ac quale hoc est, tale & totum genus per se existimandum est. **C**  
 Videntur autem Græci optime significare, quod vinum proprie vini naturam & rationem sortitum sit per distinctionem, quam faciunt. E vinis enim quoddam œnode vocant, hoc est vinosum, quasi vini naturam proprie habens: nos meracum possumus appellare. quoddam verò vocant hydatode, hoc est aquosum, quasi aquæ potius, quàm vini naturam referens: quod nos dilutum solemus dicere. atque hoc neq; simpliciter vinum vocant, in quo aquam superare vinum Galenus dicit, quemadmodum in œnode vinum longe superat aquam. In vini igitur natura perquirēda œnode & meracum vinum nobis erit proponendum. hoc enim solum in eo genere optime cōstitutum videtur. quod enim hydatode vocāt, ex loco à propria vini natura quasi degenerasse certum est. nihil enim phibet, quemadmodum ex arte vina frangimus, & à propria natura deponimus superinsecta aqua, ita ex loci conditione vina adeò immutari, vt ne vini quidem naturam retineant. Alia porro ob vetustatem naturam quodammodo commutauere: alia propter nouitatem nondum perfectionē recepere. quamobrem nec antiqua, nec admodum recentia, nec aquosa appellata, sed quæ vinosa & meraca dicuntur, ætate perfecta, nobis pponemus consideranda, &, qualia hæc reperiemus, tale etiā totum genus per se vinorum dicemus. Eiusmodi autem apud antiquos erat Aruisiū in Chio, Methymnæū in Lesbo, apud Romanos Falernum, Cecubum, **D** & Sentinum, in agro nostro Rheticum: nostris autem temporibus tale erit, quod nos item Rheticum, apud Tuscos Trebianum: Romæ, quod Corficum, & Græcum appellant: & in vniuersum, quodcunque & generosum dici meretur, siue Fuluum, siue Ruffum, aut Nigrum fuerit. quod in ætate etiam secundum antiquos media accipiendum foret, nisi ætatū ratio apud nos iam exoleuisset.

*Quod calidum, frigidum, humidum, siccū multipliciter dicuntur. Cap. 4.*

**R**rsus verò, quoniam calidum, frigidum, humidum, siccum multipliciter dicuntur, distinguenda quidem & hæc sunt nobis. non vt nouum quid adducere videamur, sed vt sublati æquiocationibus conueniat inter nos, quo sensu de his loquamur.

Primum igitur tale dicitur, aliud formaliter, aliud virtualiter. vt. n. his nominibus necesse est. tale formaliter appello, quod qualitatem illam in se habet, aut habere potest, vt ignis caliditatem: virtualiter autem tale, quod ipsum quidem nec habet, nec habere potest, producere tamen in aliud potest æquiuoca (vt aiunt) generatione, si modo talia aliqua sunt. quo pacto solē, & lumen calida solemus dicere, non q; talia ipsa p se sint, sed quod possint in aliud caliditatem producere. Porro, quæ formaliter

talia



**A** talia sunt, alia simpliciter & absolute talia dicuntur, quædam per comparisonem. absolute quidem calida, frigida, humida, & sicca sunt sola elementa simplicia. calida quidem ignis, & aer: frigida verò aqua, & terra. reliqua omnia per comparisonem sunt talia, & horum quædam dicimus talia comparando contraria inter se, à superante & vincente rem denominantes: calidum quidem, quod supra medium habet caliditatem: frigidum, quod supra medium frigiditatem habet: æquale verò & temperatum, in quo contraria æquantur. Quædam verò talia appellamus comparando ad humanum corpus, non quidem omne, sed temperatum. est. n. & sua quoque comparatio in hominum genere, & huc calidum, hunc frigidum, illud temperatum vocamus comparando homines inter se. sunt & aliæ comparationes, quæ ad propositum non sunt. Quod verò ad hominem tale dicitur, aliud actu tale est, aliud potentia. &, quod actu tale est, aliud per se tale est, aliud per accidens. Rursus, quæ potentia talia sunt, alia in potentia actiua sunt, alia in potentia passiua. potentia verò actiua, alia accidentalis, alia essentialis: passiua verò alia propinqua & per se, alia remota & per accidens. Nemo autem tedio tot diuisionibus afficiatur, aut eas impertinentes, & ab re inductas putet, quoniam necessariae sunt omnes, & sine quibus nemo possit exacte planeque negotium hoc pertractare. Quod igitur ad hominem dicitur actu tale, illud est, quod per id, quod existit, tale est, qualitercunque existat, siue per se, siue per accidens. At verò per se actu tale est, quod proprijs principijs, & in quantum ipsum, tale est (& si hinc actus, & potentia non distinguuntur, sed esse actu, & potentia) & semper tale est, & per se, & simpliciter: vt lactuca, & portulaca tum actu, tum potentia, & semper frigida sunt. at quod per accidens actu tale est, hoc quidem nec est simpliciter & per se tale, &, cum actu vno modo sit, alio in potentia se habet, & simpliciter tale est, quale est in potentia. vt aqua calefacta actu quidem calida est, & dicitur, sed per accidens, potentia verò, & per se frigefactiua est. quæ vero potentia talia sunt, ea sunt, quæ in actu quidem non sunt, possunt autem esse, sed diuersimode. alia. n. actum in se, & in quantum ipsa, habent, sed impeditum: alia verò non habent, possunt tamen ab alio recipere. Quæ igitur in se actum habent, impedita autem sunt, ea in potentia accidentali esse dicuntur, quoniam per se quidem actu forent, & agerent, quoniam ex se habent actum, sed per accidens impedita sunt, & ob id facta in potentia. quod. n. in potentia sint, per accidens habent. vnde & potentia illa accidentalis vocatur. vt ignis per se quidem sursum est, nisi impediatur, impeditus autem potentia fit: sed igni accidit sursum esse potentia, si quidem per se sursum est. ita & aqua per se frigida est, & actu, per accidens autem impedita in potentia fit. eodem modo, et Piper, & Euphor

bium potentia calida dicuntur accidentaliter. per se. n. & ex proprijs principijs, ex quibus constant, calida sunt: & actu forent, nisi per accidens impedirentur: impedita vero potentia fiunt. cum autem dico calidum potentia per accidens, verbum illud per accidens determinat potentiam, & non calidum. neq; n. Piper, & Euphorbium calida sunt per accidens, sed in potentia per accidens, omnia autem hæc indigent aliquo, quod remoueat accidens illud, impediens. amoto autem statim actu fiunt, & agunt, quoniam per se talia erant. In aqua quidem calefacta aut exhalant vapores calidi, aut alterantur à continente, aut à partibus aquæ nihil passis: in Pipere autem, & Euphorbio remouetur accidens à calore nostro. constat. n. hæc per se ex particulis calidis multis. verum illæ in illa mixtione adeo diuisæ sunt, & ad minima redactæ, sepultæq; in frigidis, vt non agant, & actu non sint. insunt tamen, et, si accidens remoueatur, actu statim fient. remouet autem calor noster, qui soluit mixtionem, & partes separat. Vnde, quæ calidæ erant, separatæ à frigidis, atq; vnitæ, & nequaquam minime, actu fiunt, & agunt. Non solum autem calor noster potest res actu facere, sed & multa alia. nam et humiditas relaxans potest separare mixtionem, vt salua in Pipere, & Euphorbio. admota. n. hæc linguæ statim actu fiunt, & non quod calefiant à calore nostro solum, sed quod humefiant magis. vnde calidæ partes superficiales sese ad actum efferunt soluta compagine. Potest & contusio, & fractio, & friatio actu res facere, vt in Iride, & cæpa, quæ aut contusa, aut fracta, aut friata lachrymas & sternutamenta mouent non ob aliud, quam quod actu fiunt particulæ quædam calidæ, quæ prius potentia inerant. Quinimo. & antiparistasis videtur actu calorem facere: quod in calce est videre supiniecta aqua. quoniam. n. foraminulenta est calx, imbibitur quidem aqua in foraminibus omnibus, succedens loco aeris abeuntis: propter contrarietatem vero vnit calorem calcis, & humida existens relaxat mixtionem. vnde actu fiunt calidæ calcis partes, & calorem tantum excitant, quantum videmus. sic & motus, & collisio calefacit, & ignem ex lapide pyrite suscitatur. Hoc ergo pacto se habent, quæ talia sunt potentia accidentaliter. omnia autem hæc & per se, & simpliciter talia sunt, quoniam in se ipsis habent actum, quantum impeditum. In potentia vero essentiali sunt, quæcunque in se quidem actu non habent, sed in potentia sunt ad aliquid, quod per se habet. vt Lactuca calida dici potest potentia, non quia per se ipsa calida sit, sed quoniam potentia sanguis est, qui per se calidus est. dicitur autem potentia hæc essentialis, quoniam, quæ eiusmodi sunt, per se non habent actum illum, sed per se & essentialiter sunt in potentia. quod. n. non habet, in potentia est. quare & quod per se non habet, per se in potentia est. Omnia autem hæc per accidens, & secundum quid talia sunt. si quis. n. Lactucam hoc modo calidam dixerit,



**A** dixerit, per accidens erit: si quidem non in quantum ipsa, sed in quantum aliud. s. in quantum sanguis. Lactuca. n. in quantum Lactuca calida non est, sed si, quatenus fieri potest sanguis, calida dicatur, per accidens est, & non simpliciter. Frigidum. n. inquit Arist. 8. phy. calidum potentia est, calidum autem factum actu fit, & calefacit. si igitur frigidum calefactiuum esse dicamus, per accidens certe dicemus. quinimo omnia, quæ hoc modo talia dicuntur, & hac potentia, actu oppositum per se habet. In potentia verò passiva sunt, quæ nec ipsa per se actum habent ex principijs proprijs, & in quantum ipsa, sed possunt ab alio recipere alterata & mutata. ut sulphur in potentia ignis est, cera potentia calida. differt autem potentia hæc à potentia essentiali, quoniam & illa per transmutationem actum recipit, sed consideratur, quatenus activa erat recepto actu, hæc vero per se non aliud dicit, nisi passionem. ut cera calida dicitur, quod calefactibilis sit. quod si cera potentia calefactiva dicatur, quod prius calefactibilis sit, mox calefacta activa sit, & calefacere possit, sic in potentia essentiali dicitur. quare idem re est esse in potentia passiva, & in potentia essentiali, quæ ratione quodammodo differat. calidum igitur potentia passiva idem est, quod calefactibile, quemadmodum potentia activa calidum erat, quod calefactiuum. calefactibile autem dicitur, & quod potest calefieri, & quod non solum potest, sed aptitudinem habet, & dispositionem, ut prompte calidum fiat. lignum. n. viride calefieri quidem potest, & ignis fieri, aptitudinem autem, & dispositionem ad hoc per se non habet. At siccum lignum, & fomes, & sulphur, & bitumen non solum fieri ignis possunt, sed etiam per se habent ad hoc aptitudinem quandam, licet non proprie sit aptitudo. nihil. n. aptitudinem habet ad sui corruptionem, sed præparatio magis quædam illa est. quæ igitur aptitudinem habent, ut calida fiant, illa solemus per se calefactibilia dicere, quæ verò non habent, calefactibilia quidem dici possunt, per se autem non. Ea porro, quæ per se calefactibilia dicuntur, propter eam aptitudinem, & quod potentia propinqua calida sint, & quasi sub ipsum actum, solemus etiam calida appellare. nam & ceram, & adipem, & sulphur, & bitumen res calidas dicimus, volentes significare calefactibilitatem, & promptitudinem eorum, ut talia fiant: usurpamusque actum pro aptitudine. sed certe omnes eiusmodi appellationes abusive sunt, & improprie, ac per accidens. Calidum. n. quum quid dicimus, proprie quidem intelligimus, quod caliditatem in se habet: sicut & sanum, quod sanitatem habet. quod si & illud sanum dicamus, quod proximè est, ut sanum fiat: & calidum, quod proximè, ut caliditatem recipiat, improprie quidem dicemus. actus. n. extra est, & ab alio datur, ipsa verò per se ipsa, & quatenus ipsa, talia non sunt: quippe cum sub opposito actu sint. nec sequitur, hoc calefactibile est, igitur per se & calidum. hoc. n. actum dicit, illud aptitudinem.

itudinem. aptitudo autem in re est, actus verò non. neq; n. si sulphur igni C  
 bile sit, sequitur, vt & sit ignis, nisi addat potentia. sic. n. exprimimus ap-  
 titudinem. quã ob rem improprie omnia hæc dicuntur, licet per modum  
 loquendi, & abusum interdum ita dicamus: quam rem Gal. significauit  
 3. de temperamentis. quũ. n. duos modos enarrasset, quibus aliquid dici-  
 tur potentia tale, quorum prior erat de potentia actiua, alter de potentia  
 passiua, quam potentiã materiæ vocant, comparans vtrumq; modum, il-  
 le, inquit, qui est secundum priorem modum, primario & proprie talis  
 est: qui verò secundum alium modum, non primario talis est, sed abu-  
 siue. Auic. quoque, quum omnes modos distinxisset, quibus calidum,  
 & frigidum dicuntur, loquens de eo, qui est in potentia passiua, ita dicit.  
 Quũ verò calefacere dicimus, nolumus istud calefacere, sed illud, quod  
 prouenit ex qualitate rei, specie eius remanẽte. vnde manifestum esse de-  
 bet, quæ passiua potentia sunt talia, secundum quid & per accidens talia  
 dici: quanq̃ nonnunq̃ per consuetudinem ita ea appellemus, quæ aptitu-  
 dinem habent, & p̃pinq̃uam potentiam, vt talia fiant. Duo autem sunt,  
 quæ præcipue faciunt, vt vnum in aliud promptum sit & aptum verti: al-  
 terum est dispositio substantiæ eius, quod patitur, q̃ liquida sit, bene mi-  
 scibilis, aut subtilis, aut rara, aut ad paruas partes redacta: alterum est p̃p-  
 inquitas gradus, hoc est pauca cõtrarietas. vbi. n. multa est contrarietas,  
 actio multum tempus exposcit. sunt & aliæ concausæ, de quibus lógum D  
 esset dicere. ac de passiua quidem potentia tot dicta sint.

*Quis prædictorum modorum dicendi quidpiam aliquale nostræ  
 quæstioni seruiat. Cap. 5.*

**H**Is igitur modis cū dicatur calidum, frigidum, humidũ, siccum, vi-  
 dendum tamen est, quonam horum modorũ quæstio intelligen-  
 da sit. ac in primis clarum est illud non quæri, an vinum calidum & hu-  
 midum sit virtualiter eo pacto, quo Solẽ & Lunam calida dicimus. Itẽ  
 certum est non quæri, an absolute & sine vlla comparatione tale sit vi-  
 num. quod de solis elementis dici solet. similiter & illud manifestum ef-  
 fe potest non inquiri in hac. q. quæ qualitas in vini mixtione dominetur.  
 primum quidem, quoniã proposita nobis. q. sub titulo & forma quæstio  
 nis eo pacto à nobis accipienda, atq; iudicanda est, quo quæstio est, ac dif-  
 ficultatem, & controuersiam habet, non quo nemini dubia est, & à nul-  
 lo vnq̃ adducta. At certe, quæ qualitas in vini mixtiõe præstet, nemini du-  
 bium vnq̃ fuit nullum eam quæstionẽ facere. quod verò semper dubita-  
 tum à plerisq; fuit, quod multi perquisiuere, illud certe fuit, quam actio-  
 nem vinum in corpus humanũ efficiat, præsertim circa passiuas qualita-  
 tes: humectet ne, an exiccet: in qua re & multi etiam scripsere. non. n. nũc  
 primum



**A** primum ea. q. tentata est. Præterea inquirere, quæ qualitas dominetur in vino, Philosophi vniuersalis negotium est, Medici autem magis, quid in humanum corpus vinum efficiat. At certe quæstio hæc & inter medicos orta est, & occasione rei medicæ, & medicis definiri commissâ. quare & nos, quatenus medici, eam audimus, & diffinimus. q. si sub eo sensu diffinire cogamur, vt quæramus, quæ in vino prædominetur qualitas, dicemus medicum illum, qui asserit vinum calidum & humidum, male profecto asserere, quoniam sic humidum est vinum quidē, calidum autē nequaquā. aquea. n. est, quæ in eo dominatur humiditas, cum qua & frigiditas necessario coniuncta est. Si. n. in vino maior esset caliditas, q̃ frigiditas, & supra medium insisteret, vtique actu calidum esse vinū oporteret, quemadmodum & aqua calefacta actu humida est. sed re vera quæstio hæc sub illo sensu dijudicanda à nobis non est. Superest igitur, vt calidum, frigidum, humidum, siccum per cōparationem ad hominem audiamus in hac quæstione. sic. n. & ambigua est, & quæsitū digna: & sic semper intellecta, & ab alijs tentata fuit, sub hoc igitur sensu de vino agemus, primum de caliditate & frigiditate inquirentes, mox de humiditate & siccitate.

*An vinum sit calidum, vel frigidum.*

*Cap. 6.*

**I**N primis igitur dicimus vinum, quatenus actu est, frigidū esse, & nos frigefacere, quod vel sensu ipso manifestum est. sed ex hoc solo rē non esse denominandā talem secundum naturam supra demonstratum est, quoniam sæpe talis actu, per accidens est, & secundum quid. neq. n. si hæc aqua calefacta calida est, iam & aqua simpliciter calida est, nisi tale actu per se sit. sic. n. & actu, & potentia, & semper tale erit. at vinum, tametsi actu frigidum sit, constat tamen aliter potentia esse. quare actu per se frigidum non est, sed per accidens. In proposita igitur. q. cum de vini natura queratur, qualis sit, actualis quidem operatio abijcienda erit à pposito nostro. nulla. n. natura determinari talis potest per ea, quæ sunt per accidens. relinquatur igitur, vt de vino quæramus, quale potentia sit.

Quoniam autē duplex erat potetia, actiua, & passiua, prius de actiua dicamus: quæ rursus duplex erat, accidentalis, & essentialis. igitur potentia accidentali vinum dicimus calidum proculdubio esse. constat. n. per se ex particulis calidis multis, per quas quidem per se actu esset, & calefaceret, nisi impeditum per accidens foret. quare potentia sit, sed per accidens. impedimentū autem inde est, q. in vini mixtione particula illæ calidæ diuisæ sunt, reductæq. ad minima, ac in frigidis humidis sepultæ, quæ admodum in Pipere, & Euphorbio diximus. quam ob causam, si actu fieri per eas debet vinum, remoueri necesse est accidens impediens: quod fit à calore nostro, qui soluit vini mixtionem, ac separat calidas partes: quæ separatæ

separatè à frigidis, atq; inter se vnite, nec iam minimè, actu fiunt, & agūt, C  
quod per se erat: humidarum verò partium aliæ absumuntur, aliæ cū san-  
guine admiscuntur, & vtcunq; aliquæ remaneant, minoris actionis sunt,  
q̃ calidæ, quum actu fiunt. Quòd autem ex multo calido constet per se vi-  
num, nemo est, qui dubitet, quum videat vini generationē per tantum  
æstum atq; ebullitionem fieri, videatq;, quod ab eo exhalat. Idem osten-  
dit, q̃ celeriter vinum in spiritus, & sanguinem vertitur. diximus, n. quæ  
talìa sunt, oportere non longe gradu distare. Ostendit & illud, q̃ per ve-  
rustatem videmus vinum ardens fieri: quod cū extrinseca nulla de causa  
cōtingat, necesse est euenire ob continuam calidarum partiū actionem,  
quæ introrsum fit. neq; n. vnum quid est vinum, quanq̃ vnum videatur,  
sed diuersis cōstat, quorum hoc agere illud pati potest. ex quo fit, vt mul-  
tæ aqueæ partes euaporent, multæ terreæ vrantur, multæ igneæ vniātur.  
vnde tandem quasi ardens fit vinum. Fit præterea è vino aqua illa, quæ a-  
qua vitæ vocatur, notissimæ caliditatis, ardetq; more olei. quæ omnia ostē-  
dunt vinum ex multo calido per se constare. quare & in potentia accidē-  
tali calidum esse, remoto autē accidente actu fieri, vt dictum est. Insuper  
dicimus vinum essentiali potentia, tum & passiua non solum calidum ef-  
se, sed eo gradu calidum, quo & spiritus nostri. manifestum est autē hoc,  
quoniam ex se quidem tantā caliditatem non habet, quantā spiritus: trās-  
mutari autem potest, ac conuerti in spiritus, ac sic calidum fieri: quæ potē-  
tia est passiua: factum autem calidum, vt spiritus, agit iam: quæ erat poten-  
tia essentialis. idem. n. re sunt passiua potētia, & essentialis. Quoniam au-  
tem, quæ passiua potentia erant talia, alia aptitudinem habebant, & per  
se calefactibilia dicebantur, alia talia erant potētia remota, manifestum,  
q̃ vinum ex his est, quæ per se calefactibilia sunt. nam nihil penè est, quod  
tam prompte in sanguinem mutetur, quoniam & liquidè substantiæ est,  
& totum cum toto bene miscibile, & gradu propinquū satis. Nulla præ-  
terea in ipso est spiritualis qualitas, quæ aut attractionem prohibeat, aut  
contactum. propter quæ q̃ citissime in sanguinem verti natum est. Di-  
ximus autem, quæ habent propinquitatem hāc & aptitudinem, talia etiā  
denominari ab actu. quare & vinū, q̃ celerrime calefactibile sit, calidū  
etiā dici nonnunq̃ solet. sed hæc appellatio q̃ non per se fit & proprie,  
sed per accidens & abusiue, dictum est supra. Nemo autem decipiatur vi-  
dens Gal. 3. de temperamentis dicentem vinum calefactum à nobis reca-  
lescere nos, nec calefacere, nisi conuersum in sanguinem: atq; èt per cali-  
ditatem in nos non agere, vt medicamentum. quasi non per aliam calidi-  
ditatem agat in nos vinum, q̃ per acquisitam, & quatenus factum est san-  
guis, & alimētum. quæ omnia, si superficietenus accipiant, & falsa quidē  
erunt,



**A**erunt, & ijs contraria, quæ Gal. alibi de vino scripsit: falsa quidem, quoniam non calefacere vinum per propriam caliditatem, & calidum non esse potentia accidentali, ut dictum est, lōge alienum est à veritate. sic. n. frigidum per se vinum foret, calidum verò non, nisi potentia essentiali, & per accidens non, suapte natura, ut omnes volunt. Contrarium præterea est ijs, quæ Gale. scribit & eodem tertio de temperamentis, & 8 de simplicibus. hīc. n. inter medicamenta vinum ponit: illic vinum dicit esse magis alimentum, q̃ medicamentum. esse igitur medicamentum vult. sunt ergo intelligenda, quæ Gale. hic scribit, ut nil aliud velit, q̃ significare celerem vini alterationem, & conuersionem. adeo. n. cito alteratur, ut non sine acquisita caliditate agat: quinimo & maxime calefacit, ut conuersum in sanguinem, non ita tñ, ut calefaciat per sanguinis caliditatem, sed per propriā, quæ in sanguine remansit. aliqua. n. sunt, quæ, quum conuertuntur in sanguinem, augent solā quantitatem: & hæc calida sunt per accidens, & calefaciunt in quantum sanguis, & per caliditatem sanguinis. aliqua verò simul augent & qualitatem: & hæc sunt per se calida: quæ licet conuersa sint, tamen eorū caliditas in sanguine permanet, et per illam calefaciunt: ac tale est vinum, quod simul & quantitatem, & qualitatem sanguinis augmetat, & calefactio, quæ inde fit, propria vini dicitur. quare vinum plus agit, ut conuersum, q̃ ante, & maxime calefacit, in quantum

**B** factum sanguis. sic autem & rationem habet alimenti magis, q̃ medicamenti, nec ex hoc sequitur, ut vinum per se frigidum sit, & q̃ sit calidum in potentia essentiali, sed magis in potentia accidentali, ut dictū iam est. Reassumendo igitur, quæ dicta sunt, tripliciter calidum potentia dici potest vinum, potentia accidentali, & potentia essentiali, & potentia passiva. Ex his vero tribus quum p̃prius & per se sit solus ille modus, qui est in potentia accidentali, certum est, q̃ vinum non debemus calidum pronuntiare, nec q̃ sit tale potentia essentiali, nec tale potentia passiva, sed solum, q̃ potentia accidentali tale sit. hoc. n. est esse per se, & simpliciter tale. Ac de frigiditate, & caliditate vini hæctenus dictum sit.

*Quot modis dicatur quidpiam exiccare, & humectare, & utrum faciat vinum.* Cap. 7.

**D**E humiditate verò, & siccitate nunc dicamus: sed prius, quot modis dicatur aliquid exiccare, & humectare, particularius explicemus. non. n. vno modo dicimus, sed multipliciter, & quod distinguendū sit. Exiccant igitur alia formaliter. ita. n. vocemus claritatis gratia, quæcūque per qualitatem ipsam, quæ est siccitas, exiccant: alia vero exiccāt quidem, sed per aliud, q̃ per siccitatem, inter quæ cōmunissima, & efficacissima est caliditas. nam & ipsa exiccāt, sed per accidens. per se. n. nō nisi ca-

lefacere potest. quoniam vero cum frigido, quod calefit, & euaporat, con- C  
 iuncta est & humiditas, & simul abit, hac de causa caliditas dicitur exic-  
 care. alia vero exiccatur per imbibitionem. ita. n. vocare possumus. talia au-  
 tem sunt, quæcunq; foraminulenta existentia humidis corporibus cohe-  
 rent. in foraminibus. n. eorum loco aeris abeuntis succedit humidum cor-  
 pus ob vacuū: siue abeat aer, q; densetur, siue pellatur à contrario: siue at-  
 tractio aliqua fiat humidi à re foraminulenta: siue aliter cōtingat. clarum  
 .n. est per huiusmodi imbibitionem exiccationem multorū fieri. ita exic-  
 cant, quæcunq; puluerulenta, & in farinam redacta sunt. Sal verò omni-  
 bus exiccatur modis, nam & formaliter per siccitatem, & per accidens per  
 caliditatem, & postremo per imbibitionē exiccatur, maxime autem p im-  
 bibitionem: cuius signum est, q; in eo humidum alienū, non vapor, sicut  
 à caliditate fit, sed actu humidum imbibitur, atq; extillat. Nonnulla exic-  
 cant exprimendo humidum, vt frigus. quædā postremo congelādo. Ex  
 his autē modis oībus solus primus proprie exiccare dicitur, reliqui p acci-  
 dens sunt: quanq̃ exiccationem, quæ à calido fit, solent nōnunq̃ tum Me-  
 dici, tum Philosophi ceu propriā accipere, quoniam in generationibus,  
 & mixtionibus caliditas multum operatur exiccando, & maxima pars  
 exiccationum ab ea fit. siccitas. n. formalis parue fatis actiōis est respectu  
 caliditatis. Humeant verò consimiliter alia formaliter per humiditatē  
 ipsam, alia per caliditatem: quod fit vel liquando concreta, vel extenden- D  
 do humidum, & penetrare faciendo. interdum & per prædictam imbibiti-  
 onem humectatio fit. Sicut. n. id exiccatur, à quo humidū aufertur, ita  
 id humectatur, in quod imbibitur, licet formaliter res humectata nō sit.  
 Aliqua verò humectant prohibētia humidum exhalare: vt frigus. Ex his  
 verò omnibus, quæ formaliter est, humectatio propria, & per se est. Verū,  
 quoniam & hæc parue actionis est in mixtionibus, solent philosophi &  
 eam humectationē, vt per se, accipere, quæ per imbibitionem fit. His sic  
 cōstitutis dicimus primo vinū actu humidum esse tum formaliter, tum  
 etiam imbibitione: quod nemini dubium est. Verum ex hoc naturā eius  
 accipiendam non esse dictum est supra, quoniam potest esse tale. per acci-  
 dens, vti certe est, quæadmodum nunc ostendemus. Dicemus præterea  
 vinū potentia accidentali, & per se siccum esse eo pacto, quo aquæ ther-  
 marū, vrina, et lixiuum potentia sunt sicca. omnia. n. hæc ex particulis ca-  
 lidis, & siccis quàm plurimis constant, per quas actu per se forēt, nisi per  
 accidens impedirentur. impediuntur autē valde diuisis particulis, & reda-  
 ctis ad minima, ac sepulis in humidis, vt supra de calidis dictum est: re-  
 moto autē accidente, & soluta mixtione actu fiunt. q; autem ita fit, & au-  
 thoritates in primis sunt illustrium omnium medicorum, & rationes ad  
 hæc,



**A** hæc, vt arbitror, demonstratiue. Hipp. primum in de victus ratione vinū, iquit, calidum quid, & siccum est. Gal. 8. simpl. vinum vetus calidum ex 3. ordine dixit, medium in 2. nouum in primo, caliditati autē proportionē respondere siccitatem. ppter quod & in de virtutibus naturalibus diuidens vinum in florem vocatum, & fecem, comparat fecem melancholiæ, florem verò cholerae. Paulus etiam ipse, vbi naturam simplicium profequitur, vinum vetus calidum & siccū in 2. nouum calidum & siccum in 1. Oribasius, vbi de siccis in 3. agit, vinum vetus enumerat: vbi de siccis in 2. medium: vbi de siccis in primo, nouum. ita & Aetius eodem penè ordine. ita & Serapio, & Isaac, & Constantinus, & Haliabas, & multi alij: quos omnes vt ostendamus non temere loquutos, iam rationes ostendamus: inter quas illa prima, & sola sufficere possit, q̄ supra demonstratum est vinum per se calidum esse, qua igitur ratione calidum est, eadem & siccū esse conuincitur. omnis. n. caliditas aut ignea est, aut aerea. At, si ostendimus vini caliditatem igneā esse, vtiq; manifestum erit & siccitati coniūctam esse. Quare, si potentia calidū est vinum, ita & siccum esse necesse erit. At, q̄ ignea sit, quæ in vinum accedit caliditas, ostendit primo Gale. in 3. de acutis super textu 20. quum inquit, alteratio vini aquosi, dum vua eius est in vite, parua admodum est: et admiscetur ei parua quantitas & substantia terræ, & ignis. Vini autem vinosi dispositio non est talis. multum. n. abest ab aqua, & quātitas caliditatis, quam acquirit, multa. est vnde & odorem habet. Arist. quoque in proble. eo præsertim problemate, quo quæritur, cur post fructus aut aqua, aut vinum potens superbibendū est, igneam vocat vini caliditatem. ita & Plato in ijs, quæ de legibus, cum vino pueris interdicat. nec alia loca adducam, cum multa alia etiā eiusdē sententiæ sint, quoniam rationibus agendum est: ijs dico, quæ ex posterioribus sumi possunt. quæ. n. è prioribus sunt, naturæ ipsi, quæ facit, & gignit, notæ sunt. Primum igitur, q̄ ignea sit vini caliditas, id ostendit, q̄ maxime inebriat. Lac autem, & aqua, inquit Arist. non inebriant, q̄ spirituosæ non sunt. Est autem aliud spiritus, aliud vapor. vapor quidem ille dicitur, qui ab humido exhalat, spiritus, qui à terreo adusto. hic autem solus inebriat, quoniam siccus est, & acris, & multæ materiæ. vapor autem non inebriat, vtpote lenis, & raræ materiæ, propter quod vinum inebriat magis spirituosum existens, lac autem, & aqua non, vtpote vaporosæ magis. Signum quoq; præbet effumatio, quæ à vino ebulliente exhalat. tātæ enim acrimonix est, & austeritatis, vt nec ferri possit. Idem monstrat & aqua illa, quæ aqua vitæ vocatur, è vino statim confecta, siccissima omnium liquidorum. monstrat & vini mordacitas, siue in oculum injectū sit, siue & intra assumptum. omnes. n. hausto vino, si meracū sit, sentimus

non solum caliditatem, sed etiam acrimoniam eius: acrimonia autem à C  
 sicco igneo est. Vetus præterea vinum idem ostendit, siccissimum. n. creditur, & supra, quæ naturæ vini conueniat. Vnde & amarum fit, & odoré, & saporem vini amittit: quod non alia de causa fit, quæ, vt diximus, ex actione ignearum partium, ex quibus constat. quam naturam & antiquos philosophos voluisse significare per fabularum yelamenta antiquum monstrat epigramma: vt intelligere liceat non temere ab antiquis fabulatū fuisse Baccum ex igne ortum cōbusta Semele matre. Quamobrem, vt ad propositum reuertamur, si ignea est vini caliditas, vtique & sicca erit. quare, & si actu fit per caliditatem per se, vtique & actu fiet per siccitatem per se. Ad hæc autem, quæ siccum potentia fit, & alia ratione videri potest, via. silla, quam solam infallacem Gal. dixit, hoc est experientia. tripliciter autem experientia hæc de vino fieri potest, tactu, per intra assumptionem, & per extra applicationem. at tactus, & intra assumptio fallacia magis sunt, vt Gal. docet: tactus quidem, quoniā iudicat solum rem actu talē. hoc autē ad demonstrandā naturam fallax est, quoniā sæpe est talis per accidēs. Assumptio verò, quæ intra fit, et fallax est, quoniam per accidens multa patitur. sæpe. n. res assumpta nimis diuiditur, & dissipatur quodāmodo: sæpe alteri rei admiscetur. propter quod propriā naturam non mōstrat. vnde nec Sinapis, nec Cœpe intra exulcerāt. At applicatio, quæ extra fit, minime omniū fallit, sed maxime propriam naturā ostendit, præsertim si diu perseueret applicatio. propter quod in dignoscendis naturis in hac potissimum innitendum esse Gal. iubet: & hinc experientia sumenda lauādo, rigādo, fouendo. At certe, quæ vinum & oculis applicitum lachrymas excitet, & toti corpori manifestā inducat siccitatem, demonstrari nō indiget. propter quod & vlcerebus vtile Gal. dixit. tum & metallica vino lauari docet, quæ sic multo sicciora reddātur. quæ si & eam quoque experientiam, quæ per intus assumptionē fit quis desideret, non desunt certe indicia multa, quæ vinum potentia exiccet. ac primū, quæ meracum vinum, si multum haustum sit, non solum sitim non tollit, sed auget magis. Item & ebriorum labia semper exiccata videntur. quod verò idem maxime ostendit, illud est, quod morbos frigidos, & humidos, quos per actuale humiditatem sæpe inducit vinum, vt spasmodū, paralyticū, & id genus, eosdem mox innata sua caliditate, siccitateque potentiali tollere solet: quod Gal. super aphor. v. quintæ particulæ probe declarat. Item & 8 de morbis secundum partes de cura passionum hepatis, optime, inquit, operatur ea, quæ cum hoc, quæ sanant discrasia, etiam nutrire possunt. propter quod vinum optimum est eis, qui absque phlegmone, aut erysipellate, aut dyscrasia calida laborāt. etenim & nutrit, & digerit, & vigorat, & putredini resistit, et si discrasia



**A** sia facta fuerit secundum humiditatē, & frigiditatē, instanter, & infallanter eam curat. porro macilenti quicunq; sunt, si nimio vino vtantur, non modo macriores redduntur, sed & saepe consumpti pereūt: quod & Aristot. tradit circa problemata. Ex quibus omnibus manifestum esse potest vinum eo modo, quo potentia calidum est, eodē, atq; eadem de causa & siccum facultate per se esse. quare, actu quum humidum esset, per accidēs esse tale certū est. Insuper & illud dicimus, tametsi vinum potētia hac accidentali siccum sit, potentia autē essentiali, & passiuā humidum dici posse, per se. n. quum humidū non sit, sed siccū, potest tamen conuerti in sanguinem, & quantitātē eius augere, qui per se humidus est. sed hoc per accidens esse supra monstratum est, siquidem non in quantum ipsum, sed in quantum aliud, tale est. Verum illud intelligēdū est, q̄, quē in aliud cōuertuntur, & talia ob id dicuntur, alia augent solā quantitatem illius, alia simul quātitatē, & qualitatem. quā igitur solā augēt quātitatē, & ob id dicuntur calida, aut humida, ea proprie sunt talia potentia essentiali, et per accidens, ac secundum quid, quoniam per nihil sui sunt talia, sed per aliud, in quod conuersa sunt. vt si palea cōbustiua dicatur, q̄ potētia ignis est, qui per se comburit, palā, q̄ hoc non inest paleæ per se, sed inquantū ignis fieri potest. quæ verò simul augent quātitatē, & qualitatem, hæc nec sunt in potentia essentiali, nec per accidens agunt: sed talia sunt per se, licet conuersa agāt, quoniā per aliquid sui agunt, per qualitatem. s. quē reseruata fuit in conuersione. non. n. quando aliquid conuertitur, necesse est pati secundum omnia. Vinum autē, quando in sanguinem vertitur, in caliditate quidem auget tum quantitātē eius, tum qualitatem, in humiditate autem non auget, nisi quantitatem. qualitatem. n. exiccat, quoniam per se siccum est, & sanguis, qui ex eo fit, siccior est per se, q̄ prius. dico autem per se, quoniā nihil prohibet, quod exiccatum est in sanguine, à partibus nihil passis reduci ad pristinam humiditatem: sicut aqua calefacta à se ipsa in frigidatur per partes nihil passas. propter hoc igitur, si vinum humidum dicatur potentia, utiq; potentia essentiali & passiuā tale dicetur, q̄ per accidens est, & secundum quid tale. quare simpliciter & per se vinum calidum & siccum pronunciandum est, quādo tale est potentia accidentali: humidum verò per accidens, & secundum quid, et potentia essentiali, aut actu solum.

*Inducuntur duo modi dicendi vinum siccum, licet sit vere humidum: & refelluntur.* Cap. 8.

**S**Vnt quidam amici nostri, & magni ingenij, & magnæ doctrinæ viri, qui non audentes negare auctoritates tantorum hominū per nos adductas, nec effectus siccitatis, qui in vino apparēt, concedunt quidem exiccare

exiccare vinum, verum hoc per accidens esse. non. n. in quantum siccum, C  
sed in quantum calidum id facere: nec aliud velle authores, qui vinum calidum, & siccum dicunt. quod quidem si ignoscant, longe est à veritate, et ab eo iudicio, quod in alijs præ se ferre consueti sunt, non solum propter prædicta, q̃ ignea sit, quæ in vino est, caliditas, sed propter alia multa. primum quis Gal. non rideat promittentem de natura simplicium dicere, clamantem verò, ac protestantem naturas rerum non determinandas esse per ea, quæ sunt per accidens, mox statim de vino agentem dicere, quod per accidens sit? quis non rideat & Hippo. & Paulum, & Oribasium, & alios de vino loquentes nihil de eo dicere, quod per se est, sed de eo solo, quod est per accidens? q̃ si siccitatem factam à vino, quatenus calido, veluti per se accepere, non distinguentes ab ea, quæ proprie fit, si & hoc sufficit ad denominandam rem siccam, recte quidem à nobis dictum erit vinum potentia siccum esse. Præterea percontemur, an maior sit siccitas facta per accidens, an humiditas facta per se à vino. si quidem maior est humiditas per se facta, hinc maxime ridendi, ac cachinnis prosequendi erunt Hipp. & Galen. & alij, dicentes vinum siccum non solum, quia per accidens hoc sit, sed quoniam sit humectatio vini maior, q̃ exiccatio. at, si maior est siccitas, quāq̃ per accidens facta, q̃ humiditas, quid nam per Deos mouet, ac persuadet magni ingenij viros, vt certare velint vinum humidum potentia esse, quum effectus vini videatur esse siccitas, ratio autem D  
& autoritas omnis clament vinum siccum esse facultate: postremo & illud animaduertant, quod Gal. in de curandi methodo scribit, humidū nullum vlceribus conuenire, siue per se humidum sit, siue per accidens? Vinum ergo cum vlceribus cōuenire affirmet, sequitur, q̃ nec per se, nec per accidens humidum sit, quatenus vlceribus conuenit. cōuenit autem non, qua actu tale est, sed qua potestate tale. quare potētia nec per se, nec per accidens humidum est.

Propter hæc igitur et alia, quæ prolixitati parcentes omittimus, nec collegæ nostri, nec principalis in causa hac Bartholomæus GATONVS hanc opinionem sequuti sunt, sed ab ea recedentes concedunt vinū potentia, & per se, quantum ad qualitates, & complexionem attinet, calidū & siccum esse. Scuto autem alio se tegentes confugiunt ad nutrimentum. dicunt enim, & si vinum, quatenus medicamentum, siccum est, tamen; quatenus alimentum, humidum esse: quod satis est ad verificandam questionem propositam. quæ cum indistincte posita sit, si sensu aliquo verificari possit, victoriam sibi promittit. propter hæc igitur quædam pauca de vino dicemus, quatenus alimentum est, cum, quæ dicta hæcenus sunt, de vino secundum se dicta sint.



**A** Dicitur ergo proprie cibus, qui futurus est alimentum: alimentum autem, quod aut restaurat, aut proximum est, ut restauret, quod deperditum est in membris. differt autem alimentum à medicina, quia alimentum per se non agit, nec alterat, sed patitur solum, & restaurat. Medicinæ autem ratio in eo est, quia alterat, & agit. Verum illud bene advertendum est, quia, licet cibus, & alimentum à medicina differat, cibus tamen calidus aut humidus, & alimentum calidum aut humidum non differunt à medicina calida aut humida, sed eandem rationem habent: quod multi medici non considerant. Id. n. quod alit, quatenus alit, nec calidum est, nec frigidum: quoniam verò cum eo, quia alit, coniunctæ sunt qualitates, volentes nos temperiem & intemperiem significare appellamus calidum cibum, & calidum alimentum, frigidum cibum, & frigidum alimentum, & temperatum cibum, & alimentum. ita & humidum, & siccum temperatum quidem dicimus, quod corpus nostrum nec calefacit, nec refrigerat: & hoc proprie et solum alimentum est, siquidem non alterat: at calidum cibum dicimus, qui calefacere potest cum hoc, quia nutrit: frigidum, qui frigefacere. quare in hoc non differt cibus à medicina. vtrunque enim considerant, ut alterans. & cibus omnis, qui calidus est, etiam & medicina calida est, omnis quoque medicina, quæ etiam cibus est, si calida est, & cibus calidus est, & nutrimentum ex ea factum est calidum. calidum autem nutrimentum est, quod restaurat, quod deperditum est, calidius, quàm prius. quare eadem est consideratio cibi humidi, & calidi, & medicinæ calidæ, & humidæ ob id, quod nomina hæc calidum, frigidum, humidum, siccum semper qualitatem significant, & complexionem. Simpliciter igitur cibus calidus, vel alimentum calidum, & medicamentum calidum est, vel fuit: & calidum medicamentum, calidus etiam cibus, & alimentum, si cibus, & alimentum sit. Sed illud repetendum est, quòd illud, quod conuertitur, & alimentum fit, vel auget quantitatem solam, vel simul auget quantitatem, & qualitatem. si quidem vtrunque augeat, simpliciter talis cibus, & tale alimentum dicitur. Si verò solam augeat quantitatem, in potentia essentiali tale est, & per accidens tale dicitur. ut lactuca calida potentia essentiali est, & cibus calidus per accidens, & ex ea factus sanguis calidus quidem quantitate est solum, non autem qualitate. Quum igitur dicunt collegæ nostri vinum humidum, ut alimentum, querimus, quo pacto intelligunt. Vtrum vinum sit cibus & alimentum humidum: per se, & simpliciter, an humidum, quoniam augeat quantitatem sanguinis, qui humidus est. si quidem primo modo dicunt, tunc falso certe dicunt, quoniam cibus & nutrimentum per se tale, non solum quantitatem, sed etiam qualitatem sanguinis adaugēt. Quomodo igitur potest vinum  
qualitatem

qualitatem sanguinis augere, si concedunt per se potentia siccum esse vi C  
num, & complexione? si verò dicunt idcirco humidum dici, q̃ quantita-  
tem sanguinis humidi augeat, verum quidem dicunt, sed hoc nō per se,  
& simpliciter tale est, sed per accidens, & secundum quid, vt toties est  
demonstratum. quam ob causam, siue vt nutrimentum, siue vt agens ac-  
cipiatur vinum, simpliciter siccum est dicēdū, & per se. Quapropter nul-  
læ latebræ, nulla diuerticula relinquuntur dicentibus vinum calidum &  
humidum, ad quæ confugiant. superest igitur, aut ipsi arma dēt, aut nos  
postremo arma demamus. dememus autem, si tandem adduxerimus tū  
autoritates quasdam, tum rationes, q̃bus, vt existimamus, decepti, & ma-  
le freti ausi sunt in pugnam prodire. sunt autem ferè hæc.

*Quòd vinum sit humidum, contra veritatem, & deter-  
minata ostenditur. Cap. 9.*

**I**N primis igitur, q̃ humidum & actu, & potentia, & semper sit vinum,  
Ex hoc aliquis posset existimare, q̃ in omni prima digestionē, secūda,  
& tertia, & ante conuersionem, & post, vinum semper liquidum est. om-  
ne autē liquidum est actu humidum. vinum igitur semper humidū erit.  
præterea aquā dicit Gal. frigiditatem amittere posse, humiditatem autē  
non. vinum autē est aquæ species, vt in quarto metho. declaratur. qua igi-  
tur ratione aqua humiditatem non amittit, eadem nec vinum. quod cō-  
firmatur. si. n. amittit, querimus, à quo: nō quidem à sanguine, qui humi D  
dus est, nō à calore nostro innato, qui & ipse humidus est: à membris au-  
tem si id recipit, quum sicciora sint, humidius igitur erit vinum, q̃ mem-  
bra. Ad hæc autē dictum est supra, quod in aliud facillime vertitur, oport-  
tere, p̃ximum gradu illi esse. at vinum facillime omnium in sanguinem  
vertitur. p̃ximum igitur gradu oportet sanguini esse, non solum calidita-  
te, sed etiam humiditate: alioquin, si altera qualitate longe distet, non ci-  
to vertetur in ipsum. igitur, quum sanguinis longo interuallo humidior  
sit, q̃ membra, vinum quoq; quod sanguini p̃ximum est, humidius erit,  
q̃ membra. Item vinum aut est humectabile, aut humectatiuum. hume-  
ctabile autem quomodo sit, quod maxime humidum est? Igitur erit hu-  
mectatiuū. Adde, q̃ sitim tollit, somnum & letitiā facit, impinguat, mor-  
bos humidos efficit: quæ omnia non nisi ab humido fiunt. Arist. in prob.  
de vino scribens, vinum calidū & humidum pronunciat. Gale. porrò in  
ijs, quæ de tuenda sanitate, vinum pueris dandum negat, q̃ calidi sint, &  
humidi. quare, si vino vtatur, plus æquo vtraq; qualitate augeantur. hoc  
enim facere vinum senibus non concedit, q̃ frigidi & sicci sint. per con-  
traria. n. curare eos iubet. talia autem sunt, inquit, vinum, balnea, & cibo-  
rum quicunq; calefacere similiter ac humectare possunt. In ijs quoque,  
quæ



**A** quæ de pulsibus, vinum scribit calidum & humidum. Item in de acutis ait vinum humectare magis, q̃ aquā. Auicē. quoq; primo canonum suorum, Vinum, inquit, fortiter humectat. & in regimine siccarum, & frigidarum complexionum vinum conuenire scribit, q̃ contrarium sit vtriq; qualitati. idem & in capite de melancholia. sunt & alia multa, quæ, quoniam eundem habent intellectum, omittimus. Atq; hæc arma illa sunt, quibus, dum muniti erunt & freti, nunquam manus dent: nos vero & imbecillia satis esse, & quæ primo congressu cito dissiliant, ostendemus.

*Soluuntur veritati obiecta.*

*Cap. 10.*

**P**rimum quidem, quod dicit liquidum omne actu humidum esse, vinum verò in omni digestionē liquidum esse, peccat nimirū vtrūque. Liquidum enim omne humidum est non ad hominem facta comparatione. sic. n. & succus nucum, & vinum omphacinum, & acetum, & aqua ardens vocata humida essent. Sed neque illud recte dicitur, vinum in omni digestionē liquidum esse, quando præter primam digestionem, quæ in stomacho fit, nō existit vinum, sed inexistit. admiscetur. n. sanguini secundum diuersas partes, cæterum calidis & siccis præpotentibus. Aquam verò nunq̃ humiditatem amittere verum est, dum aqua remanet, ita & vinum, dum vini prima mixtio manet. & aque species nunquā amittit humiditatē, at, cum actu fit, & soluitur mixtio, humectatio amittitur. Amittitur autem à calore nostro, non q̃ exiccet vini humiditatem, sed q̃ separet mixtionem, & eleuet partes calidas, & vniat, vt dictum est. Vinum autem oportere non longe à sanguine qualitatum gradu distare, & si non semper necessarium est in eis, quæ cito transmutantur: sufficit. n. interdum sola possibilitas subiecti, & magna proportio agentis, tamen & nos confiteamur. Verum illud oportet considerare, q̃ nec vinū, nec sanguis vnum quid sunt, nec, vt Græci dicunt, homogenea, sed vtrūque è diuersis constat partibus, alijs quidem calidis, alijs humidis. quum autem vinum in aliud vertitur, miscentur quidem, ac separantur partes illæ: quæ verò calidæ sunt, vini parte in calidas sanguinis facillime transeunt, humidæ verò in humidas. Quare verū est nō distare gradu vnū ab alio, sed oportet referre sua suis, & consimilia consimilibus. cum hoc tamen stat plures, & maioris actionis esse in ea miscella calidas & siccas partes, q̃ humidas: quare & sanguinem inde siccio rem reddi, q̃ prius esset, nisi partes sanguinis nihil passæ contra agant, vt dictum est. humectabile vero est vinum, non quatenus actu est, sed quatenus est potentia siccum. quum. n. actu fit per suas partes, agit per illas, & sanguinem exiccat: à quo cum repatiatur, humectabile quidē hoc pacto fit, quatenus quidē

*Fracastorij.*

MMM

siccum

siccum est. sitim autem tollit, quanquā potentia siccum sit, per eam humidi C  
 ditatem, quam actu habet, quod & aquæ thermarum faciunt. sufficit. n.  
 humiditas illa, quoniam sitis appetitus est humidi ob deperditum super-  
 ficiale humidum, quod restaurat vinum prius, quā actu sit factum siccum.  
 Somnum etiam affert per primam euaporationem, quæ è vino, fit in qua  
 partes tum calidæ, tum humidæ euaporant: sursum autem latæ, & à cere-  
 bro in frigidatæ caput grauant, & somnum adducunt. Letitiam verò ap-  
 portat vinum, quoniam tum sanguinem multum, tum spiritus multos  
 facit, quæ animæ sunt instrumenta. Vnde & illa dispositio inducitur, cū  
 qua anima optime se habet: hæc autem ad læta bene parata est. de quo plu-  
 ra dicenda essent. Impinguat verò vel maxime vinum, si moderate sum-  
 ptum sit. Auget. n. sanguinem, & pabulum caloris, quatenus vinum est:  
 quatenus verò temperatum, & paucum sumitur, non addit nocumen-  
 tum in sanguine propter suam siccitatem, quoniam cito illa remittitur pau-  
 ca existens, sanguine sese ipso ad pristinam naturam restituente per par-  
 tes nihil passas. quod si non moderate sumptum fuerit, non solum non im-  
 pinguat, sed emaciat magis, & sæpe absumpto pabulo caloris perdit. Hu-  
 midum verò dicere per se vinum, quod humidos morbos faciat, sic quidem  
 est & frigidum dicere, quod morbos adducat frigidos. dicemus autem iam,  
 quo pacto in nobis morbos faciat. Quum verò Arist. vinum calidum & D  
 humidum profert, illud intelligi oportet, nihil aliud velle ipsum, quā quod vi-  
 num ex multo calido, & multo humido constat. Demonstraturus enim  
 causas quorundam effectuum, qui à vino fiunt, quorum alij à calido, alij  
 à frigido contingunt, duas assumit propositiones: quarum altera est, quod vi-  
 num ex multo calido, & multo humido constat, altera, quod humidum re-  
 manens humidum, aut à quo euaporat calidum, frigidum est. quare &  
 humido tunc vititur per accidens: vt intelligere liceat hic non tradere cō-  
 plexionem vini. hausto igitur vino, si non obtineatur, & digeratur à calore  
 nostro, sed remaneat, quale erat, humidū. s. aut alteretur eò solum, quò ca-  
 lidum euaporet, tunc vinum frigidū redditur. Vnde & effectus, qui con-  
 sequuntur frigus, proueniunt. ebriosorum enim multi & frigent, & ri-  
 gent, & solem amant, & infœcundi sunt semine: quod & Galen. optime  
 3. de temperamentis declarauit. & si à calore nostro obtineatur vinum,  
 & in venas distribuatur, ac demum actu fiat, potens autem, aut multum  
 sit, tunc effectus calidi proueniunt. sic enim & furescunt facit, & sitim au-  
 get, & emaciat, ac etiam absumit consumpto humido. quare humiditatē  
 actualem vult eo loco Philosophus. Quod verò Gal. vinum pueris prohi-  
 beat, quod ijs obsit humectatione: senibus verò concedat, quod profit, & nos re-  
 cte dictum affirmamus. duos enim in de temperamentis esse modos de-  
 clarauerat,



**A** clarauerat, quibus aliquid calidum, frigidum, humidum, siccum dicitur: quorum vnus est de eo, quod auget quantitatem calidi, frigidi, humidi, siccii: alter de eo, quod simul auget & qualitatem. Secundum ergo priorem modum locutus est in ijs, quæ de tuenda sanitate: quod ipsemet declarat in de virtutibus animalibus, vbi reddit rationem, cur est, q̃ Plato vinum pueris negauerit. dicit enim pueros calidos esse, nã & multo sanguine abũdare in venis, et si vino vtatur, plus nimio aucturos esse sanguinem, & sic calidiores & humidiores futuros, quàm par sit. humidiores autem non solum quantitate, sed etiam qualitate, quoniam sanguis plurimus in pueris, quanquam etiam siccior primo fiat à vino, mox tamẽ se se ipse ad primam naturam restituit. Sed certe propter hoc, q̃ ita Gal. humectatiuum dicit vinum, quod est in potentia essentiali & per accidens, accipere vinum per se humidum esse, est profecto, quod per accidens est, accipere pro eo, quod per se est. Quum verò & Auic. dicit fortiter humectare, & senibus, & melancholicis, & naturæ spirituum conuenire, verissima omnia sunt bono sensu. nihil enim est, quod humectet nos magis, quàm vinum. primum enim actuali sua humiditate multum operatur, quæ satis longo tempore perdurat. Vinum enim prius actu calidum fit, quàm siccum. dupliciter nanque fit exiccatio, & à siccitate, & à caliditate. quæ igitur à siccitate fit, paruæ actionis est: quæ vero à caliditate, maioris quidem actionis est, sed oportet caliditatem quàm multum prius agere, quàm exiccare possit. Propter quod vinum actu humidum aliquanto tempore perdurat. vnde & sitim tollit, & iuncturas emollit. Mox verò actu fit tum caliditate, tum siccitate. deinde trãsmutatam in sanguinem eius quãtitatem magnopere auget, per quam humectatio etiam fit in toto corpore magna. quoniam enim calor innatus cõtinue absomit humidum, & substantiam membrorum exiccat, siquidem sero & parum reaponatur de eo, quod deperditum est, consumptio quàm maxime procedit. At, si cito & large reaponatur, quod est deperditũ, prohibetur exiccatio procedere. habet enim calor, vnde pabuletur. & interea sanguis, qui per se humidus est, qualitate etiã membra humectat, Propter igitur omnia hæc vinum vel maxime humectare dicitur, sed certe vtranq; humectationem per accidens habet. quæ enim humectatio actu est, per accidens quidem est, vt prædiximus, quæ verò fit augendo sanguinem, etiam per accidens, & secundum quid. quare neque per hunc, neque per illum modum simpliciter humidum dicendum est vinum, sed simpliciter, & per se siccum eo modo, quo dictum est. In ijs vero, quæ de pulsibus, humiditatem actualem vini vult, qua etiam vtitur, vt causa per accidens vel materiali ad mutandum pulsum. siquidem per se causa est vini caliditas, hu-

miditas verò solum facit, vt cito passibile sit per venas. Vniuersaliter, si qua autoritas humidum facit vinum, ea quidem aut de actuali, aut de potenciali passiuâ, & essentiali est.

*Quæstionis decisio, iudicisq; sententia.*

*Cap. II.*

**D**Eterminantes igitur, diffinientes, ac etiam iudicantes propositam nobis quæstionem, declaramus, atque pronunciamus medicum illum, qui asserit vinum calidum & humidum, male proculdubio asserere, eum verò, qui negauit propositionem, atq; impugnauit, recte iusteq; negasse, atque impugnasse. quocunque enim modo intelligatur, propositio simpliciter falsa est. Si enim intelligatur per comparisonem ad prædominantem qualitatem, sic falsum quidem assumit, vinum calidum esse: si vero per comparisonem ad hominem, falsum est humidum esse.

Humidum enim cum sit vinum, aut actu per accidens, aut potentia essentiali, vel passiuâ tantum, siccum vero sit potentia accidentali, hic autem modus per se, & simpliciter talis est illi secundum quid, & per accidens, manifestum, qd vinum simpliciter calidum & siccum est pronunciantum: siue vt medicina, siue vt cibus, & alimentum sumatur. atq; ita propositionem simpliciter prolatam, & nobis simpliciter declarandam propositam, falsam esse dicimus. Quis enim tam fatuus iudex sit, qui proposita sibi quæstione, vtrum hyems frigida sit an calida, calida dicat, qd calefaciat corpora nostra, et digestionem vigoret? aut proposita quæstione, an bonum sit projicere merces in mare. bonum decernat, qd in tempestate sit bonum? Quare & nos, cum propositio illa plurimis modis intelligi possit, quorum alij per se, & simpliciter tales sint, alij secundum quid, & per accidens, ridiculi quidem iudices dicemur, si simplicem sensum relinquentes veram illam decernamus, qd per accidens, & secundum quid vera esse possit. Quam ob causam, vt tandem sermonem claudamus, dubij huius victorem ANTONIVM FVMANELLV M declaramus, & pronunciamus.

Hoc Hierony. Fracasto. M DXXXIIII. Die IX. Septeb.  
Prætoꝛe Clariss. Ioanne Contareno.

VETVS EPIGRAMMA.

*Infantem Nymphæ Bacchum, quo tempore ab igne  
Prodiit, inuentum sub cinere abluerant.  
Ex illo Nymphis cum Baccho gratia multa est,  
Seiunctus quod sit ignis, & vrat adhuc.*



235

H I E R O N Y M I  
FRACASTORII SYPHILIDIS,  
S I V E M O R B I  
G A L L I C I

LIB. TRES,

AD PETRVM BEMBV M.

LIBER PRIMVS.



*V* I casus rerum variij, quæ semina morbū  
Insuetum, nec longa vlli per secula visum  
Attulerint: nostra qui tempestate per oēm  
Europā, partimq; Asiæ, Libyæq; per vrbes  
Seuñt: in Latium vero per tristia bella  
Gallorum irrupit, nomenque à gente rece-  
pit:

*N*ecnon & quæ cura, & opis quid comperit vsus,  
Magnaq; in angustis hominum solertia rebus,  
Et monstrata Deum auxilia, & data munera cœli  
Hinc canere, & longe secretas quærere causas  
Aëra per liquidum, & vasti per sydera Olympi  
Incipiam: dulci quando nouitatis amore  
Corruptum, placidi naturæ suauibus horti  
Floribus inuitant, & amantes mira Camœnæ.

*B*EMBE decus clarum Ausoniæ, si fortè vacare  
Consultis Leote à magnis paulisper, & alta  
Rerum mole sinit, totum qua sustinet orbem:  
Et inuat ad dulces paulum secedere Musas:  
Ne nostros contemne orsus, medicumq; laborem,  
Quicquid id est. Deus hæc quondam dignatus Apollo est:  
Et paruis quoq; rebus inest sua sæpe voluptas.  
Scilicet hac tenui rerum sub imagine multum  
Naturæ, fatiq; subest, & grandis origo.

*T*u mihi, quæ rerum causas, quæ sydera noscis,  
Et cœli effectus varios, atq; aëris oras,  
Vranie, (sic dum puro spatiaris olympo,  
Metirisq; vagi lucentes ætheris ignes,

Concentus

Concenter tibi diuinò cita sydera plaudant)  
 Ipsa ades, & mecum placidas Dea lude per umbras,  
 Dum tenues auræ, dum myrtea sylua canenti  
 Aspirat, resonatq; cauis Benacus ab antris.  
 Dic Dea, quæ causæ nobis post secula tanta  
 Insolitam peperere luem? num tempore ab illo  
 Veëta mari occiduo nostrum peruenit in orbem,  
 Ex quo lecta manus soluens de littore Ibero  
 Ausa fretum tentare, vagiq; incognita ponti est  
 Aequora, & orbe alio positas perquirere terras?  
 Illic nanque ferunt æterna labe per omnes  
 Id morbi regnare vrbes, passimq; vagari  
 Perpetuo cœli vitio, atq; ignoscere paucis.  
 Commerci ne igitur causa accessisse putandum est  
 Delatam contagem ad nos, quæ parua sub ipsis  
 Principijs, mox & vires & pabula sensim  
 Suscipiens, sese in terras diffuderit omnes?  
 Vt sæpe in stipulas cecidit quum fortè fauilla  
 De face, neglectam pastor quam liquit in aruo,  
 Illa quidem tenuis primum, similisq; moranti  
 Incedit: mox, vt paulatim increuit eundo,  
 Tollitur, & victrix messem populatur & agros,  
 Vicinumq; nemus, flammæq; sub æthera iactat.  
 Dat sonitum longe crepitans Iouis auia sylua,  
 Et cœlum latè circum, campi; relucet.

At vero, si rite fidem obseruata merentur,  
 Non ita censendum: nec certe credere par est  
 Esse peregrinam nobis, transq; æquora veëtam  
 Contagem: quoniam in primis ostendere multos  
 Possumus, attactu qui nullius hanc tamen ipsam  
 Sponte sua sensere luem, primi; tulere.  
 Præterea & tantum terrarum tempore paruo  
 Contages non vna simul potuisset obire.  
 Aspice per Latij populos, quiq; herbida Sagra  
 Pascua, & Ausonios saltus, & Iapygis oræ  
 Arua colunt: spectata, Tyberis quæ labitur, & quæ  
 Eridanus centum fluijs comitatus in æquor,  
 Centum vrbes rigat, & placidis interfluit undis:  
 Vno non ne vides vt tempore pestis in omnes

Sani?



Sæuijt? Ut sortem pariter transegimus vnam?  
 Quinetiam externos eadem per tempora primum  
 Excepiſſe ferunt: nec eam cognouit Ibera  
 Gens prius, ignotum quæ ſcindere puppibus æquor  
 Auſa fuit, quàm quos diſterminat alta Pyrene,  
 Atque freta, atque Alpes cingunt, Rhenuſq; bicornis:  
 Quàm reliqui, quos lata tenet gelida ora ſub Arcto.  
 Tempore non alio Pœni ſenſiſtis, & omnes  
 Qui letam Aegyptum metitis, ſœcundaq; Nilo  
 Arua, & palmiferæ ſyluas tondetis Idumes.  
 Quæ quum ſic habeant ſeſe, nempe altius iſti  
 Principium labi, rerumq; latentior ordo,  
 (Ni fallor) grauiorq; ſubeſt, & maior origo.

Principio quæq; in terris, quæq; æthere in alto  
 Atque mari in magno Natura educit in auras,  
 Cuncta quidem nec ſorte vna, nec legibus iſdem  
 Proueniunt, ſedenim, quorum primordia conſtant  
 E paucis, crebro ac paſſim pars magna creantur:  
 Rarius aſt alia apparent, & non niſi certis  
 Temporibûſue, lociſue, quibus violentior ortus,  
 Et longè ſita principia: ac nonnulla prius, quàm  
 Erumpant tenebris & opaco carcere noctis,  
 Mille trahunt annos, ſpacioſaq; ſecula poſcunt.  
 Tanta vi cœunt genitalia ſemina in vnum.  
 Ergo & morborum quoniam non omnibus vna  
 Naſcendi eſt ratio, facilis pars maxima viſu eſt,  
 Et faciles ortus habet, & primordia præſto.  
 Rarius emergunt alij, & poſt tempore longo  
 Difficiles cauſas, & inextricabile fatum,  
 Et ſerò potuere altas ſuperare tenebras.  
 Sic Elephas ſacer Auſonijs incognitus oris,  
 Sic Lichen latuere diu, quibus incola Nili  
 Gens tantum, regioq; omnis vicina laborat.

De genere hoc eſt dira lues, quæ nuper in auras  
 Exijt, & tandem ſeſe caligine ab atra  
 Exemit, duroſq; ortus, & vincula rupit.  
 Quam tamen ( æternum quoniam dilabitur æuum )  
 Non ſemel in terris viſam, ſed ſæpe fuiſſe  
 Ducendum eſt, quanquam nobis nec nomine nota

Haſtenus

*Haëtenus illa fuit : quoniam longæua vetustas  
Cuncta situ inuoluens, & res, & nomina delet:  
Nec monumenta patrum feri videre nepotes.*

*Oceano tamen in magno sub sole cadente,  
Quà misera inuentum nuper gens accolit orbem,  
Passim oritur, nullisq; locis non cognita vulgo est.  
Vsq; adeo rerum causæ, atque exordia prima  
Et cœlo variare, & longo tempore possunt.  
Quodq; illic fert sponte aer, & idonea tellus,  
Huc tandem annorum nobis longa attulit ætas.  
Cuius fortè suo si cunctas ordine causas  
Nosse cupis, magni primum circumspecte mundi  
Quantum hoc infecit vitium, quot adiuerit vrbes.  
Quumq; animaduertas tam vastæ semina labis  
Esse nec in terræ gremio, nec in æquore posse,  
Haud dubie tecum statuas reputesq;, necesse est,  
Principium, sedemq; mali consistere in ipso  
Aëre, qui terras circum diffunditur omnes,  
Qui nobis sese insinuat per corpora vbiq;,  
Suetus & has generi viuendum immittere pestes.  
Aër quippe pater rerum est, & originis autor.  
Idem sæpe graues morbos mortalibus affert,  
Multimode natus tabescere corpore molli,  
Et facile affectus capere, atque inferre receptos.  
Nunc vero, quonam ille modo contagia traxit,  
Accipe : quid mutare queant labentia secla.*

*In primis tum Sol rutilus, tum sidera cuncta  
Tellurem, liquidasq; auras, atq; æquora ponti  
Immutant, agitantq; : vtq; ipso sidera cœlo  
Mutauere vicem, & sedes liquere priores,  
Sic elementa modis varijs se grandia vertunt.  
Aspice, vt, hybernus rapidos vbi flexit in Austrum  
Phœbus equos, nostrumq; videt depressior orbem,  
Bruma riget, duratq; gelu, spargitq; pruina  
Tellurem, & gelida glacie vaga flumina sistit.  
Idem, vbi nos Cancro propior spectauit ab alto,  
Vrit agros, arent nemora, & sitientia prata,  
Siccaq; puluereis æstas squalle scit in aruis.  
Nec dubium, quin & noctis nitor, aurea Luna,*



Cui maria alta, omnis cui rerum obtemperat humor:  
 Quin & Saturni graue sydus, & æquior orbi  
 Stella Ionis: quin pulchra Venusq; & Martius ignis,  
 Ac reliqua astra etiam mutant elementa, trahantq;  
 Perpetuum, & late magnos dent undiq; motus:  
 Præcipue sedem si quando plurima in vnam  
 Conuenere, suo vel multum denia cursu  
 Longe alias tenuere vias. hæc scilicet annis  
 Pluribus, & rapidi post multa volumina cœli  
 Eueniunt, Dÿs fata modis voluentibus istis.  
 Vt vero euenisse datum est, numerumq; diesq;  
 Exegere suos, præfixaq; tempora fatis,  
 Proh quanta aërios tractus, salsa æquora quanta,  
 Telluremq; manent: alibi quippe omnia late  
 Cogentur spatia in nubes, cœlum imbribus omne  
 Soluetur, summisq; voluti montibus amnes  
 Præcipientes secus sylvas, secum aspera saxa,  
 Secum armenta trahent: medius pater impete magno  
 Aut Padus, aut Ganges super & nemora alta, domosq;  
 Turbidus, æquabit pelago freta lata sonante.  
 Aestates alibi magnæ condentur, & ipsæ  
 Flumina speluncis flebunt arentia Nymphæ.  
 Aut venti cuncta inuertent, aut obice clausi  
 Excutient tellurem imam, & cum turribus vrbes.  
 Forsitan & tempus veniet, poscentibus olim  
 Natura, fatisq; Deum, quum non modo tellus  
 Nunc culta, aut obducta mari, aut deserta iacebit,  
 Verum etiam Sol ipse nouum (quis credere possit)  
 Curreret iter, sua nec per tempora diffluet annus.  
 Ast insueti æstus, insuetaq; frigora mundo  
 Insurgent, & certa dies animalia terris  
 Monstrabit noua, nascentur pecudesq; feræq;  
 Sponte sua, primaq; animas ab origine sument.  
 Forsitan & maiora audens producere tellus  
 Cœumq;, Enceladumq; feret, magnumq; Typhoëa,  
 Ausuros patrio superos detrudere cœlo,  
 Conuulsumq; Ossan nemoroso imponere Olympo.  
 Quæ quum perspicias, nihil est, cur tempore certo  
 Admirere nouis magnum marcescere morbis

*Aëra, contagesq; nouas uiuentibus ægris  
Sydere sub certo fieri, & per secula longa.*

*Bis centum fluxere anni, quum flammea Marte  
Lumina Saturno tristi immiscente, per omnes  
Aurora populos, per quæ rigat æquora Ganges,  
Insolita exarsit febris, quæ pectore anhelò  
Sanguineum sputum exagitans (miserabile visu)  
Quarta luce frequens fato perdebat acerbo.  
Illa eadem Assyriæ gentes, & Persidos, & quæ  
Euphratem, Tigrimq; bibunt, post tempore paruo  
Corripuit, ditesq; Arabas, mollemq; Canopum:  
Inde Phrygas, inde & miserum trans æquora vecta  
Infecit Latium, atq; Europa sæuît omni.*

*Ergo age iam mecum, semper sese athera circum  
Voluentem, superumq; domos, ardentiaq; astra  
Contemplare, animumq; agitans per cuncta, require,  
Quis status illorum fuerit, quæ signa dedere  
Sydera, quid nostris cælum portenderit annis  
Hinc etenim tibi fortè nouæ contagis origo  
Omnis, & euentus tanti via prima patefcet.  
Aspice, candentes magni qua Cancer olympi  
Excubat ante fores, & brachia pandit aperta.  
Hinc diræ facies, hinc se diuersa malorum  
Ostendent portenta: vna hac sub parte videbis  
Magna coisse simul radijs ardentibus astra,  
Et coniuratas sparsisse per aëra flammæ:  
Flammæ, quæ longe tumulto Sirenis ab alto  
Prospiciens senior Vates, quem diu per omnes  
Coelicolumq; domos duxit, docuitq; futura  
Vranie: miseræ, inquit, defendite terras  
O superi, insolitam video per inania ferri  
Illuuiem, & magnos cœli tabescere tractus.  
Bella etiam Europæ miseræ, bella impia, & agros  
Ausoniæ passim currentes sanguine cerno.  
Dixit, & illa etiam scriptis ventura notauit.*

*Mos superum est, vbi secla vagus sol certa peregit,  
Ab Ioue decerni fata, & cuncta ordine pandi,  
Quæcumq; euentura manent terrasq; polumq;.  
Quod tempus quum iam nostris venientibus annis*

*Instaret,*



Instaret, rerum summus sator, & superum rex  
 Iuppiter acciri socios in rebus agendis  
 Saturnum, Martemq; iubet: bipatentia Cancer  
 Limina portarum reseat, dijsq; atria pandit.  
 Conueniunt, quibus est fatorum cura gerenda.  
 Impiger ante alios flammis ferroq; coruscans  
 Bellipotens Mauors, animis cui praelia & arma,  
 Vindictæq; manent, & ouantes sanguine cades.  
 Post placidus curru inuectus rex Iuppiter aureo  
 Insequitur (ni fata obstem) pater omnibus æquus.  
 Postremus, longaq; via tardatus & annis  
 Falcifer accedit senior, qui haud immemor iræ  
 In natum veteris, nato & parere recusans,  
 Sæpe etiam celsit retro, & vestigia torsit,  
 Multa minans, multumq; animo indignatus iniquo.  
 Iuppiter at solio ex alto, quo se solet vno  
 Tollere, percenset fata, & ventura resoluit,  
 Multum infœlicis miserans incommoda terræ,  
 Bellaq; fortunasq; virum, casuraq; rerum  
 Imperia, & prædas, adaperatq; limina morti:  
 In primis ignota noui contagia morbi:  
 Morbi, qui humanæ nulla mansuescat opis vi.  
 Assensere Dei reliqui: concussus Olympus  
 Intremuit, tactusq; nouis defluxibus æther.  
 Paulatim aerij tractus, & inania lata  
 Accepere luem, vacuasq; insuetus in auras  
 Marcor ijt, cœlumq; tulit contagia in omne.  
 Siue quod ardenti tot concurrentibus astris  
 Cum Sole, è pelago multos terraq; vapores  
 Traxerit ignea vis, qui misti tenuibus auris  
 Correptiq; nouo vitio, contagia visu  
 Perrara attulerint: aliud siue æthere ab alto  
 Demissum late aerias corruerit oras.

Quamq; animi haud fallor, quid agat, quoue ordine cœlū,  
 Dicere, & in cunctis certas perquirere causas  
 Difficile esse: adeo interdum per tempora longa  
 Effectus trahit, interdum (quod fallere possit)  
 Miscentur fors, & varij per singula casus.

Nunc age non id te lateat, super omnia miram

NNN ij Naturam

Naturam, & longe variam contagibus esse.  
 Solis nam sæpe arboribus fit noxius aer,  
 Et tenerum germen, florumq; infecit honorem:  
 Interdum segetem, & sata læta, anniq; labores  
 Corripuit, scabraq; v̄sit rubigine culmos,  
 Et vitiosa parens produxit semina tellus.  
 Interdum pœnas animalia sola dedere,  
 Aut multa, aut certa ex ipsis. memini ipse malignam  
 Luxuriam vidisse anni, multoq; madentem  
 Autumnum perflatum Austro, quo perditus omne  
 Caprigenum genus è cunctis animantibus vnum  
 Corruit. à stabulis lætas ad pabula pastor  
 Ducebat: tum fortè, alta securus in vmbra  
 Dum caneret, tenuiq; gregem mulceret auena,  
 Ecce aliquam tussis subito irrequieta tenebat,  
 Nec longe mora mortis erat: nanq; acta repente  
 Circùm præcipiti lapsu, reuomensq; supremam  
 Ore animam, socias inter moribunda cadebat.  
 Vere autem (dictu mirum) atq; æstate sequenti  
 Infirmas pecudes, balantumq; horrida vulgus  
 Pestis febre mala miserum penè abstulit omne.  
 Vsq; adeo varia affecti sunt semina cœli,  
 Et varia rerum species, numerusq; vicissim  
 Inter mota subest, interq; mouentia certus.  
 Nōne vides, quamuis oculi sint pectore anhelò  
 Expositi mollesq; magis, non attamen ipsos  
 Carpere tabem oculos, sed sese immergere in imum  
 Pulmonem? & pomis quanquam sit mollior vna,  
 Non tamen ijs vitiatum, at ipsa liuet ab vna.  
 Nempe alibi vires, alibi sua pabula defunt:  
 Ast alibi mora certa, nec ipsa foramina multum  
 Non faciunt, hinc densa nimis, nimis inde soluta.

Ergo contagum quoniam natura genusq;  
 Tam varium est, & multa modis sunt semina miris,  
 Contemplator & hanc, cuius cœlestis origo est:  
 Quæ, sicut desueta, ita mira erupit in auras.  
 Illa quidem non muta maris, turbamq; natantum,  
 Non volucres, non bruta altis errantia syluis,  
 Non armenta bouum, pecudèsue, armentane equorum  
 Infecit,



*Infecit, sed mente ingens ex omnibus vnum  
 Humanum genus, & nostros est pasta sub artus.  
 Porro homine è toto, quod in ipso sanguine crassum  
 Et sordens lentore foret, foedissima primum  
 Corripuit, sese pascens vligine pingui.  
 Tali se morbus ratione & sanguis habebant.  
 Nunc ego te affectus omnes, & signa docebo  
 Contagis miseræ: atq; vtinam concedere tantum  
 Musa queat, tantumq; velit defendere Apollo,  
 Tempora qui longa euoluit, cui carmina curæ,  
 Hæc multas monumenta dies vt nostra supersint.  
 Fortè etenim nostros olim legisse nepotes,  
 Et signa, & faciem pestis nouisse iuuabit.  
 Nanq; iterum, quum fata dabunt, labentibus annis  
 Tempus erit, quum nocte atra sopita iacebit  
 Interitu data: mox iterum post secula longa  
 Illa eadem exurget, cælumq; aurasq; reuifet;  
 Atq; iterum ventura illam mirabitur ætas.*

*In primis mirum illud erat, quod labe recepta,  
 Sæpe tamen quater ipsa suum compleuerat orbem  
 Luna prius, quàm signa satis manifesta darentur.  
 Scilicet extemplo non sese prodit aperte,  
 Vt semel est excepta intus, sed tempore certo  
 Delitet, & sensim vires per pabula captat.  
 Interea tamen insolito torpore grauati,  
 Sponteq; languentes animis & munera obibant  
 Aegrius, & toto segnes se corpore agebant.  
 Ille etiam suus ex oculis vigor, & suus ore  
 Deiectus color haud læta de fronte cadebat.  
 Paulatim caries foedis enata pudendis  
 Hinc atq; hinc inuicta locos, aut inguen edebat.  
 Tum manifesta magis vitij se prodere signa.  
 Nam, simulac puræ fugiens lux alma diei  
 Cesserat, & noctis tristes induxerat umbras,  
 Innatusq; calor noctu petere intima suetus  
 Liquerat extremum corpus, nec membra fouebat  
 Obsita mole pigra humorum, tum vellier artus  
 Brachiaq; scapulaq; graui, suraq; dolore.  
 Quippe, vbi per cunctas ierant contagia venas,  
 Humoresq;*

## SYPHILIS SIVE

*Humoresq; ipsos, & nutrimenta futura*  
*Polluerant, Natura malum secernere sueta*  
*Inse Etam partem pellebat corpore ab omni*  
*Exterius: Verum crasso quia corpore tarda*  
*Hæc erat, & lentore tenax, multa inter eundum*  
*Hærebat membris exanguibus, atq; lacertis.*  
*Inde graues dabat articulis extenta dolores.*  
*Parte tamen leuiore, magisq; erumpere nata,*  
*Summa cutis pulsa, & membrorum extrema petebat.*  
*Protinus informes totum per corpus achores*  
*Rumpebant, faciemq; horrendam, & pectora fœde*  
*Turpabant: species morbi noua: pustula summæ*  
*Glandis ad effigiem, & pituita marcida pingui:*  
*Tempore quæ multo non post adaperata dehiscens,*  
*Mucosa multum sanie, taboq; fluebat.*  
*Quinetiam erodens alte, & se funditus abdens*  
*Corpora pascebat misere: nam sæpius ipsi*  
*Carne sua exutos artus, squallentiaq; ossa*  
*Vidimus, & fœdo rosa ora dehiscere hiatu,*  
*Ora, atq; exiles reddentia guttura voces.*  
*Tum sæpe aut cerasis, aut Phyllidis arbore tristi*  
*Vidisti pinguem ex vdis manare liquorem*  
*Corticibus, mox in lentum durefcere gummi.*  
*Haud secus hac sub labe solet per corpora mucor*  
*Diffluere: hinc demum in turpem concrefcere callum.*  
*Vnde aliquis ver ætatis, pulchramq; iuuentam*  
*Suspirans, & membra oculis deformia toruis*  
*Prospiciens, fœdosq; artus, turgentiaq; ora,*  
*Sæpe Deos, sæpe astra miser crudelia dixit.*  
*Interea dulces somnos, noctisq; soporem*  
*Omnia per terras animalia fessa trahebant:*  
*illis nulla quies aderat, sopor omnis in auras*  
*Fugerat: ijs oriens ingrata Aurora rubebat:*  
*Iis inimica dies, inimicaq; noctis imago.*  
*Nulla Ceres illos, Bacchi non vlla iuuabant*  
*Munera: non dulces epulæ, non copia rerum,*  
*Non vrbis, non ruris opes, non vlla voluptas,*  
*Quamuis sæpe amnes nitidos, incundaq; tempe,*  
*Et placidas summis quæssissent montibus auras.*



Dijsetiam sparsæq; preces, incensaquæ templis  
Thura, & diuitibus decorata altaria donis;  
Dij nullas audire preces, donisue moueri.

Ipsæ ego Cænomanum memini, quæ pinguiæ diues  
Pascua Sebina præterfluit Olliis vnda,  
Vidisse insignem IVVENEM, quo clarior alter  
Non fuit, Ausonia nec fortunatior omni:  
Vix pubescentis florebat vere iuuentæ,  
Diuitijs, proavisq; potens, & corpore pulchro:  
Cui studia aut pernicis equi compescere cursum,  
Aut galeam induere, & pictis splendescere in armis,  
Aut iuuenile graui corpus durare palæstra,  
Venatûq; feras agere, & præuertere cernos:  
Illum omnes Olliq; Deæ, Eridaniq; puellæ  
Optarunt, nemorumq; Deæ, rurisq; puellæ:  
Omnes optatos suspirauere hymenæos.

Forſan & Vltores superos neglecta vocauit  
Non nequicquam aliqua, & votis pia numina mouit.  
Nam nimium fidentem animis, nec tanta timentem  
Inuasit miserum labes, qua sæuior vsquam  
Nulla fuit, nulla vnquam alijs spectabitur annis.  
Paulatim ver id nitidum, flos ille iuuentæ  
Disperijt, vis illa animi: tum squallida tabes  
Artus (horrendum) miseros obduxit, & alte  
Grandia turgebant fœdis abscessibus ossa.  
Vlcera (proh diuinum pietatem) informia pulchros  
Pascebant oculos, & diæ lucis amorem,  
Pascebantq; acri corrosas vulnere nares.  
Illum Alpes vicinæ, illum vaga flumina sterunt.  
Illum omnes Olliq; Deæ, Eridaniq; puellæ  
Fleuerunt, nemorumq; Deæ, rurisq; puellæ:  
Sebinusq; alto gemitum lacus edidit amne.

Ergo hanc per miserâs terras Saturnus agebat  
Pestem atrox, nec sæua minus crudelis & ipse  
Miscebat Maiores, coniunctaq; fata ferebat.  
Quippe lue hac nascente putem simul omnia diras  
Eumenidas cecinisse fera & crudelia nobis.  
Tartareos etiam barathro dira omnia ab ima  
Excuiſſe lacus, Stygiaq; ab sede laborem,

Pestemq;

# SYPHILIS SIVE

*Peſtemq; , horribilemq; , famem , bellumq; , necemq; .*

*Dij patrij , quorum Auſonia eſt ſub numine , tuq;  
Tu Latij Saturne pater , quid gens tua tantum  
Eſt merita ? an quicquam ſupereſt diriq; , grauiſq; ,  
Quod ſit inexhauſtum nobis ? ecquod genus uſquam  
Auerſum uſque adeo cœlum tulit ? ipſa labores  
Parthenope dic prima tuos , dic funera regum ,  
Et ſpolia , & prædas , captiuâq; colla tuorum .  
An ſtragem infandam memorem , ſparſumq; , cruorem  
Gallorumq; , Italûmq; pari discrimine , quum iam  
Sanguineum , & deſuncta virûm , deſunctaq; equorum  
Corpora voluentem , criſtasq; atq; arma trahentem  
Eridanus pater acciperet rapido agmine Tarrum ?  
Te quoq; ſpumantem , & noſtrorum cæde tumentem  
Abdua , non multo poſt tempore , te pater idem  
Eridanus gremio infœlix ſuſcepit , & altum  
Indoluit tecum , & fluuiio ſolatus amico eſt .*

*Auſonia infœlix , en quò diſcordia priſcam  
Virtutem , & mundi imperium perduxit auitum .  
Angulus an'ne tui eſt aliquis , qui barbara non ſit  
Seruitia , & prædas , & triſtia funera paſſus ?  
Dicite vos , nullos ſoliti ſentire tumultus ,  
Vitiferi colles , quâ flumine pulcher amœno  
Erethenus fluit , & plenis lapſurus in æquor  
Cornibus , Euganeis properat ſe iungere lymphis .*

*Opatria , ô longum felix , longumq; , quietâ  
Ante alias , patria ô diuûm ſanctiſſima tellus ,  
Dives opum , fœcunda viris , lætiſſima campis  
Vberibus , rapidoq; Atheſi , & Benacide lymphâ ,  
Aerumnas memorare tuas , ſummamq; malorum  
Quis queat , & dictis noſtros æquare dolores ,  
Et turpes ignominias , & barbara iuſſa ?  
Abde caput Benace , tuo & te conde ſub amne ,  
Viſtrices nec iam Deus interlabere Lauros .*

*En etiam , ceu nos agerent crudelia nulla ,  
Nec lachrymæ , planctus ue forent , en dura tot inter ,  
Spes Latij : ſpes & ſtudioſorum , & Palladis illa  
Occidit ; ereptum Muſarum è dulcibus Vlnis  
Te miſerum ante diem crudeli funere MARCE*

ANTONI



ANTONI, ætatis primo sub flore cadentem  
 Vidimus extrema positum Benacide ripa,  
 Quam media inter saxa sonans sarca abluit vnda.  
 Te ripæ fleuere Athesis, te voce vocare  
 Auditæ per noctem vmbra, manesq; Catulli,  
 Et patrios mulcere noua dulcedine lucos.

Tempestate illa Ausoniam rex Gallus opimam  
 Verteabat bello, & Ligurem ditione premebat.  
 Parte alia, Cæsar ferro superabat & igni  
 Enganeos, placidumq; Silim, Carnumq; rebellem:  
 Et totum luctus Latium, mœrorq; tenebat.

## LIBER II.



VNC age, quæ vitæ ratio, quæ cura adhi-  
 benda

Perniciem aduersus tantam, quid tempore  
 quoque

Conueniat (nostri quæ pars est altera cœpti)

Expediam, & miranda hominum comperta docebo.

Quippe noua quum re attoniti, multa irrita primùm

Tentassent, tamen angustis solertia maior

In rebus, crescensq; vsu experientia longo

Euicere: datumq; homini protendere longè

Auxilia, & certis pestem compescere vinculis,

Victorem & sese claras attollere in auras.

Credo equidem & quædam nobis diuinitus esse

Inuenta, ignaros fati ducentibus ipsis.

Nam, quanquam fera tempestas, & iniqua fuerunt

Sydera, non tamen omnino præsentia diuûm

Abfuit à nobis, placidi & clementia cœli.

Si morbum insolitum, si dura & tristia bella

Vidimus, & sparsos dominorum cæde penates,

Oppidaq; incensasq; vrbes, subuersaq; regna,

Et templa, & raptis temerata altaria sacris:

Flumina deiectas si perrumpentia ripas

Euertère sata, & medijs nemora eruta in vndis,

Et pecora, & domini, correptaq; rura natarunt:

Obseditq; inimica ipsas penuria terras:

Fracaſtorij.

OOO

Hæc

Hæc eadem tamen, hæc ætas (quod fata negarunt  
 Antiquis) totum potuit sulcare carinis  
 Id pelagi, immensum quod circuit Amphitrite.  
 Nec visum satis extremo ex Atlante repostos  
 Hesperidum penetrare sinus, Præsumq; sub Arcto  
 Inspectare alia, præruptaq; littora Rhapti,  
 Atq; Arabo aduchere, & Carmano ex æquore merces,  
 Auroræ seditum in populos Titanidis vsque est  
 Supra Indum, Gangemq; supra, quæ terminus olim  
 Catygare noti orbis erat: superata Cyambe,  
 Et dites ebena, & foelices macere sylva.  
 Deniq; & à nostro diuersum gentibus orbem,  
 Diuersum coelo, & clarum maioribus astris  
 Remigio audaci attigimus ducentibus & Dijs.  
 Vidimus & vatem egregium, cui pulchra canenti  
 Parthenope, placidusq; cauo Sebethus ab antro  
 Plauserunt, vmbraq; sacri manesq; Maronis,  
 Qui magnos stellarum orbés cantauit, & hortos  
 Hesperidum, cæliq; omnes variabilis oras.  
 Te vero vt taceam, atque alios, quos fama futura  
 Post mutos cineres, quos & venientia secla  
 Antiquis conferre volent, at BEMBE tacendus  
 Inter dona Deum nobis data non erit vnquam  
 Magnanimus LEO, quo Latium, quo maxima Roma:  
 Attollit caput alta, paterq; ex aggere Tybris  
 Assurgit, Romaq; fremens gratatur ouanti.  
 Cuius ab auspicijs iam nunc mala sydera mundo  
 Cessere, & leo regnat iam Iuppiter orbe,  
 Puraq; pacatum diffundit lumina cælum.  
 Vnus, qui ærumnas post tot, longosq; labores  
 Dulcia iam profugas reuocauit ad ocia Musas,  
 Et leges Latio antiquas, rectumq; piūq;  
 Restituit: qui iusta animo iam concepit arma:  
 Pro re Romana, pro religione Deorum.  
 Vnde etiam Euphrates, etiam latè ostia Nili,  
 Et tantum Euxini nomen tremit vnda refusi,  
 Atque Aegæa suos confugit Doris in Isthmos.  
 Ergo, alij dum tanta canent, dumq; illius acta  
 Inclita component, dum fortè accingeris & tu

Condere,



Condere, & æternis victurum intexere chartis,  
 Nos, quos fata vocant hand tanta ad munera, lusus  
 Inceptos, quantum tenuis fert Musa, sequamur.

Principio, quoniam affecti non sanguinis vna  
 Est ratio, tibi sit morbo spes maior in illo,  
 Sanguine qui insedit puro: verum, quibus atra  
 Bile tument, spissosq; resultant sanguine venæ,  
 Maior in ijs labor est, pestisq; tenacius hæret.  
 Quare operæ precium est validis atq; acribus vti  
 Omnibus hos contra, miseris nec parcere membris.  
 Quinetiam meliora sibi promittere cuncta  
 Ille potest, qui principijs nouisse sub ipsis  
 Serpentem tacite valuit per viscera labem.  
 Nanque, vbi pasta diu, vires per pabula longa  
 Auxerit, & iam se vitium firmauerit intra,  
 Heu quanto tibi libertas speranda labore est.  
 Ergo omnem impendes operam te opponere paruis  
 Principijs, memoriq; animo hæc præcepta reconde.

In primis ego non omni te assuescere cælo  
 Exhorter: fuge, perpetuo quod flatum ab Austro,  
 Quod cæno, immundæq; graue est sudore paludis.  
 Protenti potius campi mihi liber & agri  
 Tractus, & aprici placeant in collibus auræ,  
 Et molles Zephyri, pulsusq; Aquilonibus aer.  
 Hic (inbeo) tibi nulla quies, nulla otia sunt.  
 Rumpe moras, agita assiduus venatibus apros  
 Impiger, assiduus agita venatibus vrsos.  
 Nec tibi sit labor aerij cursu ardua montis  
 Vincenti, rapidum in valles deflectere ceruum,  
 Et longa lustrare altos indagine saltus.  
 Vidi ego sæpe malum, qui iam sudoribus omne  
 Finisset, syluisq; luem liquisset in altis.  
 Sed nec turpe puta dextram summittere aratro,  
 Et longum trahere incuruo sub vomere sulcum:  
 Nèue bidente solum, & duras proscindere glebas,  
 Et valida æriam quercum exturbare bipenni,  
 Atque imis altam eruere ab radicibus ornum.  
 Quinetiam, exercere domi quo te quoq; possis,  
 Paruam mane pilam versa mihi, vespere versa,

## SYPHILIS SIVE

Et saltu, & dura potes exudare palæstra.  
 Vince malum: nec te fallat, quod desidis oci  
 Assidue desiderium, lectiq; sequetur.  
 Tu lecto ne crede, graui ne crede sopori.  
 His alitur vitium, & placidæ sub imagine pacis  
 Decipit, è dulciq; trahit fomenta quiete.  
 Necnon interea effugito, quæ tristitia mentem  
 Sollicitant: proculesse iube curasq;, metumq;  
 Pallentem, Vltricesq; iras, omnemq; Minervæ  
 Addictum studijs animum, sed carmina, sed te  
 Delectent iuuenumq; chori, mixtæq; puellæ.  
 Parce tamen Veneri, mollesq; ante omnia Vita  
 Concubitus, nihil est nocuum magis: odit & ipsa  
 Pulchra Venus, teneræ contagem odere puellæ.

Quod sequitur, victus ratio tibi maxima habenda est,  
 Nec sit cura tibi, nèue obseruantia maior.

Principio, quoscunque amnes, quoscunque paludes,  
 Quosq; lacus liquidi pascunt, quosq; æquora, pisces  
 Omne genus procul amoueo. sunt, quos tamen vsus  
 Liberius, quum res cogit, concedere possit.  
 Omnibus his est alba caro, non dura, tenaxq;,  
 Quos petræ & fluuiorum aduersa marisq; fatigant.  
 Tales nant pelago phycides, rutilæq; per vndas  
 Auratæ, gobijq;, & amantes saxea percæ.  
 Talis dulcissimum fluuiorum scarus ad ora  
 Solus saxa inter depastat ruminat herbas.  
 Sed neq; quæ stagnis volucres, quæq; amnibus altis  
 Degere amant, liquidisq; cibum perquirere in vndis,  
 Laudarim: tibi pinguis anas, tibi crudior anser  
 Vitetur, potiusq; vigil Capitolia seruet:  
 Viteturq; graui coturnix tarda sagina.  
 Tu teneros lactes, tu pandæ abdomina porcæ,  
 Porcæ heu terga fuge, & lumbis ne vescere aprinis,  
 Venatu quamuis toties confeceris apros.  
 Quin neq; te crudus cucumis, non tubera captent,  
 Nèue famem cinara, bulbisue salacibus exple.  
 Non placeat mihi lactis amor, non vsus aceti,  
 Non fumosa mero spumantia pocula Baccho,  
 Qualia Cyrenæi colles, campi; Falerni,

Et



Et Pucinus ager mittunt : aut qualia nostris  
 Rhetica dat paruo de collibus vna racemo.  
 Nempe Sabina magis placeant , dilutaq; tellus  
 Quæ tulit , & multo domuerunt Naiades amne.  
 At , tibi si ex horto victus , mensæq; Deorum  
 Sunt animo , atq; olerum simplex & inempta voluptas ,  
 Non mentæ virides , non læta sisymbria desunt ,  
 Intybaq; , & toto florentes frigore sonchi ,  
 Et sia fontanis semper gaudentia riuis ,  
 Et thymbræ suauēs , & odoriferæ calaminthæ:  
 Lætæ meliphylla , & riguo buglossus ab horto  
 Carpentur , plenisq; ferax erucula palmis ,  
 Atq; olus , atq; rumex , & falsi gramina crithmi.  
 Ipsa lupum dumeta ferent : hinc collige primos  
 Asparagos , albæ asparagos hinc collige vitis ,  
 Quum nondum explicuit ramos , umbracula nondum  
 Texuit , & virides iussit pendere corymbos.  
 Singula sed longum est , nec percensere necesse ,  
 Iamq; aliud vocor ad munus , iuuat in noua Musas  
 Naturæ nemora Aonijs deducere ab umbris :  
 Vnde mihi si non è lauro intexere fronti  
 Sertæ volent , tantaq; caput cinxisse corona ,  
 At saltem ob seruata hominum tot millia , dignum  
 Censuerint quærna redimiri tempora fronde .

Vere nouo , si quem morbus tenet , aut & in ipso  
 Autumno , si firma ætas , si sanguis abundat ,  
 Regalem , mediamue lacerti incidere venam  
 Proderit , atq; extra scædatum haurire cruorem .  
 Præterea , quocunq; habeat te tempore pestis ,  
 Corruptum humorem , & contagem educere turpem  
 Ne pigeat , faciliq; luem deponere ab aluo :  
 Ante tamen ducenda para : concreta resolue ,  
 Et crassa attenua , & lentore tenacia frange .

Ergo Coryciumq; thymum sit cura , thymumq;  
 Pamphylinum , thymbræ similis qui durior exit ,  
 Prima tibi coxisse , lupiq; volubile gramen ,  
 Foeniculumq; , apiumq; , & amari germina capni .  
 His polyporum hirtos imitata filicula cirros  
 Additur , & Lymphis tangi renuens adiantus :

His.

*His sterile asplenum, his pictam phyllitida iunge:  
Quorum ubi decoctum permultis ante diebus  
Ebiberis, crudumq; humorem incoxeris omnem,  
Tum scilla medicare acri, & colocynthide amara,  
Helleboroq; graui, necnon quæ in littore surgens,  
Quà ludit maris unda, ter euariata colorem,  
Ter flores mutata die rem nomine signat,  
Herba potens radice, suum cui Zinziber adde:  
Adde etiam anguineum cucumin, Nabathæaq; thura,  
Myrrhamq; bdelenq; hantzoniaciq; liquorem,  
Et lachrymam panaceam, & dulci colchica bulbo.*

*His actis, si fortè tibi frigentia corda  
Et molles animi fuerint, nec acerba placebit  
In primis tentare, breuiq; extinguere pestem,  
Sed placidis agere, & per tempora lenibus uti,  
Tum superest tibi cura animum ad fomenta relictæ  
Vertere, contagisq; ad tenuia semina cæcæ,  
Illa quidem consueta modis inserpere miris.  
Profuerint igitur, quæq; exiccantia, quæq;  
Marcori resinosa solent obistere putri.  
Tales sunt myrrhæ lachrymæ, sunt talia thura,  
Cedrusq; aspalathusq; immortalisq; cupressus,  
Et bene cum calamo spirans redolente cyperus.  
Ergo nec desint casia, nec desit amomum,  
Macér ue, agalocum ue tibi, nec cinnama odora.  
Est etiam in pratis illud, iuxtaq; paludes  
Scordion, omnigenis quod tantum obstare venenis,  
Contagiq; solet, paruo quærenda labore  
Herba tibi: viret ipsa comis imitata chamædryn,  
Flore rubens, referensq; alli cum voce saporem.  
Aurora nascente huius frondemq; comantem  
Radicesq; coque, atque haustu te prolue largo.  
Sed neque carminibus neglecta silebere nostris  
Hesperidum decus, & Medarum gloria citre  
Sylvarum: si fortè sacris cantata poetis  
Parte quoque hac medicam non dedignabere Musam.  
Sic tibi sit semper viridis coma, semper opaca,  
Semper flore nouo redolens: sis semper onusta  
Per viridem pomis syluam pendentibus aureis.*



Ergo, ubi nitendum est cæcis te opponere morbi  
Seminibus, vi mira arbor cithærea præstat.  
Quippe illam Cithærea, suum dum plorat Adonim,  
Munere donauit multo, & virtutibus auxit.

Quorundam inuentum est, Vitrei intra concava Vasis,  
Cui collum oblongum est Venter turgescit in orbem,  
Aut hederæ folia, aut Ida mittente maniplos  
Diætæmni, Illyricæmue irim, rhamnîne nigram  
Radicem, aut inulas coquere: in sublime solutus  
Effertur vapor, & tenuis vacua omnia complet:  
Ast, ubi frigenti occursum ab ære vitro,  
Cogitur, & rorem liquidus densatur in vbum,  
Decurritq; vagis per aperta canalia riuus.  
Destillantis aquæ cyathum sub lumina prima  
Luciferi potare iubent, stratisq; parare  
Sudorem: nec certe abre. Vis utilis ollei est  
Reliquias morbi tenues dispergere in auras.  
Interea, si membra dolor conuulsa malignus  
Torqueat, œsypo propera lenire dolorem,  
Mastichinoq; oleo: lentum quibus anseris vnguen,  
Emulsumq; potes lini de semine mucum,  
Narcissumq; inulamq;, liquentiâq; addere mella,  
Coryciumq; crocum & vilem componere amurcam.  
At, fauces atq; ora malus si eroserit herpes,  
Tange nitro, & viridi medicata ærugine lymphæ  
Semina inure mala, & serpentem interfice pestem.

Verum ipsos ope non alia consumere achores,  
Vrentum quàm vi, poteris, quibus addere debes  
Pingue aliquid, quod secum intus siccantia portet.  
Hæc eadem, & miseros artus si qua vlcera pascunt,  
Tollere, concretosq; valebunt soluere callos.

Si vero aut hæc nequicquam tentasse videbis,  
Aut vires animiq; valent ad fortia quæq;,  
Nec differre cupis, quin te committere acerbis  
Festines, diramq; breui consumere pestem,  
Hinc alia inuenta expediam, quæ tristia quanto  
Sunt magis, hoc tanto citius finire labores  
Aerumnasq; mali poterunt: quippe effera labes  
Inter prima tenax, & multo fomite vinax

Nedum

# SYPHILIS SIVE

Nedum se haud vinci placidis & mitibus, at nec  
 Tractari sinit, & mansuescere dura repugnat.  
 Sunt igitur stracem in primis qui, cinnabarimq;  
 Et minium, & stymmi agglomerant, & thura minuta,  
 Quorum suffitu pertingunt corpus acerbo,  
 Absumuntq; luem miseram, & contagia dira.  
 At vero & partim durum est medicamen & acre,  
 Partim etiam fallax, quo faucibus angit in ipsis  
 Spiritus, eluctansq; animam vix continet ægram.  
 Quocirca totum ad corpus nemo audeat vti  
 Iudice me: certis fortasse erit vtile membris,  
 Quæ Papulæ informes, Chironiaq; vlcera pascunt.

Argento melius persoluunt omnia viuo  
 Pars maior: miranda etenim vis insita in illo est:  
 Siue quòd id natum est subito frigusq; caloremq;  
 Excipere, vnde in se nostrum citò contrahit ignem,  
 Quodq; est condensum, humores dissoluit, agitq;  
 Fortius, vt candens ferrum flamma acrius vrit:  
 Siue acres, vnde id constat compagine mira,  
 Particulæ nexuq; suo vinclisq; solutæ  
 Introrsum, vt potuere seorsum in corpora ferri,  
 Colliquant concreta, & semina pestis inurunt.  
 Siue aliam vim fata illi, & natura dedere:  
 Cuius & inuentum medicamen munere Diuûm  
 Digressus referam. quis enim admiranda Deorum  
 Munera prætereat? Syria nam fortè sub altis  
 Vallibus, vmbrosi nemora inter glauca salicti,  
 Callirhoë qua fonte sonans decurrit amœno,  
 Fama est cultorem Dijs sacri agrestibus horti,  
 Cultorem nemorum, sectatoremq; ferarum,  
 Ilcea labe grauem tanta, dum molle cyperum,  
 Et casiam, & syluam late fragrantis amomi  
 Irrigat, hæc orasse Deos, & talia fatum.

Dij, quos ipse diu colui, tuq; optima tristes  
 Callirhoë, quæ sancta soles depellere morbos,  
 Cui nuper ramosa ferens ego cornua cerui  
 Aëria victor fixi capita horrida quercu:  
 Dij mihi crudelem miserosi tollere pestem  
 Hanc dabitis, quæ me afflictat noctesq; diesq;,



Ipse ego purpureas, ipse albas veris & horti  
 Primitias, vobis violas, ego lilia vobis  
 Alba legam, primasq; rosas, primosq; hyacinthos,  
 Vestraq; odoratis onerabo altaria fertis.  
 Gramen erat iuxta viridans, Sic fatus, ut æstu  
 Fessus erat, viridi desedit graminis herba.  
 Hic Dea, vicino quæ sese fonte lauabat,  
 Callirhoë liquido ex antro per lubrica musco  
 Saxa fluens, inueni dulci blandita susurro,  
 Lethæum immisit somnum, sparsitq; sopore  
 Graminea in ripa, & salicum nemus inter opacum:  
 Atque illi visa est sacro se flumine tollens  
 In somnis coram esse, pia & sic voce locuta.  
 Ilce in extremo Dijs tandem audite labore  
 Cura mei, tibi nulla salus, quacunq; videt Sol,  
 Speranda est terram magnam super. hoc tibi poenæ  
 Dat Triuia, & precibus Triuiæ exoratus Apollo,  
 Ob sacrum iaculo percussum ad flumina ceruum,  
 Et nostris affixa tibi capita horrida truncis.  
 Nam, postquam illa feram exanimem per gramina vidit  
 Abscisso capite, & sacro sparsa arua cruore,  
 Omnibus ingemuit syluis, dirumq; precata est  
 Authori. oranti Latous tanta sorori  
 Affuit, & pestem misero immisere nefandam  
 Durus uterque tibi: quin & quacunq; videt Sol,  
 Interdixit opem: quare tellure sub ima,  
 Si qua salus superest, cæca sub nocte petenda est.  
 Est specus arboribus tectum, atq; horrore verendum  
 Vicina sub rupe, Iouis quæ plurima solua  
 Accubat, & raucum reddit coma cedria murmur.  
 Huc, ubi se primis aurora emittet ab undis  
 Ire para, & nigram tem ipsis in faucibus agnam  
 Mæctato supplex, atque Ops tibi maxima, dic, hanc,  
 Dic, ferio. nigram tum Noctem, umbrasq; silentes,  
 Umbrarumq; Deos, ignotaq; numina Nymphas  
 Et Thia venerare, atræ & nidore Cupressi.  
 Hic tibi narranti causam, auxiliumq; vocanti  
 Haud aberit Dea, quæ cæcæ in penetralia terræ  
 Fracastorij.

Deducat te sancta, & opem tibi sedula præstet.  
 Surge age, nec vani speciem tibi concipe somni.  
 Illa ego sum, quæ culta vago per pingua fonte  
 Dilabor, Dea vicinis tibi cognita ab undis.  
 Sic ait, & se cæruleo cita condidit amne.

Ille autem, ut placidus cessit sopor, omnia lætus  
 Accipit, & Nympham precibus veneratur amicam.  
 O sequor, o quocunque vocas pulcherrima fontis  
 Vicini Dea Callirhoë. Tum, postera primum  
 Exurgens aurora, suos ubi protulit ortus,  
 Monstratum Iouis in sylva sub rupibus altis  
 Antrum ingens petit, & nigrantem tergora primo  
 Vestibulo sistit pecudem, magnæq; trementem  
 Mactat Opi: tibiq;, inquit, ego hanc Ops maxima mactō.  
 Tum Noctem, Noctisq; Deas, ignota precatur  
 Numina. iamq; simul Thian, atramq; Cupressum  
 Vrebat, quum vox terræ reuoluta cauernis  
 Longe audita sacras Nympharum perculit aures:  
 Nympharum, quibus æra solo sunt condita curæ.  
 Extemplo commotæ omnes, ac cœpta reponunt,  
 Sulphureos fortè ut latices, & flumina viui  
 Argenti, mox, unde nitens concreveret aurum,  
 Tractabāt, gelidoq; promentes fonte coquebant.  
 Centum ignis spissi radios, centum ætheris vsti,  
 Bis centum concretorum terræq; marisq;  
 Miscuerant, nostros fugientia semina visus.

At Lipare, Lipare, argenti cui semina & aurum  
 Cura data, & sacrum flammis adolere bitumen,  
 Continuo obscuræ latebrosa per auia terræ  
 Ilcea adit, firmansq; animum sic incipit ipsa.

Ilceum (nanque tuum nec nomen, nec mihi labes  
 Ignota est, nec, quid venias) iam corde timorem  
 Exue, nequicquam non te huc charissima mittit  
 Callirhoë: tibi parta salus tellure sub ima est.  
 Tolle animos, & me per opaca silentia terræ  
 Insequere: ipsa adero, & præsentî numine ducam.  
 Sic ait, & se antro gradiens præmittit opaco.  
 Ille subit, magnos terræ miratus hiatus,

Squalentesq;



Squallentesq; situ æterno, & sine lumine vastas  
 Speluncas, terramq; meantia flumina subter.  
 Tum Lipare: hoc quodcunque patet, q; maxima terra est:  
 Hunc totum sine luce globum, loca subdita nocti  
 Dij habitant: imas retinet Proserpina sedes,  
 Flumina supremas, quæ sacris concita ab antris  
 In mare per latas abeunt resonantia terras.  
 In medio dites Nymphæ, genera vnde metalli,  
 Aerisq; argentiq;, auriq; nitentis origo:  
 Quarum ego nunc ad te miserans ipsa vna sororum  
 Aduenio, illa ego, quæ venas per montis hiantes,  
 Callirhoæ haud ignota tuæ, fumantia mitto  
 Sulphura. sic ibant terra & caligine tecti.  
 Iamq; exaudiri crepitantes sulphure flammæ,  
 Conclusiq; ignes, stridentiaq; æra caminis.  
 Hæc regio est late, varijs vbi foeta metallis,  
 Virgo ait, est tellus: quorum vos tanta cupido  
 Exercet, superas cœli qui cernitis auras.  
 Hæc loca mille Deæ cecis habitamus in antris,  
 Nocte Deæ & Tellure satæ, quib; munera mille,  
 Mille artes. studium est alijs deducere riuos,  
 Scintillas alijs rimari, & sparsa per omnem  
 Semina tellurem flammaram, ignisq; corusci.  
 Materiam miscent aliæ, massamq; coërcent  
 Obicibus, multa & gelidarum inspergine aquarum.  
 Non procul eruptis fumantia tecta caminis  
 Aetnæi Cyclopes habent, versantq; coquuntq;  
 Vulcano stridente, atque æra sonantia cudunt.  
 Læua hæc abstrusum per iter via ducit ad illos.  
 Dextera sed sacri fluij te sistet ad vndam,  
 Argento fluitantem vndam, viuoq; metallo,  
 Vnde salus speranda. & iam aurea tecta subibant,  
 Rorantesq; domos spodijs, fuliginēq; atra  
 Speluncas varie obductas, & sulphure glauco.  
 Iamq; lacus late vndantes, liquidoq; fluentes  
 Argento iuxta astabant, ripasq; tenebant.  
 Hic tibi tantorum requies inuenta laborum,  
 Subsequitur Lipare, postquam ter flumine viuo

Perfusus, sacra vitium omne reliqueris vnda.  
Sic fatur, simul argenti ter fonte salubri  
Perfundit, ter virgineis dat flumina palmis  
Membra super, iuuenem toto ter corpore lustrat  
Mirantem exuias turpes, & labe maligna  
Exutos artus, pestemq; sub amne relictam.

Erge age, quum primum cœli te purior aer  
Accipiet, nitidamq; diem, Solemq; videbis,  
Sacra para, & castam supplex venerare Dianam,  
Indigenasq; Deos, & numina fontis amici.

Sic Virgo, & iuuenem tanto pro munere grates  
Soluentem è nocte ætherias educit in oras,  
Dimittitq; alacrem, atque optata in lumina reddit.

Accepit noua fama fidem, populosq; per omnes  
Prodiit haud fallax medicamen: cœptaq; primum  
Misceri argento fluitanti axungia porcæ.  
Mox etiam Oriciæ simul adiuncta est terebinthi,  
Et laricis resina aeris. sunt, qui vnguen equinum  
Vrsinum ve adhibent, bdellæ, cedriq; liquorem.  
Nonnulli & myrrhæ guttas, & mascula thura  
Adjiciunt, miniumq; rubens, & sulphura viua.  
Haud vero mihi displiceat, componere si quem  
Trita melampodia, atque arentem iuuerit irim,  
Galbanaq; & lassæ graue olens, oleumq; salubre  
Lentisci, atque oleum haud experti sulphuris ignem.

His igitur totum oblinere, atq; obducere corpus  
Ne obscœnum, ne turpe puta: per talia morbus  
Tollitur, & nihil esse potest obscœnius ipso.  
Parce tamen capiti, & precordia mollia vita.  
Tum super & vittas astringe, & stuppea nocte  
Vellera: dein stratis tegmento imponere multo,  
Dum sudes, saxa deq; fluant per corpora guttæ.  
Hæc tibi bis quinis satis est iterasse diebus.  
Durum erit: at, quicquid tulerit res ipsa, ferendum est.  
Aude animis. tibi certa salus stans limine in ipso  
Signa dabit: liquefacta mali excrementa videbis  
Assidue sputo immundo fluitare per ora,  
Et largum ante pedes tibi mirabere flumen.



Ora tamen fœda erodent vlcuscula: sed tu  
 Lacte foue, & cocto cytini, viridisq; ligustri.  
 Tempore non alio generosi pocula Bacchi  
 Annuerim sumenda tibi, purumq; Falernum,  
 Et Chia, & pateris spumantia Rhetica largis.  
 Sed iam age vicinæ victor gratare salutis:  
 Vltima adest tibi cura, eadem & placidissima, corpus  
 Abluere, & lustrare artus, ac membra piare  
 Stœchade, amaracinisq; comis, & rore marino,  
 Verbenaq; sacra, & bene olentibus heracleis.

## LIBER III.



ED iam me nemora alterius fœlicia mundi,  
 Externique vocant saltus: longe assonat æ-  
 quor

Herculeas vltra metas, & littora longe  
 Applaudit semota. mihi nunc magna Deorū  
 Munera, & ignoto deuēta ex orbe canenda,  
 Sancta arbos, quæ sola modum, requiemq; dolori,  
 Et finem dedit ærumnis. age diua beatum  
 Vranie venerare nemus, crinesq; reuinctam  
 Fronde noua, iuuēt in medica procedere palla  
 Per Latium, & sanctos populis ostendere ramos:  
 Et iuuēt haud vnquam nostrorum ætate parentum  
 Visa prius, nullū vnquam memorata referre.

Vnde aliquis forsā nouitatis imagine mira  
 Captus, & heroas, & grandia dicere facta  
 Assuetus, canat auspicijs maioribus ausas  
 Oceani intacti tentare pericula puppes.  
 Nec non & terras varias, & flumina, & vrbes,  
 Et varias memoret gentes, & monstra reperta:  
 Dimensasq; plagas, altoq; orientia cœlo  
 Sydera, & insignem stellis maioribus Arcton.  
 Nec taceat noua bella, omnemq; illata per orbem  
 Signa nouum, & positas leges, & nomina nostra.  
 Et canat (auditum quod vix venientia credant  
 Secula) quodcunque Oceani completitur æquor

Ingens,

*Ingens, omne, vna obitum mensumq; carina.  
Fœlix cui tantum dederit Deus. at mihi vires  
Arboris vnus satis est, vsumq; referre:  
Et quo inuenta modo fuerit, nostrasq; sub auras  
Aduena per tantum pelagi peruenit æquor.*

*Oceano in magno, ardenti sub sydere Cancri,  
Sol vbi se nobis media iam nocte recondit,  
Hac ignota tenus, tractu iacet insula longo:  
Hispanam gens inuentrix cognomine dixit:  
Auri terra ferax: sed longe ditior vna  
Arbore, voce vocant patrij sermonis Hyacum.  
Ipsa teres, ingensq; ingentem vertice ab alto  
Diffundit semper viridem, semperq; comantem  
Arbutis syluam folijs: nux parua, sed acris  
Dependet ramis, & plurima frondibus hæret.  
Materia indomita est, duro & penè æmula ferro  
Robora, quæ resinam sudant incensa tenacem.  
Dissectæ color haud simplex. in cortice lauri  
Exteriore viret leuor, pars altera pallet  
Buxea: at interior nigro suffusca colore est,  
Inglandemq; ebumq; inter. quod si inde ruberet,  
Iam poterat varijs æquare coloribus irim.  
Hanc gens illa colit, studioq; educere multo  
Nititur: hac late colles campiq; patentes,  
Hac omnis vestitur ager: nec sanctius illis  
Est quicquam, aut potiore vsu: quippe omnis in illa  
Spes iacet hanc contra pestem, quæ cœlitus illic  
Perpetua est. validos abiecto cortice ramos  
Multa vi tundunt, aut in segmenta minuta  
Elimant, puroq; scobes in fonte reponunt,  
Dum bibulas noctemq; diemq; emaceret humor.  
Inde coquunt: nec non illos ea cura fatigat,  
Vulcano ne fortè furens erumpat aquæ vis,  
Et superundantem spumam proiectet in ignes.  
Spuma quippe linunt, si quicquam è corpore toto  
Abscedit, si quicquam ægros depascitur artus.  
Dimidia absumpta, superest quodcunque, reponunt,  
Diuini laticis. quin & segmenta relicta*

*Rursus,*



*Rursus, Vt ante, coquunt, addentes suauē liquens mel.*  
*Scilicet hunc vnum mensis accedere potum*  
*Et lex ipsa iubet gentis, mandatq; sacerdos.*  
*Seruatum at laticem, & decocti pocula primi*  
*Bina die quaq; assumunt, quum surgit ab ortu*  
*Lucifer, & sero egreditur quum Vesper olympo.*  
*Nec prius absistunt potu, quā menstrua cursum*  
*Luna suum, & totum peragrans perfecit orbem,*  
*Fraternasq; iterum conuenerit æmula bigas.*  
*Interea cæcis sese penetralibus abdunt,*  
*Quō neque vis venti, non halitus æris vllus*  
*Insinuet sese, & gelidis afflatibus obsit.*  
*Quid mirandum æquē memorem super omnia victum*  
*Quā tenuem, quā magnā sibi ieiunia poscant?*  
*Quippe solet satis esse, ipsum dum corpus alatur:*  
*Dum superet vita, & tantum ne membra fatiscant.*  
*Ne tamen ah ne tanta time, sacer ilicet haustus*  
*Ille modo ambrosiæ, vires reficitq; fouetq;,*  
*Inq; occulta gerit ieiunis pabula membris.*  
*Nectare ab epoto binas, non amplius, horas*  
*Imponunt sese stratis, medicamen vt intro*  
*Largè eat, & calido sudorem è corpore ducat.*  
*Interea vacuas pestis vanescit in auras:*  
*Et (dictum mirum) apparet iam pustula nulla:*  
*Iamq; nomæ cessere omnes, iam fortia liquit*  
*Membra dolor, primoq; redit cum flore iuuentas:*  
*Et iam Luna suum remeans noua circuit orbem.*

*Quis Deus hos illis populis monstrauerit vsus:*  
*Qui demum & nobis casus, aut fata tulere*  
*Hos ipsos: vnde & sacræ data copia syluæ,*  
*Nunc referam. Missæ quæsitum abscondita Nerei*  
*Aequora, in occasum, Solisq; cubilia, pinus*  
*Littoribus longe patrijs, Calpeq; relictis*  
*Ibant Oceano in magno, pontumq; secabant,*  
*Ignaræq; viæ, & longis erroribus actæ.*  
*Quas circum innumeræ properantes gurgite ab omni*  
*Ignoti noua monstra maris Nereides vde*  
*Adnabant, cellas miratæ currere puppes,*

*Salsa*

*Salsa super pictis volitantes æquora velis.*

*Nox erat, & puro fulgebat ab æthere Luna,  
Lumina diffundens tremuli per marmora ponti,  
Magnanimus quum tanta heros ad munera fatis  
Delectus, dux errantis per cæcula classis,  
Luna, ait, ô pelagi cui regna hæc humida parent,  
Quæ bis ab aurata curuastî cornua fronte,  
Curua bis explesti, nobis errantibus ex quo  
Non vlla apparet tellus, da littora tandem  
Aspicere, & dudum speratos tangere portus,  
Noctis honos, cæliq; decus Latonia virgo.  
Audiit orantem Phœbe, delapsaq; ab alto  
Æthere, se in faciem mutat, Nereia quali  
Cymothoë, Clothoq; natant, iuxtaq; carinam  
Affluit, & summo pariter nans æquore fatur:  
Ne nostræ dubitate rates, lux crastina terras  
Ostendet, fidoq; dabit succedere portu.  
Sed vos littoribus primis ne insistite: dudum  
Vlra fata vocant. medio magna insula ponto  
Est Ophyre, huc iter est vobis, hic debita sedes  
Imperiq; caput. simul hæc effata, carinam  
Impulit: illa leui cita diffecat æquora cursu.  
Aspirant faciles auræ, & iam clarus ab undis  
Surgebat Titan, humiles quum surgere colles  
Vmbrosi procul, & propior iam terra videri  
Incipit. acclamant nautæ, terramq; salutant,  
Terram exoptatam. tum portu & littore amicè  
Excepti, dijs vota pijs in littore solvunt:  
Quassatasq; rates, defessaq; corpora curant.  
Inde, vbi quarta dies pelago, crepitansq; vocavit  
Vela Notus, remis insurgitur, altaq; rursus  
Corripiunt maria, & leti freta cæcula sulcant.  
Linquitur incerto fluitans Anthyllia ponto,  
Atque Hagia, atque alta Ammerie, execrataq; tellus  
Cannibalum, & ripa Gyane nemorosa virenti.  
Protinus innumeræ panduntur turribus altis  
Insule Oceano in vasto, quas inter opacis  
Vndantem sylvis vnam, cursuq; sonantem*

*Fluminis*



<sup>fiscum</sup>  
 Fluminis aspiciunt <sup>fiscum</sup> Magnò qui spumeus alueo  
 In mare fulgentes auro subuectat arenas.  
 Huius in ora placet pronas appellere puppes.  
 Inuitant nemora, & dulces è flumine lymphæ.  
 Iamq; solo viridante alacres, ripaq; potiti  
 In primis terram ignotam, Nymphasq; salutant  
 Indigenas, Geniumq; loci, teq; aurifer amnis,  
 Quisquis in ora maris nitida perlaberis vnda.  
 Tum duram Cererem, & patrij carchesia Bacchi  
 Aggere in herbofo expediunt: dein quærere, si qui  
 Mortales habitent: pars fuluam fluminis vndam.  
 Mirari, mixtamq; auro disquirere arenam.  
 Fortè per vmbrosos sylvarum plurima ramos  
 Assiduè volitabat auis, quæ picta nitentes  
 Caruleo pennas, rostro variata rubenti  
 Ibat nativo secura per auia luo.  
 Has iuuenum manus vt sylvas videre per altas,  
 Continuo caua terrificis horrentia bombis  
 Aera, & flammiferum tormenta imitantia fulmen  
 Corripiunt, Vulcane tuum, dum Theutonas armas,  
 Inuentum, dum tela Iouis mortalibus affers.  
 Nec mora, signantes certam sibi quisque volucrem,  
 Inclusam, salicum cineres, sulphurq; , nitrumq;  
 Materiam accendunt seruata in veste fauilla.  
 Fomite correpto diffusa repente furit vis  
 Ignea circumsæpta, simulq; cita obice rupto  
 Intrusam impellit glandem: volat illa per auras  
 Sstridula: & exanimes passim per prata iacebant  
 Deiectæ volucres: magno micat ignibus aer  
 Cum tonitru, quo sylua omnis, ripaq; recurua  
 Et percussa imo sonuerunt æquora fundo.  
 Pars auium nemus in densum conterrita, & altos  
 Se recipit scopulos: quorum de vertice summo  
 Horrendum vna canit (dictu mirabile) & aures  
 Terrificis implet dictis, ac talibus infit.

Qui Solis violatis aues, sacrasq; volantes,  
 Hesperij, nunc vos, quæ magnus cantat Apollo,  
 Accipite, & nostro vobis quæ nunciat ore.

Fracaſtorij.

QQQ

Vos

Vos quanquam ignari, longum quæsitæ, secundis  
 Tandem parta Ophyræ tetigistis littora ventis.  
 Sed non ante nouas dabitur summittere terras,  
 Et longa populos in libertate quietos,  
 Moliriq; vrbes, ritusq; ac sacra nouare,  
 Quàm vos infandos pelagi terræq; labores  
 Perpeßi, diuersa hominum post prælia, multi  
 Mortua in externa tumuletis corpora terra.  
 Naubus amißis pauci patria arua petetis.  
 Frustra alij socios quæretis magna remensi  
 Aequora: nec nostro deerunt Cyclopes in orbe.  
 Ipsa inter sese vestras discordia puppes  
 In rabiem ferrumq; trahet: nec sera manet vos  
 Illa dies, foedi ignoto quum corpora morbo  
 Auxilium sylua miseri poscetis ab ista,  
 Donec pœniteat scelerum. nec plura loquuta  
 Horrendum stridens densis sese abdidit vmbris.  
 Ollis ossa rigor subitus percurrit, & omnis  
 Palluit, ac gelida fugit formidine sanguis.  
 Tum vero sacras volucres, diuosq; precati,  
 In primis Solem, & sanctum seruantia lucum  
 Numina supplicibus venerantur agrestia votis:  
 Pacem orant, rursumq; Ophyren, fluuiumq; salutant.  
 Interea è syluis nigrum genus ora comasq;,  
 Ad naues noua turba virum concurrat inermis,  
 Pectora nudi omnes, enincti frondibus omnes.  
 Paciferis: tanta qui celsas mole carinas  
 Mirati, vestesq; virum, fulgentiaq; arma,  
 Vix satis expleri possunt: & ab æthere missi  
 Siue homines, siue heroës sint, siue Deorum  
 Numina, adorantur ritu, precibusq; salutant:  
 Ante alios ipsum regem, cui munera læta,  
 E ripis collectum aurum, & cerealia dona,  
 Et patrios fructus, & mella liquentia portant.  
 Vestibus ipsi etiam nostris, & munere multo  
 Donati, exceptiq; mero noua gaudia miscent.  
 Non aliter, quàm si mensis, dapibusq; Deorum  
 Mortalis quisquam adscitus, foelixq; futurus



*Hauriat æternum, cœlestia pocula, nectar.*

*Ergo, vbi amicitia securus fœdere vtrinque  
Firmauere animos, habita & commercia gentis,  
Ipsi inter sese reges in litore læti*

*Complexu iungunt dexteras, & fœdera firmant.*

*Alter gossipio tenui pectusq; semurq;  
Præcinctus, viridi limbum pingente smaragdo,  
Ora niger: iaculo armatur cui dextera acuto,  
Squamosi spoliū sustentat læua draconis.*

*Alter at intexto lænam circumdatus auro,  
Quam subter rutila arma micant, capiti ærea cassis  
Insidet, & pictæ volitant in vertice cristæ:*

*Fulgenti ex auro torques cui candida colla  
Cingunt, atque ensis lateri dependet Iberus.*

*Et iam commixti populi, hospitioq; recepti,  
Hi tectis domibusq;, altis in nauibus illi,  
Lætitia ludisq; dies per pocula ducunt.*

*Fortè loco lux festa aderat, Soliq; parabant  
Vltori facere vmbroso sacra annua luco.*

*Hesperiaq;, Ophyræq; manus conuenerat omnis.*

*Hic conualle caua, ripæ viridantis in herba,  
Selectorum ingens numerus, matresq; viriq;*

*Confusi, plebs atque patres, pueriq; senesq;*

*Astabant, animis tristes, & corpora fœdi,*

*Squallentes crustis omnes, taboq; fluentes:*

*Quos circumfusus albenti in veste sacerdos*

*Pura lustrat aqua, & ramo frondentis Hyaci.*

*Tum niueum ante aras cædit de more iuuenicum,*

*Et iuxta positum pastorem sanguine cæsi*

*Respergit, patera; rigat: Soliq; potenti*

*Ad numeros pœana canit: nec cætera turba*

*Non sequitur, mactantq; sues, mactantq; bidentes,*

*Visceribusq; veru tostis epulantur in herba.*

*Obstupuit gens Europæ ritusq; sacrorum,*

*Contagemq; alio non vsquam tempore visam.*

*At dux multa animo tacitus secum ipse volutans,*

*Hic erat ille, inquit, morbus, (Dij auertite casum)*

*Ignotum interpres Phœbi quem dira canebat.*

Tum regem indigenam, ( Ut sermo fandiꝫ facultas  
 Iam communis erat ) cui sint solennia Diuūm,  
 Scitatur: quid tanta aſtet conualle ſub alta  
 Languentum miſeranda manus: quid paſtor ad aras  
 Sacra inter, cæſi reſperſus ſanguine tauri.  
 Quem contra, Heſperia ô heros fortiſſime pubis,  
 Rex ait, higenſis ritus, hæc ſacra quotannis  
 Vltori de more Deo celebramus: origo  
 Antiqua eſt, veteresq; patrum ſecere parentes.  
 Quod ſi externorum mores, hominumq; labores  
 Audiuiſſe iuuat, primæua ab origine cauſam  
 Sacrorum, & peſtis miſeræ primordia pandam.  
 Forſitan Atlantis veſtras peruenit ad aures  
 Nomen, & ex illo generis longo ordine ducti.  
 Hac & nos, longa ſerie, de ſtirpe proſecti  
 Dicimur, heu quondam foelix & chara Deūm gens,  
 Dum cælum colere, & ſuperis accepta referre  
 Maiores ſuenerunt boni: ſed, numina poſtquam  
 Contemni cœptum eſt luxu faſtuq; nepotum,  
 Ex illo quæ ſint miſeros, quantæq; ſecutæ  
 Aerumnæ, vix ſando vnquam comprehendere poſſem.  
 Inſula tum priſci regis de nomine dicta  
 Ingenti terræ concuſſa Atlantia motu  
 Corruit, abſorpta oceano: quem mille carinis  
 Sulcauit toties, terræ regina marisq;  
 Ex illo & pecudes, & grandia quadrupedantum  
 Corpora non vllis vnquam reparata diebus  
 Aeternum periere: externaq; victima ſacris  
 Cæditur, externus noſtras cruor imbuunt aras.  
 Tum quoq; & hæc infanda lues, quam noſtra videtis  
 Corpora depaſci, quam nulli aut deniq; pauci  
 Vitamus, Diuūm offenſis, & Apollinis ira  
 De cœlo demiſſa omnes graſſatur in vrbes.  
 Vnde hæc ſacra nouo primum ſolennia ritu  
 Inſtituere patres, quorum hæc perhibetur origo.

Syphilus ( Ut fama eſt ) ipſa hæc ad flumina paſtor  
 Mille boues, nūc eas mille hæc per pabula regi  
 Alcithoo paſcebat oues: & forte ſub ipſum

Solſtitium,



Solstitium vrebat sitientes Syrius agros:  
 Vrebat nemora: & nullas pastoribus umbras  
 Præbebant sylvæ: nullum dabat aura leuamen.  
 Ille gregem miseratus, & acri concitus æstu,  
 Sublimem in Solem vultus & lumina tollens,  
 Nam quid Sol te, inquit, rerum patremq; Deumq;  
 Dicimus, & sacras vulgus rude ponimus aras,  
 Mactatoq; boue, & pingui veneramur acerra,  
 Si nostri nec cura tibi est, nec regia tangunt  
 Armenta? an potius superos vos arbitrer Vri  
 Invidia? mihi mille niuis candore iuuentæ,  
 Mille mihi pascuntur oves: vix est tibi Taurus  
 Vnus, vix Aries cœlo (si vera feruntur)  
 Vnus, & armenti custos Canis arida tanti.  
 Demens quin potius Regi diuina faceſſo,  
 Cui tot agri, tot sunt populi, cui lata ministrant  
 Aequora, & est superis, ac Sole potentia maior?  
 Ille dabit facilesq; auras, frigusq; virentum.  
 Dulce feret nemorum armentis, æstumq; leuabit.  
 Sic fatus, mora nulla, sacras in montibus aras  
 Instituit regi Alcithoo, & diuina faceſſit.  
 Hoc manus agrestum, hoc pastorum cætera turba  
 Exequitur: dant thura focus incensa, litantq;  
 Sanguine taurorum, & fumantia viscera torrent.  
 Quæ postquam rex, in folio dum fortè sederet  
 Subiectos inter populos, turbamq; frequentem,  
 Agnouit, Diuûm exhibito gauisus honore  
 Non vllum tellure coli se vindice numen  
 Imperat, esse nihil terra se maius in ipsa:  
 Cœlo habitare Deos, nec eorum hoc esse, quod infra est.  
 Viderat hæc, qui cuncta videt, qui singula lustrat,  
 Sol pater, atque animo secum indignatus, iniquos  
 Intorsit radios, & lumine fulsit acerbo.  
 Aspectu quo Terra parens, correptaq; ponti  
 Aequora, quo tactus viro subcaudit aër.  
 Protinus illuuiis terris ignota profanis  
 Exoritur. primus, regi qui sanguine fuso  
 Instituit diuina, sacrasq; in montibus aras,

Syphilus, ostendit turpes per corpus achores.  
 Insomnes primus noctes, conuulsaq; membra  
 Sensit, & à primo traxit cognomina morbus,  
 Syphilidemq; ab eo labem dixere coloni.  
 Et mala iam vulgò cunctas diffusa per vrbes  
 Pestis erat, regi nec sana pepercerat ipsi.  
 Itur ad Ammericen sylua in Cartheside Nympham,  
 Cultricem nemorum Ammericen, quæ maxima luce  
 Interpres Diuûm responsa canebat ab alto.  
 Scitantur, quæ causa mali, quæ cura supersit.  
 Illa refert: spreti vos ô, vos numina Solis  
 Exercent: nulli fas est se æquare Deorum.  
 Mortalem: date thura Deo, & sua ducite sacra,  
 Et numen placate, iras non proferet vltra.  
 Quam tulit, æterna est, nec iam reuocabilis vnquam  
 Pestis erit: quicumque solo nascetur in isto,  
 Sentiet: ille lacus Stygios, fatumq; seuerum  
 Iurauit. sedenim, si iam medicamina certa  
 Expetitis, niueam magnæ maectate iuuentem  
 Iunoni, magnæ nigramtem occidite Vaccam  
 Telluri: illa dabit foelicia semina ab alto:  
 Hæc viridem educet foelici è semine syluam:  
 Vnde salus. simul obtinuit, specus intus, & omne  
 Excussum nemus, & circum stetit horror vbiq;  
 Illi obeunt mandata: sua ipsi altaria Soli  
 Instituunt: niueam Iuno tibi magna iuuentem,  
 Nigramtem Tellus maectant tibi maxima Vaccam.  
 Mira edam. (at diuos iuro, & monumenta parentum)  
 Hæc sacra, quam nemore hoc toto vos cernitis, arbor,  
 Ante solo nunquam fuerat quæ cognita in isto,  
 Protinus è terra virides emittere frondes  
 Incipit, & magna campis pubescere sylua.  
 Annua confestim Soli facienda sacerdos  
 Vltori noua sacra canit. deducitur ipse  
 Sorte data, qui pro cunctis cadat vnus ad aram,  
 Syphilus: & iam farre sacro, vittisq; paratis  
 Purpureo stabat tincturus sanguine cultros:  
 Tutatrix vetuit Iuno, & iam mitis Apollo,



Qui meliorem animam miseri pro morte iuuenicum  
 Supposuere, feroq; solum lauere cruore.  
 Ergo eius facti æternum vt monumenta manerent,  
 Hunc morem antiqui primum statuere quotannis  
 Sacrorum, ille tuum testatur Syphile crimen,  
 Victima vana, sacras deductus pastor ad aras.  
 Illa omnis, quam cernis, inops miserandaq; turba  
 Tacta Deo est, veterumq; luit commissa parentum.  
 Cui votis precibusq; pijs numerisq; sacerdos  
 Conciliat vates Diuos, & Apollinis iras.  
 Lustrati ingentes ramos, & robora sanctæ  
 Arboris aduectant tectis: libamine cuius  
 Vi mira infandæ labis contagia pellunt.

Talibus, atque alijs tempus per multa trahebant  
 Diuersis populi commixti è partibus orbis.  
 Interea, Europæ fuerant quæ ad chara remissæ  
 Littora, iam rursus puppes freta lata remensæ  
 Mira ferunt: latè (proh fata occulta Deorum)  
 Contagem Europæ cælo crebrescere eandem,  
 Attonitasq; vrbes nullis agitare medelis.  
 Quinetiam grauior naues it rumor in omnes,  
 Illo eodem classem morbo, iuuenumq; teneri  
 Haud numerum exiguum, & totis tabescere membris.  
 Ergo haud immemores, diras cecinisse volucres  
 Affore, quum sylua auxilium poscatur ab illa,  
 Continuo faciles Nymphas, Solemq; precati,  
 Intacti nemoris ramos, & robora ab alto  
 Conuectare parant luco, medicataq; sumunt  
 Pocula, pro ritu gentis: quo munere tandem  
 Contagem pepulere feram. quin dona Deorum,  
 Haud patriæ obliti, & foelicem ad littora syluam  
 Nostra iubent ferri, cælo si forsitan isto  
 Assimilem pellant labem: nec fata sequundos  
 Ipsa negant Zephyros, facilisq; aspirat Apollo.  
 Munera vos Diuûm primi accepiſtis Iberi,  
 Præsens mirati auxilium: nunc cognita Gallis,  
 Germanisq;, Scythisq;, orbe & gauisa Latino  
 Iam nunc Europam vecta est Hygæus in omnem.

Salus

Salve magna Deum manibus sata semine sacro,  
 Pulchra comis, spectata nouis virtutibus arbor:  
 Spes hominum, externi decus, & noua gloria mundi:  
 Fortunata nimis, natam si numina tantum  
 Orbe sub hoc, homines inter gentemq; Deorum  
 Perpetua sacram voluissent crescere sylua.  
 Ipsa tamen, si qua nostro te carmiue Musæ  
 Ferre per ora virum poterunt, hac tu quoq; parte  
 Nosceris, coeloq; etiam cantabere nostro.  
 Si non te Bactra, & tellus extrema sub Arcto,  
 Non Meroë, Libycisq; Ammon combustus arenis,  
 At Latium, at viridis Benaci ad flumina ripa  
 Audiet, & molles Atheſi labente recessus.  
 Et sat erit, si te Tiberini ad fluminis vnda  
 Interdum leget, & referet tua nomina B E M B V S.



## HIERONYMI FRACASTORII

## IOSEPH LIBRI DVO.

AD ALEXANDRVM FARNESIVM  
CARDINALEM AMPLISS.

## LIBER PRIMVS.



*V*AE veterum Heroum diuæ facta inclyta Muse,  
Et monumenta æui longis obscura tenebris  
Illustrare nouis numeris, & carmine sacro  
Ferre per ætates omnes, perq; ora nepotum  
Gaudetis, famamq; virum proferre sub auras,  
Nunc, ò, nunc populi illius, quem maximus vnus  
Delegit Deus, & generis longo ordine ducti

Principe ab Abramo, veteres euoluite fastos:  
Et iuuenem cantate pium, quem magnus Iacob  
Isacides genuit: dederat cui nosse futura  
Per somnos monstrata Deus. vos dicite, quanta  
Ille tulit, pharijs tandem dum victor in oris  
Imperium gereret magnum, populumq; beatum  
Conderet, vnde salus hominum, spes vnde futura  
Vitæ erat, & clausi referandum limen Olympi.

Nec minus, Italiæ iuuenis decus (omnia quando  
Quæ canimus, tua FARNESI sunt maxima iussa)  
Ipse ades: & plenum scopulis dum currimus æquor,  
Da faciles in vela auras, da numine dextro  
(Nanque Deus mihi semper eris) tua grandia vota  
Posse sequi, pelagiq; omnes superare labores.  
En, primas sulcantem vndas me littora Iopes,  
Me iuga Samariæ, nemorosaq; pascua Sichen,  
Iordanisq; vocat: curuis en vallibus Hebron  
Applaudit, cæloq; simul tua nomina tollit,  
Responsatq; Tabor voces, & sydera pulsat.

Nouerat infernus Pluton, cui multa futuri est  
Scire datum, in fatis Abrami è sanguine sacram  
Progeniem terris promitti, Tartara per quam  
Euertenda forent. metuenti talia Pastor

Fracastorij.

RRR Rexq;

Rexq; idem Sichenus erat suspectus Iacob,  
 Inuisusq; nimis : tum quòd nec sanctius alter  
 Iustitiam legemq; Dei seruaret , & aris  
 Thura daret : tum quòd bisseña prole beatus  
 Natorum , populum in sanctum concrefcere solus  
 Posse videbatur. quare hanc intentus in vnam  
 Progeniem, dabat omnem operam quo perdere posset :  
 Præcipue insignem puerum, cui sydera fausta  
 Nascenti & late fœlix arriſerat æther.  
 Quem forma egregium Charites studia inter alebant  
 Ingenua, & leges patrias rectumq; docebant.  
 Illi autem mens alta inerat diuina futuri  
 Nescio quæ, atq; animus summi admirator Olympi,  
 Et pia religio , & puero prudentia maior.  
 Ergo & ob has dotes, & quòd per vota parenti  
 Longæuo hic fuerat Rachele è coniuge chara  
 Natus, erat patri ante alios dilectus Ioseph.  
 Ex his non paruam inuidiam, tacitumq; serebat  
 Fratribus in reliquis odium, & letale venenum  
 Alecto, Eumenidum vna, imis emissa tenebris  
 In genus inuisum: totis quæ adnixa colubris  
 Dissidium, furiasq; ferat, bellumq; necemq;.  
 Nec tantis non ipsa malis fortuna fouendis  
 Affuit, augendisq; odijs. nam forte per æstum  
 Quum fraterna cohors pecudes ad pabula nota  
 Lanigeras vnà syluas duxisset in altas  
 Illiceaq; vmbra residerent , primus Ioseph  
 In fratres conuersus ait. mea somnia fratres  
 Audite, illa quidem mira, & nisi me mea fallunt  
 Auguria, haud vani speciem referentia somni.  
 Nanq; sub auroram, quum sese sydera condunt  
 Casura iam nocte, & solus nunciat ortum  
 Lucifer, ipse meas spicas offerre videbar  
 Sacras ante aras: pariter vos ponere vestras:  
 Sed nostri cœlum fascēs se tollere in altum,  
 Et rutilam insignes late diffundere lucem:  
 Vestri autem obscuro atq; humiles summittere sese,  
 Vt pote adorantes nostros. Cui grandior annis  
 Atq; odio in puerum non paruo accensus Iudas  
 Vane puer quid mira vocas tua somnia? nunquid



Illa aliquis tibi forte Deus demisit ab alto?  
 Credo equidem, nam vina Deum dicuntur habere,  
 Qui miranda facit nobis oblata videri.  
 Augurium quod nam somno tibi fingis ab isto?  
 Num forsan rex noster eris? tibi sume coronam  
 E lauro, noceant regi ne vina futuro.  
 Talia dicenti fratrum quoq; cetera turba  
 Adclamant, dominumq; Vocant, regemq; salutant  
 Ac puero illudunt: tum patri hæc somnia narrant.  
 At senior, cui non aberat Deus, omnia mente  
 Evoluit tacita, atq; in nato grande futurum,  
 Nescio quid, spectans, alijs tamen omnia natis  
 Dissimulat, puerumq; monet nos ludere somnos.  
 Ille autem, cui fata Deus maiora parabat,  
 Post paulo in somnis aliud quid pondere maius  
 Perspexit. nam se sublimi in sede locatum,  
 Sub pedibus Solem ac Lunam stellasq; minores  
 Undique adorantes diuinos reddere honores.  
 Ergo horum interpretes, talem nam Numina mentem  
 Indiderant, rursus fraternas omnia ad aures  
 Detulit. illi autem subito nova somnia fratris,  
 Et spes illicitas regnandi, animumq; superbum  
 Exposuere patri, atq; offensæ signa dedere,  
 Interniq; odij, atq; accensæ in pectore flammæ.  
 Obstupuit primum genitor, puerumq; vocatum  
 His, veluti interpretes somni, duro increpat ore.  
 Te ne igitur pater ac mater fratresq; ait, & plebs  
 Omnis adorabit? tu sede locabere in alta,  
 Nos infra viles humilesq; precabimur? ah te,  
 Si malus hic error tenet, & spes impia nutrit  
 Pone animum hunc, atq; his falsis & inanibus umbris  
 Deme fidem, teq; his fallacibus eripe monstris:  
 Quæ Diij, si mala sunt & iniqua, immittere nobis  
 Non senuere boni, at potius mala numina, manes  
 Inferni, exitium in nostrum ludibria fingunt.  
 Sic falsa ex adytis referunt oracula, sic &  
 Auguria ex anibus dissectis omina ab extis,  
 Omnia quæ directæ Deo lex nostra profanat.  
 Vade age, & hæc nobis posthac ne somnia perfer.  
 Sic ait, & natos alios per dulcia mulcens

Dicta, pater, iubet in Sichen saltusq; virentes  
 Ducere molle pecus, puerum consistere Ioseph  
 Se penes. expediunt iuuenes mandata paterna,  
 Fœlicesq; Hebron valles, & amœna vireta  
 Inuiſunt: sed non virides in vallibus herbæ,  
 Non umbræ nemorum, non gratæ è collibus auræ,  
 Non volucrum cantus inimica insomnia possunt  
 Ex animis delere: eadem per singula versant  
 Exacuuntq; odia, atque iræ laxantur habenæ.  
 Nec non Alecto diris serpentibus instans  
 Corda vrit, tantumq; odij, tantum excitat ignis,  
 Vt iam immane nephas animis meditentur iniquis  
 Perdendi puerum, & sese in scelus omne parandi.  
 Ergo, dum iuuenes exercent talia, iam Sol  
 Condiderat geminos ortus, quum luce sequente  
 Castra mouere parant, Dothainq; in pascua læta  
 Ducere oves, quo plus patrijs ab ouilibus absint,  
 Inuiſoq; à fratre, pater quem diligit vnum,  
 Quem sibi, quem reliquis regem haud detrectet habere.

Ergo aliam atque aliam solito plus forte morati  
 Quum traherent cum nocte diem, miratus abesse  
 Hos tantum genitor confestim accersit Ioseph:  
 Iq; ait, ò, mihi chare puer, fratresq; require  
 In Sichen, patriq; refer, quæ causa morandi:  
 Nam timeo, nequid male faustum euenerit illis,  
 Aut pecori. Ille viam, nulla est mora, corripit, & iam  
 Aduolat in Sichen: sed fratribus & grege nusquam  
 Compertis, quid agat, dubius huc spectat & illuc,  
 Omnia collustrans oculis: modo nomine fratres  
 Magna voce vocat: tantum nemora alta vocanti  
 Respondent, vallesq; cauæ. Forte ilicis altæ  
 Frondator ramorum aderat, qui, vt vidit anhelum  
 Ancipitemq; sui puerum, noto obuius illi,  
 Quid quæris puer? inquit: oves si forte paternas,  
 Si fratres, ne quære istis in vallibus illos,  
 Quandoquidem audiui dicentes, saltibus ex his  
 In Dothain cedamus: ibi fratresq; pecusq;  
 Inuenies: dein monstrat iter, qua tramite recto  
 Ocyus inueniat lætissima pabula, nanque  
 Plurima pars exusta aret, nec gramina nutrit.



Ille datum festinat iter. iamq; vltima Sichen  
 Emensus, Dothaim letus propiora tenebat,  
 Cum specula longe venientem vidit ab alta  
 Plena odij fraterna cohors, ac protinus, en Rex  
 Noster, ait, quem Sol, quem Luna & sydera adorant.  
 Nos famuli viles ad pastoralia nati,  
 Per deserta die rabido sub Sole vagamur:  
 Nocte in speluncis, patulâ ue sub arbore somnos  
 Captamus, tecti rude lana & pellibus hirtis,  
 Despecti, & vili polenta & flumine pasti.  
 Ille patris mensa virgata in veste recumbens  
 Lactibus hœdorum, & lumbo pinguescit ouili,  
 Repleturq; mero: tum stertens impia nobis  
 Somniat. hunc ne igitur fratres, atque ista feremus  
 Opprobria? an ne adeo cæci expectabimus, vt iam  
 Grandior, atq; animis fidens & patris amore  
 Nos premat, & ditionem omnem & benedicta paterna  
 Surripiat, sic vera nimis sua somnia reddens  
 Heu fratrum ignaræ mentes, & pectora cæca.  
 Cur potius, dum testis abest, dumq; omnia nobis  
 Dant animos, non hunc capimus? cur protinus istis  
 Confossum gladijs, puteo non condimus illo  
 Qui prope contegitur dumis & sentibus atris?  
 Dicemusq; fame rabidis vrsó ue, lupó ue,  
 Qui multi deserta habitant hæc, dente peremptum.

Talia iactabant inter se se effera fratres  
 Consilia. at, cunctis aderat qui maior & annis,  
 Et maior pietate Ruben, Dij talia nobis  
 Auertant, ait, ah vestras ne sanguine fratres  
 Fraterno maculate manus: né ue ira Deorum  
 Hoc velit, vt scelus ob tantum nos, & domus, & grex  
 Vnâ omnes pereamus. abest si testis, at ipse  
 Est testis Deus, ipse Deus, quem nulla latere  
 Facta queunt, quiq; hic & nos nunc spectat, & audit.  
 Si tamen est animus vobis secludere prorsus  
 Hunc puerum, sine cæde eius, sine sanguine in illum  
 Trudite vicinum puteum, & dimittite fatis.  
 Hæc vero suadebat, vti iam cæde remota  
 Mox ipse ad puteum sera iam nocte rediret,  
 Extraheretq; illum, & misero sua pignora patri

Redderet,

Redderet, ac fratrum tandem componeret iras.  
 Verba omnes mouere, placet sine cæde prehensum  
 Projicere in puteum, & miserum dimittere sorti.  
 Tum Ruben, à vobis fuerint quæcunque peracta,  
 Horum me infontem videat Deus. ac procul inde  
 Discessit, syluisq; latens se condidit altis,  
 Visurus rerum euentum. & iam lætus Ioseph  
 Festinans aderat: contra fratrum impia turba  
 Circumfusa ruit minitans, manibusq; reuinctis  
 Nunc (inquit) tua vana tibi quid somnia prosint,  
 Aspicias: nunquid regi parebimus omnes?  
 Ille pauens, stupidusq; rei nouitate precari,  
 Talia ne infonti facerent, superosq; vocare  
 Nequicquam: quando impatiens magis & magis vrget  
 Crescens corde furor, facibus furialis Erinny  
 Instat atrox, Dæmonq; malus, qui obsistere fatis  
 Posse putans, cunctorum aciem vertebat in vnum.  
 At puer, vt nullis precibus, nullis ue moueri  
 Fratrum corda videt lachrymis, sed iam impete multo  
 Compelli in foueam, quod restat, lumina tollens  
 In cælum, tales fundebat ad æthera questus.  
 Dij Abrahæ, Dij magni Isac, Dij patris Iacob  
 Vos ego si sancte colui, si iussa paterna  
 Semper obi, semperq; pie & sine crimine vixi,  
 Aspiciate: & si fata mihi nunc vltima pendent,  
 Vt moriar, miserum saltem seruate parentem.  
 At vos ò tenere fratres quos semper amavi,  
 Maioresq; habui, curate, hæc tristitia ad aures  
 Ne patris adueniant, sed me rapuisse latrones  
 Dicite, quo saltem spe se soletur inani  
 Viuentis nati, stygias nec tendat ad vmbas  
 Ante diem: deserta ipse intumulatus arena  
 Emoriar. Lachrymæ dicenti talia fusæ  
 Ex oculis cecidere, simul voxq; ipsa repressa est.  
 Et iam etiam fratrum sedari pectus & ira  
 Coeperat, Isachar cum, ne desistite fratres,  
 Dixit, ab incepto: quin, vinctum & fune ligatum  
 In foueam mittamus: ibi suspensus in imo  
 Sis tatur fundo, donec meliora parent Dij  
 Consilia, atque cibum interea capiamus in herba,  
 Quandoquidem



Quandoquidem iam Sol inuitat, & altior hora.  
 Assensere omnes dictis, puerumq; reuinctum  
 Ad puteum flentem ducunt: hic fune ligata  
 Arboris ad truncum pendentis desuper altæ  
 Demittunt pauitantem intro, fundoq; relinquunt  
 Suspensum. ast ipsi circum per gramina fusi  
 Implentur vili cerere, & carotide pingui.

At Deus, ætherio terras qui spectat ab axe,  
 Infontem aspiciens, illo & miseratus amore,  
 Quo mare, quo terras, quo cælum condidit altum,  
 Vnum ex aligeris, qui circum mille, ministris,  
 Expectant mandata, vocat: fidiſſime, & inquit,  
 Vade age, Samariamq; tibi notiſſima dudum  
 Arua pete, & quem ſcis ſatis ad magna vocari  
 Iſaciæ puerum, qui cæco poſcit ab antro  
 Auxilium, & fraterna odia & facta impia plorat,  
 Hunc inopem ſolare: nec eſt mandare neceſſe,  
 Quæ reſeras, cui nota mea eſt & aperta voluntas.  
 Sic ait, & nutu placido, quo ſydera curſu  
 Perpetuo ducit, iuuenem dimittit. at ille  
 Aetherias humeris accingit tenuibus alas,  
 Queis cælum illuſum penetrat, queis nubila tranat,  
 Præuertitq; fuga Zephyros. iamq; æthera ſcindens,  
 Aërios tractus, & inania lata ſecabat.  
 Qualis, vbi in liquidis ſtagnis, aut ardea longe eſt,  
 Aut albus conſpectus olor, ſacer accipitrum rex  
 Poſt varios gyros ſublimis ab æthere lapſus  
 Immotis ſecat alta ruens oculo ocynus alis.  
 Impete non alio volucer cœleſtis adibat  
 Samariæ terras: primus quem vertice ſummo  
 Excepit Tabor, inſuetum frondeſcere ſyluas  
 Miratus, terramq; noua veſtirier herba,  
 Et varios præter ſolitum ſummittere flores.  
 Excepere illum prognatæ monte Napeæ,  
 Et diuina Deo cecinerunt: omnia rupes  
 Reſponſant, ipſa antra Deum, ſyluæq; ſalutant.  
 At ſacer interpres Diuorum, vt vertice ab alto  
 Lumina deflexit terris, ac gramine fuſos  
 Veſcentesq; videt fratres, aſt inde camellos  
 Mercatorum Arabum ſpectat, Iouis omnia facta  
 Imperio,

Imperio, hinc animum ad miserum conuertit Ioseph,  
 Descenditq; celer: puteiq; in margine summo  
 Vt stetit, extemplo noua lux effulsit in antro,  
 Miratum & subitus puerum circumstetit horror.  
 Quem pius interpret placida sub imagine, & ipso  
 Ore puer puerum dictis solatur amicis.  
 Pone metum Dijs chare, patrum Deus ille tuorum,  
 Qui cælum regit, huc alto me ex æthere mittit,  
 Qui referam mandata tuos solantia luctus.  
 Hinc primum mittère foras, sed venditus auro  
 Nomine mancipij: tum Nili in regna fereris,  
 Atque iterum vendère illic, multosq; per annos  
 Seruus eris. tunc ne vetita atque iniusta libido  
 Te alliciat, neu Dij alieni, & falsa, caueto,  
 Numina decipiant. vestrum si semper habebis  
 Corde Deum, ipse aderit semper tibi, te bona semper,  
 Quicquid ages, quocunque ieris, fortuna sequetur.  
 Quin, magis vt fidas animis, tibi magna parantur  
 Imperia: & tempus veniet, cum vera videbis  
 Somnia visa tibi, cum te fratresq; paterq;  
 Supplice adorabunt fletu: misereberis illis,  
 Né ue perire fame miseros patieris iniqua.  
 Quin ipsos, natosq; illorum, ipsosq; nepotes  
 In partem imperij, atque in tua regna vocabis:  
 Ingens vt tandem populus concre scat, arenæ  
 Instar: quem Deus Aegypti de parte superba  
 Deducet tandem, & pedibus super æquora siccis  
 Pertransisse dabit: mox hæc in regna reducet,  
 Lacte nouo quæ regna fluent, & melle perenni.  
 Mox (anni properate) diem foelicia secla  
 Aspicient, secla illa diem, quam tanta futuram  
 Vatum oracla canunt, quum demittatur ab alto  
 Magna Dei soboles, vestro de sanguine creta,  
 Quæ scelus antiquum tollat, quæ limina cæli  
 Clausa diu, magniq; fores præpandat Olympi.  
 Nec plura effatus cælum se tollit in altum.

At iuuenis, quanquam stupefactus numine tanto  
 Restitit, & rerum confusus imagine multa,  
 Latatur tamen, atque animum per singula versat,  
 Speq; futurorum præsentem corde dolorem

Discutit,



Discutit, atque oculos in cœlum & sidera tollens  
 Sic fatur. Rex terrarum, Rex ætheris alti  
 Omnipotens, patrum Deus & tutela meorum,  
 Respice nos, & nostra tuo sub numine si spes  
 Est omnis, super his primum miserere parentis.  
 De me autem quicquid statuet tua recta voluntas,  
 Seu letum, seu triste pares, nihil ipse recuso.  
 Vnum oro, si parca mihi vidisse negabit  
 His oculis fœlicem illam, semperq; beatam,  
 Optatamq; diem, qua tandem ex æthere summo  
 Descendet tua progenies, da cernere saltem  
 In speculo, atque umbram mostra mihi, speq; fideq;  
 Noscere da, puroq; eius de fonte lauari.  
 Dixit, & ex imo traxit suspiria corde.

Interea è Madian, stacten, bdelamq; ferentes  
 Cinnamaq;, & liquidam styracemq;, & pingua thura  
 Transibant Arabes, quâ stabant gramine leto  
 Vescentes iuvenes simul & diuersa loquentes.  
 Qui vt primum videre viros, Deus (inquit Iudas)  
 O fratres meliora parat, quàm nostra ferebant  
 Consilia: his etenim si mercatoribus ipsum  
 Vendamus puerum, cum lucro auroq; piati  
 Fraterna à morte immunes reddemur, & ad nos  
 Posthac nec fama adueniet, nec nomen Ioseph,  
 Siue Arabes isti Aegyptum, seu barbara regna,  
 Marmaricam, Iibyâ ue petant. ergo vnus ad illos  
 Mittatur, qui mancipij sub nomine, merce  
 Proposita pretium statuât, responsa reportet.  
 Dicta placent, qui pacta meat, iam mittitur. ipsi  
 Interea speluncam adeunt, funemq; ligatum  
 Arboris ad truncum soluunt, & in æthera sursum  
 Suspensum educunt puerum: qui talis in auras,  
 Qualis manet rosa, aut riguo Narcissus in horto,  
 Prodyt, & formæ seruato vera decore  
 Signa dedit, certumq; Dei præsentis amorem.  
 Iamq; aderat mercator Arabs, & nuncius vnâ  
 Vile satis pacti precium. proh Iuppiter, ille,  
 Quem tanta in fati promissa, & tanta manebant  
 Imperia, argenti is deno venditur asse,  
 Mancipium infœlix. iam curuo terga camello

Fracastorij.

SSS

Excipitur,

Excipitur, Nili ignotas iam fertur in oras.

At quadrupes, ceu diuino sub pondere, vector  
Insolitos dedit hinnitus, & signa recentis  
Lætitiæ: iamq; & grato facilisq; , leuisq;  
Sessori tergum, sellamq; accommodat aptam,  
Agglomeransq; pedes, retro socia agmina linquit.

At fratres puer, Vt cecidit, mala nuncia patri  
Quis ferat, & quo infanda tegant facta impia pacto,  
Ambigui, tandem statuunt præmittere vestem  
A puero ereptam, caprino sanguine tinctam  
Qui ferat, inuentamq; inter nemora auia dicat:  
Danq; placet commissa dari. qui instructus abunde  
Omnia, longæuum non hæc miseranda parentem  
Expectantem adit, & monstrato sanguine & ipsa  
Veste, ait, hanc nostræ nemora inter deuia primæ  
Inuenere canes: cuius sit vestis, & vnde  
Hic cruor, ignari, patrem primum esse monendum  
Duximus, Vt te (siquid agendum est) consule agatur.

At pater, Vt notam, maculisq; & sanguine vestem  
Conspersam vidit, quis te charissime Ioseph,  
Quis Diuûm, Vt tecum morerer, spes vna senectæ  
Nate meæ, quis casus, ait, tam durus ademit?  
Heu mala te syluæ fera sustulit. ite per alta  
Vos nemora, & , siquid misero de corpore restat,  
Omne afferte mihi, saltem Vt suprema sepulchri  
Dona feram. vel & ipse, feris laniandus, in altas  
Proripiar syluas: dabitur natoq; patriq;  
Mors eadem. hæc dicens, fœdatus puluere canos  
Vellebat, lacerosq; sinu excindebat amictus.  
Et famuli tandem collapsum in tecta reportant.

Parte alia Ruben, Vt serum se vesper in orbem  
Intulit, ad caulas pecudes pecudumq; magistri  
Cum redeunt, saltusq; vacant pastoribus omnes,  
Desertum ad puteum solus redit, atq; ibi Ioseph  
Terq; quaterq; vocat. non respondente vocanti  
Vllo, sollicitus, puerum ne forte necassent,  
Remspectare parat, cæsq; ex ilice conto  
Scalam aptat, solersq; imum se mittit in antrum,  
Omnia collustrans. Verum, postquam omnia dudum  
Rimatus, puerum quæsitum haud repperit vsquam,

Ambiguus



*Ambiguus tandem reliquos perquirere fratres  
 Destinat : ac pecoris vestigia nota secutus  
 Per noctem , demum inuentos , de fratre quid actum est ,  
 Inter multa rogat . rem totam ex ordine pandunt .  
 At Ruben , ut puerum audiuit superesse , nec ullis  
 Affectum damnis , hinc fratres , inquit , eamus  
 Ad miserum genitorem , & spe viuentis & auras  
 Spirantis gnati saltem ( quod nunc datur vnum )  
 Solemur , rapuisse Arabes de more , relicta  
 Veste , leui pueri fugientis vulnere tincta :  
 Pastores ita ferre . aliquemq; adducere testem  
 Expediet , neq; enim deerunt , qui dicere possint  
 Se vidisse Arabes . his ergo rite paratis  
 Patrem adeunt , & , quæ possunt , solatia iungunt .  
 Ille autem , quamuis aliqua spe forte leuatur ,  
 Non tamen æternas lachrymas planctusq; perennes  
 Comprimere , aut tristi meditari gaudia mente  
 Vlla potest , sed vitam ægram noctesq; diesq;  
 In tenebris , hominum fugiens consortia , ducit .  
 Interea puerum letus deportat Ioseph  
 Mercator , plenis miratus cedere votis  
 Omnia . non illis terræ exarsere diebus ,  
 Non ventis agitata & vllæ tolluntur arenæ  
 Ex solito : puerum charites comitantur euntem ,  
 Et cœli fauor , & faustis spes dextera pennis .  
 Iamq; pererratis Iudææ finibus , altæ  
 Incipiunt turres & mœnia Osyridis vrbis  
 Apparere procul , campis vbi fusa inuentus  
 Munera militiæ exercent : hi vincere cursu  
 Contendunt pedibus , hi fuluo in puluere sudant  
 Luctantes , alij duro sub pondere cestus .  
 Pars volucres exercet equos , cursuq; fatigat ,  
 Aut inferre hosti versas post terga sagittas  
 Discit equo currente , aut hastam tollere campo .  
 Ergo Arabes postquam accessere , & pulcher Ioseph ,  
 Mirati pugnas , placidi & præludia martis  
 Consistunt , oculisq; intenti & pectore toto  
 Vix satis expleri possunt . quos forte magister  
 Militiæ , Eunuclus regis , cui summa potestas  
 Et duri data erant Mauortia munera belli ,*

Vt vidit, confestim ad sese accedere iussos  
 Compellat. geritis ne ullis, quas vendere, merces,  
 Optetis? quædam, dixere, & aromata, & istum  
 Gestamus puerum, domino qui si placet, Vltro  
 Munus habe: aut emptum si mauis, pro indole tanta  
 Da quoduis: pretium est magnum tua gratia nobis.  
 Ille autem, haud vnquam ingratum mercator habebis  
 Fetifarum: accipiam puerum, at tu munere largo,  
 Speq; tua maiore, mihi donabere multo.  
 His dictis recipit puerum, quem veste decora  
 Induit, & sagulum donat, quo purpura limbo  
 Fulua nitet, tum donat equum: lætissimus ille  
 Altior it iuuenes inter pulcherrimus omnes.  
 Quem custode dato letus præmittit ad urbem  
 Fetifer, & charæ uxori commendat habendum.  
 Interea seras inuexerat Hesperus horas,  
 Et iuuenum campis cedens manus omnis apertis  
 Ibat ouans comitata ducem, ac iam pulcher Ioseph  
 Vt dominam inuisit, thalami & cognouit herilis  
 Officia, ipse humilis seruorum se agmine miscens  
 Obuius it domino. media se qualis arena  
 Monstrat gemma nitens, radijs ue micantibus aurum,  
 Talis & ipse puer multis in millibus ibat.  
 Quem matres, populusq; omnis mirantur, vt ipso  
 Incessu, grauis ore, pedes non dimouet vsquam  
 A duce, non oculos, sed semper totus in illo est.  
 Nec minus, intra ædes vt ventum, epulæq; paratæ,  
 Vlli ipse officio deest, seu corpore opus sit,  
 Seu celeri ingenio. sed enim super omnia mira est  
 Grataq; sedulitas, apta & prudentia cana.  
 Quo factum est paruo post tempore, Fetifer illum  
 Non thalamo vt tantum ipse suo præfecerit vnum,  
 Sed domui, & rerum summam commiserit omnem.  
 Scilicet auspicijs & Dijs cuncta ire secundis  
 Fetifero sunt visa, agri producere fruges  
 Vberius, sobolem armentum, sibi crescere honores.  
 Omnia quæ, ostento quodam permotus, Ioseph  
 Attribuit puero, uarumq; oracula suadent.  
 Arbor erat Persæa, Deo sacrata Cameſi,  
 Aedibus in medijs, quam vectam è Perside feriur



Orbe pererrato monumentum insigne futurum  
 Ipsa suis manibus plantasse nepotibus Isis.  
 Hanc apis externis veniens insedit ab oris,  
 In signis fulgore & versicoloribus alis  
 Pulcher apis : quem mox examen grande secutum  
 Pendentem ramo longum traxere racemum.  
 Protinus ostentum ad Vates defertur . at ipsi  
 Venturum externis aliquem portendere ab oris  
 Declarant , ingens populus quem deinde sequatur,  
 Ipsum qui fortunæ opibus super æthera tollat  
 Fetiferum, largosq; simul promittat honores.  
 Ergo his augurijs tantis censetur Ioseph  
 Monstrari , hinc maiore illum dignatur honore  
 Fetifer, hinc omnes adamant : sed maxime Iempsar  
 Pulchra ducis coniux præ cunctis diligit Vnum,  
 Nescia adhuc , quanto iam sit deuota furrori,  
 Quis Deus insideat miseram . suspiria nondum  
 Emittit , nondum lachrymas , sunt omnia læta  
 Dulciaq; , & nondum quicquam persentit amari.  
 Quæ Deus , infernas sedes, cocytia regna,  
 Qui regit , humani generis turbator & osor  
 Vt vidit Pluton , semenq; accrescere sælix  
 Isacidum , inuisam sobolem , vocat ocys Vnum  
 Seruorum , quibus insidiæ fraudesq; doliq;  
 Sunt animo , queis mille artesq; viæq; nocendi .  
 Iq; , ait , & pulchram circum insinuatus Iempsar  
 Falle dolo , & primas escas , quas sensit amoris,  
 Tu flabris accende , imis illum osibus ignem ,  
 Illam immitte facem , quam nec vis Vlla Deorum,  
 Non hominum extinguat : mox ipsum accendere Ioseph  
 Si possis, omni arte stude . quod vincere si qua  
 Non dabitur , tu perge tamen , pete rursus Iempsar ,  
 Acrius vre , furorem adde , inspira q; venenum.  
 Queis monstris agitata domum permisceat omnem,  
 Inq; odium , furiasq; omnem conuertat amorem .  
 I celer , & nihil ipse doli scelerisq; relinque .  
 Ille hilaris , promptusq; malis sumptam è styge lympham  
 Miscet acidalio latici , tum ex anguibus Vnum  
 Tisiphones capit , atque sinu mala semina condit .  
 Fetisari domi tecta petens , nutricis Iempsar

Induit Iphicles formam, dominamq; salutans  
 Audi (ait) ò mihi chara, miser quis casus Ioseph  
 Torquet ad extremum vitæ: vidi ipsa gementem  
 Nuper, & optantem suprema munera vitæ.  
 Querenti mihi, quæ tanti sit causa doloris,  
 O mater, ne quære (inquit) nam, siue tacebo,  
 Siue edam, omnino moriar: præstatq; tacendo  
 Et vitam, & nostri causam finire doloris.  
 Cui ego. non sic ò fili, nam vulnera sepe  
 Auxilium patefacta & opem inuenere salubrem.  
 Dic audacter, amasne? hæc si tibi causa doloris,  
 Spera, & fide puer, nanque ipsum vel tibi amorem  
 Eripiam magicis, vel tu potiere cupito.  
 Erubuit: tum dixit, amo. Dii sunt mihi testes,  
 Hunc quantum eluctans cepi, quàm inuitus amorem,  
 Infidum in dominum qui me facit. at mihi sit mors  
 Exoptanda magis, fidum perijisse iuuabit.  
 Sic ait, & fusis lachrymis pulchra ora rigabat.  
 Vt video, puer hic dominam te deperit: at ni  
 Opportune adsis, nimio moriturus amore est.  
 Cui Virgo, ò nutrix quàm dura & tristia portas,  
 Nanque & amo hunc puerum, & vellem succurrere posse:  
 Sed me iura Deum, sed vincla iugalia primum  
 Obsistunt: tum me tanto male sana periclo  
 Obijciam, & duri haud formidem coniugis arma?  
 Et nutrix, ò nata, ipsorum crimina amantum  
 Dii ridere solent. soluendi iura mariti  
 Causa potens & iusta tibi est depellere mortem  
 Apuero, qui nec crimen commiserit vnquam,  
 Ni crimen sit amare nimis, vel amore perire.  
 Audendum est in amore, pericla nec vlla timenda  
 Prudenti, Dii deinde ipsos tutantur amantes,  
 Queis amor, & pietas, est prima & maxima cura.  
 Est mihi aqua, in dubijs rebus quæ assumpta videre  
 Vera facit, dubijq; omnis pars vtra legenda est.  
 Hanc dabo, si hac in re ancipiti stat cernere verum.  
 Ac stygiam demonstrat aquam, medicataq; fonte  
 Pocula acydalio. placet ò charissima nutrix,  
 Virgo (inquit) totumq; manu capit ipsa venenum  
 Intrepida, atque vno craterem exhaustum haustu.



*His actis puerum Iphicle se vertit ad ipsum,  
Et gressu ad thalamum illius contendit anili:  
Qui laudes superum regi & diuina legebat.  
Vt vero in thalami mentitus limine Dæmon  
Constitit, & puero cœlestem assistere Ioseph  
Custodem vidit minitanti, ensemq; coruscum  
Vibrantem, extemplo subita formidine captus  
Horruit, & retro gressusq; , animumq; reduxit,  
Ausugitq; celer: nocturnæq; alitis ottus  
Effigiem capit, & tecto se sistit in alto.*

## LIBER II.



*T misera, vt stygios latices desumpsit Iēpsar,  
Solaq; permansit, totis ardere medullis  
Visa sibi est, tota in subitum conuertier ignē:  
Suspiransq; gemēsq; vnum deposcit Ioseph.  
Et modo se imponit stratis, paulumq; morata*

*Assurgit, modo mutat & hunc, modo mutat & illum,  
Fastiditq; locum infœlix, nec se capit vsquam.  
Non secus ac solet ille, acris præcordia causus  
Cui torret, vel quem Dypsas sitibunda momordit.  
Tandem ait, heu quidnam est, quod me tam sæuiter vrit?  
Est ne amor, an sumpti latices? nempe est amor iste:  
Quo moriar, nisi formosus succurrat Ioseph.  
Tu mihi nunc succurre puer, succurrere nanque  
Ipsa etiam tibi constituo. moriemur amando  
Infantes ambo? Dij tanti criminis haud me  
Authorem videant, non hæc Aegyptia tellus.  
Dum licuit, potuiq; , thori concordia iura  
Seruauī, nunc maior agit me visq; , Deusq;  
Imperioq; premit. sic sit mihi Numen amicum,  
Vt nosco experiorq; Deum, cui fœmina non est  
Contra stare potens. Deus hic custodiet ambos:  
Quin & , suetus amare, teget solatia nostra.  
Dixerat, impatiensq; moræ vocat ocysus Efren,  
Vnam ex ancillis, dominæ quæ fida solebat  
Ferre vigil mandata, vigil responsa referre.  
Vade, ait, & puero dic, huc accedat, Ioseph,  
Si vacat, & domini si nulla negocia nostri*

*Impediunt.*

*Impediunt . vadit illa cita , & mandata facessit .  
 Nec longe post iussus adest formosus Ioseph .  
 Quem solum admissum virgo mutata colore  
 Inxta astare facit : tum corde & voce tremente  
 Chare ( inquit ) puer , atq; oculis mihi gratior ipsis ,  
 Verá ne tu dominæ dices , quæcunque rogabit ?  
 Vera equidem ( an fallam dominos ) ait ille , fatebor .  
 Tu quoduis pete . & illa . puer te perditte amare  
 Audio : si verum est , debent me nulla latere ,  
 Nec , si sim , quam perditte amas , nam ( vera fatebor )  
 Ipsa etiam te perditte amo . tu nec mihi amanti ,  
 Nec tibi ego crudelis ero : da iungere dextram ,  
 Qualis eris , quantoq; à me donaberis auro ?  
 Sic ait , & summis puero dedit oscula labris .  
 Ille pudore rubens , & secum mente reuoluens ,  
 Quæ Diuûm interpres puero mandauerat olim  
 In puteo , neu Dij alieni , aut iniusta libido  
 Alliceret , taciteq; Deum sibi adesse precatus  
 Hæc tandem responsa dedit . Quòd perditte amare  
 Audis me domina , illicitum si forsan amorem  
 Audis , non vllam fateor me perditte amare :  
 Nec sic ipse etiam à quoquam peramarier opto ,  
 Præcipue à domina . scis rebus me omnibus vnum  
 Præfecisse ducem , seclusa coniuge tantum .  
 An ne igitur legisq; meæ , dominiq; mei sim  
 Proditor ? ah stygias potius detrudar ad vmbas ,  
 Esca vel alitibus , media intumulatus arena ,  
 Mittar : & hæc dicens dominam , thalamumq; reliquit .  
 Illa autem , vt sese illusam , & spe funditus omni  
 Deiectam vidit , tanquam qui fulminis ictu  
 Percutitur , primum stupefacta immotaq; paulum  
 Constitit , inde imo ducens suspiria corde ,  
 Astringensq; manus , sese resupina cubili  
 Strauit inops animi , desertaq; sanguine pallens .  
 At malus hæc summo te cti de culmine dæmon  
 Aspiciens , aue deposita , se rursus anilem  
 Vertit in Iphiclen , miseramq; reuisit Iempsar ,  
 Atque ait . ò , quinam casus te nata malignus  
 Insequitur ? quid cor cecidit ? quid pallor in ore est ?  
 Ah ne animum assuetum , ne te ipsam desere nata .*



*En adsum auxilio nutrix tua, pone timorem.  
 Respice me. audito nutricis nomine paulum  
 Erexit sese in cubitum, tum lumina torquens  
 O nutrix, quondam nutrix, nunc dira nouerca  
 Occidisti, inquit, miseram me, nec puer ille  
 Perdite amat, nec se (quod longe est peius) amari  
 Sustinet, aut ullis precibus donis ue mouetur.  
 Proieci memet, genus, & decus omne pudore  
 Fœdani amisso, fractæ spes, fœdera rupi  
 Coniugij: tu causa mali, tu criminis huius  
 Principium. quid restat ad hæc, nisi cætera ferro  
 Conficere, & meritam hanc animam demittere ad orcum?  
 Cui dictis falsa Iphicle respondet amaris.  
 Heu mulier rerum ignara, & male conscia amorum,  
 Quid mirum, puer insuetus plenusq; pudore,  
 Ceu virgo intacta, ad primos si expauit amoris  
 Aggressus, de te dubius, metuensq; pericli?  
 Non ita res tractanda fuit, nec tu tamen omnem  
 Spem depone, rudem puerum nam rursus adibo,  
 Arguam, & ignarum, quæ sint facienda, docebo.  
 Tu tantum triduo expecta, lux quarta benignum  
 Sydus habet, miseros sydus quod spectat amantes  
 Coniungitq; sub hoc Hymenæus sydere primum  
 Natus, & ipse puer Venere enitente Cupido.  
 His dictis sese paulum solatur Iempsar,  
 Erexitq; cadentem animum. meliora ferant Dij,  
 Vade (ait) interea sacras venerabimur aras,  
 Fundemusq; preces, & amica vocabimus astra.  
 Ergo, ubi luce noua rutilum Sol aureus orbem  
 Impleuit, visura Deos sese ornat Iempsar,  
 Pulchra auro, spectanda ostro, spectanda pyropo,  
 Sed forma spectanda magis, proprioq; decore.  
 Quam matrum numerosa cohors comitatur euntem,  
 Nec non & famulis præses formosus Ioseph  
 Lumina deiectus, dominaeq; sui; misertus  
 It comes, ipse tamen sanctas procedere ad aras  
 Patronam putat, ut commissi criminis oret  
 Exposcatq; Deos veniam, & deponat amorem.  
 Contra autem illa rogat Diuosq; & sydera cuncta,  
 Ut faueant votis, & sint in amore secundi.*

Hæc eadem celebrat demens & luce sequenti,  
 Atque alia, donisq; etiam maioribus aras  
 Accumulat, pecudumq; fibras rimatur & exta.  
 Verum, Vbi quarta dies redijt, Solq; igneus orbi  
 Illuxit, lux sancta, inquit, lux optima salve,  
 Sydera vos saluete, quibus coniungere amantes  
 Est amor, & sobolem mundo seruare perennem.  
 Tum puerum acciri charum iubet. ocyus ille  
 Nulla timens, & iam domina securus amorum  
 Aduenit. illa itidem sperans fore prospera cuncta  
 Nutricis decepta dolis, Vt vidit amatum  
 In manibus puerum, meus es, meus, inquit, & ipsa  
 Sum tua: quid prohibet, ne nos iungamur amantes?  
 Iste torus communis erit: ne gaudia differ,  
 Neu sortem contemne tuam. tum pallia captat,  
 Et trahit ad sese puerum. stupet ille pudorem  
 In domina amissum, tandemq; his vocibus infit.  
 Quis furor, aut quænam mala mens olim inclyta coniux  
 Fetiferi, nunc hæc suadet te talia posse  
 Moliri? certe Eumenidum nunc te vna sororum  
 Exagitat, nam (quam reris) non est tua nutrix  
 Iphicle, sed de stygijs emissa tenebris  
 Dirarum vna, dolis quæ te decepit & astu.  
 Illa eadem me aggressa malis conatibus ausa est,  
 Sed vetuit tentare Deus. vidi ipse retrorsum  
 Cedentem, & formam mentitam, & fumida noui  
 Sulphura, nidoremq; atrum post terga relictum.  
 Talia dictabat puer. at post ostia dæmon  
 Qui stabat, clausos magno conamine postes  
 Impulit, intrauitq; ferox, & lumine toruus  
 Tartaream effudit vocem, qua terruit omnes.  
 En ego mentita Iphicle, en sum vna sororum  
 Eumenidum, vna è stygijs emissa tenebris?  
 Nunc faxo, experiare. sinuq; cita eripit anguem  
 Pestiferum, qui secreta sub veste latebat,  
 In puerumq; iacit. custos cœlestis at illum  
 Reppulit, atq; omnes conatus fecit inanes.  
 At coluber, sibi ut in puerum sublata potestas,  
 In miseram insidias omnes molitur Iempsar,  
 Perq; solum tacite irrepens, ventremq; retorquens

Lubricus,



Lubricus, in vestem insinuans se illabitur: inde  
 Interiora petens præcordia cuncta pererrat,  
 Tartareumq; virus iaculatur ad intima cordis.  
 His monstris puer interea pauefactus, amictus  
 Immemor aufugit, seq; in sua tecta recepit.  
 Quem virgo ut fugisse videt, utq; acre venenum  
 Sensit, in insanum subito conuersa furorem,  
 Clamorem immensum tollit, quo ipsa atria, & omnis  
 Intremuit domus, & timuit vicinia tota.  
 Non secus, ac si Vulcanus penetralia cuncta  
 Inuoluat, cæloq; furens incendia iacitet.  
 Currite io matres, scelus atque audite nefandum  
 Mancipis Hebræi, qui nunc proh Iuppiter ausus  
 Fetiferi est magni sacrum violare cubile,  
 Vimq; inferre mihi, nisi nutrix tempore in ipso  
 Prompta tulisset opem, & sceleratum veste relicta  
 Eiecisset. io fugituum apprehendite serui,  
 Ite citi, properate, viarum claudite cuncta  
 Effugia, & domini scelus hoc afferte sub aures.  
 Talia vociferans misera effundebat Iempsar,  
 Omnia quæ falsa Iphicle confirmat, & auget,  
 Dignum morte, fore hoc sceleris qui admittere tantum  
 Audeat, exacuitq; animos: clam deinde recedit  
 Nulli visa, & aui similis se immiscuit atris  
 Nubibus, & stygias sedes atque impia Ditis  
 Regna petit, lætoq; refert crudelia facta.  
 Interea miser à seruis comprehensus Ioseph  
 Ducitur, & nemo est, qui dicere multa volentem  
 Auscultare velit miserum, non Fetifer ipse,  
 Quem iam res audita acri compleuerat ira:  
 Non tamen ut morti damnet, sed turre sub ima,  
 Carceris esse locus miseris vbi suenerat, illum  
 Intrudi iubet, & vigili custode teneri,  
 Tantum olyra vili, limoso & flumine pasci.

At iuueni cœlestis erat custodia maior  
 Aliger ætherius, summo qui missus ab axe  
 Carceris intrarat portas, vbi proxima terras  
 Nox omnes cæcis tenebris obduxit & umbra.  
 Ergo aliàs puero notus, solatur amico  
 Ore illum, firmatq; animum, toll. tq; timorem

Luce noua, excussa noctisq; & carceris vmbra.  
 Omnia quæ postquam custos Aegyptius alta  
 Prospexit de turre, Deus Deus, inquit, in illa  
 Luce viget, nosco splendorem & verba notau:  
 Nec deusest illic, nisi & huius criminis insons  
 Est puer. insontem seruabit Iupiter æquus.  
 Ex illo custos iuuenem veneratur Ioseph,  
 Et pascit meliore cibo, quàm dura iubebant  
 Fetiferi mandata, & duri carceris omne  
 Tollit onus ferrumq; pedum, visitq; frequenter,  
 Solaturq;, & sepe in cœlum educit apertum.  
 Iamq; quater binos Phœbe compleuerat orbes,  
 Cum duo, quorum alter pincerna Pharaonis, alter  
 Pistor erat regis, præ suspitione veneni  
 In Cerere inuenti, conclusi carcere eodem  
 Cum puero Isacide fuerant. hi tempore paruo  
 Post, uterq; vna viderunt somnia nocte,  
 Somnia, quæ mox mane nouo dum mutua versant,  
 Ignari, quid portendant monstrent'ue futurum,  
 Sollicitis stabant animis. quod pulcher Ioseph  
 Conspectuens, quidnam iuuenes tam pectore tristes  
 Vos hoc Sole nouo video? nos somnia facta  
 Nocte hac sollicitos reddunt, quæ exponere, nemo est,  
 Qui sciat hîc, dixere. quibus sic pulcher Ioseph.  
 Somnia vos narrate, Deus dignoscere forsan  
 Illa dabit. dicemus (ait) pincerna, priorq;  
 Ipse edam. nam vitis erat pulcherrima ternis  
 Lata propaginibus, gemmas turgescere primum  
 Palmitibus, mox & flores exire videbam,  
 Post flores grauidis vuas pendere racemis:  
 Quos ego maturos manibus premere ipse videbar,  
 Vinaq; diffundens pateris spumantia plenis  
 Regi larga dabam, solito Rex more bibebat.  
 Cui puer interpret. quidnam tua somnia monstrent,  
 Expediam. vitam illa tuam pulcherrima vitis  
 Ostendit: gemmæ, flores, vnaq; secutæ  
 Sunt fructus, quos tu peperisti temporis huius  
 Curriculo: dabitur merces, & honoribus ipse.  
 Restituere tuis, & pristina pocula regi  
 Consueto de more dabis: terna illa propago.



Tres lucēs ( quibus hæc veniant , tibi prospera monstrant.  
 Tu vero , cum te charum gratumq; Pharaon  
 Accipiet , nostri ( si qua huius gratia facti est )  
 Sis memor , immeritumq; isto dic carcere claudi.  
 Tum pistor , simulac vidit dicta omnia recte  
 Congruere , ipse etiam , dixit , mea somnia pandam .  
 Nam capiti imposita ipse meo tria plena canistra  
 Spectabam , duo farinæ inferiora , supremum  
 Omni opere plenum , omni illo pistoria quod scit  
 Ars facere , & nostrum ingenium , sed cuncta volucres  
 Exesse & secum latas deferre per auras .  
 Cui bonus interpret , Diuum est nouisse futura ,  
 Falli hominum est , dicam , quid nam tamen augurer ipse  
 His super . illa ( quibus vidisti plena ) canistra  
 Sunt opera & vitæ fructus : duo prima , ubi simplex  
 Farina est , vitæ monstrant duo tempora prima ,  
 In quibus & simplex vita & sincera peracta est :  
 Summum opere infido plenum est , & fraude , dolisq;  
 Omnibus , ingenium quæ , aut ars pistoris iniqui  
 Extudisse valet , quæ sunt iam cognita regi .  
 At merces horum meritorum & præmia , foedæ  
 Sunt volucres , corui immundi , miluiq; rapaces ,  
 Vulturijq; , caput qui effossaq; lumina pascent  
 In cruce suspensio : tribus hæc ventura diebus  
 Terna canistra notant : tamen hæc me fallere possunt ,  
 Si tu animo possis mutari , nam & Deus ipse  
 Sæpe solet mutare mala & conuertere fata .  
 Talia tractabant iuuenes . & tertia iam lux  
 Orbi inuicta aderat , cum custos carcere aperto  
 Pincernam infontem , noxa poenâq; solutum  
 Declarat , miserum regis decreta seueri  
 Pistorem damnare cruci . de carcere vterq;  
 Ducitur haud æqua sorte , & longe impare fato .  
 Hic ad tigna , ille ad regem stipatus onantum  
 Et lætus clamore virum , & clangore tubarum .  
 Vertitur interea ter Solis cursus in alta  
 Solstitia , atque nouum mundo portauerat annum :  
 Forte q; Rex dulcem prona iam nocte quietem  
 Ducebat , Deus ex alto cum somnia in illum  
 Immisit , miranda adeo , vt cedente sopore

Attonitus rex magnum aliquid portendere visa  
 Crederet . ergo omnes iubet è regione vocari  
 Caldæa , Aegyptoq; , quibus cognoscere cursus  
 Metiriq; vias coeli , & momenta minuta  
 Astrorum , casusq; hominum , & prænosse futura est  
 Cura audax , nec non magicis qui incumbere sacris  
 Consuevere , & qui ex adytis oracula Diuûm  
 Consulere , & casarum ouiumq; boumq; per exta  
 Rimari secreta solent , qui noscere flammæ,  
 Qui fluitantis aquæ motus , qui iungere arenæ  
 Fatalem numerum , & cognoscere fulminis iras ,  
 Quiq; vias seruare animum , & dignoscere cantus ,  
 Denique , diuini rerum quicumque vocantur .  
 Quorum ingens numerus magni plena atria regis  
 Intrarant , alij longis capita alta thyaris  
 Induti , ast alij spectandi cornibus hirtis ,  
 Auratis alij strophis : longissima mento  
 Cunctis pendet barba , ipso stat pallor in ore .  
 Quos simulac ad se rex alta à sede vocauit ,  
 Somnia visa docet primum , dein munera larga  
 Promittit , largosq; illis proponit honores ,  
 Somni qui interpres fuerit : noctemq; diemq;  
 Responso tempus statuit . sed noxq; diesq;  
 Venerat , & nemo apparet , qui somnia regi  
 Enodare queat , nulli sua sidera , nulli  
 Ars magica , aut quæsitæ aris oracula profunt :  
 Non artes aliæ , non barbæ , altæq; thyaræ .  
 Ergo hinc irasci , & tristis mœrere Pharaon ,  
 Nec quenquam audire , at solo in conclaue latere .  
 Hic regis pincerna , memor , quæ in carcere Ioseph  
 Fecit , & ipsorum quàm verus somnia vates  
 Exposuit , subito regem petit , atque ita satur .  
 Peccauit rex magne tibi , quæ in carcere vidi ,  
 Non referens . nam scis , ut mecum pistor iniquus  
 Carcere damnatus fuerit sub turri magistri  
 Militiæ , eunuchi . forte illo carcere eodem  
 Fetsferi puer Hebræus , puto , crimine falso  
 Missus erat . duo nos ( ita suasi ) somnia quædam  
 Nocte habita à nobis , iuueni narramus . at ille  
 Diuino quodam afflatu visa omnia nobis

Exponens,



Exponens, mihi, te, dixit, lux tertia ab isto  
 Carcere deducet, multis & honoribus auctum  
 Restituet primo officio: te pistor inique  
 Lux eadem in cruce consistet, te immunda volucrum  
 Agmina depascent, corui, miluiq; rapaces,  
 Vulturijq;, nisi ipse animum conuertere possis  
 In melius, sic nanque Deus mutatur & ipse.  
 Omnia quæ euenisse vides. tua somnia certe  
 Hic puer exponet, magnum nam numen in illo est.  
 Auditis Rex latius ait. vade ocyus ergo,  
 Duc puerum, & nostro iussu de carcere solue.  
 Ille celer mandata facit, puerumq; parumper  
 Ornat, detondetq; comas, vestemq; ministrat.  
 Tum regi adducit timidum. rex omnia lustrat  
 In puero, sibi cuncta placent, sic denique satur.  
 Te puer hi dicunt exponere somnia, nunquid  
 Vera ferunt? ast ille. Deus rex optime solus  
 Somnia nosse potest, & sicui maximus ille  
 Hoc dederit. potero ipse meo pro rege precari  
 Atque orare Deum: forsitan dabit, omnia quando,  
 Quæ regum sunt, ipse solet curare Deum rex  
 Aquæ hominum. dein paulum animoq; & mente moratus,  
 Nunc, inquit, rex magne mihi tua somnia pande.

Fluminis ad ripas Nil stare ipse Videbar,  
 Rex ait, & septem ecce boues è flumine pulchræ  
 Exire, & latè errantes per littora pasci  
 Florentes herbas, lothon, medamq; virentem,  
 Et suauem mynianta, quibus pinguescere, quantum  
 Plena solet, sacras quæ ducitur hostia ad aras.  
 Vix oculos verti, ecce aliæ per littora septem  
 Deformes, ægræq;, quibus vix pellis adhæret  
 Ossibus, apparere boues, quæ carice summa  
 Vix pastæ & dura paliuro & sentibus hirtis  
 Corpora macra, suis nervis vix ducta, trahebant.  
 Obstupui. nam dira fames atque ardor edendi  
 Improbus exegit tantum has, ut pingua septem  
 Corpora prima bouum congressæ tota vorarent.  
 Mox iterum dulcis me habuit sopor alter, & ecce  
 Rursus septem vno spicæ consurgere culmo,  
 Pulchræq;, gravidæq;, & onustæ pondere multo.

Mox

Mox aliæ septem oririennesq; & inanes  
 Exili è stipula, scabraq; virgine tostæ,  
 Quæ succum & decus omne aliarum absumere visæ  
 Sunt mihi. miratus, postquam sopor ille recessit,  
 Somnia proposui multis, sed dicere nemo  
 Scit sensum & portenta horum: te si manet ista  
 Gloria, site vnum è tantis hæc somnia poscunt,  
 Toto animo letare puer, te fama sequetur  
 Perpetua, & tantis à me ditabere donis,  
 Vt te non videat maiorem Aegyptia tellus.  
 Cui iuuenis. rex magne Deus te diligit, ipse est,  
 Somnia qui immisit, nec, quæ illa intelligat, esse ars  
 Vlla potest, quæ authore Deo non vitur: Vnde  
 Nec vates potuere tui, quibus omnibus est ars  
 Absque Deo. primum septem fœlicibus annis  
 Largius vndantem solito, maioreq; Nilum  
 Flumine rumpentem ripas, secumq; trahentem  
 Fœlicem limum, fœcundæq; æquora arenæ  
 Fortunata nimis tellus Aegyptia cernet.  
 His annis tantum messis, tantum vberis illa  
 Colliget, vt non sufficiant solita horrea messi.  
 Vbertatem istam pingues nimiumq; nitentes  
 Monstrauere boues septem, quæ è flumine Nili  
 Exiuere, herbas pingues per littora pastæ.  
 Hanc etiam & spicæ septem, quas pondere onustus  
 Latasq; plenasq; vno consurgere culmo  
 Vidisti, pariter monstrant: nam somnia visa  
 Non duo sunt, sed idem ostendunt. nunc porrigementem  
 Optime rex, nam septem annos, qui deinde sequentur,  
 Infœlix steriles duosq; Aegyptus habebit.  
 Ipse intra ripas demisso flumine Nilus  
 Currat iners, supraq; caput limumq; feracem  
 Non tollet: sicca arebunt arua omnia, sicca  
 Solstitia, & nulli descendent montibus amnes  
 Consueti pluuiarum amnes sub sydere Cancræ,  
 Aethiopum populis nec hyems æstiuæ redibit.  
 Agricola infœlix nullo versabit aratro  
 Arua, nec arenti mandabit semina terræ,  
 Sed miseros edet annona cogente iuuenços.  
 Hæc septem docuere boues per littora siccæ,

Deformes,



Deformes, macræq; , quibus vix osibus hærens  
 Pellis erat. hæc septem illæ rubigine tostæ,  
 Squallentesq; situ spicæ, & sine pondere turpes  
 Ostendunt. duplici exemplo te commonet ipse,  
 Qui nouit ventura, Deus, quo tu quoque solers  
 Commouere magis, damnoq; occurrere possis.  
 Quod facere vt valeas, si me fortasse requiris,  
 Sic habeas. maiora para primum horrea, & omne,  
 Quod superat segetum his septem foelicibus annis,  
 Coge illic, seruaq; vigil: dein multa talenta  
 Auriq; , argentiq; in fruges vndique emendas  
 Impende, annorum quantum penuria septem  
 Exposcet venturæ formi campisq; serendis.  
 Talia narrabat iuuenis, quæ singula mente  
 Rex voluit tacita, tandem & sic voce profatur.  
 Hoc certe Deus in puero, nec talia dici  
 Absque Deo potuere, nec illi Aegyptia tellus  
 Aut Caldæa vidit similem. tum amplectitur illum  
 Latitia illachrymans. post me tota ista secundum  
 Te aspiciet regio, seruatoremq; vocabit.  
 Sic ait, & chlamydem gemmis ostroq; nitentem  
 Ferre dat, atque auri torquem circumdare collo.  
 Mos erat, vt gemma cœlata, insignis & auro  
 Annulus, antiquo regum de more vocatus  
 Regius, à nullo, nisi rege Pharaone, posset  
 Gestari, aut si quis foret ipso ab rege secundus:  
 Hunc sibi rex digito detractum imponit Ioseph,  
 Quo populus post regem illum sciat esse secundum.  
 Præterea, qua se solennibus ipse diebus  
 Inuectum mula populis vrbisq; solebat  
 Ceu quendam monstrare Deum, sic mandat & ipsum  
 Vrbe vehi, mulaq; eadem procedere Ioseph,  
 Præclamante tuba, regi inclinate secundo  
 Quisque caput, sanctoq; novos conspergite flores  
 Seruatori hominum, solus qui somnia regis  
 Exposuit, qui plena Deo præcordia gestat.  
 Talibus ornatu donis, & honoribus auctus  
 Isacides iuuenis cuncto acclamante senatu  
 Præficitur toti Aegypto. Qui sedulus omni  
 Fracastory. VVV Ingenio

Ingenio curaq; in primis horrea Vbique  
Magna parat, mox frugum ingentibus Vndiq; acervis  
Collectis, partim terra Memphitide natis,  
Partim emptis aliunde implet, stipatq; , nec Vllum  
Dat rebus spatium: regionem lustrat, equorum  
Comminuit numerum, atq; hominum: Dij cuncta secundat.

Urbs erat Helipolis, Solis de nomine dicta,  
Cuius Rex, idcirco templi Phœbiq; sacerdos  
Supremis natam formæ & virtutis habebat  
Insignem, quam sæpe Deus consultus Apollo  
Dixerat haud Vlli indigenæ thalamo esse locandam:  
Coniugium externum fato maiore parari,  
Quo genus, & clari tollantur in astra nepotes.  
Ergo istæc iuuenem monstrare oracula Ioseph  
Censet & antistes templi, & rex ipse Pharaon.  
Quocirca, cum iam septem foelicibus annis  
Aegypto in tota Vbertas, atque omnia Vbique  
Læta forent, placuit regi dignis hymenæis  
Et thalamo Isacidem iuuenem sociare iugali,  
Lætitiâq; augere, diesq; inducere festos.  
Ergo hæc per ludos dum per conuiuia læta  
Ducuntur, septem foecundi mensibus anni  
Iam finem, Vbertasq; , omnis iam copia habebat.  
Iamq; pererratis Geminis per sydera Cancri  
Sol altos ducebat equos, Aegyptia cum gens  
Miratur Nili nulla incrementa videri,  
Sed purum & nulla permixtum flumen arena  
Ipsum inter ripas tristi procedere cursu.  
Iam tellus foecunda prius, nunc aret, hiatq;  
Vsta siti, nec spes Cereris promittitur Vlla.  
Semina quin etiam, siqua immittuntur in aruis,  
Aut nullos edunt foetus, aut protinus omne  
Enatum foedæ vitio rubiginis aret,  
Aut abit in lolium infœlix, fluidum ue papauer.  
Vinitur ex annis lapsis, retroq; coacto  
Foenore, quod primo sterili vix sufficit anno.  
Verum, Vbi dira fames homines se vertere ad herbas,  
Et pecus immeritum, atq; immunda animalia adegit,  
Regem Urbes & rura adeunt, subsidia poscunt.



Rex ad Præfectum cunctos dimittit Ioseph,  
 Seruatorem hominum . populis hinc horrea aperta ,  
 Et iustum indictum precium : gaza undique & omnes  
 Congesta portantur opes : æraria regis  
 Complentur : nec adhuc quartus se verterat annus .  
 Quid facerent misera gentes ? sola arua supersunt ,  
 Quæ vendant , si emptorem habeant , nam solus Ioseph  
 Esse potest pro rege emptor . ergo ille rogatur ,  
 Arua emat , & miseris det opem , nec pacta recuset .  
 Reddituum cuiusq; agri quintam dare regi  
 Promittunt , sic pacta ineunt , sic foedera firmant .

Interea , externas quoniam penuria terras  
 Hæc eadem affligit , populos it fama per omnes  
 Aegyptum sat frumenti , quod vendat , habere .  
 Ergo & Sichenus natos affatur Iacob .  
 Cur non Aegyptum nati , cur regna beata  
 Non petitis , cur non nobis alimenta paratis ?  
 Num perimat nos ista fames ? mandata capeſſunt  
 Natorum deni : fratrum natu ultimus aſtat .

Vt vero Aegyptum petiere , & Oſyrida terram  
 Frumentis præfectum adeunt , & ſupplice cultu  
 Aere dato frumenta rogant . cognouit Ioseph  
 Germanos , ſtatuerit Deo , non cognitus illis .  
 Præteritiq; memor , quamuis iniuria multum  
 Facta poteſt , tamen & patris , fratrisq; miſertus  
 Benjamin , his etiam parcit , tum ſatur ad illos .  
 Vnde , & quinam hominum ad noſtras acceditis oras ?  
 Illi autem . è terra Canaan , de ſanguine Iacob  
 Venimus huc cogente fame , quæ plurima perdit  
 Samariam . domus eſt nobis pleniffima , primus  
 Eſt pater , vndeni nati , paruiq; nepotes ,  
 Paſtorumq; manus , Vernarum eſt plurima turma .  
 Venimus ergo ad te , nobis alimenta rogantes ,  
 Ne pereat gens tanta , tibi iuſta æra dabuntur ,  
 Nec nos immemores erimus . pater optimus urbem  
 Ipſe regit Sichen , paſtor , cui millia multa  
 Sunt pecudum : quouis precio da viuere tantum .  
 His verbis quanquan frater commotus , & gre  
 Abſtinuit lachrymis , ficto tamen omnia vultu

Dissimulans, quid verba mihi datis, inquit? an ipse  
 Eludar? nisi me os fallit vultusq; loquentum,  
 Exploratores puto. cur mandata paterna  
 Non geritis? cur nec frater huc venit & alter?  
 Ast illi, minime. tales ne rere, precamur.  
 Per patrem patrisq; Deum iuramus, adire  
 Nos iussit, nos dira fames: natu ultimus vnus  
 Cum patre Benjamin adolescens restitit, & spes  
 Solamenq; senis: nos, qui sufferre laborem  
 Possumus, atque moras longarum auferre viarum,  
 Venimus orantes vitam, mandata putantes  
 Nulla opus esse istuc ferri: miserere precantum,  
 Et miserere patris, pueri miserere relictī,  
 Paruorumq; (potest pietas si in te vlla) nepotum.  
 Hic lachrymas vix continuit, conuertit & ora,  
 Toro animo & vultu multum commotus Ioseph.  
 Inde ait. est mihi firma viri sententia menti,  
 Frater vt huc alius veniat: vestrum hic erit vnus  
 Obses, vos alij ad patrem frumenta feretis.  
 Interea. haud aliter (per Regem & numina iuro)  
 Vlla potest vobis cedendi hinc esse potestas,  
 Neu faciem spectare meam, aut audire loquentem.  
 Consulite, & ternis dentur responsa diebus.  
 Sic ait, & custode dato victuq; remittit.  
 Illi, inter sese postquam diuersa locuti  
 Viderunt præfeti animum, præstare putarunt  
 Ferri multa domum frumenta, loco obsidis vnum  
 Dimitti, properare alios, iterumq; reuerti  
 Emptum alias fruges, alium & conducere fratrem.  
 Ergo nominibus scriptis fors ducitur, obses  
 Extrahitur Symeon. & iam lux tertia mundo  
 Clara aderat, responsa petit præfetus, at ipsi  
 Enarrant decreta. igitur frumenta parari  
 Imperat accepto precio: clam deinde ministros  
 Admonet, vt summis saccis æra omnia ponant.  
 Quod fuerit cuiusque, datum: custodibus obses  
 Traditur: at fratres oneratis tergora asellis  
 Aegyptum, & multo fratrem mœrore relinquunt,  
 Samariamq; petunt. quò postquam denique ventum est,



Et genitor numero natorum vnum absfore vidit,  
 Clamat, Vbi Symeon meus est? cur cernere natum  
 Non datur? est ne æger? minime pater, inquit Iudas,  
 Sed valet, Aegypti est obses tellure relictus,  
 Dum rursus redeamus, & hinc ducamus & istum  
 Benjamin. nam, qui frumenta vendidit, ut nos  
 Audiuit vir magnus, & ab ipso rege secundus,  
 Quæ sinit multa a nobis, nunquid pater esset,  
 An frater nobis alius: quæ cum omnia recte  
 Diximus, uos certe istas venistis adoras  
 Exploratores, inquit, mandata paterna  
 Cur non huc geritis? cur non alium quoque fratrem  
 Huc duxistis? ad hæc respondimus omnia. tandem  
 Summa fuit frumenta dari, nos deinde reuerti,  
 Adduci puerum, interea detur obses, & vnus  
 E nobis maneat: per Regem & numina cœli  
 Iuro (inquit) nec vos aliter frumenta feretis,  
 Posthac, nec me audire vnquam aut spectare licebit.

At pater, hæc postquam audiuit, proh Iuppiter, inquit,  
 Est ne adeo infœlix alius pater? occidit vnus  
 Natorum, est obses alius, subducitur alter  
 Cum reliquis, simul ut cuncti moriantur, & ipse  
 Expectem, ferat hæc nostras crudelis ad aures  
 Nuncius: ò prius hanc miseram Dij demite vitam.  
 Talia fundebat lachrymans. circum vndique nati  
 Solantur, tam aduersa bonos non numina habere.  
 Mox, vbi depositis soluerunt vincula saccis,  
 In summis æs omne datum preciumq; repostum  
 Inueniunt: stupere omnes, sed tristis Iacob  
 Hoc derat nati, hoc, inquit, quod funditus omnem  
 Spem raperet. nam, si vobis Aegyptia ad arua  
 Sit reditus, qui vos primum vir maximus ille  
 Exploratores dixit, nunc nomina furum  
 Imponet, causam inquirens, qua perdere possit.  
 Nempe ego Benjamin puerum, spem patris, & vnum  
 Solamen, non huic tradam fidamq; periclo.  
 Vos alij, si fata urgent, Diuimq; voluntas,  
 Ite, rei fidei promissæ: ego, quicquid apud me est  
 Auriq; argentiq; dabo, quo vos redimatis.

Et fratrem, & si fors aderit, frumenta feratis.  
 Quem contra illachrymans iuuenis sic satur Indas.  
 Chare pater nos primum audi, dein consule nobis,  
 Atque tibi. nam quo pacto continget adire  
 illum hominem, qui iuravit per regia sceptrā,  
 Per superos, nisi Benjamin duxerimus ipsum,  
 Ille quidem nec nos, nec, qui est in carcere, fratrem  
 Dimittet, faciem'ue eius spectare licebit?  
 Verum, ut de nobis sint dura & tristia quæque,  
 Vos miseri quonam pacto viuetis, & unde  
 Tanta domus? capiti, quæso, pater optime tandem  
 Fide meo, puer iste omnes seruabit, & ipsum  
 Te patrem. mihi præterea duo pignora chara  
 Sunt, nati, tu illos (concedo) interfice, siquid  
 Aduersi puero eueniat: depone timorem,  
 Atque omnem defende domum. quod pondera saccis  
 Sint æris posita in nostris, iussisse ministris  
 Id dominum certum est, incertum, fraude doloue,  
 An pietate magis. nos certe audiuius illum  
 Insignem virtute omni, nos vidimus illum  
 Nobiscum fleuisse famem atque incommoda nostra,  
 Dum teq; & paruum fratrem, paruosq; nepotes  
 Commemoramus. age ò genitor, ne tempora differ,  
 Neu plures innecte moras. & talia dicens  
 Adiecit lachrymas. victus pater, ibitis ergo,  
 Tandem ait, & puerum, & regionis dona feretis,  
 Staetenq; & lachrymas terebinthi, & roscida mella,  
 Et gummi, & liquidam styracem & amygdala amara.  
 Insuper & duplex precium portabitis, & quod  
 Inuentum fuit in saccis, & quod data poscent  
 Frumenta. interea faciemus sacra parentum  
 Nostrorum nostriq; Deo, quo cuncta secundus  
 Dirigat, & seruos cælo prospectet ab alto.  
 Postera phæbeos currus aurora vehebat,  
 Cum pater & nati sacris de more peractis  
 Cuncta viæ opportuna parant, et munera, & ipsum  
 Benjamin: quem iam genitor complexus euntem,  
 Et lachrymans, I chare puer fœlicibus, inquit,  
 Auspicijs, si te rediturum fata reseruant,



Vitam oro. lachrymæ vetuerunt dicere plura.  
 Tum simul & reliquos natos complectitur omnes,  
 Commendatq; Deo. ast illi bona verba precati  
 Durum iter et longum capiunt, camposq; relinquunt  
 Samariæ, Solymenq; sacram: iam consita Idumes  
 Prætereunt palmeta, Gerar, et Tartara vasta  
 Syrbotis, tandemq; vident Aegyptia regna,  
 Optatamq; petunt Memphim. quos lætus Ioseph  
 Suscipit, atque vnâ fratrem de carcere soluit.  
 Vt vero admissis coram data copia sandi,  
 Sic Ruben. hinc postquam discessimus optime princeps,  
 Venimus ad genitorem, illi tua maxima iussa  
 Narramus, fratrem duci te velle minorem  
 Benjamin hunc istum: tum saccis ordine apertis,  
 Res mira, in summis precium atque æs omne, quod ante  
 Exhibitum fuerat, se offert: quis miserit, et cur,  
 Ignotum est, Deus est testis. Verum, vt pater istæc  
 Audiuit, viditq; imo suspiria corde  
 Traxit, et, heu nati, dixit, male numen amicum  
 Nos aliquod nunc insequitur, Fortuna recessit  
 Illa bona. è bis sex natis amisimus vnum:  
 In vinclis alius longinquis exulat oris:  
 Nunc spes et miseræ solamen dulce senectæ,  
 Benjamin abduci petitur: vos rursus abitis,  
 Nescio quò, et vereor, furum ne nomine eati,  
 Omnes vt tandem fato pereatis ab vno.

Nos contra miserum solari. fide parentum,  
 Nostrum et fide Deo, genitor: iustissimus ille,  
 Ille vir est, regio quem tota Aegyptia dicit  
 Seruatorem hominum, sanctumq; piumq; fatetur,  
 Et colit, hinc nihil aduersum durumq; timendum est.  
 His victus cessit tandem. Vos ibitis ergo,  
 Et ducetis, ait, puerum, atque hæc parua feretis  
 Munera, quæ regio fert hæc, stacten, et Terebinthi  
 Resinam, et liquidam styracem, et amygdala amara,  
 Mellaq;: dein duplex precium portabitis, et, quod  
 Impositum fuerat saccis, et, quod data poscent  
 Frumenta: & demum iusto natumq; patremq;  
 Commendate illi, pueri miserescat et huius,

Atque

*Atque senis natos nimium misereſcat amantiſ.*

*Talia diſtabat iuueniſ, cum lumina princeps  
Vix lachrymiſ cohibenſ tali eſt ſic ore locutuſ.*

*Eſte boniſ animiſ iuueniſ, ego munera grata  
Accipio regioniſ, & hunc, qui adductuſ ab omni  
ſuſpicioniſ puer voſ, omni à fraude piabit.*

*Ite, & feſſa via, ſæda & ſudore lauati  
Membra viri, mox luce bona diſcumbite mecum.*

*Hæc princepſ. famulorum aliſ in conclauē lauacrum,  
Vaſa aliſ menſaſq; parant. hæc inter Ioseph  
Multa ſuper regno & populis diſponit alendiſ.  
Dein redit ad fratres, magnamq; educit in aulam,  
Regaleſ ubi monſtrat opes, vaſa aurea ſigniſ  
Celata, argentumq; abaciſ, ſtratoſq; tapetaſ,  
Nec non parietibuſ circum pendentia longiſ  
Aulea, intextiſ auro & bombice figuris,  
Quaſ dicat ſpirare. illic diuina ſecutuſ  
Iuſſa Abraham, puerum in ſyluaſ ducebat Iſaac  
Maſtandum: puer illigniſ onerabat aſellum  
Faſcibuſ, ipſe pyram genitor vittatq; parabat.  
Ille idem dextram vicina in parte leuabat,  
Crudelemq; enſem: demiſſuſ lumina Iſaac  
Et flexiſ genibuſ ferituro colla parenti  
Præbebat: cœli demiſſuſ ab axe vetabat  
Nunciuſ, & dextram ſublatam enſemq; tenebat.*

*Parte alia fratrem fugienſ tendebat Iacob  
In patriſ antiquaſ ſedeſ, cognataq; regna,  
Euphratem Tygrimq; inter: patrueliſ inde  
Virginibuſ hauribat aquaſ: tum paſtor ad vndaſ  
Euphratiſ dum paſcit oueſ per littora Laban,  
Rachelem vocat, & dulceſ decantat amoreſ.*

*Talia dum lætiſpectant Iſraele nati,  
Spemq; aliquam ſibi promittunt, tum magnuſ Ioseph,  
Iam genio libemus, ait, date flumina palmiſ  
Voſ famuli, tum ſede altuſ diſcumbit eburna.*

*Morte præuentuſ hoc item, quod ſero inceperat,  
abſoluere non potuit.*



CARMINVM LIBER VNVS.  
IN OBITV M. ANTONII TVRRII  
VERONENSIS

AD IOANNEM BAPTISTAM  
TVRRIVM FRATREM.



SI egomet tanti casu perculsus amici  
Solamen nostris discuperem lacrymis,  
Ne mea perpetuo manarent lumina fletu,  
Pergeret aut tantus ~~vere~~ corda dolor,  
Attamen, vt mi animi valuit concedere amaror,  
Ist hac mæsta tibi carmina persolui:

Quo fortasse meis consolarere camœnis,  
Si miseros quicquam musa leuare potest:  
Ac ne tu in lacrymas paulatim totus abires,  
Liquitur vt pluuio tacta pruina noto.  
Quandoquidem charifato te fratris acerbo est  
Rumor in extrema viuere tristitia,  
Nec iam posse quietis habere, aut commoda somni,  
Sed cedente die, sed redeunte queri:  
Moxentemq; , vagumq; , & turpem fletibus ora  
Amissum totis quærere littoribus.  
Fertur vt Eridani ripas errasse per omnes  
Anxia fraterno funere Lampetie.  
Septem quam perhibent somni sine munere noctes,  
Ieiunam septem continuasse dies.  
Et, quoties longo defessa errore viarum  
Vmbrosi in ripa concidit Eridani,  
Reddite vos Phaëronta mihi, clamabat ad vndas,  
O quæcunq; sub hoc flumine nympa latet.  
Te tamen, vilius si cuiquam morte dolendum est,  
Iusta quidem tanti causa doloris habet.  
Quandoquidem immatura morte tibi omnia frater  
Commoda, teq; ipsum perdidit atq; tuos:  
Perdidit hei misero charus tibi frater adeptus,  
Quo tibi non vllus charior alter erat.

Fracastorij.

XXX

Ille

Ille amor, ille tuæ solamen dulce iuuentæ,  
 Ille tuæ fuerat spes columenq; domus:  
 Quicum versari semper, quicum esse solebas,  
 Atq; animi arcana dicere consilia:  
 Vnum mirari, atq; vnum præponere cunctis:  
 Ambrosia è cuius effluere ore lepos.  
 O nimium miseri nos, & genus ærumnosum,  
 Deterius quorum est conditione nihil.  
 In nos sæuitum est bello, quo durius vnquam  
 Vidit nulla ætas, nec feret vlla dies.  
 Seruitium tulimus crudele, & barbara iussa;  
 Parsq; domos charas liquimus, & patriam.  
 Reliquias, miserosq; absumpsit tabida ciues  
 Pestis, & huc illuc sæuit Erinnyis adhuc.  
 Nec sat erat, miseri crudelia funera COTTÆ  
 Fleuimus. Indigna Cotta perempte nece,  
 O COTTÆ infœlix quæ te fata impia nobis  
 Tam subito ante tuos arripuere dies?  
 Iam neq; finierant gemitus, & lumina siccis  
 Non bene cessarant tristia flere genis,  
 Quum tu MARCE cadis, quum nos tot tristibus actos  
 Deferis, heu falsos credulitate tui.  
 Non hoc viuida nos tua iam sperare iuuenta,  
 Hoc tua non virtus, non benefacta dabant,  
 Exanimem vt nos te iuuenem, nec iam vlla loquentem  
 Externa miseri contegeremus humo:  
 Sed fore, quem fama virtus æquaret olympo,  
 Vnus qui multos instrueres populos.  
 Qualis ab aërio decurrens monte iugi fons  
 Communes multis sufficit vnus aquas.  
 Nam quid ego aut laudes memorem, aut tua maxima laudū  
 Præmia? qua humano profueris generi,  
 Aut quàm sæpe animas positas iam sedibus orci  
 Ad sua Apollinea membra vocaris ope?  
 Vostestes Ticinæ, & qui inter pascua læta  
 Medoacæ antiquos ablatis Euganeos:  
 Illo quos fama est naturæ arcana docente  
 Sæpe inter nymphas obstupuisse suas:  
 At nunc amisso turbatis fletse sub undis,



Inq; mare assuetas non habuisse vias.  
 Non tamen aut soli nec vos magis omnibus amnes  
 Indoluitis acerbo illius interitu.  
 Illum etiam graia, & nymphæ fleuere latinæ,  
 Illum etiam Thuscis Calliopea modis.  
 Quin etiam syluæ, & montes gemitse feruntur,  
 Et vos extremi flestis Hyperborei.  
 Sed mage Benacusq; senex, & Sarca, sepulti  
 Qui propè vicinum prætereunt tumulum.  
 Sed magis ipse Athesis, olim qui corpus humandum  
 Condendum charam perferet in patriam,  
 Ne extra cognatos cineres, Turriensiaq; ossa  
 Illum perpetuo terra aliena tegat.  
 Tunc vos ò patrio prognatæ Naiades amne  
 Spargite odoratis plena sepulchra rosis.  
 Tempus erit, cum posteritas mirata nepotum,  
 Quantum isti, dicent, attribuere Dei.  
 Atq; aliquis monumenta legens, & scripta iacentis  
 Deuota ad mutos ferta feret cineres.  
 Interea ò vos Benaco centum patre nymphæ,  
 Sarcaq; ab alpinis edite verticibus,  
 Et vos ò Naci rupes, & saxa Briani,  
 Et nemora vmbrosis densa cacuminibus  
 Ferte aliqua, ò nunc ferte meo solatia BATTŌ,  
 Et tantam ex animo demite tristitiam.  
 Quem neq; sancta potest Sophie complexa leuare,  
 Musa nec assuetis sedula carminibus.  
 BATTŌ tamen vates, longum vt quæsisset ademptam,  
 Et longum fleisset Thracius Eurydicen,  
 Nullo solatus, blando quàm carmine, curas,  
 Nullo, quàm sophia, dicitur esse magis.  
 Illi, seu Rhodopes syluis erraret in altis,  
 Seu in deserti Strymonis aggeribus,  
 Semper Musa comes, semper pendebat eburna  
 Ex humero numeris docta sonare lyra.  
 Ille orbem immensum semper spectabat, & orbis  
 Ornatum, puris sydera luminibus,  
 Et maria, & montes vastos, atq; irrequieta  
 Flumina, tum quicquid deniq; terra parit.

Quorum animaduertens certa sub lege tenorem,  
 Paulatim charam senferat Euridicen  
 Deleri, & tristem mutari in gaudia mentem,  
 Tantum animos rerum forma lenare potest.  
 Aspice lucentem Lunæ titanidis orbem,  
 Et cum Sole suo quæ super astra micant.  
 Omnia sunt æterna, & vitæ iuncta perenni.  
 Quæ loca foelices Diiq; animaq; colunt.  
 Inferior Lethi regio est, sedesq; malorum,  
 In qua est, quod foelix intueare, nihil.  
 Quippe solum hoc venti, imbresq; & cuncta fatigant,  
 Quæcunq; æria de regione cadunt.  
 Adde æstusq; hyemesq;, & morborum genus omne.  
 Tum natura aliqua est indiga semper ope.  
 Nos porro desiderijs mala plurima nostris  
 Iunximus, o præcept in sua damna genus.  
 Hinc odia, & timor, & lites, & bella cruenta,  
 Et via non vni plurima aperta neci.  
 Attamen in tantis ærumnis est animi spes  
 Vnica, quem melior vita beare potest.  
 Quippe, vbi præfulgens vlla virtute reliquit  
 Corporeum, sedes aduolat æthereas,  
 Semideumq; domos, & Diuum morte carentum,  
 Hic, vbi non æstas, nec fera seuit hyems:  
 Nec dolor, aut desideria infœlicia nostri,  
 Nec fors partem aliquam, nec rude vulgus habet.  
 At sancti heroes habitant, gens inclita bello,  
 Ingenuiq; nouem qui coluere Deas:  
 Quiq; pii, iusti, Deum præcepta secuti,  
 Et sancta insignes qui fuerunt sophia.  
 Quos inter tuus ipse recens à funere frater  
 Miratur cælum, cœlicolumq; domos,  
 Aeternamq; diem, & foelicem ex ordine gentem,  
 Inter quos gaudet, se quoq; dinumerans.  
 Quæ circum illustres animæ, PROAVIQ. PATERQ.  
 Intentos oculos ore nepotis habent,  
 Et pulchram effigiem agnoscunt. miratur & ipse  
 Egregiam stirpem, magnanimumq; genus:  
 Agnoscitq; suos, & facta, & nomina discit,



Tum quantum sit adhuc terra habitanda tibi.  
 O fortunatum nimium, tristem ante senectam  
 Carpere iter cœli cui potuisse datum est.  
 Quas syrtis, quos & scopulos post terga relinquis  
 MARCE? tibi à quanto est salua carina mari?  
 Fortunata iterum, tu non incommoda vitæ  
 Passus adhuc, non quæ plurima habet senium,  
 Sed dulces inter musas, & Apollinis artes  
 Fortunata nimis vita peracta tibi est.  
 I decus Ausoniæ iuuenis, numeroq; Deorum  
 Te immisce, culta est iam tibi terra satis.  
 Illa tuum, dum sydera erunt, dumq; æquora current,  
 Nomen in astra memor, & benefacta feret.

AD IOANNEM BAPT. TVRRIVM  
VERONENSEM.

**B**ATTE, animos quando tristes, curasq; leuare  
 Musa potest, ego nunc sortem, casusq; supremos  
 Ipse meos tristi solabor carmine tecum.  
 Et tecum dulceis natos, quos funus acerbum  
 Abstulit, æterna & pariter caligine texit,  
 Conquerar: vt saltem tenebris, & nocte perenni,  
 Quantum opis est nostræ, miserorum nomina demam.  
 Quæ potui, dum vita illos auræq; fonebant,  
 Exhibui genitorq; gubernatorq; duorum  
 Infœlix. primas alter vix fingere voces,  
 Alter adhuc teneris iam tum decerpere ab annis  
 Prima rudimenta, atq; omen præbere parenti.  
 Quos ego ( sed Zephyri spes portauere paternas)  
 Censueram, si fata darent, cum posceret ætas  
 Fortior, ad dulceis tecum traducere musas  
 Assiduos, cytharamq; humeris suspendere eburnam.  
 Inde, vbi iam cœlum, ac Solem, fulgentiaq; astra,  
 Terramq; , & liquidos ignes, æquorq; profundum  
 Mirari inciperent, latiusq; animalia campis,  
 Te monstrante viam, te rerum arcana docente.  
 Mens fuerat dulceis sphiæ deducere ad hortos,  
 Hortos, quos ver perpetuum, quos aura fauoni

Semper

# C A R M I N V M

*Semper alit, semper cœlesti neſtare paſcit.  
Hic tremulo, & longa conſeſto ætate parenti  
Purpureos legerent flores: ſenijq; leuamen,  
Threicia canerent cythara, quæ plurima quondam  
Audiffent te populea meditante ſub Vmbra,  
Diuino mirantem Atheſim dum carmine mulces,  
Et rerum canis, & teneri primordia mundi.*

*Fortunate ſenex, ſi natorum ore referri  
Fata ſinant, vt nata chaos antiquiſſima rerum  
Materies viſi correpta cupidine pulchri  
Arſerit, atq; Deum thalamo complexa, iugarit  
Corpora prima: quibus diſcordia nata hymenæis,  
Et diuiſa locis, ſuprema petiuerit ignis  
Purior, & nitidis vicinus federit aſtris:  
Quem iuxta per inane amplum ſe fuderit aer:  
Ima autem tellus vaſto circum obruta ponto  
Conſtiterit: quam dudum hinc inde agitantibus vndis  
Subſterni latè campi, deformiaq; arua  
Paulatim apparere ſupra, & concreſcere montes  
Cœperunt, procul & nudas oſtendere cautes,  
Mox nemora, & virides vndis mirantibus ornos.  
Montaniſtum ſpeluncis, & rupibus altis  
Exiluere vde formoſo corpore nymphæ,  
In viridi flauos ſiccantes littore crines.*

*O fortunatum nimium, ſi numina tantum  
Hæc mihi ſeruaffent, ſi non caſura dediffent.  
Verum aliter Lacheſi viſum eſt, quo tempore primum  
Natorum cœpit producere fila duorum.  
Quippe auram miſeris, & dulcem noſcere vitam,  
Spemq; ſui dederat præbere: alia omnia ventis  
Tradita, nocte atra & tenebris inuoluerat orci.  
Non licuit firmos annis, virideſq; iuuenta  
Inſpicere, & charæ ad metam deducere vitæ.  
Nec potui votis, nec ope adiuiſſe paterna  
Clamantes, fruſtraq; patris ſuprema petentes  
Auxilia, & nota nequicquam voce vocantes.  
Heu mortem inuiſam, quis te mihi PAVLE Deorum  
Arripit, & miſerum complexibus abſtrahit iſtis?  
Tu prior immiti correptus morte, parentem*

*Deſeris,*



Deseris, & dulcis auras, & lumina linquis.  
 Quòd te si tali dederant sub lege futurum  
 Fata mihi, non iam fuerat mœroris abunde,  
 Non gemitus? quid me tantis è patribus vnum  
 Cœlicolæ lacrymisq; nouis, & morte recenti  
 Opprimitis, charoq; etiam spoliatis IV LO?  
 Heu miserande puer, quanto plena omnia luctu  
 Liqueisti abscedens, quem non vāsana Deorum  
 Incusauit inops, cum te complexa iacentem  
 Aspiceret laniata comas & pectora mater.  
 Ah misera, ah male fausta parens, quid numina fletu  
 Sollicitas? iacet ille, velut succisus aratro  
 Flos tener, & frustra non audit tanta gementem.  
 Ah misera, ah quid sublatum complexa moraris?  
 Ille tuus non iam est. Vos illam in funere matres  
 Collapsam accipite, exanimemq; reponite rectis.

At vos infantes animæ, charissima nuper  
 Pignora, quod misero superest optare parenti,  
 Semper auete, mei, vt licuit, semperq; valete.  
 Seu dulce Elysium functos, vmbraq; tenebunt  
 Sanctorum nemorum, puro seu sidera cœlo,  
 Ipse ego vos semper lacrymis, vos carmine tristi  
 Prosequar, & vestris persoluam iusta sepulchris:  
 Donec me vobis tenuem coniunxerit vmbra  
 Summa dies, natis æquat quæ sola parentes.

Interea curas, numeris, musaq; leuemus  
 BATTLE animos: quando rerum mortalis origo est  
 Quando etiam vitæ norunt vasta æquora finem.  
 Scilicet & quondam veniet labentibus annis  
 Illa dies, quum iam curuo sub vomere taurus  
 Insudet, terramq; grauis præuertat arator,  
 Nunc vbi cœruleæ rostris spumantibus vndæ  
 Sulcantur, verruntq; citæ freta longa carinæ.  
 Nec vos ò liquidi fontes æterna manebunt  
 Secula, se tanto quamuis pater efferat amne  
 Eridanus, tumidusq; fluat tot cornibus Ister.  
 Quin etiam ærÿi montes, mirabile dictu,  
 Thyagetus, Syphilusq; iugo & Cymbotus opaco  
 Ingentes post æstates, ac secula longa,

Senserunt

*Senserunt seniumq; suum, supremaq; fata:  
Ex quo materies thalamos, primosq; hymenæos,  
Atq; elementa nouus sensit discordia mundus.*

*AD DANIELEM RHAINERIVM  
VERONÆ PRÆFECTVM.*

**R**HENERI venerande, vno quo sospite, nondum  
Iustitia, & virtus terris antiqua recessit,  
Multa quidem monumenta tuis sub fascibus Urbis,  
Multa cadunt antiqua piorum & templa Deorum,  
Et Bromij vites, & amicæ pacis oliuæ.  
Verum hæc ex Urbis re dilabuntur, & ipsi  
Vltro etiam sua sacra volunt procumbere Diui.  
Ah saltem antiquo medicorum parcere ritu  
Fasq;, & suetus amor pietatis, & inclita virtus  
Magna tui valeant. valeant hoc more vetusto,  
Quo nostri vixere atavi, vixere parentes,  
Te duce venturi longum superare nepotes.  
Sanctior hic templis, hic Diuûm est sanctior aris,  
Quem neq; tempus edax potuit, nec secula tanta,  
Non belli rabies, non ipsum infringere ferrum,  
Tantum est iustitiam violari, & fœdera rumpi.  
Scilicet & sacra est medicina, vetusq; Deorum  
Inuentum, & sacri medici, quibus author Apollo:  
Qui reuocare animas iam caligantibus orci  
Faucibus impositas ad charæ munera vitæ,  
Aetheriosq; haustus, & dulcia lumina possunt:  
Qui genus innocuum, vitæq; ad publica nati  
Commoda, diuinis tantum didicere per artes  
Exercere æuum, atq; humanæ præesse saluti.  
Hos æquum est te præcipue longeq; tueri  
Rheneri ante alios, idem cui cessit Apollo  
Ipse suas artes, & munera nobilis otii:  
Quemq; domos Diuûm docuit, perq; omnia duxit  
Sydera: quem graio insignem latioq; cothurno  
Secretas dedit Aonidum percurrere sylvas,



Et calamos, citharamq; humeris suspendit eburnam.  
 Idem te dulces Sophia deduxit ad hortos,  
 Hortos, quos ver perpetuum, quos aura fauoni  
 Semper alit, semper cœlesti nectare pascit.

Salve magne parens, qui tot virtutibus auctus  
 Urbem iustitia, & diuis in pace secundis  
 Egregiam moderare, Athesis qua flumine pulchro  
 Labitur, & placido secat arua virentia cursu.

Tu quoq; magna virûm genitrix vrbs inclita salve,  
 Cura Deûm VERONA, tui cessere labores,  
 Aerumnæq; graues, atq; horrida Martis imago,  
 Sanguinis & vasa sitis, & tristis erinny.  
 Barbara iam cessit rabies, & in alpibus atrox  
 Sœuitiam miles, gelidumq; exercet ad Albim.  
 Iam duros nimium seruitus, & fera iussa  
 Desuemus perferre, vltos non iam vrbe Tyrannos  
 Conspicimus, sed te Rheneri maxime, sed te  
 Magne pater: vno tandem quo sospite, nobis  
 Iam bona libertas redijt, pacemq; per agros  
 Lata Ceres, Bacchiq; chorus comitantur ouantes.  
 Gaudete, ò quicumque boni speratis agrestes,  
 Quorum amor est sobolis, studiumq; nepotibus arua  
 Incolere, & paruas vlmis attollere vites.  
 Tempus io, nunc tempus adest, quo secula parca  
 Aurea nent, tandem quæ nunc te præside lata  
 Incipiunt: sed erunt nobis tunc maxima, quum te  
 Insignem sceptro Venetûm sanctaq; thiara  
 Regna salutabunt terris diffusa, tuumq;  
 Quæ Sol exoriens visit, quæ deserit orbem  
 Occiduus, late clarum feret Adria nomen.

AD IOAN. MATHÆVM GIBERTVM  
 Episcopum Veronensem.

**I**LLE tuus GIBERTE, sacras, qui in montibus aras  
 Melfineis tibi constituit, qui teq; tuumq;  
 Per nemus omne canit, perq; omnia littora nomen,  
 Hæc enata suis mittit tibi poma sub hortis  
 Aurea, quæ quondam Medorum è finibus Atlas  
 Fracastorij.      YYY      Transtulit,

Translulit, & magno seruabat tuta Dracone:  
 Mox victor sacra expolians pomaria Perseus,  
 Dum lenibus nostrum talaribus aëra tranat,  
 Donauit Charitæ Benaci ad flumina Nymphæ.  
 Insuper hos Giberte tibi dat munera pisces,  
 Qui quondam Hetrusci nautæ, nostraq; fuere  
 Effigie, nunc Benaci sub gurgite nantes  
 Cœrula conuerrunt sinuatis æquora caudis.  
 Quod si forte iuuat tanti miracula facti,  
 Atq; hominum quondam versus audire figuras,  
 Ipse eadem, Saloi quæ quondam ad littora BATTVS,  
 BATTVS amor Dryadum cecinit, mihi rettulit Aegon.  
 Forte senex Cretæ patrijs Saturnus ab oris  
 Ab Ioue depulsus, regnum sedesq; quietas  
 Querebat latio in magno, fati aliq; arua:  
 Iamq; diem medio Sol inclinabat ab axe,  
 Quum fessus, longaq; via siccatus & æstu,  
 Ad Vada Benaci viridi prospectat in herba  
 Vescentes nautas, & puri grandia Bacchi  
 Pocula miscentes: placido quos ore salutans,  
 Ecquis, ait, Vestrum pueri succurrit egenti,  
 Defessusq; seni? quis pocula parua ministrat,  
 Extinguitq; sitim? poscenti illudere Nautæ,  
 Et ridere senem. quis enim præsentibus vndis  
 Possit habere suum? en flumine largius illo  
 Ebiberis, gelidæq; æstum solabere lymphæ.  
 Illusus Deus immixtis in flumina palmis  
 Haurit aquas, pronusq; bibit: tum versus ad illas  
 Remigio cantes, quæ fluctibus vndiq; circum  
 Clauduntur, medijsq; iacet parua insula in vndis,  
 Ostenditq; locum: precium gens impia iniquum  
 Postulat, at pactus senior tamen omnia firmat,  
 Adiuratq; Deos testes, scanditq; phaselum.  
 Illi autem, dum nauicita liquida æquora sulcant,  
 Ignari, quis nam sedeat Deus, Eia age nobis  
 Fare senex, quonam latebras pro crimine queris?  
 An ne fugam subrepto auro, dominoq; relicto  
 In loca tuta paras? Sed te tua fata sequuntur  
 Demens, quem nullæ poterunt seruare latebræ.



Nomine Carpus erat, qui tam temeraria verba  
 Dixerat, ingeminant comites, aurumq; reposcunt,  
 Proferri subreptum aurum: ni proferat, omne  
 Vi rapiant, pulsumq; rate in media æquora turbent.  
 Quos placidus dictis senior demulcet amicis.  
 Hetrusci nautæ, quæ nunc mens impia suadet  
 Nec seruare fidem vos, nec meminisse Deorum?  
 Dicenti iam vis, iam dextra infertur. At ille,  
 Qui tandem agnosci posset Deus, Impia, dixit,  
 Gens inimica Deum, dabitur, quod poscitis, aurum,  
 Hoc imo sub fonte aurum poscetis auari.  
 Dixerat. Ast illis veniam poscentibus, & vox  
 Deficit, et iam se cernunt mutescere, & ora  
 In rictum latè patulum producta dehiscunt,  
 In pinnas abiere manus, vestisq; rigescit  
 In squammas, caudamq; pedes sinuantur in imam.  
 Qui fuerat subita obductus formidine, mansit  
 Pallidus ore color, quanquam lioris iniqui  
 Indicium suffusa nigris sint corpora guttus.  
 Carpus aquas primus, numen qui læsit, in amplas  
 Se primus dedit, & fundo sub condidit imo.  
 Inde alij celeri sese in media æquora saltu  
 Precipitant, vacuumq; ratem, & sine remige linquunt.  
 Iam Deus super vnus erat, subit ipse magistri  
 Munus, & adductis pelagi petit vltima ripis.  
 Expositus ripa placidus conuersus ad vndas,  
 Ecquid Io Nymphæ Benacides ista supersit  
 Nauis, & hunc amnem sacrum male fausta carina,  
 Et vestras sulcabit aquas? En certe ita & huius  
 Criminis hoc scopulo semper monumenta manebunt.  
 Dixit, & in partem rupis conuersa pependit  
 Cum remis ratis ipsa suis, vbi cernere conchas  
 Nunc etiam licet, externo quas littore Nautæ  
 Collectas miseri media imposuere carina.  
 Ex illo nunc Benaci per littora nantes,  
 Atq; auri venas fundo pascuntur in imo,  
 Nunc etiam à primo retinentes nomina Carpo.

Fracaſtorij. YYY ij

## AD MARGARITAM VALESIAM

Nauariæ Reginam

Cæsaris Fregosij nomine.

**D**VM me Cenomanos inter tenet Itala tellus  
 Zefrediq; arces, mens autem nescia claudi  
 Libera trans gelidas Alpes Rhodanumq; vagatur,  
 Trans Ararim, cœlumq; beatum & Gallica semper  
 Regna videt, Regemq; suum, tecumq; moratur  
 Assidue, versatq; tuas sub pectore laudes,  
 Ecce mihi cælata auro gemmaq; nitenti  
 Armipotens, galeaq; ferox & Gorgone Pallas  
 Oblata est, seu fors tulerit, seu fata dedere.  
 Continuo visa ante oculos effulgere Imago  
 Magna tui, inq; ipsa micuerunt Pallade, vultus  
 Virtutesq; tuæ, moresq;, & facta decusq; .  
 Quippe illam è cunctis sic tu mortalibus vna  
 Assimilas, sic vna refers, in Pallade vt & tu  
 Noscare, & Pallas in te. siue illa Minerva  
 Seu dici Bellona velit, consensus vtrinq;  
 Est idem, ora, a nimi, genius, cognataq; virtus.  
 Iure igitur tibi debetur, tibi conuenit vni  
 Gemma, aurum, effigiesq; Deæ, siue est Polycleti,  
 Siue Myronis opus, placeat tibi munus: imago  
 Est tua: sit gratus cum munere, muneris author.  
 Quod si digressus paulum, & prouectus amore  
 Pierio, dum me dulces per grandia Musæ  
 Facta tua, & dum per monumenta Heroica ducunt,  
 Ipse tuas memorem laudes, quibus æthera ad altum  
 Scandis, & illa simul referam, per quæ vna Minervam  
 Vsq; adeo assimilas, iuuat auscultare canentem,  
 Si vacat, & solitæ sunt te oblectare camœnæ.  
 Illa parente Deo Ioue magno, fratre superbit  
 Gradino, tum forte acres in bella phalanges  
 Si quando exacuit, latè timor occupat vrbes,  
 Turbati tremuere hostes, ac terga dedere.  
 Ipsa hastam quatit, atque horrenti gorgone seuit.  
 Ante Deam diræ effigies, terrorq;, minaq;

Sanguineæ,



sanguineæ, & dans terga pavor, visq; impia, & ira,  
 Vinculaq;, vindictaq; astant, & mortis imago.  
 At vero positis armis, atq; egide dira,  
 Mollius humanas si demittatur ad artes,  
 Mansuetosq; vsus, tum dulcia carmina cantat,  
 Et facilem exercet musam, aut heroica gesta  
 Describit, numeris ue orbes metitur & astra.  
 Sin autem imperijs & maiestatis honore  
 Gaudeat, eternæ ramis insignis oliuæ  
 Aut iustas sancit leges, aut iura ministrat,  
 Aut arces struit, aut medias regina per vrbes  
 Incedit, matresq; super longe eminet omnes:  
 Condensi agglomerant altis clamoribus aphri,  
 Spectatumq; ruunt, arasq; & publica ponunt  
 Tempia Deæ, plausu resonat Tritonia ripa.  
 Tu pariter magno Gallorum rege, Deoq;  
 Ac Ioue nata simul, Germano Marte superbis.  
 Nam Martem quisnam esse neget, seu fortia nudus  
 Brachia, præualidosq; artus, atq; Herculis armos  
 Ostendit, Taurumq; vno prostrauerit ictu:  
 Siue acrem pictisq; armis spectandus & auro  
 Pressit equum, struxit ue acies, & victor in hostes,  
 Ceu torrens, signa atq; viros sternitq; fugatq;:  
 Fulmineo ve Iouis tonitrus imitatus & arma  
 Tormento, muros & magnas diruit vrbes?  
 Te quoq; tantorum comitem, partemq; secundam  
 Bellorum, si quando acies atq; arma mouenda  
 Percussæ tremuere vrbes, horrorq;, pavorq;  
 It campis, Mars Germanam comitatur ouantem:  
 Attoniti spectant populi, gaudentq; tueri  
 Nunc primum, nunc & medium, nunc agmen obire  
 Postremum, nunc pellere equum, nunc tendere in hostem,  
 Turbantem cuneos, & abactis agmina signis.  
 Assistent comites circum solertia, & astus,  
 Et magna audentes animi, & tolerantia dura,  
 Curaq;, sedulitasq; vigil, spesq; alta, laborq;,  
 Et Diuum fauor, & ventis fortuna secundis,  
 Pone sequens magno graditur victoria plausu.  
 Nec minus horrenti a bello, partisq; triumphis

Si iuuat ingenij, pacisq; incumbere in artes,  
 Nunc lauro redimita comas, imitata forores  
 Castalias, plectis numeros, & carmina dictas,  
 Carmina, nec rerum fato subiecta, nec æuo:  
 Nunc magnos dimensa orbes in templa Deorum  
 Attollis animos, patrioq; assuescis olympo:  
 Nunc tua describis vel regum gesta tuorum,  
 Aut eadem depingis acu. Stant curribus alitis  
 Et pater, & proauus, cunctiq; ex ordine reges,  
 Captiuosq; hostes, & vinctos colla Tyrannos  
 Ante rotas longis ducunt in templa triumphis:  
 Ipsa opus & textum stupet immortale Minerva.  
 Quam vero, ò quam te dicam, quum legibus æquis  
 Iustitiaq; feros populos frenasq; regisq;  
 Et diuina doces iura, & ciuilia ferre:  
 Aut arces tollis, aut propugnacula condis:  
 Aut matres inter medias, populosq; frequentes  
 Incedis regina. fauor comitatur euntem,  
 Maiestasq;, pudorq;, tamen qui Pallada possit  
 Armata, & Martis gradientem in bella decere.  
 It dextra pax lata manu, & prætendit oliuam.  
 Applaudunt Sequani, floresq; & lilia passim  
 Effundunt, gaudentq; tuas attollere laudes,  
 Reginamq; Deamq;, salutiferamq; salutant,  
 Et pace insignem, & bello ferroq; potentem.  
 Fortunata nimis, magnus quam Cæsar, & omnis  
 Suspicit exoratq; orbis, cui lumine tellus  
 Foelici arridet, totus cui militat æther.  
 Dîs quanquam visum aspectu tibi debita regna  
 Paulisper priuare tuo, seu crimine ciues  
 Id meruere aliquo, seu te tua fata reseruant  
 Ad maiora, viamq; tuis virtutibus amplam  
 Expediunt, panduntq;. Etenim iam tempora lata  
 Illa instant, quum post lacrymas, post publica vota  
 Te tandem tua regna nouis decorata trophæis  
 Accipiant, & iusta tibi solennia soluant.  
 Iam ludi, festiq; dies, iam sacra parantur  
 Iam placidus ripa gaudet Meniascus amœna:  
 In templis pueri impubes, mixtæq; puellæ



sacra canent, ortusq; tuos ad sidera tollent:  
 Vt nascentem Vlnis primæ excepere camænæ,  
 Melleq; & Aonio tetigerunt ora liquore:  
 Vt Charites fouere Deæ, et decus omne dedere:  
 Vt parua in numerum pedibus cunabula diuæ  
 Pellentes, manibus nentes fatalia pensa  
 Grandia concordēs cecinerunt fata sorores.  
 Stabunt ingentes sublati molibus arcus  
 Cælati gestisq; tuis, factisq; tuorum.  
 Supra omnes humeris extans altaq; corona  
 Frater erit, senosq; ferox ex hoste triumphos  
 Ducet ouans. mox fortuna congressus iniqua,  
 Cum dura bellare Dea, et decernere dudum  
 Cogetur. longe illa euris in bella vocatis  
 Obicere aduersos, & toto nubila cælo,  
 Et casus, et monstra modis minitantiā miris  
 Cernetur: Rex contra animis, et fortibus ausis,  
 Et virtute noua tandem superare cadentem,  
 Tendentemq; manus: tum ferro et compede vincētā  
 Protrahere, et campo captiuam ducere aperto:  
 Nubila diffugere, et turpi deformia monstra  
 Victa fuga, vario bello consumpta fameq;  
 In cæcas latebras obscuraq; tartara condi.  
 O, mihi si tantum iuuenili in corpore vitæ,  
 Et tantum det Parca mihi, hæc ventura superstes  
 Vt videam, comiterq; tuos regina triumphos:  
 Mox etiam spectare queam et maiora parari.  
 En erit, en vnquam illa dies, cum Gallica signa  
 Attolli, et Sequanos compleri milite campos  
 Conspectiam, fremere arma Rhemos, fremere arma Cadurcos,  
 Aulercosq;, Heduosq;, et pictis Lingonas hastis?  
 In medijs regem secum catasacta trahentem  
 Agmina, sublimem sanctas procedere ad aras,  
 Per caput et sacram regum de more coronam  
 Iurantem, et Solymas repetentem debita sceptris  
 Regna suis: te parte alia fortes Ituriscos,  
 Andelos, Biturasq; feros in bella mouentem:  
 Consilijs, tantoq; operi comitemq; ducemq;  
 Ascitam: nec non tanto sub rege coactam

In ferrum ruere Italiam, & socia arma trahentem  
 Signa sequi. mox ò liceat cœloq; secundo,  
 Et præsente Deo, tot sese addentibus vna  
 Prospicere immensum consterni puppibus æquor,  
 Carmeliq; procul rupes, & littora Iopes  
 Lætæ Dei classem, & victricia vela vocare,  
 Et trepidum Euphratem, & magni tremere hostia Nili.  
 Tunc ego non alium Martem, mihi Pallada poscam  
 Non aliam mihi: rex Mauors, tu, maxima Pallas  
 Sola eris. ò ego tunc gemino sub numine tutus  
 Per medios hostes videor densosq; maniplos  
 Victor agi, videorq; mea sub cuspide fractos  
 Munera magna tibi captiuos ducere reges:  
 Nec non & spolia ampla tuis addenda triumphis  
 Iungere, barbaricas vestes, regumq; Thiaras,  
 Armaq;, migdoniosq; arcus, lyciasq; pharetras:  
 Cernere & exanimem fuso cum milite portas  
 Caucasæas atq; hircanos inquirere saltus  
 Maumethem, & sese extremis occludere bæctris.  
 Hæc, precor, hæc propere eueniant fœlicibus astris,  
 Si qua fata dabunt, votis si Iuppiter adsit.  
 Interea, siue hæc te cura & gloria tangit,  
 Seu pacem Europæ miseræ moliris, & arma  
 In superûm sæuos hostes auertere tentas,  
 Magnanimo assistente tuis conatibus **A N N A**,  
**A N N A** spectato meritis, cui summa potestas  
 Tradita, quo rerum moles onerosa recumbit,  
 Quicquid agis, si quando animum conuertis ad ipsam  
 Italiam, neq; enim teneat non hæc quoq; cura,  
 Tunc dicas, cœlo ante alios mihi fidus in illo est,  
 Qui nisi pro rege inuigilans noctesq; diesq;  
 Illic res Italas, & regia munera tractet,  
 Gallica suspiret regna, & tabescat abesse.

Præterea, Dea bellipotens, quæ munera **C A E S A R**  
**F R E G O S V S**, parua illa quidem, sed congrua mitto,  
 Haud ingrata tibi latijs accedat ab oris,  
 Vna eadem, faciesq; tui, faciesq; Minervæ.  
 Quin etiam, quoties Diuam spectare iuuabit,  
 Te toties spectare puta. Sed, me quoq; tanti



*Si facies, si me tali dignabere honore,  
Cum memor ipsa mei fueris, tum nomine nostro  
Longæuamq; diem, & foelicia cuncta precata  
Dina tuum saluere inbe super omnia Martem.*

*AD FRANCISCVM TVRRIVM  
VERONENSEM.*

**T** V R R I, si aut mihi villa & lar sit latior, aut tu  
Ferre domum tenuem possis, paruosq; penates  
Urbe procul ruri sese abscondentis amici,  
Quantum ego te his mecum CAPHIIS in montibus optē,  
Montibus his, vbi, si querula nemora alta cicadæ  
Non rumpant, equidem vix norim æstatis adesse  
Tempora, tam leni mitescit Iulius aura.  
Sed quid, si est angusta domus, dum puluere & omni  
Munda situ: dum sit nullo turbata tumultu,  
Nescia curarum, nullius conscia culpæ:  
Alta vbi per totum sit pax, & amica camænis  
Ocia, & integri per magna silentia somni?  
Quid refert, alius minio laquearia rubra  
Si inspicere, ipse velim fuligine nigra videre?  
Si non deiectum cælo Iouis igne Typhoëa  
Terrigenasq; alios, spirantia signa, videbis  
Admirans opus æterni memorabile IVLI,  
At bona libertas aderit, quæ rura beata  
Præcipue insequitur, simplexq; incedit & exlex.  
Hic tibi, si paulo digitus sit inunctior, aut si  
Potanti insonuit cyathus, vel si pede utroq;  
Non steteris, nemo obijciat, nemoq; sedentem  
Arguet, hoc illi si fors super incubuit crus.  
Stare, sedere, esse ex libito, & potare licebit.  
Forsit an & mihi quid vitæ, quid sit studiorum,  
Nosse optas, quò vel damnes, vel singula laudes.  
Mane uenit, iuuat Auroram Solemq; videre  
Nascentem, qui non alio consurgit eo  
Pulchrior, vnde nona latantur singula luce,  
Fracastory.                      ZZZ      Et

Et Sylvæ, scopuliq; & pictis nubibus ær.  
 Parte alia Benacum alto de colle saluto,  
 Centum cui virides inuergunt flumina nymphæ:  
 Ipse sinu magno genitor magno excipit amne.  
 Tum iuvat aut spectare boves mugitibus alta  
 Complentes nemora, aut pulsas in pascua capras.  
 Præcaperit, cui barba inbat, cui cornua pendent  
 Intorta, & grandes olido de corpore setæ.  
 Pone gregem reliquum compellit harundine virgo  
 Vpilio, multo armantur cui balthea fuso.  
 Interea natos discentes rustica amare  
 Numina, vicini nemoris gelidam voco in umbram,  
 Qui libros, qui secum horæ solatia portent.  
 Hic legitur viridiq; thoro, saxone sedetur  
 Glandifera sub Fago, aut Castanea hirsuta.  
 At variæ circum sylvis, & frondibus altis  
 Assuetæ ludunt volucres, atq; athera mulcent.  
 Tum densum nemus, atque umbræ per gramina læta  
 Ieiunas nos inuitant spatiarier horas.  
 At fessi hæc inter pueri sitiuntq; dolentq;  
 Plus æquo retineri, & iam musasq; librosq;  
 Et Pana, & gelidi pinus odere Lycæi.  
 Ergo præcurrere, & aquas, & vina pararunt  
 Lucenti in vitro, & flores sparsere nitentes.  
 Aduenio. primas atro lita mora cruore,  
 Aut grossi mensas incunt, Cors cætera, & hortus  
 Sufficit. Interea crebro sonat area pulsu,  
 Increpitat seges, & duri sub Sole coloni  
 Alternis terram feriunt, & Adorea flagris.  
 Fit clamor, resonat tellus rupesq; propinquæ,  
 Et paleæ sursum strepitu iactantur inanes:  
 Lætæ Ceres alto ridens despectat Olympo.  
 Umbra diem reliquum, somnus, libriq; viæq;  
 Producunt, dum siccam æstu Canis excoquit urbem.  
 Verum, ubi cœruleis serus sese extulit undis  
 Vesper, & in Cœlum surgentia sidera vexit,  
 Vicina è specula, magni admirator olympi,  
 Alta rupe sedens natis astra omnia monstro:

Accendoq;



Accendoq; animos patriæ cœlestis amore.  
 Illi admirari, & cognoscere sydera discunt  
 Capheaq; , Arctonq; , & seruantem plaustra Bootem.  
 Hæc ergo præferre Vrbi, & contemnere magna  
 Si possis, quid te teneat, ne tu ocys ad nos  
 Accurras? etiam has sedes, hæc limina magnus  
 NAVGERVS subiit, nec dedignatus adire est  
 BATTVS amor musarum, ipsum quo tempore primus  
 Pana, atq; antiquos cecinit telluris amores.  
 Hic me etiam desueta Deæ, medicumq; , senemq;  
 Carmina iusserunt canere, & ridere beato  
 Illudentem urbem, & male sani murmura vulgi.  
 Verum, hæc GIBERTVS ne viderit ipse, caueto:  
 Ni forsan Bubulone animum, curasq; relaxans  
 Propter aquam viridi letus confederit herba  
 Quâ placidus leni descendit Tartarus amne.  
 Scilicet hic numeros non aspernatur, & audit  
 Nos etiam, & nostram, quamuis sit rustica, Musam.  
 Verum, vbi se sibi restituit, mentemq; recepit  
 Illam alto intentam cœlo, seu sacra sacerdos  
 Munera obit, totum seu contemplatur olympum,  
 Tum supra & musas, & ruris numina supra est,  
 Vitam agitans Diuûm, Dijs se cœlestibus æquans.

**S** Acrorum si plena Deo sunt pectora vaturn,  
 Si norunt triplices fata futura Deæ:  
 Fortunate infans, verus tibi gloria vates  
 Grandia concordēs concinnuere Deæ.  
 Ecce tuo foelix nasci nouus annus ab ortu  
 Incipit, atque omen nomine habere tuo.  
 Cresce cito, magniq; patris mirarier acta  
 Incipe, & inuicti CAESARIS arma sequi.  
 Tempus erit, tibi cum partis iam mille trophæis  
 Et fessi rebus compositis Latij,  
 Barbaricis captis opibus, Ducibusq; subactis  
 Multa tibi circum tempora laurus eat.  
 Tum leta ante tuum stabit victoria templum,  
 Claudet & aerata lumina athena sera.

ZZZ ij Impositum

## C A R M I N V M

**I**mpositum quum te pheretro miserande **MADRVTI**  
 Cerneret illachrymans Cæsar, circumq; videret  
 Et spolia, & victis erepta ex hostibus arma,  
 Et modo victrices iuxta mœrere phalanges,  
 Quantum (inquit) tua Mors nostris inimica triumphis  
 Lætitiæ, decorisq; adimit, spes quanta futuri  
 Tecum **ALIPRANDE** cadit. Sed nō tua viuida virtus,  
 Vt te hunc aspicerem, tua non promiserat atas:  
 Sed fore, qui Solymis mecum atq; oriente subactō,  
 Barbaricis regum spolijs & mille trophæis  
 Olim magna tui decorares templa Tridenti.  
 Inuidit mors tanta tibi. Vos nobile corpus  
 Ferte Ducis vestri iuuenes, & reddite matri  
 Exanimi: sed & hæc miseræ solatia ferte,  
 Se tantum peperisse virum, qui Cæsaris vsq;  
 Et comes, & benegestorum pars maxima rerum,  
 Cæsar ex animo nullo delebitur æuo.

**D**Vm Medica **MONTANE** doces ope vincere fata,  
 Et Lachesi inuita viuere posse diu,  
 Lethæo indignans pressit te parca sopore,  
 Et secuit vitæ grandia fila tuæ.  
 Sic, animas & tu Asclepi dum subtrahis orco,  
 Te quoque sæuorum perdidit ira Deūm.

## A D A L E X A N D . F A R N E S I V M

*Cardinalem amplissimum.*

**P**risce virtutis, Romani & sanguinis hæres  
**FARNESI**, quoniam nec Dij munuscula lætæ  
 Despiciunt, hominum spicas, acserta rosarum,  
 Ibaq; & exigui deuotum thuris honorem:  
 Tu quoq; (si mores imitari, ac facta Deorum  
 Præcipue Heroum est) non dedignabere parua  
**FRASTORI** quæ dona tui natusq; paterq;  
 Perpetui affectus monumenta, ac pignora mittunt.  
 Hos tibi patre Lyco, Scylla genitricem gemellos

Dat



Dat natus sua dona canes. Scyllæ inclita origo  
 A Nilo est: Lycus à magno descendit Araxe.  
 Qui quondam Euganeas transmissi munus ad oras,  
 Præstabant cunctis, siue aprum figere morsu  
 Esset opus, rapidum cursu seu vincere ceruum.  
 Horum igitur sobolem natus tibi ab Vbere matris  
 Nutrijt ablatam, & nostris exercuit aruis  
 Venatu assiduo, & vires durante labore,  
 Nostrorum famam nemorum, geminumq; ferarum  
 Terrorem, nunc ille tibi quam mittit habendam,  
 Romanis eadem in campis si forte sequetur  
 Gloria, & ignota fors in regione iuuabit.  
 At genitor, nati cum munere, carmina mittit  
 Hæc tibi: quæ, quanquam tristi fugiente senectæ  
 Lætitias cantusq; , tamen voluere camœnæ  
 In te vnum, Dominæq; mei, nimiumq; potentes,  
 Vt canerem, musaq; canes comitarer amica.  
 Ergo tot rerum curis, ac pondere tanto,  
 Quo premeris, dum rem Romanam, ac publica curas,  
 Si quando defessum animum, mentemq; remittes  
 Liber, & ad dulces poteris te vertere musas,  
 Hæc quoq; nostra leges: ea si dignabere tanti,  
 Inter Romanas vt eant spectanda camœnas.  
 Quod si etiam recreare animum corpusq; iuuabit  
 Venatu, & latos saltus ac densa ferarum  
 Lustra fatigare, & capreas agitare fugaces,  
 Tum canibus miscere tuis, tecumq; vocare  
 Ne pigeat nato missos. hirsutior ille  
 Cuncta niger, tantum pedibusq; & gutture canus,  
 Non inuitus herum Tyberonis voce sequetur.  
 Ast Athiso (nanque hoc alter de flumine nostro  
 Nomen habet) nec cursu impar, nec dente minaci  
 Segnior, anguineo suffusus terga colore,  
 Frontem albo pictus discrimine, pictus & albo  
 Cervicem, caudamq; imam, pectusq; , pedesq; ,  
 Addictus lateri nunquam discedet herili:  
 Tantus amor domini: nisi forte cupidine prædæ  
 Conspectæ impatiens etiam retinacula frangat.  
 Hic tu, vel pulchro Calai, vel Tyndaridi alto

Polluci similis, sylvas latratibus omnes  
 Complebis, rupesq; hominum clamoribus altas,  
 Vectus equo hamonio, & fulgenti clarus in ostro.

Attonitæ visu discent nemora inter amare  
 Rusticæ Hamadriades, discetis amare Dianæ  
 Insuetæ comites: volucris sed concitus ille  
 Fertur equo, vestrosq; aliò deportat amores,  
 Insequiturq; feras. ah ne illum accensa cupido  
 Venandi, excitos sylvis impellat in Vrsos:  
 Ne in sæuos impellat apros: tibi cura, Dione  
 Aeneadum genitrix, sit custodire nepotem,  
 Et iuuenem ilicea defessum sistere in Umbra.  
 Sat sylvis animoq; datum est: illum sua Roma  
 Poscit, et expectat lati res publica mundi.

I spes magna Urbis, rebusq; vocantibus adsis.

Interea, quando mihi Diuus habere semper,  
 Ipse tibi C A P H I I S sacras in montibus aras  
 Instituat, qua se summo de vertice collis  
 Tollit, et æquatum Benaci prospicit æquor,  
 Et virides olea ripas, patriamq; Catulli.  
 Hic tibi solennemq; diem, et renouanda quotannis  
 Sacra, tuo statuam semper de nomine dicta.  
 Tunc rosa, tunc violæ, tunc purpurei hyacinthi,  
 Verbenæq; senem deceant, tunc texere flores,  
 Et viridem cano capiti imposuisse cororam,  
 Lætitiæq; diem et multo producere Baccho,  
 Fallentem senium, et curas de corde fugantem.  
 Forsitan et musarum aliqua, et tibi fautor Apollo  
 Plectra mihi, citharamq; dabit: Deus ipse canentem  
 Perq; tuos annos, perq; acta illustria ducet.  
 Infanti vt prima impellens cunabula Pallas  
 Adcecinit cantu graio, cantuq; latino,  
 Scilicet et fari lingua assuesecit vtraq;.  
 Vt puerum aonio perfusum labra liquore,  
 Per dulces musarum hortos et amœna vireta  
 Perduxit, nunc Vranie, nunc Calliopea,  
 Nunc Clio monstrante viam, nullaq; sororum  
 Non donante rosas, etserta virentia lauro.  
 Tum mores animumq; dedit, sensumq; senilem,

Atq;



Atq; urbem regere, ac sacro splendere galero.  
 Nec iam Roma capit, sed lata in regna vocatum  
 Ad pacem Europæ, non te maria alta fatigant,  
 Non inga, non toties superatis nubibus alpes.  
 Te pœninæ arces, celerem te Norica saxa  
 Spectarunt rapido montana per ardua cursu,  
 Quantum Sol cœli, tantum telluris obire  
 Matre Dea comitante, & iter monstrante nepoti.  
 Nec satis hæc: maiora vrgent. Germania nuper  
 Grata Deo, nunc ingenijs elata superbis  
 Detrectare iugum Imperij, & se opponere patrum  
 Sanctorum placitis, & sacris legibus audet:  
 Nec iam Pontificum, nec iam Ullos Cæsaris audit  
 Infœlix monitus, sed læo numine Diuûm  
 Arma parat: socium Cæsar te poscit in hostes,  
 Pro sceptro Imperij, pro religione Deorum.  
 Tunc primum stupida gentes videre latinæ  
 Te, FRATRE MQ. tuum patria virtute, animisq;  
 Inuictis pariter, res duri & munera belli  
 Tractantes: gemini quales duxisse feruntur  
 Tyndaridæ pulchri graias in bella cohortes.  
 Tunc primum Romana acies, antiquaq; virtus  
 Visa fuit: Ducibus tantis Mauortia pubes  
 Magnanimi Aeneadæ, memores virtutis auitæ  
 Bella cient: Italo pleni iam milite campi  
 Densantur: iam procedunt longo ordine signa  
 Sublata in ventos, lateq; inimica minantur.  
 Nec mora, iam summis Romanus miles, & arma  
 Alpibus apparent: concussæ motibus illæ  
 Fuderunt gemitus, longe vagus audijt Oenus,  
 Obriguitq; gelu: riguerunt flumina Rheni,  
 Et pauidus fluxit demissis cornibus Ister.  
 Romanum ad nomen planxerunt pectora matres,  
 Charaq; in hercinias traxerunt pignora soluas.  
 Sed quò me rapitis musæ? quid facta reuoluo  
 FARNESI? Maiora animo iam concipe, teq;  
 Impavidum, inuictumq;, alijs accinge triumphis.

Adiu.

# C A R M I N V M

## A D I V L I V M I I I.

*Pontificem Maximum.*

**M**axime Diuini pastor gregis in chlyta **V L I,**  
 In terris cui summa vni est concessa potestas,  
 Sceptra vicesq; Dei gerere, & regna infera ditis,  
 Cœlorumq; fores aperire, & claudere posse:  
 Si tu, dum magnæ Italiæ, dum prospicis omni  
 Europæ, & vasta mundi sub mole laboras,  
 Paulisper potes à tantis secedere curis,  
 Et potes agrestes pastorum audire camœnas,  
 Nunc aures adhibe placidas mihi. Nanque ego, quæ Pan,  
 Pan magnus cecinit nostros ventura sub annos,  
 Nunc referam, tua magne pater pars maxima quorum est,  
 Cuius ab auspicijs Parvæ noua secula volunt.  
 Nec te poeniteat pastorem audire canentem,  
 Quando etiam Admeti tauros formosus Apollo  
 Pauit ad Amphrysi ripas, tenuiq; cicutæ  
 Non puduit cantare Deum sub tegmine acerno:  
 Et veneri dilectus oues ductauit Adonis.  
 Scilicet & tu etiam post grandia nomina pastor  
 Diceris, atq; hoc in primis cognomine gaudes,  
 Et pecudes curare soles, pecudumq; magistros.  
 Forte ego, dum medio terras Sol excoquit æstu,  
 Ipse Sueßani pastor puer Incola campi  
 Ducebam pastas viridi de valle capellas  
 In nemorum secreta, umbras & frigora quærens,  
 Qua placidus cursu descendit in æquora Liris.  
 Est lucus, prisca quem sacrauere latini  
 Syluano: in cuius medio densa ilice cinctum  
 Est pratum, agrestes vbi Dÿ persæpe videri  
 Audiriq; solent: hîc Capripedes Satyriscos  
 Pastorumq; manum iunctis per mutua palmis  
 In girum canere, & lætas agitare choreas  
 Inuenio admirans. medius Pan magnus ouantem  
 Ad calamos, cantusq; regit ducitq; coronam.  
 Dumq; Deus canit ipse, silet tum cætera pubes.

*Dum*



Dum silet ille, alij Thyasos, cantusq; , sequentes  
 Instaurant, repetuntq; Dei postrema canentis.  
 Ingeminat postrema nemus, respondet & Echo.  
 Tum me respiciens, mihi sanguine proximus Acmon,  
 Acmon aquinatis pastor gregis, huc puer, inquit,  
 Huc ades o Neore, & te his adiunge choreis:  
 Aut, spectare magis si te iuuat, agere ab illo  
 Prospice, dum saturæ sua ducant ocia capræ.  
 Cui ego, quin potius iuuat hoc de cespite vestros  
 Spectantem lusus, molli requiescere in herba.  
 Et tum forte Deus buccas sandice rubentes  
 Inflans, & picea frontem præcinctus acuta,  
 Ad calamos circumfiliens, hæc carmina cantu  
 Fatidico insanus latas fundebat ad auras.

Dicite Io Satyrisci, & Io geminate coloni,  
 Aurea foelici nascuntur secula mundo.  
 Excipiunt Iuuenes, iterat nemus, assonat Echo,  
 Aurea foelici nascuntur secula mundo.  
 Tum sequitur Deus, ante tamen rex magnus Olympi  
 Bellumq; , horribilemq; famem, diramq; flagellis  
 Armatam Aleto è tenebris, & faucibus Orci  
 Immittet terris, genus vt mortale coërcens  
 Castiget, fraudesq; hominum, fastusq; superbos,  
 Et luxus, & spes miseras, & gaudia vana:  
 Dum tandem sese, atq; Deos cognoscere discant.  
 Mox tantum expectatum illud, quod carmine sacro  
 Tot Vates cecinere pij, foelicibus astris  
 Adueniet tempus, quo Mons ille arduus, ille  
 Mons ingens, sublime caput super omnia tollat  
 Culmina, sydereum qui vertice tangat Olympum:  
 Quò neque vis ventorum adeat, non fulminis ignes.

Dicite Io Satyrisci, & Io geminate coloni.  
 Aurea foelici nascuntur secula mundo.  
 Hoc in Monte, Dei pecudes pascentur & Agni,  
 Graminis æterni pingues, & velleris aurei.  
 Exilient & aquæ viuæ, quibus vbera capræ  
 Grandia distendant, distendant vbera vaccæ.

Fracaſtorij.

& & & Non

*Non malus hîc serpens, non noxia creuerit herba,  
 Non sentes, sterilis ue filix, non frigida Taxus,  
 Sed bis lecta seges, sed bis grauis vna racemis:  
 Corticibusq; cauæ sudabunt balsama pinus.  
 Hinc magnis præstantem animis, & fortibus ausis  
 Fortunata nimis pastorem hæc secula habebunt,  
 Qui virtute regat populos, & legibus æqui:  
 Diuinas qui impinguet oues, & pascua latè  
 Extendat, pecudesq; ipsas, & ouilia seruet.  
 Hîc primum diram Aleæto, & Cocytia monstra  
 Caucasea ærata religabit rupe catena.  
 Inde famem miseram è latio, populisq; Deorum  
 Pellet in hostiles gentes, & barbarara regna.  
 Tum læta vbertas, segetumq; onerata manipulis  
 Alma Ceres Italas spicis venerabitur aras:  
 Quam circum pueri salient, & rustica pubes,  
 Ridentesq; iocos, incomptaq; carmina dicent.  
 At noti musis Damones & Alpheisibœi  
 Vota patri magno, laudesq; & sacra canentes  
 Aeternis illum numeris ad sidera tollent,  
 Heroemq; Deumq;, salutiferumq; vocabunt.*

*Dicite Io Satyrisci, & Io geminate coloni.*

*Aurea fœlici nascuntur secula mundo.*

*Ille animum mox ad pacem, & discordia regum  
 Pectora conuertet, sanctisq; hortatibus iras,  
 Atque odia, et cæcos regnorum et laudis amores,  
 Horrendamq; sitim cædis, fusiq; cruoris  
 Sedabit, pelletq; feri mala semina belli.  
 Tum Pax alma ferens ramos fœlicis oliuæ,  
 Atq; Amor, et iunctis pariter Concordia dextris,  
 Et Genius comitum, et generis Hymenæus amator  
 Inuisent latè populos, I atiq; per arua  
 Lætitiâ, risusq; ferent: tum iusta cupido  
 Bellorum, piaq; arma, Dei vertentur in hostes.  
 Iam video augustis latè plena æquora velis  
 Feruere, iam trepidare vagi septem ostia Nili,  
 Euphratemq;, Tigrimq; suo se condere in amne.*

*Iam*



*Iam nec Bactra ipsum capiunt, non India tota  
Maumetem fugientem, ipsum non caucassus ingens,  
Non qui tot sylvas, inga tot comprehendit Imaus.*

*Dicite Io Satyrisci, et Io geminate coloni.*

*Aurea felici nascuntur secula mundo.*

*Quæ nam, quæ properant tantæ per cœrula puppes  
Deuotæ ad Tyberim, magnæq; ad mœnia Romæ,  
Ceu densæ ad nidos latum per inane columbæ?*

*Agnosco gentem innocuam, numerumq; beatum,  
Fœlices animas, fatis ab origine prima*

*Dilectas, quæ cœlo olim, Diuisq; fruantur.*

*En iam sanctam urbem, iam septem in collibus aras  
Impositas, summiq; pedes Pastoris adorant.*

*Hos inter, video, et nostri longa æquora sulcant*

*Arcades, Italiamq; petunt, fataliaq; arua*

*Arcades. ò Soli quondam cantare periti*

*Pastores, quos iustitia è tellure recedens*

*Postremos liquit, nunc rursus læta reuisit.*

*O sancti properate, vocat Deus æthere ab alto:*

*Vos alius iam grex, aliudq; expectat ouile.*

*Quin venit illa dies, quum nos quoq; Menala nostra,*

*Arcadiamq; omnem, qua immani à gente repulsi*

*Fugimus in latium, longo post tempore tandem*

*Visamus, dulcemq; auram. ò Placidissime Penen,*

*O Ladon, vos ò gelidi pineta Iycæi*

*Quando ego per vestros meditabor carmina lucos,*

*Menalios quando recinet mea tibia versus?*

*Menalus auritas, dantesq; oracula quercus*

*Semper habet, semper doctas ille audit auenas*

*Concipe Menalios mea Tibia, concipe versus.*

*Talia cantabat memorans Pan magnus: at ACMON*

*Hæc referes puer, inquit, et hoc tibi munus habeto*

*Nunc paruum, ventura dies maiora reservat.*

*Tum mihi fiscellam dono dedit optimus ACMON,*

*Dicere et occasus astrorum, dicere et ortus,*

*Et quid quæq; ferat tellus, quæ commoda Baccho,*

*Quæ Cereri, quid nam ventos, quid nunciet hymbres,*

☞☞☞ ij Quæ

Quæ tempestatum, cœli quæ signa sereni.  
Denique quæ cunctis natura sit indita rebus.  
Virtutem in primis & honestum, quemq; docere,  
Ac vitij ipse expers, aliena in dicere promptus.  
Et iam tempus erat pascum deducere capras.

## I N C I D E N S

AD IOAN. BAPTISTAM TVRRIVM  
VERONENSEM.

**I**LLA colum exercens saxo confedit aprico,  
Lata repore nouo, & liquefacta Sole pruina:  
At iuxta nemore in magno grex pascitur omnis,  
Adeundem.

**F**Rigidus at soluis Aquilo si increuerit, aut si  
Hyberni pluuijs descendunt nubibus hymbres,  
Nos habeat domus, & multo lar luceat igne.  
Vpilio ingentem aut sagum, vel scissile robur  
Sufficiat, tum vos, claro quando igne soletis  
Iuniperi suaues circum diffundere odores,  
Et vos palladiæ flammis imponat oliuæ.  
Ante focum tibi paruus erit, qui ludat, Iulus,  
Blanditias ferat, & nondum constantia verba.  
Ipse legam magni tecum monumenta Maronis.  
O fortunatos nimium, si fata, quod æui  
Nos manet, hac vna dederint producere vitam.  
Adeundem.

**I**AM Veniet ver purpureum, iuuenisq; reuertens  
Annus aget Zephyros, & cœlo de super alto  
Deducet pleno genitalia semina cornu:  
Vnde hominum genus, & pecudum, vitæq; natantum,  
Et piæ & volucres, & amantes rorida plantæ  
In Venerem cæco æterni rapiuntur amore.  
Gaudete, ò quicumque bonum speratis agrestes,  
Quorum amor est sobolis, studiumq; nepotibus arua  
Incolere, & paruas vlmis attollere vites:  
Annus Io, nouus annus adest: mutatur & ætas,  
Et meliora nouo nascuntur sæcula mundo.



Bella



Bella pater procul, & diras Saturnus Erinnes  
 Arcebit caro è latio, ac sub tartara mittet.  
 Tum lethum, & cæcus furor, & vasa cupido  
 Perpetuis extra terras religata catenis  
 Persoluent pœnas scelerum : at pax alta per omnem  
 Italiam magno populos sub Cæsare viset.  
 Ille autem insignis spolijs, & mille trophæis  
 Instituet festos alta ad capitolia ludos.  
 Stabit onusta ingens, tarpæi ad limina templi  
 Quercus honore sacra, & prænuncia temporis auiæ.  
 Tum vesca glandes, tum terra sponte ferente  
 Omnia : comparibus disjunget colla iuuenis.  
 Agricola, & rudibus mirabitur hordea sulcis  
 Sponte adolere sua, & nullo frumenta colono  
 Vndantem letis segetem flauescere campis.  
 Noctibus in syluis & mollia prata serenis  
 Aethereo dulcem commixtum nectare rorem  
 Sudabit cœlum : tenera qui lectus ab herba  
 Mortales saturat mensa dapibusq; Deorum.  
 Salve magne Tybri, & vos natæ Tybride nymphæ,  
 Tuq; senex pater Eridane, & qui flumine tusco  
 Benace in nostro placidus perlaberis agro.  
 Tuq; Athesis, cunctiq; amnes saluete latini,  
 Dijq; omnes magnæ Hesperia, qui sæcula soli  
 Aurea Saturni primo meministis ab æuo:  
 Quum sæpes vel limes adhuc communibus agris  
 Non foret, aut vlli variarent iugera sulci,  
 Sponte sua sed terra ferax daret omnia, & ipsæ  
 Præberent dulci victum de robore glandes.

Incidens ad eundem.

**Q**Varum pars brumæ impatiens, & condita terræ  
 Expectat ver egelidum, flatuq; fauoni:  
 Pars passura hyemem, læta ab radice virescit,  
 Emittitq; comam, siculumq; atq; altera beta,  
 Atq; ari virides, & odorifera calaminthæ,  
 Atq; olius, atq; rumex, & salsi gramina Crithmi.  
 Quas inter suaves mollesq; aspirat odores

iiij

Nunc

Nunc, decus hortorum, mentasat, si vera loquuntur,  
 Nympharum quondam pulcherrima graiugenarum.  
 Tum iuuat & frondes Apij, & silymbria lata,  
 Intubaq; & toto florentes frigore soncos  
 Incolere, atq; hortis aquilonem arcere nocentem.

Nox venit, & pastæ redeunt ad tecta capellæ.  
 Præ caper it, cui barba iubat, cui cornua pendent  
 Intorta, & grandes olido de corpore setæ.  
 Pone gregem reliquum compellit arundine virgo  
 Vpilio, multo armantur cui balthæa fuso.  
 At mater longæua, igni dum brassica feruet,  
 Mulctra effert, grauidoque recens lac ubere mulget.  
 Rusticus interea pinguis collector oliuæ,  
 Interea & validus prima de nocte bubulcus  
 Aduenere domum: congesta tum focus orno  
 Ingenti, aut fago, vel fragmine roboris, ardet.  
 Tolluntur lætæ flammæ, lateq; relucet.

Aliud incidens ad eundem.

**A**T nemora, & liquidis manantia fontibus arua,  
 Et placidus myrteta inter, laurosq; virentes  
 Vicinus nitido Benacus labitur amne.

At focus, & circum pueri vernæq; canentes,  
 Dum cœna vndanti coquitur sylvestris aheno,  
 Grandiaq; exurunt crepitantes robora flammæ,  
 Suspensæ e summis pendent laquearibus vuæ,  
 Malaq; castaneæq; & passo fistula ventre.  
 Hyberna de nocte, boum stabula alta petuntur.  
 Vnâ omnes matresq;, viriq;, omnisq; iuuentus  
 Insomnem exercent noctem: pars pensa fatigat:  
 Pars texit teneros amerino vimine quallos:  
 Atq; annis hîc aliqua interea, dum vellera carpit,  
 Et teretem tremulo propellit pollice fusum,  
 Languentis oculos fabella fallit inani.

Aliud.

**M**Ane domi validos pluuia vt conclusit agrestes,  
 Cæditur iliceo distenta sagimine porca.  
 Lata domus. tum sollicita in farcimine mater

Pingue



*Pingue suis niueum, & dissecti frustra cerebri,  
Et niueum lac purpureo cum sanguine miscet.  
Tum semen maratrit, atq; arentis gramina tymbra  
Adjicit, inspersoq; coli sale concava complet.*

**B**ATTVS amor Dryadū defunctum pastor IOLAM  
Flebat. eum fontes, Alpinaq; numina circum,  
Sarcāq; , pumiceoq; sedens Benacus ab antro  
Mœrentem lacrymis consolabantur obortis.  
Ille autem nulla accipiens solamina, tantum  
Deserta sub rupe, in littoribus Benaci,  
Talia nequicquam surdas iactabat ad vndas.

*Immites Diui, & crudeles vos quoq; Parca,  
Crudeles nimium Parca. Vos ibitis amnes,  
Aërea stabunt rupes: nusquam amplius ipse  
His terris, nunquam hoc cœlo agnoscetur Iolas.  
Vt cecidit? semel in pratis vt purpureus flos,  
Quem tetigit vel hyems, vel iniquo Sirius astro.  
Currite iam fluuiorum vnda, & producite vitam,  
Et rupes durate: tamen non alter Iolas  
Hos pecus in montes, non hæc ad flumina ducet.*

## AD M. ANTONIVM FLAMINIVM

*& Galeatium Florimontium.*

**D**VM vos fatidicos vates, arcanaq; sensa  
Voluitis, atq; animum cœlesti nectare alentes,  
Alloquijs, magnosq; Dei consuescitis ori  
Fœlices Duce Gibberto, Campense magistro:  
Quid dicam miserum me agere, & quam ducere vitam  
Irrequietum animi, & quærentem indagine vana  
Naturam semper fugientem: quæ se vbi paulum  
Ostendit mihi, mox facies in mille repente,  
Ceu Proteus, conuersa sequentem eludit, & angit  
Mœrentem senijq; horas, cassumq; laborem?  
Nuper enim tennes species, simulachraq; rerum,  
*Quæ*

Quæ fluere ex ipsis dicuntur, perq; me are  
 Omnia, dum sector meditans, tacitusq; requiro  
 Auia soluarum, & secreta silentia solus,  
 Cognoui tamen his spectris illudier ipsis:  
 Vt sensus feriant nostros, semperq; laceffant,  
 Perq; fores, caulasq; animæ ludantq;, meentq;,  
 Ac remeent, ipsamq; nec inter somnia linquant.

Ergo hoc elusum studio, fessumq; labore  
 Tandem me miserata suos abduxit in hortos  
 Musa memor, tetricumq; animum somno, atq; quiete  
 Curauit, numerusq; & blando carmine fouit.  
 Tum mihi. quo tandem ò semper mortalia querens  
 Hanc colere vsque voles terram? nunquam ne relinques  
 Has tenebras, nunquam ne in lucem lumina tolles?  
 An nescis, quæcumq; hic sunt, quæ hac nocte teguntur,  
 Omnia res prorsus veras non esse, sed umbras,  
 Aut specula, vnde ad nos aliena elucet imago?  
 Terra quidem, & maria alta, atque his circumfluit aër,  
 Et quæ consistunt ex ijs, hæc omnia tenues  
 Sunt umbræ, humanos quæ tanquam somnia quædam  
 Pertingunt animos, fallaci & imagine ludunt,  
 Nunquam eadem, fluxu semper variata perenni.  
 Sol autem, Lunæq; globus, fulgentiaq; astra  
 Cetera, sint quamuis meliori prædita vita,  
 Et donata euo immortalis, hæc ipsa tamen sunt  
 Aeterni specula: in quæ animus, qui est inde profectus,  
 Inspiciens, patriæ quodam quasi tactus amore  
 Ardescit. sed enim, quoniam hic non perstat, at ultra  
 Nescio, quid sequitur auens, tacitusq; requirit,  
 Nosse licet \* ipsum consistere verum  
 Non finem: verum esse aliud quid, cuius imago  
 Splendet in ijs: quod per se ipsum est, & principium esse  
 Omnibus æternum, ante omnem numerumq;, diemq;.  
 In quo alium Solem, atq; aliam splendescere Lunam  
 Aspicias, aliosq; orbes, alia astra manere,  
 Terramq;, fluuiosq; alios, atque aëra, & ignem,  
 Et nemora, atque alijs errare animalia syluis:

Deniq;



Deniq; cuncta alia cernas vegetantia vita.

Ergo, vmbra cum iam satis, & specula illa, superq;  
Spectaris, longa iandudum in nocte pererrans,  
Fas tandem lucem, atq; ipsum perquirere verum.  
Quod quoniam longe seiunctum est corpore ab omni,  
Nec nexus habet, aut affinem sensibus vllis  
Naturam, scito esse animum tibi dissociandum  
Corpore, purgandumq; omni contage recepta,  
Terrena labe, et mortalis luminis haustu:  
Quærendæq; aliæ sylvæ, callesq; tenendi  
Sunt alij, meliorq; Deum quæ semita monstrat.  
Hæc musa. ò si te comitem dent rura beata  
Bardolena mihi, ò qui nos propter amœnum  
Benacum viridi sylvis in littore sistat:  
Atq; olea, lauroq; tegat, detq; abdita vatum  
Sensa, et vtrinq; Dei præceptam evolvere legem.

Rura, oro, Gibberte tuo benacea vati  
Da, viridesq; oleas, et multa protege lauro.  
Ille tuas laudes primum canet, et tua facta  
Inclita Mæonijs numeris ad sidera tollet.  
Vt puerum mirata sacro cum Tybride Roma  
Ante annos meritis titulis et honoribus duxit.  
Vt res Romana, et sacrorum tradita iussu  
Pontificum tibi summa in te vno sæpe resedit.  
Vt septem fremuere novis applausibus arces.  
Maeste animis, maeste ingenio, tu trajcis æquor  
Barbaricum, et ferro reges in bella ruentes  
Alloquijs frenas, et cœptosore tumultus,  
Armaq; et hostiles animos, et prælia sedas:  
Fœdera, amicitiasq; feris, pacemq; reportas  
Italiæ, populisq; Dei. nec te tamen ingens  
Terra capit. toto iuvenem tot plausibus orbe  
Exceptum, tua te pietas, tua maxima virtus  
In cœlum vehit, et terræ dat spernere honores:  
Dat contemnere opes, vniq; incumbere olympo,  
Ac solis Dinorum epulis, et nectare pasci.

Hæc vbi perpetuo cantavit carmine, et omnes

Respondent

# C A R M I N V M

*Respondent latè rupes. tunc concitus æstro  
Faridico, plenusq; Deo Davidica vates  
Ipse etiam pater interpretès oracula soluit,  
Dignus, qui ante omnes citharam pertractet eburnam:  
Quam quondam Solymæ stupuere \* \* \*.*

F I N I S.

## R E G I S T R V M

\* A B C D E F G H I K L M N O P Q R S T V X Y Z  
A A B B C C D D E E F F G G H H I I K K L L  
M M N N O O P P Q Q R R S S T T V V X X  
Y Y Z Z    A A A B B B C C C D D D E E E  
F F F G G G H H H I I I K K K L L L  
M M M N N N O O O P P P Q Q Q  
R R R S S S T T T V V V X X X  
Y Y Y Z Z Z &&&.

Omnes sunt duerni præter &&&, qui est ternus.

V E N E T I I S    A P V D    H A E R E D E S  
L V C A E A N T O N I I    I V N T A E.  
M   D   L   V.









# Andreae Naugerii patricii Veneti

ORATIONES DVAE HABITAE

V N A

IN FVNERE BARTHOLOMAEI LIVIANI

A L T E R A

IN FVNERE LEONARDI LAVRETANI

VENETIARVM PRINCIPIS

*Carminaq. Nonnulla.*

**E**ST hic humanissime Lector cur, & fragilitatis vitæ humanæ recorde-  
ris, & quantum magnis sæpe viris fortuna inuidere solita sit, possis agno-  
scere. *ANDREAS* enim *NAVGERIVS* vir tum acri iudicio,  
tum dicendi arte, quanta vix alius: quum annum ætatis quartum & quadra-  
gesimum ageret: immatura morte præventus, nec quæ iam pridem moliri cœ-  
perat, scribere, nec quæ iam scripserat, vt absoluta atq; vndiq; perfecta lege-  
rentur, facere potuit. nam quum ex Hispaniensi diuturna legatione vix dum  
Venetias redisset, visq; alia belli maior, proxima æstate, aduentu Cæsaris in  
Italiam, exarsura esse videretur: ineunte vere, celeri, ac (vt fieri potuit) cita-  
to cursu, orator in Galliam mittitur. vnde in morbum incidens, quum vix pri-  
mum patriæ officium præstitisset: Regem semel aut iterum allocutus, triduo  
ferè absumptus est. & quoniam vir summi ingenij, summiq; etiam spiritus,  
& qui se ipsum probe cognosceret, quæ fecisset, nō esse eiusmodi putabat, vt in-  
iulgari citra sui nominis iacturam possent: dum tantæ existimationi, quanta  
iam ipse apud omnes eruditos omnium ferè nationum agebat, vtpote nec poli-  
ta satis, nec vnquam recognita, non vsquequaq; responderent: quæcunq; apud  
se habuit, igne deleuit. quod quidem coniectura colligi facile iccirco potest: quia  
& adolescens adhuc, quum se ad bonorum poetarum, ac cum primis Virgilij  
imitationem traduceret (vt eius ad Vulcanum epigramma testatur) sylvas suas **D**  
Statij imitatione factas exussit. nisi quis forte suspicari malit: ea furto alicuius,  
quo tum ille familiariter vteretur, perijisse. nam erat re vera cum amicis omni-  
bus minime dissimulator. Verum (vt cunq; sese res habeat) libri eius de *V E-*  
*NATIONE* duo pulcherrimi heroico carmine scripti, & vnus de *SITV*  
*ORBIS* eodem stilo confectus, itemq; lusus complures, quos alias amici eius  
legere, nusq; omnino apparent. atq; vt omittā laudationem illam, quam in fu-  
nere Cypriæ Reginæ de Veneta *CORNELIORVM* gente nobilissima pu-  
blice habuit: & alia multa, quæ pari iactura perierunt: quo piaculo dixerim lu-  
culentissimam *HISTORIAM* ab ingressu Caroli octavi in Italiā ad hæc  
vsq; tempora, tot vigilijs, tantoq; labore deductam desiderari? sed quis hæc cul-  
pam præstare debeat? quando (ait poeta) ducunt volentem fata, nolentem tra-  
hunt. Amici igitur hæc, quæ vides, & quidem pleraq; imperfecta, quoniam  
omnino extabant: vel clanculum exscripta, quum adhuc essent in litura: vel  
familiaribus tantū immatura quamvis olim tradita: veluti quasdā funeris eius  
reliquias collegere: satis pietati suæ datum existimantes, si haudquaq; penitus  
tanti viri memoria tam exiguo vitæ spatio terminaretur. Tu itaq; lector opti-  
me, siquid in his te iuuerit: aut non omnino displicebunt: precaberis interim ti-  
bi, ut quū diligens laboriosusq; fueris, tuis tamē cœptis melior fortuna non desit.



# 2 A N D R E Æ      N A V G E R I I

## P A T R I C I I      V E N E T I

### O R A T I O    H A B I T A

#### I N F V N E R E    B A R T H O L O M Æ I L I V I A N I .



**S**ed, quantum in me doloris est, tantum esset ingenij: sperarem profecto parē me BARTHOLOMÆI LIVIANI laudibus orationem habiturum. cum vero ingenium, vel minus etiam, quā mediocre sit: tantus autem mentem dolor opprimat: vt is vel maximi cuiusq; ingenij vires possit infringere: si quidē flendum sit, nullus me magis idoneus: si præclarissimæ maximi huius Imperatoris laudes celebrandæ, nullus minus reperiri potest. sunt illæ quidē tam illustres, vt omnium oculos in se trahant: vt nemo sit, qui eas non videat. quoties tamen mihi in mentem venit: quā alieno hic tempore nobis ereptus sit: concidit animus: quæcunq; dicere institui, è memoria omnia dilabuntur. dolere solum iuuat: doleo meo, doleo ipsius, doleo reipu.

**B** nostræ, doleo bonorum omnium, qui vbiq; sunt nomine, meo: quod illum, qui me vnice amabat: quem ego velut instar quoddam antiquitatis admirabar: tum, cum minime id timerem, amisi. ipsius, nō quod mortem obierit (ea enim conditione natus erat: vt aliquando moreretur) sed quod, cum vnum maxime expeteret: vnum à Dijs immortalibus votis omnibus optaret: vt reip. nostræ in eum gradum restituere imperiū posset: ex quo proximis bellis collapsum erat: cum iam propē esset, vt id perficeret: subita morte interceptus, voti compos fieri non potuerit. reip. nostræ nomine doleo: quod, cum illa hoc gubernante, è maximis ac turbulentissimis tempestatibus sæpe seruata, portum iam aspiceret, erepto malo quodam fato gubernatore, medio in cursu sit relicta. Substituistis vos quidem patres optimi fortissimum, ac sapientissimum virum: quo ad gubernaculum sedente omni timore vacui esse debetis: interruptus tamē est cursus ille: secundus ille flatus deseruit: multæ possunt in infido hoc mari existere tempestates: quæ, si non submergere, at perturbare tamen res nostras queant. iam vero tantum in illo bonis omnibus præfidiū semper fuit, vt hoc vno amisso, omnia mihi iam amisisse videantur. Hæc ipse cum mecum cogito: communemq; hanc iacturam ante oculos mihi ppono: ita succumbit dolori animus: ita auocatur ab instituto suo mens:

vt quò me vertam, quod principium sumam, nesciam. In vos quidē vni- **C**  
 uersos cum intueor, tristem mihi quandam ipsius mœroris faciem vide-  
 re videor. doletis omnes, mœsti estis oēs, sed quo magis doletis, hoc di-  
 ligentius funus ducitis: honores mortuo, quos potestis, redditis, frequē-  
 tes ad me audiendum coitis: ita vos ad ea, quæ debetis præstanda, dolor  
 adiuuat: mihi, ad ea, quæ debeo, maximo est impedimento. cohibebo eū  
 igitur: nec committam, vt minus ego gratus in meo obeundo munere,  
 quàm vos in vestro estis, fuisse videar. Solent omnes, qui quempiam lau-  
 dant, quasi præscripto quodam, patriam, genus, educationem illius lau-  
 dare: neq; id cum faciunt, sine certa ratione faciunt. Vt enim plantæ, cū  
 bono è genere lectæ, feraci solo depactæ, frequenti adiutæ cultura sunt,  
 tum demum vberes fructus ferūt, sic in hominibus ceterisq; animalibus,  
 genus, patria, educatio, multum refert. quod quanquam ita sit, aliam ta-  
 men ego quandam in Imperatore hoc nostro rationem sequar. omnia,  
 quæ vere alicuius dici non possunt, præmittam: animi virtutes, quæ il-  
 lius, in quo insunt, vere esse dicuntur, eas dicam. neq; id à me tamen eo  
 fieri arbitramini, quo is ignobili patria ortus, obscuro genere natus, ma-  
 le educatus sit: sed & maiora sunt ea, quæ mihi proposui: & hæc si perse-  
 quar, lōgior sim quàm aures vestræ pati possint. Quid enim? ROMAM  
 laudem? at ea, si breuitati consuluerō: multis laudibus defraudanda: si  
 omnia explicare voluero, vel perpetua multorum scripta repetenda. de **D**  
 LIVIORVM genere dicam? vnus Salinator totum diem exposceret.  
 possem equidem de FRANCISCO Bartholomæi ipsius patre fortissi-  
 mo & clarissimo suæ ætatis viro dicere, sed nolo ex hoc riuulo in id flu-  
 men laudem deriuare, ex quo in eius etiam maiores laus maxima redun-  
 dat. At pueritia sub Napolionis Vrsini disciplina acta, sub Virginij ado-  
 leſcentia, commemoranda, ad maiora festino. ego cum agrum sæcundū  
 video, etiam si vt cultus sit, nescio: neq; agricolæ laborem conspicio, ex  
 ipso tamen fructu bene cultum iudico. vos item cum maximarum virtu-  
 tum prouentum, qui vere animi fructus est, videritis, bene cultum ani-  
 mum existimare debetis. his ergo omnibus iam relictis, ad ea, quæ mihi  
 dicenda proposui, veniamus. Sæpe ego mecum (quod & vestrum cuili-  
 bet sæpenumero euenire arbitror) ea, quæ de veteribus memorię manda-  
 ta sunt, repetere soleo. cum magnos illorum temporum viros ante oculo-  
 los mihi proposui, præclaros quidem multos, multos omni laude dignos  
 inuenio, sed vnus est C. Cæsar, quem admirer. ac fuit, cum multa, quæ de  
 eo dicerentur, ficta esse arbitrarer, neq; tot tam diuersorum generum vir-  
 tutes cadere in vnum hominem posse censerem. hanc mihi Bartholo-  
 mæus Liuianus incredulitatem ademit. Cæsarem ille omnibus, quicun-  
 que



A que vnq̃ fuerunt, imperatoribus anteponebat, Cæsarem maxime imitabatur, foelicitatem assequi eius non potuit ( neq; enim hoc in nobis est) virtutes ita affectus est, vt nemo vnquam illi similior fuerit. ac ne mihi hoc loco ea, quæ de Cæsare scripta sunt, sint repetenda, quæ in hoc fuerunt dicam, vos ea, quæ legistis, taciti subiicietis. Primo quidem, quoniã de imperatore loquimur, imperatorie omnes virtutes, ita summæ in hoc fuerunt, vt in nullo magis. cõsiliu in Imperatore summum esse decet, nisi enim quæ agẽda sunt, prius consuluerit: casu quasi quodam res eius omnes ferantur, necesse est. neq; hoc tamen satis: cum recte quippiam cõsultum est, tum industria etiam quædam ac celeritas ad id perficiendum requiritur. Quãtus in ambobus his fuerit Imperator noster, è multis præclarissimis rebus eius gestis licet cognoscere. sed ego omnia non persequar, pauca quædam perstringam. Bello illo, quod inter Gallos atq; Hispanos super Neapolitano regno acerrimum fuit, eo prælio, quod ad Lyrim gestum est, Hispanis affuit. lóge superiores numero Galli erant, obiecerant se tamen illis Hispani, quo transitu fluminis prohiberent, sed cum hostium quotidie vires crescerent, nemo pp̃e in toto exercitu erat, qui non ab incepto desistere, & munito se loco continere tutius arbitraretur. vnus hic id sensit, quod solus nostra ætate ob res gestas magnus dictus, tunc Hispanorum Imperator, & secutus Consalvus est, & ei vt perficeret, commisit. itaq; ille pontẽ in Lyri paucissimis diebus, semota quadam parte, tam secreto, vt id Galli nunquam rescierint, conficit. maximo silentio exercitum traducit, hostes viribus suis confidentes, ac nihil tale suspicantes de improuiso adortus, in fugam vertit. tanta cedes facta, vt qui è bello superauerint, deditionem facere coacti sint. hoc ob facinus, ab egregio illo ac maximo Imperatore ita laudatus est, vt multa etiã præmia & ab illo, & ab rege postea ipso consecutus sit. Sed quid ego ea, quæ pro alijs gesserit, conquiro? non ne maxima sunt ea, quæ plurima p̃ nostra rep. nostros ante oculos, his bellis proximis facinora ædidi? Germanico bello, cum omnes in nos aditus effera illa gens tẽtaret, omni ex parte in nostros fines irrumpere conaretur: Cadubrienſi cruento illo prælio non solum compescuit, sed & multa eorum oppida vi cœpit: atque eò tandem redegit, vt potius quemadmodum sua tuerentur, quàm vt aliena inuaderent, cogitarent. atque ipsum illud prælium quomodo gestum est? occupato Cadubrio, perfracta iam alpiu claustra, iam patefactum in nos iter Germanis omnibus credebatur. & profecto nisi admirabilis quædam viri huius virtus ipso in tempore subuenisset, turbulentissima tum procella illa, res nostræ omnes procubissent. magnæ, quæ iam adierant copiar, in dies augebantur: tota in nos se effusura Germania videbatur.

tur. quid hic interea? cum longissime abesse putaretur: ducto magnis itineribus per aspera quædam loca, atque oppleta niuibus exercitu, qua ne feris quidem vnquam aditus patuisset: ita derepente, & à tergo & ab omni parte se hostibus ostendit: ita omnem inclusis fugæ spem intercepit: vt subita illi atque inexpectata re perterriti, nec quid agerent satis scirent: & ad vnum omnes, ne nuncio quidem cladis relicto, cæsi sint. Sapiens hoc ac salutare nobis consilium fuit, incredibilis celeritas: cum in omnibus hæc rebus, tum in bellicis multum valet: hac omnibus Cæsar præstitit: plura hac, quàm militum multitudine bella confecit. hac noster Imperator nulli secundus inuentus est: hac magnis vos sæpius periculis liberauit. Ac, ne à Germanis discedam: occupauerant proximo illi anno amœnissimam illam, ac vobis opportunissimam Foroiulij regionem: suburbano vos vestro carebatis: possidebant hostes. magnæ equitum, magnæ peditum manus ad portum Naonis coactæ erant. obsidebat Opsopium alius exercitus: quod solum oppidum HIERONYMUS AVORGNANI fortissimi atque amantissimi reip. huius viri, virtute defendebatur. magni intererat priusquam id expugnaretur: & hostium vires coirent: ijs, qui ad portum Naonis erant, occurrere. quin id ageretur, impedimento Hispani erant: qui cum ad Ateste oppidum castra haberent: Patauij Imperatorem vestrum morari cogeant: neque is se inde commouere sine magno rerum vestrarum periculo posse videbatur. sed D per sepe euenit, vt ea facilius fiant: quæ factu difficillima putantur. consilium Imperator audaciæ plenum capit: omnem spem in celeritate ponit: cum expedita militum manu portum Naonis pergit: improuisos hostes occupat: alios cædit: alios capit: urbem recipit: nihil commoratur: magnis itineribus Opsopium ire contendit. nescio quomodo elapsus de hac cæde rumor pauloante quàm nostri adessent: Germanos, qui oppidum obsidebant, in fugam vertit. ita illi è nostrorum manibus erepti sunt: Opsopium obsidione liberatum. Imperator Patauium reuertitur. Hispanis, discessisse, hostes profligasse, rediisse, simul omnia nunciata sunt: ita nihil in nos moliri potuerunt. multa cogor prætereire ne nimius sim: sed hoc nullo pacto prætereundum est: quod eodem anno in Hispanos paucis mensibus post id, quod commemorauimus facinus, gessit. Totis illis æstiuis Patauio egressus castra munitis locis habuerat: & cum eo amplius ob militum paucitatem non posset: satis à se fieri arbitratus erat: si hostem præda, ac populationibus prohibuisset. his hoc pacto ductis, cum ad Rhodigium iam Hispani, & propinqua circum loca in hyberna concessissent: & hic se tutissimos, tum obiectu Athesis arbitrarentur: tum quod nostros maxime despiciebant: vt qui nunquam tota æstate nisi ad

tumultuaria



**A** tumultuaria bella castris progressi essent: occasionem sibi oblatam Imperator noster ad egregium aliquid patrandum ratus, magno itinere tota nocte confecto, ignaris hostibus flumen superat: securos ac nil tale suspicantes de improviso aggreditur. Rhodigio nullis resistentibus potitur: partim obruncat: partim capit. sic callidissimam illam gentem fefellit. quod nisi militum lassitudo, quam longo ac præcipiti ex itinere contraxerant: fuisset impedimento: omnibus, qui vicinis erant in oppidis deletis, iam tum ab Hispanorum iugo nostras has regiones liberasset. multa præter hæc proferre possem, sed historiam non scribo: virtutes maximi huius Imperatoris mihi strictim percurrendas sumpsi. ac iam satis ostendisse videor, neque in deliberando consilium, neque in agendo industriam in eo vnquam desideratam. Sed cum hæc in Imperatore necessaria sunt: tum id etiam opus est: ne in gerendis negocijs ulli se labori subtrahat: ne pericula declinet: sed his potius se nonnunquam offerat. Mirum est quàm is semper labores omnes non solum non subterfugerit: sed & ultro appetierit. corpore quidem paruo fuit: sed ita tamen à natura compacto, vt laborum omnium esset tolerantissimum, hoc ille, quod à natura habuerat: sic confirmarat: sic exercitatione auxerat: vt vnus esset, cui labor omnis voluptas esse videretur. Non illum hyemis, non æstatis vis, non pluuiæ, non venti, non niues, ab incepto vnquã

**B** villo retardarunt: iuxta omnia patiebatur: labores omnes primus subibat: postremus ab illis desistebat: vel gregarij militis opera nonnunquam, cum id res posceret: fungebatur. hac re fiebat, vt nemo in toto esset exercitu: qui, cum Imperatorem ipsum nulla in re sibi parcentem videret: non vltra vires etiam omnia toleraret. Audite, audite, præclaram Imperatoris vestri super hac re vocem. cum sæpe omnibus iam fatigatis solus indefessus persisteret: admirantibus ijs, qui aderant, dicere solebat. Non perinde ac militem (vt maior etiam eius sit labor) Imperatorem fatigari: ad militem nihil ex labore aliud quàm lassitudinem peruenire: Imperatoris laborem magna ex parte leuari spe gloriæ, quæ consecutura inde videretur. O, vocem magni indicem animi, eximiæ testem virtutis, quæ solam gloriam dignum se præmium arbitraretur: cætera omnia putaret contemnenda. At vero in periculis subeundis, qua fortitudine semper fuit? in hoc quidem multorum reprehensiones sæpe perpeffus est: qui audacius se periculis obijcere illum dicerent: quàm deceret Imperatorem: cuius consilio potius quàm manu res geri debeat. sed nã illi parum, quo se is tempore periculis obiecerit, considerarunt. non eo inficias Imperatoris consilium, militum manum, in bello exposci: sed incidunt tempora, cum vel maxime Imperator ipse in hostes irruere, primum se illis

opponere

C  
 opponere debeat: cum scilicet laborat exercitus: cum superiores sunt ho-  
 stes. nonne id aliquando Cæsar? nonne alij sæpe maximi viri fecerunt?  
 at is sæpius quàm alij: sæpius enim aduersa laborauit fortuna. An (vt  
 alia præteream) in Abduensi illa clade, cum omnes in fugam turpiter  
 versi essent: capiendi tum consilij tempus erat? consilio scilicet inhiberi  
 fuga poterat. & consilium tamen egregium id dici potest, quo usus est:  
 & multis sepe profuit. in perdita iam re extremum tentauit remedium:  
 expertus est, an qui aliter fisti non possent: cum solum illum, aut cum  
 paucis pugnantem viderent: pudore adducti in hostem reuerterentur.  
 nihil profecit: relictus, vulneribus multis affectus, captus est. at nec me-  
 dici quidem, cum desperatæ iam salutis ægros curant: & periculosa ad-  
 hibent remedia: semper proficiunt: at arti tamen suæ obtemperant: neq;  
 reprehendi debent. anceps sit consilium necesse est, quo profligatis iam  
 rebus succurritur. & nonnunquam tamen bene cedit. Quid proxime?  
 cum conferto iam prælio, ac confecto propè, regi superuenisset: acerri-  
 me Heluetij incumberent: labarent Galli: ita dubia esset victoria, vt in-  
 clinata propè Gallorum res esset. nondum exercitus noster: ipse tantum,  
 cum ijs qui adsunt suis atque alijs admodum perpaucis adesset: nonne  
 audax & periculosum facinus aggressus est? cum paucis illis in confertis-  
 simos Heluetios irrupit. id tempus exigebat. at irruptio illa Gallos resti-  
 tuit: Heluetios in fugam vertit: victoriam demum regi faciliorem fecit. D  
 Non est cuiusquam præstare quid eueniat: sed cum nihil eorum, quæ res  
 æte estimanti facienda esse videantur, prætermissum est: quicumq; sequa-  
 tur euentus, laudari is, qui id egerit, debet. aduersam ille sæpe fortunam  
 perpeffus est: nunquam sibi ipse defuit: omnia tentauit: omnia expertus  
 est: nunquam sine vulnere discessit: nonnunquam etiam in hostium po-  
 testatem venit. laudari debet, quod intentatum nihil reliquerit: vacare  
 culpa debet, quod successu caruerit audacia. Sed non in hac solum re  
 fortitudo omnis consistit. magnum quidem est res arduas præsentī ani-  
 mo aggredi: periculis se obiectare: mortem non timere: sed alia quædam  
 est etiam fortitudo: ex qua hæc ipsa, quasi è radice quadam pullulat. hu-  
 mana contemnere: casus omnes despiciere: nulli homini, nulli fortunæ  
 succumbere: altiorē animum habere, quàm vt obrui ijs, qui in hac vi-  
 ta sunt, fluctibus possit, id demum est vere fortem esse. hoc qui consecu-  
 tus sit, mirum si pericula, si mortem non timeat. Fuit hæc in Imperatore  
 hoc nostro virtus eximia. humana omnia semper despexit. fortunæ ictus  
 ita excepit, vt animo semper esset erectior: nunquam victus est, quin va-  
 lidior tanquam hydra quædam, in hostem resurgeret: vt mihi qui aduer-  
 sam etiam fortunam vicerit, nunquam victus fuisse videatur. Dicit ali-  
 quis



quis, spe quadam sustentatus est: nunquā ita est victus, ut se in hostem resumpturum vires nō sperarit. Funesto illo prēlio, quod ad Abdum gefsimus, captus est: sine vlla exeundi spe, custodia traditus: ibi per quadrienium fuit: quid interea? langori se dedit? magnum illum animū querelarum sordibus inquinavit? nihil minus. videte qua tranquillitate fuerit: rerum suarū cōmentaria, aliquot de re militari libros, vnum de instruēdo exercitu, conscripsit. O fortitudinem animi singularem: quod alij nullis curis perturbati, pacatissimo in ocio, iucundissimis in secessibus, omnibus delitijs inuitati, vix faciunt: hic quin ageret, non carcer, non mille animum pertentantes curæ, non qui illum ne quid scriberet, prohibebāt custodes: impedimento esse potuerunt. multa scripserunt de hac virtute philosophi oēs: verbis illi, hic vitæ exemplis eam ostēdit. nec vero ceteris omnibus minus abundavit. Bellicæ, quas hactenus diximus, virtutes, speciosæ ille quidē auditu sunt: nec sine illis magnus existere Imperator potest: sed & aliæ tñ sunt, quæ & maximo illi ornamento sint: & quāvis media in acie non versentur: necessariæ tñ admodum videātur. ac primū quanta Imperatorem iustitia esse debet? hæc mater virtutū omnium est: hæc regula: sine hac ne latronum quidē coetus perdurare possit. summa in hoc fuit. Duo omnino sunt, quæ iustitiā magnopere impedire soleant, odium, atq; amor. qui odio adducti nihil iniusti egerint, per pauci admodum: qui amore, multo reperti sunt pauciores. acriores enim in bonis viris amoris, quā odij stimuli sunt. neminem hoc ego vnquā amicorum amantiores noui: neminem, qui suos omnes magis dilexerit: eo vsq; tñ amore prouehabatur: ut cum sua oīa exposita amicis essent: nulli rei, nulli labori, ut illis obsequeretur, parceret: inter iustitię tñ fines permanendum sibi esse iudicaret. Magna iustitiæ pars est pietas: ut ab omni superstitione, sic ab omni impietate longissime absuit. re potius, quā ostentatiōe vlla Deos coluit. In parentes is semper fuit, ut cum puer adhuc esset, nunquā tamen cessandum duxerit, dum Frāscum patrem à Paulo pontifice maximo, in custodia iādiu habitum liberarit. Cum vero ij ēt, qui animos nostros rectis excolunt disciplinis: ij, qui nos instruunt, parentum loco sint habēdi: qua pietate Napolionem Vrsinum, sub quo pueritiā egit, semper profecutus est? Audiui ego sæpius huius de illo sermones: ut optimum virum, ut maximum Imperatorem laudabat: cum ipsa antiquitate cōparabat: tam libenter, tam copiose de eius virtutibus verba faciebat: ut multis, qui aderant, nimius ēt nonnunquam videretur. Fide, quæ fundamentum iustitiæ dicitur, qua fuerit, si apud alios verba facerem: mihi vel in primis dicendum esse censerem: apud vos, qui eam experti estis: qui alijs testes esse debetis: hoc vnū dicam. multos vos quidē habuistis egregios

Naugerij.

b Impe-

Imperatores: qui tot virtutibus floruerit, fortasse nullū: tali fide oīno nul- C  
lum habuistis. non amici illam, non hostes vnq̃ desiderarunt. Iam eius  
liberalitas oratione mea vt cognoscatur, non indiget. tot mihi huius esse  
possunt testes, quot eā experti sunt. oībus patebat: nulli fons iste claude-  
batur. id vere suū esse dicebat, quod alicui donasset: id fortunę iniurijs nō  
subiacere: eo se cæteris ditiorē esse ardentissime desiderare. Multa tum  
in priuata, tum in imperatoria vita sunt, quæ ab gerendis negocijs inter-  
pellent. sed maiore nihil vi, q̃ voluptates. apposuit illas sensibus nostris  
quasi titillationes quasdā natura: his cum indulgemus: cū frena laxius re-  
mittimus: ab omni alia nos abstrahunt cogitatione. hinc data temperātia  
est: quæ eis moderef. hæc hahenas regit: hæc in girum eas rationis cogit:  
ac nobis obsequētes facit. hæc in Imperatore nostro singularis fuit. Ve-  
natione tum, cum in ocio esset, plurimū delectatus est: atq; ea quidem va-  
rie. cum robustiore esset corpore, in agrestes fues ferri: vrsos aggredi: in  
difficillimis quibusq; exerceri cōsuevit. mox ingrauescente iam ætate, le-  
porum venationes, falconum aucupia, secutus est. his delectatus, cæteras  
oēs, quæ corpori, atq; animo officiant voluptates, quantum potuit, asper-  
natus est: nunq̃ in earum potestate fuit. Epulabatur ille quidem lautissi-  
me: plurimi semper cū illo discūbebant: affluebant epulæ omne genus: ni-  
hil ad regium apparatus deerat: id scilicet splendoris opinabatur. ipse in  
hac abundantia vno semper cibi genere, & eo viliori vescēbāt. hinc robu- D  
rum illud & nullis morbis obnoxium, hinc laborum oīum patiens cor-  
pus: hinc modico satiabatur somno: hinc nunq̃ hebeti mente erat. Age  
vero quæ clementia, quæ humanitas in illo fuit? in nullo vnq̃ maior. atq;  
hic mihi euellenda quædam ē multorū animis, opinio est: quæ ē quorum-  
dam aut maleuolorum, aut res non recte perpendentium sermonibus  
inhæserat. Crudelitas clementissimo Imperatori obijciebāt: quod mul-  
tos sæpe milites morte multaret: difficiles ad eum esse aditus dicebantur:  
quod ira percitus semper esset. de crudelitate primum loquar. Ego, cum  
veteres illos Romanos, cum militarem eorū disciplinam considero: hac  
vna video cæteris eos gentibus præstitisse: hac vna eō peruenisse, vt ijdē  
imperij, qui terrarum, fines essent. non calliditate Pœnos, non Germa-  
nos vi corporis superabant: disciplina vna erat: quæ inuictos redderet.  
hanc ita tuebantur Imperatores: ita seruabant milites: vt qui paululum  
modo in ea deliquisset: nulla ei esset pœna recusanda. ob hanc Mallius  
ille Torquatus filium iussit interimiri: & quod admirabilius est: filius ipse,  
qui ad mortē ducebatur: cum exercitū pro se in patrem seditionē paran-  
tem conspexisset, cōpescuit: affirmavitq; neminē tanti esse: vt ob illū cor-  
rumpi disciplina deberet. disciplinam ille scilicet, qua patriæ vitā susten-



**A** tari credebat: vitæ anteponebat suæ. Quid Appius Claudius? quid L. Paulus? non ne ex ijs, qui loco cesserant, decimum quenq; securi percussit? non ne idem mitissimus principum Augustus? non ne alij Imperatores multi fecerunt? De Mallio nõ loquor: reliqui oēs seueri semper, & boni disciplinæ custodes, nunq̃ crudeles sunt habiti. crudeles habiti essent, si paucorũ quorundam salutem patriæ anteposuisissent. Ignari scilicet veteres illi ac crudeles oēs: nos sapientes ac mites: qui Imperatores nostros, cū non decimum quenq; vt illi, sed vnum aut alterũ ex toto exercitu, militaribus præceptis non obtēperantē pœna afficiunt: crudeles arbitramur. mirum igitur si nos exteræ nationes oēs contemnunt: nobis oēs insultāt. iam in nostros fines, non vt ad bellũ aliquod periculosum, sed vt ad prædam expositam veniunt. Pudet, pudet inquam dicere, omnē illam, quæ propria Italorum esse dicebatur: virtutē amisimus. quod si disciplinam illam veterem sequeremur: si Imperatores, qui restituere eā iam lapsam cupiunt: nõ crudeles, sed fortitudinis, ac veræ virtutis reuocatores crederemus: non audacius illi in nos irruerent, q̃ nos illos repelleremus. Semp̃ hic vel in hostes ipsos fuit mitissimus: præter eos, qui in ipso belli furore cecidissent: neminem vnq̃ interemit. Si è militibus quẽpiam aliquñ supplicio affecit: deliquerat ille: militares leges contēperat. quod vos, si vestræ hæ vrbanae leges non seruentur, & facitis: & ni faciatis, oĩa pessum eant: id in castris, vbi, si non adsit Imperatorum metus, vis dominetur ne cesse est: fieri non licebit? Solitus est Lacedæmoniorum dux Clearchus dicere Imperatorem à militibus magis q̃ hostem metui debere. recte qui dem ille. sed ego hostem metuat miles nolim: Imperatorem, velim. Sed de his iam satis, pauca de iracundia dicam. Irascebatur ille quidem non nunq̃ vehementius. hoc cū naturæ, quæ eiusmodi erat: vt facile iræ fluctibus efferuesceret: tũ voluntatis et erat. volebat ille irasci (vt aiebat) quod, cum se neq; corporis proceritate, neq; formę dignitate quadam à natura honestatum videret: si facilis ac mitis semper fuisset: ne contēptui esset, verebatur: iracundia armari se quasi aculeis quibusdam dicebat. Sed vt hæc non probetur ratio: atq; iracundiorem illum q̃ deceret, fuisse concedam. quid vnq̃ ira perturbatus fecit: quod sedato et animo non fecisset? acrioribus vsus est verbis: at æqui ac boni terminos nunq̃ prætergressus est. nunq̃ in bonos viros exarsit: magnam semper & iustā iræ causam habuit. si ea caruisset, non ille quidē melior fuisset vir: sed oĩbus fortasse gratior. atqui cum ea deferbuerat, q̃ affabilis, q̃ comis erat? nihil eius consuetudine iucundius: nihil sermonibus vrbanius inueniri poterat. Ingenio vero (vt ad id iam veniamus) tam acri fuit: vt, cum literis paululũ admodum vacasset: tam apte, tam acute, tam cum oĩum liberaliũ artium peri-

tis, quod sæpius facere consueuerat: de his ipsis, quæ illorum artibus con- C  
 tinent, rebus loqueretur: vt oïa de illis scripta euoluiffè, omnia excuiffè  
 videretur. qua in re multum eloquentia èt quadam admirabili adiuuaba-  
 tur. huius tm̃ ex eius ore flumen profluebat: vt oës secum, quò veller, ra-  
 peret. audistis vos eum sæpe Patres conscripti: & ita audistis: vt cū pluri-  
 mum eius oratiõe delectaremini: animos tm̃ vestros impelli, atq; in illius  
 sententiã non inuitos trahi sentiretis. fuit hæc reipu, nostræ persep̃e sum-  
 mopere vtilis eloquẽtia, cum apud vos, tum vero apud milites maxime.  
 si ad pugná cohortandi erant: nemo acrius incitabat: si aliqua de re casti-  
 gandi: nemo grauius, nemo seuerius reprehendebat: si consolandi: nemo  
 lenius ægris animis medebatur. Multa iam à me de maximi huius viri  
 laudibus dicta sunt: neq; id tm̃, quod maxime ad rem attinet: quantã mili-  
 taris disciplinæ scientiã habuerit, vllò modo prætermittẽdũ est. Floruit  
 hæc quodam tpe maxime disciplina: tunc scilicet, cum veteres illam Ro-  
 mani coluerunt. multi tunc in ea viri excellentes & clari extiterunt: neq;  
 id mirum. omne studiũ, omnem operam in ea oës collocabant: eam non  
 solũ, quod & opes & honores pareret, sequebant: sed, cum varijs quoti-  
 die vexarentur bellis: neq; vlla perfrui quiete possent: necessitate èt qua-  
 dam ad illam cõpellebantur. postq̃ vero oïbus deuictis, pax Italię parta:  
 bella aut nulla, aut longe à domo gerebantur: exarescere ac collabi pau-  
 latim cœpit. Hispaniæ, Galliæ, Pannoniæ, extremæ cæteræ imperij pro- D  
 uinciæ, suis quæq; legionibus custodiebãtur. hæ cum in ijsdem locis diu-  
 tius permanerent: in externos mores paulatim mutata, in his, quæ cuiq;  
 obuenerant, regionibus, ad hoc vsq; tempus perseuerarunt: disciplinam  
 assiduis bellis exercitæ, non ex toto amiserunt. In Italia, in qua, vel nul-  
 læ relictæ legiones: vel, siquæ relictæ, longa pace mollitæ, ocio se atque  
 inertię tradiderunt: oïs penitus euauit. atq; eò tandem ventum est: vt  
 paulo supra nostram ætatem, quoties bella Italis gerenda essent, condu-  
 cendus è Germania aut Pannonia miles esset: Itali, vel tubarum sonum  
 atq; armorum splendorem reformidarent. nostra demum ætate excitari  
 aliquantulum sopita illa virtus cœpit: sed pauci tm̃, qui antiquam illã di-  
 sciplinam scirent, inuenti sunt. Imperator noster q̃ exacte illam calluerit,  
 vel ex hoc confiderate. Cum primum Imperator est vester factus: ita cor-  
 ruptum exercitũ accepit: vt ad alia oïa potius, q̃ ad gerendum bellũ ido-  
 neus videretur. fecit id, quod in Africa Q. Metellus Iugurthino bello fe-  
 cit: arctioribus legum vinculis astringendo, continuis laboribus fatigan-  
 do, ordini assuefaciendo, grauisimam ijs, qui locũ defererent, poenã pro-  
 ponendo, ita breui correxit: vt eo & res vestras acerrime tutatus sit: &  
 egregia multa facinora ædiderit: & hostibus, quibus antea cõtẽptui erat:  
 formidabilem



**A** formidabilem reddiderit. Affui ego nuper, cum per eas iter faceret regiones: in quibus, cū ob non satis p̄spectos incolentū animos, tum ob p̄pinquos hostes multa timēda essent. tam caute incedebatur: ita ordinem seruabant oēs: ita ab agmine discedebat nemo: ita vel calones ipsi sub suis signis ibant: ut ego, & reip. nostrę maxime gratularer: & disciplinā iam antiquā illam restitutā arbitrarer. Iam vero in reliquis artis huius partibus, expugnādis, defendendisq; urbibus quātus fuit? nolo nunc vobis, ut septimo ab hinc anno, Carmontium, Noriciam, Tergeste, Postoniā munitissimas vrbes, in ditionē vestrā redegerit, cōmemorare: nemo est, qui nesciat. hoc vnū dicam: iam Brixia, iam Verona potiti essetis: si seuisima id nobis mors nō inuidisset. Scio quid loquar: coniectura non fallor: nihil illi inuium, nihil satis munitū esse poterat: oēs aditus, oēs expugnationum modos, oēs astus norat. Idem, si aliqua defendenda vrbs esset: ita oībus hostium conatibus ire obuiā sciebat: ut nihil in eū tentari posse videretur: quod non irritū fieret. Testis mihi sit celeberrima illa Braccani oppugnatio: quā ita tolerauit: ut, cum vrbs vndiq; innumeris Alexandri pontificis maximi copijs, qui Vrsinū nomen delere instituerat, premere-tur: hic cū quingentis t̄m propugnatoribus resisteret: nō solum eā tutatus sit: sed & facta sæpius eruptione, multos trucidarit: tormenta oppugnatoria non pauca abduxerit: ab obsidione desistere demū coegerit. Sed quid **B** ego aliunde testes voco? satis amplum mihi testimoniū prębere vrbs vna Patauium potest. non ne hęc ab Hispanorū ac Theutonum impetu conseruata, his deinde ab illo aggeribus, his turribus, his fossis munita: ut vna oēs omnium vndiq; gentiū exercitus, omnē vim, contēnere: ac nostrę nō solū reip. sed totius ēt Italię propugnaculū quoddam validissimum dici possit? non ne id docet, nihil in hac esse bellorū scientia, quod huius ingenium subterfugerit? Tormētis quidē illis bellicis, quibus nos ita antiquitatem superamus: ut his iam solis prop̄ bella oīa conficiantur: vrbes certe nulla re magis aut expugnentur: aut defendantur: nō solū optime uti, sed & ea qualia esse, qua ratione fieri deberent: tam exacte norat: ut eorum ēt artifices, multa nonnunq̄ ab eo docerentur. Ex his tot ac tantis, quas de hoc viro cōmemorauimus virtutibus: maximā apud suos, maximam apud hostes auctoritatē consecutus est. Atq; in secunda quidem fortuna, maximi ab hostibus fieri & vsitatū, & non magnū est. hic cum tertio ab hinc anno infelicitē in Hispanos, ad Vicetiam pugnatum esset: & se post incōmodum illud, Patauium recepisset: tantæ t̄n apud hostes existimationis fuit: ut hoc vno urbē vobis illam conseruatam putē. An creditis longitudine itineris, viarum asperitate, timore aliquo noui exercitus, quod urbē scirent munitissimā, hostes retardatos? nihil horū

fuit.

fuit. non longe aberant: faciles vndequa; accessus erant: omnes vestras C  
vires in eo, quę ipsi fuderant, exercitu, positas sciebant: vrbs ipsa nōdum  
ijs, quibus nūc est, munitionibus erat instructa. quid igitur eos deterruit?  
vnus Imperator vester: vnus inq̃ Imperator vester vobis eo tpe urbem il  
lam, qua spiritum ducitis, conseruauit. Tanti illū faciebant: vt ægre se  
victoriā consecutos crederent: urbē vero, in qua ille esset, expugnare, pe  
nitus desperarent. Considerate iam ea, quę à nobis hæctenus dicta sunt:  
nihil huic, quod ad optimū virum, nihil, quod ad summū Imperatorem  
constituendum opus sit: defuisse inuenietis. vna defuit fortuna. hæc cū illo  
acerbissimū semper bellū gessit. voluit scilicet id verum esse ostendere,  
quod de ea dici solet: aduersam sæpe consilio esse. nunq̃ hic non optime  
consultuit: nunq̃ ijs, quę ad perficiendū id, quod consultū est, pertinent:  
caruit: bono sæpe successū caruit. at hoc quidem præstare potest nemo.  
Maiores fortunę accessione virtutes eius fieri non potuissent: illustriores  
potuissent. nullius vnq̃ res gestæ Impatoris, si cōsilio fortuna subscripsis  
set: admirabiliores fuissent. multis se illa magnis, atq; egregijs huius con  
silijs opposuit: multas cogitationes ab eo, quod destinarat: sæpe diuertit.  
atq; , vt alia oīa præteream, quis extremo ex hoc actu, cuius maxima, vt  
quis foelix aut infœlix dicatur, ratio habēda est: non fortunę in illū iniu  
riam cognoscat? plurimos toto hoc septennio, cū in misera illa captiuita  
te, tum postea aduerso hoc ac difficili reipu. nostræ tpe, labores pertule  
rat: cessasse iam tēpestas oīs, atq; inducta quædam tranquillitas videbat̃ D  
parta regi socio atq; amico vestro de Heluetijs victoria, Hispanis referre  
pedē coactis, nihil erat, quod à vobis ille, quod à rege sperare non posset:  
iam de illius vos, de suorum ille militū præmijs cogitabat: cum ecce malo  
quodam fato, nō ferro, non tormentorū ictu vllo, sed, quod miserrimum  
est mortis genus, vi morbi extinctus est. O importunam sortē: ò inuida  
nonnunq̃ fata: quantum aberat, vt Verona ac Brixia receptis, quod vel  
solo eius aduentu fieri posse credebatur: nos rebus iam per eū nostris in  
tuto collocatis, oībus eum honoribus, oībus laudibus prosequeremur: il  
le gloria quadā immortalī frueretur? multo tum illi minus acerba fuisset  
mors. quanq̃ eam hac animi fortitudine tolerauit: qua alia aduersa multa  
solitus est perferre. vnicum, & eū nondum bimum puerū, tres adolescen  
tulas, & egregiæ indolis filias, præclarissimam, ac sui amantissimā vxorē  
relinquebat: relinquebat hos oēs, qui hic adsunt: hos à paruulis ipse disci  
plina instruxerat militari: hos vt filios diligebat: horū opera in multis bel  
lis vsus fuerat: neq; vnquam nō fortissimos, ac sui amantissimos viros no  
rat: relinquebat demum hanc nōdum in tuto collocatam rēp. Non ne  
gare se dixit ob hæc oīa sibi mortem acerbam esse: consolari se tñ, quod  
neq; orba



- A** neq; orba filiorum ætas, neq; vidua ac sine præsidio futura vxor videretur: vos oēs non vt tutores solum, sed vt bonos parētes illos amplexuros, hanc protecturos pro cōperto habere. amplissimum hoc patrimonium, firmissimum præsidium esse. Quod vero his suis ea, quæ à se mererētur præmia, reddere non potuisset, id ferre ægrius: eam tñ in vobis prudentiā semper nouisse: vt speraret vos eorū virtutem nō paruifacuros: neq; vllō sumptui parsuros, vt hoc fortissimorum iuuenum robur, has vires, reip. vestræ, cui magno vsui esse possunt: conseruetis. vltimum illud, quod, cū adhuc nostra eius operā desideraret resp. tum moreretur: id sibi esse grauiissimum. Sui quidem nullam curam habere: sexagesimum iam annum cōpleffe: satis vixisse: post mortem non dubitare sibi æternam inter deos sedē paratam: vnde hæc humana despiciens, veram illā ac bonis oībus affluentem vitā degat. Hæc cum dixisset, ijs oībus, quæ à religiōe præciuntur, peractis, ita tranquille decessit: vt non aliā in vitā, sed aliam in domum cōmigrare videretur. opinione ego illū suā frustratum non arbitror: inter deos sedet: pace fruitur trāquillissima: iam foelix dici potest: sed illius infœlix domus: hæc me dolore conficit: hæc maxime perturbat. minus infœlix puer, quod, cum nihil adhuc percipiat, quo patre sit priuatus, nescit: an eò fortasse ēt magis infœlix, quo minus infœlicitatem suā sentit? infœlices certe filiæ: quod & id iam cognoscunt: & ea ætate sunt,
- B** quæ nullas ad resistēdum dolori vires habeat: infœlicissima vxor, quæ & filiarum lachrymis affligitur: & quo foelicior prius esse oībus videbatur: hoc acrius dolet. Soli vos patres optimi his oībus vulneribus mederi potestis: amplexamini totam domum: nullum, quod pios viros deceat: officium prætermittite: sic & illi, si quis mortuis eorū, quæ hic fiunt: sensus est: pergratum facietis: cum sua se spe frustratum nō videbit: & vos vestrū munus implebitis: ac grati ab omnibus iudicabimini. debetis hoc vos illi multas ob causas: sed ob hanc maxime, quod ob rempu. vestram obijssē mortem dici potest. dum enim nulla sibi pro illa in re parcit: dum eos ēt, qui tolerari nequeunt, libentissime labores subit: nullam de salute sua curam gerit: in eum morbū incidit, quo extinctus est. quæ itaq; suscipiēdorum laborū, eadē mortis causa dici debet. Ei igitur, qui pro vobis mortuus est: reddite, quæ debetis. vitam illi non potestis: ijs, quibus maximo emolumento erat: reddite. id ita demum à vobis fiet: si filij mortuū patrē non cognorint: vxor viri præsidium non desiderarit: ipsius ij, qui adsunt familiares, quæ ab eo sperabant: à vobis fuerint consecuti. Extremum id à me fortasse nunc expectetur: vt hunc, quem ex egregij huius Imperatoris morte mœrorē in oībus video: verbis coner mitigare: qui ego id possum, qui ab alijs sim consolandus? Sed abijcienda tñ hæc omnis animi mollities:

mollities: sumēda illa virtus, qua hic plurimū polluit: ferēda sunt leuiter C  
 oīa: oībus est aduersis casibus resistendū. Vos quidē, qui eū semper secuti  
 estis, q̄ eius semp virtutū spectatores fuistis, hoc vel in primis decet. turpe  
 est vobis, q̄ nullos vnq̄ hostes, nulla tela, nulla mortis pericula reformida  
 stis: nunc dolori manus dare. Induite illā animi fortitudinē q̄ fortissimis,  
 & quales vos estis, viris cōuenit. an si vel paucis vobis in cōfertissimos sit  
 hostes irrūpendum: in instructissimas mille acies incurrēdum: iubente id  
 imperatore vestro recusetis? noui ego vos: noui animorū vestrorum for-  
 titudinem: noui amorem, quo illū prosequeremini: ne morte quidem  
 proposita abstergeremini. Nunc cū idem ille Imperator vester iubeat, ne  
 diutius doleatis: morē non geretis? iubere aut id illum, si quis totam ab eo  
 actam vitam consideret: si vos praecepta ea, quae quotidie auribus vestris  
 inculcabat, recordari velitis: ita nulli dubiū esse debet, vt hoc vno dolore  
 vestro, vel maxime eius quietē perturbari putem. ferrei profecto fuissetis:  
 neq; humani quicq̄ in vobis fuisset: si hac tanta calamitate accepta nō in-  
 gemuissetis. sed iam dolori indultū satis: nunc omnem eius vim in hostē  
 conuertite. ite, reip. subuenite: eum, quē debetis imitari: nolite cōmit-  
 tere, vt Imperatoris morte languidiorem militum virtutē factam, hostes  
 gaudeant, nos tristemur: ad hoc vos dolor incitet: ad hoc impellat. Vos  
 vero reliqui oēs, qui adestis ciues, & horum, & aliorū, qui vobis adsunt,  
 virtute confisi, de rep. nihil dubitate: & omnem, quē ob hanc causam cō- D  
 ceperatis: dolorē deponite. illius ēt causa non est, quod doleatis. bene cū  
 illo actum est: ex misera hac vita in aeternam illam sublatus bonis oībus  
 fruitur. neq; vero cū recte considero cuiusquā mihi deslenda mors vide-  
 tur: tantumq; abest, vt eū, qui ex hac vita celerius cōmigrarit: infœlicem  
 iudicē: vt eo ēt fœliciores putem. si quis sœua quadam in mari existente  
 tēpestare, multis simul soluētibus, quācelerrime omni ventorū vi, omni  
 pelagi impetu superato, in portum, quò cursum direxerat, prouehatur:  
 non ne is fœlicissime iter suū confecisse dicēdus? reliqui quo diutius cō-  
 morentur eò infœliciores habēdi sunt? ita profecto se res habet. Simile  
 ego quoddam in vita hac nostra reperio: nihil illa aliud est, q̄ in procello  
 so quodam mari nauigatio. ægritudines, mollitiæ, calamitates, aduersa  
 alia, quasi huius vitæ tēpestates dici possunt: portus ipse, quò cursus oībus  
 dirigendus, mors est. cur igitur qui in hunc portū ex illis fluctibus celer-  
 rime nauigarit, nō eò haberi fœlicior debeat, quo citius tot malis ereptus  
 in tranquillo constiterit? non probatur hoc ita vobis fortasse, vt fœlices  
 esse cupiatis. non probetur sanē: at eos tamen, qui eò peruenerint, non lu-  
 ctu prosequamini: sed fœlices ducite: ac si de vobis bene promeriti sint:  
 non lachrymis, sed diuinis honoribus colite.



# ANDREAE NAVGERII

## ORATIO HABITA

IN FUNERE LEONARDI LAVRETANI

VENETIARVM PRINCIPIS.



REDO EGO, si quis eorum, quæ à nobis geruntur, mortuis sensus est: LEONARDVM LAVRETANVM, cum ornatisimas has, quas illi celebratis, exequias, hæc pompam funeris, hunc nobilissimum confectionem vestrum, hunc vniuersæ ciuitatis mœrorem videt: quod ex his omnibus quamplurimorum illius in reip. meritorum memores sitis, cognoscit: & libentissimo hæc animo accipere: & nō parum beneuolentia, & pietate hac in se vestra lætari. Neq; tamen, si quis recte consideret: vlla re illum magis gaudere, quàm his laudibus, hac virtutum suarum prædicatione existimandum est. vt enim reliqui honores omnes, quibus vos mortuos Principes vestros ornare consueuistis: & quos nunc huic cumulatissimos redditis: & maximi sint, & pro amplitudine imperij, ac reipu. vestræ dignitate constituti: opulentiam tamen quandam potius, ac reipublicæ splendorem præ se ferre videntur: quàm vt illi, cui tribuuntur, quicquam afferant: quod illius dici iure possit. laudationes hæc propriæ illius sunt, qui laudatur: neq; quicquid ex his sibi alius vendicat. ac per aliquot, illi, dies in vulgi ore sunt: paulatim deinde è memoria excidunt: & breui tempore contabescunt: atq; vt diutissime durent: memoriam certe hominum, qui eos viderint, non excedunt. hæc, si quis recte eas scripserit, in dies augescunt: neq; vlllo tempore conficiuntur: sed ex eo potius vires sumunt: atq; omnem superare prosperitatem cōtendunt. atq; illi, & eo tantum in loco, in quo exhibiti sint: atq; ab ijs tantum, qui affuerint, spectari queunt. hæc, totum orbem peragrantur: hæc, se omnibus passim ostēdunt: atq; eodem etiam tempore diuersissimis in locis esse possunt. non immerito igitur, vt quisq; est optimus, ita maxime laude ducitur: nec vehementius vllum in bonis omnibus desiderium est, quàm gloriæ. difficilem quandam, & laboriosam vitæ rationem suscipiunt: qui virtutis via niti constituerunt. nulli illis, non vel vltro suscipiendi labores, nulla non pericula subeunda, omnes contemnendæ voluptates, acerbæ sæpe omnia perpetienda sunt. neq; tamen tam agresti, ac fero animo quisquam habendus est: vt credendum sit, ijs illum, quæ naturæ aspera, atq; inimica sunt, delectari. quid ergo est? vna laudis spes ac gloriæ, pericula & labores leuat: voluptatum illecebras ne-

Naugerij. c gligit:

gligit: acerbitates mitigat. hæc vt vmbra virtutem sequitur: atq; ea mer- C  
ces est, quam vnâ illa molestiarum omnium exposcit: hæc tam acres  
bonorum animis stimulos admouet: vt non solum, qui vitæ eam com-  
modis anteferrent, inuenti sint: sed multi, & hi maximi ac fortissimi viri  
mortem vltro subierunt: vt immortalem sui memoriam relinquerent.  
hoc pacto se vitam, quæ brevis admodum data nobis est: longissime pro  
ferre posse, atq; æternam propè efficere arbitrati sunt. Quæ cum cogno-  
scerent maiores nostris: hanc bonis à natura insitam cupiditatem gloriæ,  
non solum alere, sed augere etiam, si fieri vlla ratione posset: reipu. vtile  
existimarunt. atq; vt in omnibus reip. partibus alia multa diuinitus, sic  
ad cæteros hos honores, qui defunctis Principibus constituti sunt: lauda-  
tiones addi, & eorum celebrari virtutes voluerunt. his enim, non solum  
qui recte reip. præfuerint, quæ meriti sunt, laudis præmia consequuntur:  
sed reliqui etiam, qui idem subituri munus sunt, ad recte agendum ac-  
cenduntur: cum recte factorum gloriam non secum mori, sed ita memo-  
riæ mandari vident: vt tum maxime diuturnioris illam vitæ initium su-  
mere, affirmare possimus. Vnum fortasse sit: quod hoc tempore, in ve-  
stra hac pietate, in hoc tam grato in Principem vestrum officio, deside-  
rari possit: quod non is illi laudator contigit: qui dicendo illius assequi  
virtutes queat: qui idoneus sit, quæ plurima ille semper æternitate digna  
geſsit, ita scriptis mandare: vt ad posteros peruentura, & in omne æuum D  
celeberrimum illi nomen prorogatura videatur. sed ne ob hoc quidem,  
siquis id diligenter perpendat: quicquam est, quod queri possit. vos quan-  
tum in vobis est, omnia quæ à gratis animis expectari possunt, præstatis.  
funus amplissimū pro eius in vos meritis, & reip. opibus ducitis: adestis  
ad id honestandum frequentes pat. optimi: adest vniuersus populus: ne-  
mo omnium est, qui non illam, vt optimum reip. parētem raptum flet:  
qui non illum, quamuis tardissima senectute consumptum, vt primis ta-  
men annis acerbissime ereptum conqueratur. ad hæc, eum ego pro con-  
cione laudare iussus sum. nihil, quod officij vestri esset, relictum à vobis  
est. à me est, si qua in re minus illius meritis satisfactum esse existimari de-  
bet. ego vero eas præclari huius Principis virtutes esse animaduerto: vt  
nullius vnquam tanta dicendi vis, tanta ingenij facultas fuerit: quam pa-  
rem illis celebrandis putem. quamobrem non mihi id vitio vertendum  
est: si eas assequi non possum: sed eò ille admirabilior haberi debet: quo il-  
lius laudes, non mea solū, quæ minor etiam q̃ mediocris est: sed & omni  
eloquentia maiores sunt. neq; vero ob id filieri de illis decet. male enim  
se res habeat: si quò plura ac maiora in quopiam ornamenta sunt: quod  
difficile sit illa oratione complecti: eò de illo minus dicatur: atq; eo præ-  
mio, quod vnum maxime virtus exoptat: ob virtutem maxime defraude-  
tur.



**A** tur. enitar igitur quantum à me fieri poterit, eo munere, quod mihi iniunctum est, recte defungi: cui tum ego profecto satisfecisse existimandus sum: cum illa, quæ à me dici poterunt, pro ea, quæ in me est dicendi facultate, explicaro. Primum omnium, quoniam de eo mihi Principe verba facienda sunt: in quo vno, quæ in hominibus laudari solent, cumulatissime omnia inuenta sint: non id mihi solum considerandum est, quid à me dici, sed multo magis, quid eorum, quæ plurima suppetunt, omitti oporteat. si enim ea, quæ dici possent, persequi omnia voluero: neq; id, quod mihi ad dicendum temporis datum est, sufficiat: neq; aures fortasse vestræ pati possint. De pulcherrima igitur hac *VRBE*, præclarissima hac repu. maximi imperij sede, libertatis domicilio, totius Italiæ, atque adeo terrarum omnium tutissima quadam arce, & ipsius Principis, & nostrum omnium patria communi, nihil est, quod hoc tempore dicendum putem: quanquam enim non parui ad gloriam refert, qua quisque in ciuitate sit natus: & ipse etiam præclarissimus Imperator Themistocles, si Seriphius natus esset, nunquam se nobilem futurum fuisse confessus sit: multo tamen ego ea magis laude digna arbitror, quæ in homine ipso sunt: quàm hæc externa, & quæ fortunæ arbitrio dispensantur. quâobrem de ipso etiâ Leonardi genere, quod & multo etiam vobis, quàm mihi est notius: non est, quod à me multa expectetis. sed ne de tam illustri tamen familia omnino nihil audiatur: hoc vnum dicam. vti Romæ è Curionum genere plures quondam dicendi facultate, è Scæuolarum, iuris scientia præstiterunt: ita *LAURETANAM* familiam fato quodam huic reip. datam: quæ seminarium quasi quoddam summorum esset imperatorum. omnes propè huius reip. opes, omnis dignitas, quæ maxima est, maritimis rebus creuit. multa mari maiores nostri egregia facinora sæpe gesserunt: multa hoc tempore quotidie à præclaris Imperatoribus vestris, cum res exigit, geruntur: atq; ea semper nostrorum in hac re virtus apparuit: vt non sine causâ iam tot annos maris imperium Veneto nomini concessum sit. sed si quis omnia recordari, aut ex annalibus quærere voluerit: plures propè ex vna Lauretanorum familia imperatores rem præclare gessisse, quàm ex reliquis omnibus inueniet. vt mihi diuina quadam mente nomen huic familiæ inditum videatur: quæ omni bello superior victoriæ semper lauream reportaret. Neq; vero ex hoc genere ego quenquam nominabo: ne de *HIERONYMO* quidem Leonardi patre, & viro optimo, & sapiētissimo senatore quicquam dicetur. vnus mihi sit Leonardus satis: ad cuius vnus laudes celebrandas omnes orationis meæ vires, quantæcunq; hæ sunt, conferantur. qui cum præclarissima domi exempla haberet: ac maiorum sibi suorum virtutem, non solum quam imitaretur, sed etiam quam superaret, proposuisset: ita id

consecutus est: vt in eam familiam, quæ nullo pacto fieri illustrior putabatur: multum tamen luminis intulerit. Ac mihi quidem sæpenumero cogitanti, quàm multa ab ijs, qui præclaris è maioribus orti sunt, expectari soleant: quamq; illis, si vel minimum quid deliquerint, nihil ignoscatur: dubiũ visum est, melius ne ac conducibilius homini sit, non ex ignobilibus quidem viris nasci, sed ex ijs tamen, qui non ita magni fuerint: vt eorum nobis gesta oneri futura sint: & eam fortasse expectationem excitatura: quæ nullo pacto sustineri à nobis possit. & profecto ita se rem habere comperio: quanquam hoc admodum tutum sit: nam & facilius errato est venia: & si nihil feceris, non exigitur: siquid egregie feceris, id, cum non vt debitum præstes, gratius, ac magnæ tibi laudi est: longe tamen maiores res ab illis geri: quos & expectatio hominum, & parentum virtus excitet. heret enim eorum animis quasi fax quædã, assidua cogitatio: quæ noctes diesq; illos ad egregium agendũ aliquid inflammet: quo maioribus suis digni reperiantur: ac patrimonium gloriæ sibi ab illis relitum & tueri, & augere possint. hoc (vt alios omittam) in Principe hoc nostro facillime cognosci potuit. nihil erat, quod ab hoc homines non expectarent: sic maiorum ille suorum virtutibus excitatus est: vt omniũ tamen expectationem vicerit: tantum gloriæ à maioribus suis acceperat: vt difficillime eam tueri posse crederetur: sic illam auxit: vt non eos solum, sed omnes, qui vnquam fuerunt, principes superarit. at vero anteq̃ de ijs, quæ ab eo in principatu gesta sunt, loquar: totus ex ordine egregij huius viri cursus, quo ad altissimum dignitatis gradum ascendit: proponendus vobis est: & vt quæq; ab eo gesta sunt, ita quæq; dicenda, ita vt ne incunabula quidem ipsa tãti principis prætermittamus. Cum puer esset: egregia quædam pulchritudo & probitate, & præclara ingenij adiuncta indole, sic in illo elucebat: vt cum multum ab his illa ornamentis acciperet: non minus tamen illius hæc essent cõmendatione gratiora. primam hanc ille ætatem in literarum studijs exegit: ac, quod mirum omnibus videri possit, tantum puerili illa institutione, quæ vix primis percipiendis rudimentis satis est, profecit: vt nunquam postea sit literarum expertus habitus. Vt primum vero è pueris excessit: simul ea, quæ se prius ostenderant, augeri videbantur: simul prudentia ac virtutes omnes pullulare, atque admirabili quodam prouentu se efferre cœperunt cumq; ille iam quæ maiorum suorum virtus fuisset, quid ab se illis deberi crederetur, consideraret: ac non multo post, cum tempus esset, capefendam sibi remp. constituisset: non in vmbra, atq; ocio interea delitescendum, neq; quid agendum esset, è libellis quibusdam ediscendum: sed in solem atq; aciem sibi prodeundum censuit. ac maiorum quidem ille nostrorum morem atq; institutum id secutus est: quo ego vno seruato, nostram remp.

maxime



**A** maxime auctam, intermisso, non parum debilitatam puto. Existimarūt maiores nostri, eos, qui ad remp. administrādam admittuntur: omnium rerum peritos esse oportere: facillime enim in scopulos intrudi rempu. posse: si imperito commissā sit. adolescentes ideo ac iuvenes sic institui: vt cum ad remp. accedunt, gnari sint rerum, quæ necessariæ sunt: summo pere vtile & tutum esse crediderunt. præterea vt maximæ reip. diuitiæ, cum vltus posceret, præsto esse possent: omni studio sibi perficiendum esse opinati sunt. has enim non pacis solum ornamenta, sed cum nonnunq̃ bella, vel inuitis etiam suscipienda sint: neruos illos esse, quibus maxime reipu. vires sustententur. ad hæc cum admirabilem, & munitissimum hunc huius vrbis situm intuerentur: quo nulli exercitus, nulla vis, nulli hostes, omni aditu mari intercluso, peruenire possint: tum demum & hanc se inexpugnabilem reddituros, & rem venetam maxime auctam iri arbitrati sunt: si mare, quo solo adiri potest, validis classibus possiderent. hæc tria illi cum sibi efficienda proposuissent: admirabili quadam sapientia vno omnia instituto affecuti sunt. constituerunt enim, vt complures quotannis onerariæ triremes, quæ mercaturam exercerent, ad omnes nostri maris oras, & extra hoc etiam quædam, nauigarent: atq; in his patricios ire adolescentes voluerunt. ex hoc id effectum est: vt, cum illæ, omnes propè maritimas Asiæ vrbes, omne interius Africæ litus,

**B** Hispanias, Gallias, omnem propè Europam, omnes, quæ circa eam sunt, insulas adirent: qui in his essent, diuersa rerum publicarum genera, diuersa imperia intuerentur: multarum nationum, atque hominum mores cognoscerent: ac per hæc prudentiores facti, cum exacta in his iuuentute ad rempu. accederent: eam sapientissime administrarent. Atque ego quidem neque negare vllo pacto possum: neq; si possim, negem: multa in libris inueniri, multa sapientissimorum hominum præcepta memoriæ tradita: quibus & hac, & omni alia in re, quæ homini agenda sit: instrui possimus. sed vt hoc non negem: sic id constantissime affirmare aulam: multos sine vllis literis ipso rerum vsu edoctos, sapientissimos ac regendæ reip. scientissimos extitisse. prudentia enim ea nimirum est: quæ in omnibus, quæ à nobis geruntur, rebus dominatur. ea quanquam multa à literis habet adiumenta: eò tamen habet: quod quæ multi viderunt, quæ experti sunt, ea memoriæ prodita legere, & legendo institui, ac doceri possumus. quæ si adiumento esse nobis fatemur: quanto id magis referre credendum est: si quis, quæ alij legunt, videat: quæ scripta in libris sunt, in his ille versetur: neq; cuiusquam scriptis, quæ plerunq; falsa sunt: sed ipsis rebus, quæ nulla ratione inuerti possunt: erudiatur? prudentissimos Homerus, Vlysses, & Nestorem, atq; omnibus in rebus sapientissimos fingit: neq; tamen aut ocio, aut lite

ris deditos, vnquam comperimus. dum multorum ille hominum & vr- C  
bes, & mores videt, prudētiam illam affecutus est. hic trium sæculorum  
spatio, plurima tum videndo, tum audiendo, atq; ipse etiam gerendo,  
maximum rerum omnium vsum adeptus, ac sapientissimus existimatus  
est. quæ cum maioribus nota essent: præclare quod à nobis dictum est, in  
stituerunt. sed & id, etiam instituto illo affecuti sunt: vt mirum in mo-  
dum reipublicæ opes crescerent: præter portoria enim, quæ maximum  
è plurimis, quæ & importantur, & exportantur rebus, reipublicæ emolu-  
mentum afferunt: auctis assidua mercatura priuatorum diuitijs, in hac  
præsertim administrandæ reipublicæ ratione, augeri publicas necesse est.  
siebat id etiam assiduis his nauigationibus: vt multi maritimæ rei peritissi-  
mi euaderent: atq; hi quoties instruendæ classes essent, eam reipublicæ  
operam nauarent: vt non sine causa per tot annos venetum nomen cun-  
ctis gentibus mari formidolosum fuerit: ac non solum his propugnacu-  
lis semper vrbs se nostra tutata sit: sed & longissime imperij sui fines pro-  
tulerit. dolerem patres optimi institutum hoc aboleri: quereretur iuuentu-  
tem nostram non iam his artibus niti, quibus hæc creuit respublica: sed  
alijs captam studijs vrbanae se inertia, atq; ocio penitus dedidisse: nisi spe-  
rare, ac planè iam viderem, omnia iam à vobis, quæ proximi huius bel-  
li motu concussa, ac labefactata erant, firmari: neq; quicquam prætermitti,  
quod vobis aut ad vtilitatem, aut ad dignitatem reipu. necessarium D  
videatur. Sed, vt vnde digressus sum, redeam: totam Leonardus iuuentu-  
tatem non inertem, non ociosam, sed in laboribus, assiduis in diuersissimis  
regiones nauigationibus, perdiscendo rerum omnium vsum egit:  
multas prouincias atq; vrbes adiit: multa diuersorum populorum impe-  
ria perspexit: multarum gentium mores, atq; instituta percepit. quo fa-  
ctum est: vt non solum mercatura opes, quam diligenter & cum digni-  
tate exercuit: sed & prudentiam quoq;, quæ illi à natura maxima data  
erat, mirum in modum tamen hæc cognoscendo auxerit. neq; vero hæc  
sola in illo conspiciebatur: sed & reliquis ita virtutibus abundabat: vt mi-  
rum nemini videri debeat, cum in Africa negociaretur, id quod diuul-  
gatum est, Aegyptium illi quendam senem diuinantem, dixisse, & foelici-  
simum & suæ ciuitatis principem futurum. Equidem non nego po-  
tuisse senem illum coelesti quodam afflatu commoueri: & ea, quæ futura  
essent, huic præsertim, q dijs semper charissimus fuisse existimandus est,  
diuino monitu nunciasse: sed hoc contendo, sine vlla id etiam diuinatione,  
ex ipsis huius virtutibus prædici facile potuisse. Non immerito igitur,  
vt primum domum venit: atq; animum ad regendam remp. appulit: oēs  
honorum gradus adeptus est: neq; quicquam in rep. nostra tam amplum  
fuit: quo non ille dignissimus iudicaretur. plures ille magistratus tum in  
vrbe,



**A** vrbe,tum extra urbem , alijs multis in locis gessit:atq; eos ita gessit: vt cū summa omnia sibi homines,ob egregiam quandam,quę de illo in oīum animis infederat, opinionem, cum magistratum inibat, pollicerentur: magistratu defunctus non modo, quę sibi illi promiserant, sed multo plura, q̃ quisquā aut optare, aut sibi ipse fingere ausus esset: præstitisse videretur. Dicenda illi in vrbani magistratibus de rep. sententia sepe erat. hic vero prudentia illa admirabilis campum, quo excurreret, ac se ostenderet nacta, omnium oculos in se trahebat. cum multa ille præterita meminisset: præsentia omnia exactissime perpenderet: ac rerum inter se nexum, & consequentiam quasi quandam, diligentissime consideraret: nemo futura acrius coniectabatur: nemo coniectura minus fallebatur. ea vero verborum grauitate, ea dignitate orationis utebatur: vt, cum nullis id ille illecebris, nullo artificio aucuparetur: nemo tamen vehementius in quam vellet partem audientium animos impelleret: in nullius sententiam frequentiora senatus consulta fierent. atq; id ille eo etiam facilius assequabatur: quod egregius illius quidam in rep. amor erat omnibus perspectissimus. nemo erat, qui nesciret, nulla illū priuata re, nullis suis cōmodis vnq̃ moueri: non amicitijs peruerti: non inimicitijs perturbari: nihil in gratiam cuiusq̃ loqui: nihil dies noctesq; aliud cogitare, q̃ quem admodum reip. prodesse posset: nihil dicere, quod non reip. vtile arbitra-

**B** retur. hæc cum de illo homines sentirent: mirum si maxima eius verbis auctoritas inerat: si semper est senatus princeps habitus. Age vero in iure tum in vrbe, tum extra urbem dicundo qualis fuit? equidem difficillimum esse arbitror sine multorum offensione, ita iustitię præcepta seruare: vt nihil ab illis recedatur. ac multi quidem ita tristes, ita acerbi in iudicando sunt: vt vel vtranq; partem etiam: nemo fortasse est: qui non eorū saltem animos, quos contra statuit, offendat. hic, cum nulla gratia, nullis opibus, nulla vi, nullis precibus permoueri vnq̃ potuerit: quin grauissimus, & seuerissimus iustitię custos esset: ita tamen illam iustitię asperitatem clementia & comitate quadam condire est solitus: vt ne ij quidem, quos contra pronuntiabat: cur illi inimici esse possent, inuenirent. magna hæc ingenij vis: virtutes eas, quę diuersissimæ, atq; aduersæ propè inter se esse creduntur, ita coniungere: vt non alteri solum altera non officiat: sed & magno etiam sit ornamento. quid? in cæteris qualis inuentus est? abstinentia singulari: summa in rebus omnibus temperantia. ita faciles ad eum aditus patebant: vt neq; tempore, neq; loco vnq̃ vllō quisquā exclusus sit: quin & eum adire, & quę vellet, libere loqui posset. Iam populos, qui eius curæ cōmissi erant, non ille vt dominus, sed vt bonus parens regebat. amabat omnes: æquus erat omnibus: sed bonos tamen & amore & indulgentia quadam præcipua prosequabatur. ex his fiebat: vt

hæ foelicissimæ ciuitates esse, quibus ille præerat, putarētur. his ille gradibus, hac via nixus in amplissimam hanc huius principatus arcem ascendit. cum enim eius iam late nomen increbuisse: virtutes omnibus notæ essent: Augustino Barbadico principe defuncto, in eius locum suffectus est. Percursa sunt à me multa breuiter: quæ multo profecto & latius & ornatius erant explicanda. omiſſa etiam non pauca. neq; enim in vlla hic vitæ parte non omni laude, omni admiratione dignus fuit. sed rapuit me ad se citius fortasse q̃ decuit, ipsius principatus splendor. hic suo lumine quasi tenebras reliquis rebus offudit. de quo cum mihi multa dicenda essent: ac ne longitudine orationis meæ vobis molestus essem, vereretur: satius visum est, eorum, quæ minora certe sunt, quædam relinquere, q̃ ex maioribus his quicq̃ prætermittere. quanq̃ ne de his quidem est, quod sperem à me omnia dici posse. longe enim inferiores ingenij mei vires sunt. sed tamen, si illa omnia persequi voluissem: multo pauciora de his verba facere coactus essem. nunc nulla re interpellabor: quo minus ea, quæ à me dici poterunt, explicentur. Maior quædam res, ac longe difficilius q̃ homines opinantur, negotium est: vnum quempiam, aut regnū, aut cuiusmodi imperium aliquod administrare. non enim solum quæ in priuatis hominibus probari solent: ea in hoc, qui cæteris præest, requiruntur: sed & multo hunc rebus omnibus præstantiorem esse conuenit: & cum in illis vel magna plerunq; vitia virtute aliqua obtegantur: hic, quod eius ita omnibus proposita vita est: vt nec latere nec obtegi quicq̃ possit: ac vel minima eius culpa maximæ obscurari virtutes queunt: nihil prorsus vnquā delinquat necesse est. quod cum præstare permagnum est: tum longe id maximum: vnum esse, cuius consilio omnia gubernentur: qui non sui solum, sed & omnium, qui in imperio eius sunt, curam gerat: eorum commodis consulat: incommodis medeatur: salutem prouideat: qui & præsentia recte disponat: & ea etiam, quæ futura sunt, multo ante præuideat. Ac cum hæ difficultates ijs omnibus, quibus aliquod sit imperium administrandum, propositæ esse videantur: tum & has, & multo his maiores subeat, necesse est, qui nostræ reip. dux præficitur. atq; huius ego rei ostendendæ causâ, dum altius quædam repeto: ne me quæso oblitum instituti mei putetis. nihil loquar, quod non ad rem pertineat: nihil, quod non & nostro huic Principi, & vobis omnibus laudi sit. Tanta prudentia maiores nostri, tanta ac tam singulari in rebus omnibus sapientia fuerunt: vt eos potius nunquā satis admirari, q̃ pro meritis laudare possimus. hos ego quanquam in oībus tum dictis, tum factis diuinos quosdam viros inuenio: nihil tamen ab his præclarius, q̃ hanc huius reip. administrationem, aut excogitatum, aut constitutum arbitror. Tres regendarum ciuitatum rationes sunt: vnus, optimatū, populi dominatus.



A vnus imperium, si quis id recte gerat, cæteris præfertur: secundo loco optimatum, postrema omnium popularis administratio existimatur: quod sæpissime is tamen, qui omnia vnus potest: pro libidine plurima, nihil iure agit: atq; eò cæca quadam cupiditate fertur: vt omnia vnus possidere, nihil cuiusquam esse proprium velit: quodq; extremum ciuitatibus exitium esse consuevit, suis ipse ciuibus, quorum saluti præcipue consulere deberet: infensissimus hostis est: & quod populi dominatio velut mare quoddam, ita multis sæpe ventis, atq; adeo auris omnibus agitur: vt nihil illa sit commotius: ac tanti plerunq; in ea fluctus excitantur: vt in ciuitatem etiam redundant: atq; eam sæpe demergant. ob hæc optimatum potentia, quanquam & suis ipsa vitij non careat: maxime tamen tuta, atq; omnium optima existimata est. hæc cum maiores animaduertent: quod in vnaqua; optimū visum est, transferentes, ac vitia omnia quantum fieri poterat, amputantes, hanc reipu. formam constituerunt. quæ quidem ita ex omnibus mista est: vt, cum optimatum quidem illa gubernatio esse maxime videatur: cæterarum tamen etiam administrationum quodāmodo expers non sit. Comitia, quibus magistratus creantur, quod maxima in his ciuium multitudo est: atq; eo omnes conuenimus: quanquam nullo pacto huc quisquam è populo aspirare possit: atq; vnus sint nobilitatis omnia: speciem tamen quandam popularis gubernationis præ se ferunt. vnus dominatio in eo, qui dux creatur, conspiciatur: cætera omnia optimatum administrationi conueniunt, atq; vnum quidem ex omnibus eligi, qui toti præesset reip. cum ob alia multa, tum ob id maxime constituerunt: quod videbant id in hac rep. quod in omni & optimatum, & populi imperio fit, fieri necesse esse: vt annui scilicet magistratus, aut aliquo certe non longo tempore definiti, crearentur. in eo vero id esse incommodi: quod, cum ij plerunq;, qui ea, quæ in rep. agenda, ac quo omnia dirigenda consilia essent, tenerent: peracto magistratus tempore priuati fierent: noui vero, ac rerum, quæ gererentur ignari, succederent: prætermitti multa, ac magno affici remp. detrimento necesse erat. ob hæc illi vnum aliquem reip. præfici vtile esse opinati sunt: qui ad reipu. gubernacula assiduus sedeat: ceteri munus quisq; suum exequatur: ille omnia disponat: & quæ visa fuerint, imperet: atque eo cursum dirigat, vbi maxime & salutem, & vtilitatem reip. esse cognoscat. neq; vero, quemadmodum in rege suo Lacedæmoniorum resp. successione hoc fieri, sed ex ijs, qui in rep. versati essent: atq; egregij in remp. animi, ac virtutum omnium signa multa dedissent, sapientissimum eligi voluerunt. huic autem, ne imperandi dulcedine transuersus aliquando rapi posset: ita suas dixerunt leges: vt cum in summa rerum omnium potestate sit: non minus tamen, quàm nostrum quilibet legibus teneatur. maxi-

mo igitur consilio, & alta quadam sit mente præditus necesse est: qui in C  
 nostra rep. princeps constitutus, quæ ab eo debentur, præstare, ac recte  
 exequi voluerit. ac cæteris quidem omnibus, qui ciuitatibus soli impe-  
 rant: si eas recte administraturi sint: multi & magni suscipiendi labores  
 sunt: sed quod pro sua illi voluntate, omni præscripto liberi, multa gere-  
 re possunt: minus id difficile haberi debet. nostræ reip. Principi simul  
 omnia, quæ illis, onera incumbunt: simul seuerissimis legibus obtempe-  
 randum est. quod si quis hoc, quod omnium difficillimum est, recte gef-  
 ferit: non ne immortales illi laudes, & diuini honores debentur? quis igitur  
 nostrum hunc Principem satis pro meritis vnquam laudauerit? qui  
 talis in diuersissimis his rebus inuentus est: vt recte principatum admini-  
 strando, ijs, qui in imperio sunt, quemadmodum administrari imperia  
 debeant: legibus parendo, priuatis, quemadmodum legibus parendum  
 sit, proposuisse exemplum videatur. quæ vt ab omnibus cognosci pos-  
 sint: quemadmodum per. x x. hic annos remp. administrarit: quem se  
 principem ostenderit, quo cœpimus ordine persequemur. Qua tem-  
 pestate Princeps is vester creatus est: quanquam ne id quidem prætermit-  
 tendum est: maximo illum consensu, atq; eodem die, quo ferri suffragia  
 cœpta sunt, quod raro admodum fieri consuevit, creatum esse: neque  
 paruum hoc testimonium illius virtutum haberi debet: in refertissima  
 sapientissimorum ciuium rep. ne diu quidem dubitatum esse: quisnam D  
 præferri omnibus deberet. sed qua tempestate is princeps creatus est: bel-  
 lum nos cum Baizeto Turcarum rege aliquot iam annos acerrimum ge-  
 rebamus: & cum iam Benedicti Pisaurij clarissimi ac fortissimi viri du-  
 ctu meliore loco res esse nostræ cœpissent: ac plerisque hostium oppidis  
 eius consilio, ac militū virtute captis, repressus aliquantum illorum fu-  
 ror videretur: & iam satis ostensum, non eos nos esse, qui illatas vlscisci  
 iniurias nequiremus: non multo post de pace agi cœptum est. qua tan-  
 dem, diu re vltro citroq; agitata, maxima cum dignitate vestra constitu-  
 ta, per plures vobis annos omnia secunda euenere. vos pacatissimo in  
 ocio, amplissimo in imperio maxima cum dignitate agitabatis. Princeps  
 ipse interea, cum nullæ essent in rep. tempestates: quæ magnum admo-  
 dum gubernatoris laborem poscerent: non minoris tamen esse artis  
 remp. in pace administrare, ostendebat. Hic, ne idem mihi sæpius dicen-  
 dum sit: egregie illæ animi dotes, de quibus ante dixi, quæ iam tot an-  
 nos, quibus ille in repu. versatus fuerat: omnibus perspectæ erant: eadem  
 tanto etiam tum in eo maiores videbantur: quanto ijs, qui ad aliquam  
 regendæ reip. partem admittuntur, præstare totius reip. Principem oportet.  
 per hæc tempora, cum alia ille multa præclare gessit: tum id maxime:  
 quod, cum eiusmodi esse omnes respu. & inter cæteras nostram hanc  
 præcipue



- A** præcipue arbitraretur: vt nihil illis magis cauendum, quàm bellum esset, nihil magis quàm pacem expetendam duceret: hac foueri eas atque ali: neque subita aliqua vi, sed ipso tempore, atq; occasionebus, quæ plurimæ in dies accidunt, augeri oportere: & cum vos hoc illi assentiremini: ita id præstitit: vt cum multa illis temporibus tum ab Italis, tum ab externis regibus, tota Italia bella gesta, multa varijs in locis prælia plurimo sanguine commissa, atq; omnibus odijs certatum sit: nemo tamen Venetis hostis fuerit: sed cum æque ab omnibus colerentur: vt arbitri illi quidam potius ad componendas inter eos res adhiberentur. atq; hac quidem ille ita pace fruebatur: vt, cum eam omni ratione perpetuo conseruandam putaret: animaduerneret tamen, ea nonnunquam tempora incidere, quibus vel necessario bellum gerendum sit. itaq; vt periti gubernatores solent, qui, quanquam omnia obseruaturi signa sint: omnem in eo curam collocaturi: vt tranquillo mari nauigent: neq; sæuientibus se ventis committant: quod momēto tamen plerunq; tempestas incidit: iam tum, cum in portu sunt, omnia præparant: quæ tolerandæ tempestati necessaria esse videantur. sic ille iam tum in pace, quæ bello, si quod incideret, opportuna essent, considerabat. qua in re, cum nihil eorum, quæ agenda essent, prætermitteret: tum præcipue ærario ac publicis opibus prospiciendum censuit. cum vero ob ingentes, multis quæ gefferatis bellis fa-
- B**ctas impenfas, maximo alieno ære vrgeri rempublicam, ac tantum deberi ciuibus videret: vt vel eo, quod illis, dum plene aliquando satisfaceret, quotannis pendebatur: propè omnia vectigalia, ac reip. redditus absumi necesse esset: omni cura inuigilandum, vt id ratione aliqua dissolui posset, existimauit. eo dissoluto, tam late patere imperium vestrum: tam opimas, tam fertiles regiones sub ditione vestra esse cernebat: vt facillimum factu esset, maximas vobis diuitias exaggerari: ac tantum non multo tēpore in ærarium auri congeri: quantum nullis vnquam bellis, nullis sumptibus exhauriri posset. hanc vos eius sententiam cum secuti essetis: ita toto ille animo in eam rem incubuit: eam, vt id fieri posset, rationem inuenit: vt breui tempore tanta res, & qua nulla vnquam reipublicæ utilior excogitata est, confici posse, ac propè iam confecta esse videretur. sed repens id quod præter omnium expectationem bellum subito exortum est: vt alia nobis multa detrimenta intulit: ita huic ēt rei fuit impedimento. Secuta sunt tempora, quæ si ex ipsa rerum natura euelli vllō pacto possent: non ego præclarissimi huius viri, ac vestrum omnium laudem, quam maximam proximo hoc bello adepti estis, tanti faciendam ducerem: vt non id mihi votis omnibus exoptandum existimarem. simul enim & molestiæ, ac calamitates omnes, quibus, his temporibus resp. affecta est, extraherentur. sed quoniam fieri id non potest: non mihi ego, si

eorum vobis memoriam renouaro: vulnus, quod iam obductum est, re- **C**  
 fricaturus, sed gloriam potius vestram prolaturus, atq; hominum ser-  
 monibus propositurus videor. Ac quo ego magis cogito: & res eas,  
 quæ euenire, mecum ipse considero: eo magis fato nescio quo, cui nul-  
 lis hominum consilijs, nulla vi resisti posset: arma in nos illa concitata, ac  
 tantam subito belli molem extitisse comperio. quid enim maiores ve-  
 stri, quid vos vnquam aliud egistis? quis vestrarum cogitationum om-  
 nium alius vnquam terminus fuit? quid sibi aliud vestra vnquam vota  
 postularunt? nisi vt in pace, atq; ocio esse, ac vestra tranquille perfrui rep.  
 possētis. cum multas vos ciuitates, multa regna, ob nimiam imperandi  
 cupiditatem concidisse, eamq; ipsam non longissime prolatis finibus,  
 sed moderatione animi terminari posse cognosceretis: satis magnas vo-  
 bis opes, satis amplum esse imperium putabatis. id vero cum sola pace  
 diuturnum, ac perpetuū fieri posse videretis: omnia vestra studia, omnes  
 cogitationes pacis erant. hac iam ab initio altam, ac auctam vestram  
 remp. noratis: hac illam in posterum omnem temporum eternitatem su-  
 peraturam sperabatis. atq; ideo nemini vos vnquam vltro iniurij fuistis:  
 neminem bello laceffendum, sed vobis tantum, ac socijs vestris illatas  
 iniurias propulsandas censuistis. at vero officio cum omnibus semper  
 certauistis: inita fœdera sanctissime obseruauistis: fidem constantissime  
 coluistis. quibus rebus, cum fieri id deberet: vt oīum maxime ab omni in **D**  
 iuria tuti essetis: neq; quisquam non beneuolus vobis esset: repentino ta-  
 men quodam impetu propè omnes totius Europæ nationes ad vos  
 tanquam omnium communes hostes extinguendos, confluxerunt. mul-  
 ta ego hic mihi iustissimas ob causas silenda arbitror: vnum hoc tamen  
 dicam. si vlla vnquam ratione fidem aliqua in re non obstinatissime ser-  
 uandam esse persuaderi vobis potuisset: facillime hanc à vobis euitari  
 procellam potuisset. sed vos ne totius quidem orbis imperium tanti fa-  
 ciendum, neq; vllam tam extimescendam vim, vllum tam formidabile  
 periculum esse iudicauistis: vt à fide dimoueri, atque ab officio discedere  
 deberetis. hoc vos animo cum per vos etiam essetis: quippe qui in obser-  
 uantissima officiorum omniū rep. nati, atq; educati estis: multum tamen  
 ad id constantissimus vos Princeps vester & oratione animauit: & aucto-  
 ritate confirmauit. maximam igitur simul ille, simul vos omnes gloriam  
 consecuti estis. sed magnas, neq; eas tamen culpæ vllius, sed innocentia, &  
 laudis pœnas dedistis. Cum multi huius reip. splendorem, assueti ipsi  
 tenebris, ferre non possent: atq; extinctum cuperent: alij, qui Italiae ipsi  
 oppressores, ac prædones essent, æquabile hoc imperium, hanc per tot  
 annos conseruatam libertatem, & odio prosequerentur: & timerent, ne  
 vestro aliquando exemplo, ac totius Italiae iandiu extincta libertas reui-  
 uisceret:



**A**uisceret: nonnulli florentissimi, atq; opulentissimi imperij diripiendi cupiditate tenerentur: factū est: vt & in vos omnes inter se illi coniurarent: coniunctissimi vobis reges, ac vestræ semper reip. amantissimi, ita fictis improborum delationibus à vobis distraherentur: vt arma etiam sibi in hanc remp. sumenda esse iudicarent. Hic vero cum vos subita, atque inexpectata re oppressi, vestras his copias, quæcunq; tum repente contrahi potuerunt: opponere cogere mini: accepta illa calamitas est: de qua me quæso Patres opt. filere patiamini. eiusmodi enim fuit: vt sine acerbissimo animi sensu, neq; à me dici, neq; audiri à vobis possit. hac clade nunciata, quod tantum animi robur, tanta vis, tanta firmitas esse potuit: quam non tanto incommodo labefactari, ac concidere necesse fuerit? & certe (vt verum fateamur) trepidatum aliquantum à multis est: multorum animi perturbati sunt: ciuitas diu paci, ac prosperis semper assueta, tanta, & tam repentina rerum omnium mutatione, non commoueri non potuit. sed admirabilis quædam vestri Principis fortitudo, & suis ipsa viribus inconcussa permansit: & eam vocem emisit: ea grauitate vestri vos decoris ac dignitatis admonuit: vt erectis omnium animis, nemo vnquā in tollerandis aduersis firmior, quàm vos vniuersi fuistis, inuentus sit. sed non hæc solum eo tempore in vobis virtus enituit. permultæ se aliæ, quæ ante latuerant, vt quanq; difficillima illa tempora exigebant, ostenderunt. cum tantam in vos procellam illam, nullo vestro merito subito extitisse videretis: neq; facto semel periculo, sustinere eius vim potuissetis: vel alicui deorum immortalium in vos iræ, vel maioribus quibusdam viribus cædendum esse statuistis: neq; quicquam, quod ad leniendos hostium animos accommodatum esse videretur: prætermisistis. quanta hæc animi moderatio haberi debet? sed cum sæuiiores in dies illi, ac ferociiores fierent: iidem vos, cum iam moderatione vestra, & deos, siqui irati vobis erant, pacatos, & causam vestram omnibus iam probatam iudicaretis: bellum vobis acerrime, atq; omni animorum contentione, gerendum esse decreuistis. & id vero ita gessistis: vt cū nihil iam vobis hostes, quod aut agere, aut sperare possetis, reliquum esse existimarent: tum vos recuperata vi Patauio, his & illam & Taurisium præsidij firmaueritis: vt his quasi frenis quibusdam hostium furori iniectis, cum toto hoc bello in has illi vrbes propè quotannis irruerent: omnis semper eorum audacia compressa, omnes impetus alio detorti, atq; infracti sint. Sed nihil profecto eorum, quæ à vobis gesta sunt, mihi æque memorandum videtur: ac prima illa recepta recens Patauio tolerata in ea vrbe oppugnatio. centum hostium millia ferocissimis, ac pugnacissimis è nationibus, maximo cum tumultu, derepente, tanquam procella quædam ad eam occupandam urbem irruerunt. vobis quidem, & egregij Imperatores vestri,

& selecti,

& selecti, qui aderant, milites satis ad eos reprimendos esse videbantur. C  
 sed trecētis tamen ego patricijs illis viris, quos tumultu illo trepide nunciato, eo mittendos censuistis: opportunissimam vobis urbem potissimum conseruatam puto. atq; in ijs quidem omnibus, quæ à me dicuntur: cum maxima vobis omnibus, tum vero præcipua quædam vestro Principi laus debetur. ille enim rebus omnibus præerat: ille omnium vobis consiliorum auctor erat. sed nulla tamen ille in re, quàm hac, quæ à me postremo dicta est, maiori laude dignus existimandus est. recordamini patres optimi, cum vos de patricijs illis Patauium mittendis hortaretur: quæ verba locutus sit. Quatuor sibi esse filios dixit: omnes & moribus (nisi patrius se amor fallat) & virtutibus ornatissimos: sibi certe iucundissimos: eorum tum in omne se discrimen duos patriæ offerre: nec recusare & reliquos, & se etiam (si id res poscat) pro salute reip. deuouere. quæ cum maxima omnium acclamatione excepta essent: egregia illa nobilium iuuenum manus hoc exemplo commota ad auxilium patriæ ferendum, Patauium profecta est. hic vero, cum & ipsi illi Principis filij, & reliqui patricij iuuenes ubiq; adessent: nulli non se periculo obijcerent: omnes vltro labores subirent: tanta militum vestrorum animis alacritas, tantus hostium contemptus innatus est: vt innumeras illas copias, illam vndiq; circumfusam multitudinem, non solum ad eam, quam ipsi tuerentur, expugnandam urbem, sed ne ad congregiendum quidem secum acie, parem iudicarent. itaq; cum plures ibi dies hostes consumpsissent: suosq; omnes conatus frustra esse cernerent: ab incepto desistere, & abire turpiter coacti sunt. magna hoc facinore apud omnes gentes huic reipu. parta est gloria: magna Veneto nomini auctoritas accessit: magnæ vero à nobis omnibus nostro Principi, qui huius facinoris auctor fuit, gratiæ haberi debent. neq; vero hac vna in re præclari huius viri auctoritate compulsi multum reip. profuistis. sed, cum plurimis graui hoc bello sumptibus iam exhaustum ærarium esset: & impendi tamen in exercitus nostros multa necesse esset: credo equidem & egregio vos in patriam amore adductos, priuatas in remp. opes contulisse: non parum ad id vos tamen assiduæ etiam nostri Principis cohortationes excitauit. quoties ille in senatu, quoties in comitijs vltra etiam ætatis vires magna contentione grauissima, hac de re, verba habuit. factum est igitur: vt cum penitus iam accisas Venetorum res, neq; vllum iam ab his diutius exercitum sustentari posse, omnes crederent: tum vero tanta ac tam immensa subitito opum vis extiterit: vt mare potius huic ciuitati, quo interluitur: quàm vllas vnquam reip. diuitias deesse posse, facillime omnibus persuasum sit. Sed ne id quidem à me sileri decet: quod, nescio an ijs omnibus, quæ à me hæcenus dicta sunt, anteferendum sit. quod, cum multos diuturni



**A** iam belli tæderet: multorum animi, aduersis ijs, quæ, vt in tam longo bello fieri neceſſe eſt, pleraq; acciderant, infraſti eſſent: hic ea ſemper in ſententia perſeuerauit: quam vos ſecuti, & maximam admirabilis cuiuſdam conſtantiæ laudem adepti eſtis: & in priſtinam tandem imperij amplitudinem remp. reſtituiſtis. multæ quotidie pacis conditiones vobis proponebantur: ac cum de his ſæpius ageretur: atq; in eas nonnulli imbecillitate quadam animi nimium pacis cupidi, non magna reip. dignitatis ratione habita, deſcenſuri viderentur: cum præter ſenectutem, quæ grauiffimus per ſe ipſa morbus eſt: aduerſa etiam valetudine laboraret: ad hanc tamen ille diſſuadendam nec ſatis fidam, nec decoram pacem præſto ſemper fuit: ſemper ea, quæ reip. dignitas poſceret, locutus eſt. admirantur romanarum rerum ſcriptores Appium illum cæcum, cum illi ad cæcitatem grauis etiam ſenectus accederet: cum de Pyrrhi pace ſenatus conſulereſtur: ad eam ſe tamen impediendam deferri iuſſiſſe. nos de hoc ſilebimus? qui in ſumma itidem ſenectute, impeditiore etiam morbo quàm haberi cæcitas debeat, penè conſectus, non ſemel, vt Appius, ſed & hanc ad rem ſæpius affuit: & alijs omnibus, quæ de rep. agerentur, rebus, toto hoc decennio ſemper interfuit. proſecto nihil eſt patriæ charitate præſtantius. ea vna omnē illius morbi vim repellebat: omnes ſenectutis moleſtias abſtergebat. Hic vero, cum ille magnam quandam animi vim oſtenderet: nihil cuiquam prius, nihil potius reipu. dignitate eſſe debere diceret: pericula & labores omnes, mortem ipſam deniq; bono cuiilibet potius ſubeundam: quàm vllam vnquam pati reip. turpitudinis maculam inſpergi: turpi pace ſuſcepta, nulla vnquam re deleri hanc labem poſſe: fortunam reip. mutari poſſe, rerum omnium continuas mutationes eſſe: ſperandum ex ijs, quæ pertuleramus aduerſis eſſe, iam iam adēſſe, vt noſtræ res in melius verterentur: nunquam reip. ad tolerandum bellum deſuturas opes: deos etiam immortales, ciuitati, quæ tam pie eos ſemper coluiſſet, non deſuturos: cauereſt modo, ne ignominia notam aliquam reip. inurentes, deorum ab ſe animos, qui illam tutarentur, auerterent. Hæc cum ille commemoraret: vos ei patres optimi ſemper aſſenſi bellum potius cum dignitate reip. vobis gerendum, quàm turpi pace quieſcendum ſtatuĩſtis. neq; vero eſt, quod huius vos ſententiæ poenitere poſſit. nam non longo interiecto tempore opulentiffimus ac potentiffimus Gallorum rex, qui ſemper antea coniunctiſſimus huic reip. fuerat: ac multas vobiſcum neceſſitudinis cauſas habebat: cum falſis ſe maleuolorum ſermonibus ab amicitia veſtra, quam fidiffimam ſibi ſemper expertus eſſet: auuſum videret: occultis in ſe illorum odijs ac fraudibus cognitis, id vobiſcum foedus inijt: vt quod interceſſerat diſſidium, reintegratio amoris quædam (quod nonnunquam fieri cōſuevit.)

fuiſſe

fuisse videretur. is ita exercitu paratissimo, ita omni vobis auxilio præstò C  
fuit: vt tantis viribus additis, quæ violenta vobis illa proximi belli tempe  
stas abstulerat: ea propè omnia intra paucos dies in potestatem vestram  
redacta sint. Tum vero, cum satisfactum iam dignitati vestræ iudicare-  
tis: atq; æqua iam tandem vobis pax afferretur: nullis vos sumptibus, nul-  
li rei parcendum esse, dum ea fieret, censuistis. quam cum item ad rem  
conficiendam omnem operam amicissimus vobis rex, omne studium  
contulisset: factum est, vt sub induciarum nomine, pax sit vobis firmis-  
sima constituta. Sed quoniam cōmemorandis ijs, quæ cum omnium ve-  
strum laude coniuncta esse, & ad remp. pertinere visa sunt, longior for-  
tasle fui, q̃ vt plura iam à me hoc tempore dici possint: multa, quæ mihi  
ipse dicenda proposuerā, prætermitti necesse est. sed & satis ex ijs tamen,  
quæ dicta sunt: qualis hic fuerit, quàm diuinus quidam vir haberi debeat,  
cognosci potest. quam enim è præclarissimarum illi virtutum cœtu, quæ  
aut solæ, aut certe maxime in homine laudandæ sunt: defuisse dicemus?  
profecto si quis eum iam inde ab adolescentia penitus inspicere, tum quæ  
ab illo, & in prouincialibus, & in vrbis magistratibus gesta sint, quem  
admodum deniq; principatum adeptus, tum tranquillis, tum omnium,  
quæ nobis vnquam inciderunt, difficillimis temporibus, remp. admini-  
strarit, considerare voluerit: nihil in hoc, eorum, quæ in magnis ac præ-  
claris viris admirari consueuimus, desideratum esse cognosceret. sed ne eo D  
rum quidem, quæ aut à natura, aut à fortuna hominibus dari solent,  
quicquam illi admodum defuit. quæ quanquam nulla ratione cum ani-  
mi bonis, de quibus iam abunde diximus, conferenda sunt: eiusmodi ta-  
men sunt: vt nec solam ad beate viuendum virtutem sufficere, nec sine  
his felicitàtem illam, quam omnes appetunt: consequi quenquam pos-  
se, præclarissimi etiam, ac sapientissimi homines existimarint. Ego qui-  
dem quanquam nihil à dijs immortalibus humano generi virtute maius  
aut præstantius datum arbitror: non parum tamen ex his etiam eorum  
in nos beneuolentiam declarari puto. quod si ita existimandum est: quis  
vnquam dijs immortalibus charior Leonardo fuit? quis eorum muneri-  
bus ornator? præclarissima in ciuitate, maxime nobili, atq; illustri ortus  
genere, & egregia quadam forma fuit: & honeste partis diuitijs abunda-  
uit: & ita prosperos rerum omnium successus habuit: ita semper illius vir-  
tutes fortuna comitata est: vt nihil vnquam optarit: quod non sit cumu-  
latisime consecutus. omnes in optime constituta rep. honorum gradus  
adeptus, atq; illius demum Princeps creatus, in eius administratione ad  
extremam vsq; senectutem vixit, accessit ad hæc, quod & rarum admo-  
dum, & difficillimum haberi solet: vt & plures liberos, & egregiæ omnes  
probitatis procrearet. è quibus, cum primarijs ciuitatis viris in matrimo-  
nium



**A**nium filias collocasset:& **HIERONYMO** item è filijs vxorem despon-  
disset:quod magnæ cuiusdam foelicitatis esse creditur:& nepotes,& ne-  
ptes,& ex his & pronepotes,& proneptes vidit. sed, vt hoc foeliciissime  
illi contigit: ita id non licuit: vt omnes sibi superstites filios relinqueret.  
nam vltima iam in senectute constitutus,cum ad id vsq; tempus incolum-  
es oēs fuissent:importuna morbi vi,altero ab hinc anno **BERNAR-**  
**DVM** amisit:quo ingenio?qua comitate?quantæ spei iuuenem? non le-  
uius ego huius morte illatum patriæ,quàm patri vulnus puto. quis hic  
vir?qualis senator?quantus in rep.administranda fuisset:sed iniqua illum  
fortuna nobis inuidit. At quanto id tibi optime ac miserrime omnium  
iuuenis foelicius cecidisset:si,cum ad tuendam Patauium cū **ALOYSIO**  
fratre,& inuicto illo nostræ iuuentutis flore profectus,gloriosa pro pa-  
tria arma ferres:ac nulla tibi in re parceres:omni te discrimini oppone-  
res:tum hostium tibi telis occumbere,ac speciosissimam pro patria mor-  
tem obire,licuisset. Acerbissima hac præstantissimi iuuenis morte,cum  
nemo tota in ciuitate esset:qui non ingemisceret:qua eam constantia pa-  
ter tulit?eadem,qua tot ante patriæ calamitates tulerat. non magis hac  
fortunæ iniuria deiectus,quàm secūdis vnquam vllis rebus,quæ plurimè  
illi acciderant,sublatus est. vt mihi dij immortales extremum hoc illius,  
quem paulo post in suas sedes,vbi veram vitam viueret:ac perpetuo secū  
**B**æuo frueretur:vocaturi erant:virtutis periculum fecisse videantur. atque  
hoc quidem illi è filijs incommodum illatum est.quantas vero,& quam  
magnas ex his eum voluptates percepisse arbitramini? quantas fortasse  
nemini vnquam contigisse credendum sit. quasi rarum,ac solum propè  
quoddam foelicitatis exemplum,Metellus celebratur:quod,cū quatuor  
illi essent filij:eorum vnum prætorem,tres cōsules,atq; ex his vnum cen-  
sorem,duos triumpho insignes vidit. Magnum profectò Metelli patris  
gaudium fuisse arbitrandum est:cum ea filios,quæ amplissima in ciuita-  
te essent:consecutos intueretur.neq; tamen tam ego illum lætatum pu-  
to,quod hos ad eos delatos honores videbat:qui,quanquam maximi,  
quod in populi tamen manu sunt:mandari plerunq; etiam indignis sole-  
rent:quàm quod eiusmodi esse illos cognoscebat:vt digni essent,quibus  
summa omnia tribuerentur. Hoc verum demum gaudium est:eas in fi-  
lijs virtutes aspicere:vt nullus non illis honos debeatur. quæ si ita sunt:  
ne hac quidem in re,vt alia omnia prætermittantur:minor nostro Prin-  
cipi quàm Metello foelicitas contigit. cum enim quatuor itidem huic  
essent filij:cui tot vnquam virtutibus æque omnes ornatos intueri con-  
cessum est:sed & ijs etiam,quæ merebantur,dignitatis præmijs honesta-  
tos,& nullis non honoribus auctos vidisset:si nostri Principis filijs viuo  
patre magistratus petere per leges liceret.& sibi tamen id ille polliceri

potuit: fore, vt, cum ipse excessisset, nullum esset in hac rep. virtutis præmium, quod illis, cum id à vobis peterent, negari posset. & viuens etiam LAURENTIUM filium, ne hoc sibi vnum defuisse queri posset: cum ea tempora incidissent: vt is legibus solueretur: in proximum post se dignitatis gradum sublatum vidit. Cum vero optatissimum esse parentibus soleat, quam simillimos sibi nasci filios: cui hoc vnquam benignius, quàm nostro Principi concessum est? atq; ego non de hac tantum corporis, sed multo de illa magis, quæ in animo conspicitur, similitudine loquor. qua in re ita, & inter se & patri similes huic filij contigerunt: vt facillimum fuerit in omni virtutum ac morum optimorum genere, & in patre filios, & in filiis patrem, & in fratribus etiam fratres agnoscere. quæ, quamuis ita sint, nescio quo pacto tamen magis omni in re in Laurentio conspici imago patris potest. quem quidem ego cum intueor Patres optimi, non video cur Leonardum nobis ipsum ereptum queri possumus. en eadem oris lineamenta aspicere, eandem verborum grauitatem audire, iisdem omnibus virtutibus frui licet. hanc ille egregiam & animi & corporis sui effigiem nobis reliquit, multo certe ijs omnibus anteferendam, quas plurimas Romani sibi quondam Imperatores ad propagandam sui memoriam, vbiq; gentium collocarunt. ob hanc ego quidem etiam causam, minus illi molestem fuisse mortem puto: quod cum ipse patriæ eriperetur, & in cæteris tamen filiis simillimam sui imaginem, & in Laurentio ipsum quasi se sibi superstitem relinqui reip. conspiciebat. Sed cum tam multa deorum immortalium benignitate nostro Principi contigerint: vt nihil propè optari à quoquam possit: quod non ad hunc abunde delatum sit: vna fortasse valetudo non benignissime ei concessa esse videri queat. nam neq; in iuuentute magnis quibusdam corporis viribus, & infirma, atq; affecta morbis senectute fuit. sed qua illi in parte naturæ munus defuit: in hac sibi ipse (quod multo est preclarius) animi virtute præstò fuit. nam eam temperantiam adhibuit: ita omnes semper, quæ corpori officerent, voluptates neglexit: vt in hac imbecillitate tamè ad nonagesimum propè vsq; annum, quod ne robustissimis quidem sæpe accidit: vitam produxerit. maior profectò ex hac illi virtute laus debetur: quàm si illi, vel ipsum illud Milonis Crotoniæ robur à natura contigisset. atq; in hac quidem re Patres optimi magnum quiddam est: quod nostro à nobis omnibus Principi debeatur. ab eo enim tempore, quo proximo hoc maxime sæuiente bello, grauissimo penè morbo oppressus est: quicquid ad pristinam illam prorogandæ vitæ diligentiam addidit: quæcunq; vt viueret, passus est: quæcunq; fecit: ea omnia singulari illius quodam in rep. amore facta esse, existimadum est. neq; vlla in re magis quàm chæra illi esset patria, cognosci potuit. quid enim?



**A** desiderio hæc illum viuendi fecisse arbitramini? quid erat? cur tantopere in vita diutius esse vellet? tot iam annos vixerat: vt, quod in omni re fieri consuevit, fatietatem iam tum illum vitæ quandam cepisse credendum sit. eum ex recentibus patriæ incōmodis dolorem acceperat: vt ægerrime illius se superesse calamitati passus sit. cum omnes etiā tum filios incolumes haberet: atq; omnia propè adhuc illi secunda in priuatis rebus fuissent: magis erat vt vereretur, ne viuendo quicquam, quod nollet, aspiceret: quàm vt lætius quippiam sperandum esset. ad hæc, quæ illi iam eius vitæ cupiditas esse poterat: quæ eò iam venerat: vt nihil aliud quàm grauiores quotidie morbos, & assiduos ex his dolores, ac cruciatus expectare posset? quò hæc ergo tam diligens tuendæ vitæ cura? quò hæc viuendi cupiditas? cum videret, si media ipse in tempestate ereptus, tantis in fluctibus remp. reliquisset: fore, vt vel eo vno, quod diu in substituendo gubernatore occupata futura erat: multa illi inferri detrimenta possent: omnia sibi perpetienda esse censuit: vt, dum eam in tranquillo sisteret: cum sibi iam satis vixisset: patriæ certe, cui non minus viuendum esse cognosceret: vitam proferret. Non minores huic igitur gratiæ à nobis habendæ sunt: quod patriæ vtilitate permotus, in vita esse sustinuerit: quàm ab alijs quondam ciuitatibus ijs sunt habitæ: qui vitam pro patria reddiderunt. eorum enim nonnulli ne morte quidem illa quicquam profue-

**B**runt. hic tantum vita profuit: vt eius potissimum consilio, quod nulla illi vnquam ætas debilitauit: sed semper auctius factum est: & plurima proximo hoc bello præclare à vobis gesta, & in tuto demum remp. collocatam putem. Quod si aliqua in morte etiam fœlicitas esse existimanda est: quæ certe est: quis in hac illo fœlicior vnquam fuit? cui quidem eo ipso, quo optauerat, tempore, erepta iam è belli fluctibus rep. & ea firmissima in pace constituta, mori contigit. quin id etiam credendum est, nullo illum cum dolore decessisse. neq; enim eundem in omni morte doloris sensum esse existimandum est. nam cum omnia, quæ natura fiunt, cum voluptate fiant: ac, quoniam nati mortales sumus, certus quidam terminus, quo mori edum nobis sit, natura sit constitutus: mortem illam, quæ natura contingit, vt non contendam, cum voluptate esse: sine dolore certe est. sit illa acerba pueris: sit ijs, qui in iuuentute sunt: quos è vita, tanquàm immatura ex arboribus poma, vi quadam auelli necesse est. senes certe, quibus iam sua maturitas aduenit: quod sensim his sine sensu vita surripitur: paulatim deficiunt: ac sine vlllo dolore, sua quasi sponte extinguuntur. quæ cum ita sint: nunc demum est: cum peracto iam totius vitæ cursu, & beatum hunc, & fœlicissimum fuisse, affirmare possumus. Quam obrem, vt ad id iam veniam, quod mihi postremum faciendum est: & ad leniendum hunc, quem in vobis omnibus intueor, mœrorem aliquid à

me dicatur: non video Pat. optimi, cur illius mortem, qui omnes vitæ **C**  
actus foelicissime peregerit, tam moleste vobis ferendam putetis. non in  
finitum nobis quoddam viuendi curriculum propositum est: sed suis &  
carceribus, & metis terminatum. ac fortasse medio quempiam è cursu  
abripi dolendum sit: quod quis omni fortissime decurso spatio, & ad me  
tas puenerit: & promissa virtuti præmia consecutus sit: si illi amici haberi  
volumus: letari certe debemus. at ei, qui recte, ac cum virtute vixerit,  
pro imbecilli hac mortalitate, immortalé, ac foelicissimam à superis post  
mortem vitam dari, cum omnes semper omni tempore homines credi  
derunt: tum nos præcipue, quibus à Deo Optimo Maximo verum ad cœ  
lum iter ostensum est: sine vlla dubitatione affirmare debemus. quod si  
hoc illi contingere potuisset: vt nunc morti ereptus, reliquo omni tem  
pore nunquam moreretur: non tamen vos hoc illi optare debuissetis.  
quid enim? misera illa inter tot hominum calamitates immortalitas, cum  
foelici hac inter deos, & bonis omnibus refertissima, quam adeptus est,  
immortalitate conferri posset? tantum abest, vt id existimem: vt si illa  
etiam nobis non sit proposita: magis tamen optandum arbitrer, ex aspi  
dua hac humanæ vitæ iactatione aliquando eripi, quàm vel perpetuo in  
ea versari. quare omni iam dolore abiecto, illum potius imitari, & quæ  
ille consecutus est, à dijs vobis immortalibus optare debetis. Sed hæc in  
vniuersum omnibus dicta sint. Vobis vero præclarissimi optimi Principi **D**  
lis filij, quæ à me consolatio adhiberi potest? priuari patre nemini non  
graue est: tali patre priuari, talibus, ac tam pijs, quales vos estis, filijs gra  
uissimum. neq; fieri vlllo pacto potest, neq; id natura concedit, vt nō ma  
ximo dolore afficiamini. sed profectò, si ipsa hæc eadem, & quo patre na  
ti, & quales vos sitis, considerare volueritis: omnem à vobis doloris im  
petum fortissime reijcietis. q̃ forti pater animo Bernardi filij mortem tu  
lit? qua constantia tot longe illi filij morte grauiores patriæ calamitates?  
at paternam hanc virtutem vos præcipue præstare conuenit. & hi vero  
uos estis: hæc iam in uobis uiuæ uirtutes sunt: ut animi fortitudinem, quæ  
maxime uiros decet: uobis deesse turpissimum futurū sit. quam ne in uo  
bis desiderare uidear: omittenda mihi hæc omnis orationis pars uidetur.  
& uos potius ad tam egregium imitandum patrem cohortandi. sed &  
eam etiam orationem uestra mihi uirtus eripuit. quid enim uos incitem?  
qui ita in cursu estis: ut non illius modo uestigijs insistatis: sed & omni  
bus iam eum uirtutibus æquaueritis: & si ulla id fieri ratione potest, etiā  
superaturi esse uideamini. Quamobrem uos quidem quò cœpistis, per  
gite: & quæ in uobis sunt, præstate: cætera, quæ patri concessa sunt, pro  
uirtutibus uobis uestris à dijs immortalibus euenient.



# ANDREAE NAVGERII

## PATRICII VENETI

L V S V S.

**A**spice magna Ceres tibi quos semente peracta  
 Ducimus agrestes, rustica turba, choros.  
 Tu face, ne nimio semen putrescat ab imbre:  
 Neu sulcos rapido frigore rumpat hyems.  
 Neu sterilis surgat sylua infœlicis aenæ:  
 Et quæcunq; bonis frugibus herba nocet:  
 Neu terræ prostrata animosi flatibus Euri  
 Decidat: aut densa grandine læsa seges:  
 Neu direpta auidæ rapiant frumenta Volucres:  
 Montræue, quæ terræ plurima sæpe ferunt.  
 Sed quæ credidimus bene cultis semina campis:  
 Vberius largo fœnore reddat ager.  
 Sic erit. interea niuei carchesia lactis  
 Fundite, & annofo mella liquata mero.  
 Terq; satas circum, fœlix eat hostia, fruges:  
 Cæsaq; mox sanctos corruat ante focos.  
 Nunc satis hæc. post messem alij reddentur honores:  
 Et sacras cingent spiceaserta comas.

Auræ, quæ lenibus percurritis aëra pennis,  
 Et strepitis blando per nemora alta sono:  
 Serta dat hæc vobis: vobis hæc rusticus Idmon  
 Spargit odorato plena canistra croco.  
 Vos lenite æstum, & paleas seiungite inanes:  
 Dum medio fruges ventilat ille die.  
 Ille tuus Pan montiuage venator Iolas  
 Suetus in audaces cominus ire feras:  
 A quo & adhuc rictusq; suum, exuiasq; leonum  
 Sacra tibi agrestis munera pinus habet:  
 Nunc iam annis grauis hæc denicti cornua cervi  
 Dedicat, imbelli congrua dona seni.  
 Cum tamen herculeæ facta inter fortia clauæ  
 Is quoq; sit laudem visus habere labor.

*Tu Diue hæc inter viridis decora illa iuuenta  
Suscipe : né ue illis esse minora puta.*

*Hanc vitem, multa quæ semper fertilis vna  
Haud vnquam domini fallere vota solet :  
Nunc etiam large florentem , consecrat ipse  
Vineti cultor Damis Iacche tibi .  
Tu face Diue tua hæc spem non frustretur : & huius  
Exemplo fructum vinea tota ferat .*

*Longius à pecore errantem per denia taurum  
Dum sequitur nemorum per iuga longa Lycon :  
Errantem scopulo capream conspexit ab alto :  
Continuo certo deiecit hanc iaculo .  
Mox etiam catulos sola sub rupe iacentes  
Inuenit : hos Crocali donat habere suæ .  
E caprea in viridi statuit conuiuia luco :  
Addidit & veteris pocula multa meri .  
Quod reliquum est , Pan semicaper cum cornibus ipsis  
Suspensum è pinu hac tu tibi tergus habe .*

*Quod tulit optata tandem de Leucade Thyrsis  
Fructum aliquem : has violas dat tibi sancta Venus .  
Post sepem hanc sensim obrepens, tria basia sumpsi :  
Nil ultra potui : nam propè mater erat .  
Nunc violas , sed plena feram si vota : dicabo  
Inscriptam hoc myrtum carmine Diua tibi .  
Hanc Veneri myrtum Thyrsis, quod amore potitus,  
Dedicat, atq; vnâ seq; suosq; greges .*

*Et quercum, & syluam hanc ante omnia Thyrsis amabit :  
Et certo feret his annua vota die :  
Dum poterit memor esse, quod hac primum ille sub vmbra  
Vltima de chara Leucade vota tulit .*

*Venator celerem mærens Augona Melampus  
Consoßum rapido dente ferocis apri :  
Hac illi in ripa tumultum, frondente sub vmbra,  
Erigit : hoc ipso concidit ille loco .  
Non impune quidem prædo sceleratus abiit :*

*Procurbuit*



Procubuit iaculis cæsus & ore canum.

Tu tamen è cunctis canibus præstantior Augon,

Fide Augon, sylvæ qui modo terror eras:

Tu dilecte iaces. sed ab alta hac fascia pinus

Millusq; & millo vincula iuncta suo:

Quin decisa feri cervix tibi pendeat hostis:

Sintq; vna ex animo signa dolentis heri.

Et gelidus fons est: & nulla salubrior vnda:

Et molli circum gramine terra viret:

Et ramis arcent soles frondentibus alni:

Et levis in nullo gratior aura loco est:

Et medio Titan nunc ardentissimus axe est:

Exustusq; gravi sydere feruet ager.

Siste viator iter: nimio iam torridus æstu es:

Iam nequeunt lasi longius ire pedes.

Accubitu langorem, æstum aura, umbraq; virenti,

Peraspicio poteris fonte leuare sitim.

Ante canes omneis pastori charus Amyntæ

Nuper ab illyrico littore missus Hylax,

Dum solitas agit excubias, & septa tuetur:

Nec vigilant socii cætera turba canes:

Qua rapidus se se media inter saxa Timæus

Mergit: & inde iterum profilit amne novo:

Ille quidem sæva vitulos tutatus ab ur̄sa est:

Ipse sed ingenti vulnere cæsus, obit.

Constituit viridi tumulum de cæspite Amyntas:

Hæc voluit raram præmia habere fidem.

Mœsta gemunt armenta: mali furesq; lupiq;

Extincto hoc sibi iam cuncta licere putant.

Dat Cerei has Telefon spicas, hæc ferta Lyeo,

Hæc niuei lactis pocula bina, Pali.

Pro quibus arua Ceres, vites fœcundet Iacchus:

Sufficiat pecori pabula læta Pales.

Cum primum clauso pecus emittetur ouili:

Urbs mea Leucippe cras adeunda mihi est.

Huc ego venalemq; agnum, centumq; Chariclo

Ipsa

**A N D. - N A V G.**

*Ipsa mihi mater quæ dedit, oua fero.  
 Afferri tibi vis croceos, niveos'ue cothurnos?  
 An'ne colum, qualem nata Lyconis habet?  
 Ipse feram quæ grata tibi. tu basia iunge:  
 Gaudia Leucippe nec mihi grata nega.  
 Cras, ubi nox aderit, odiosæ elabere matri:  
 Hasq; inter corylos ad tua dona veni.*

*Illi in amore pares, vicini cultor agelli  
 Thyrsis, cumq; suo Thyrside fida Nape.  
 Ponimus hos tibi Cypri immortales amaranthos:  
 Liliaq; in sacras ferta parata comas:  
 Scilicet exemplo hoc, nullo debilis ævo  
 Floreat æternum fac dea noster amor.  
 Sit purus, talisq; utrinq; in pectore candor:  
 In folijs qualem lilia cana ferunt.  
 Utq; duo hi flores ferto nectuntur in vno:  
 Sic animos nectat vna cathena duos.*

*Candida Niconoe viduæ spes vna Terillæ  
 Montinagas iaculo figere certa feras,  
 Hunc tibi syluipotens arcum Latonia ponit:  
 Atq; hæc in pharetra condita tela sua.  
 Illam chara parens tenero sociavit Icasto:  
 Ignoti q; iubet iura subire thori.  
 Tu dea, si syluis ægre discedit ab altis:  
 Si lacrimas coetus deserit illa tuos:  
 Tu bona sis, fœlixq; illi: tu numine dextro  
 Optata letam fac dea prole domum.*

*Quæ duo fert collis fœcundi vinitor Acmon  
 Expressi primum cymbia plena meri:  
 Hæc anidis musti satyris, mustiq; parenti  
 Dat incunde tibi vitis Iacche sator.  
 Illi illæsa suis linquant vineta rapinis:  
 Tu tua fac largis auctibus vna fluat.*

**AD VVLCANVM.**

*Has Vulcane dicat syluas tibi villicus ACMON:  
 Tu sacris illas ignibus v're pater.*

*Crescebant*



*Crescebant ducta è STATI propagine syluis:  
 Iamq; erat ipsa bonis frugibus umbra nocens.  
 Vre simul sylvas: terra simul igne soluta  
 Fertior largo fœnore messis eat.  
 Vre istas, phrygio nuper mihi consita colle  
 Fac pater à flammis tuta sit illa tuis.*

*Iam telas, calathosq; omnesq; perosa labores,  
 Quos vitæ quæstus pauperioris habet:  
 Palladio radium cum templo appenderet Eufro:  
 Iamq; sequi Venerem constituisset: ait.  
 Hactenus o mihi culta vale dea: & hæc tua multi  
 Instrumenta tibi plena laboris habe.  
 Iam tua perpeffam dudum mala, lenis habebit:  
 Adiungetq; suo me Cytherea choro.  
 Nec mirum, quam prætulerit phryx arbiter: à me  
 Si prælata tibi nunc quoq; Cypris erit.*

*Dum furit Alcippes forma Nonacrius Almo:  
 Crudeli demum tabe peresus obit.  
 Almo capripedi non impar arundine Pani,  
 Quo nullus nymphis gratior Arcas erat.  
 Spargite odorato pastores flore sepulchrum:  
 Et simul infusum lacq; merumq; fluat.  
 Non iacet ille sub hac (ut vos male creditis) vlmo:  
 In nemus Idalium transtulit alma Venus.  
 Hic Veneris pascitq; greges, cantatq;: canentis  
 Vnà astant charites versibus: astat amor.  
 Quin etiam hunc Paphij nymphe non vltima coetus  
 Deperit: & parilis feruor utrunq; tenet.  
 Nimirum fœlix Almo: modo perfida virgo  
 Aspera sæuitiæ det documenta suæ.  
 Pastoris pereat succensa informis amore:  
 Respuat aſsiduas surdior ille preces.  
 Præbeat hinc sæuis tam dura exempla puellis:  
 Formosa ut fastus discat habere modum.*

## A C O N.

*Candida nymp̃ha olim, & Pani dilecta lyceo  
 Crinibus, & culio conspicienda sinu:  
 Naugerij.*

f

Nunc

*Nunc vox, flebilibus quæ semper mœsta querelis*  
*Desertos scopulos, deniq; antra colis:*  
*Salve Echo officiosa. tibi sub rupe cauata*  
*Ipse ego lanigeri ductor Acon pecoris*  
*Constituam vmbrosam frondenti ex ilice lucum:*  
*Molliaq; ex hœderaserta virente feram.*  
*Tu leuibus alleËta modis syluestris auenæ*  
*Excipis è summo carmina nostra iugo:*  
*Tu quoties querimur, duros miserata dolores*  
*Nescio quid tristi flebile voce gemis.*  
*Nec mirum, quod tu lacrimis mouearis amantum:*  
*Perdedit infœlix te quoq; durus amor.*  
*Ah misera, ipsa quidem & Strophio subneËtis olenti,*  
*Et longa molles excolis arte comas.*  
*Ipse puer cultus, ipse omnes odit amores:*  
*Insequiturq; vagas per iuga summa feras.*  
*Quin humiles addis voces: & verba precantis*  
*Effugit: atq; omnes negligit ille preces.*  
*Siste gradum immitis, non te violenta leæna.*  
*Non curuo sequitur dente timendus aper:*  
*Sed quæ candenti facie, niueisq; papillis*  
*Vel magno possit nympha placere Ioui.*  
*Hæc aget & celeres tecum per saxa lacanas:*  
*Eq; suis tendet retia rara plagis.*  
*Siste gradum immitis, & quas nunc tendis ad vndas*  
*Effuge: causa tuæ fons erit ille necis.*  
*Heu miserande puer, tales ten soluere pœnas.*  
*Ten decuit tam crudelia fata pati?*  
*Magna parens, quæ cuncta leues producis in auras:*  
*Totaq; diuerso germine picta nites:*  
*Quæ passim arboribus, passim surgentibus herbis*  
*Sufficis omnifero larga alimenta sinu:*  
*Excipe languentem puerum, moribundaq; membra:*  
*Aeternumq; tua fac dea viuat ope.*  
*Viuet, & ille vetus Zephyro redeunte quotannis*  
*In niueo candor flore perennis erit.*  
*Tu mecum socias Echo coniunge querelas:*  
*Et percussa nouis fletibus antra sonent.*  
*Crudelis Telayra, meos quid spernis amores:*  
*Quid miseras surda despicias aure preces.*



*Hei mihi nulla ouium tangit me cura mearum:*

*Ex quo me iste tuus perfida torret amor.*

*It miserum pecus: & feri sub vesperis umbras,*

*Per se ipsi redeunt in sua tecta greges.*

*Nec mihi iam niueo complent mulctralia lacte:*

*Densaq; permissio vellere terga gerunt.*

*Quin etiam aucupij studium, quo clarus habebar:*

*Languenti penitus excidit ex animo.*

*Ite leues passim syluis impune volucres:*

*Cuncta nouus nostra è mente fugauit amor.*

*Ocia agunt pedicæ, & lento lita vimina visco*

*In tenebris amites, nexaq; lina iacent.*

## D A M O N.

*Vosmecum è vitreis nymphæ Naucelides antris,*

*Vosmecum viridi paulum confidite in herba:*

*Atq; hoc, quem canimus, dignum concedite carmen.*

*Sic vobis patrias circum vernantia ripas*

*Prata, neq; hybernis niuibus viduata, neq; æstu,*

*Sufficiant varios inserta nitentia flores.*

*Quis dolor ó syluæ, quæ vos ó prata tenebat*

*Mœstities? quanto squalabant omnia luctu?*

*Cum ferus è gelidis descenderet alpibus hostis*

*Assidue: & Latias in prædam verteret oras.*

*Tum (reor) inuita creuerunt pabula terra:*

*Inuitæ è densis ceciderunt frondibus umbræ.*

*Quippe abigi raptas pecudes, passimq; videbant*

*Pastorum rapidos tectis inuoluer ignes.*

*Ipsi etiam hyrcipedes fauni, satyriq; bicornes,*

*Ipsæ etiam in solos nymphæ fugere recessus:*

*Et se se ignotis occultauere latebris.*

*Et furor is fines prope iam peruaserat omnes:*

*Iamq; fugæ deerat nobis locus: vndiq; sæuos*

*Cernere erat latis hostes discurrere campis.*

*Nulla vsquam tam secretis lustra abdita syluis,*

*Nulla aditu est tam difficili, tamq; inuia rupes:*

*Quò non sæpe greges subitis incursibus acti*

*Fessa reclinarint in nudo corpora saxo.*

*Et tamen hinc etiam crebri eiecere tumultus.*

*Insuetæq; maris pecudes (miserabile visu)*

Qua pelagi medijs iter intercluditur vndis :  
 Adriacos videre sinus : & littore curuo,  
 Pro viridi cytiso, pro molli graminis herba,  
 Et spinis paliuri, & acuta carice pasta  
 Potarunt falfas nitidis pro fontibus vndas :  
 Et saepe irati timuerunt murmura ponti .  
 Quod si non nouus ex alto demissus olympo  
 Hanc cladem nostris deus auertisset ab oris :  
 Ausonijs esset nullus iam pastor in agris .  
 Nos miseri patria extorres, rerum omnium egeni  
 Ah dolor, externas longe erraremus ad vrbes .  
 Hic nobis dulces saltus, hic pascua nota  
 Restituit, tutiq; inquit iam pascite tauros :  
 Iam solitas tuti collo suspendite auenas :  
 Et desueta diu responsent carmina colles .  
 Ergo omnes, veluti & Phoebo, Paniq; quotannis  
 Pastores certis statuent tibi sacra diebus  
 Magne pater: nostrisq; diu cantabere syluis .  
 Te rupes, te saxa, caue te maxime Iuli  
 Conualles, nemorumq; frequens iterabit imago .  
 At vero in nostris quaecunq; in saltibus vsquam  
 Quercus erit: vt quaeq; suos dant tempora flores :  
 Semper erit varijs ramos innexa coronis :  
 Inscriptumq; geret foelici nomine truncum :  
 Tum quoties pastum expellet: pastasue reducet  
 Nostrum aliquis pecudes: toties id mente reuoluens,  
 Vt liceat factum esse tuo pater optime ductu :  
 Nullus erit, qui non libet tibi lacte recenti :  
 Nullus erit, qui non teneros tibi nutriat agnos .  
 Quin audire preces nisi dedignabere agrestes :  
 Tu nostra ante deos in vota vocaberis omnes .  
 Ipse ego bina tibi solenni altaria ritu  
 Et geminos sacra e quercu lauroq; virenti  
 Vicino lucos Nauceli in littore ponam .  
 Hic ripa passim in molli viridante sub vmbra,  
 Vere nouo dum floret ager: dum germinat arbos :  
 Dum vario resonant volucrum nemora auia cantu :  
 Annua constituam festis conuiuia ludis .  
 Ductores pecudum hic omnes, rurisq; coloni  
 Contendent iaculo, & rapidi certamine cursus  
 Horridaq;



Horridaq; agresti nudabunt membra palastra.  
 Ipse pecu & tenero victor donabitur hædo.  
 Præterea dulci cantabit harundine Damon  
 Carmina, quæ puerum docuit Sebethæius Aegon:  
 Olim cum procul hinc illis habitaret in oris.  
 Scilicet ut quondam Assyrii pastoris amore  
 Capta dea, & cœlum, & fulgentia sydera linquens,  
 Omnibus his chari præferret Adonidis ignes.  
 Fortunate puer tecum formosa Dione,  
 Vnâ tondet oves: Vnâ ad mulctralia ducit:  
 Atq; immunda premit cœlestibus vbera palmis.  
 Dum te complexu teneat, non illa recusat:  
 Tecum inter pecudes vili requiescere culmo.  
 At Mars ipse deæ cura tabescit inani.  
 Fortunate puer, medijs pecus errat in agris:  
 Tu viridi deiectus in umbra, aut carmina cantas:  
 Aut posita in Veneris gremio ceruice recumbis.  
 Illa tibi amplexus molles, illa oscula iungit:  
 Charaq; odoratis exornat tempora sertis.  
 Sed tu nimirum, sed fœlix tu quoq; Damon,  
 Cui licuit toties Aegonem audire canentem:  
 Diminiqu; senis sacros ediscere cantus.  
 Quod mihi magne pater, diuum si fata dedissent:  
 O quales tibi cantaret mea fistula laudes.  
 Et quodcunq; tamen fœlix concedet Apollo,  
 Hoc te vnum canet, hoc vni tibi seruiet omne.  
 Nec quicquam magis optarim, quàm digna triumphis  
 Posse tuis: videorq; canens tua maxima facta,  
 Inferior nullo, non ipso Aegone futurus.  
 Ipse suo certet mecum si carmine Daphnis:  
 Ipse suo Daphnis cum carmine victus abibit.  
 Interea agrestis dignatus sibila cannæ,  
 Dexter ades nobis: & quæ facis, ocia serua.

Florentes dum forte vagans mea Hyella per hortos  
 Texit odoratis lilia cana rosis:  
 Ecce rosas inter latitantem inuenit amorem:  
 Et simul annexis floribus implicuit.  
 Luctatur primo: & contra nitentibus alis  
 Indomitus tentat soluere vincla puer.

Mox ubi lacteolas, & dignas matre papillas  
 Vidit, & ora ipsos nata mouere deos :  
 Impositosq; comæ ambrosios vt sensit odores :  
 Quosq; legit diti messe beatus Arabs :  
 I dixit mea, quære nouum tibi mater amorem,  
 Imperio sedes hæc erit apta meo .

Nox bona, quæ tacitis terras amplexa tenebris  
 Dulcia incundæ furta tegis Veneris .  
 Dum propero in charæ amplexus, & mollia Hyellæ  
 Oscula : tu nostræ sis comes vna viæ .  
 Ne ne aliquis nostros possit deprehendere amores :  
 Aëra coge atras densius in nebulas .  
 Gaudia qui credit cuiquam sua : dignus, vt vnquam  
 Dicier illius nulla puella velit .  
 Non sola occultanda canis sunt orgia cistis :  
 Solâ ne Eleusina sacra silenda deæ .  
 Ipse etiam sua celari vult furta Cupido :  
 Sæpius & pœnas garrula lingua dedit .  
 Vna meos, quos & miserata est, nouit amores  
 Officijs nutrix cognita fida suis .  
 Hæc quæ me foribus vigilans expectat in ipsis :  
 Inq; sinum dominæ sedula ducit anus .  
 Hanc præter, tu sancta, latent qua cuncta, silentq; ,  
 Tu dea sis flammæ conscia sola meæ :  
 Quæq; libens astat nostrorum testis amorum  
 Nobiscum tota nocte lucerna vigil.

Iam tristi canos glacie concreta capillos  
 Afflatu tepidi fugit hyems Zephyri .  
 Iam nitidum os ver molle auras in luminis audet  
 Proferre : & teneros ferre per arua pedes :  
 Tempora diuersis tollens halantia sertis  
 Purpureo matris Cloridos è gremio .  
 Summittit varios tellus fœcunda colores :  
 Conuertit molles quò puer ipse gradus .  
 Et passim, quacunque vagos deflectit ocellos :  
 Diffugiunt toto nubila cuncta polo .  
 It prope, & incutiens blandas in pectora flammis,  
 Omnia incundo accendit amore Venus.

Quam



Quam circum vario texunt è flore coronas  
 Perfusæ assyrio rore comam Charites .  
 Hinc atq; hinc mille aligeri pueri assultantes  
 Coniungunt certâ spicula acuta manu .  
 Concipiunt dulces animalia cuncta calores :  
 Persultantq; vagi pabula læta greges .  
 Ipse suam de colle canens Amaryllida pastor  
 Pascentes tenui carmine mulcet oues :  
 Percussæq; noua dulcedine corda volucres  
 Dant lætos passim per nemora alta sonos .  
 Sola gemit , ramoq; sedens miserabilis alto  
 Absumptum mater Thracia plorat Itym .  
 Di bene , quod nostræ tam longe à sinibus oræ  
 Exactum hoc dira est in regione scelus .  
 Heu puer infelix , matri dum brachia tendit  
 Assueto cupiens se implicuisse sinu :  
 Illa ferox animi , cæcoq; agitata furore  
 Anulsum duro diripit ense caput .  
 Quid facis ah demens? ferro quem perdis iniquo ,  
 Is lac dulce tuis hausit ab vberibus .  
 Huic tu longinquam votis optare senectam ,  
 Huic solita es teneras dicere blanditias .  
 Heu miserum genitor nati , infelixq; sepulchrum ;  
 Vt tibi nunc toto pectore sensus abit :  
 Infandæ nosti cum coniugis impia facta ,  
 Atq; epulas mensis tristibus appositas :  
 Nempe furis : strictoq; ruis violentior ense :  
 Sed sublata alis effugit illa nouis .  
 Perpetuum fleat , vt merita est : longisq; querelis  
 Antiqui pœnas persoluat sceleris .  
 Nos TVRRI , dum florifero vere omnia rident :  
 Spirat & è summis gratior aura iugis :  
 Nos hic , qua nitida pellucens riuiulus unda  
 Labitur : & leni murmure dulce sonat :  
 Cantemus molles formosæ Amathusidos ignes :  
 Quidq; ferox arcu , quid face possit amor .  
 Armenias domat hic tygres , sæuasq; lænas :  
 Eripit hic summo , cum libet , arma Ioui .  
 Hoc duce pallentes vmbrae œagrius Orpheus ,  
 Tristiaq; horrendi limina regis adit .

Nec timuit, seu a'ue Hecates immania monstra,  
 Armatas ue atris Eumenidas facibus.  
 Hoc cogente, omni cum pectore consternatus  
 Abrupto nollet viuere coniugio.  
 Paulatim Euridices, veterumq; oblitus amorum  
 In Calaim tota mente Boreiadem  
 Exarsit: penitusq; insano perditus igne  
 Sensit feruentes intima ad ossa faces.  
 Formose o Calai pulchræ genus Orythiæ  
 Te virides sylvæ, te caua saxa sonant.  
 In te suspirat: solum te cogitat Orpheus:  
 Per te sollicito nulla quies animo est.

Dum te blanda tenent æstiuas rura per umbras:  
 Delitijs nimium rura beata tuis:  
 Ecqua tui mea lux tangit te cura poetæ:  
 An meus è toto pectore cessit amor?  
 Cessit amor certe: soluti cessere calores:  
 Absentis meminit nulla puella viri.  
 Non ita concussæ versantur in arbore frondes;  
 Cum grauis aduersum verberat aura nemus:  
 Quàm facile instabilem permutat fœmina mentem,  
 Exclusus queritur; qui modo charus erat.  
 Non sic Penelope, non sic Capneia coniux  
 Antiqui meruit temporis esse decus.  
 Altera defuncti mœrens ad busta mariti,  
 Noluit abrepto viuere sola viro.  
 Altera bis denos potuit durare per annos:  
 Dum cupidos cauta detinet arte procos.  
 Fœmina nunc varias tantum connectere fraudes  
 Nouit, & in nulla certa manere fide.  
 Quid queror hæc demens? duræ procul ite querelæ:  
 Itæ: decent tristes tristia verba viros.  
 Latus ego: hos neq; enim sequitur mea Gellia mores:  
 Mutare incertos nec solet illa thoros.  
 Quin & mansit amor: soliti mansere calores:  
 Absentis meminit nostra puella viri.  
 Multa tamen timeo: tu multa ignosce timent.  
 Hei mihi pars nostro nulla timore vacat.  
 Ah quoties vereor, dum picta per arua vagaris:

Dum



Dum rutilæ texis florida ferta comæ:  
 Ne ruat è summis in te Saturnius astris:  
 Sis'ne alij cui uis grata rapina deo.  
 Presit Amimonen medijs Neptunus in aruis:  
 Dum premeret summum virginis urna caput.  
 In medijs Io campis perpeffa tonantem est:  
 Horridaq; hirsuta cornua fronte tulit.  
 Hinc quoq; tartareo raptam Deoida curru  
 Abstulit infernus in sua regna pater.  
 Sydonis errabat nitidos Europa per agros:  
 Cum medium ficto per mare vecta bone est.  
 Non tamen hos tantum causantur prata timores:  
 Hei mihi quàm multos dat quoq; sylua metus?  
 Hic habitant Satyriq; & agrestia numina Panes:  
 Et timor errantum Faunus Hamadriadum.  
 Hic versa in virides Daphne peneia frondes:  
 Hic fera mutato Parrhasis ore fuit.  
 Hic & semicaper spreta Nonacrius Aegla  
 Arcadicæ forma virginis incaluit.  
 Quod si tecum ijsdem pariter versarer in aruis:  
 Et domus vnanimes clauderet vna duos.  
 Non ego cœlicolum fraudes, non furtâ timerem:  
 Vndique me socio Gellia tuta fores.  
 Si versa est Daphne: Sicula Proserpina ab Aethna  
 Si vecta est stygijs in noua regna rotis:  
 Quid mirum? facile est deceptas fraude puellas  
 Fallere, nullius quas tueatur Amor.  
 Ipse ego perpetuo tecum mea vita manerem:  
 Sic possem nullos extimuisse deos.  
 Sæpe pererrabat tacitos Atalanta recessus:  
 Tuta tamen fido Mimalione fuit.  
 Cingeret obsessos seu curua indagine colles:  
 Seu cuperet seuas cominus ire feras:  
 Hærebat lateri semper comes ille: nec vnquam  
 A domina lato longius vngue fuit.  
 Ergo huic non summi fraudes nocuere tonantis:  
 Inq; suo nullos sensit amore dolos.  
 Sic ego per sylvas tecum, & per prata vagarer:  
 Grata essent sine te gaudia nulla mihi.  
 Nunc pariter nitida recubare iuuaret in vmbra:  
 Naugerij. g Et capere

Et sapere in viridi somnia grata thoro.  
 Nunc pariter nuda fontes inuadere fura:  
 Torrida dum siccus finderet arua canis.  
 Sapius in syluis lepores captare fugaces:  
 Et volucres fictis fallere carminibus.  
 Sapius in denso conuicia dicere luco:  
 Et madidas uerno flore ligare comas.  
 Sapius umbroso choreas ductare sub antro,  
 Cum daret agrestes tibia pulsa sonos.  
 Ah quoties tales inter mea Gellia lusus  
 Inijcerem cupidas in tua colla manus:  
 Dulciaq; è roseis furarer basia labris,  
 Basia mi cunctis anteferenda bonus.  
 O niueam, siqua hæc referet mihi gaudia, lucem:  
 Grator optatis non erit vlla meis.  
 Semper Erythræis signabitur illa lapillis:  
 Semper erit sacros inter habenda dies.  
 Nunc, quoniam tecum me non licet esse, caucto  
 Mutuus extincto ne cadat igne calor.

I O L A S.

Pascite oues teneras herbas per pabula læta,  
 Pascite, nec plenis ignauæ parcite campis:  
 Quantum vos tota minuetis luce, refectum  
 Fœcundo tantum per noctem rore resurget:  
 Hinc dulci distenta tumescunt vbera lacte:  
 Sufficiensq; simul fiscellæ, & mollibus agnis.  
 Tu vero vigil, atq; canum fortissime Teucon,  
 Dum pascent illæ late per prata, luporum  
 Incursum subitos, sænasq; auerte rapinas.  
 Interea hic ego muscoso prostratus in antro  
 Ipse meos solus mecum meditabor amores:  
 Atque animi curas dulci solabor auena.  
 O formosa Amarylli, nihil te absente videtur  
 Dulce mihi: nunc & nitido vere omnia rident:  
 Et vario resonant volucrum nemora auia cantu:  
 Exultim virides ludunt armenta per herbas:  
 Lasciuq; agni, infirmisq; artubus hœdi  
 Cornigeras matres per florida prata sequuntur.  
 Non tamen ista magis sine te mihi læta videntur:  
 Quam



Quàm si tristis hyems, nymbisq; rigentibus horrens  
 Agglomeret gelido canas aquilone pruinas.  
 Dulce apibus flores, riuu sitientibus herbis,  
 Gramen oui, capræ cythisus, Amaryllis Iolæ.  
 Non ego opes mihi, non cursu præuerrere ventos  
 Optarim magis, aut pecoris quodcunque per orbem est,  
 Quàm te Amarylli meis vinctam retinere lacertis:  
 Et tecum has inter vitam deducere syluas.  
 Est mihi præruptis ingens sub rupibus antrum,  
 Quod croceis hædæ circum sparsere corymbis:  
 Vestibulumq; ipsum syluestris obumbrat oliua:  
 Hanc propè fons, lapide effusus qui desilit alto,  
 Defertur rauco per læuia saxa susurro:  
 Hinc late licet immensi vasta æquora ponti  
 Despicere, & longe venientes cernere fluctus.  
 Hoc mecum simul incoleres Amarylli: simulq;  
 Mecum ageres primo pecudes in pascua sole:  
 Mecum abeunte die pecudes caua in antra vocares.  
 Sæpe etiam denso in nemore, aut conualle virenti  
 Dum tenue arguta modularer harundine carmen:  
 Tu mecum ipsa esses simul, astaresq; canenti:  
 Quin & nunc pariter caneres: nunc dulcia nostro  
 Basiaq;, & veneris misceres gaudia cantu:  
 O solum hoc superi misero concedite amanti.  
 Tum licet & rapiantur oues, rapiantur & agni,  
 Ipse tamen Cræso mihi ditior esse videbor.  
 Mollibus in pratis Lycidæ post Daphnidis hortos,  
 Purpureos flores texenda inserta legebas:  
 Cum te succincta tunica, fuscisq; capillis,  
 Et vidi simul, & totis simul ossibus arsi.  
 Ponè sequebatur Gorge soror, & tamen audax  
 Acceßi: sumq; ipse meos tibi fassus amores.  
 Risißti, & sertum, nitida quod fronte gerebas,  
 Tanquam ex se cecidißet humi, iecißti, abiensq;  
 Liquißti, aduertens collegi protinus ipse:  
 Seruauiq;, & adhuc tanquam tua munera seruo.  
 Et quamuis dudum folijs languentibus aret:  
 Non tamen est sertum quicquam mihi charius illo.  
 Ex illo, semperq; fui tibi deditus vni,  
 Pulchraq; nulla meis oculis te præter habetur.

Sæpe mihi Alcippe vicina & munera misit :  
 Et dixit , formosæ puer , quæ munera mittit ,  
 Mittit & ipsum animum : tu & munera suscipe , & illum .  
 Sed potius Amarylli alio quàm tangar amore ,  
 Sudabunt humiles flauentia mella genistæ :  
 Et molles violæ dura nascentur in orno :  
 Incultiq; ferent candentia lilia vepres .  
 Et mœstis vlulæ cadet philomela querelis .  
 Quantum ver formosum hyeme est incundius atra :  
 Quantum mite pirum sorbis est dulcius ipsis :  
 Quantum hirsuta capella suo setosior hoedo :  
 Quantum nocturnis obscuri vespers umbris ,  
 Puniceo exurgens aurora nitentior ortu est :  
 Tantum Amarylli alijs mihi charior ipsa puellis .  
 Hæ testes mihi sunt syluæ , vicinaq; syluis  
 Populus hæc : cuius tale est in cortice carmen .  
 Vellera cum setis aries mutarit , & hyrcus  
 Velleribus setas , Amaryllida linquet Iolas .  
 Sed nos dum longum canimus , iam roscida luna  
 Apparet cœlo : & rapidus deferbuit ardor  
 Demerso iam sole : tamen miser ardet Iolas .  
 Nimirum nostros nequeunt lenire calores ,  
 Nec quæcunque rigent Rhyphæo in monte pruinæ ,  
 Nec quæcunque simul gelido durantur in Hebro :  
 Fors tamen hos illa ipsa , potest quæ sola , lenabit .  
 Sperando interea duos solabimur ignes .  
 At vos , ne sero dum nox insurgit Olympo ,  
 Præsidio umbrarum fretus malus ingruat hostis ,  
 Iam pastri secura greges in ouilia abite .

Quam tibi nunc Iani donamus Hyella calendis  
 Exprimit hæc vultus parua tabella meos :  
 Nulla fuit cuiquam similis mage , pallet imago ,  
 Assiduus nostro pallor in ore sedet .  
 Est excors : sine corde & ego , quod pectore nostro  
 Ipse amor ereptum sub tua iura dedit .  
 Non loquitur , mihi sic tua cum datur ora tueri :  
 Torpet nescio quo lingua retenta metu :  
 Vnum dissimile est nobis : foelicior vno est  
 Tam sæua quod non vritur illa face .



Quod si etiam vretur, tuo enim sub lumine quicquam  
 Illæsum flammis non licet ire tuis:  
 Non ut ego assiduo infœlix torrebitur igne:  
 In cinerem primo corruet illa foco.

Beate somne, nocte qui hesternæ mihi  
 Tot attulisti gaudia:  
 Utinam deorum rector ille cœlitum  
 Te è cœtu eorum miserit:  
 Quæ sæpius mortalibus vera assolent  
 Mitti futuri nuntia.  
 Tu, quæ furenti surdior freto meas  
 Superba contemnit preces:  
 Facilem Neæram præbuiisti: quin mihi  
 Mille obtulit sponte oscula:  
 Oscula, quæ Hymeti dulciora sint fauis:  
 Quæ suauiora nectare.  
 Vere beate somne, quod si sæpius  
 His diue me afficias bonis:  
 Fœlicior cœlestibus Deis ero,  
 Summo nec inferior Ioue.  
 At tu proterua quolibet fuge: eripe  
 Complexibus te te meis:  
 Si somnus iste me frequens reuiserit:  
 Tenebo te, inuitam licet.  
 Quin dura sis, sis quamlibet ferox: eris  
 Et mitis, & facilis tamen.

CANALE optime, tuq; BEMBE, nostri  
 Amantissimi Vtrique, amati Vtrique  
 A me non minus atque Vtrique ocelli,  
 Quid rerum geritis? valetis? atque  
 Absentis memores sodalis estis?  
 Quid vestra faciunt bonæ camœnæ?  
 Scripserunt ne aliquid noui, meum post  
 Discessum? puto: nanque quicquid oci  
 Per vestras datur occupationes,  
 Id vos in studijs bonis locatis.  
 Ad me mittite siquid adidistis,  
 Oro: nec socium bonum negate

Vestri

Vestri participem leporis esse.  
 Sed quid cum Venere ipsa, amoribusq;  
 Quàm vobis bene conuenit? caletis?  
 Amatis ne? dei deæq; faxint  
 Et fœliciter, & bene ipsi ametis,  
 Quamq; ego leniusq; leniusq;.  
 Heu heu me miserum mei sodales  
 Quàm sæuo teneor furore: quàm mi  
 Totus, quàm grauis incubat Cupido.  
 Non quod non amer: intimis medullis  
 Ardet me mea Hyella, perditæq;  
 Quantum quid pote perditissimum esse.  
 Verum hoc me excruciat magis: potiri  
 Mea nam vetitum mihi puella.  
 Quod si quando licet: nihil lenatur,  
 Sed ferus magis excitatur ardor:  
 Nam cum nec saturum recedat inde  
 Cor mi: nec furor expleatur vnquam  
 Charis basiolis, papillulisq;,  
 Atque his, qui miserum necant, ocellis:  
 Augescit magis, & magis. quid heu heu  
 Aduerso paterer deo, atque iniquo:  
 Si hæc incommoda sunt secundo amore?

Quamuis te peream æque Hyella totam:  
 Nec pars sit mea lux tui vlla, quæ me  
 Sæuo non penitus perurat igne:  
 Fulgentes tamen illi, amabilesq;  
 Illi, syderibus pares ocelli  
 Nostri maxima causa sunt furoris.  
 O chari nimis, o benigni ocelli,  
 O dulci mihi melle dulciores,  
 Quando vos misero mihi licebit  
 Vsq; ad millia millies trecenta,  
 Aut vltra hæc etiam, suauari?  
 Di concedite mi, hoc misello amanti:  
 Dein nil graue perpeti recuso:  
 Quin & si peream, lubens peribo.

Dispeream nisi tu vita mihi charior ipsa,

Atque



Atque anima, atque oculis es mea Hyella meis.  
 Dispeream nisi ego vita tibi charior ipsa,  
 Atque anima, atque oculis sum mea Hyella tuis.  
 Nec satis hoc: vellem pote quicquam his esset haberi  
 Charius, ut posses charior esse mihi.  
 Tu quoque idem velles, pote quicquam his esset haberi  
 Charius, ut possem charior esse tibi.  
 Difacite hæc longos concordia duret in annos,  
 Tamq; bonos mutant secula nulla animos.

Iam cœli reseat fores  
 Aurato è thalamo exiens  
 Mater Memnonis, & diem  
 Læto pronocat ore.  
 Nos te maxime maximi  
 Minister canimus patris:  
 Quo nullus qui hominum genus  
 Iam præsens iuuet, vsquam est.  
 Tu nostras celer ad preces,  
 Aures protinus ad Deum has  
 Defers: nec tenues sinis  
 Euanescere in auras.

Tu, dum fers noua nuntia  
 VIRGINI ætherio patri  
 Dilectæ, quibus indicas  
 Magni vota tonantis:

Nobis fers noua nuntia:  
 Quis è faucibus impij  
 Erepti hostis, in aurea  
 Cœli templa vocamur.  
 Adsis ò bone: & in dies  
 Semper nos propius iuua:  
 Nec patrocínio tuo  
 Vnquam mitte tueri.

Vrbs, quam vetusto vectus ab Illo  
 Post fata Troum tristia, post graues  
 Tot patriæ exhaustos iniquo  
 Tempore, tot pelago labores,  
 Ducente demum Pallade, qua rapax

Cultos per agros Medoacus fluit,  
 Dijs fretus Antenor secundis  
 Condidit, Euganeis in oris.  
 Tu nuper flos, & decus Urbium,  
 Quasunque tellus Itala continet:  
 Magnas tot artes, tot virorum  
 Ingenia, & studia vna alebas,  
 Te septicornis Danubij accola,  
 Te fulua potant flumina qui Tagi,  
 Longeq; semoti Britannii  
 Cultum animi ad capiendum adibant.  
 At nunc, acerbi heu seua necestitas  
 Fati, seueras vt pateris vices:  
 Vt te ipse vastatam vel hosti  
 Conspicio miserandam iniquo.  
 Quid culta tot pomaria conquerar?  
 Tot pulchra flammis hausta suburbia?  
 Quid glande deturbata athena  
 Moenia? praecipitemq; sani  
 Mauortis iram? bellaq; persequar  
 Horrenda? squammis ille adamantinis,  
 Ferroq; consertam rigenti  
 Induerat clamydem trilicem.  
 Fremensq;, & atrum lethifera manu  
 Telum coruscans, secum odia, & necis  
 Contemptum, & insanos tumultus,  
 Secum animos, rabiemq; agebat.  
 Ille vrbe ab imis sedibus eruta  
 Impleisset omnes funeribus domos:  
 Non ille vel sexu, vel vltro  
 Efferus abstinuisset auro.  
 Qui modo ingentes animo parabam  
 BEMBE bellorum strepitusq;, & arma  
 Scribere, hoc vix exiguo male audax  
 carmine serpo.  
 Nempe amor magnos violentus ausus  
 Fregit iratus: velut hic tonantem  
 Cogit, & fulmen trifidum rubenti  
 ponere dextra.



Sic eat, fors & sua laus sequetur  
 Candidæ vultus Lalages canentem, &  
 Purius claro radiantis astro  
 frontis honores.

Nota Lesboæ lyra blanda Sapphus:  
 Notus Alcæi Lycus, altiori  
 Scripserit quamvis animosum Homerus  
 pectine Achillem.

Dia Tithoni senioris vxor,  
 Quæ diem vultu radiante pandis:  
 Cum genas effers roseas rubenti  
 præuia soli:  
 Roscidos vt nunc per agros vagari  
 Sub tuo aduentu iuuat: & recenteis,  
 Quæ tuos semper comitantur axes,  
 excipere auras.

Sicca iam sæuus calor vret arua:  
 Iam vagi aurarum lenium silefcent  
 Spiritus: iam sol rapidus furentes  
 exeret ignes.

Dum licet, læti simul ite amantes:  
 Dum licet, molles pariter puellæ  
 Ite, flauentes vario capillos  
 nectite ferto.

Nunc simul telis positis amores  
 Matris hærentes lateri, & decentes  
 Gratia plenos referunt refecto  
 flore quasillos.

Per feros saltus, per iniqua lustra  
 Vndique occultas agitans latebras  
 Fertur, & syluas varia ferarum  
 strage cruentat,

Clara Latonæ soboles: nitenti  
 Huic comæ in nodum religantur auro:  
 Pendet aurata ex humeris pharetra:  
 pendet & arcus.

Circum eunt nymphæ simul: illa cursu  
 Gaudet effusos agitare cernuos:

Naugerij.

b

Hanc

A N D. N A V G.

*Hanc inuāt certis iaculis fugaces  
figere lyncas.  
Nunc ab vmbroso simul esculeto  
Daulias late queritur: querelas  
Consonum circa nemus, & iocosa  
reddit imago.*

*Nil tecum mihi iam Phœbe est, nil Nox mihi tecum:  
A vobis non est nox ue, dies ue mihi.  
Quantum ad me, vt libet, auricomo Sol igneus axe  
Exeat eo & Thethyos è gremio:  
Vt libet, inducat tacitas Nox atra tenebras:  
Fert mihi noctem oculis, fert mihi Hyella diem.  
Nam quoties à me nitidos auertit ocellos:  
Ipsa in luce etiam nox tenebrosa premit.  
At quoties in me nitidos conuertit ocellos  
Candida & in media fit mihi nocte dies.*

*Diua, quæ has cœli generatim in auras  
Cuncta producis: cupidumq; amorem  
Vndique infundens, facis, vt perenne  
sœcla propagent:  
Qua nihil latum sine, amabile est nil:  
Nilq; incundum: sine qua nec ipsa  
Gratæ erunt cuiquam Charites, nec ipsa  
blanda voluptas:  
Dum tibi latus reparatur orbis:  
Dum per herbosos pecus omne campos  
Vim tuam sentit: tibi plaudit omnis  
Diua volucris:  
Dum nihil, quamuis rigidum, feroxq; est,  
Ossibus quod non penitus sub imis  
Sit tua tactum face: quod tuos non  
sentiāt ignes:  
Vna erit flammæ, & amoris expers?  
Vna secura his Lalage resistet?  
Tange age Vltrici Dea, pertinacem  
tange flagello.  
Quod si ita tanges, fera vt obstinatum  
Applicet nostris animum querelis,*



*Nec preces ultra miseras, superba  
negligat aure:*

*Conferam latam tibi Diva myrtum,  
Vancius qua se rosifer revoluit:*

*Hanc mero supplex, niveo & rigabo  
lacte quotannis.*

*Hanc & immista pueris puella*

*Circum agent latas pariter choreas:*

*Teq; prima vnam, simul vltima vnam  
voce canent te.*

*Te canent vnam, volucremq; natum:*

*Qui ferox, duro & similis parenti,*

*Acer & flamma est, & agente certum  
cuspide vulnus.*

*Spargam odoratas violas, rosasq;*

*Ipse ego, voti; reus secabo*

*Grata torquatæ ante tuas columbæ  
guttura flammæ.*

*Borgettus lepidus catellus ille,*

*Cuius blanditias proteruioribus,*

*Et lusus herus ipse tantum amabat,*

*Quantum tale aliquid potest amari.*

*Nec mirum dominum suum ipse norat,*

*Charam bima velut puella matrem:*

*Et nunc illius in sinu latebat:*

*Nunc blande assiliebat huc & illuc*

*Ludens, atque avido appetebat ore,*

*Erectis modo cruribus, bipesq; ,*

*Mensæ astabat herili, heroq; ab ipso*

*Latratu tenero cibum petebat.*

*Nunc raptus rapido maloq; fato*

*Ad manes abiit tenebricosos,*

*Miselle ò canis, ò miser catelle*

*Nigras paruulus ut timebis umbras:*

*Ut sepe & dominum tuum requires:*

*Cui pro delitijs, iocisq; longum*

*Hæu desiderium tui relinquis.*

*Vos mihi nunc magnos partus, ortusq; beatos*

*h ij Fœlicis*

Foelicitis pueri, quo pinguia culta vetusti  
 NAONI S exultant, quo Carnia tota superbit:  
 Dicite pierides. vos illum è matre cadentem  
 Exceptisq; sinu: & vestris fouistis in vlnis:  
 Et teneram molli cinxistis baccare frontem.  
 Nec vero vos tantum has accessistis adoras,  
 Nec solæ venistis adhæc vos munera musæ:  
 Affuit ipsa etiam pariter, spagensq; salubres  
 Pyxidos arcanæ succos, partusq; dolores  
 Lenijt: & matrem foetu Lucina lenauit.  
 Affuit Idalio veniens è colle Dione:  
 Nectare odorato crines perfusa fluentes.  
 Assuetæq; leues Charites ducere choreas.  
 Hæ simul ambrosia puerum lauere liquenti:  
 Et paruas tenui cunas strauere lygistro.  
 Venit & undifluus properans Naucelus ab antris:  
 Quem propè cœruleo è fluctu formosa Metune  
 Ibat: eos circum violasq; rosasq; rubentes  
 Vimineis nymphæ calathis, &serta ferebant  
 Purpureo è narcisso, eq; auricomo chrysantho.  
 Quæ postquam totas passim sparsere per ædes:  
 Incundoq; domus late fragrauit odore:  
 Protinus ecce Iouis magni de limine parca,  
 Antiquæ parca, niueo queis corpora amictu,  
 Canaq; chaonia velantur tempora quercu.  
 Hæ postquam & matrem complexa, & fronte serena  
 Oscula iunxerunt paruo foelicia nato:  
 Candida versato torquentes vellera fuso,  
 Fatidico tales fuderunt pectore voces:  
 O fausto nimium cœlo, diuisq; benignis,  
 Nate puer, cresce, & dulces solare parentes:  
 Et fatis letare tuis. tuq; optima mater,  
 Tuq; boni genitor pueri, quos omine dextro  
 Castus Hymen quondam thalamo sociauit in vno:  
 Accipite hæc latis animis, neu posse moueri  
 Credite quæ vero concordēs ore canemus.  
 Qualis in aprico se tollit amaracus horto:  
 Quam studio solers omni formosa puella  
 Ipsa suos alit in lusus: & lenibus vndis  
 Irrigat: illa lenis paulatim surgit in auras  
 Pulchrrior:



*Pulchrior: & dulcem late diffundit odorem.*  
*Sic puer augeſcens primo ſe tollet in æuo:*  
*Nec ſe quiſquam illi formoſo conferet ore.*  
*Mox ubi iam validus teneris exceſſerit annis:*  
*Tunc illum ſacras artes, doctæq; docebunt*  
*Aonides, princepsq; chori formoſus Apollo.*  
*Illi & diuini latices Aganippidos vnde,*  
*Et virides Hemi ſaltus, Pindiq; patebunt.*  
*Mars quoq; bellipotens ſimul, & Tritonia virgo*  
*Muneribus bellorum, & ſæuis inſtruet armis.*  
*Doctior hand illo quiſquam ſeu cominus enſe,*  
*Seu ſit opus valida concurrere longius haſta:*  
*Sine inflectere equum, atq; artē compescere habenis:*  
*Seu libeat laxare, & aperto currere campo.*  
*O quoties medio feruentem in turbine belli*  
*Conuerſæ fugient acies: at percitus ille*  
*Obuia quæq; metet in feſto corpora ferro.*  
*Non ſecus ac præceps hyberno flumine torrens,*  
*Cum tumidus late, ac pluuijs hyemalibus auctus*  
*Proruit aduerſas in ſano vortice ſylvas:*  
*Obſtantesq; trahit ripas: camposq; per omnes*  
*Cum ſonitu ruit: & rapido rotat omnia fluctu.*  
*Fortunate puer: nunquam non victor in hoſtem*  
*Bella geres: magniq; æquabis facta PARENTIS.*  
*Ille olim magnos Gallorum ſtrauit acervos:*  
*Italaq; hoſtili manarunt arua cruore:*  
*Tum, cum caſa virum ſerpens per corpora Liris*  
*Aequoreas curſum vix tandem inuenit in vndas.*  
*Ille idem gelida cum gens immanis ab arcto*  
*Auſonios paſſim ſe ſe effuſiſſet in agros:*  
*Audaces animos ingenti ſtrage repreſſit:*  
*Alpinasq; nives Germano ſanguine tinxit.*  
*Nunc quoq; fallaces abrupto ſœdere Gallos*  
*In latios iterum fines, prædamq; ruentes*  
*Proteret: & victos (diuinis credite parcis)*  
*Italia expellet: cœloq; æquabit honores.*  
*At tu ſiqua tuo reſtabunt bella parenti:*  
*Auſoniam in ſenſo nec dum pacarit ab hoſte:*  
*Ipſe tua fidens animi virtute ſubibis*  
*Hæc primum: mox externas egreſſus in oras*  
Implebis

## A N D. N A V G.

Implebis totum factis audacibus orbem,  
 Te duce & Ausonia rursum rediuiua resurget  
 Gloria: & antiquum late victricibus armis  
 Reddetur Latio imperium. tua signa timebunt  
 Vnà omnes passim populi, quaq; incidit alto  
 Aequore, & oceano feruentes abluit axes,  
 Quaq; coloratis effert se Phœbus ab Indis.  
 Tum demum placida contentus pace quiesces:  
 Sæuq; mitescet posito discordia ferro.  
 Aurea tum veniet sæclis melioribus ætas:  
 Fœlicesq; anni, & Saturnia regna redibunt:  
 Tum pax alma colet terras, Astreaq; virgo:  
 Immersumq; gemet stygio scelus omne baratro.  
 Fœlices, qui tam lato nascentur in æuo.  
 Tu vero ante alias superis gratissima tellus,  
 Quam tanto Diuum genitor dignatur alumino,  
 Tu nitidas passim fruges, arbusta q; læta,  
 Sponte tua, nulloq; hominum cogente labore  
 Produces: humiles sudabunt mella genistæ:  
 Incultiq; ferent candentia lilia vepres:  
 Finierant parca. tum Iuppiter æthere ab alto  
 Intonuit læuum: & cœli de parte serena  
 Perspicuus multo fulgor cum lumine fulsit.

### E X P H I L E M O N E.

Siquid remedi lacrymæ afferrent malis:  
 Minorq; semper fieret lugenti dolor:  
 Auro parandæ lacrymæ nobis forent.  
 Sed nil here istæc profunt: res ipsæ nihil  
 Mouentur istis: siue tu semper fleas,  
 Seu nunquam, eandem pergere insistent viam.  
 Quid his inuamur ergo? nil certe: at dolor  
 Vt ipsa fructus arbor, sic lacrymas habet.

### E X M A E N A N D R O.

Nam si te alumne genitrix cum peperit tua  
 Hac sorte es vnus omnium in lucem editus:  
 Tibi cuncta vt euenirent quæ velles bona:  
 Idq; annuit magnorum quispiam Deûm:  
 Iure optimo indignaris: Valde enim is tibi

Fallax



*Fallax repertus. quod, si eisdem legibus  
 Quibus nos omnes (tragicis ut verbis loquar)  
 Aequè patentem cunctis aërem trahis:  
 Ferenda sunt hæc leuius, & omnis rectius  
 Ratio habenda. deniq; hæc summa est, puta  
 Hominem esse te, quo nullum animantium omnium  
 Extolli, itemq; deprimi citius solet.  
 Ipsumq; id haud iniuria, minimarum enim  
 Id virium est: & maximis semper studet:  
 Plurimaq; secum commoda conterit cadens  
 Tu vero & magna non amisisti bona,  
 Et mediocria sunt ipsa ea, quæ pateris mala.  
 Ergo & modeste alumne quod reliquum est feras.*

*Quum ex Hispanica legatione in Italiam reuerteretur,*

*Salve cura Deûm, mundi fœlicior ora,  
 Formosæ Veneris dulces saluete recessus.  
 Ut vos post tantos animi, mentisq; labores  
 Aspicio, lustroq; libens: ut munere vestro  
 Sollicitas toto depello è pectore curas.  
 Non alijs Charites perfundunt candida lymphis  
 Corpora: non alios contexunt ferta per agros.*

*Desunt nonnulla quæ erant in litura.*

## R E G I S T R V M.

\* a b c d e f g h i k l m n o p q r s t u x y z    a a b b c c d d e e f f g g h h  
 i i k k l l m m n n o o p p q q r r s s t t u u x x y y z z    a a a b b b  
 c c c d d d e e e f f f g g g h h h i i i k k k l l l m m m n n n o o o p p p  
 q q q r r r s s s t t t u u u x x x y y y z z z & & &    a b c d e f g h.

Omnes sunt duerni præter \* et & & &, qui sunt terni.

V E N E T I I S    A P V D    H A E R E D E S

L V C A E A N T O N I I    I V N T A E,

M D L V.















Special 92-B  
22574

THE GETTY CENTER  
LIBRARY



